
საქართველოს ერქეოლოგია

*

სტალინის სახელობის
თბილისის სახელმწიფო უნივერსიტეტის გეოგრაფიკული
თბილისი — 1959

ა ვ ტ ო რ ე ბ ი :

ა. აფაქიძე

ნ. ზ. ბერძენიშვილი

ბ. გოგეჯიშვილი

ა. კალანდიაძე

ბ. ლომთათიძე

ო. ჯაფარიძე

ნ. სოსტარია

წინასიტყვაობა

წინამდებარე წიგნი წარმოადგენს საქართველოს არქეოლოგიის მთლიანი კურსის გამოცემის პირველ ცდას. მას გამოიყენებს ისტორიის ფაკულტეტის სტუდენტობა და, ამასთანავე, ფართო მკითხველი საზოგადოებრიობაც.

არქეოლოგიის სისტემატური, მთლიანი კურსი ჯერ არ შეუქმნიათ საბჭოთა არქეოლოგებს. ეს გარემოება, რა თქმა უნდა, ართულებდა წიგნის შემდგენელთა მუშაობას. ავტორები ფიქრობენ, რომ ამითაც უნდა აიხსნას რიგი ნაკლოვანებებისა, რომელიც ნაშრომში შეიძლება აღმოჩნდეს. მიუხედავად ამისა, „საქართველოს არქეოლოგია“ წარმოდგენილი სახითაც ღიდ დახმარებას გაუწევს ყველას, ვინც დაინტერესებულია ქართველი ხალხის კულტურული მემკვიდრეობის ნივთიერი ძეგლებით.

„საქართველოს არქეოლოგია“ შექმნა საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის ინსტიტუტმა, სტალინის სახელობის თბილისის სახელმწიფო უნივერსიტეტის ისტორიის ფაკულტეტთან თანამშრომლობით. წიგნის ცალკეული პარაგრაფები ეკუთვნით: ა. აფაქიძეს (შესავალი და (§ 12), ნ. ზ. ბერძენიშვილს (§§ 2, 3), გ. გობეჯიძევილს (§§ 6, 7, 9, 10), ა. კალანდაძეს (§§ 1, 8), გ. ლომთათიძეს (§§ 13, 14, 15), ო. ჯაფარიძეს (§§ 4, 5, 7), ნ. ხოშტარიას (§ 11).

წიგნის საილუსტრაციო მასალა მომზადებულია ივ. ჯავახიშვილის სახ. ისტორიის ინსტიტუტის ფოტოლაბორატორიაში. ფოტო-მასალა მოამზადეს: გ. თულაშვილმა და ი. პასომოკმა, სოლო ნასახები შეასრულეს მხატვრებმა: ა. ამბრიაშვილმა, ნ. თოფურიძემ, ვ. კანდელაკმა და კლ. კვეციანმა.

შ ე ს ა ვ ა ლ ი

არქეოლოგიური კვლევა-ძიება საქართველოში

ძველი ქართული ნივთიერი კულტურის ძეგლების დაცვისა, აღმოჩენა-შესწავლასა და შეგროვებისადმი მეცნიერულ ინტერესს იჩენდნენ საქართველოში ჯერ კიდევ XVIII საუკუნის მეორე ნახევრიდან. ასეთი ინტერესი და აღმოჩენილ ნივთიერ ძეგლთა მეცნიერული გააზრების ცდა მკაფიოდ ჩანს ცნობილი ქართველი მეცნიერის ვ ა ხ უ შ ტ ი ბ ა გ რ ა ტ ი ო ნ ი ს ნაშრომებში. მომდევნო ხანებში კიდევ უფრო გაზრდილა ეს ინტერესი და სამეფოს მეთაურთა ზრუნვის საგანიც კი გამხდარა ჩვენში აღმოჩენილი სიძველეები. ამ მხრივ დამახასიათებელია თ ე ი მ უ რ ა ზ ბ ა ტ ო ნ ი შ ვ ი ლ ი ს ცნობა იმის შესახებ, რომ უპოვნიათ „მეფობასა შინა ი რ ა კ ლ ი მ ე ო რ ი ს ა ს ა კ ე რ ბ თ-მსახურებისა ჟამსა შინა დაფლულნი მკვდარნი და ფულნი პირთა შინა დებულნი მათნი და რომელნიმე რკინისა საჭურველთაგანნი დაშთომილნი განუხრწნელად, იცვებოდეს სალაროსა შინა მეფის ირაკლისასა ტფილისს და მოსვლასა შინა ალა მაჰმადხან ყაჯრისა წაწყმედილ იქმნეს“.

ქართველ მოღვაწეთა ასეთ ინტერესს და ერეკლე მეორის სასახლეში სიძველეთსაცავეს შექმნას შედეგად მოჰყვა ცნობილ ნაქალაქართა გათხრა-გამომზეურებისა და მათ აღგილას მიწაში ჩამარხულ სიძველეთა გამოვლინების ცდები, ე. ი. ჩასახა გათხრითი არქეოლოგია. ამ მხრივ XIX საუკუნეში ყურადღებას იპყრობს ეგრისის სამეფოს ძველი დედაქალაქის (არქეოპოლისი) ნანგრევთა შესწავლას ცდა საპეგრელოს მთავრის დ ა ვ ი თ დ ა დ ი ა ნ ი ს მიერ და მის სასახლეში ძველ ნივთთა საცავ-საგანძურის შექმნა. ამასთანავე, გათხრითი არქეოლოგიის თვალსაჩინო საფეხურად უნდა მივიჩნიოთ ამ ერთი საუკუნის წინ (1852 წ.) დ. მ ე ღ ვ ი ნ ე თ უ ხ უ ც ე ს ი ს შ ვ ი ლ ი ს მიერ ჩატარებული ანტიკური და ადრეფეოდალური ხანის ნაქალაქარის — უფლსციხის არქეოლოგიური გათხრები. დ. მელვინეთუხუცესისშვილი ჯერჯერობით პირველი ქართველი მეცლევარი ჩანს, რომელმაც საგანგებოდ მოჰკიდა ხელი მშობლიური ძეგლების შესწავლას და ერთერთი უძველესი ნაქალაქარის გათხრაც კი სცადა.

XIX საუკუნის მეორე ნახევარი საქართველოში არქეოლოგიური კვლევა-ძიების შემდგომი გაძლიერების ხანაა. კიდევ უფრო იზრდება იმ ქართველ მოღვაწეთა ჯგუფი, რომლებიც ჩვენი ერის კულტურული მემკვიდრეობის უძველეს ძეგლთა შესწავლას თავის პირდაპირ მოვალეობად და პატრიოტულ საქმედ მიიჩნევენ. ასეთები იყვნენ, მაგალითად, მ. ჭილაშვილი, პ. იოსელიანი, რ. ერისთავი, დ. ბაქრაძე, ილია ქავჭავაძე, ე. თაყაიშვილი და სხვები. ეს იყო დასაწყისი ქართული არქეოლოგიური მეცნიერებისა, რომელსაც გასულ საუკუნეში უპირატესად მიწისზედა ძეგლების შესწავლათა და კვლევა-ძიებით ფარგლავდნენ.

გასული საუკუნის სამოცდაათიანი წლები საქართველოს სიძველეების შესწავლისა და გამომზეურების საქმეში თავისებურ ეტაპსა ჰქმნის; იწყება არქეოლოგიური თხრა მცხეთის მიდამოებში, მუშაობას იწყებს „კავკასიის არქეოლოგიური კომიტეტი“, კავკასიის მუზეუმი და ხორციელდება საქართველოს სამხედრო გზის გადაკეთებასთან დაკავშირებული არქეოლოგიური ზედამხედველობა. ამ დროიდან სამთავროს სამაროვანი საქვეყნოდ ცნობილი ხდება.

საქართველოს არქეოლოგიისათვის მნიშვნელოვანი იყო გადაწყვეტილება თბილისში V არქეოლოგიური ყრილობის მოწვევის შესახებ. ყრილობის მოსამზადებელი კომიტეტის საქმიანობამ, ხოლო შემდეგ, 1881 წელს თბილისში გამართულმა ყრილობამ შესამჩნევად შეუწყო ხელი საქართველოს სიძველეების შესწავლას. ინტერესი კიდევ უფრო გაძლიერდა, ამ დარგში მოღვაწეთა ჯგუფიც გამრავლდა. მეხუთე ყრილობის მონაწილეთა შორის იყვნენ ცნობილი მოღვაწეები და მეცნიერები: ა. უვაროვი, დ. ანუჩინი, ი. ტოლსტოი, რ. ვირსოვი, ვ. ტიზენჰაუზენი, დ. ბაქრაძე, ა. ცაგარელი, ი. ოქროძე დიშვილი, ა. ხახანაშვილი და სხვ. ამ დროისათვის მცხეთა უკვე აღარ წარმოადგენდა ერთადერთ ადგილს საველე სამუშაოებისათვის. გასული საუკუნის ოთხმოციანი წლებში საქართველოს სხვა არქეოლოგიურმა ძეგლებმაც მიიქციეს ყურადღება. მაშინ უკვე სახელმძღვანელო არქეოლოგი ჰენრიხ შლიმანი 1883 წელს რუსეთის არქეოლოგიურ კომისიას სთხოვდა შავი ზღვის საქართველოს სანაპიროების გათხრის ნებართვას. ჰენრიხ შლიმანის დიდი ინტერესის მაჩვენებელი ისიცაა, რომ გათხრების დაფინანსებას ის თვითონ კისრულობდა. როგორც ცნობილია, არც V ყრილობისა და არც შლიმანის სურვილები არ განხორციელებულა. საქართველოს სიძველეების მეცნიერული შესწავლა ნაკლებად აინტერესებდათ მეფის ხელისუფალთ და ადგილობრივ მოხელეებს. ეს საქმე არ გამხდარა სახელმწიფოს ზრუნვის საგანი. ისევე როგორც სხვა დარგებში, აქაც, სიძველეთა შესწავლის საქმეშიაც, მკაფიოდ ჩანდა მმართველი წრეების კოლონიალური ინტერესები. მიუხედავად ამისა, თუ შინც თვალსაჩინო რამ კეთდებოდა, ამას ქართველი ხალხი უნდა უმადლოდეს პლატონ იოსელიანის, დიმიტრი ბაქრაძის, ილია ქავჭავაძის, აკაკი წერეთლის, ექვთიმე თაყაიშვილის, ივანე ჯავახიშვილის და სხვა სახელოვან მოღვაწეთა თავდადებასა და დაუშრეტელ ენერჯიას.

როგორც ვნახეთ, ორ საუკუნეზე მეტი ხანი გავიდა მას შემდეგ, რაც საქართველოს სიძველეებმა მეცნიერთა ყურადღება მიიქცია, მაგრამ ძეგლთა გათხრა-შესწავლის გეგმაზომიერად წარმართვა, არქეოლოგიური კვლევა-ძიების ფარ-

თოდ გაშლა შესაძლო გახდა მხოლოდ საბჭოთა ხელისუფლების დამყარების შემდეგ. საბჭოთა ხანაში არქეოლოგია ჩამოყალიბდა როგორც დამოუკიდებელი ისტორიული მეცნიერება.

საბჭოთა ხელისუფლების დამყარების პირველივე წლებში შეიქმნა შესაფერისი არქეოლოგიური უჯრედები თბილისის სახელმწიფო უნივერსიტეტში, საქართველოს სახელმწიფო მუზეუმისა და საქართველოს საისტორიო-საეთნოგრაფიო საზოგადოებაში. დასაწყისში არქეოლოგიური სამუშაოები უმთავრესად საქართველოს მუზეუმში იყრიდა თავს. პირველ არქეოლოგიურ სამუშაოებში მონაწილეობდნენ: ივ. ჯავახიშვილი, გ. ჩუბინაშვილი, გ. ჩიტაია, ს. მაკალათია, ს. იორდანიშვილი და სხვ. მუზეუმში არქეოლოგიური მუშაობა ფართოდ გაიშალა მას შემდეგ, რაც უცხოეთიდან დაბრუნდა და საქართველოს მუზეუმის „წინაისტორიულ არქეოლოგიის განყოფილებას“ სათავეში ჩაუდგა გ. ნიორაძე.

საველე-არქეოლოგიურ მუშაობასთან ერთად გ. ნიორაძე ახერხებს პირველი მონოგრაფიული ნაშრომების გამოქვეყნებას („ქარსნისხევის სასაფლაო“, „ზემო ავჭალის სამარე“, „ქვემო სასირეთის განძი“ და სხვ.), რამაც ხელი შეუწყო მეცნიერული კვლევა-ძიების კიდევ უფრო გაშლას, არქეოლოგ-სპეციალისტთა ახალი კადრის გამოზრდას. ამ ხანებში გ. ნიორაძე ამთავრებს ძველიქვის ხანის ცნობილი სადგომის — დევის ხვრელის გათხრას და აქვეყნებს პირველ ქართულ მონოგრაფიას ძველიქვის ხანის ძეგლების შესახებ საქართველოში.

ამრიგად, გ. ნიორაძის მიერ და მისი ხელმძღვანელობით განხორციელებული საველე სამუშაოები, აგრეთვე გამოქვეყნებული მონოგრაფიები აშკარად მოასწავებდნენ, რომ საქართველოში უკვე გაჩნდნენ მკვლევარები, რომლებმაც თავიანთი კვლევის სპეციალურ საგნად არქეოლოგია აირჩიეს, სამეცნიერო სარბიელად კი ქართველი ერის უძველესი ნივთიერი კულტურის შესწავლა გაიხადეს. საფუძველი ჩაეყარა იმ ხარვეზის ამოვსებას, რომელსაც ასე მტკივნეულად და სამართლიანად გრძნობდა აკად. ივ. ჯავახიშვილი.

ამას მოყვა იმხანად გაშლილ მშენებლობებთან თუ მიწის სამუშაოებთან დაკავშირებული არქეოლოგიური აღმოჩენები. ამ ახალმშენებლობებმა არქეოლოგიის განვითარებაში მართალია მეტად თავისებური, მაგრამ დიდად მნიშვნელოვანი როლი შეასრულეს.

ერთერთი ასეთი მშენებლობა დაიწყო „დიდი მცხეთის“ ტერიტორიაზე. ქართველი ხალხი შეუდგა პირველი ელსადგურის — ვ. ლენინის სახელობის ზემო ავჭალის პიდროლექტროსადგურის მშენებლობას. გათხრის დროს აღმოჩენილი ძეგლები (ქვის საძარხები, კრამიტის საძარხები, ქვევრსაძარხები და სხვ.) გადადიოდა საქართველოს მუზეუმისა და საისტორიო-საეთნოგრაფიო საზოგადოების განკარგულებაში. ამ ძეგლებს სწავლობდნენ: გ. ჩიტაია, ს. მაკალათია, ს. იორდანიშვილი და შემდეგ გ. ნიორაძე. სხვა ადგილებში 1936 წლამდე განხორციელებულ სამუშაოთაგან აღსანიშნავია გათხრები სოფ. წიწამურში (გ. ნიორაძე, გ. ჩიტაია), ზემო ავჭალაში (გ. ნიორაძე), საგურამოში (ე. პიელინა), ფლავისმანში (ს. მაკალათია), დმანისში (გ. ნიორაძე), აფხაზეთში (მ. ივაშჩენკო, ს. ზამბატინი, ლ. სოლოვიოვი), იყალთოში (გ. გოზალიშვილი),

ქვემო სასირეთში (გ. ნიორაძე), ნოქალაქევი (შნაიდერი, ლ. მუსხელიშვილი, გ. გოზალიშვილი), კიკეთში (ე. პნელინა) და სხვ.

ამასთანავე, რესპუბლიკურ და სხვა რაიონულ მუზეუმებში სულ უფრო და უფრო მეტი რაოდენობით იყრიდა თავს „შემთხვევით აღმოჩენილი“ ძეგლები, რომლებიც მეტ-ნაკლებად ახასიათებდნენ ადგილობრივ ნივთიერ კულტურას ძველიქვის ხანიდან ფეოდალურ ეპოქამდე.

ასეთი იყო ქართული საბჭოთა არქეოლოგიის განვითარების პირველი ნაბიჯები. ეს ხანა შესანიშნავია არა მარტო მრავალრიცხოვანი აღმოჩენებით, არამედ იმითაც, რომ ამ პერიოდში გამოვიდა მნიშვნელოვანი ნაშრომები საქართველოს არქეოლოგიის ბევრ საკვანძო საკითხზე. ამ მხრივ აღსანიშნავია: გ. ნიორაძის, ს. მაკალათიას, ა. იესენის, ე. პნელინას, ი. ჯპირნოვის, გ. ჩუბინაშვილის, მ. ივაშჩენკოსა და ა. ბოლტუნოვას ნაშრომები, რომლებშიაც პირველად გამოქვეყნდა ძველი ქართული ნივთიერი კულტურის მრავალი ძეგლი.

ქართული საბჭოთა არქეოლოგიის განვითარებაში ახალი გარდატეხა მოხდა 1936 წელს, როდესაც ჩამოყალიბდა სსრ კავშირის მეცნიერებათა აკადემიის საქართველოს ფილიალი. ამ ფილიალის სისტემაში ყოფ. კავკასიისმცოდნეობის ინსტიტუტის საფუძველზე შეიქმნა ქართველთმცოდნეობის საკვლევაძიებო ცენტრი — ენის, ისტორიისა და მატერიალური კულტურის ინსტიტუტი (ენი-მკი). მან ქართველთმცოდნეობის სხვა დარგების მკვლევრებთან ერთად, თავი მოუყარა საქართველოს არქეოლოგიაში მომუშავე სპეციალისტებს ახლად შექმნილ არქეოლოგიის განყოფილებაში, რომელსაც შეუერთდა საქართველოს არქეოლოგიური ინსტიტუტი. ენიმკის არქეოლოგიის განყოფილებას შექმნის დღიდანვე პროფ. გ. ნიორაძე ჩაუდგა სათავეში. ამიერიდან ეს განყოფილება იქცა საქართველოში არქეოლოგიური კვლევა-ძიების ცენტრად; აქ გაშლილი საველე სამუშაოების ბრწყინვალე შედეგებმა მსოფლიო სახელი მოუპოვა საქართველოს არქეოლოგიას. აღმოჩენილი მასალები მკიდროდ დაუკავშირდა ქართველი ხალხის წარმოშობის, ქართული კულტურის ავტოქთონობის, საქართველოსა და წინა აზიის უძველესი ისტორიის პრობლემატიკას და ამ გზით ქართული არქეოლოგიის ყველაზე მნიშვნელოვანი უკანასკნელი მონაპოვარიც კი გამოყენებულ იქნა არაერთი ბუნდოვანი საკითხის გასაშუქებლად. ეს სამუშაოები ხორციელდებოდა ცნობილი ქართველი ისტორიკოსების — ივანე ჯავახიშვილისა და სიმონ ჯანაშიას საერთო ხელმძღვანელობით.

ამ დროისათვის უკვე წამოიზარდნენ სპეციალისტ-არქეოლოგთა ახალი კადრები — ივ. ჯავახიშვილის, ს. ჯანაშიას და გ. ნიორაძის მოწაფეები, რომლებმაც სპეციალური მომზადება მიიღეს უნივერსიტეტსა თუ აკადემიის ასპირანტურაში, აგრეთვე, სამეცნიერო-პრაქტიკულ მუშაობაში საქართველოს სახელმწიფო მუზეუმისა და რუსთაველისა და მისი ეპოქის მუზეუმის ხაზით.

ამრიგად, ენიმკისა და სხვა სამეცნიერო დაწესებულებათა ფართო საველე სამუშაოების განსახორციელებლად იქმნებოდა შესაფერისი სამეცნიერო ტექნიკური ბაზა, მზადდებოდნენ სპეციალისტ-არქეოლოგთა კადრები. ასეთი იყო ეს საფუძველი, რომელმაც 1936 — 1937 წლისათვის შესაძლო გახადა საველე არქეოლოგიური მუშაობის გეგმაზომიერი გაშლა.

მნიშვნელოვანი როლი შეასრულა ჩვენი არქეოლოგიური ძეგლების შესწავლის საქმეში საქართველოს სახელმწიფო მუზეუმმა და საქართველოს სსრ მინისტრთა საბჭოს ხელოვნების სამმართველოს კულტურის ძეგლთა დაცვის განყოფილებაში, პირველ რიგში იმ რაიონებში, სადაც ახალ მშენებლობებთან დაკავშირებით ან სხვა მიზეზების გამო ქართული კულტურის პირველხარისხოვან ძეგლებს დაღუპვა ემუქრებოდა. ასეთი იყო მაგალითად, დიდი გათხრები წალკის რაიონში, ზრამის ჰიდროელექტროსადგურის მშენებლობასთან დაკავშირებით; ექსპედიცია სოფ. კლდეეთში, სამთავროს (მცხეთის) ექსპედიციის პირველი კამპანია და ა. შ.

ქართული საბჭოთა არქეოლოგიის განვითარების ამ ახალმა მეორე საფეხურმა, საყოველთაო სახელი მოუხვეჭა ქართული კულტურის ძეგლებს უმთავრესად თრიალეთისა და მცხეთის მიდამოებში წარმოებული გათხრებისა და იქ აღმოჩენილი ნივთიერი და წერილობითი ძეგლების წყალობით. ამთ გარდა, 1936 წლიდან სამამულე ომის დაწყებამდე დიდმნიშვნელოვანი აღმოჩენები იყო საქართველოს მრავალ კუთხეში. ზოგი მიწის სამუშაოებთან დაკავშირებით, მეტწილად კი სათანადო სამეცნიერო დაწესებულებათა გეგმის შესაბამისად. ამ მხრივ განსაკუთრებული მნიშვნელობისა იყო, მაგალითად, რუსთაველისა და მისი ეპოქის მუზეუმის მიერ, შოთა რუსთაველის იუბილესთან დაკავშირებით ჩატარებული გათხრები ბოლნისში (ივ. ჯავახიშვილი, გ. ჩუბინაშვილი, ლ. მუსხელიშვილი), რომლის მრავალ, დიდად მნიშვნელოვან მონაპოვართაგან გამოირჩევა 492 — 493 წლის ქართული ასომთავრული სამშენებლო წარწერა. ესაა დღემდე ცნობილი ყველაზე უძველესი ქართული წარწერა.

რუსთაველისა და მისი ეპოქის მუზეუმმა მნიშვნელოვანი საეფლე სამუშაოები ჩატარა დმანისის ნაქალაქარის შესასწავლად (ლ. მუსხელიშვილი, შ. ხიდაშელი, ვ. ჯავახიძე); გიორგი მესამის მიერ XII საუკუნის შუა ხანებში აშენებული გეგუთის სასახლის დასაზვერად და გასათხრელად (ლ. მუსხელიშვილი და სხვ.); სხალტბაშიო მღვიმის წყალსადენის ტრასის გასარკვევ-გასათხრელად (შ. ხიდაშელი) და ა. შ.

მნიშვნელოვანი სამუშაოები განახორციელა აგრეთვე ენიმკისა და საქართველოს სახელმწიფო მუზეუმის არქეოლოგიურმა ექსპედიციებმა დაბლაგომში (ბ. კუფტინი, ნ. ბერძენიშვილი, ნ. ხოშტარია), ალაზნის ველზე (გ. ნიორაძის გათხრები არხილოს კალოსთან), საფარლოში — დმანისთან (გ. ნიორაძე, გ. გობეჯიშვილი), კოლხეთის დაბლობზე — ნაოხვამუს ბორცვზე (გ. ნიორაძე, ს. მაკალათია, ა. იესენი, ა. ბოლტუნოვა), ზუგდიდთან — ოდიშში (ა. კალანდაძე), ჩხოროწყუში (ნ. ხოშტარია), ზემო რაჭაში (გ. გობეჯიშვილი), ბაქურციხეში (ა. აფაქიძე) და სხვ.

არქეოლოგიურ გათხრებსა და აღმოჩენებს მამინა აქვს მეცნიერული ღირებულება, როდესაც სპეციალისტები ძეგლების კვლევისა და გამოქვეყნებას არ აგვიანებენ, როდესაც ახლად აღმოჩენილი ძეგლი ისტორიულ წყაროდ იქცევა ხოლმე. ამ მხრივ აღსანიშნავია ის დიდი მუშაობა, რომელიც შოთა რუსთაველის ეპოქის ნივთიერი კულტურის ძეგლთა გამოძიებებისა და შემდეგ გამოფენისათვის განხორციელდა აკად. ივანე ჯავახიშვილის ხელმძღვანელობით. ეს

იყო პირველი და ვრცელი მეცნიერული პუბლიკაცია შუა საუკუნეების ქართული არქეოლოგიური ძეგლებისა.

დიდი საგამოფენო მუშაობა გასწიეს არქეოლოგებმა 1941 წლის თებერვლისათვის, საქართველოში საბჭოთა ხელისუფლების დამყარების 20 წლისთავზე. საზეიმო დღეებში საქართველოს სახელმწიფო მუზეუმის შენობაში გაიხსნა აკად. სიმონ ჯანაშიას ხელმძღვანელობით მოწყობილი გამოფენა „თრიალეთი და მცხეთა — უძველესი ქართული კულტურული კერები“. ეს იყო თრიალეთისა და მცხეთის შესანიშნავი არქეოლოგიური მონაპოვრის პირველი არაბეჭდური გამოქვეყნება. მას მალე მოჰყვა თრიალეთის არქეოლოგიური ექსპედიციის ხელმძღვანელის ბორის კუფტინის მონოგრაფია — „Археологические раскопки в Трიაleti“, რომლისთვისაც ავტორს, პირველს საბჭოთა არქეოლოგთაგან, სტალინური პრემია მიენიჭა.

თრიალეთის სამარხ-გორაკებში (ე. წ. ყორღანებში) ამ ოციოდე წლის წინ მთელი ბრწყინვალეობით იჩინა თავი მუაბრინჯაოს ხანის ძეგლებმა. ხრამპისის მშენებლობასთან დაკავშირებით 1936 — 1940 წლებში წარმოებულმა არქეოლოგიურმა თხრამ (ბ. კუფტინი, მ. ივაშჩენკო) ეს ქართული თემი წარმოაჩინა, როგორც ქართული კულტურის ერთერთი უძველესი კერა, რომელმაც ოქრომჭედლობისა და ტორეგტიკის უნიკალური ძეგლები შესძინა მეცნიერებას, რითაც ერთბაშად გაუთქვა სახელი ქართული კულტურის 3500 წლის წინანდელ ძეგლებს. აღმოჩენილმა ძეგლებმა სრულიად მოულოდნელად ცხადყვეს, რომ მდ. ქციის ხეობაში უკვე მაშინ არსებულა აქაურ მკვიდრთა მაღალი კულტურის კერა, თანადროული ხეთური იმპერიისა და მიტანის სამეფოს ხანისა. ასეთი მოსაზრების მტკიცე საფუძველსა ქმნიან წალკაში აღმოჩენილი ძვირფასი თვლებით მოჭდილი ოქროს თასი — სასმისი, ოქროთი გაწყობილი აქატის კულონი მსგავსი ძველი მუმერული ქალაქის ურუჯის ქურუმ-ქალის აბაბაშტის (ძვ. წ. III ათასწლეულის) კულონისა; ვერცხლის სარწყული, რომლის მთელი ზედაპირი დაფარულია სქემატურად გადმოცემულ ტყის ფონზე გამოხატული ცხოველთა ჭედური გამოსახულებებით; ორ ფრიზად გაყოფილი ჭედური გამოხატულებებით შემკულზედაპირიანი ვერცხლის თასი. ზედა ფრიზი გამოსახავს ჭაკულტო პროცესიას, რომელშიაც 23 აღამიანი მონაწილეობს. ყოველი მონაწილე სავევებით ერთნაირად არის შემოსილი — ტანზე მელიის კუდით დასრულებული კვართი, თავზე — ნილაბი და ფეხებზე — მკვეთრად გამოსახული ჭვინტიანი ფეხსაცმელი. თვითეულ მათგანს ხელში სასმისი უჭირავს. მთელი პროცესია საჯარძელში მჯდომ ქურუმისა თუ ღვთაებისკენ მიემართება. ბრინჯაოს და ოქრო-ვერცხლის განსაკვიფრებელ ნივთებთან ერთად თრიალეთის სამარხ-გორაკთა გათხრამ მოგვცა შავად მოხატული და დიდი ზვიებით შემკული მოზრდილი ღერგები, რომელთა აღმოჩენამ ცხადი გახადა, რომ ეს, თითქოს ტიპური ბერძნული ორნამენტი ბერძნული კულტურის წარმოქმნამდე გაცილებით ადრე ყოფილა საქართველოში გავრცელებული. ამან კი საფუძველი მისცა მეცნიერებს ეს მოტივი ბერძნების მიერ აღმოსავლეთიდან ნასესხებად მიეჩნიათ.

თრიალეთის სამარხ-გორაკთა გათხრამ ჩვენს ისტორიულ მეცნიერებას ძველისძველი საზოგადოებრივი ვითარების ამსახველი სურათები გამოუვლინა.

საემარისიო ითქვას, რომ შუაბრინჯაოს ხანაში მოსახლეობის უმრავლესობიდან ყოველმხრივ გამოირჩევიან გვარისა თუ ტომის ბელადები, რომლებიც ცალკე და საგანგებო ნაგებობებში იკრძალებიან მდიდრული სამარხეული ინვენტარის თანხლებით. ეს სურათი არსებითად განსხვავდება იმისაგან, რასაც უფრო აღრინდელ სამარხებში ვხვდებით. მაგალითად, ს. შაკალათიას მიერ სოფ. ტყეიაეში გათხრილ სამარხ-გორაკში სამარხის ცენტრში დაკრძალულ ბელადსა თუ წინამძღოლს მხოლოდ ლაბტის თავითა და მცირეოდენი თიხის ჭურჭლით თუ გამოვარჩევთ სხვა მიცვალებულთაგან.

ტყეიაეისა და თრიალეთის სამარხ-გორაკების გათხრისას შემჩნეული განსხვავება იმის მაჩვენებელია, რომ თრიალეთში ჩვენ ამ დროისათვის გვაქვს სოციალური განვითარების ისეთი საფეხური, რომელიც მკიდროდ უკავშირდება პირველყოფილი თემური საზოგადოების სოციალური დიფერენციაციის შემდგომ, ხანგრძლივ პროცესს, რამაც გაცილებით ადრე მიიყვანა ქართველი ტომები კლასებად დანაწილებული საზოგადოების წარმოქმნამდე.

ზემოთ აღნიშნული ცხადსა ხდის, თუ რაოდენ დიდი როლი შეასრულა თრიალეთის არქეოლოგიურმა კვლევამ ქართული კულტურის უძველესი ფენების კვლევის საქმეში. ყოველივე ამასთან ერთად, თრიალეთის აღმოჩენათა მნიშვნელობას აძლიერებს ისეთი ძეგლების გამოვლენა, რომლებიც შუაბრინჯაოს ხანის აყვავებულ კულტურას წარმოშობით აკავშირებს მის წინამორბედ—ადრებრინჯაოს ხანის კულტურასთან.

სამამულო ომის წინა წლებში წარმოებულმა არქეოლოგიურმა კვლევა-ძიებამ მკაფიოდ გვიჩვენა, რომ საქართველოს ყველა კუთხე ინახავს ხალხის კულტურული მემკვიდრეობის უძველეს ძეგლებს; მაგრამ ჯერჯერობით მაინც შეიძლება ითქვას, რომ ყველაზე საყურადღებო და მნიშვნელოვანი შედეგები გამოიღო იბერიის (ქართლის) ძველი დედაქალაქის მცხეთის ტერიტორიაზე აკად. ივ. ჯავახიშვილის და აკად. ს. ჯანაშიას ხელმძღვანელობით 1937 წლიდან განხორციელებულმა არქეოლოგიურმა გათხრებმა.

მცხეთა შემთხვევით არ ყოფილა არჩეული არქეოლოგიური კვლევა-ძიების ობიექტად. საინტორიო წყაროები საკვებით მკაფიოდ მიუთითებდნენ, რომ აღმოსავლურ-ქართული სამეფოს ძველი დედაქალაქი წარმოადგენდა საქართველოს პოლიტიკური და კულტურული ცხოვრების ადრინდელ კერას, ერთერთ უმნიშვნელოვანეს ადგილს, სადაც მოსალოდნელი იყო საქართველოს მიწა-წყალზე მოსახლე ტომთა ცხოვრების დამახასიათებელი ნივთიერი ძეგლების აღმოჩენა. წერილობით წყაროებთან ერთად საამისო საფუძველს ქმნიდნენ გასული საუკუნის არქეოლოგიური აღმოჩენები.

ამ გარემოებამ მცხეთა 1937 წლიდან აქცია ერთერთ უმნიშვნელოვანეს არქეოლოგიურ ობიექტად, სადაც, მეტ-ნაკლები ხარვეზებით, უკანასკნელ ხანებამდე გრძელდება საველე კვლევა-ძიება. მცხეთის არქეოლოგიური ექსპედიციის მუშაობის განვლილი ოცი წელი შეიძლება სამ ეტაპად დაიყოს. ამათგან ყველაზე ინტენსიური მუშაობის ხანა 1937 — 1941 წლებზე მოდის; სამამულო ომის პირველ წლებში მუშაობა შეწყდა. 1943 წელს განახლდა საველე სამუშაოები; მაგრამ შედარებით მცირე მასშტაბით; კიდევ უფრო გაფართოვდა მუშაობა მომდევნო, განსაკუთრებით 1945 — 1947 წლებში; 1948 წელს მცირე

მასშტაბის სამუშაოები განხორციელდა სამთავროს ველსა და ბაგინეთზე. ესაა მცხეთის არქეოლოგიური ექსპედიციის საველე მუშაობის მეორე ეტაპი.

მესამე ეტაპი დაიწყო 1951 წლიდან, როდესაც განახლდა სამუშაოები მცხეთის ძველ ხიდან, მდ. მტკვრის მარჯვენა ნაპირზე, მიწის სამუშაოების დროს აღმოჩენილი აკლამის შესასწავლად. აქ გათხრები წარმოებდა 1951 — 1952 წლებში; ხოლო მომდევნო წლიდან თანდათან გაიშალა მუშაობა წიწამურ-კამარახევისა (1953 წ.), სარკინე-ქალაქის (1954 — 1956 წწ.) მიდამოებში და სამთავროს ველზე (1957 წ.).

ეს პირველ ეტაპთან შედარებით მცირე მასშტაბის სადაზვერვო თუ გათხრითი სამუშაოები 1957 წელს გადაიზარდა კვლავ დიდი მასშტაბის საველე კვლევად-ძიებაში მცხეთის გარეუბნის — სამთავროს შემდგომ შესასწავლად.

მცხეთისა და მის მიდამოებში ოცი წლის მანძილზე წარმოებულმა საველე სამუშაოებმა ჩვენს საისტორიო მეცნიერებას ბევრი მეტად მნიშვნელოვანი ძეგლი გამოუმზეურა. „დიდი მცხეთის“ ტერიტორიაზე ჩატარებული არქეოლოგიური გათხრები საფუძველს გვაძლევს ვივარაუდოთ, რომ აქ, ძვ. წ. II და I ათასწლეულთა მიჯნაზე უკვე ბინადრობდა საკმაოდ ხშირი, კულტურულად დაწინაურებული მოსახლეობა. შემდეგში განვითარებამ ისეთ ღონეს მიადწია, რომ „მცხეთა ბრინჯაო-რკინის ხანაშიც ქალაქი უნდა ყოფილიყო, ამასთანავე საკმაოდ დიდი და მჭიდროდ დასახლებული“ (ივ. ჯავახიშვილი). ეს ითქმის პირველ რიგში იმ მასალების მიხედვით, რომელიც მოგვცა ძვ. წ. VIII — VII საუკუნეების მცხეთამ. ამ ხანიდან აშკარად ჩანს ხელოსნობისა და გაცვლა-გამოცვლის შემდგომი დაწინაურება, რამაც განსაკუთრებულ გაცხოველებას, როგორც აღმოჩენილი არქეოლოგიური ძეგლები მიუთითებენ, მცხეთის დედაქალაქობის ხანაში მიადწია. ყოველივე ამასთან ერთად ძველი ისტორიის საკითხების კვლევისას დიდი მნიშვნელობა აქვს ახალი არქეოლოგიური მასალებით დადგენილ კავშირს წინა აზიის, შავი ზღვის ჩრდილო სანაპიროების, ჩრდილო კავკასიასა და სხვა ქვეყნებთან. როგორც ირკვევა, ასეთი ურთიერთობა დიდი მნიშვნელობისაა, კულტურული, სავაჭრო-სააღებმცემო თუ სამხედრო ღონისძიებათა გზით ხორციელდებოდა და ამიტომ თავსებით ბუნებრივია, რომ ქართლის სამეფოს დედაქალაქის წიაღში უცხოური წარმოშობის ნივთებიც მრავლად შემონახულა. აღმოჩენილ ძეგლთა შორის საკმაო რაოდენობით მოიპოვება სამეფოს კულტურულ-ეკონომიური ცხოვრების განვითარებული დონის მაჩვენებელი ნივთები; ძეგლები, რომლებიც ქალაქის მშენებლობის მაღალ დონეზე მიუთითებენ და ქალაქის მხატვართუხუცესისა და არქიტექტორის თანამდებობის არსებობას ადასტურებენ; განვითარებულ საქალაქო სანიტარულ ნაგებობათა ქსელისა და საქალაქო საწარმოთა ნაშთებს ამჟღავნებენ; ქმნიან მკაფიო წარმოდგენას რთულ საფორტიფიკაციო ნაგებობათა მთელი სისტემის არსებობაზე და ა. შ. ამ რიგისაა მცხეთის არქეოლოგიური ექსპედიციის მიერ გათხრილი ძველი დედაქალაქის აკროპოლისი ბაგინეთის მიდამოებში, თავდაცვითი ნაგებობანი წიწამურის სერზე, არმაზისხევისა და ბაგინეთის აბანოები და წყალსადენის ქსელი, სარკინე ქალაქის ნანგრევები რკინის გამოსაწურ სახელოსნოთა ნაშთებითურთ, მავზოლეუმის ტიპის ნაგებობანი მცხეთის ძველ ხიდან და ბაგინეთზე, არმაზისხევისა და ბაგინეთის სარკოფაგები და მრავალი

სხვა, რომელთა შესახებ მკაფიო წარმოდგენის შემუშავება შესაძლებელი გახდა მხოლოდ მას შემდეგ, რაც საველე სამუშაოები დაიწყო მცხეთის არქეოლოგიურმა ექსპედიციამ.

არქეოლოგიურმა გათხრებმა მდიდარი მასალა მოგვცა ანტიკური ხანის აღმოსავლურ-ქართული ქალაქის ისტორიისათვის. გაირკვა საზოგადო სახე ქალაქისა, რომლის ცენტრს შიდაციხე ან აკროპოლისი წარმოადგენდა. ისიც ცხადი გახდა, რომ ძველ ქალაქ მცხეთას დიდი მიწა-წყალი ეჭირა და ფაქტიურად იგი რამდენიმე (მეტ-ნაკლებად ადრე დაწინაურებული) უბნის გაერთიანებას წარმოადგენდა; ასეთი უბნებია, მაგალითად, შიდაციხე, საპიტიაშო, ავჭალის კარი, წიწაშური, კოდმანი, სარკინე ქალაქი, კარსან-მუხათვერდის მიდამო, ჯვრისა და ჯაჭვის მხარე და ა. შ. ყველა ამ ნამოსახლარის გაერთიანების მეთავე ქართლი იყო, რომლის სახელი დედაქალაქმაც მიიღო და, ჩანს, სამეფომაც. როგორც ირკვევა, შედარებით გვიან იქცა ჰეგემონად საკუთრივ მცხეთა.

დედაქალაქის ცხოვრების და, საერთოდ, ქართლის სამეფოს სახელმწიფოებრივი წყობის შესასწავლად შეუდარებლად დიდი მნიშვნელობა აქვს არმაზისხევთან 1940 წელს აღმოჩენილ წარწერებს. მათი მეშვეობით შევიტყვეთ, რომ არსებული განვითარებული სამოხელეო ინსტიტუტები: დიდი მეფისა, ეზოის მოძღვრისა, პიტიაშისა და ა. შ. ამრიგად, არა მარტო ის გაირკვა, რომ ახ. წ. დასაწყისიდან ქართლის მეფეებს ყოლიათ პიტიაშები, არამედ ახალი დასაბუთება მიეცა „ქართლის ცხოვრების“ იმ ადგილს, სადაც ლაპარაკია იმის შესახებ, რომ ფარნავაზმა (ძვ. წ. IV—III სს.) „განაწესნა ერისთავნი რვანი და სპასპეტი“.

მცხეთის არქეოლოგიური ექსპედიციის მუშაობის საერთო დახასიათება არ არის ახლა ჩვენი მიზანი, მაგრამ უკვე აღნიშნულიც ცხადსა ხდის, თუ რა დიდი წვლილი შეიტანა ამ ღონისძიებამ საბჭოთა არქეოლოგიაში საზოგადოდ და საქართველოს არქეოლოგიაში განსაკუთრებით.

ამ ექსპედიციას განსაკუთრებული მნიშვნელობა ჰქონდა ჰეციალისტ არქეოლოგთა ახალი კადრების გამოზრდისათვის. საკმარისია ითქვას, რომ ქართველ საბჭოთა არქეოლოგთა ყველა წამყვანმა მუშაკმა მცხეთის არქეოლოგიური თხრობისა გაიარა პრაქტიკული, საველე მუშაობის უმნიშვნელოვანესი სკოლა. ასეთები არიან ნ. ხოშტარია, ა. კალანდაძე, გ. ლომთათიძე, გ. გობეჯიშვილი, ო. ჯაფარიძე, ტ. ჩუბინიშვილი, ე. ჯაფარიძე, დ. ქორიძე, ა. აფაქიძე და სხვ.

ისტორიის ინსტიტუტმა დიდი მუშაობა ჩაატარა აღმოჩენილ ძეგლთა შესწავლისა და გამოქვეყნების მიზართულებით. ამ მხრივ განსაკუთრებული ადგილი უკავია ოთხი ავტორის (ა. აფაქიძე, გ. გობეჯიშვილი, ა. კალანდაძე, გ. ლომთათიძე) კოლექტიურ ნაშრომს — „მცხეთა“ I, რომელშიაც განხილულია „არმაზისხევის არქეოლოგიური ძეგლები“. ეს ნაშრომი ქართულად 1955 წელს გამოვიდა, რუსულად — 1958 წელს. იგი პირველი წიგნია აკად. ს. ჯანაშიას თაოსნობით დაარსებული სერიისა „მცხეთა, არქეოლოგიური კვლევა-ძიების შედეგები“.

მცხეთაში აღმოჩენილი წარწერები დიდი ხანია მეცნიერთა ყურადღების ცენტრში მოექცა. უკვე 1941 წელს გამოქვეყნდა გიორგი წერეთლის ცნობილი

ნაშრომი „არმაზის ბილინგვა“, რომელშიაც ავტორმა ტექსტის ამოკითხვასა, თარგმნასა და ანალიზთან ერთად გააშუქა საქართველოს ძველი ისტორიის, სახელმწიფო წყობის თვალსაზრისით დიდად მნიშვნელოვანი საკითხები; ამასთანავე, გიორგი წერეთელმა სწორედ ამ ძეგლების კვლევის საფუძველზე დააყენა საკითხი ეროვნული საისტორიო წყაროების ერთი წყების რეაბილიტაციის აუცილებლობის შესახებ. შემდგომი წლების საველე კვლევა-ძიებამ არაერთი ახალი მასალა გამოავლინა გ. წერეთლის დებულების სასარგებლოდ. არმაზის წარწერებისადმი მიძღვნილმა, აკად. ა. შანიძის, პროფ. ს. ყაუხჩიშვილის, პ. ინგოროყვას და განსაკუთრებით კი გ. წერეთლის ნაშრომებმა არმაზის ეპიგრაფიკული ძეგლები საერთაშორისო სამეცნიერო სარბიელზე გაიტანა; ამ ძეგლებს უკვე ათეულობით გამოკვლევა მიეძღვნა.

ასეთი დიდი შედეგები მოგვცა ქართლის (იბერიის) ძველი დედაქალაქის — მცხეთის ტერიტორიაზე განხორციელებულმა გათხრებმა უკანასკნელი 20 წლის მანძილზე.

თრიალეთი და მცხეთა, როგორც ცნობილია, კვლავაც რჩებიან არქეოლოგიური კვლევა-ძიების თვალსაჩინო და მნიშვნელოვან ობიექტებად, მაგრამ ამ ორი კერით შემოფარგვლა, რა თქმა უნდა, მაინც ცალმხრიობა იქნებოდა. ეს აღრევე იყო გათვალისწინებული და ამ ოციოდე წლის წინ ფართო საველე კვლევა-ძიება გაიშალა საქართველოს მრავალ თემში, საფუძველი ჩაეყარა სხვადასხვა ხანის ვითარების დამახასიათებელ ძეგლთა გეგმაზომიერ თხრას. ასე, მაგალითად, შესაძლებელი გახდა არქეოლოგიური დაზვერვებისა და გათხრების ჩატარება: სამხრეთ ოსეთში (ბ. კუფტინი, ე. პჩელინა, გ. გობეჯიშვილი, ო. ჯაფარიძე, ა. კალანდაძე, ვ. ლუბინი), აფხაზეთში (ს. ნ. ზამიატაძე, მ. მეშჩანი-ნოვი, ბ. კუფტინი, ა. ლუკინი, ა. ბაშკიროვი, ლ. სოლოვიოვი, მ. ივაშჩენკო, ნ. ა. ბერძენიშვილი, ა. კალანდაძე, მ. თრაფში, ა. აფაქიძე და სხვ.), რიონის სათავეებში (გ. გობეჯიშვილი), კოლხეთის დაბლობის ცენტრალურ ნაწილში (ა. იესენი, ს. მაკალათია, გ. ნიორაძე, ა. ბალტუნოვა, ნ. ხომტარია, ა. ჟანტურია, ბ. გოგოლიშვილი და სხვ.), ალაზნის ველზე (გ. ნიორაძე, ა. აფაქიძე), თბილისში (გ. ნიორაძე, ო. ჯაფარიძე, გ. ლომთათიძე, დ. ქორიძე, ი. გძელიშვილი), რუსთავეში, თეთრიწყაროს ნადარბაზევსა და უჯარმაში (გ. ლომთათიძე), სამგორის ველზე (გ. ნიორაძე), დმანისთან (გ. ნიორაძე), ვანში (ნ. ხომტარია), ეშერში (ო. ჯაფარიძე), ტყვიავსა და დვანში (ს. მაკალათია), გელათში, სკანდენსა და შორაპანში (ს. ყაუხჩიშვილი), გრემში (ა. მამულაიშვილი), ვაშნარში (გ. გობეჯიშვილი), ხოვლეში (ნ. ა. ბერძენიშვილი), ურბნისში (გ. ლომთათიძე, პ. ზაქარაია), თეთრწყაროში (ი. გძელიშვილი, გ. გობეჯიშვილი), თორი-ლიკანის მიდამოებში (ლ. რჩეულიშვილი), საგვარჯილეში (ნ. ზ. ბერძენიშვილი), კლდეეთში (დ. ლომაძე, გ. გობეჯიშვილი, ს. მენთეშაშვილი, გ. ლომთათიძე, დ. კაპანაძე); საგარეჯოში (ვ. გოზალიშვილი, მ. ივაშჩენკო, ნ. კილაძე) და ა. შ.

ზემოჩამოთვლილ ადგილებში მოპოვებულია მდიდარი მასალა ქვედა პალეოლითიდან დაწყებული ე. წ. გვიანფეოდალურ ხანამდე; ე. ი. სპეციალისტების ხელთაა საქართველოს ახლანდელ მიწა-წყალზე ადამიანის ცხოვრების მანიშნებელი მრავალი ნივთიერი ძეგლი თითქმის მთელი ხუთასი ათასი წლის მანძილზე.

ასე შორს მოიტოვა საბჭოთა ხანის არქეოლოგიურმა კვლევამ-ძიებამ ისტორიოგრაფიის არც ისე ძველი საფეხური, როდესაც ქართული კულტურის ხანგრძლიობას კავკასიაში, სულ დიდი, ორი ათასი წლით განსაზღვრავდნენ. საერთოდ, კავკასია გვიან დასახლებულ ტერიტორიად ჰქონდათ წარმოდგენილი და ამის გამო აქ არა თუ ქვედა პალეოლითის, არამედ ბრინჯაოს ხანაზე უფრო ადრინდელი ეპოქის ძეგლების აღმოჩენასაც არ მოელოდნენ.

მაგრამ საბჭოთა პერიოდში გაშლილმა საველე-არქეოლოგიურმა კვლევა-ძიებამ საქართველოს სხვადასხვა კუთხეში უკვე მოხაზა მეტ-ნაკლებად სრული სურათი ადამიანის უწყვეტი ცხოვრებისა ძველიქვის ხანიდან. ასე მაგალითად, სადღესიოდ, საქართველოში აღმოჩენილია ქვედა პალეოლითის ხანის ადამიანის ორმოცამდე ნაბინძვარი (იაშთხვა, კოლხიდა, ბირცხა, ქუბურხინჯი, გალი, მოქეი, ილორი, აჩიგვარა, რუხი, ლაშე-ბალთა, მორგორ, ყორნისი, ჯიჯოიითი და სხვ.), ასევე მრავლადაა ზედა პალეოლითური ხანის ნაბინძვრები (დევის-ხერელი, საკაეია, საგვარჯილე, გვარჯილას-კლდე, თარო-კლდე, ხელგულის-კლდე და ა. შ.).

30-იან წლებამდე თითქმის არაფერი იყო ცნობილი ახალიქვის ხანის ძეგლების შესახებ საქართველოში. ახლა უკვე აღმოჩენილია არაერთი ნეოლითური სადგომი და შესაძლებელი ხდება იმდროინდელი მოსახლეობის ცხოვრებისა და მეურნეობის შესახებ წარმოდგენის შემუშავება. საქართველოს ნეოლითურ სადგომთაგან უნდა აღინიშნოს: ჭოფ. კისტრიკი (გუდაუთასთან — ა. ლუკინი), ურთა (ნ. ხოშტარია), ოდიში (ზუგდიდთან — ა. კალანდაძე), საგვარჯილე (ნ. ზ. ბერძენიშვილი), აგრეთვე, სოფ. საკაოს და ზნაურის რუსთავეის, თეთრამიწის, ანასეულის, აბელიის და სხვ. მასალები.

მიუხედავად იმისა, რომ ახალიქვის ხანის სადგომთაგან მხოლოდ ორია მეცნიერულად გათხრილი (ოდიში და საგვარჯილე), აღმოჩენილი მასალის შედარებამ სხვა სინქრონულ ძეგლებთან და, პირველ რიგში, ოდიშის მასალასთან, შესაძლო გახადა საქართველოს ნეოლითის საერთო ხასიათისა და ზოგიერთი თავისებურების გარკვევა. ყურადღებას იქცევს მაგალითად, სიმცირე ქვის ცულებსა, რომელთაც სატარე ნახვრეტი აქვთ. მიუხედავად ამისა, აღმოჩენილი მასალის მიხედვით შეიძლება მტკიცება, რომ აქ დადასტურებულია ნეოლითისათვის დამახასიათებელი ყველა სიახლე: იარაღის დამზადება გახეხვით, გათლითა და გაპრიალებით; იარაღის გახვრეტა და მისთვის ტარის დაგება. ყველაფერი ეს განუყრელად არის დაკავშირებული იარაღის ფორმის შეცვლასთანაც და საბოლოოდ მისი ახალ-ახალი დანიშნულების გაჩენასთან. სხვაგვარად შეუძლებელია აიხსნას ცულების, წერაქვების, კვერ-ცულების, თოხების, სახვრეტების, ხანაყების, დანების, ხელსაფქვავეების, საჭრისებისა და სხვ. აღმოჩენა საქართველოს ნეოლითურ სადგომებში.

ნეოლითური ხანის მასალები მკაფიოდ მიუთითებენ მესაქონლეობისა და მიწათმოქმედების შემდგომ დაწინაურებაზე, მეთუნეობის, რთვისა და ქსოვის საქმის შემდგომ განვითარებაზე.

ამ მასალების მეცნიერული ანალიზი შუქსა ჰყენს მაშინდელი საზოგადოებრივი წყობილების ფორმებს. ახალიქვის ხანაში საქართველოს მიწა-წყალზე მკაფიოდ ყოფილა ჩამოყალიბებული გვაროვნული საზოგადოების უძველესი

საფეხური — მატრიარქატი, რომელმაც, როგორც ჩანს, ნეოლითშივე დაასრულა განვითარება და გზა დაუთმო გვაროვნული საზოგადოების ახალ საფეხურს — პატრიარქატს.

ამრიგად, თუ ამ ოციოდე წლის წინ ჩვენ თითქმის არაფერი ვიცოდით ახალიქვის ხანის შესახებ საქართველოს მიწა-წყალზე, ახლა შესაძლო ხდება იმდროინდელი ვითარების საკმაო სრული სურათის დახატვა და წარმოდგენა გვექმნება არა მხოლოდ ნიეთიერ კულტურის, არამედ სოციალური ცხოვრების, საზოგადოებრივი წყობილების შესახებაც.

დაახლოებით 6000 წელი გვაშორებს ჩვენ იმ დროს, როდესაც საქართველოს მიწა-წყალზე მოსახლე ადამიანისათვის უმთავრესი და უმნიშვნელოვანესი ჯერ კიდევ ქვის იარაღი იყო. ამ დროიდან კი, როგორც არქეოლოგიური აღმოჩენები გვიჩვენებენ, კაცობრიობის ისტორიაში იწყება გარდატეხა — ადამიანი ეცნობა და იყენებს ლითონს; იწყება ლითონის ხანა. ჩანს, პირველი ლითონი, რომლისგანაც იარაღი გააყეთა ადამიანმა, საქართველოშიაც სპილენძი იყო. მართალია, სპილენძის იარაღმა ვერ განდევნა ქვა, მაგრამ მისი აღმოჩენით საფუძველი ჩაეყარა სპილენძის ხანას, განვითარდა ახალი, ქვის ხანის კულტურისაგან დიდად განსხვავებული, ლითონის პირველი გამოჩენის დროისათვის დამახასიათებელი კულტურა — საქართველოს ენეოლითური კულტურა. ამ ხანასთან არის დაკავშირებული მიწათმოქმედების ახალი აღმავლობა. უნდა ვივარაუდოთ, რომ უკვე ენეოლითში გადასულა ფართო მასშტაბით მიწათმოქმედება მამაკაცის ხელში, რამაც თავის მხრივ უთუოდ განაპირობა მეურნეობის ამ დარგის განვითარებისათვის აუცილებელი აღმოჩენა — ლითონის იარაღის დამზადება.

ამ ხანის ძეგლების კვლევას საქართველოში თითქმის ნახევარი საუკუნის ისტორია აქვს, მაგრამ ქართველ ტომთა სოციალურ-კულტურული განვითარების ამ საფეხურის — სპილენძ-ბრინჯაოს ხანის აღრინდელი ეტაპის ძეგლების გამოძვეურება და გამოკვლევა ასე ფართოდ ქართული საბჭოთა არქეოლოგიის ერთერთი უმთავრესი მონაპოვარია უკანასკნელი 20 წლის მანძილზე (გ. ნიორაძე, ბ. კუფტინი, ლ. სოლოვიოვი, გ. გობეჯიშვილი, ნ. ხოშტარიანი, ო. ჯაფარიძე, ალ. ჯაფახიშვილი, ს. ნადიმაშვილი, დ. ქორიძე და სხვ.).

უკანასკნელი წლების არქეოლოგიური აღმოჩენები ცხადსა ხდის, რომ სპილენძ-ბრინჯაოს ხანაში საქართველოს ტერიტორიაზე მოსახლე ტომები ყოფილან არა მარტო დიდი კულტურული მონაპოვრის მფლობელები, არამედ მისი შემქმნელნიც. განვითარებული მეტალურგია და დაწინაურებული მიწათმოქმედება მიიტანა მსოფლიო კულტურის საგანძურში საქართველომ ჯერ კიდევ იმ ხანაში.

არქეოლოგიური აღმოჩენები მცხეთაში (ივ. ჯაფახიშვილი, ს. ჯანაშია), თრიალეთში (ბ. კუფტინი, მ. ივაშჩენკო), აფხაზეთში (ა. კალანდაძე, მ. თრაფში, ო. ჯაფარიძე), საჩხერეში (ე. თაყაიშვილი, ბ. კუფტინი, ო. ჯაფარიძე) და განსაკუთრებით კი რაჭაში — მდ. რიონის სათავეებში (გ. გობეჯიშვილი) მკაფიოდ მიუთითებენ აქ მოსახლე ქართველ ტომთა სამიწათმოქმედო და სამთამადნომეტალურგული საქმიანობის დაწინაურებაზე. ამის მაჩვენებელია მრავალრიცხოვანი სამეურნეო იარაღი, ენდემურ მარცვლეულთა ნაშთები, ლითონის

მოსაპოვებლად გაკრილი მაღაროები, მადნეულის ძარღვთა ამოსატეხ-ამოსა-
ჩორკნი ხელსაწყოები, სპილენძისა და ბრინჯაოს ზოდები, ტიგელთა ნარჩენები,
იარაღთა ჩამოსასხმელი ყალიბები, თვით ჩამოსასხმელ-მეტალურგიული სახე-
ლოსნოს ნანგრევები და მრავალი სხვა დამახასიათებელი ძეგლი, რომელთა
გამომწეურება ქართული საბჭოთა არქეოლოგიის თვალსაჩინო მიღწევაა.

საქართველოს არქეოლოგიის ახლანდელი დონე საშუალებას გვაძლევს
თვალი მივადევნოთ მომდევნო ხანასაც, როდესაც აღმოჩენილ იქნა რკინის
უპირატესობა და ეს ლითონი გახდა საზოგადოებრივი ცხოვრების ახალი გარ-
დატეხის მაჩვენებელი. როგორც არქეოლოგიური აღმოჩენები მიუთითებენ,
ჩვენში ამ სამი ათასი წლის წინ კარგად იცნობდნენ რკინას და მისდევდნენ მის
შოპოვება-დამუშავებას. ბრინჯაოს ხანის მეტალურგიული ტრადიცია მომდევნო
პერიოდშიაც ჩანს შენარჩუნებული და განვითარებული. ამას მკაფიოდ აღნიშ-
ნავენ იმ დროიდან მოღწეული წერილობითი წყაროებიც.

ანტიკური ხანის ძეგლების შესწავლისას თვალსაჩინო ადგილი ეკავა ქალა-
ქებისა და საქალაქო ცხოვრების კვლევას დასავლეთ საქართველოში. ამ მხრივ
აღსანიშნავია ვანში (ნ. ხოშტარია), დაბლაგომში (ნ. ა. ბერძენიშვილი, ბ. კუფ-
ტინი, ნ. ხოშტარია), ქობულეთ-ფიჭვნარში (ნ. ხოშტარია), ურეკში (ნ. ხოშტარ-
რია), ყულეესა და ფოთში (ნ. ხოშტარია, გ. გობეჯიშვილი), სოხუმში (ა. კალან-
დაძე, მ. თრაფში), ბიჭვინთაში (ა. აფაქიძე, მ. ინაძე, ი. ციციშვილი, თ. მიქე-
ლაძე, ო. ლაშბაშიძე, რ. რამიშვილი და სხვ.) განხორციელებული არქეოლოგი-
ური სამუშაოები. მეტად მნიშვნელოვანი შედეგია მიღებული ანტიკური ხანის
ძეგლების შესწავლის მიმართულებით რაქა-ლეჩხუმში (ბრილი, შოშეთი,
კვაშხეთი და სხვ.) ისტორიის ინსტიტუტის არქეოლოგიური ექსპედიციის მიერ
გ. გობეჯიშვილის ხელმძღვანელობით.

უკანასკნელი 20 წლის მანძილზე სათანადო სამეცნიერო დაწესებულებათა
კურადლების ცენტრშია მოქცეული ფეოდალური ხანის არქეოლოგია. ამ მი-
მართულებით მუშაობა გაცხოველდა შოთა რუსთაველის „გეფხისტყაოსნის“
დაწერის 750 წლისთავისადმი მიძღვნილ საიუბილეო-საზეიმო მზადებასთან.
დაკავშირებით. იმხანად სავიწრო სამუშაოები ცნობილ ნაქალაქარებსა და სხვა
განსაკუთრებით მნიშვნელოვან პუნქტებს შეეხო (დმანისი, ბოლნისი, გუდარეხი,
სამშვილდე, გეგუთი და ა. შ.). შემდეგში, განსაკუთრებით სამამულო ომის და-
წყების დროიდან, თითქმის შეწყდა ფეოდალური ხანის ძეგლთა თხრა და განახ-
ლებულ იქნა ის უკანასკნელი ათი წლის მანძილზე. ამ სამუშაოთა განახლება
დაუკავშირდა ერთი მხრივ მშენებლობებს (თბილისი, რუსთავი, ვაშნარი), მე-
ორე მხრივ ისტორიის ინსტიტუტის ახალ პრობლემატიკას. მოეწყო ისტორიულ-
არქეოლოგიური ექსპედიციები, რომლებმაც ნაყოფიერი სავიწრო-სადაზვერავო
სამუშაოები ჩაატარა აფხაზეთში, ქვემო და ნაწილობრივ შიდა ქართლში, ივრის
ხეობაში. ამ ბოლო წლებში ფეოდალური ხანის ნასოფლარების შესწავლა ქარ-
თული საბჭოთა არქეოლოგიის დიდად საყურადღებო უბანია და ამ მხრივ
უკვე ფრიად მნიშვნელოვანი შედეგებია მიღებული (ი. გქელიშვილი, ლ. რჩელ-
იშვილი).

ნაყოფიერი და პერსპექტიულია უძველეს ნამოსახლართა, კერძოდ, ნამოსახლარ გორაკთა არქეოლოგიური შესწავლა, რომელსაც ამჟამად აკად. ნ. ა. ბერძენიშვილი ხელმძღვანელობს.

არქეოლოგიურ სამუშაოებს საბჭოთა საქართველოში არაერთი სამეცნიერო დაწესებულება აწარმოებს. ასეთებია: ივ. ჯავახიშვილის სახ. ისტორიის ინსტიტუტი, ს. ჯანაშიას სახ. საქართველოს სახელმწიფო მუზეუმი, სტალინის სახ. თბილისის სახელმწიფო უნივერსიტეტი, საქართველოს ხელოვნების სახელმწიფო მუზეუმი და აგრეთვე, აფხაზეთისა და სამხრეთ-ოსეთის სამეცნიერო-კვლევითი ინსტიტუტები. ამთ გარდა, აღსანიშნავია კულტურის ძეგლთა დაცვის სამმართველოს და თბილისის, გორის, თელავის, ჭოხუძის, ბათუმის, ფოთის, ზუგდიდის, სტალინის, რუსთავის, თეთრიწყაროს, ცაგერის, ქუთაისის და სხვ. ისტორიულ-ეთნოგრაფიული მუზეუმების მუშაობა ქართველი ხალხის კულტურული მემკვიდრეობის ნივთიერი ძეგლების კვლევა-ძიების საქმეში.

ასეთია მეტ-ნაკლებად სრული სურათი არქეოლოგიური კვლევა-ძიებისა საქართველოში. როგორც ვხედავთ, საველე-არქეოლოგიურმა მუშაობამ ფართო ხასიათი მიიღო უკანასკნელი 20—25 წლის მანძილზე. ნივთიერი კულტურის აღმოჩენილი ძეგლები საფუძველს გვაძლევენ გარკვეული წარმოდგენა შევიქმნათ საქართველოს ტერიტორიაზე მოსახლე ადამიანთა ცხოვრების შესახებ, ქვის ხანიდან ფეოდალურ ეპოქამდე. ამასთანავე, ხერხდება თვალს გადევნება საზოგადოებისა და მისი ნივთიერი კულტურის განვითარების უმთავრეს საფეხურთა მონაცვლეობაზე.

საქართველოს მიწის წიაღი განსაკუთრებულ მდგომარეობაში აღმოჩნდა იმ მხრივაც, რომ აქ იპოვეს ადამიანის მსგავს მაიმუნთა ერთერთი ახალი სახეობის — „უღაბნოელი მაიმუნის“ ნაშთები, ე. ი. გამოირკვა, რომ საქართველო ერთი იმ ქვეყანათაგანია, სადაც შესაძლოა, მიმდინარეობდა მაიმუნის გადაშინების პროცესი.

საკუთრივ ადამიანის ნაკვალევი კი, სახელდობრ, ადამიანის მიერ გაკეთებული და გამოყენებული იარაღი წინაგვაროვნული საზოგადოების ხანას, არქეოლოგიურად ქვედა პალეოლითს ანუ ძველი-ქვის ხანის ადრინდელ საფეხურს მიეკუთვნება. ეს არის ჯერჯერობით უძველესი — აშელის ხანის კაჟის იარაღები. აშელის ხანა, როგორც ვიარაუდობენ, 90 — 100 ათას წელს გრძელდებოდა, ე. ი. ყველაზე ხანგრძლივი პერიოდია ადამიანთა მოღვმის ისტორიაში. აშელის ხანის ათიორღ ნაბინავარია აღმოჩენილი საქართველოში. უფრო მდიდარია და მრავალრიცხოვანი აშელის მომღვენო ხანის, ე. წ. მუსტიეს ეპოქის მასალები. უკვე ოცზე მეტი გამოქვამული თუ ფარდულია აღმოჩენილი, სადაც მუსტიესდროინდელ ადამიანს დიდძალი იარაღი, ფაუნისა და ფლორის ნაშთები დაუტოვებია. მუსტიეს ხანის დასასრულისათვის ეყრება საფუძველი ადამიანთა საზოგადოების ერთერთ უმნიშვნელოვანეს უჯრედს — გვარს.

ამრიგად, აშელისა და მუსტიეს ხანის იარაღთა აღმოჩენა გარკვეულ წარმოდგენას გვიქმნის წინაგვაროვნული საზოგადოების შესახებ საქართველოში

და მიგვითითებს განვითარების ახალი საფეხურის — გვაროვნული საზოგადოების ჩასახვაზე. ამ ხანის დასაწყისი ჩვენი დროიდან 100 ათასი წლით არის დაშორებული და როგორც ვარაუდობენ, დაახლოებით 50 ათას წელს გრძელდება.

არქეოლოგიური აღმოჩენები მიგვითითებენ, რომ ამ 50.000 წლის წინ საქართველოში გვაროვნული საზოგადოება ჩამოყალიბებულა. არქეოლოგიურად ეს არის ზედა პალეოლითის ხანა, რომელიც 40—50 ათას წელიწადს გრძელდებოდა. ეს არის საწარმოო ძალთა ახალი განვითარების ხანა, რასაც ადამიანთა საზოგადოების თვალსაჩინო გამრავლება ემთხვევა და უკვე შეიძლება ვარაუდი მრავალრიცხოვანი ნამოსახლარებისა. საამისო საფუძველს გვაძლევს ზედა პალეოლითის მრავალრიცხოვანი ძეგლები, აღმოჩენილი საქართველოს ტერიტორიაზე. ქვის ხანის ძეგლთაგან ყველაზე უკეთ შესწავლილი და ყველაზე მრავალრიცხოვანი საქართველოში ზედა პალეოლითის ძეგლებია.

გვაროვნული საზოგადოების ახალი ეტაპი იწყება ამ 10—12 ათასი წლის წინ, როდესაც კიდევ უფრო მკაფიოდ შეიმჩნევა საწარმოო ძალთა განვითარება, უფრო სრულყოფილი ხდება ქვის იარაღი. შესაბამისად დაწინაურებული ჩანს ნადირობა, მეთევზეობა, შემგროვებლობა და საფუძველი ეყრება მიწის დამუშავებასა და ცხოველთა მოშინაურებას, ე. ი. იწყება მიწათმოქმედება და მესაქონლეობა. შენიშნულია ხელოსნობის (მეთუნეობა, ქსოვა და სხვ.) განვითარებაც, რაკი შემგროვებლობა, მიწათმოქმედება და მესაქონლეობა თანდათან დაწინაურდა, ქალის როლიც შესაბამისად გაიზარდა და ის გვარის მეთაურად იქცა, ჩამოყალიბდა გვაროვნული საზოგადოება — მატრიარქატის სახით.

ეს არის ნეოლითი ანუ ახალი ქვის ხანა. გვაროვნული საზოგადოების შემდგომი განვითარება უკვე ნეოლითის ბოლოსათვის შეიმჩნევა. მიწათმოქმედება და მესაქონლეობა მამაკაცთა შრომას მოითხოვდა და თანდათანობით მეურნეობის ეს დარგები მათ საქმედ უნდა ქცეულიყო. ეს, რა თქმა უნდა, ასუსტებდა მატრიარქატს და ქმნიდა მამამთავრულ წესზე დაყრდნობულ გვარს — მატრიარქატს. ასეთი ვითარება გრძელდებოდა ძვ. წ. მეოთხე ათასწლეულამდე, როდესაც საქართველოში მცხოვრებ ადამიანთა საზოგადოებას ლითონის უპირატესობა აღმოუჩენია და მისი გამოყენება დაუწყია.

ამ დროიდან, ე. ი. ძვ. წ. IV ათასწლეულიდან უნდა ვიანგარიშოთ სპილენძის ხანა (ე. წ. ენეოლითი) საქართველოში. ამ დროს ჩამოყალიბებული მატრიარქატი — მამამთავრული წყობაა გვარისა. საქართველოს ენეოლითური კულტურა მეურნეობისა და ხელოსნობის დიდად დაწინაურების მომასწავებელია. როგორც ჩანს, საწარმოო ძალთა სწრაფი განვითარება ამოკლებს სპილენძის ხანის ხანგრძლიობას. ძვ. წ. III ათასწლეულის მეორე ნახევარში ენეოლითის ბრინჯაოს კულტურა ენაცვლება.

საქართველო ბრინჯაოს კულტურის ერთერთი კლასიკური ქვეყანაა. არქეოლოგიური აღმოჩენები ადასტურებენ, რომ ჩვენებური ბრინჯაოს კულტურა სპილენძის (ენეოლითური) ხანის კულტურის ნიადაგზეა აღმოცენებული და განვითარებული. ჩანს, ამის გამოც არის ასე მკაფიოდ ჩამოყალიბებული ადრე-

ბრინჯაოს, შუაბრინჯაოს და გვიანბრინჯაოს საფეხურები, როგორც აღმოსავლეთ, ისე დასავლეთ საქართველოში.

საქართველოს ადრებრინჯაოს ხანის ძეგლების აბსოლუტური ხნოვანება ძვ. წ. III ათასწლეულის შუა ხანებითა და II ათასწლეულის პირველი ნახევრით განისაზღვრება, შუაბრინჯაოს ხანისა — ძვ. წ. II ათასწლეულის შუა ხანებითა და მისი მეორე ნახევრით; გვიანბრინჯაოსი — ძვ. წ. II ათასწლეულის ბოლო საუკუნეებით და I ათასწლეულის პირველ საუკუნეებით, ე. ი. ძვ. წ. XII — VIII სს.

ამ ხანებში ყალიბდება დასავლურ-ქართული და აღმოსავლურ-ქართული ბრინჯაოს კულტურა.

ძვ. წ. II ათასწლეულის ბოლო საუკუნეებში თავს იჩენს რკინა, ე. ი. იწყება ადრეული რკინის ხანა, მაგრამ აღმოჩენები გვიჩვენებენ, რომ იმ დროს ჯერ კიდევ ძალიან ფართოდ არის გავრცელებული ბრინჯაოს იარაღ-სამკაული.

ძვ. წ. VIII საუკუნიდან ბრინჯაო და სპილენძი უმთავრესად სამკაულების სახით გვხვდება, იარაღი რკინისა კეთდება, ე. ი. იწყება რკინის ფართო ათვისების ხანა.

რა თქმა უნდა, საზოგადოებრივ ცხოვრებაშიაც მნიშვნელოვანი ცვლილებებია მომხდარი. საქართველოში ინტენსიურად მიმდინარეობს ეთნოგენეზის პროცესი და ისახება უძველესი სახელმწიფო წარმონაქმნები. ძვ. წ. VI — IV — ახ. წ. III — IV საუკუნეები არის ქართული ადრემონათმფლობელური სამეფოების ხანა, რომელსაც პირობით ანტიკურ ხანას ვუწოდებთ. ამ ეპოქის არქეოლოგიური ძეგლები ეგრიძის (კოლხეთის) და ქართლის (იბერიის) სამეფოების ტერიტორიიდან მომდინარეობს და მეტწილად დაწინაურებულ საქალაქო ცხოვრებას ახასიათებს.

ახ. წ. IV და მომდევნო საუკუნეები ქართული ფეოდალიზმის ხანაა. ამ ხანის არქეოლოგიურ ძეგლთა შორის გამოიყოფა სამი უმთავრესი ჯგუფი: ა) ადრეფეოდალური (IV — X სს); ბ) შუაფეოდალური (XI — XIII სს) და გ) გვიანფეოდალური (XIII — XIX სს). ფეოდალური ხანის მასალები გვიჩვენებენ განვითარებულ საქალაქო ცხოვრებას (ხელოსნობა, ვაჭრობა, კულტურა და ხელოვნება) და წარმოდგენას გვიქმნიან ფეოდალური ხანის წასოფლარბა შესახებ.

ამრიგად, ქვედა პალეოლითი, ზედა პალეოლითი, სპილენძის ხანა (ენეოლითი), ბრინჯაოს ხანა, ადრეული რკინის ხანა, ადრემონათმფლობელური ქართლის და ეგრიძის ნივთიერი კულტურა, ფეოდალური ხანის კულტურა — ასეთია უმნიშვნელოვანესი საფეხურები, რომელთა მეტ-ნაკლებად სრული დახასიათებისათვის საქართველოში წარმოებული გათხრითი მუშაობის შედეგად მრავალრიცხოვანი და ფრიად მნიშვნელოვანი არქეოლოგიური ძეგლებია აღმოჩენილი. ქვემოთ მოცემულია ცდა ამ საფეხურთა შესაბამისი არქეოლოგიური მასალის დახასიათებისა და, ამ გზით, ქვეყნის ცხოვრების წარმოდგენისა.

ქვის ხანის არქეოლოგიური ძეგლები

§ 1. ძველა კალთოლითი

მესამე გეოლოგიური ეპოქის შუა ხანებში დიდი კავკასიონი სარმატიის ზღვის ზედაპირზე ამოზიდულ დიდ, მერიდიანულად წაგრძელებულ კუნძულს წარმოადგენდა მაშასადამე, ზღვის ქვეშ იმყოფებოდა ამიერ და იმიერ კავკასიის უმეტესი ნაწილი, ისევე როგორც საქართველოს მთელი ტერიტორია, მაღალი მთიანეთის გამოკლებით. ამ ეპოქის გასულს კი ხმელეთი იმდენად ამოიზიდა, რომ კასპიისა და შავი ზღვები სამხრეთის მხრიდან ერთიმეორეს მოსწყდნენ, მათ შორის კავკასიის ყელი გაჩნდა. მესამეული და მეოთხეული ეპოქების მიჯნაზე ამიერკავკასიისა და, კერძოდ, საქართველოში ფრიალ ხელსაყრელი პირობები შექმნილა, რათა წარმოშობილიყვნენ უმაღლესი ფორმის მაწოვრები და მათ შორის, ბოლოს, ადამიანიც. პალეოანთროპოლოგია ამტკიცებს, რომ უძველესი ადამიანები უნდა წარმოშობილიყვნენ ადამიანისმსგავს მაიმუნთა ერთი ან რამდენიმე უძველესი სახეობისაგან, რომლებიც ახლა, რა თქმა უნდა, გადაშენებულია. ასეთ სახეობებს უკუთვნიან დ რ ი ო პ ი თ ე კ ი, რ ა მ ა პ ი თ ე კ ი, ა ვ ს ტ რ ა ლ ო პ ი თ ე კ ი და სხვ., რომელთა ნაშთებს მეცნიერებამ უმეტესწილად თბილი და ცხელი ქვეყნების მიწის წიაღში მიაკვლია.

დასაშვებია, რომ ერთერთ ასეთ სახეობას უ და ბ ნ ო პ ი თ ე კ ი ან უ უ და ბ ნ ო ე ლ ი მ ა ი მ უ ო ი ც წარმოადგენდა. ეს სახელწოდება წარმოდგება საგარეჯოს რაიონის (საქართველოს სსრ) დაეთ გარეჯის უდაბნოსაგან, რომლის მიდამოებში იყო აღმოჩენილი ამ მაიმუნის ორი საძირე კბილი ქვედა ყბის ნაშთითურთ. ეს აღმოჩენა მიუთითებს, რომ საქართველოში და, საერთოდ, კავკასიაშიც შესაძლოა უძველესი ტიპის ადამიანის ჩამოყალიბების პროცესი მიმდინარეობდა. ცხადია, რომ ადამიანის წარმოშობის ეს პროცესი ხანგრძლივი იყო და იგი, ალბათ, ასეული ათასი წლების მანძილზე გრძელდებოდა.

ადამიანისმსგავს მაიმუნთა ფიზიკური და გონებრივი განვითარებისა და საბოლოოდ მათი ადამიანებად გადაქცევის პროცესში არსებითი როლი შეასრულა მიწაზე ცხოვრებამ, ორ ფეხზე ამართულად სიარულმა, ხორცეულ საჭმელზე გადასვლამ, მეტყველებამ და შრომამ. ეს უკანასკნელი კი, უნდა ვიფიქ-

რომ, დაიწყო ხელსმყოფილი საგნების (ხე, ქვა და სხვ.) მოხმარებით, მათი პირველადი დამუშავებით და, მამასადავად, პირველი იარაღების დამზადებით. რაკი ამ არსებამ შეძლო „პირველი კაჟი დანად გადაეჭია“ (ენგელსი), ამით იგი უკვე შეუდგა გამიზნულ შრომას. შრომა კი „ადამიანის მთელი სიცოცხლის ძირითადი პირობაა და მასთან იმდენად, რომ ჩვენ გარკვეული აზრით უნდა ვთქვათ: შრომამ შექმნა თვით ადამიანი“ (ენგელსი). ამ მომენტიდან დაიღო საზღვარი ადამიანისმსგავს მამიუნთა ჯოგსა და უძველეს ადამიანთა პრიმიტიულ საზოგადოებას შორის.

ადამიანთა პირვანდელი საზოგადოების ჩამოყალიბებიდან დღემდე გასულ ხანას მეცნიერები დაახლოებით 500000 წლით ანგარიშობენ. ამ ხნის განმავლობაში ადამიანმა განვითარების უდიდესი გზა განვლო. კერძოდ, საზოგადოებაში გაერთიანებულმა ადამიანებმა გაიარეს პირველყოფილ-თემური, მონათმფლობელური, ფეოდალური, კაპიტალისტური ფორმაციები, ხოლო საბჭოთა კავშირის ხალხები, მათ შორის ჩვენი რესპუბლიკის ტერიტორიაზე მოსახლენი, და სახალხო დემოკრატიის ქვეყნების მცხოვრებნი: ახლა ცხოვრობენ სოციალისტურ ფორმაციაში და წარმატებით აშენებენ კომუნისტურ საზოგადოებას.

პირველყოფილ-თემური ფორმაცია თავის მხრივ იყოფა ორ საფეხურად: წინაგვაროვნული საზოგადოება და გვაროვნული საზოგადოება, გვაროვნული თემი.

წინაგვაროვნული საზოგადოება წარმოადგენდა ადამიანთა პირველს მეტნაკლებად მსხვილ ჯგუფურ გაერთიანებას, რომელიც წარმოების, განაწილებისა და მოხმარების კოლექტიურ პრინციპზე იყო დამყარებული. სწორედ წარმოების უნარი არის ის ახალი თვისობრივი მოვლენა, რითაც ადამიანები არსებითად განსხვავდებიან ცხოველთაგან. „ადამიანთა საზოგადოების არსებითი განსხვავება ცხოველთა საზოგადოებისაგან ისაა, რომ ცხოველები უკეთეს შემთხვევაში აგროვებენ, მაშინ როდესაც ადამიანები აწარმოებენ“ (ენგელსი). მაგრამ იმისათვის, რომ ეწარმოებინათ, ადამიანებს უნდა ჰქონოდათ წარმოების საშუალებანი. ამ საშუალებებში პირველი ადგილი, ცხადია, შრომის იარაღებს უჭირავთ. პირველყოფილი ადამიანი იარაღებს ქვის, ხისა და ძელისაგან აკეთებდა. უნდა ვიფიქროთ, რომ თუ პირველ ხანებში ადამიანი ბუნებაში მზამზარეულად შეხვედრილი ჯოხით კმაცოფილდებოდა, მალე საქირო გახდა მისი მოჭრა და წამახვილება, რასაც ადამიანმა მიიღწია ბუნებრივად წამახვილებული ქვის გამოყენებით. ამგვარად, ქვა თავადაც იყო იარაღი და სხვა იარაღის წარმოების საშუალების როლშიაც გამოდიოდა. პირველყოფილი ადამიანის საწარმოო ცხოვრებაში ქვის ასეთი მნიშვნელობის გამო, საზოგადოების განვითარების ამ უძველეს და უზარმაზარ პერიოდს მეცნიერებმა ქვის ხანა უწოდეს. ქვის საუკუნე ან ქვის ხანა იყოფა ორ ძირითად პერიოდად — ძველი ქვის (პალეოლითის) ხანად და ახალი ქვის (ნეოლითის) ხანად. ძველი ქვის ხანას, თავის მხრივ, ყოფენ ქვედა ანუ ადრეულ პალეოლითად და ზედა ანუ გვიან პალეოლითად. ქვედა და ზედა პალეოლითს შორის ზოგი მეცნიერი სულ უკანასკნელ ხანებამდე გამოყოფდა შუა პალეოლითსაც. იგი მოდიოდა ძირითადად მუსტიეს ეპოქაზე, როდესაც ცხოვრობდა ნეანდერტალელი —

უძველეს ადამიანთა და გონიერ განათხარ ადამიანთა დამაკავშირებელი რგოლი, მაგრამ ახლა ასეთი შუალედი ეპოქის გამოყოფას საბჭოთა არქეოლოგების უმეტესობა არ ცნობს საჭიროდ.

საფრანგეთში ძველიქვის ხანის განვითარების მიხედვით პალეოლითს უფრო წვიროდ საფეხუხრებადაც ყოფენ. ეს საფეხუხრებია: შელი, აშელი, მუსტიე, ორინიაკი, სოლუტრე, შადლენი და აზილ-ტარდენუაზი. ამგვარი დაყოფა დღესაც ყველაზე ვარგის სამუშაო სქემად არის აღიარებული.

ზოგიერთი მეცნიერი შესაძლებლად მიიჩნევს შელის ეპოქას წინ წაუძღვაროს „ეოლითის“. (ქვის განთიადის) ეპოქა. მაგრამ მეცნიერთა უმრავლესობა უარყოფს ეოლითების უტყუარობას და სათანადო ეპოქის გამოყოფასაც ზედმეტად თვლის. სამაგიეროდ როგორც უცხოეთში, ასევე ჩვენშიც მიღებულია ე. წ. „წინაშელიური“ ეპოქა, რომლის ასაკობრივი შეფარდება სხვა განაყოფებთან მის სახელწოდებაში გამოსკვივის. იმის გამო, რომ წინაშელიური ქვის იარაღები არ იძლევა მეტ-ნაკლებად ჩამოყალიბებულ ჯგუფებს, ზოგნი ამ ეპოქას მეტად ზოგად სახელს არქეოლითს უწოდებენ.

ზემოთ მოტანილი პერიოდიზაციის პირველი სამი დანაყოფი, სახელდობრ: შელი, აშელი და მუსტიე, შეადგენს ადრეულ ანუ ქვედა პალეოლითს. იგი ყველაზე ხანგრძლივი პერიოდია ადამიანის განვითარების ისტორიაში და რამდენიმე ასიათას წელსაც ითვლის. ქვედა პალეოლითის დასაწყისში უნდა ეცხოვრათ უძველეს ადამიანებს — პითეკანთროპს (მაიმუნადადამიანს) და სინანთროპს (ჩინელ ადამიანს). ამ პერიოდის შუა და ბოლო საფეხუხრე კი ჩამოყალიბდა ძველი ადამიანის ტიპი — ნეანდერტალელი. შედარებით თბილი ჰავა, ცხოველებით მდიდარი და მცენარეული საკვებით უხვი ტყეები და ველ-მინდვრები იმ დროს ხელსაყრელ პირობებს ქმნიდნენ ადამიანის ფართოდ გავრცელებისათვის.

იმასთან დაკავშირებით, რომ გარდასულ გეოლოგიურ ეპოქათაგან ადამიანის წარმოქმნა და მისი შემდგომი ცხოვრება მხოლოდ მეოთხეულთან არის დაკავშირებული, ამ პერიოდს უკანასკნელ ხანებში სულ უფრო ხშირად ანთროპოგენის ან ანთროპოზოის პერიოდს უწოდებენ. მეოთხეულ ან ანთროპოგენურ პერიოდში გამოპყოფენ ძველმეოთხეულს ანუ პლეისტოცენს და ახალმეოთხეულს, პოლოცენს, ანუ თანამედროვე გეოლოგიურ პერიოდს. ძველმეოთხეულს, რომელზედაც თითქმის მთელი პალეოლითი მოდის, სხვაგვარად ყინვატყუალ პერიოდსაც უწოდებენ. ასეთი სახელწოდება იქიდან მოდის, რომ ამ პერიოდის ადამიანის ყოფაცხოვრებასა და მის გარემო პირობებზე დიდ გავლენას ახდენდა პოლარული ყინვატყულები, მათი პერიოდული მოძრაობანი და ამით გამოწვეული ცვლილებები ბუნებაში.

ყინვარეული მოვლენების განვითარება შეიმჩნეოდა კავკასიონის მთიანეთშიც, მაგრამ აქაური გაყინვარება არ ყოფილა ძლიერი, რის გამოც მას არსებითი ხასიათის ცვლილება კავკასიის ფიზიკურ-გეოგრაფიულ გარემოში არ შეუტანია.

როგორც ცნობილია, პენჯისა და ბრიუჯენერის მიერ ალპების მაგალითზე შემუშავებული იყო თეორია ოთხი ყინვარეული პერიოდის შესახებ. ესაა გიუნციის, მინდელის, რისისა და ვიურმის გაყინვარებანი. ამათგან საბჭოთა კავშირში გიუნციის გაყინვარების კვალი არსად არ არის დადასტურებული, დანარჩენი პერიოდების ნაკვალევი კი საკმაოდ არის წარმოდგენილი და ბევრ ადგილასაც არის მიკვლეული, მათ შორის ჩვენს ქვეყანაშიაც.

დასავლეთ საქართველოს ზღვისპირა ზოლში მინდელის ხანაში უკვე ჩამოყალიბებული იყო 100—110 მ სიმაღლის ტერასები, რომლებზედაც ვხვდებით აშელს ტიპის იარაღებს. ამდროინდელ ცხოველთა წარმომადგენლებია: სამხრეთის სპილო, ბრტყელშუბლა სპილო, ეტრუსქული მარტორქა, გარეული ცხენი, ბიზონი, ელასმოთერიუმები, გამოქვაბულის დათვი და სხვ.

მინდელ-რისის ყინულთშორისი ეპოქის პირველი ნახევარი თბილი, თითქმის სუბტროპიკული ჰავით ხასიათდებოდა. მეორე ნახევრიდან კი იწყება თანდათანობით აცივება.

რისის ეპოქა ყველაზე ხანგრძლივი იყო და ხასიათდებოდა ყინულების მაქსიმალური გავრცელებით. ამ დროს კავკასიონსაც საკმაოდ მძაფრი გაყინვარება განუცდია. ცხოველთაგან აღსანიშნავია გამოქვაბულის ლომი, დათვი და აფთარი; დიდრქიანი ირემი, ბეწვიანი მარტორქა, მამონტი. ამ უკანასკნელს სხვაგვარად ყინულოვანი პერიოდის სპილოსაც უწოდებენ.

საქართველოს შავიზღვისპირეთში რისისა და რის-ვიურმის ეპოქაში ყალიბდება 60—80 და 32—40 მეტრის სიმაღლის ტერასები, რომლებზედაც მოიპოვება მუსტიერი იარაღები. საბოლოო მორენებს ვხვდებით წებელდასა და მდ. კოდორის ხეობაში ზღვის დონიდან 350—400 მეტრის სიმაღლეზე. ისევ გვხვდება ტროგონტერიუმები და მერკის მარტორქა. ამ უკანასკნელის ნაშთები, სხვათა შორის, აღმოჩენილია წინანდალში (კახეთი) 14 მ სიღრმეზე. კახეთისავე ტერიტორიაზე — გურჯაანსა და შირაქში აღმოჩენილია სამხრეთის სპილოს კბილები და ზოგიერთი ძვლებიც.

ვიურმის გაყინვარება უკანასკნელი და თანაც სუსტი იყო. ამ დროს კავკასიონის ყინვარეულ ცენტრად იალბუზსა თვლიან. შავი ზღვის სანაპიროზე ჩამოყალიბებულია 20 მ სიმაღლის ტერასები, რომელთა ზედაპირზე მოიპოვება ქვედაპალეოლითური იარაღები.

ცხოველებიდან განაგრძობენ არსებობას მამონტი, დიდრქიანი ირემი, ჩრდილოეთის ირემი, ლემინგი, გამოქვაბულის ცხოველები (ლომი, დათვი, აფთარი) და სხვ.

ქვედაპალეოლითური ნაშთები სხვაგანაც და ჩვენშიაც დღემდე მოღწეულია კაქის, ობსიდიანის (ვულკანური მინის) და სხვა მაგარი ქვებისაგან (ბაზალტი, ანდეზიტი, კვარცი, იასპი და ა. შ.) ნაკეთები იარაღების სახით.


ქვედა პალეოლითი მოიცავს შელის, აშელისა და მუსტიეს ეპოქებს. საქართველოში მოპოვებული უძველესი იარაღები კი, როგორც ქვემოთ დავაწმუნდებით, აშელის ეპოქას განეკუთვნება. მაგრამ ეს იმას არ ნიშნავს, რომ წინააშელურ პერიოდებში აქ აღამიანს არ ეცხოვროს. და თუ ამის შესახებ ცოტა რამ ვიცით, ეს ამ მიმართულებით ჩატარებული კვლევა-ძიების არასაკმარის-




1



2



3



4



5



6



7

სობით აიხსნება. მიუხედავად ამისა, საქართველოში აღმოჩენილი აშელური და მუსტიერური იარაღები პალეოლითელი ადამიანის ნაკვალევის ერთერთ ყველაზე უძველეს მოწმობას წარმოადგენს საბჭოთა კავშირის მასშტაბით. ამ ბოლო ათეულ წლებში სომხეთში წარმოებულმა ძიებამ მნიშვნელოვნად გააფართოვა ჩვენი წარმოდგენა ამიერკავკასიის ძველიქვის ხანის შესახებ.

სომხეთში აღმოჩენილი პალეოლითური მასალებიდან ყველაზე უადრესია სატან-ი-დარის იარაღები, რომელთა შორის, ტლანქად ნაკეთები მჭრელი იარაღების გვერდით, საკმაოდ ბევრსა და კარგად გამოკვეთილ შელურ ხელცულებს ვხვდებით; უფრო მრავალრიცხოვანია აქაცა და აგრეთვე არზნიში აშელური და მუსტიერური იარაღ-ხელსაწყობები. ამგვარად, სომხეთის პალეოლითური ძეგლები, ერთი მხრივ, უტყუარ საბუთს გვაწვდიან სომხეთის პლატოზე ძველიქვის ხანის ადამიანის განსახლების დასადასტურებლად, ხოლო, მეორე მხრივ, საშუალებას გვაძლევენ მკიდროდ დავუკავშიროთ ერთიმეორეს ყირიმ-კავკასიისა და ანატოლია-სირია-პალესტინის ეს დღემდე თითქოს გათიშული კულტურული რაიონები.

ქვედაპალეოლითელი ადამიანის ნაბინაერებისა და შრომის იარაღების გავრცელებით ჩვენს ქვეყანაში დღემდე ორი ძირითადი რაიონი გამოირჩეოდა: შავი ზღვის სანაპირო (უმთავრესად აფხაზეთის ავტონომიური რესპუბლიკის ფარგლებში) და ისტორიული შიდა ქართლის ტერიტორიის ნაწილი (სამხრეთ ოსეთის ავტონომიური ოლქი — სტალინირის, ზნაურისა და ჯაენის რაიონები). ამათ შორის მოქცეული რაიონი კი, კერძოდ, კიათურისა და ქუთაისის მიდამოები ცნობილია კარსტული გამოქვაბულებით და მათში აღმოჩენილი ზედაპალეოლითური ნაშთების შემცველი კულტურული ფენების სიმძლავრით.

მაგრამ სულ უკანასკნელ წლებში წარმოებულმა კვლევა-ძიებამ მნიშვნელოვნად გააფართოვა ჩვენს ქვეყანაში ქვედაპალეოლითური ძეგლების გავრცელების არეალი.

ზემო რაჭაში და სამხრეთ ოსეთის მთიანეთში აღმოჩენილ იქნა შუაქვის — მეზოლითის ხანისა და, რაც მთავარია, აშელ-მუსტიესდროინდელი ნივთიერი კულტურის ძეგლები. ასე რომ, ამიერიდან შეგვიძლია ვიმსჯელოთ ცენტრალური კავკასიონის სამხრეთი კალთების საკმაოდ მდიდარ კულტურულ რაიონზე, რომელიც მთლიანად შეიცავს ამჟამად ჩვენთვის საინტერესო ნივთიერი ძეგლებით კარგად ცნობილ ისტორიულ შიდა ქართლს. მეორე მხრივ, ისტორიული ქვემო ქართლის მიწა-წყალზე ცნობილი გახდა სრულიად ახალი რაიონი — მდ. მდ. ხრამ-დებედის აუზი და ავეიდალის მთის მასივი, სადაც მიკვლეულ იქნა კულტურულად და ფაუნისტურად კარგად დათარიღებული გამოქვაბულები. ბოლოს, ქუთაის-კიათურის რაიონში (საკუთრივ მდ. ყვირილას ხეობაში), რომელიც უმეტესად ზედა პალეოლითით იყო ცნობილი, თავი იჩინა ქვედაპალეოლითურმა ძეგლებმა.

შავი ზღვის სანაპიროს თითქმის ყველა პუნქტი, სადაც მოაპოვება პალეოლითური ძეგლები, განფენილია საკმაოდ ფართო ზოლში გაგრიდან მდ. ენგურის შესართავამდე. სანაპიროს ეს ზოლი (სიფართო დახლოებით 25 კმ) წარმოადგენს ზღვის ტერასების გავრცელების რაიონს. კულტურული ნაშთები უმ-

თავრესად ამ ტერასების ძველ ალუვიონურ ან ხშირად დელუვიონურ ნალექებში იჩენს თავს. პალეოლითური ძეგლების გავრცელების ამ თავისებური გეოლოგიური პირობებით შავიზღვისპირეთის პალეოლითი განსხვავდება როგორც გლაციალური რაიონების (მათ შორის, რუსეთის დაბლობს) პალეოლითისაგან, სადაც კულტურული ნაშთები მეტ-ნაკლები კომპაქტური მასის სახით დელუვიონური დანალექების ქვეშაა მოქცეული, ასევე კავკასია-ყირიმის ძეგლებისაგან, სადაც ეს უკანასკნელნი უმეტესწილად გამოქვამულთა ფენებში გვხვდება. ასეთი თავისებურების გამო აქაური პალეოლითი მოკლებულია ფლორისა და ფაუნის მონაცემებს, ე. ი. ერთგვარ პალეონტოლოგიურ დასაბუთებას. ანალოგიურ პირობებშია დაგროვებული პალეოლითური ძეგლები შიდა ქართლში, აგრეთვე სომხეთში. ასეთსავე სურათს გვაძლევს ქვედაპალეოლითური იარაღების სტრატეგრაფია ცენტრალურსა და სამხრეთ-აღმოსავლეთ ანატოლიაში, პალესტინაში, ჩრდილო საფრანგეთში, ბელგისა და სამხრეთ ინგლისშიაც კი.

დასავლეთ საქართველოში შავიზღვისპირეთის ქვედაპალეოლითური სადგომები ორ ქრონოლოგიურ ჯგუფად იყოფა: ა) აშელური ეპოქის სადგომებად, რომლებიც 10 პუნქტშია აღმოჩენილი, და ბ) მუსტიეური ეპოქის სადგომებად, რომლებიც 23 ადგილას არის დადასტურებული.

აშელური ეპოქის სადგომები მიკვლეულია შემდეგ პუნქტებში: სოფ. კოლხიდა, სოფ. ქიურდარა, ქვედა იაშთხევა, ქ. სოხუმი, ბირცხა (მთა), გვარდა (მთა), აფიანჩა (მთა), სოფ. ოთაფი, ქ. გალი, სოფ. ქუბურხინჯი. მუსტიეური სადგომები კი სოფ. კელასურიში, სოფ. ბოგოვეშთაში, ქ. ოჩამჩირეში, ბზიფის გამოქვამულში, სოფ. კალდახვარაში, სოფ. ლიხნეში, ქ. გუდაუთაში, სოფ. ეშერაში, ლეჩქოფში, იაშთხევაზე, მოქეში, ილორში, აჩიგვარაში, ქ. გალში და სხვ. აქვე უნდა იქნეს დასახელებული აგრეთვე სადგომი რუხი I (ზუგდიდის რაიონი).

სხვადასხვა ეპოქის სადგომები გვხვდება სხვადასხვა გეოლოგიურ პირობებში და უკავშირდება სხვადასხვა ხნოვანების ძველ ზღვიურ და მდინარეულ ტერასებს. სანაპირო ზოლში სულ 5 ზღვიური ტერასაა, რომლებიც დაახლოებით უნდა შეესაბამებოდნენ შავი ზღვის ზედაპირის ხუთ სხვადასხვა დონეს. რომლებზედაც იგი ხუთ სხვადასხვა ეპოქაში უნდა მდგარიყო.

ამჟამად ჩვენთვის საინტერესო პერიოდის მასალები მოიპოვება: ა) აშელისა — V ტერასის თიხნარებში; ეს ტერასა ზღვის დონიდან 80—100 მ სიმაღლეზეა; ბ) მუსტიესი — უმთავრესად III ტერასის ალუვიონურ თიხნარებში; ტერასა ზღვის დონიდან 32—40 მ სიმაღლეზე მდებარეობს.

შემოაღნიშნულ 10 პუნქტში მოპოვებული და აშელთ დთარიღებულთა კაქის ინვენტარის ძირითად მასას წარმოადგენს უხეში, მასიური, ფართო და უსწორო მოყვანილობის ანატეკები, რომლებიც ჩამოტეხილია დისკოსებრი უკლექსიდან. ზოგიერთი მათგანი შემდგომი დამუშავებით უქცევიათ წვეტანად ან საფხეკად. გარდა ამისა, ქიურდარაში, იაშთხევაში, გალში, კუბურხინჯში და სხვ. აღმოჩენილია ადრეული პალეოლითისათვის.

მეტად დამახასიათებელი და იმდროისათვის თითქმის უნივერსალური ი არა-
ლები, ე. წ. ხელცულლები.

აშელურ-კლექტონურ პერიოდში ჩვეულებრივ გვხვდება დიდი, მასიური ანატექციები, რომლებზედაც შემორჩენილია საგრძნობლად ამოზნექილი დარტყმის ბორცვი. დარტყმის მოედანი ძალიან ფართოა და ანატექციის მუცლის მხარესთან ბლაგვ კუთხეს ქმნის. ზოგიერთ იარაღებზე შემორჩენილია ნუკლეუსის გათლის კვალი. საერთოდ ამ პერიოდში არ იციან იარაღის მეორადი დამუშავება, აქ უფრო მეტად იარაღის უხეშ გათლას მიმართავენ. გარდა ამ ნიშნებისა, კაქის იარაღები გამოირჩევიან ღრმა, თეთრი ან მოყვითალო პატინით.

აშელურ სადგომებს შორის ყველაზე მდიდარი და მრავალფეროვანია ი ა შ თ ხ ე ა. იგი მდებარეობს ქ. სოხუმის ჩრდილოეთით 3-3,5 კმ მანძილზე, მთა იაშთხვას ძირებზე მოთავსებულ V (80 — 100 მ სიმაღლის) ტერასაზე. აქ, სიმინდისა და თამბაქოს საყენებებში, მრავლად მოიპოვება როგორც ქვედა, აგრეთვე ზედაპალეოლითური იარაღები, მათი ნაშაბდები და ანატექცი-ანამტერეები. ყველაზე უძველესი (აშელური) ნივთიერი კულტურის ნაშთები განფენილია დელუვიონურ თიხნარსა და მის ქვეშ მდებარე ხვინჯოვანი ფენის ზედა ჰორიზონტში.

იაშთხვას სადგომის კაქის ინვენტარში გამოირჩევა შემდეგი სახეები: ფართო და მასიური ანატექციები; დიდი ტლანქი, დისკოსებრი მოყვანილობის ნუკლეუსები; მასიური საფხეკები; ორმხრივ გათლილ-გაჩორკნილი ხელცულლები, რომელთა შორის ვხვდებით ტიპურსაც და უსწორო მოყვანილობისასაც; ტლანქი მჭრელი იარაღები; უხეში, ჯერ კიდევ საბოლოოდ ჩამოუყალიბებელი, წვეტანები. უკანასკნელ სამჯგუფეში შემავალი იარაღებისათვისაც დამახასიათებელია მეტად უხეში, ორმხრივი გათლა-გაჩორკნა. გარდა ამისა, იარაღთა უმრავლესობა მთლიანი კაქრისაგან არის გამოთლილი (ტაბ. I).

იაშთხვას აშელური ეპოქის იარაღთაგან ყველაზე დამახასიათებელი მაინც ე. წ. ხელცულლებია. ხელცული ჯერ კიდევ ბუშე დე-პერტისა და გ. მორტილიეს მიერ იყო აღიარებული შელური ეპოქის უნივერსალურ იარაღად. დღევანდელი არქეოლოგიური მეცნიერებაც ტოვებს მას შელი-აშელის იარაღების ერთერთ წამყვან ფორმად, მაგრამ გასული საუკუნის მეცნიერები მას განიხილავენ, როგორც ამ პერიოდისათვის დამახასიათებელი იარაღის თითქმის ერთადერთ ტიპს. დღეს კი არანაკლები ყურადღება ეთმობა ხელცულის თანმხლებ ინვენტარსაც, რომლის რაოდენობრივი ზრდა და მსგავსი ჯგუფების სიხშირე მეტ-ნაკლებად მყარი ნიშნების მქონე ტიპოლოგიური სერიების გამოყოფის საშუალებას იძლევა. ასეთ სერიებს წარმოადგენენ იაშთხვას სადგომზე აღმოჩენილი იარაღები. იაშთხვას ხელცულები, ისე როგორც აშელის ეპოქის მსგავსი იარაღები, ორმხრივ ნათლია, მაგრამ შელურისაგან განსხვავებით, ნაკლებ მასიური და უფრო თხელი; მათ თლის შედეგად დარჩენილი ფაცეტებიც მეტი აქვთ. აღსანიშნავია აგრეთვე ე. წ. ქუსლის ნაკლებ მასიურობა (ტაბ. I, 1, 7).

ხელცული რომ საქართველოს შავიზღვისპირეთის ადრეული პალეოლითისათვის შემთხვევითი მოვლენა არ არის, ამის მაჩვენებელია მსგავსი იარაღების

აღმოჩენის ფაქტი კ უ ბ უ რ ხ ი ნ ჯ ს ა და გა ლ შ ი. პირველ პუნქტში, V ტერასაზე მოპოვებულ არქაული იერის იარაღებს შორის გამოირჩევა მუქი ვარდისფერი კაჟისაგან ნაკეთები ხელცული, რომელსაც ზედაპირზე სქელი პატინა გადაჰკრავს. უფრო ბეჯითად ნაკეთებია ქ. გალში ნაპოვნი ხელცული. იგი III ტერასაზე აღმოჩნდა სხვა იარაღებთან ერთად და მუსტიეს ეპოქაში ნუკლეუსად გამოყენების კვალს ატარებს (ტაბ. 1, 2).

მუსტიეური ეპოქის ნაშთები უძრავ, პირვანდელ მდგომარეობაში გვხვდება IV ტერასის ალუვიონის ძირზე. III ტერასის დელუვიონში და ნაწილობრივ II ტერასის ძველ ალუვიონში. ყველაზე უკეთ ეს ნაშთები დაცულია კვლასურსა და ოჩამჩირეში, თუმცა საკმაოდ ბევრია სოფ. ანასტასიევკასთან, აჩიგვარის ჩაის საბჭოთა მეურნეობის ტერიტორიაზე, აპბიუქის მთის მახლობლად და ბევრ სხვა ადგილას.

კ ე ლ ა ს უ რ შ ი, ამავე სახელწოდების მდინარის მარცხენა ნაპირზე, მრავალრიცხოვანი მუსტიეური იარაღები იყო მოპოვებული. მათ შორის მუსტიეური წვეტანები რიცხოზობიერადაც მეტია და უფრო ბეჯითი დამუშავებითაც გამოირჩევა.

ა ჩ ი გ ვ ა რ ი ს ჩაის საბჭოთა მეურნეობის ტერიტორიაზე, მდ. ოქუმის მარცხენა ნაპირზე, 40 მ სიმაღლის ტერასის ალუვიონში ბლომად აღმოჩნდა ერთიანად პატინიზებული იარაღები მუსტიეური დროისა. იქვე აღმოჩნდა ერთი ჩინებული ნაკეთობის ხელცული, რომლის შეთხლებული სამუშაო პირი და საერთოდ იარაღის დახვეწილი პროპორციები საფუძველს იძლევა ისიც მუსტიეს ეპოქას მივაკუთვნოთ.

არანაკლები მნიშვნელობის იარაღებია მოპოვებული ო ჩ ა მ ჩ ი რ ე შ ი ც. აქ, სოხუმ-ოჩამჩირის გზატკეცილის ნაპირას, III ტერასის ფერდობზე შეგროვებულია მუსტიეს ეპოქისათვის დამახასიათებელი იარაღები: წვეტანები, საფხეკები, სამკუთხედის მოყვანილობის ლამელები, დისკოსებრი ნუკლეუსები და სხვ. იარაღის გასაკეთებელ მასალად აქ გამოუყენებიათ მუქი-წითელი ტურონული კაჟი, რომელიც დროთა განმავლობაში მოყვითალო-ყავისფერი პატინით დაფარულა. იარაღთა გარკვეული ნაწილი აღმოჩენილი იყო ხსენებულ ტერასის თიხნარში.

შავი ზღვის სანაპიროზე მოპოვებულ მუსტიეურ მასალებს შორის განსაკუთრებული ადგილი უნდა მიეკუთვნოს ა პ ბ ი უ ქ ი ს მთის მახლობლად აღმოჩენილ კაჟის ინვენტარს, რომელიც იაშთხვასა და აპბიუქის გამყოფ პატარა დაბლობზე (სოხუმიდან 6 კმ), გზის გასწვრივ იყო აკრეფილი.

აქ აღმოჩენილი იარაღებისათვის დამახასიათებელია სწორი, დახვეწილი ფორმები. ანატეკები და ლამელები თხელი და ბრტყელია. დარტყმის სიბრტყე მათ ყოველთვის ბეჯითად რეტუსირებული (შემოკლებული) აქვთ. იარაღებზე იყენებდნენ, როგორც ჩანს, წესიერ-ოვალური მოყვანილობის, განივკვეთში ოსპისმაგვარ ნუკლეუსებსაც. ამ მიდამოებში შეგროვებული მასალა ერთგვაროვანია; მასში არ ურჩევია არც არქაული და არც ზედაპალეოლითური იარაღები. თავისი შემადგენლობით იგი ყველაზე მეტად ყირიმის ერთერთი ჭამოქვაბულის (შეითან-ყობის) მასალას უახლოვდება.

აპბიუქში, კელასურსა და ოჩამჩირეში მოპოვებული მასალის შესწავლა საშუალებას გვაძლევს იგი ილის მუსტიეური სადგომისა (ჩრდილო კავკასია) და ყირიმის გამოქვაბულთა სათანადო პერიოდის კაჟის ინვენტარს დავეუ-ახლოვოთ.

თუმცა საქართველოს ამ მხარეში მოპოვებული მუსტიეური იარაღები გენეტიკურ კავშირშია უფრო ძველი პერიოდის იარაღებთან, მაგრამ განსხვავებაც საკმაოდ მნიშვნელოვანია: მუსტიესდროინდელი ლამელები ნაკლებ მასიურია, ჩამონატეხზე წარმოქმნილი ბორცვი უფრო პატარა და ნაკლებ ამოზნექილი. გათლა-ჩამოთლის ტექნიკა თანდათან დავიწყებას ეძლევა. იარაღი უკვე საბოლოოდ რეტუშის მეოხებით ყალიბდება. იარაღთა უმთავრესი მასა დისკოსებრი ნუკლეუსიდან არის ჩამონატეცი და მეტ-ნაკლებად სამკუთხედი-სებრი მოყვანილობის ფირფიტებისგან დამზადებული. ძალიან იშვიათად გვხვდება ხელკული, მაგრამ ახლა იგი დაპატარავებულია, თხელი და გაცილებით ფაქიზად ნაკეთები.

აქაური აშელურ-კლექტონური და ადრემუსტიეური სადგომები უნდა მიეკუთვნებოდეს წინარსულ პერიოდს, განვითარებული მუსტიესდროინდელი სადგომები კი მოდის რისის პირველ ნახევარზე, რისის თვით მაქსიმალურ გაყინვარებამდე.

ქვედაპალეოლითური ძეგლებით მდიდარი გამოდგა ისტორიული შიდა ქართლი. აქ, კერძოდ, სამხრეთ ოსეთის ტერიტორიაზე ძველიქვის ხანის ნივთიერი ძეგლების მოპოვება დაკავშირებულია იე. ჯაეახიშვილის სახელობის ისტორიის ინსტიტუტისა და სამხრეთ ოსეთის სამეცნიერო-კვლევითი ინსტიტუტის საერთო არქეოლოგიური ექსპედიციების მუშაობასთან, რომელიც განსაკუთრებით გაძლიერდა 1951—1953 წლებიდან (ა. კალანდაძე, ვ. ლუბინი). ექსპედიციების მუშაობის შედეგად აღნიშნულ ტერიტორიაზე მიკვლეულია რამდენიმე აშელური და მუსტიეური ხანის სადგომი. აშელური სადგომი აღმოჩენილია სოფ. ლ ა შ ე - ბ ა ლ თ ა შ ი (ზნაურის რ.), მუსტიეური კი სოფ. წ ო ნ ა ს გ ა მ ო ქ ე ა ბ უ ლ შ ი, მ ო რ გ ო შ ი (ჯავის რ.), ჯ ი ჯ ო ი თ ს ა (სტალინის რ.), ყ ო რ ნ ი ს შ ი (ზნაურის რ.) და სხვ.

ლაშე-ბალთა მოთავსებულია ამავე სახელწოდების სოფლის მახლობლად, მდ. მეტეხის ფრონეს ტყე-ველიან ზონაში. ლანდშაფტის მრავალგვარობას, მდინარეთა და ტბების სიახლოვეს და ბუნებრივი რესურსების სიმდიდრეს გადამწყვეტი მნიშვნელობა უნდა ჰქონოდა ამ მიდამოების პირველყოფილი ადამიანთ დანახლების დროს.

ქვედაპალეოლითური ნაკეთობანი მეტწილად თავმოყრილია ორ პაწია გამშრალ ზეგეში, რომლებიც მეტეხის ფრონეს მარჯვნიდან ჩამოუღდის. ისინი აქაიქ ჩართულია ქვიან-ხვინჭოვან ფენაში, რომელიც თიხნარითაა შეღებებული. ამ ფენის სიმძლავრე სხვადასხვა ადგილას სხვადასხვანაირია და მერყეობს 1,0—2, 10 მ ფარგლებში. მას ზემოდან აწევს დაახლოებით 1,30—3,40 მ სიმძლავრის ფენები. აქ აღმოჩენილი აშელური ეპოქის თითქმის ყველა ნაკეთობა ძლიერ ნაგორებია, რაც გვაფიქრებინებს, რომ ისინი უფრო მალლა მდებარე ტერასიდან უნდა იყოს ჩამოტანილი. აღსანიშნავია, რომ მსგავსი პალეო-

ლითური ნაკეთობანი დასაელეთ საქართველოშიც და სომხეთშიც 80 — 100 მ სიმაღლის ტერასებთან არის დაკავშირებული.

იარაღის საკეთებელ მასალად აქ გამოყენებულია ანდეზიტი, იასპსა და ქალცედონში გარდამავალი კაჟქვიერი, უხეში ქანები. აქაურ იარაღთა ზედაპირი ერთიანად გამოხუნებულია და დაფარულია საკმაოდ სქელი პატინით. ლაშე-ბალთის ქვედაპლეთური მასალა შეიცავს ხელცულებს, უხეშ მჭრელ იარაღებს, ანატკეცებსა და ნუკლეუსებს. მათ შორის წამყვან როლს ორმხრივ გათლილ-დამუშავებული იარაღები ასრულებენ. ეს უკანასკნელი გარემოება თითქოს იმთავითვე განსაზღვრავს ამ იარაღთა ხნოვანებას ძველი პალეოლითით. ნაკეთობათა ძირითად ჯგუფს ხელცულები შეადგენენ, რომელთა უმრავლესობას ნუშისგულისებრი მოყვანილობა აქვს. აქვე გვხვდება გულისებრი, ოვალური და სამკუთხედისებრი მოყვანილობის ხელცულებიც. ხელცულების დასამზადებლად გამოყენებული ყოფილა როგორც მთლიანი, ასევე შუაზე გაპობილი კაჭარიც. ფორმა-მოყვანილობისა და ზომა-წონის მხრივ, შედარებითი მრავალგვარობისა და მიუხედავად, ყველა ხელნაჯახი მასიურია და დამუშავების პრიმიტიულ კვალს ატარებს. უფრო მასიურსა და პრიმიტიულად დამუშავებულ ნაკეთობათა ჯგუფს შედგენს „უხეში მჭრელი იარაღები“, რომლებიც რაოდენობრივად მნიშვნელოვნად ჩამოუყარდება ხელცულებს (ტაბ. I, 5).

მონაპოვრის მნიშვნელოვან ნაწილს შეადგენს ნუკლეუსები და მისთანანი, რომელთა უმეტესობას დისკოსებრი მოყვანილობა აქვს. არის ნუკლეუსები, რომლებიც ფორმით კუბს უახლოვდება; არიან უსწორო ფორმისანიც. რამდენიმე ნუკლეუსი სწორკუთხა მოყვანილობისაა გამოჩეული და მოასწავებს გარკვეულ სიახლეს ქვის იარაღების დამუშავებაში.

აქ მობოვებული ხელცულების პრიმიტიული იერი, მათი დამუშავების უხეში ხერხები, მასიურობა, მკვეთრად დაკლავნილი მჭრელი პირი, მსხვილი ქუსლი ზოგიერთ ცალზე და მეორადი, გამათანაბრებელი რეტუმის გამოუყენებლობა უფლებას იძლევა ეს ნაკეთობანი აშელის პირველი ნახევრით დათარიღდეს.

ასეთ დათარიღებას, ბევრ სხვა მომენტთან ერთად, მხარს უჭერს კუბისებრი მოყვანილობის ატიპიური ნუკლეუსების აღმოჩენა, როგორც ლაშე-ბალთის, აგრეთვე ადრეული აშელით დათარიღებული იაშთხვის მასალებში.

ლაშე-ბალთის იარაღები თავიანთი არქაული იერით უახლოვდებიან სატანიდარის იარაღებს, თუმცა ხნოვანებით, როგორც ჩანს, რამდენადმე ჩამორჩებიან ამ უკანასკნელთ.

მუსტიეს ხანისადმი მიკუთვნებულ სადგომთაგან ზემოთ დასახლებული გვქონდა მორგო, ჯიჯოთი, ყორნისი და წონას გამოქვაბული. ამთაგან პირველი და მეოთხე შეიძლება ჩაითვალოს შიდა ქართლში ყველაზე ჩრდილოეთით მდებარე სადგომებად. მორგოს სადგომი მდებარეობს შუა მთიანი ზოლის სამხრეთ ნაწილში, ამავე სახელწოდების სოფლის სამხრეთ-დასავლეთ მხარეზე. ძველებური ნაკეთობანი, პირველყოფილი ადამიანის იარაღელსაწყობა სახით, ამ მიდამოებში გვხვდება ზღვის დონიდან 1 500 მ სიმაღ-

ლუზე. მათ ნაგორების კვალი არ ეტყობათ, რაც იმაზე უნდა მიუთითებდეს, რომ ისინი გვხვდება თავიანთ პირვანდელ განლაგებაში.

აქ აკრეფილ მასალაში გამოირჩევა მოგრძო ანატკეცები, მეტ-ნაკლებად სწორად ჩამოყალიბებული მსხვილი ლამელები (ფირფიტები). დარტყმის მოედნის გაფორმებითა და ზოგიერთი სხვა დეტალით ეს ნაკეთობანი ახლოს დგას აფხაზეთის ტერიტორიიდან ცნობილ მუსტიეურ სადგომთა შესატყვის მასალებთან.

ჯიჯოთის სადგომიც შუამთიანი ზოლის სამხრეთ ნაწილშია, სოფ. ზემო რუსთავის (სტალინირის რ.) ჩრდილოეთით 3 კმ მანძილზე, ჯერმუხის მთასა და ზარიკლდეს შორის, ზღვის დონიდან 1 500 მ სიმაღლეზე. აქაურ ტყეებში ბლომად არის შემორჩენილი მესამეულის ფლორის რელიქტური ელემენტები და საკვებად გამოსადეგი ბევრი მცენარეული სახეც მოიპოვება.

იარაღთა ჯგუფი თუმცა მცირერიცხოვანია, მაგრამ მასში მეტ-ნაკლებად კარგად ჩამოყალიბებულ-გამოკვეთილი იარაღები (საფხეკები, წვეტანები) და ანატკეცები გამოირჩევა. კულტურული ნაშთები უმთავრესად დაკავშირებულია ზეინჭოვან-კენჭოვან ფენასთან, რომელიც თიხნარითაა შეცემენტებული და რომელსაც ზემოდან ახალიქვის ხანის კაჟის ინვენტარის შემცველი ნიადაგის ფენა აწევს.

მუსტიეური კულტურისათვის დამახასიათებელ იარაღ-ხელსაწყოთა აღმოჩენის მესამე მნიშვნელოვანი პუნქტი მიკვლეულია სოფ. ყორნისთან. იგი მდებარეობს მდ. ყორნისის ფორნეს მარცხენა ნაპირზე, სოფ. სოფ. ყორნისისა და ბეყმარის გამყოფ პატარა ქედის ჩრდილო-დასავლეთ ბოლოზე. აბსოლუტური სიმაღლე გორაკისა, რომლის ზედაპირზედაც იყო შეგროვებული კულტურული ნაშთები, 1300 — 1350 მ აღწევს. აქ შეგროვებულია რამდენიმე ათეული მსხვილი ანატკეცი და ანამტრევეი, რომელთაგან ზოგიერთი უშუალოდ კაჟის კაჭირიდანაა ახეთქილი, სხვები კი მეტ-ნაკლებად სწორად ჩამოყალიბებული ნუკლეუსებიდან. ყველას ეტყობა დარტყმის სიბრტყე, დარტყმის შედეგად მიღებული ბორცვი და ნიჟარისებრი ნაკვალავი (ტაბ. II, 1, 3).

განსაკუთრებული ყურადღების ღირსია დისკოსებრი ნუკლეუსები, რომელთაგან პირველყოფილი მეთრეველი ხელჩაქუჩის მოხერხებული, თანმიმდევრული დარტყმით აატკეცდა ხოლმე სასურველი ფორმისა და ზომის ანატკეცებასა თუ ლამელებს. ამასთანავე, ანატკეცი მოყვანილობით უმრავლეს შემთხვევაში უახლოვდება სამკუთხედს ან ოვალს. ამგვარად, ანატკეცი წარმოადგენდა ნაშაღს, პირველ შემთხვევაში წვეტანისათვის, მეორე შემთხვევაში კი მასიური საფხეკისათვის. მეტად საინტერესოა დისკოსებრი ნუკლეუსი, რომლის დამუშავებულ ზედაპირზე გარკვევით შეინიშნება საჭირო მოყვანილობის ანატკეცის მიღების შედეგად დარჩენილი 7—8 სიბრტყე (ტაბ. II, 9, 10).

ყორნისის კაჟის ინვენტარში შემაჯავლი ფართო ორფერდა ლამელისებრი ანატკეცები წარმოადგენენ ნაშაღებს მუსტიეური ტიპის წვეტანებისა და მსხვილი საფხეკი იარაღებისათვის. ყორნისის მასალების ერთი ჯგუფის შესწავლა გვანიშნებს გარკვეულ წინსვლას კაჟის დამუშავების პროცესში, რაც სრულიად კანონზომიერ მოვლენას წარმოადგენს ზედა პალეოლითზე გარდამავალი ხანისათვის. იარაღების დასამზადებელ მასალად აქ გამოყენებულია

მკერივი, წვრილმარცვლოვანი კირქვიერი კაჟი, რაც ყორნის ანათესავეებს იაშთხვის, ოჩამჩირისა და გალის მუსტიეურ სადგომებთან.

ამავე კულტურულ რაიონს ეკუთვნის მდ. ჯეჯორის ხეობაში, ქვაისის მახლობლად მდებარე კუ და რ ო ს ა . და წ ო ნ ა ს გა მ ო ქ ე ა ბ უ ლ ე ბ ი, რომელთა უღრმესი კულტურული ფენები, წინასწარული შესწავლის მიხედვით, აშელ-მუსტიესდროინდელ მასალებს იძლევა. აღნიშნულ გამოქვაბულთა უმრავლესობის აბსოლუტური სიმაღლე ზღვის დონიდან 1500 — 1600 მ უღრს, ხოლო წონას გამოქვაბულის სიმაღლე 2100 მეტრსაც კი აღწევს. ეს უკანასკნელი სხვა გამოქვაბულებზე ბევრად დიდია (უდიდესი სიგრძე 90 მ, სიგანე — 12 — 13 მ, ხოლო სიმაღლე 15 მ უღრს). იგი პირით მიქცეულია სამხეურისკენ, ამიტომ შედარებით მშრალია და ადვილი მისასვლელი. მის ერთერთ ძირაფენაში აღმოჩენილი იარაღები მუსტიეს ხანას მიეკუთვნება. ესენია კირქვიერი კაჟისა და ბაზალტისგან ნაკეთები წვეტანები და ჭაფხეკები (ტაბ. II, 4, 5), რომლებიც იარაღის მთავარ წამყვან ჯახეებს წარმოადგენდნენ. ისინი აქაურ მონადირეებს წარმატებითაც გამოუყენებიათ, რასაც მოწმობს კულტურულ ფენებში აღმოჩენილი დიდძალი ოსტეოლოგიური მასალა, გამოქვაბულის დათვის, ლომის, მგლის, ირმის და სხვ. ცხოველთა ძვლების სახით.

ასეთ სიმაღლეებზე მოთავსებულ გამოქვაბულებში აშელურ-მუსტიეური ნაშთების აღმოჩენას დიდი მნიშვნელობა აქვს უძველესი და ძველი ადამიანების ჩვენში გავრცელებისა და, კერძოდ, კავკასიონის მთიანეთში მათი განსახლების დროისა და პირობების შესწავლისათვის.

ამ ბოლო ხანებში უაღრესად საინტერესო იარაღებია ნაპოვნი სოფ. კ ა ც ხ ი ს მიდამოებში (ჭიათურის რ.). აქ აღმოჩენილთაგან განსაკუთრებულ ყურადღებას იპყრობს ჩინებულად ნათალი აშელური ხელცული (ტაბ. I, 6) და ზოგი თანხლები ინვენტარი.

კარგად ჩამოყალიბებული მუსტიეური იარაღები ნაპოვნია აგრეთვე ძ ე ვ რ ი ს გამოქვაბულში და სოფ. ჭ ი ლ ო ვ ა ნ ი ს ღია სადგომზე. გარდა ამისა, ჭილოვანის მიდამოებში მოპოვებულ უაღრეს მასალებს შორის გამოირჩევა ნუკლეუსების, ანატკეცებისა და ტლანქი მჭრელი იარაღების სერია, რომლის თარიღი კიდევ უფრო იქით, ისტორიის სიღრმეში უნდა გადაიწიოს. მუსტიეური იარაღების დახვეწილობით გამოირჩევა ჯ რ უ ჰ უ ლ ე თ შ ი მოპოვებული მასალა (ტაბ. II, 7, 8).

ამჟამად ჩვენთვის საინტერესო პერიოდის შესწავლისათვის უაღრესად მნიშვნელოვან მასალას გვაწვდის ქვემო ქართლის კულტურულ გარემოში მიკვლეული წ ო ფ ი ს სადგომი (მარნეულის რ.). აქ, ტიპურ მუსტიეურ ინვენტართან ერთად (ტაბ. II, 6), მოპოვებულია დამახასიათებელი ფაუნა, რომელშიაც ბეწვიანი მარტორქის, გარეული ცხენის, კეთილშობილი ირმის, დაღისტნური ჯიხვისა და სხვათა გვერდით გვხვდება კავკასიის პალეოლითისათვის დღემდე უცნობი ფორმა — ოქოტონა.

დაახლოებით ამით შემოიფარგლება ჩვენი ცნობები საქართველოს ტერიტორიაზე დღემდე ცნობილ ქვედაპალეოლითურ ძეგლთა გავრცელების, ხნოვანების, მეზობელი ქვეყნების ძეგლებთან მათი ურთიერთდამოკიდებულებისა და სხვ. შესახებ.



1



2



3



4




8




6




7



5



9



10

საქართველოს პალეოლითური ძეგლების გავრცელების შესწავლა-გათვალისწინება საფუძველს გვაძლევს ვივარაუდოთ ზღვის სანაპიროებისა და წყალგამყოფი დაბალი ქედების ათვისება პირველყოფილ ადამიანთა ცალკეული ჯგუფების მიერ*. ყოველ ასეთ ჯგუფში დროებით გაერთიანებული უნდა ყოფილიყო დაახლოებით 20—30 კაცი. თითოეული პირველყოფილი ჯგუფის მიერ „ათვისებული“ ესა თუ ის პუნქტი წარმოგვიდგება მდინარის შესართავთან, ტყის პირზე გამართული დროებითი ბანაკის სახით, სადაც ლამის სათევად, მტაცებელთაგან თავდასაცავად, ნანადირევის შესანახავად, აგრეთვე შეფარბულში სამუშაო ფართობის უზრუნველსაყოფად, სავარაუდოა, ხის ტოტემისაგან მოწყობილი თავშესაფრები ჰქონოდათ.

იმ დროს ადამიანს ალბათ ნაკლებად იზიდავდა ზღვა, რომლის გამოყენება თავისი სამეურნეო მიზნებისათვის მას ჯერ კიდევ არ შეეძლო. მაშინდელი ადამიანი, როგორც ჩანს, უფრო ეტანებოდა მდინარეებს, რომელთა შესართავში უხვად პოულობდა არა მარტო მტკნარ წყალს, არამედ საკმარის საკვებსაც, თევზისა და წყლის სხვა წერილ ცხოველთა სახათ.

მინდელ-რისის ყინვართშორისი პერიოდის საკმარისად თბილი ჰავა შესაძლებლობას აძლევდა ადამიანს მთელი წლის განმავლობაში დარჩენილიყო ერთსა და იმავე რაიონში და ნაკლებად ეზრუნა მუდმივ საცხოვრებელ ბინაზე. ამიერკავკასიის ტერიტორიაზე ფიზიკურ-გეოგრაფიული პირობების რაიმე მნიშვნელოვან ცვლილებას თვით განვითარებულ მუსტიემდე არ უნდა ჰქონოდა ადგილი, და ეს პირობები, ალბათ, ბევრად არ განსხვავდებოდა იმ ბუნებრივი გარემოსაგან, რომელშიაც წინამუსტიურ ადამიანს უხვდებოდა ცხოვრება. ამიტომ, მხოლოდ მაშინ, როდესაც ჩრდილოეთის ნახევარსფეროს დიდმა გაყინვარებამ თავისი გამოძახილი კავკასიის გაყინვარებაში ჰპოვა, რბილ, სუბტროპიკულ კლიმატს შეჩვეული ადამიანები იძულებული გახდნენ უფრო მეტად ეზრუნათ შედარებით მუდმივი და საიმედო თავშესაფრის შოვნაზე, ვიდრე საჭირო იყო ეს შელისა და აშელის ეპოქაში. ამიერკავკასიაში მოპოვებული მასალების მოწოდებით, ეს უნდა მომხდარიყო არა უადრეს მუსტიეს ეპოქისა, რომელსაც მიეკუთვნება, ზოგიერთ გამონაკლის გარდა, აქაურ გამოქვაბულთა უძველეს კულტურულ ფენებში აღმოჩენილი იარაღ-ხელსაწყოები. სწორედ ამ პერიოდთან უნდა იყოს დაკავშირებული პირველყოფილი გვარის თანდათანობითი ჩამოყალიბების დასაწყისი. ამ დროს ადამიანთა შეგნებაში, უნდა ვიფიქროთ, ფეხს იკიდებდა კოლექტიური თანაცხოვრებისა და მოპოვებული სარჩო-საბადებლის საერთობის დაურღვევლობის პრინციპი. ამ პრინციპის დაცვის ერთერთ ყველაზე არსებით საშუალებას მუსტიეს პერიოდიდან წარმოადგენდა კერა შუა ცეცხლით. კერის ნაშთები კი შებოლილი ქვების, ნაცრის, ნახშირისა და სხვ. სახით მრავლადაა აღმოჩენილი მუსტიესდროინდელ კულტურულ ფენებში. კერას კიდევ უფრო დიდი მნიშვნელობა ჰქონია შემდგომ პერიოდში, გვიანპალეოლითში, პირველყოფილი საზოგადოების შემადგენელი ძირითადი ერთეულის — გვარის წარმოქმნა-განმტკიცების დროს.

* როგორც ზემოთ დავრწმუნდით, არც კავკასიონის მთიანეთის საშუალო ზოლი ყოფილა ამ დროს უკაცრიელი.

თუ ყურადღებით გადავავლებთ თვალს დასავლეთ ევროპისა და საბჭოთა კავშირის (კერძოდ, კავკასია-ყირიმის რაიონის) ქვედა პალეოლითურ მასალებს, ვნახავთ, რომ გამოქვაბულისაგან ლტოლვა ადამიანს განსაკუთრებით მუსტიეს ეპოქიდან ეტყობა. ასეთივე სურათია ამიერკავკასიაში და, კერძოდ, დასავლეთ საქართველოში, სადაც იმდროინდელი სადგომები უკეთებით მდინარეთა შესართავებთან (აფხაზეთი), დაბალ, წყალგამყოფ ქედებზე (მიდა ქართლი) და ნაწილობრივ, როგორც ჩანს, კარსტული წარმოშობის გამოქვაბულებში (სოჭა-ადლერისა და ქუთაის-პიათურის რაიონებში, კავკასიონის მთიანეთში, აგრეთვე ქვემო ქართლის მიდამოებში). მაშასადამე, ამ პერიოდისათვის საქართველო საკმარისად მკიდროდ დასახლებული ყოფილა.

მუსტიეს ხანიდან შესამჩნევად დაწინაურებულა მონადირეობა. თუ აღრე, შელი-აშელის ეპოქაში, მსხვილ მხეცებზე ნადირობა ადამიანის სუსტად შეიარაღების გამო იშვიათი მოვლენა უნდა ყოფილიყო, ამ ეპოქის ადამიანის ნასუფრალში ხშირად ვხვდებით ბიზონის, ცხენის, გიგანტური ირმის ძვლებს. არაფერს ვამბობთ გამოქვაბულის დათვის, აფთრის და სხვათა შესახებ, რომელთა ძვლები სათანადო ადგილებში ძალიან ხშირია. სქელკანიან ცხოველთა ჯიშებიდან ჯერ კიდევ ბოგინობს გადაშენების გზაზე შემდგარი ტროგონთერიუმის სპილო, რომლის ნაშთებს, თუმცა იშვიათად, მაგრამ მინც ეხვდებით მუსტიეში.

ქვედა პალეოლითის საზოგადოება შედგებოდა მცირერიცხოვანი, მეტად არამყარი და დროებით შეკავშირებული ჯგუფებისაგან. მათი ადგილსამყოფელი დროებითი სადგომები და ღია ცისქვეშეთი იყო. ამ დროის ადამიანები უკვე ფლობდნენ წარმოების საშუალებათა ისეთ არსებით ელემენტს, როგორსაც შრომის იარაღ-ხელსაწყოები შეადგენდნენ. ეს იარაღები, როგორც ვნახეთ, უმთავრესად ქვისაგან მზადდებოდა. ქვათა შორის ამჯობინებდნენ კაჟს, რომლის თვისებებს უკვე კარგად იცნობდნენ. კაჟის სიმცირის ან უქონლობის შემთხვევაში მიმართავდნენ სხვა ქანებს: ანდეზიტს, ბაზალტს, იასპს, რქეულას, ობსიდიანს და სხვ. იარაღის ტიპები არ იყო მრავალფეროვანი: ხე ლ ც უ ლ ი, უ ხ ე შ ი მ ზ რ ე ლ ი ი ა რ ა ლ ე ბ ი, ხ ე ლ ჩ ა ქ უ ჩ ი და სხვ. ამის გამო მათი ფუნქციაც ნაკლებ დიფერენცირებული იყო. ქვის დამუშავების ხერხებიდან მხოლოდ კაჟრის ორმხრივ გათლა-გაჩორქნას იცნობდნენ. უფრო მოგვიანებით (მუსტიეს ხანაში) ქვის დამუშავებას მნიშვნელოვანი წინსვლა ეტყობა. ახლა იარაღებს აფორმებენ უმთავრესად კაჟის დისკოსებრი ნუკლეუსიდან ჩამოტეხილ ანატეცებზე, რომელთაგან გამოჰყავთ „წვეტანები“ და საფხეკები. ზოგიერთ კარგად ჩამოყალიბებულ წვეტანას, საფიქრებელია, ტარიც დაეგებოდა და ნადირობისას სატყორცნ-საძგერებელი იარაღის დანიშნულებას ასრულებდა. ტასმანიელებისა და ზოგი სხვა ჩამორჩენილი ხალხის ყოფაზე დაკვირვებით მეცნიერები ამტკიცებენ, რომ წვეტანა უმთავრესად მამაკაცის იარაღი იყო, საფხეკი კი ამდენადვე საღიაყო იარაღს წარმოადგენდა. სწორედ ეს გარემოება გვაფიქრებინებს, რომ ამ ხანაში უკვე ჩასახულია შრომის განაწილება სხვადასხვა სქესის წარმომადგენელთა შორის: მამაკაცი უმთავრესად მონადირეა, დედაკაცი — საკვების შემგროვებელი. ამავე პერიოდში ივარაუდება შრომის განაწილება სხვადასხვა ასაკის წარმომადგენელთა შორისაც: საზოგადოების საშუალო და მოწიფული თაობა თუ უმეტესწილად ნადირობასა და სარჩო-

საბადებლის მოპოვებას მისდევდა, მოხუცთა თაობა ამ საქმიანობისათვის საკმარის იარაღ-საქურველს ამზადებდა. შრომის ასეთი ბუნებრივი (ასაკობრივ-სქესობრივი) დანაწილება შედეგი უნდა ყოფილიყო მონადირეობის შედარებით სისტემატური ხასიათისა და გაპირობებული იყო საერთოდ მეურნეობის წინსვლის ინტერესებით.

მეურნეობა ამ დროს მარტივი იყო. იგი შეიცავდა ძირითადად ორ დარგს — შეგროვებასა და მონადირეობას. მეცნიერთა უმრავლესობა ამ პერიოდის ადრეული ეტაპისათვის პირველ რიგში აყენებს შეგროვებას, ხოლო მონადირეობა დაქვემდებარებულ დარგად მიაჩნია. ზოგიერთნი კი, პირიქით, ნადირობას, შეგროვების თანაბრად, უძველესი ადამიანების ადრიდანვე ჩამოყალიბებულ საქმიანობად თვლიან. საქმელზე მოთხოვნილებას ადამიანი იკმაყოფილებდა ხილეულისა და ძირნაყოფების შეგროვებითა და, პირველ ხანებში მინც, წვრილ ცხოველებზე ნადირობით. მუსტიეს ეპოქაში კი ადამიანი იმდენად დახლოვებულა ნადირობაში, რომ მსხვილი ნადირიც (დათვი, ლომი, მარტორქა, მამონტი, ჩრდილოეთის ირემი და სხვ.) წარმატებით უხოცნია.

მეურნეობის დაწინაურებას დიდად შეუწყო ხელი ცეცხლმა, რომლის მოპოვება (ხეხვითა და სხვა საშუალებებით) ადამიანმა ამ პერიოდის გასულს ისწავლა. ადამიანის მიერ ცეცხლის ხელოვნურად გაჩენის ათვისებას, ზოგიერთი მეცნიერის აზრით, ისეთივე მნიშვნელობა ჰქონდა პირველყოფილი ჯგუფის მატრიარქატულ-გეაროვნულ თემზე გადასასვლელად, როგორც ადამიანის მიერ რკინის დამუშავების ათვისებას პირველყოფილ-თემური წყობილებიდან მონათმფლობელურზე გადასვლისათვის.

სწორად ამართული სიარული ცნობიერებისა და მეტყველების განვითარების ერთერთი არსებითი წინაპირობათაგანი იყო. გონიერებისა და მეტყველების წარმოშობა განუყრელად დაკავშირებულია იარაღის წინასწარგანზრახვით დამზადებასთან და ძველი ადამიანების კოლექტიურ ცხოვრებასთან. ბგერითი მეტყველება შრომიდან და შრომასთან ერთად არის წარმოშობილი და განვითარებული როგორც ადამიანთა შორის ურთიერთობის იარაღი.

ამეამად ჩვენთვის საინტერესო პერიოდის ადამიანთა მოხეტიალე მცირე ჯგუფებს ჯერ კიდევ არ გააჩნდათ სოციალური თანაცხოვრების ისეთი ერთეულები, როგორცაა ოჯახი და გვარი. გვარებში ადამიანთა კოლექტივების გაერთიანების პროცესი დროის მიხედვით დაკავშირებულია ზედა პალეოლითთან, რომლის დასაწყისიდან ყალიბდება თვისობრივად განსხვავებული სოციალური ორგანიზაცია მატრიარქატულ-გეაროვნული თემის სახით.

§ 2. ზედა პალეოლითი

ქვედაპალეოლითელი ადამიანი ქვის იარაღების დამუშავებაში თუ მხოლოდ გათლით და ატყვეთ ტექნიკას იყენებდა, ზედაპალეოლითელი მასთან ერთად უკვე დაუფლებულია წნევით ტექნიკას, ე. ი. წნევის საშუალებით კაჟიდან ან ობსიდიანიდან თხელი ფირფიტის ჩამოტეხვას და ამავე წესით ლამელის ნაპირებზე ან მის მთელს ზედაპირზე ფაქიზი რეტუშის გაკეთებას. ამ დროს იშვიათად გვხვდება დისკოსებრი ნუკლეუსები. ზედა პალეოლითში ისინი მო-

გარძა და თანაც მიცემული აქვთ პრიზმისებრი ან პირამიდისებრი მოყვანილობა. ნუკლეუსიდან ატკეცილი ლამელებიც მოგარძა და ვიწრო. იარაღებს სამუშაო პირი რეტუსით აქვთ შემოსწორებული ან მომრგვალებული. ასეთია, მაგალითად, საფხეკები. ზედაპალეოლითელმა ადამიანმა კარგად იცოდა საპრისების, სახვრეტების, სადგისების, დანების, შუბის და ისრის პირების, აგრეთვე ე. წ. მიკროლითების და მცირე ზომის კაჟის ცულების კეთება.

ცხოველის ძვლისა და რქისაგან უმზადებიათ ხელშუბები, კვილები, სახვრეტები, ნემსები და სხვ.

ზედა პალეოლითის სადგომებში აღმოჩენილი ტყავის დასამუშავებელი ძვლის იარაღები და ნემსები მოწმობენ, რომ ამ დროიდან ადამიანი მეტი მონდომებით ზრუნავს ტანის შემოსავაზე. ცხოველის ტყავისაგან იკერავს წამოსახამს და ამით იცავს ტანს სიცოცხასაგან.

მეოთხეულის უკანასკნელი (გურმული) გაყინვარების ეპოქაში მკაცრი სიცოცხეებისაგან თავის დასაცავად ადამიანი იძულებულია თავშესაფარი მოძებნოს. იმ ქვეყნებში, სადაც არსებობდა ბუნებრივი გამოქვაბულები, ადამიანს უპირატესად ეს გამოქვაბულები გამოუყენებია საცხოვრებლად, ხოლო სადაც ბუნებრივი გამოქვაბულები არ არსებობდა, თვითონ უკეთებია სადგომი — მიწურები, ნახევრად მიწურები და კარვის მსგავსი ნაგებობები. სწორედ ასეთმა სადგომებმა და ბუნებრივმა გამოქვაბულებმა ქვედა პალეოლითის ბოლო პერიოდისა (მუსტე) და ზედა პალეოლითის მრავალი ნაშთი შემოგვინახა, მდიდარია ზედაპალეოლითური სადგომებით ამიერკავკასია და განსაკუთრებით კი საქართველო. ამ რიგის სადგომების შესწავლას საქართველოში უკვე კარგახნის ისტორია აქვს.

1914 — 1916 წლებში რ. შმიდტმა და ლ. კოზლოვსკიმ მდ. წყალწითელას მარცხენა ნაპირას მდებარე გამოქვაბულში ზედაპალეოლითის შესანიშნავი მასალები მოიპოვეს.

სტ. კრუკოვსკიმ 1916 წელს ქიათურის ჩრდილო-დასავლეთით, ქერულის ხეობაში, სოფ. დიდი რჯანის პლატოზე მიაგნო გამოქვაბულ გეარჯილას-კლდეს. გეარჯილას-კლდეში ქვის იარაღთა სხვადასხვა კომპლექსებთან ერთად აღმოჩნდა ძვლისა და რქის შესანიშნავი იარაღები და პალეოზოოლოგიური ნაშთებიც. მომდევნო წელს სტ. კრუკოვსკის ქიათურის მიდამოებში ნაწილობრივ სხვა გამოქვაბულებიც გაუთხრია (თარო-კლდე, ბნელი-კლდე, ხელგულის-კლდე და სხვ.), სადაც აგრეთვე მდიდარი ზედაპალეოლითური მასალა მოუპოვებია.

საქართველოში საბჭოთა წყობილების დამყარების შემდეგ ძველიქვის ხანის ნაშთების ძიებას საბჭოთა არქეოლოგები ჩაუდგნენ სათავეში და ამ რიგის მრავალი ძეგლის აღმოჩენასთან ერთად მანამდე უტყბოელ არქეოლოგთა მიერ მოპოვებული მასალებიც მეცნიერული კვლევის სფეროში შემოიტანეს.

1926 წელს პროფ. გ. ნიორაძემ ხარაგოულთან, მდ. ჩხერიმელას მარჯვენა ნაპირზე, ხანდების კლდეში დაიწყო გათხრა გამოქვაბულ დევისხვრელი. აქ მოპოვებული მასალის შესწავლის საფუძველზე პროფ. გ. ნიორაძემ

გაარკვია, რომ დევისხვრელში ხანგრძლივი დროის განმავლობაში ცხოვრობდა ზედაპალეოლითელი ადამიანი.

ამ აღმოჩენის შემდეგ ქვის ხანის ძეგლების კვლევა-ძიება ინტენსიურად წარიმართა და უკანასკნელი 30 წლის მანძილზე პირველყოფილი ადამიანის ნაბინაჟარი ადგილები საქართველოში ათეულობით გამოვლინდა. აღმოჩენის რაოდენობით, აგრეთვე ძეგლების შესწავლის თვალსაზრისითაც, საქართველოს ქვის ხანის ნაშთებიდან ყველაზე უკეთესად ზედა პალეოლითი გამოიყურება.

1934 — 1936 წლებში ზედა პალეოლითის ნაშთები აღმოაჩინა საკაეშირო მეცნიერებათა აკადემიის ანტროპოლოგიის, არქეოლოგიისა და ეთნოგრაფიის ინსტიტუტის ექსპედიციამ ჭიათურის მახლობლად სოფ. ლეიმევეში და შავი ზღვის საქართველოს სანაპიროზე.

1936 წელს პროფ. გ. ნიორაძემ გათხარა მდ. წყალწითელასთან აღმოჩენილი გამოქვაბული, რომელსაც მოსახლეობა „საკაეის“ უწოდებს. მან იქ ზედა პალეოლითის მეტად მდიდარი მასალა მოიპოვა. იქვე აღმოჩნდა მეოთხეულის ცხოველთა ნაშთები. საკაეისში შობოვებულ მასალებში შემონახული იყო აგრეთვე პალეობოტანიკური ნაშთები (ნახშირის სახით) და ამ ნაშთების შესწავლის შემდეგ მეოთხეულის მცენარეთა რამდენიმე სახეობაც დადგინდა.

1936 წელს საკაეშირო მეცნიერებათა აკადემიის საქართველოს ფილიალის ენის, ისტორიის და მატერიალური კულტურის ინსტიტუტის არქეოლოგიურმა ექსპედიციამ ა. კალანდაძის ხელმძღვანელობით სოფ. ოდიშის პლატოზე (ზუგდიდის რ.) ნეოლითურ კომპლექსთან ერთად ზედა პალეოლითის (მეზოლითის) ნათშებსაც მიაკვლია.

1936 წელს ზედა პალეოლითის ნაშთები აღმოაჩინა თრიალეთის არქეოლოგიურმა ექსპედიციამ, რომელსაც ხელმძღვანელობდა პროფ. ბ. კუფტინი. მდ. ხრამის მარცხენა ნაპირზე, სოფ. ბარმაქსიზის მახლობლად ექსპედიციამ გათხარა პირველყოფილი ადამიანის ნაბინაჟარი გამოქვაბული, სადაც ობსიდიანის მრავალრიცხოვან პალეოლითურ ნაშთებთან ერთად მოიპოვა მეოთხეულის ცხოველთა ნაშთებიც. მდ. ხრამის მარჯვენა შენაკადის, ყარაბულახის ხეობაში, სოფ. ბაშქიჩეთიდან 15 კმ დაშორებით, ზურტაქეთთან 1945 წელს აღმოჩენილია პალეოლითის (მეზოლითის) მცირე რაოდენობის კომპლექსი და პალეოზოოლოგიური ნაშთები.

1941 წელს სტალინის სახელობის თბილისის სახელმწიფო უნივერსიტეტის არქეოლოგიის კათედრამ მიიღვინა ექსპედიცია ჭიათურის რაიონში ს. ზამიატინის მიერ აღმოჩენილი კლდოვანი ფარდულის გასათხრელად. ექსპედიციამ აქაც ზედა პალეოლითის ნათშები აღმოაჩინა.

საქართველოში პირველყოფილი ადამიანის ნივთიერი კულტურის შესწავლის თვალსაზრისით მეტად საინტერესო გამოდგა სოფ. ძეგრში (თერჯოლის რაიონი) მდ. ძეგრულასა და შავი წყლის სამხმრავ ჩაკეტილ კარსტულ ხეობაში, ე. წ. კვახნურის მთის ზედა ცარცის კირქვების მასივში მდებარე გამოქვაბული ს ა გ ვ ა რ ჯ ი ლ ე, სადაც ივ. ჯავახიშვილის სახელობის ისტორიის ინსტიტუტის არქეოლოგიურმა ექსპედიციამ 1951 — 1952 წწ. ზედა პალეოლითის რამდენიმე კულტურული ფენა გათხარა. გამოქვაბულის იატაკის და მის წინ მდებ-

ბარე ფერდობის სამ დიდ უბანზე გამოვლინდა ძირითადად ოთხი კულტურული ფენა:

I — ძველიქვის ხანის (ხუთი ფენა);

II — ახალიქვის ხანის;

III — ენეოლითური და

IV — გვიანი დროის (პირველი საუკუნეებისა და გვიანფეოდალური ხანის სამარხეული ფენა).

სტრატиграფიულად ყველაზე ქვედა ფენაში (13 მ სიღრმეზე) აღმოჩნდა ზედა პალეოლითის ყველაზე უფრო ადრინდელი საფეხურისათვის დამახასიათებელი კაჟის იარაღები. იქვე აღმოჩნდა მუსტიეური ელფერის იარაღებიც. ამიტომ აღნიშნული ფენის ნაშთები ქვედა პალეოლითიდან ზედა პალეოლითში გარდამავალ საფეხურს უნდა მივაკუთვნოთ.

საგვარჯილეს ძველიქვის ხანის ყველაზე უფრო ზედა ფენებში შეიმჩნევა ზედა პალეოლითის ფინალური ეპოქის — ეპიპალეოლითის ნაშთები. ამ ფენებს შორის მოქცეული ოთხი კულტურული ფენაც ზედა პალეოლითს მიეკუთვნება.

ზედა პალეოლითის კულტურულ ფენებში ძვლის მრავალ იარაღთან ერთად გვხვდება მეოთხეულის ცხოველთა ძვლოვანი მასალაც. გარდა ამისა, ზედა პალეოლითის თითქმის ყველა კულტურულ ფენაში აღმოჩნდა იმ დროის კერა და მინერალური საღებავების ნაშთები. საყოფაცხოვრებო საგნების გვერდით საგვარჯილეში აღმოჩენილია პალეოლითის ხელოვნების იშვიათი ნიმუშები. ამ ნაშთებიდან განსაკუთრებით აღსანიშნავია ზღვის ლოკოკინის (ტურიტელას) ნიჟარებიდან გაკეთებული ყელსაბამი (ტაბ. IV, 22). ყოველ ნიჟარას ეტყობა კაჟის იარაღით გაკეთებული ნახერეტი (ტაბ. IV, 18). იმავე ფენებშია აღმოჩენილი ცხოველის გახვრეტილი კბილი და სხვა ავგაროზები (ტაბ. IV, 19, 21).

1952 წელს ისტორიის ინსტიტუტმა ძველიქვის ხანის შესწავლის მიზნით არქეოლოგიური ექსპედიცია მიავლინა სამხრეთ ოსეთში. ამ ექსპედიციამ სოფ. ჯერამუსში და სელოს მთაზე ზედა პალეოლითის ნაშთებს მიაკვლია 1 500 მეტრის სიმაღლეზე.

1953 წელს განხორციელდა საკონტროლო საცდელი გათხრა სტ. კრუკოვსკის მიერ 1916 წელს აღმოჩენილი გვარჯილასკლის გამოქვაბულისა, აგრეთვე შესაძლებელი გახდა ამ ოთხი ათეული წლის წინ მოპოვებული ზედა პალეოლითის ნაშთების აღმოჩენის პირობების დაზუსტებაც. ამასთან, ექსპედიციამ გვარჯილასკლდეში ზედა პალეოლითის კიდევ მრავალი ნაშთი მოიპოვა.

საქართველოს ზედა პალეოლითის მდიდარი მასალა შესაძლებლობას გვაძლევს პირველყოფილი ადამიანის ცხოვრების სხვადასხვა მხარე გამოვავლინოთ, თვალი მივადევნოთ ძველიქვის ხანის წარმოების ტექნიკაში მომხდარ ცვლილებებს და ამასთან ერთად ერთგვარი წარმოდგენა შევიძუშაოთ იმ დროის მეურნეობის ცალკეული დარგების განვითარებაზეც.

ზემოთ უკვე აღვნიშნეთ, რომ საქართველოს ტერიტორიაზე მცხოვრები ზედაპალეოლითელი ადამიანი უპირატესად ბუნებრივ გამოქვაბულებს იყენებდა. ასეთი გამოქვაბულებით მდიდარია ის რაიონები, სადაც კირკვლის მძლავრი ქანებია წარმოქმნილი. ეს კირკვიანი ქანები წყლის ზანგრძლივი

მოქმედების გამო ზნირად იშლება; განსაკუთრებით ადვილად იშლება ისეთი ქანები, რომლებიც ცარცის ან სხვა ამგვარი ჯიშის ფენას შეიცავენ. ამ გზით მთის გულში, ზოგჯერ მის გარეთა კლდეებშიც სხვადასხვა მოცულობის კარსტული გამოქვაბულები წარმოიქმნება. მიწისქვეშა კარსტული გვირაბების სიგრძე ზოგჯერ რამდენიმე კილომეტრს აღწევს. დიდი ზომის გამოქვაბული ჩვენში ცნობილია ქუთაისის მახლობლად სათაფლიის მთაში, ქვერონასა და ძვერულას ხეობებში, მღვიმევის კლდეში, თვით ქუთაისში და სხვ.

საქართველოში გამოვლენილ პირველყოფილ ადამიანთა მიერ გამოყენებული ბუნებრივი გამოქვაბულები ძირითადად ორი ტიპისაა: გვირაბისნაირი გამოქვაბულები (დევისხერელი, საკაეია) და კლდოვანი ფარდულები (მღვიმევი, ბარმაქსიზი, საგვარჯილე და სხვ.). როგორც ჩანს, ზედა პალეოლითის დასაწყისში უფრო გვირაბისნაირ გამოქვაბულს იყენებდა ადამიანი, მომდევნო პერიოდში კი — კლდოვან ფარდულებს. საქართველოში ზედაპალეოლითელ ადამიანს გამოქვაბულის გარეთ, ღია ცის ქვეშაც უცხოვრია. ასეთ ნამოსახლარებში ზედა პალეოლითის ფინალური ეპოქის ნაშთებია აღმოჩენილი (ოღიში, ჯერმუხი). ამრიგად, თუ თვალს გაავადენებთ პირველყოფილ საცხოვრებელ ადგილებს, იმ დროის საქართველოში კლიმატური პირობების შეცვლის ფაქტი შეიძლება აქაც დავინახოთ.

საქართველოს ზედაპალეოლითურ სადგომებში თითქმის ყველგან არის აღმოჩენილი მეოთხეულის ცხოველთა ნაშთები. შედარებით მცირე რაოდენობითაა ცნობილი მცენარეულის ნარჩენები. ამ რიგის ნაშთებს დიდი მნიშვნელობა აქვს ერთის მხრივ პირველყოფილ ადამიანთა ცხოვრების ზოგიერთი მხარის შესასწავლად, ხოლო მეორეს მხრივ მეოთხეულის ლანდშაფტის, კლიმატური პირობებისა და იმ დროის პალეოგეოგრაფიის აღსადგენად.

ზედა პალეოლითის მცენარეთა ნაშთები მხოლოდ ნახშირის სახით გვხვდება კულტურულ ფენებში, უმეტესად კერის ფარგლებში. კერის ნაშთები აღმოჩენილია მაგალითად საკაეიასა და საგვარჯილეში.

საკაეიაში ზედა პალეოლითის სხვა ნაშთებთან ერთად აღმოჩენილია მუხის, რცხილის, ძახველისა და მსხლის ნახშირი. მამასადამე რცხილა, მუხა, მსხალი და ძახველა აქაურ კლიმატურ პირობებს უძველესი დროიდან შეეუბნა.

საქართველოს იმდროინდელ კლიმატურ პირობებზე, მასთან დაკავშირებულ ფლორასა და ფაუნაზე წარმოდგენას გვაძლევს მეოთხეულის მდიდარი პალეოზოოლოგიური მასალა; ესაა ზედაპალეოლითელი ადამიანის მიერ თავის საცხოვრებელ ადგილზე მოტანილი ნანადირევი ცხოველებს ნაშთები. ამ რიგის ნაშთების შესწავლის საფუძველზე გარკვეულია, რომ საქართველოს რელიეფის, ჰავისა და მცენარეულობის სხვადასხვანაირობის გამო მრავალფეროვანი ყოფილა ცხოველთა სამყაროც. ძირითადად თბილი და ზომიერი ჰავის ცხოველების ნაშთებთან ერთად აღმოჩენილია ჩრდილოეთისა და ალპური ზონის ცხოველთა ძეგოვანი მასალაც.

საქართველოს ზედა პალეოლითის სადგომებში აღმოჩენილი ალპურ ცხოველთა (გარეული თხა, ქურციკი და სხვ.) მრავალი ნაშთი საფუძველს აძლევს პალეონტოლოგებს ტყის ზედა ზოლის საზღვარი ივარაუდონ უფრო ქვემოთ, ვიდრე დღეს არის; ეს კი იმაზე უნდა მიუთითებდეს, რომ უკრძის გაყინვარე-


ბის დროს ჩვენში ცივი კლიმატური პირობები არსებობდა. ამ მხრივ განსაკუთრებით მნიშვნელოვანია გამოქვაბულ საგვარჯილეში გ რ ძ ე ლ ბ ე წ ვ ი ა ნ ი მ ა რ ტ ო რ ქ ი ს ნაშთის აღმოჩენა. ამ ცხოველს საერთოდ ყინვარეული ეპოქის ფაუნის ჯგუფს მიაკუთვნებენ. ცივი ჰაეის მოყვარულ ცხოველთა (ჩრდილოეთის მაჩვი, ჩრდილოეთის თაგვი, გარეული თხა) ნაშთებია აღმოჩენილი გვარჯილას-კლდის ქვედა კულტურულ . ფენებში, დევისხვრელში. საქართველოს თითქმის ყველა პალეოლითურ სადგომშია ნაპოვნი გარეული თხის ნათშები.

საქართველოს ზედა პალეოლითის სადგომებში დადგენილი ცხოველებიდან, რომლებიც დღეს საქართველოში სრულიად აღარ გვხვდება, განსაკუთრებით უნდა აღინიშნოს საკაქიაში აღმოჩენილი ლოსის ნაშთები. ლოსსაც უყვარს ცივი კლიმატური პირობები და ცხოვრობს ადამიანისათვის ძნელად მისადგომ ჭაობიანსა და ტყიან ადგილებში. მაშასადამე, სავარაუდოა, რომ ზედა პალეოლითის დროს საქართველოში ჰავა დღევანდელზე უფრო ცივი უნდა ყოფილიყო.

ვურმის გაყინვარების ეპოქაში საქართველოს ტერიტორიაზე გაშლილი ველების მოყვარულ ცხოველებსაც უცხოვრიათ. ამის მანიშნებელია საკაქიას, მღვიმევის, ბარმაქისის, ზურტაკეტის და საგვარჯილეს პალეოლითურ სადგომებში აღმოჩენილი გარეული ცხენის ნაშთები, აგრეთვე თითქმის ყველა სადგომში ნაპოვნი მსხვილი რქოსანი ცხოველების ზუბრის ანუ დომბას და განათხარი ხარის ძვლოვანი მასალა. საქართველოს ზედაპალეოლითელ ადამიანს უნეთ მტაცებელ ცხოველებზედაც კი უნადირია, როგორიცაა გამოქვაბულის ლომი, გამოქვაბულის აფთარი, მგელი და სხვა; ამ ცხოველთა ნაშთები გვხვდება მღვიმეესა და საკაქიაში.

ამრიგად, საქართველოში აღმოჩენილი მეოთხეულის ცხოველთა ნაშთები მოწმობენ, რომ ზედა პალეოლითში რამდენადმე თბილი ჰაეის მოყვარულ ცხოველთა სამყაროში შემორეული ყოფილან ალპიური და ნაწილობრივ არქტიკული ცხოველების წარმომადგენლებიც, რაც უნდა აიხსნას ვურმული ყინვარების გავრცელების ზეგავლენით და შედარებით სუსხიანი კლიმატის არსებობით. დღეს საქართველოში სრულიად აღარ გვხვდება ციმბირული მაჩვი, ლოსი, გამოქვაბულის დათვი, გამოქვაბულის ლომი და გამოქვაბულის აფთარი.

პალეოზოოლოგიურ მასალას მნიშვნელობა აქვს პალეოლითის ძეგლთა შედარებითი დათარიღებისათვის, ვინაიდან მეოთხეულ პერიოდში კლიმატური პირობების შეცვლას გამოუწვევია ფლორისა და ფაუნის გადაადგილება, სახეთა შენაცვლება. პალეოზოოლოგიური მასალა როგორც რაოდენობრივად, აგრეთვე სახეობათა შემადგენლობითაც ყველა პალეოლითურ სადგომში ერთნაირად არაა წარმოდგენილი; ერთსა და იმავე გეოგრაფიულ ზონაში მოქცეული ზედა პალეოლითის სადგომების ცხოველთა ნაშთები ყოველთვის ერთნაირი არ არის; მაგალითად, მღვიმევი და გვარჯილას-კლდე ორივე ჭიათურის რაიონში მდებარეობს, ორივეში ზედა პალეოლითის ნაშთებია აღმოჩენილი, მაგრამ იქ აღმოჩენილი პალეოზოოლოგიური ნაშთები ერთიმეორისაგან განსხვავდება; მღვიმევი მრავლადაა წარმოდგენილი გარეული ცხენის ნაშთები, გვარჯილას-კლდეში კი იგი სრულიად არ გვხვდება. სამაგიეროდ ამ უკანასკნელში აღმოჩენილია ისეთი ცხოველთა ნაშთები, როგორიც სრულიად უცნობია მღვი-



მევის სადგომისათვის და ა. შ. ეს გარემოება შეიძლება იმით აიხსნას, რომ საქართველოს ზედა პალეოლითის ყველა სადგომი ქრონოლოგიურად ერთსა და იმავე საფეხურს არ მიეკუთვნება. სწორედ ამაზე მიუთითებს იმავე სადგომებში აღმოჩენილი პალეოლითური მასალაც, რომელიც საშუალებას გვაძლევს ქრონოლოგიურად ერთმეორეს დაეცილოს აღმოჩენილი კომპლექსები და ძველიქვის ხანის განვითარების თანმიმდევრობა შევნიშნოთ.

საქართველოს ზედაპალეოლითურ კომპლექსებში ძირითადი განსხვავება შრომის იარაღების კეთების ტექნიკასა და ამ იარაღთა ფუნქციონალურ დანიშნულებაში გამოიხატება. ამის საფუძველზე საქართველოს ზედა პალეოლითის ძეგლები სამ საფეხურად იყოფა: ადრინდელი, განვითარებული და გვიანი.

ზედა პალეოლითის ადრინდელი საფეხურის ძეგლები. საქართველოს ზედაპალეოლითურ კომპლექსთა ერთი ნაწილი მიეკუთვნება ქვედა პალეოლითიდან ზედა პალეოლითში გარდამავალ ხანას. ასეთია, მაგალითად, ჭიათურის რაიონის სოფ. ვაჭევეში, ხელგულის-კლდის გამოქვაბულში აღმოჩენილი ნაშთები. ზედა პალეოლითის სხვა ძეგლებთან შედარებით ეს მასალა არქაულ, მუსტიერური ხანისთვის დამახასიათებელ ელფერს ატარებს. იარაღები უბრალო და ტლანქ ანამტერევებზეა ნაკეთები, რეტუში მათ გვერდების გასწვრივ ცალპირად მიუყვება (ტაბ. III, 3); კაჟის იარაღს ხშირად მხოლოდ განიერ სამუშაო პირზე აქვს გაკეთებული რეტუში. კაჟის იარაღთა კომპლექსებში გვხვდება განვითარებული მუსტიერური ეპოქისათვის დამახასიათებელი სამკუთხა წვეტიანი იარაღები (წვეტიანები), რომლებსაც აშკარად ეტყობათ დარტყმის სიბრტყეზე ნუკლეუსიდან გამოყოფილი ფაცეტები. ასეთი სამკუთხა წვეტიანების, ნიჟარისებრი სიბრტყის დიდ ნაწილზე წარმოქმნილია დარტყმის ბორცვი დამახასიათებელი ფაცეტი. მასალაში მცირე რაოდენობითაა წარმოდგენილი ზედა პალეოლითისათვის დამახასიათებელი სიგრძივი ანატეკები — ლამელები და მოგრძო ფორმის იარაღები. ამ რიგის იარაღებიდან აღსანიშნავია საფეხეები (ტაბ. III, 2), რომლებიც აგრეთვე კაჟის ტლანქი ანამტერევისაგანაა ნაკეთები. ნუკლეუსებიც უხეშია და მათ ჯერ კიდევ არა აქვთ ზედა პალეოლითისათვის დამახასიათებელი სწორი და პრიზმისებრი მოყვანილობა. ხელგულის-კლდის მასალაში სრულიად არ გვხვდება ძელის იარაღები.

ასეთივე არქაული ელფერის კომპლექსს წარმოადგენს შავი ზღვის სანაპიროზე — სოხუმთან (იაშთხეაში) და ოჩამჩირეში აღმოჩენილი კაჟის იარაღები, რომელთაც მუსტიერურ ეპოქას მიაკუთვნებენ. მართალია ამ კომპლექსში შემონახული იარაღების დიდი რაოდენობა სამკუთხა წვეტიანებასაგან შედგება, მაგრამ იქვე აღმოჩენილი ირგვლივ რეტუშიანი მოგრძო ლამელები და ზოგიერთი საფეხეი შესაძლებელს ხდის, რომ ეს ნაშთებიც ზედა პალეოლითის ადრინდელ საფეხურს მივაკუთვნოთ.

ქვედა პალეოლითიდან ზედა პალეოლითში გარდამავალი საფეხურის საინტერესო კაჟის ინვენტარია აღმოჩენილი საგვარჯილეს ქვედა უძველეს კულტურულ ფენაში. ამ მასალაში გამოირჩევა სამკუთხა წვეტიანი იარაღები დამახასიათებელი დარტყმის სიბრტყითა და ბორცვით (ტაბ. III, 1).

აღნიშნულ კომპლექსებში ჯერ კიდევ არ ჩანს იარაღთა დიფერენციალ-ბული ტიპები. უმეტეს შემთხვევაში მათი იარაღად ხმარება იმით ირკვევა, რომ კაჟის ანატკეცს ან ანამტკრევს წვერი თუ გვერდები აქვს დამუშავებული. მათი გამოყენება მეურნეობაში მარტივი უნდა ყოფილიყო, ე. ი. ასეთი წვეტიანი იარაღით შეიძლებოდა გახვრეტა ან უკეთეს შემთხვევაში გაჭრა რომელიმე რბილი საგნისა; სხვა, უფრო რთული სამუშაოს შესრულება (დაჩეხვა, დამტვრევა, გაფხეკა და სხვა) პატარა სამკუთხა იარაღით ძნელი წარმოსადგენია. მიუხედავად ამისა აღნიშნული კაჟის ინვენტარი მაინც ზედა პალეოლითის მიეკუთვნება, ვინაიდან იქვე გვხვდება კაჟის ანამტკრევებიდან ნაკეთები ს ა ფ ხ ე ე ბ ი, უხეში ფორმის ს ა კ რ ი ს ე ბ ი, მოგრძო ფორმის და გვერდებდაბლაგვებული კაჟის ფ ი რ ფ ი ტ ე ბ ი (ლაშელები) და სხვა, ზედა პალეოლითის ადრინდელი საფეხურისათვის დამახასიათებელი იარაღები.

ამავე საფეხურის მდიდრული კომპლექსია აღმოჩენილი გამოქვამულ დ ე ვ ი ს ხ ვ რ ე ლ შ ი. აქ უკვე აშკარად ჩანს ზედა პალეოლითისათვის დამახასიათებელი ტექნიკაც და კაჟის იარაღთა ტიპებიც. დევისხვრელში მრავლადაა მოპოვებული კაჟის და ობსიდიანის ისეთი იარაღები, რომლებიც მათი გამოყენების სხვადასხვა ფუნქციაზე მიუთითებენ; მაგალითად: საფხეკების სხვადასხვა ჯგუფთან ერთად აღმოჩენილია საჭრისები და კომბინირებული იარაღები (საჭრის-საფხეკები, სახვრეტ-საფხეკები და სხვა), სახვრეტები, დუბლირებული იარაღები (ორპირიანი საჭრისი ან საფხეკი) და მიკროლითები. ამ ჯგუფის იარაღების აღმოჩენა უკვე მოწმობს ქვის იარაღების დამუშავების შედარებით მაღალ ტექნიკას. ამ მხრივ განსაკუთრებით აღსანიშნავია ე. წ. გ რ ა ვ ე ტ ი ს ტიპის დ ა ნ ე ბ ი. სწორედ ასეთი იარაღების აღმოჩენა დ ე ვ ი ს ხ ვ რ ე ლ შ ი ამ გამოქვამულს ქვედა პალეოლითის ძეგლებიდან საკმაოდ შორს აყენებს და უფრო აახლოებს მას ზედა პალეოლითის ძეგლებთან. ამასვე მოწმობენ დევისხვრელში აღმოჩენილი ძვლისა და რქის იარაღებიც (ტაბ. III, 5). მათი არსებობა ქვის ხანის წარმოების ტექნიკის აგრეთვე მაღალ დონეს მოწმობს. მიუხედავად ამისა, დევისხვრელის მასალებს ზედა პალეოლითის განვითარებულ საფეხურს მაინც ვერ მივაკუთვნებთ, ვინაიდან იქ ნაპოვნი ე. წ. შ ა ტ ე ლ ბ ე რ ო ნ ი ს ტიპისა და ხელცულის ფორმის იარაღები ამ კომპლექსის ადრინდელობის აშკარა მაჩვენებელია. სამართლიანად აღნიშნავდა პროფ. გ. ნიორაძე, რომ ამ იარაღთა დამუშავების ტექნიკა უფრო ძველი დროისაა, ვიდრე ეს ზედა პალეოლითის შემთხვევისა. გარდა ამისა, ყურადღებას იქცევს ის გარემოებაც, რომ დევისხვრელის კაჟის იარაღთა შორის იშვიათია დახვეწილი ფორმები, ე. ი. იარაღად განკუთვნილი კაჟის ლაშელები და ანამტკრევები წინასწარ არ არის კარგად დამუშავებული; ხშირია შემთხვევა ბუნებრივად ან შემთხვევით მიღებული კაჟის ანამტკრევებზე კონტურის გასწვრივ რეტუშის გაკეთებისა, რაც იმას მოწმობს, რომ ქვის იარაღის ფუნქცია ყოველთვის არ იყო წინასწარ გათვალისწინებული. ჯერ კიდევ აშკარად არ ჩანს კაჟის დამუშავების ისეთი ტექნიკა, რომ ზედა პალეოლითის განვითარებული საფეხური-სათვის დამახასიათებელი იარაღები გაეკეთებინა ადამიანს. მეტად მარტივია ძვლის იარაღების დამუშავების ტექნიკაც. ყურადღებას იქცევს წაბლისფერი დათვის ერთი კბილი, რომელსაც ფესვი ისე აქვს შემოხაზულ-ჩაღრმავებული,

რომ ადამიანს შეეძლო მისი ჩამოკიდება ყელზე; შესაძლოა მას აეგაროზის დანიშნულება ჰქონოდა.

დევისხერელთან ახლო კავშირშია ჭიათურის რაიონის სოფ. შუქრუთში აღმოჩენილი გამოქვაბული თარო-კლდე. ამ გამოქვაბულშიც დიდი რაოდენობითაა მოპოვებული მოგრძო ლამელებიდან გაკეთებული საფხეკები, გრავეტის ტიპის და მცირე ზომის დანები, ირგვლივ რეტუშიანი წვეტანები, მრავალფაცეტიანი ნუკლეუს-საფხეკები და სხვ. იქვეა აღმოჩენილი ძვლის მარტივი ფორმის სადგისები (ტაბ. III, 4). ზედა პალეოლითის ამ რიგის მასალასთან ერთად თარო-კლდეში გვხვდება შეტად არქაული ფორმის იარაღებიც: ორმხრივ დამუშავებული ხელტულის ფორმის იარაღი, სამკუთხა წვეტანები, რომელთაც დამახასიათებელი ბორცვი და ფაცეტები აქვთ, ტლანქი შუალა საჭრისები და სხვ. ყველაფერი ეს იძლევა საფუძველს იმისათვის, რომ თარო-კლდის მასალებიც ზედა პალეოლითის ადრინდელ საფეხურს მიეკუთვნოს.

ამ ხანის პალეოლითური სადგომებიდან მხოლოდ დევისხერელშია აღმოჩენილი მეოთხეულის ცხოველთა ნაშთები. ასეთებია მაგალითად: გამოქვაბულს დათვი, განათხარდ ხარი, ჩრდილოეთის ირემი,* შველი, ირემი, გარეული თხა, გარეული ღორი, მგელი და ჩრდილოეთის თაგვი. როგორც პროფ. გ. ნიორაძე აღნიშნავს, ეს ფაუნა იმაზე მიუთითებს, რომ დევისხერელელი ადამიანის დროს ჰავა დღევანდელზე უფრო ცივი ყოფილა, რასაც მოწმობს ჩრდილოეთის ირმის, გარეული თხის და ჩრდილოეთის თაგვის ნაშთების აღმოჩენა ფაუნისტურ მასალაში.

ზედა პალეოლითის განვითარებული საფეხურის ძეგლები. ჭიათურის რაიონის სოფ. მღვიმევის კლდოვან ფარდულში აღმოჩენილი მასალა კაეისა თუ ძვლის იარაღების დამუშავების ტექნიკითა და ნაირსახეობით ზედა პალეოლითის უფრო მაღალი საფეხურის ძეგლებს უკავშირდება, ვიდრე დევისხერელი, თარო-კლდე და ხელგულის-კლდე. ის რაც ზედა პალეოლითში კაეის წარმოების ტექნიკის მნიშვნელოვან მონაპოვარს წარმოადგენს (ადამიანის მიერ წინასწარ შერჩეული კაეის კაქრის დამუშავება, ე. ი. კაქარზე თავის გადამტერება და ამრიგად დარტყმის სიბრტყის მომზადება; ამ პროცესის შემდეგ იწყება კაქრის „გათლა“, ე. ი. კაქრიდან გვერდების ჩამოტერება-ატკეცა და ასეთი წესით კაეის „გულის“, ნუკლეუსის გამოღება-გაკეთება) დამახასიათებელია მღვიმევის მასალისათვის. ასეთი პროცესების შედეგად მიღებული კაქრის თავები, გვერდების ანამტერებები და ნუკლეუსები მრავალადაა მოპოვებული მღვიმეში; დიდი რაოდენობით გვხვდება ნუკლეუსებიდან ატკეცილი სხვადასხვა ზომის ლამელებიც; ლამელების ერთი ნაწილიდან გაკეთებულია იარაღები. აქ იარაღების გასაკეთებლად ობსიდიანიცაა გამოყენებული. ყველაფერი ეს კი იმას გვიდასტურებს, რომ ადამიანი უკვე დაუფლებულია კაეის დამუშავებას; მან კარგად იცის ნუკლეუსიდან იარაღისათვის საჭირო, წინასწარ გააზრებული და გარკვეული ფორმის ლამელის ატკეცა.

* ჩრდილოეთის ირმის მხოლოდ ერთი ძვლია აღმოჩენილი, ისიც რუდიმენტული და ძირითომ ამ ცხოველის ნაშთების არსებობა საქართველოში ჯერ კიდევ საეჭვო ჩანს.

კაქისა და ობსიდიანის იარაღების კომპლექსში თავისი სიმრავლით ყურადღებას იპყრობენ ძირითადად მოგრძო ლამელუბსაგან ნაკეთები საფხეკები. იშვიათად ვხვდებით უხეშ და უფორმო საფხეკებს. კოლექციაში აგრეთვე მრავლად მოიპოვება საჭრისები, მათი უმრავლესობაც მოგრძო ფორმისაა. საჭრისები, რომლებიც ზედა პალეოლითიდან შემოდის ხმარებაში და რომელთა ფართო გამოყენება იწყება შედარებით მოგვიანო საფეხურზე, მღვიმეში მთელი სერიებითაა წარმოდგენილი, რაც იმას მოწმობს, რომ მათი დანიშნულებაც მრავალნაირი იყო. იქვე მოიპოვება კაქის სახვრეტები, ე. წ. გ რ ა ვ ე ტ ი ს ტიპის იარაღების დიდი ჯგუფი, მიკროიარაღები და სხვ. (ტაბ. III, 7 — 14).

მღვიმევის მასალებში კარგადაა წარმოდგენილი ძვლის ძირითადად ორი ტიპის იარაღები: სადგისები და ხელშუბის პირები. ზოგი მათგანი ლულოვანი ძვლის ჩვეულებრივი ნატეხიდანაა გაკეთებული, ზოგი კი უფრო კარგად არის გათლილი და მთლიანად დამრგვალებულია. არის ცალწვეტა და ორწვეტა სადგისებიც. აღსანიშნავია, რომ ძვლის ამ იარაღზე უკვე ჩნდება წინა საფეხურზე სრულიად უცნობი ნაზოვანი სამკაული. ზოგ მათგანს მკრთალი, ფაქიზად ამოკაწრული ზოლები აქვს, ზოგს ღრმა, კდეულზოლებიანი სპირალი მიუყვება. მღვიმევის ასეთი იარაღები უფრო დიდი ზომისაა ვიდრე სადგისები (ერთი მათგანის სიგრძე 16 სმ აღწევს). ასეთ მსხვილ ძვლის იარაღებს ირიბად ჩამოთლილი ფუძე აქვთ, რომლის საშუალებითაც იარაღს ალბათ ტარზე დაამაგრებდნენ ან შიგ ჩასვამდნენ. არქეოლოგიურ ლიტერატურაში ამ ტიპის ძვლის იარაღებს ხელშუბის პირებს უწოდებენ. მღვიმევის ძვლის იარაღებიდან აღსანიშნავია აგრეთვე მ რ ა ვ ე ლ წ ა ხ ნ ა გ ა სა დ გ ი ს - ა ხ ვ რ ე ტ ე ბ ი და ნ ე მ ს ი ს ე ბ უ რ ი ი ა რ ა ლ ე ბ ი. აქ მოტანილი მასალიდან ჩანს, რომ მღვიმევის გამოქვაბულში მოსახლე ადამიანი კარგად ყოფილა გაწაფული ძვლის დამუშავებაშიც. მას უკვე სცოდნია ძვლის გაჭრა, გაფხეკა-გათლა, იარაღზე სიმეტრიული წვეტების გამოყენება და მარტივი ზოლებით შემკობაც კი.

მღვიმევი აღმოჩენილი ძვლის მრავალი ნატეხი და დაუმთავრებელი იარაღები მოწმობენ, რომ ადამიანი იქვე, თავის საცხოვრებელ ადგილზე ამუშავებდა ძვალს.

მღვიმევი ნაპოვნია აგრეთვე გეოთხეულის ცხოველთა ნაშთებიც. დადგენილია ცხოველთა შემდეგი სახეები: გარეული ცხვარი, გამოქვაბულის ლომი, მგელი და დათვი.

ქვის ხანის ტექნიკის განვითარების თვალსაზრისით მომდევნო ძეგლს წარმოადგენს გ ა მ ო ო ო ო ბ უ ლ ი ს ა კ ა ე ი ა. საკაქიაში აღმოჩენილი ძვლისა და კაქის იარაღების ცალკეულ ჯგუფებს თუმცა ახლო კავშირი აქვთ და შეიძლება ითქვას, რომ მღვიმევის იარაღთა ტიპებს იმეორებენ, მაგრამ ამ ორ ძეგლს შორის განსხვავება მაინც შეიმჩნევა. აქ აღმოჩენილი იარაღები საერთოდ კარგი ნაკეთობისაა და მათი ტიპობრივი შემადგენლობაც უფრო მრავალნაირია. საკაქიას მასალებში საჭრისების 10 ჯგუფია წარმოდგენილი, რომლებიც სხვადასხვა ქვეჯგუფს შეიცავენ. ასევე დიდძალი და თანაც მრავალფეროვანია საფხეკები და კაქის მიკროიარაღების ჯგუფები. გარდა ამისა, საკაქიაში აღმოჩენილია საქართველოსათვის უნიკალური კაქის იარაღები — დ ა ფ-

ნის ფოთლისა და ტირიფის ფოთლის მსგავსი შუბის პირები (ტაბ. III, 6, 7). იქვე მოპოვებული კაყის ისრის პირი, რომელსაც შესანიშნავად გამოყვანილი სატარე ღერო (ყუნწი) აქვს (ტაბ. III, 8). ასეთი ტიპის იარაღების აღმოჩენა იმ დროისათვის უკვე საკმაოდ განვითარებული მონადირეობის მაჩვენებელია.

საკაყიაში აგრეთვე კარგადაა წარმოდგენილი ცხოველის ძელისა და რქის იარაღები (ტაბ. III, 27). ძელს სადგისებთან და ხელშუბის პირებთან ერთად აღმოჩენილია ირმის რქისაგან გაკეთებული თოხისნაირი იარაღები — სათხარები (ტაბ. III, 11). ასეთი იარაღებიც პირველად საკაყიას გამოქვაბულში აღმოჩნდა. ზედა პალეოლითში რქისა და ძელის თოხისნაირი იარაღი გამოიყენებოდა საკვები მცენარეულის (ფესვებისა და ბოლქვების) მოსათხრელად, ე. ი. იმ დროს ადამიანი უკვე აკეთებდა მიწის საჩიჩქნ სპეციალურ იარაღს, რაც განსაკუთრებით საყურადღებოა ზედა პალეოლითის მეურნეობის შესწავლის თვალსაზრისით.

კაყის იარაღების დამუშავების ტექნიკის მხრივაც საყურადღებო მასალას იძლევა გამოქვაბული საკაყია. აქ წარმოდგენილი მასალის დასამუშავებლად გამოყენებულია ზედა პალეოლითის განვითარებული საფეხურისათვის ცნობილი წესები: დარტყმა, ატკეცა და წნევა. წინა საფეხურის კაყის ინვენტართან შედარების დროს სწორედ ამ მხრივაც შეიმჩნევა განსხვავება. საკაყიას კოლექციაში მოიპოვება ისეთი იარაღები, რომლებსაც ორივე მხრივ (ზურგისა და შუცლის ზედაპირზე) თხელი და განიერი ფაცეტების თანმიმდევრული ატკეცით გაკეთებული აქვთ ე. წ. მცოცავი რეტუში. ქვის იარაღების ასეთი ტექნიკით დამუშავება ზედა პალეოლითის საკმაოდ განვითარებულ საფეხურზე იწყება. ამ ხერხს „სოლუტრეულ რეტუშს“ უწოდებენ.

საკაყიაში აღმოჩენილია მეოთხეულის ცხოველთა მეტად მდიდარი მასალა. აქ დადგენილია ცხოველთა შემდეგი სახეები: ცხენი, ბიზონი, ირემი, ლოხი, ქურციკი, ჯიხვი, გამოქვაბულის ლომი და აფთარი, გამოქვაბულის დათვი, გარეული ღორი და სხვ.

ზედა პალეოლითის განვითარებული საფეხურის ძეგლთა რიცხვს მიეკუთვნება გვარჯილას-კლდის გამოქვაბულში აღმოჩენილი მასალები. თუმცა ამ ნაშთებში საკაყიასთან შედარებით უფრო კარგად დამუშავებული კაყისა და ძელის იარაღებია წარმოდგენილი, მაგრამ თვით იარაღების დამუშავების წესებისა და ძირითადი მასალის მიხედვით საკაყია და გვარჯილას-კლდე მანც ერთ ეპოქას უკავშირდებიან. გვარჯილას-კლდის მასალებიდან განსაკუთრებით აღსანიშნავია ძელის იარაღების კომპლექტი (ტაბ. III, 24, 20). ძელისა და რქის სადგისებთან და ხელშუბებთან ერთად აღმოჩენილია ჭვილთი, ძელის ნემსები, ცხოველთა გახვრეტილი კბილები და სქემატური გამოსახულებებით შემკული ძელის სამკაული (ტაბ. IV, 21).

გვარჯილას-კლდეში დიდი რაოდენობითაა აღმოჩენილი ფაქიზად ნაკეთები კაყის მიკროიარაღები. ამ იარაღების ერთი ნაწილი (სეგმენტისნაირი) შეიძლება რომელიმე რთულ იარაღს, მაგალითად ხელშუბის პირს შესადგენ დეტალს (ჩასართს) მიეკუთვნოს. ასეთი ტიპის მიკროიარაღები — ჩასართები

საქართველოს ზედა პალეოლითის სადგომებში თითქმის ყველგანაა აღმოჩენილი. როგორც ჩანს, მონადირეობას დიდი მნიშვნელობა ჰქონდა საქართველოს ტერიტორიაზე მცხოვრები ზედაპალეოლითელი ადამიანისათვის, რომელიც ერთის მხრივ სპეციალურ იარაღებს—ისრის პირებს და ხელშუბის პირებს აკეთებდა, მეორეს მხრივ კაჟის მიკროიარაღებით რთული სახის იარაღს ადგენდა (ტაბ. III, 17, 26). შესაძლოა მონადირეობასთან იყოს დაკავშირებული გვერდ-დაბლაგვებული კაჟის იარაღები.

საქართველოს ზედაპალეოლითურ კომპლექსებში თითქმის ყველგან გვხვდება მინერალური საღებავების ნარჩენები და ცხოველთა გახვრეტილ-ამოღარული კბილები. ეტყობა ამ დროს ადამიანმა უკვე იცოდა ტანის შეღებვა-გალამაზება და ავგაროვნების ტარება.

ზედა პალეოლითის გვიანი საფეხურის ძეგლები. ამ საფეხურზე იარაღთა დამუშავების მხრივ დიდი გაუმჯობესება აღარ მომხდარა. მთავარი ის არის, რომ კაჟის იარაღები დაპატარავებამ განიცდიან და ამავე დროს მათ გეომეტრიული ფორმები აქვთ მიღებული (სამკუთხედის, ტრაპეციის, რომბის, სეგმენტის). ქვის იარაღებიდან აღსანიშნავია დანებად გამოყენებული უბრალო ანატეცები, დანა-საჭრისი, დანა-საფხეკი და სხვ. მეტად ღარიბია ძვლის იარაღებიც.

გვიანდელი საფეხურის ძეგლებიდან პირველ რიგში აღვნიშნავთ მდ. ხრამის მარცხენა ნაპირზე, ბ ა რ მ ა ქ ს ი ზ ი ს გამოქვაბულში აღმოჩენილ ნაშთებს. ბარმაქიანში ზედა პალეოლითის სხვა იარაღებთან ერთად აღმოჩენილია გეომეტრიული ფორმის მიკროლითები, რომელთა შორის სამკუთხედის ფორმები სჭარბობს. დიდი რაოდენობით გვხვდება ზურგდაბლაგვებული მცირე ზომის იარაღები. საფხეკები უპირატესად მრგვალი ფორმისაა (ტაბ. IV, 14). საჭრისები ნაკლებია მოგრძო და თხელი ლამელებისაგან (ტაბ. IV, 1). იარაღებს რეტუსში მხოლოდ ნაპირებზე აქვს გაკეთებული (ტაბ. IV, 2). იშვიათად ვხვდებით ისეთ იარაღს, რომელსაც ზედაპირი რეტუსით ჰქონდეს დამუშავებული. ბარმაქიანის მონაპოვრის უდიდეს ნაწილს ობსიდიანის მოგრძო დანები და სახვრეტები წარმოადგენენ (ტაბ. IV, 3, 4, 5). მცირე რაოდენობითაა კაჟის იარაღები. სრულიად არ მოიპოვება ძვლისა და რქის იარაღები. მეოთხეულის ცხოველთაგან მხოლოდ გარეული ცხენის ნაშთებია აღმოჩენილი.

ამავე ეპოქის შესატყვისი ნაშთები აღმოჩნდა ზუგდიდის რაიონის სოფ. ო დ ი შ ი ს. ზედა კულტურულ ფენაში და სამხრეთ ოსეთში, ჯ ე რ მ უ ხ ი ს მ თ ა ზ ე. ამ სადგომებიდან უმთავრესად კაჟის მიკროიარაღებია ცნობილი (ტაბ. IV, 9, 11, 12, 13).

ზედა პალეოლითის გვიანდელ საფეხურს მიეკუთვნება აგრეთვე მდ. ხრამის მარჯვენა შენაკადის, მდ. ყარაბულახის ველზე, ზურტაკეთში აღმოჩენილი ობსიდიანის იარაღების კომპლექსები და ძვლის იარაღი (ტაბ. IV, 10). ამ ოთხივე სადგომის ნაშთები წინა პერიოდის მასალებთან შედარებით ღარიბია ტიპობრივადაც. ასეთი ცვლილება შემდეგი გარემოებით აიხსნება: საყოველთაოდ ცნობილია, რომ ზედა პალეოლითის გვიანდელი საფეხურის პირველყოფილ ადამიანთა ცხოვრება დაემთხვა ეურპული ეპოქის შემდგომ დროს. ეს არის თანა-

მედროვე გეოლოგიური ეპოქის (პოლოცენის) დასაწყისი, როდესაც ყინვარები საგრძნობლად შემცირდა და თბილმა კლიმატმა თანდათანობით ჩრდილოეთითაც იწყო განვითარება. ბუნებრივი პირობების შეცვლის გამო, დროთა განმავლობაში ცივი სტეპების მკაცრი ლანდშაფტი — ტუნდრა, ტყემ შეცვალა. ამ დროს შუა ევროპიდან საესეებით გადაშენდა მამონტი და ციმბირის მარტორქა. მოსპო მეოთხეული დროის არქტიკული და ალპიური ცხოველები. ასეთმა ბუნებრივმა პირობებმა გავლენა მოახდინა პირველყოფილი ადამიანების ყოფაცხოვრებაზეც. ზედა პალეოლითის გვიანდელი საფეხურის ნაშთებში შეიმჩნევა, რომ ამ დროს მონადირეობას უკვე აღარა ჰქონდა ისეთი დიდი მნიშვნელობა, როგორც წინა საფეხურზე. საქართველოს ამ საფეხურის სადგომებშიაც მცირე რაოდენობით გვხვდება ცხოველთა ნაშთები, ასევე ღარიბადაა წარმოდგენილი ძვლის იარაღებიც. როგორც ჩანს, ადამიანმა საარსებო საშუალებების მოპოვების ახალი გზები გამოიხაზა. შედარებით კარგ ბუნებრივ პირობებში მცხოვრებ ზედაპალეოლითელ ადამიანს შრომის ახალი დარგი გაუჩენია. ასეთად მიიჩნევენ ზედა პალეოლითის ბოლო ხანაში შემგროვებლობის გაფართოებას და ცოტა უფრო მოგვიანებით, ცხოველთა მოშინაურებას. ყველაფერი ეს ადამიანთა ცხოვრების შემდგომი, მკვეთრი წინსვლის მაჩვენებელია. ამის შემდეგ იწყება პალეოლითისაგან მრავალმხრივ განსხვავებული კულტურის ახალი საფეხური — ნეოლითი ანუ ახალი ქვის ხანა.

საქართველოს ზედა პალეოლითის ნაშთების ასეთი ქრონოლოგიური დალაგება სრულიადაც არ ნიშნავს იმას, რომ იგი მომავალში უცვლელად დარჩება. უნდა ვითქვით, რომ შემდგომი ახალი აღმოჩენები, ერთის მხრივ, თუ ცალკეულ საფეხურში შემავალი ძეგლების რაოდენობას გაზრდის, მეორეს მხრივ, თვით საფეხურთა თანმიმდევრობასაც დააზუსტებს. მაგალითად, დღესდღეობით ჩვენს მასალებში ღარიბადაა წარმოდგენილი ზედა პალეოლითის გვიანდელი საფეხურის კომპლექსები და ე. წ. სოლუტრეული ეპოქის ნაშთები.*

პირველყოფილი ხელოვნება და რელიგია. ზემოთ ჩვენს მიერ განხილული ქვის ხანის ნივთიერი კულტურის ნაშთები შესაძლებლობას გვაძლევენ წარმოდგენა ვიქონიოთ არა მხოლოდ იმ დროის საწარმოო ძალებზე და წარმოების ტექნიკაზე, არამედ თვით ადამიანთა ყოფის ზოგიერთ სხვა მხარეზეც. მიუხედავად იმისა, რომ პირველყოფილი ადამიანის ცხოვრების უდიდესი ნაწილი საარსებო საშუალების მოპოვებას ხმარდებოდა, ზედა პალეოლითიდან უკვე ცნობილი ხდება პირველყოფილი ხელოვნების ნიმუშები, და, როგორც ცნობილია, ამ დროიდან ადამიანი ზრუნავს უკვე თავისი ტანის მორთულობაზეც; ტატუირებასთან ერთად იგი ტანს ბუნებრივი საღებავებითაც იღებავს.



* საქართველოს ზედა პალეოლითის სამი საფეხურის მასალებს თუ შევადარებთ დასავლეთ ევროპის პალეოლითისათვის მიღებულ ქრონოლოგიურ ეპოქებს, შემდეგ სურათს მივიღებთ: ხელგულის-კლდე, საგვარჯილე (ქვედა კულტურული ფენა), იაშთხა, ოჩაჩიჩი და უკავშირდება მუსტიერის ეპოქიდან ორინიაკში გარდამავალ ეპოქას; დევისხვრელი და თარო-კლდე — ადრე ორინიაკს; მღვიმევი — ადრესოლტრეულ ეპოქას; საკაია — განვითარებულ სოლუტრეულ ეპოქას; გვარჯილას-კლდე — განვითარებულ მადლენის ეპოქას; ბარპაქისი, ზურტაკეთი, ოდიში და ჯერმუხი — აზილ-ტარდენტალურ ეპოქას.

საქართველოს ტერიტორიაზე მცხოვრებ ზედაპალეოლითელ ადამიანთა ნაღვამ გამოქვაბულებში თითქმის ყველგან არის აღმოჩენილი ბუნებრივი სა-
ლებავები (ყვითელი და მიხაიასფერი ჟანგმიწა) და რიყის ბრტყელი ქვები,
რომლებზედაც დარჩენილია იმავე სალებავების კვალი. ჩანს, აღნიშნულ გამო-
ქვაბულში მცხოვრებმა ადამიანებმა უკვე იცოდნენ ქვაზე სალებავის გაღესვა
და ასეთი სალებავით ტანის მოხატვა. ამავე დროს პირველყოფილი ადამიანი
სხეულის სხვაგვარ მორთულობაზეც ზრუნავს. მაგალითად გამოქვაბულ სა-
გვარჯილეში აღმოჩენილია ზღვის ლოკოკინების გახვრეტილი ნიჟარები (ტაბ.
IV, 22) და წერტილოვანი ორნამენტით შექმული ალემასტრის საკიდები (ტაბ.
IV, 20), რომლებიც ზედაპალეოლითელი ადამიანისათვის შესანიშნავი სამკაუ-
ლები უნდა ყოფილიყო. ასეთ სამკაულებს პირველყოფილი ადამიანი ალბათ
მაგიურ მნიშვნელობასაც ანიჭებდა.

პირველყოფილი ადამიანები თავისთვის საჭირო საარსებო საშუალებებს
ბუნებისაგან მზამზარეულად კი არ იღებდნენ, მათ მძიმე ბრძოლა უხდებოდათ
ბუნებასთან. საწარმოო ძალებს დაბალმა დონემ, პრიმიტიული იარაღებით
ბუნებასთან ბრძოლის სიძნელეებმა, ადამიანს შეუქმნეს წარმოდგენა, რომ
თითქოს ბუნებაში არსებობენ მისთვის იღუმალი ძალები, რომლებიც ადამიანი-
სადმი კეთილად ან მტრულად არიან განწყობილნი. მტრულად განწყობილი
ბოროტი სულებისაგან ადამიანს თავი უნდა დაეცვა მათდამი თავყანისცემით;
თაყვანი უნდა ეცა აგრეთვე კეთილად განწყობილი სულებისათვის. მეცნიერები
ფიქრობენ, რომ სწორედ ასეთი შეუცნობელი ძალებისადმი, კეთილი და ბო-
როტი სულებისადმი თაყვანისცემა — ანიმიზმი იყო რელიგიის უძველესი
ფორმა, რომელს საწყისებს ზედა პალეოლითიდან ვარაუდობენ. რელიგიის
თავდაპირველ ფორმას წარმოადგენს ტოტემიზმიც. თაყვანისცემის საგანი ხდე-
ბოდა ის ცხოველი ან მცენარე, რომელშიც ადამიანი ითვისებდა თავის თავს და
რომლისგან დამოკიდებულიც ეგონა თავისი არსებობა. ტოტემი ჰყავდათ
ცალკეულ გვარებს და თითოეულ ადამიანს ინდივიდუალურად. ეთნოგრაფიულ
მასალებზე დაკვირვებით მეცნიერებმა დაამტკიცეს, რომ ტოტემიზმი უნივერ-
სალური ისტორიული მოვლენა იყო. დღეს იგი მხოლოდ კულტურულად ჩამორ-
ჩენილმა ხალხებმა შემოინახეს.

ბუნების შეუცნობელი მოვლენებისაგან თავის დასაცავად პირველყოფილ
ადამიანს სხვადასხვა წეს-ჩვეულებები გამოუმუშავდა. იგი იყვებოდა საკი-
დებს — ავგაროზებს — თითქოს ჯადოსნური ძალს მქონე ნივთებს, რომლებ-
საც ყოველთვის თან ატარებდა. ასეთი ნივთები, როგორც აღვნიშნეთ, აღმოჩე-
ნილია დევსხვრელში, საკაიამი, გვარჯილას-კლდეში და საგვარჯილეში. ამ
ნივთებიდან განსაკუთრებით აღსანიშნავია ცხოველის გახვრეტილი კბილები
(ტაბ. IV, 17, 20). ზედაპალეოლითელი ადამიანი იმ ცხოველის კბილს ან სხვა
ძვალს იყვებოდა აპულეტად, რომელსაც მისი არსებობისათვის დიდი მნიშვნე-
ლობა ჰქონდა. ცხოველის ერთი ნაწილის ავგაროზად გამოყენება, თანტარება,
პირველყოფილი ადამიანის წარმოდგენით, როგორც ჩანს, მთელი ცხოველის
დამორჩილებას ნიშნავდა.

საგვარჯილეში აღმოჩენილი აგრეთვე ძვლისაგან კარგად გამოთლილი
თევზის გამოსახულება (ტაბ. IV, 15). ეს ნივთი გახვრეტილია და ეტყობა საკი-



16



17

15




18




19



2



21



22

დად იყო გამოყენებული. საგვარჯილეში აღმოჩენილი ამ რიგის ნივთები საქართველოს ზედა პალეოლითის უნიკალურ ნიმუშებს წარმოადგენენ.

ცნობილია, რომ ზედაპალეოლითელ ადამიანს უკვე უჩნდება აუცილებელი საქირიება და სურვილიც ასეთი საგნების შექმნისა, რომლებიც მის ესთეტიკურ მოთხოვნილებებს დააკმაყოფილებენ. ეს საგნები იმავე დროს მკიდრო კავშირში არიან პირველყოფილ ადამიანთა პრაქტიკულ ცხოვრებასთან, მათ სხვადასხვა მეურნეობრივ საქმიანობასთან. ამიტომაც პალეოლითის ხელოვნებას გარკვეული თვალსაზრისით პირველყოფილ ადამიანთა არსებობისათვის ბუნებასთან ბრძოლის ერთერთ საშუალებად თვლიან. პირველყოფილი ადამიანი, ერთის მხრივ, თუ სხეულის გასალამაზებლად იღებავდა ტანს, მეორეს მხრივ, დაწმუნებული იყო იმაში, რომ შეღებილი ტანით რიტუალური სცენების შესრულებით, იგი ბუნების გარკვეულ ძალას იმორჩილებდა. მაგალითად საგვარჯილეშა ადამიანმა ძვლისაგან თევზი თუ მეთევზეობის პროცესების უკეთ წარმართვისათვის გამოკვეთა, მეორეს მხრივ, უნდა ვივარაუდოთ, რომ მან თავისი სულიერი განცდა და მის გარეშე არსებულ ბუნებრივ მოვლენებთან თავისი დამოკიდებულება ჩააქსოვა იმავე ნივთში. ასეთივე დანიშნულება უნდა ჰქონოდა პალეოლითის ხელოვნების სხვა ნიმუშებსაც, რომლებიც დღეს არც თუ ისე მცირე რაოდენობით მოგვეპოვება საქართველოს ზედა პალეოლითის განვითარებული და უფრო გვიანდელი საფეხურის ძეგლებს შორის.

ზედაპალეოლითელი ადამიანი უკვე იჩენს ერთგვარ ზრუნვას მიცვალებულისადმი. მიცვალებულს ასაფლავებენ თავიანთ საცხოვრებელ ბინაზე, კერის ახლოს და ალბათ მასთან დაკავშირებულ წესებსაც ასრულებენ. ხშირია შემთხვევა, რომ მიცვალებულისათვის ჩაუტანებიათ ის ნივთები, რომლებსაც იგი სიცოცხლეში ატარებდა, რაც დაკავშირებული იყო იმ პრიმიტიულ რწმენასთან, რომ ადამიანი სიკვდილის შემდეგაც განაგრძობს ცხოვრებას და ამიტომ საჭირო ნივთები საიქიოსაც დასჭირდება.

საქართველოს ზედა პალეოლითის მიცვალებულთა დამარხვის წესზე ვერაფერს ვიტყვი, ვინაიდან ასეთი ნაშთები ჩვენში ჯერჯერობით არ არის აღმოჩენილი. როგორც აღვნიშნეთ, იმ დროის ადამიანის ნაშთები მხოლოდ მცირე ფრაგმენტების სახით იყო შემონახული დევისხვრელში და საკაჟიაში.

პირველყოფილი-გვაროვნული ხაზოგადობა საქართველოში. ზემოთ უკვე აღინიშნა, რომ მეოთხეულის გაყინვარებათა მკაცრმა კლიმატურმა პირობებმა აიძულა ადამიანი საცხოვრებელი ადგილი გაეჩინა. ისიც ითქვა რომ იქ, სადაც საამისო ბუნებრივი პირობები იყო ადამიანმა გამოქვაბულში დაიწყო ცხოვრება. ხოლო სადაც ასეთი გამოქვაბულები არ არსებობდა, ხანგრძლივ საცხოვრებლად მიწურებს ან ნახევრად მიწურებს იკეთებდა. ეს ცხოვრება გულისხმობს ადამიანთა გარკვეული ჯგუფის ერთად ყოფნას. პირველყოფილ ადამიანს თავისი მარტივი იარაღით მტაცებელ ცხოველზე ნადირობა ან მათგან თავის დაცვა და საარსებო საშუალებების მოპოვება მარტოხელად არ შეეძლო. საჭირო იყო ადამიანთა გაერთიანებული მოქმედება. უკვე ის იარაღები და მშვილდისარი, რომელიც შემდეგ გაჩნდა, გამორიცხავდნენ ბუნების ძალებთან და მტაცებელ ცხოველებთან მარტოხელად ბრძოლის შესაძლებლობას. ტყეში რომ

ნაყოფი შეაგროვონ, წყალში რომ თევზი დაიჭირონ, რაიმე საცხოვრებელი ბინა რომ ააშენონ, ადამიანები იძულებულნი არიან ერთად იმუშაონ, თუ არ სურთ გახდნენ შიმშილით სიკვდილის, მტაცებელ ცხოველთა ან მეზობელ საზოგადოებათა მსხვერპლნი“ (ი. სტალინი). ასეთ ნიადაგზე გაერთიანებულ ადამიანთა საერთო ძალით მოქმედება ერთი ისეთი ელემენტი იყო, რომელმაც ადამიანი ცხოველობიდან გამოიყვანა (ფ. ენგელსი).

ქვედა პალეოლითის ბოლოს უკვე ჩნდება შრომის საფუძველზე გაერთიანებულ ადამიანთა პირველყოფილი ჯგუფები მაგრამ კავშირი ამ ჯგუფების წევრთა შორის ჯერ კიდევ სუსტი იყო.

ეურმის მკაცრმა კლიმატურმა პირობებმა და არსებობისათვის საჭირო საკვების ბუნებრივმა მარაგმა ადამიანის ერთ ადგილზე ხანგრძლივი დაბინავება აუცილებელი გახადა. დროთა განმავლობაში ბუნებრივი გამოქვამული და ზოგ ადგილას კი მიწური, ადამიანის ხანგრძლივ საცხოვრებელ ბინად გადაიქცა. ასეთმა ბინადარმა ცხოვრებამ თავის მხრივ ხელი შეუწყო ადამიანთა უფრო ახლო ურთიერთობაში ყოფნას, მათ შორის მჭიდრო კავშირს, რასაც ბოლოსდაბოლოს პირველყოფილი გვარის წარმოქმნა მოყვა შედეგად.

ფ. ენგელსის განმარტებით „გვარი წარმოიშობა ველური მდგომარეობის შუა საფეხურზე, ხოლო თავის აყვავების ხანას, რამდენადაც ჩვენი წყაროების მიხედვით შეგვიძლია დავასკვნათ, ბარბაროსობის ქვედა საფეხურზე აღწევს“. დღეს უკვე მიღებულია მეცნიერთა მიერ, რომ ველურობის შუა საფეხურს ზედა პალეოლითის ადრინდელი ეპოქა მიეკუთვნება. სწორედ ამ ეპოქიდან იწყება ადამიანის მკვიდრი ბინადარი ცხოვრება და ამავე ეპოქას უკავშირდება ის დიდი ტუხილები, რომლებიც ქვედა პალეოლითის დასაწყისში მოხდა. ამავე ეპოქაში ივარაუდება გვარის წარმოქმნაც.

ქვედა პალეოლითიდან ზედა პალეოლითში გადასვლა განვითარების ხანგრძლივი პროცესია. პირველყოფილი ადამიანის ისტორიაში ახალი ეპოქის დადგობა პირველ რიგში წარმოების იარაღების გაუმჯობესებაში გამოიხატა. ამ დროს ადამიანი ბუნებრივი მარაგის ათვისებისათვის საჭირო შრომის იარაღებს გაუმჯობესებულ ტექნიკით ამუშავებს, თანაც იარაღები უკვე დიფერენცირებულია, ე. ი. სხვადასხვა დანიშნულება აქვთ, მაგალითად, ნადირობის, თევზის ჭერის და შეგროვებითი. ზედაპალეოლითელი ადამიანი აკეთებს ისრის პირებს, ხელშუბის პირებს, ჭვილთებს და მიწის საჩიჩქნ იარაღებს.

ზედაპალეოლითელ ადამიანს უკვე აქვს მკვიდრი საცხოვრებელი ბინა და მეურნეობისათვის საჭირო იარაღ-ხელსაწყოები. ამდენად, პირველყოფილ საზოგადოებაში ზედა პალეოლითი ისეთ ისტორიულ ეტაპს წარმოადგენს, როდესაც კაცობრიობის კულტურის განვითარებაში მნიშვნელოვანი ნაბიჯი გადაიდგა წინ. ამ დროს მოხდა ადამიანის სულ უფრო და უფრო მკვეთრი გამოყოფა ცხოველთა სამყაროდან. ნეანდერტალელის პრიმიტიული ქორწინების ფორმა, ენდოგამური (ჯგუფის შიგნით ჩაკეტილი) სისხლის ნათესაობაზე დამყარებული, შეიცვალა ქორწინების ექსოგამური (გვარის შიგნით შეუღლების აკრძალვა) ფორმით. შეუღლების უფლება გვარის ჩაკეტილ ფარგლებს გასცილდა. აიკრძალა შეუღლება ერთი დედის შვილებს შორის, ამის საფუძველზე სხვადასხვა გვარის ადამიანები შევიდნენ ურთიერთკავშირში. დროთა განმავლობაში შე-

უღლებს უფლება აიკრძალა უფრო შორეულ სისხლით ნათესაეებს შორისაც. (ბიძაშვილებს შორის დედის ხაზით). ამან თავის მხრივ დიდი გავლენა მოახდინა ადამიანთა მოდგმის ფიზიკურ განვითარებაზე. რადგანაც გვიანთ შინგით შეუღლება აიკრძალა, ამიტომ ერთი გვიანის მამრობითი ნაწილი სხვა გვიანში რჩებოდა, მდებარობითი ნაწილის შთამომავლობა კი ამავე გვიანში. ყოველი გვიანი აერთიანებდა დედის ხაზით სისხლით მონათესავე ადამიანებს. ამრიგად, პირველი გვიანები ჩამოყალიბდა როგორც დედით ნათესაობაზე დამყარებული გაერთიანებები, რის გამოც ამ ეპოქას მატრიარქატულ ეპოქას უწოდებენ. მატრიარქატის ეპოქა უნივერსალური მოვლენაა კაცობრიობის განვითარების ისტორიაში. იგი ყველა ხალხმა განვლო.

ჯგუფობრივი ცოლქმრობის პირობებში დედა, როგორც გვიანის გამგრძელებელი, რეალურ მოვლენას წარმოადგენდა. მოდგმის გაგრძელება პირველყოფილ ადამიანთა თვალთახედვით მხოლოდ ქალს შეეძლო. ამის საილუსტრაციოდ კარგ მასალას იძლევა დსაველეთ ევროპისა და საბჭოთა კავშირის ზედა პალეოლითის ძეგლებში აღმოჩენილი ძელისაგან ნაკეთები შიშველი დედაკაცის ქანდაკებები, რომლებზედაც განსაკუთრებით არის გამოხატული ქალობის მანიშნებელი ორგანოები.* გარდა ამისა, პირველყოფილ მატრიარქატულ საზოგადოებაში ქალის უფლება გაზარდა იმ დროის მეურნეობაში ქალის როლის განსაკუთრებულმა მნიშვნელობამ.

პირველყოფილ საზოგადოებაში ქალის როლის გაზარდა კი იმ სამეურნეო საქმიანობის დაწინაურებას უნდა გამოეწვია, რომელიც ზედა პალეოლითში ძირითადად ქალს ჰქონდა დაკისრებული.

მეურნეობა ზედა პალეოლითში. საქართველოს ზედა პალეოლითის ძეგლებში აღმოჩენილი მდიდარი პალეოზოოლოგიური მასალა მოწმობს, რომ ამ დროს მონადირეობას განსაკუთრებული მნიშვნელობა ჰქონია. მონადირეობის განვითარებული ფორმით არსებობაზე მიგვითითებს აგრეთვე ზედა პალეოლითის ეპოქაში ხელშეშისა და ისრის პირების გაჩენა. ამ მხრივ განსაკუთრებით კარგ მასალას იძლევა ზემოთ განხილული საკაეიას ქვის იარაღების კომპლექსი. მაგრამ მხოლოდ მონადირეობა მინც ვერ უზრუნველყოფდა პირველყოფილ ადამიანს საჭირო საარსებო საშუალებით, საკვები მარაგით, ვინაიდან ერთხელ თუ ნანადირევის დიდ მარაგს მოიპოვებდა, მეორედ ნადირობას შეიძლება უშედეგოდ ჩაეგლო. ამიტომ მონადირეობასთან ერთად დიდი მნიშვნელობა უნდა ჰქონოდა შემგროვებლობას. საკაეიასში აღმოჩენილი თიხისნაირი იარაღები გვაუწყებენ, რომ საქართველოს ზედა პალეოლითელი ადამიანი შემგროვებლობისათვის უკვე სპეციალურ იარაღს აკეთებს. როგორც უკვე აღვნიშნეთ, თიხისნაირ და წერაქვისნაირ ძელის ან რქის იარაღებს ზედაპალეოლითელი ადამიანი საკვები მცენარეულობის ფესვების ამოსათხრელად იყენებს. ასეთი იარაღები უკვე კარგად არის ცნობილი საბჭოთა კავშირში აღმოჩენილ ზედაპალეოლი-

* აღსანიშნავია, რომ კოსტენკი I-ში ასეთი ქანდაკება ნაწილ-ნაწილ დამტკრებული და კულტურულ ფენაში მიმობნეული აღმოჩნდა. არქეოლოგების აზრით ქანდაკება დამტკრებული უნდა იყოს მოსული მტრის მიერ — მტერს გაუნადგურებია გვიანის უფროსი, მისი მფარველი.

თელი ადამიანის ნაბინავარ ადგილებში. ამ ტიპის დიდი ზომის იარაღი შეიძლება გამოყენებული ყოფილიყო პალეოლითის დროის კარვების თუ მიწურების. გასაკეთებლად საჭირო ორმოების ამოთხრის დროს. მცენარეულის ფესვების შეგროვება ან კარვის დადგმა ძირითადად ქალს უნდა ჰქონოდა მინდობილი, ვინაიდან ზედა პალეოლითის დასაწყისიდან ბუნებრივი შრომის დანაწილება (სქესობრივ-საკობრივი) უკვე გულსხმობდა მამაკაცის მონადირეობას, ე. ი. მის მეტწილად გარეთ ყოფნას, ხოლო დედაკაცის უმეტესად სახლში დარჩენას, შეილებზე ზრუნვას. დღევანდელ პრიმიტიულ ხალხთა ცხოვრებაზე დაკვირვებით მეცნიერებას მდიდარი მასალა მოეპოვება ქვის ხანის ადამიანთა ცხოვრებისა, მათი მეურნეობის ფორმების მიახლოებით აღსადგენად. ირკვევა, რომ თანამედროვე პრიმიტიულ ხალხებში ქალი ხშირად მთელი წლის მარაგს შოულობს ველური მცენარეების სეზონური შეგროვებით.

არ არის გამორიცხული, რომ მცენარეულობით მდიდარ ტერიტორიაზე საქართველოს ზედაპალეოლითელ ადამიანს შეძლებოდა წლის გარკვეულ სეზონში მცენარეულის დიდი მარაგის შეგროვება, მაგალითად, წაბლის, წიწიბოს, რკოსა და სხვა მცენარეულის ნაყოფისა. ამდენად, თუ მაშინ მონადირეობა საეგებისო იყო, საქართველოს ტერიტორიაზე მცხოვრებ ზედაპალეოლითელ ადამიანს შემგროვებლობა ყოველთვის კარგ შედეგს მოუტანდა.

ცნობილია, რომ სამხრეთ ქვეყნების ზედა პალეოლითის გვიანდელ ეპოქაში შემგროვებლობას განსაკუთრებული მნიშვნელობა ჰქონდა. ხოლო ზედა პალეოლითის მოგდენო ეპოქაში — ნეოლითში, უკვე ისახება პირველყოფილი მიწათმოქმედება. ქვის ხანის ძეგლების ხანგრძლივი კვლევისა და თანამედროვე პრიმიტიულ ხალხთა ყოფა-ცხოვრების შესწავლის შედეგად მეცნიერთა მიერ გარკვეულია, რომ ქვის ხანის გვიანდელ ეპოქებში (ზედა პალეოლითი, ნეოლითი) ჯერ შემგროვებლობას და შემდეგ პირველყოფილ მიწათმოქმედებას ქალი ედგა სათავეში. მეცნიერთა მიერ აგრეთვე აღიარებულია, რომ დედის ხაზით სისხლით მონათესავე გვარების შექმნამ ქალს უპირატესობა მისცა პირველყოფილ საზოგადოებაში.

პირველყოფილ საზოგადოებაში ქალის უფლების გაზრდის საფუძველს წარმოადგენს აგრეთვე მისი თანდათანობით დაწინაურება მეურნეობაში. „იყო დრო მატრიარქატისა, — წერს ი. სტალინი, — როცა დედაკაცები წარმოების ბატონ-პატრონად ითვლებოდნენ. რით აუხსნათ ეს? იმით, რომ მაშინდელ წარმოებაში, პირველყოფილ მიწათმოქმედებაში დედაკაცი უმთავრეს როლს თამაშობს, მაშინ, როდესაც მამაკაცები ტყე-ტყე დაძრწოდნენ ნადირის საშოვნელად“. მასასადავმე, მატრიარქატული წყობის ჩასახვის ერთერთ ფაქტორს და შეიძლება მთავარ საფუძველსაც მეურნეობის სწორედ ის დარგი წარმოადგენდა, რომელსაც იმ დროს ქალი ედგა სათავეში.

საქართველოში აღმოჩენილი ზედა პალეოლითის მდიდარი მასალა უკვე შესაძლებლობას გვაძლევს, რომ იმ დროს ჩვენში მეურნეობის სხვადასხვა ფორმების არსებობაზე ერთგვარი წარმოდგენა ვიქონიოთ. ზემოთ განხილული ნაშთები მოწმობს, რომ საქართველოს ტერიტორიაზე დასახლებულმა პირველყოფილმა ადამიანმა ზედა პალეოლითიდან, მონადირეობასა და მეთევზეობასთან ერთად, შემგროვებლობაც დაიწყო. შემგროვებლობას განსაკუთრებული

მნიშვნელობა უნდა ჰქონოდა საქართველოში მსახლობელი პირველყოფილი ადამიანის ცხოვრებაში. იმდროინდელი ბუნებრივი პირობები უთუოდ ხელს უწყობდა მეურნეობის ამ დარგს, განსაკუთრებით ზედა პალეოლითის განვითარებულ ეპოქაში. საკაჟიაში აღმოჩენილი მუხის, მსხლის და ძახველის ნაშთები იმას მოწმობენ, რომ პალეოლითელი ადამიანი ამ მცენარეთა ნაყოფს საკვებდაც იყენებდა. სხვა მცენარეთა ნაყოფითაც არ იქნებოდა „ხელმოკლედ“ საქართველოს ტერიტორიაზე. მცხოვრები პირველყოფილი ადამიანი. გარდა ტყის ამ მცენარეთა ნაყოფისა, საქართველოს ზედაპალეოლითელი ადამიანი საკვები მცენარის ფესვებს და სხვა ძირხვენებსაც რომ აგროვებდა, ამის მაუწყებელი უნდა იყოს საკაჟიაში აღმოჩენილი სათხრელი ჯოხის წვერი. ამრიგად, საქართველოს ზედა პალეოლითის ნაშთები უკვე იძლევიან იმის საშუალებას, რომ პირველყოფილ ადამიანთა მეურნეობის ფორმების შესახებ ერთგვარი წარმოდგენა ვიქონიოთ. ზედა პალეოლითის შემდგომ ეპოქებში მონადირეობასთან ერთად უკვე განვითარებული ფორმით გვევლინება შემგროვებლობა და მეთევზეობა. პირველყოფილი ადამიანი. შემგროვებლობისა და მეთევზეობისათვის სპეციალურ იარაღსაც კი აკეთებს. ამდენად, მეურნეობის ამ დარგში მას უფრო მეტი წარმატება უნდა ჰქონოდა. მეურნეობის განვითარებამ და წარმოების ტექნიკის წინსვლამ მოამზადა თვით ადამიანთა ურთიერთდამოკიდებულების შემდგომი შეცვლის საფუძველი.

საქართველოს ზედა პალეოლითის ხანის გამოქვაბულებში აღმოჩენილი მძლავრი კულტურული ფენები და ზოგიერთ მათგანში დადგენილი კერები იმაზე მიუთითებენ, რომ ამ დროს ადამიანი ქვედა პალეოლითთან შედარებით უფრო ხანგრძლივ ბინადარ ცხოვრებას ეწევა.

საქართველოში აღმოჩენილი ზედა პალეოლითის სამივე საფეხურის მდიდარი მასალა ტექნიკის განვითარების მაღალ დონეს მოწმობს. ქვის იარაღები დამუშავებულია სხვადასხვა ხერხით. ქვის იარაღებთან ერთად ადამიანი ფართოდ იყენებს და კარგადაც ამუშავებს ცხრველის ძვალსა და რქას.

ამრიგად, საქართველოში ქვედაპალეოლითელ ადამიანთა პრიმიტიული ჯგუფებიდან დროთა განმავლობაში უნდა ჩამოყალიბებულიყო დედის უფლებასზე დამკვიდრებული პირველყოფილი გვაროვნული საზოგადოება, რომლის ყველაზე აღრინდელი საფეხური ზედა პალეოლითში ჩაისახა. დედის უფლებასზე დამყარებული პირველყოფილი გვაროვნული საზოგადოების განვითარების შემდგომი საფეხური ახალიქვის ხანის (ნეოლითს) მიეკუთვნება.

§ 3. ახალიქვის ხანა

საქართველოს ტერიტორიაზე ნეოლითური ხანის სამი სადგომია გათხრილი, სამივე დასავლეთ საქართველოში. არქეოლოგიური დაზვერვით თუ შემთხვევით მოპოვებული ნეოლითური ნაშთები საქართველოს სხვადასხვა კუთხიდანაცაა ცნობილი. აღმოჩენილი მასალები არ იძლევა იმის შესაძლებლობას, რომ ახალიქვის ხანის ერთიმეორისაგან მკვეთრად განსხვავებული საფეხურები გამოვყოთ. განსაკუთრებით ძნელდება ნეოლითის დასასრულის, მისი ზედა საზღვრის

დადგენა. მიუხედავად ამისა, მინც შეიძლება ითქვას, რომ საქართველოს ნეოლითის ზედა საზღვარს მე-4 ათასწლეულის აქეთ ვეღარ გადმოვიტანთ, ვინაიდან ამ დროიდან ჩვენში უკვე კარგადაა წარმოდგენილი ენეოლითური კულტურის ძეგლები. რაც შეეხება ნეოლითის ქვედა საზღვარს, მისი შესატყვისი ნაშთები აღმოჩენილია ზუგდიდის რაიონის სოფ. ოღიშში. ამიტომაც, ძეგლების ქრონოლოგიური თანმიმდევრობის თვალსაზრისით საქართველოს ნეოლითური ნამოსახლარების განხილვას ამ ძეგლით დავიწყებთ.

სოფ. ოღიში მდებარეობს 6 კმ დაშორებით ქ. ზუგდიდიდან. მის ჩრდილო-აღმოსავლეთით, მდ. ჯუმის მარჯვენა ნაპირის საკმაოდ შემალეებულ ზეგანზე (273 მ ზღვის დონიდან). აქ, 1936—1937 წლებში გათხრების დროს გამოვლენილ იქნა მძლავრი კულტურული ფენები, რომლებიც მეზოლითისა და ნეოლითის ნაშთებს შეიცავდნენ. მეზოლითის დროის ნაშთებიდან აღსანიშნავია: ე. წ. გეომეტრიული მოხაზულობის კაყის მიკროიარალები, რომელთა შორის წამყვანია ტრაპეციის მსგავსი მიკროლითები (ტაბ. IV, 9). ასეთ იარაღებს ფართოდ იყენებდა პირველყოფილი ადამიანი სხვა, უფრო რთული: იარაღის პირის გასამართავად. ზედმიწევნით დადგენა, თუ როგორი იარაღის პირის გასამართ ღებტალებს წარმოადგენდნენ ეს პაწაწინა კაყის ფირფიტები, არ ხერხდება. მიუხედავად ამისა, კოლექციაში ასეთი მცირე ზომის და ფაქიზად გამოყვანილი პაწია იარაღების არსებობა იმას მოწმობს, რომ ადამიანმა უკვე იცოდა რთული იარაღის შედგენის ხერხები. ოღიშის ეს კომპლექსი რომ მეზოლითის განვითარებულ ეტაპს, ან ადრენეოლითს უნდა მიეკუთვნოს, ამის საფუძველს წარმოადგენს იქვე აღმოჩენილი ოვალურთაებოლოიანი და ორმხრივ-მსხვილი ფაცეტების ამოტყეცით გამოყვანილი დიდი ზომის ქვის იარაღები — მაკროლითები. ეს იარაღები დამუშავების ტექნიკით და, აგრეთვე, ტიპოლოგიურადაც ადრენეოლითის, ე. წ. კამპანიის ტიპის ქვის იარაღებს ემსგავსებიან (ტაბ. V, 3). ოღიშის ქვის იარაღების აღნიშნული ჯგუფი ნეოლითის არქაულ ტიპს მიეკუთვნება. ამავე კომპლექსთანაა აღმოჩენილი განვითარებული მეზოლითის კაყის იარაღები, როგორიცაა: მრგვალი ფორმის პატარ-პატარა საფხეკები, აგრეთვე მცირე ზომის კაყის თხელი ლამელისაგან ნაკეთები საჭრისები და სხვ. (ტაბ. V, 1, 5).

შედარებით უფრო მდიდარი მასალა აღმოჩნდა ოღიშის ნეოლითური ხანის კულტურულ ფენაში. ამ ფენაში ნაპოვნია კაყისა და რიყის ქვისაგან ნაკეთები სხვადასხვა დანიშნულების იარაღები და თიხის ჭურჭლის ფრაგმენტები. ქვის იარაღთა შორის გვხვდება განხილ-გაპრიალებული ცალებიც: ქვის ცულები, საჭრელები, სატეხები და სხვ. (ტაბ. V, 2, 4, 6, 9). აქვეა აღმოჩენილი შედარებით უფრო ტლანქი წერაქვისნაირი პირწამახული კაყის იარაღები, (ტაბ. V, 3), თიხისნაირად გამოყვანილი, პირგანიერი რიყის ქვის იარაღები, დიორიტისგან ნაკეთები გრდემლები, ხელსაფქვაკები და ხორბლის ან სხვა მარცვლეულის სასრესები. განსაკუთრებით საყურადღებოა ორი გატეხილი იარაღი, რომლებზეც: შერჩენილია ხვრეტის ცდის კვალი. ეს ნატეხებიც კარგადაა გაპრიალებული (ტაბ. V, 9).

ოდიშის ქვის იარაღების ერთი ნაწილი სამუშაო პირების მიხედვით ორ ჯგუფად იყოფა: ა) ოვალურ სამუშაო პირიანი და ბ) წვეტიანი იარაღები. პირველი ჯგუფის იარაღებს მიეკუთვნება თოხისნაირი იარაღები, მეორეს კი წერაქვისნაირი იარაღები. თოხისნაირი იარაღით ნეოლითელ ადამიანს შეეძლო მიწის გაწმენდა-გასუფთავება და შემდეგ მოთხრა. წვეტიანი იარაღით კი მიწის მოჩიქნა-მოთხრა, ე. ი. მეტად პრიმიტიული წესით მიწის დამუშავება. სწორედ ოდიშში აღმოჩენილი ქვის იარაღების ამ კომპლექსების შემწეობით გახდა შესაძლებელი საქართველოში მიწათმოქმედების საწყისები ნეოლითის დროიდან გვევარაუდნა. ასევე, ხორბლეულის საკვებად გამოყენების მაჩვენებელია ოდიშში აღმოჩენილი ქვის ხელსაფქვავეები: ვეომეტრიული ფორმის შიკროლითები და ხელსაფქვავეები, მართალია, ყოველთვის არ გამოგვადგება მიწათმოქმედების არსებობის დამადასტურებელ ფაქტებად, მაგრამ, როდესაც ამ იარაღებთან ერთად ჩნდება მიწის მოსათხრელი ან მოსაჩიქნი იარაღებიც, იარაღთა ასეთი კომპლექსი უკვე განსაკუთრებული მნიშვნელობის ხდება მიწათმოქმედების საწყისების ძიებისას. ამ მხრივ უთუოდ დამახასიათებელია ის ფარემოებაც, რომ ოდიშის კაყის იარაღთა შორის ძლიერ მცირე რაოდენობით გვხვდება ისრის პირები. როგორც ჩანს, ძველებურად დიდი მნიშვნელობა აღარ უნდა ჰქონოდა მონადირეობას.

თიხის ჭურჭელი აქ მცირე ზომის ნატეხებითაა წარმოდგენილი. ამიტომაც თვით ჭურჭლის ფორმის აღდგენა გაძნელებულია. აღმოჩენილი ნატეხებიდან ირკვევა, რომ ზოგიერთ ჭურჭელს ყურის მაგიერ პირის მახლობლად ნახვრეტი ჰქონია გაკეთებული, რომლის საშუალებითაც შეიძლებოდა ჭურჭლის ჩამოკიდება და საპირო შემთხვევაში თან ტარება. ნაწილს პირთან გარდიგარდმო ქდებული ხაზები ამჩნევია და პირიც ირგვლივ დაკბილული აქვს. ზოგ ნატეხზე კი შემორჩენილია ყურის მაგიერ მიძერწილი პატარა შევრილები. ოდიშის ჭურჭლის თიხა უხეში ნაკეთობისაა და ცუდათაც არის გამოშვარი. თიხაში ურევია კვარცის ნატეხები და ქარსი. აქა-იქ ნატეხებზე შემორჩენილია ქდულ-ხაზებიანი ორნამენტი. შემკულობის ზოგიერთი მოტივი თავთავს მოგვაგონებს (ტაბ. V, 7). ოდიშის არქაული თიხის ჭურჭლის ასეთი სახეებით შემკობა კიდევ ერთხელ მოწმობს საქართველოში მარცვლოვანი მცენარის კულტურის უძველესი დროიდან მომდინარეობას.

ოდიშის მეზოლით-ნეოლითის კულტურულ ფენებში მოპოვებული ქვის იარაღების კომპლექსი უფრო იმის შესაძლებლობას იძლევა, რომ ოდიშელი ადამიანის ძირითად სამეურნეო საქმიანობად პირველყოფილი მიწათმოქმედება ჩავთვალოთ. სამწუხაროდ, ოდიშის კულტურულმა ფენებმა ვერ შემოგვინახა ძელოვანი მასალა. ამიტომაც ვერ გვექმნება წარმოდგენა ამ მიდამოების მაშინდელ ცხოველთა სამყაროზე; ოდიშის მასალებსათვის აგრეთვე უცნობია ძვლის იარაღები, რაც ამ ხნის ძველებისათვის არცთუ ისე უჩვეულო მოვლენას წარმოადგენს. აღნიშნული ვითარება და ის გარემოება, რომ ოდიშში ძალიან ცოტაა მონადირეობის იარაღები, იქნებ იმის მაუწყებელია, რომ მონადირეობას უკვე აღარ ჰქონდა დიდი მნიშვნელობა, და მეურნეობის მთელი სიმძიმე მიწათმოქმედებაზე იყო გადატანილი.

ნეოლითის დროის ადამიანთა მეორე ნამოსახლარი აღმოჩენილია 1941 წელს, შავი ზღვის სანაპიროზე, გულაუთის მახლობლად, კისტრიკში. მთელი კომპლექსი (13500 ურთულს). შედგება რიყის ქვის, კაყის და ობსიდიანის იარაღებისაგან. შედარებით მცირე რაოდენობითაა აღმოჩენილი თიხის კუროპლის ნაშთები. ძვლის იარაღი მხოლოდ ერთი ცალია; იგი ცუდად დამუშავებულ მარტივი ფორმის სადგის წარმოადგენს. ქვის იარაღებისათვის საჭირო ძირითადი მასალა კისტრიკელთ იქვე, ზღვის ნაპირზე უგროვებიათ.

კომპლექსში 30 სახის სხვადასხვა დანიშნულების ქვის იარაღია. ისევე როგორც ოდიშში, კისტრიკის მასალებშიც მეტად ღარიბადაა წარმოდგენილი გახვრეტილი ქვის იარაღები. გახვრეტილია მხოლოდ სალესი ქვები, თანაც ზოგიერთი მათგანი არც კია ბოლომდე გახვრეტილი. ჩანს კისტრიკელმა ადამიანმა ქვის დამუშავების ტექნიკის ეს ხერხი უკვე იცოდა, მაგრამ მისი გამოყენება ეძნელებოდა.

აქ აღმოჩენილი კაყის და ობსიდიანის იარაღები გამოყენების თვალსაზრისით ორ ჯგუფად შეიძლება დაიყოს: ა) დიდი ზომის, ტლანქად დამუშავებული წვეტიანი იარაღები და ბ) გეომეტრიული მოხაზულობის მცირე ზომის იარაღები. რიყის ქვის იარაღები კი მრავალსახოვანია. ამ იარაღებიდან განსაკუთრებით საყურადღებოა ქუსლწაყვეთილი და შუაზე ამოზურგული ქვის თოხები. უკველია, რომ ასეთი მოყვანილობის იარაღები სწორედ მიწათმოქმედებისათვის უნდა ყოფილიყო განკუთვნილი. მეურნეობის ამავე დარგს უკავშირდება ზემოთ აღნიშნული წვეტიანი იარაღები.

კისტრიკის ნეოლითურ კომპლექსში მრავლად არის წარმოდგენილი ხის დანამუშავებლად განკუთვნილი ქვის იარაღები: მეტად ფაქიზი ნაკეთობის საჭრელები, ცულები, სატეხები, სათლევები და სხვ. (ტაბ. V, 10), მაგრამ მისთვის უცნობია კაყის, ისრისა და შუბის პირები, აგრეთვე ფაუნსტური მასალა. საერთოდ კისტრიკისა და ოდიშის მასალებში იარაღთა ტიპების მიხედვით შეიმჩნევა მსგავსება, მხოლოდ იმ განსხვავებით, რომ კისტრიკის მასალები შეიძლება უფრო განვითარებულ ნეოლითს მიეკუთვნოს, ვიდრე ოდიშის ნეოლითური ფენის კომპლექსები.

ახალიქვის ხანის მრავალი ნაშთია აგრეთვე მოპოვებული ქუთაისის მახლობლად მდებარე გორაზე, რომელსაც ადგილობრივი მოსახლეობა თეთრამიწას უწოდებს. თეთრამიწაზე ნეოლითური ხანის ნაშთებს პირველად მიაკვლია ქუთაისში მცხოვრებმა პედაგოგმა პ. კაბუციანმა, 1924 წელს. მას გორის ზედაპირზე, თითქმის ათი წლის განმავლობაში, მრავალი ნაშთი შეუგროვებია და ქუთაისის სახელმწიფო მუზეუმისათვის გადაუცია. ეს მასალა ახლაც აღნიშნულ მუზეუმშია დაცული, ხოლო მცირე ნაწილი ინახება აკად. ს. ჯანაშიას სახელობის საქართველოს სახელმწიფო მუზეუმში. აქ არის რიყის ქვისა და კაყის იარაღები, კერამიკული კუროპლის ნატეხები, ქვისაგან ნაკეთები სამაჯურის ნატეხები და სხვა.

ქვის იარაღების დიდი ნაწილი მიწათმოქმედებაში გამოყენებულ იარაღთა კომპლექსს მიეკუთვნება. კარგადაა წარმოდგენილი აგრეთვე ხის დანამუშავებული ქვის იარაღები (ტაბ. V, 16). განსაკუთრებით საყურადღებოა ის გარემოება, რომ თეთრამიწელს მეტად ფართოდ აქვს გამოყენებული კაყი. ოდიშისა



1



2



3



4



5



6



7



8




9



10



12



11



14



13



15



16



17

და კისტრიკის კომპლექსებთან შედარებით, თეთრამიწიდან კაჟის ისრის პირების დიდი რაოდენობაა წარმოდგენილი.

თეთრამიწის ნამოსახლარის ნეოლითური ნაშთები შრომის იარაღთა დანიშნულების მიხედვით დაყოფილია სამ ძირითად ჯგუფად:

ა) შ ი ნ ა ხ ე ლ ო ს ნ ო ბ ი ს ი ა რ ა ლ ე ბ ი: საჩხები, შესანიშნავად გახეზილ-გაპარიალებული მცირე ზომის საჭრეთლები და ხის სათლელი იარაღები, გრდემლები, ფილთაქეები და სასარესები.

ბ) მ ი წ ა თ მ ო კ მ ე დ ე ბ ი ს ი ა რ ა ლ ე ბ ი: რიყის ქვისაგან ნაკეთები აოხისნაირი (ტაბ. V, 13) და წერაქვისნაირი იარაღები, ხელსაფქვავეები, კაჟის წალკატები; აგრეთვე კაჟისაგან ნაკეთები ნამგლის პირის გასამართი დაკბილული მიკროლითები (ლულები) (ტაბ. V, 11).

გ) მ ო ნ ა დ ი რ ე ო ბ ი ს ი ა რ ა ლ ე ბ ი: კაჟის ისრის პირები და შუბის პირები. ეს ჯგუფები იარაღთა მთელ სერიებს შეიცავენ (ტაბ. V, 15, 17).

როგორც ტიპოლოგიური ჯგუფების მიხედვით, აგრეთვე ამ ჯგუფებში შემავალ იარაღთა რაოდენობით ირკვევა, რომ თეთრამიწის გორაზე მომძლავრებულ მოსახლეობას უცხოვრია. ნაშთების ასეთი სიუხვე იმის მაუწყებელია, რომ ამ მიდამოებში ნეოლითული ადამიანი შემთხვევით კი არ მოსულა, არამედ აქ მას ხანგრძლივი საცხოვრებელი პქონია, სადაც თვითვე დაუმზადებია საჭირო ქვის იარაღები. ამას მოწმობს შემონახული მრავალი ანამტვრევ-ანატყეი, რაც ქვის იარაღების იქვე დამუშავების დროს წარმოქმნილია.

აქაურ ადამიანს რბილი ქვიშაქვისაგან უმეტესად შეინახლსნობის იარაღები უკეთებია (საღესები და საპრიალო იარაღები, სამიჯები); ხოლო ისეთი მაგარი ქვის ჯიშიდან, როგორიცაა ბახალტი, დორიტი და კირქვა, უმთავრესად სამიწათმოქმედო (ხელსაფქვავეები, წალკატები) და ზის დასამუშავებელი იარაღები (სატეხები, საჭრეთლები, სათლელები). იარაღების ადგილობრივ დამუშავებას მოწმობს იქვე აღმოჩენილი დაუმთავრებელი ისრის პირები. დიდი მონღოლებითაა ნაკეთები კაჟის ისრის პირები, ხის დასამუშავებელი ხელსაწყოები — სათლელები და საჭრეთლები. რაც შეეხება მიწათმოქმედების იარაღებს, ესენიც ისეთი დიდა რაოდენობით და კარგადაა ნაკეთები, რომ თეთრამიწულს მიწათმოქმედობა საეკვო აღარ უნდა იყოს.

თეთრამიწის მასალებს, ოდიშის ნეოლითური ფენის ნაშთებთან შედარებით, განვითარების მეტი ელფერი დაქრავს. მათ განსაკუთრებით აახლგაზრდაებს იქვე აღმოჩენილი მუქი ნაცრისფერი ფიქლისაგან ნაკეთები ს ა მ ა ჯ უ რ ი ს ფ რ ა გ მ ე ნ ტ ე ბ ი.

ნეოლითური ნაშთები აღმოჩენილია აგრეთვე თეთრამიწიდან ჩრდილოეთით 5—6 კმ მდებარე სათაფლიის მთაზე*. ეს მთა ზღვის დონიდან 487 მ მდებარეობს. მის სამხრეთ-დასავლეთ ფერდობზე პ. ჭაბუკიანმა მოიპოვა თეთრამიწის მასალების მსგავსი ნეოლითური ნაშთების შედარებით მცირე კომპლექსი.

* 1933 წელს, სათაფლიის მთის ჩრდილო კალთაზე, ბუნებრივად გამიშვლებულ მერგულიანი კირქვის შრეზე პ. ჭაბუკიანმა შენიშნა ჩარმავებული სამთითა ანამტვლები. ეს ანამტვლები შეიწავლეს მუცნიერებმა და გამოაკვიეს, რომ ისინი დღეს უკვე გადაშენებულ დინოზავრების ნაფეხურებს წარმოადგენდნენ.

როგორც უკვე აღვნიშნეთ, თეთრაშიწისა და სათაფლიის ნეოლითური ნაშთები შემთხვევითაა მოპოვებული, რის გამოც ჯერჯერობით გაძნელებულია მათი ხნოვანების ზედმიწევნით განსაზღვრა. ორივე ძველი განვითარებულ ნეოლითს უნდა მიეკუთვნებოდეს. საკაიას შემდეგ ქუთაისის მიდამოებში პირველყოფილ ადამიანთა ცხოვრება არ უნდა შეწყვეტილიყო, ამიტომ მოსალოდნელია აქ ზედა პალეოლითიდან ნეოლითში გარდამავალი ეპოქის ძეგლების აღმოჩენაც.

ზემოთ განხილულ ნამოსახლართა მიხედვით ირკვევა, რომ საქართველოს ტერიტორიაზე მცხოვრები ნეოლითელი ადამიანი ბუნებრივად შემალელებულ ადგილებს ზეგნებს, ბორცვებს ან გორებს უფრო ეტანებოდა. საცხოვრებლად იყენებდა აგრეთვე ბუნებრივ გამოქვაბულებსაც. ასეთ ნაბინავარს წარმოადგენს გამოქვაბული სა გ ვ ა რ ჯ ი ლ ე, სადაც პალეოლითის სხვადასხვა საფეხურის ფენებთან ერთად აღმოჩნდა ახალიქვის ხანის საკმაოდ მძლავრი კულტურული ფენა.

ნეოლითის ნაშთების სიმრავლე იმაზე მიუთითებს, რომ პირველყოფილი ადამიანები საგვარჯილეს ძველიქვის ხანის მომდევნო ეპოქაშიც დიდხანს იყენებდნენ საცხოვრებლად. ძველიქვის ხანის ზედა, უკანასკნელ ფენაზე უშუალოდ დაფენილი აღმოჩნდა ადგილ-ადგილ მორუხო-მონაცრისფრო და ზოგან სილანარევი ნაცროვანი ფენა. ამ ფენის სისქე ზოგიერთ ნაწილში 3 მეტრამდე აღწევდა და ნაშთებსაც მრავლად შეიცავდა. მათი უმრავლესობა ახალი ქვის ხანის საკმაოდ განვითარებულ საფეხურს უნდა მიეკუთვნოს.

საგვარჯილეს ნეოლითურ ფენაში, კაიის დიდძალ ნაშთებთან ერთად აღმოჩენილია ცხოველთა ძვლისაგან ნაკეთები იარაღები (სადგისები, სახვრეტები, მახათები, ნემსები, ანკესები და სხვ.), თიხის ჭურჭლის მრავალი ნატეხი, რიყის ქვისაგან დამზადებული ვახეხილ-გამარილებული იარაღები, ცხოველის რქისაგან ნაკეთებ იარაღთა მეტად საინტერესო კომპლექსი (თიხისნაირი და წერაქვისნაირი იარაღები), სამკაულები და სხვა. ფენათა თანმიმდევრობით თხრის შედეგად, ექსპედიციამ საგვარჯილეს ნეოლითური ფენის ზედა პორიზონტებში ენეოლითის ეპოქისათვის დამახასიათებელი ნაშთებიც გამოავლინა. თვითნახადი სპილენძის ოთხწახნაგა ჯადგისები და შირიე ზომის, აგრეთვე სპილენძის, ანკესები, რაც შეეხება საკუთრივ ნეოლითის ფენას, ე. ი. მის ქვედა პორიზონტებს, აქ დიდი რაოდენობითაა აღმოჩენილი შინახელოსნობისა და სხვა საყოფაცხოვრებო საგნები. მაგალითად, ხის დასამუშავებელი იარაღებიდან აღსანიშნავია ცულები, ჯაჭრეტლები, სათლევები. რიყის ქვისაგანაა ნაკეთები სალესი ქვები და გრდემლები. საყოფაცხოვრებო საგნებს მიეკუთვნებიან ძვლის ნემსები, მახათები და სადგისები (ტაბ. VI, 6), ქვისა და თიხის კვირისტავეები. საგვარჯილეს ნეოლითელი ადამიანი რომ ტანს უკვე მის მიერვე დამზადებული ქსოვილით იმოსავდა, ამას მოწმობენ აქ მოპოვებული კვირისტავეები, ნემსები და მახათები.

გამოქვაბულში აღმოჩენილი სამკაულებიდან აღსანიშნავია სხვადასხვა მასალისაგან ნაკეთები სამაჯურები და საკიდები (ტაბ. VI, 3, 8). ზოგი მათგანი ნეოლითელი ადამიანის მიერ ხელოვნურად ნაკეთებ სამკაულთა იშვიათ ნიმუშს წარმოადგენს. ასეთებია: თიხისაგან მეტად ფაქიზად ნაქერწი და შავად გამომწვარ-გამარილებული სამაჯურები, ახლა ფრაგმენტების სახით შემონახული

კაყის იარაღებიდან წამყვანი ადგილი უკავია სხვადასხვა მოყვანილობის ისრისა და შუბის პირებს. ზოგი მათგანი თავმომრგვალებულია, ზოგი — გვერდქიმიანი და ა. შ. (ტაბ. VI, 7, 11, 12).

საგვარჯილეში, ისევე როგორც საქართველოს სხვა ნეოლითურ ძეგლებში, მცირე რაოდენობით აღმოჩნდა გახვრეტილი ქვის იარაღები. სამაგიეროდ კარგადაა წარმოდგენილი გახვრეტილი რქის იარაღები. ასეთი იარაღები საქართველოს ნეოლითური ხანის ძეგლებიდან მხოლოდ საგვარჯილეში არის აღმოჩენილი (ტაბ. VI, 1).

ყურადღების ღირსია მეტად ფაქიზად ნაკეთები ძვლის ანკესი და რქის პარპუნი (ტაბ. VI, 5, 10). თიხის ნაკეთობათაგან უნდა აღინიშნოს თიხის ქანდაკება (ტაბ. VI, 2). საგვარჯილეს გამოქვაბულში ადამიანთა ხანგრძლივი ცხოვრების მანიშნებელია ნეოლითის კულტურულ ფენაში აღმოჩენილი დიდძალი მასალა და თვით ფენის სტრატოგრაფია. მთელი ეს ფენა, რომლის სიმძლავრე ზოგ ადგილას თითქმის 3 მეტრამდე აღწევდა, ნახშირისა და ნაცრისაგან შედგებოდა. ზოგან ეს ნაცროვანი ფენა მოტკეპნილი იყო, სადაც გვხვდებოდა კერის უფრო მძლავრი ნაშთები.

არქეოლოგიური დაზვერვით ნეოლითური დროის ნაშთები გამოვლენილია ზუგდიდის რაიონის სოფ. ურთაში და ურთას გორაზე. ურთაში, კაყისა და ქვის სხვა ინვენტართან ერთად მოპოვებულია ორმხრივ მსხვილი ფაცეტების (ქერქლების) ამოტკეციტ გამოკოპიტებული მიწათმოქმედების იარაღები — მაკროლითები. ამ მასალაშიც გვხვდება წალკატისნაირი იარაღები და ოვალურ სამუშაო პირიანი ქვის იარაღები. აქვეა მოპოვებული გახეხილ-გაპირიანებული ქვის იარაღები.

არქეოლოგიური დაზვერვის შედეგადაა მოპოვებული ნეოლითური ხანის ქვის იარაღები თეთრწყაროში, სოფ. აბელიაში და ალაზნის ველზე.

ნეოლითური ხანის ნაშთები ცნობილი გახდა აგრეთვე სამხრეთ ოსეთის არქეოლოგიური ექსპედიციის მიერ ლაშე-ბალთაშიც მოპოვებული ძეგლებით. მსგავსი მასალა აღმოჩენილია გურიის (ს. ანასეული), რაჭაში (ს. საკაო), ზემო ალვანში და სხვ. მართალია, ეს ნაშთები ერთეულების სახითაა წარმოდგენილი, მაგრამ მათ მაინც დიდი მნიშვნელობა აქვთ, ვინაიდან მათი მეოხებით ხსენებულ ადგილებში ნეოლითი უკვე მიკვლეულია. გარდა ამისა, არქეოლოგიური თხრით გამოვლენილი ნეოლითური ძეგლები შემთხვევით მოპოვებულ ნაშთებთან ერთად ქმნიან ისეთ შთაბეჭდილებას, რომ ნეოლითელი ადამიანი საქართველოში უფრო ფართო ტერიტორიაზე უნდა ყოფილიყო განსახლებული, ვიდრე ზედაპალეოლითელი.

მასალებიდან ჩანს, რომ საქართველოს ტერიტორიაზე მოსახლე ნეოლითელი ადამიანი დროებითი მოზინადრე კი არ ყოფილა, არამედ ერთ ადგილზე დიდხანს უცხოვრია და ადგილობრივი ბუნებრივი გარემოც კარგად გამოუყენებია არსებობისათვის. თუ იგი, ერთის მხრივ, ზეგანსა და გორაზე ცხოვრობდა, მეორეს მხრივ, ზღვის სანაპიროს გაშლილ ადგილებსაც ეტანებოდა, ხოლო საჭირო შემთხვევაში კი ბუნებრივ გამოქვაბულებს მიმართავდა.

ზედა პალეოლითის შემდეგ ჩვენში ადამიანი, როგორც წესი, უკვე სტოვებს გამოქვაბულს და დიდ მდინარეთა ხეობების ზეგნებსა ან გორებზე სახლდება.

ამავე დროს, მონადირეობის და მეთევზეობის განვითარების დონე ყველაზე ერთნაირი არ ჩანს; ერთ ადგილას თუ მონადირეობაა დაწინაურებული, მეორე ადგილას შემგროვებლობა, მეთევზეობა და ა. შ. გვიანნეოლითიდან ჩვენში, ისევე, როგორც სხვა სამხრეთ ქვეყნებში, მეურნეობის ზემოაღნიშნულ დარგებთან ერთად იწყება მიწათმოქმედების განვითარება და ცხოველთა მოშინაურობა.

მიწათმოქმედება. ძველიქვის ხანის ადამიანთა არსებობა ბუნებრივად შუა პროდუქტების მარაგზე იყო დამყარებული. მართალია, საკაიას გამოქვაბულში მცხოვრებმა პალეოლითელმა ადამიანმა მიწიდან საკვები მცენარის ძირის ამოსათხრელად, მცენარის ფესვების შესაგროვებლად, სპეციალური იარაღი გააკეთა, მაგრამ ამ იარაღით მას მხოლოდ ბუნებრივი მარაგის უკეთ ათვისება შეეძლო. საკაიელმა ადამიანმა ჯერ კიდევ არ იცოდა საკვები მცენარის მოშინაურობა. მას არ შეეძლო მიწის სარგებლიანობის გაზრდა, მისი დამუშავება. ზედა პალეოლითის გვიანდელი ძეგლები, მეზოლითის დროიდან გამოყენებული კაჟის მიკროიარაღებიც კი, რომლებიც ნამგლის პირის გასამართავ დეტალებს წარმოადგენდნენ, არ მიეკუთვნებიან ისეთ იარაღებს, რომლებიც იმდროინდელ მიწათმოქმედებაზე გვაძლევდნენ წარმოდგენას. ასეთი ნამგლით უკეთეს შემთხვევაში ველური მცენარის „მოჭკა“ შეიძლება იქნას. ეს იარაღი განვითარებული შემგროვებლობის მანიშნებელია, მაგრამ მეზოლითის ძეგლებში მათ არსებობას მაინც დიდი მნიშვნელობა აქვს, ვინაიდან სამხრეთ ქვეყნებში სწორედ ასეთი შემგროვებლობიდან განვითარდა მიწათმოქმედება. გეომეტრიული მოხაზულობის კაჟის იარაღები იმ დროიდან შეიძლება დაეუკავშიროთ მიწათმოქმედებას, როდესაც ამა თუ იმ ძეგლში ამ რიგის იარაღებთან ერთად სხვა იარაღებიც იჩენს თავს. ასეთებია მიწის დასამუშავებელი ქვის თოხისნაირი და წერაქვის ან წალატისნაირი იარაღები. ქვის იარაღთა ასეთი კომპლექსები კი სწორედ ნეოლითის დროიდან ხდება ცნობილი.

როგორც აღვნიშნეთ, საქართველოს ნეოლითური ხანის ძეგლებიდან ყველაზე აღრინდელს ოდიშის ნამოსახლარი წარმოადგენს და სწორედ პირველად აქ აღმოჩნდა სამიწათმოქმედო იარაღები. ოდიშში კაჟის მიკროიარაღებთან ერთად გვხვდება ქვის მაკროლითები (ყაშინის ტიპის). უფრო მოგვიანო დროის ფენიდან კი დიდი რაოდენობითაა წარმოდგენილი წერაქვისა და თოხისნაირი იარაღები. იქვეა აღმოჩენილი ხელსაფეხავები. მიწათმოქმედების ასეთივე იარაღებს შეიცავს კისტრიკის, თეთრამიწის, ურთის, სათაფლიისა და სხვ. კომპლექსები.

საქართველოში აღმოჩენილი ნეოლითური ხანის მიწათმოქმედების იარაღებიდან ყურადღებას იპყრობს საგვარჯილეს ამ რიგის ნაშთები. აქ მოპოვებულ ცხოველის რქისაგან ნაკეთებ ყუაგახვრეტილ იარაღებს ნახვრეტი ისე აქვს გაკეთებული, რომ ტარი მჭიდროდ დაეგოს. ასეთი იარაღები ტარის დაგების შემდეგ უფრო ეფექტურად გამოიყენებოდა მიწის მოსათხრელად.

საგვარჯილეში აღმოჩენილი რქის იარაღები ორგვარია: თიხისნაირი და წერაქვისნაირი. მართალია, მათი ძირითადი დანიშნულება მიწის მოთხრა იყო, მაგრამ იარაღთა სამუშაო პირობის განსხვავება მოწმობს, რომ მიწის მოთხრის დროს ისინი სხვადასხვანაირად გამოიყენებოდა. წერაქვისნაირი იარაღით მიწის

ზედაპირზე მცირე სიღრმის და ეიწრო კვალის გავლება—გაქაწვრა შეიძლებოდა, თიხით კი უფრო განიერი კვალის გატანა, თუმცა ამ კვალის სიგანე 5—7 სმ არ აღემატებოდა. ასეთი პირეიწრო იარაღებით მიწის მხოლოდ ზედაპირული დამუშავება ხერხდებოდა.

ცნობილია, რომ ძველად მიწის დამუშავება მისი ზედაპირული მოჩიჩქნით ხდებოდა. წვეტიანი იარაღით მიწის დამუშავება საქართველოს ეთნოგრაფიულ სინამდვილეშიც დიდხანს შემონახულა. ამ რიგის ეთნოგრაფიული მასალიდან აღსანიშნავია „კაწვერა“ და „კაევი“. ამგვარი იარაღების დანიშნულებას მიწის გაწვრა — აქეპკა შეადგენდა. კაწვერას მსგავსია სახნისის „საწვრა“. საწვრა მიწას ღრმად კი არ თხრის, არამედ სერავს, ფათრავს და მასზე „ნაწვრას“ სტოკებს. „საწვრა“ და „კაწვერა“ მიღებულია ზმნისაგან „წვრა“, ე. ი. მიწის გაწვრისაგან. ამრიგად, ჩანს, ჩვენში მიწის გაწვრა ძველად წვეტიანი იარაღით უწარმოვებიათ.

წერაქვისნაირი იარაღის მიწათმოქმედებაში უძველესი დროიდან გამოყენებას უნდა მოწმობდეს საქართველოს მთიანეთში უკანასკნელ ხანებამდე შემონახული მიწის საძმუშაო იარაღი ქ ა რ ჩ ი, რომელიც წერაქვის მსგავს ეიწრო-პირიან იარაღს წარმოადგენს. ქარჩით საყანე მიწის „ქარჩვა“ ხდება, ე. ი. მყარი, უბირი მიწის დამლა და მისი დასათესად შემზადება. ამრიგად, მიწის დამუშავების ზემოხსენებული წესებსა და ეიწროპირიანი მიწის საძმუშაო იარაღის დიდხანს შემონახვა ქართულ ეთნოგრაფიულ სინამდვილეში შესაძლებლობას გვიქმნის, რომ საქართველოს ნეოლითურ ძეგლებში გამოვლენილი წვეტიანი რქის იარაღებიც სამიწათმოქმედო საქმიანობას დაუკავშიროთ.

ჩვენში პირველყოფილი მიწათმოქმედების სისტემის უძველესი დროიდან არსებობას უნდა მოწმობდეს აგრეთვე ქართულ ენაში შემონახული სიტყვა „ეწერი“. ეწერი საგანგებოდ მომწვარ მიწას ეწოდება. ცნობილია, რომ ძველად მიწის მოწვის სისტემას მიწათმოქმედებაში ფართო გამოყენება ჰქონდა. მოწვის საშუალებით ასუფთავებდნენ დასამუშავებლად განკუთვნილ მიწას. ჯაგნარს ან ტყეს ცეცხლს მოუკიდებდნენ და ამრიგად გაწმენდილ მიწას უკეთ ამუშავებდნენ. ამავე დროს მოწვის ასეთი საშუალება ხელს უწყობდა მიწის განოყიერებას. რაჭაში ამგვარად მომწვარ მიწას ეწერი ეწოდება. საფიქრებელია სიტყვა ეწერი წარმომდგარი იყოს გაწერისაგან. ტყე-ჯაგნარიან მიწას ჯერ მოწვამდნენ და შემდეგ გაწერდნენ, ე. ი. პრიმიტიული წესით მოხნავდნენ. არსებობს მოსაზრება, რომ გაწერის წესით დამუშავებულ მიწას უნდა რქმეოდა გაწერილი. ამ უკანასკნელიდან მიღებულად მიაჩნიათ სიტყვა გეწერი. ხოლო გეწერი ეწერის შინაარსით საქართველოს სხვადასხვა კუთხეშია დამოწმებული. ეწერის ასეთი კავშირი სიტყვა გაწერასთან იმის მომასწავებელი უნდა იყოს, რომ ძველად მიწათმოქმედებაში წვეტიან იარაღს ფართო გამოყენება ჰქონია. ცხადია, მიწის დამუშავების ამ სისტემიდან სრულიად გამორიცხული არ იყო თოხის გამოყენება.

ზემოთ აღნიშნული მოწვის საშუალებით მიწის დამუშავება, მართალია ნეოლითთან შედარებით საკმაოდ მოგვიანო ხანას მიეკუთვნება, მაგრამ თვით ამ სისტემის უფრო ძველი დროიდან არსებობას მოწმობენ საგვარჯილეში და

საქართველოს სხვა ნეოლითურ ძეგლებში აღმოჩენილი რქისა თუ ქვის წვეტიანი სამიწათმოქმედო იარაღები.

საქართველოში პირველყოფილი მიწათმოქმედების სისტემის არსებობას სავარაუდებელს ხდის აგრეთვე სიტყვა „მარგვლა“. მარგვლა მარგილით მუშაობას ნიშნავს. „მარგილი“ კი წვერწამახვილებულ, წაწვეტილ ხის იარაღს ჰქვია, ხოლო თვით სიტყვა „მარგი ბოსტანს დაკვალულს“ ეწოდება (საბა). მარგი და მარგვლა ერთად გაგებულნი ბოსტანში მარგილით კვალის გატანას უნდა ნიშნავდეს, ე. ი. ბოსტანში წვერწამახვილებული იარაღით მიწის დამუშავებას.

საქართველოში უძველესა დროიდან მიწათმოქმედების განვითარებას ხელი შეუწყო ალბათ საკვებ მცენარეთა ადგილობრივმა სიმდიდრემაც. ცნობილია, რომ საერთოდ ამიერკავკასია და, კერძოდ, საქართველო კულტურულ მცენარეთა ერთერთ უძველეს კერას მიეკუთვნება. საქართველოში არსებობს ხორბლის სხვადასხვა ჯიში. ამ ჯიშების თითქმის ნახევარი ენდემურია. ასეთებია მახა, დიკა და ზანდური. მათ შერჩენილი აქვთ ველური ხორბლის ნიშნები. ამ სამივე ხორბლის ჯიში ფართოდ არის გავრცელებული საქართველოში. შავალითად, დიკა ხარობს როგორც ბარში, ისე მთაში, როგორც დასავლეთში, ისე აღმოსავლეთში. აღმოსავლეთ საქართველოში დიკას მოყვანა შეიძლება ზღვის დონიდან 750—800 მ სიმაღლეზე, ხოლო დასავლეთში 900—1000 მ. დიკას ასეთი ამტანიანობა და ენდემურობა იმას მოწმობს, რომ ეს მცენარე საქართველოს კლიმატურ პირობებს ძველთაგანვე კარგად შეგუებია და მისი კულტივირება ადგილობრივი ველური ჯიშის მარცვლოვანი მცენარიდან მომხდარა.

პურეულ მცენარეთა უძველეს ჯიშს მიაკუთვნებენ აგრეთვე ასლს. ასლის ჯგუფში შედიან მახა და ზანდური. ბერძენი ისტორიკოსის ქსენოფონტეს ცნობით (ძვ. წ. V—IV სს.) მოსინიკებს ასლს ორი წლის მოსავალი შენახული ჰქონიათ ბედლებში. ამ ცნობიდან ირკვევა, რომ იმ ხორბლეულ ჯიშებს, რომლებიც დღესაცაა შემონახული საქართველოში, ქართველთა წინაპრები IV საუკუნეში უკვე დაუფლებული ყოფილან. ქართველი ტომების მეურნეობის უძველეს მარცვლოვან მცენარედ თვლიან აგრეთვე ფეტვს. ფეტვის კულტურის უძველეს დროიდან მომდინარეობას მოწმობს ეთნოგრაფების მიერ ზემო სვანეთში მოპოვებული ფეტვის თავთავის გამომხატველი რიტუალური კვერი. სვანეთში შემონახულია აგრეთვე ფეტვის კულტურასთან დაკავშირებული სხვადასხვა დღეობების სახელწოდებები, რაც სვანების მეურნეობაში მისი განსაკუთრებული მნიშვნელობით არის ახსნილი. ეთნოგრაფები ფეტვის ასეთ მნიშვნელობას ამ მარცვლოვანი კულტურის უძველესი დროიდან მომდინარეობით ხსნიან. ფეტვი ფართოდაა გამოყენებული როგორც დასავლეთ, აგრეთვე აღმოსავლეთ საქართველოში. მიწის ზედაპირული მოჩიჩქნითაც კი ფეტვი კარგ მოსავალს იძლევა და ამდენად დასაშვებია, რომ მისი მოშინაურობა უფრო ადრე მომხდარიყო, ვიდრე სხვა ხორბლეულსა, რომლის მოყვანა მიწის ღრმად მოთხრა-დამუშავებას მოითხოვდა. ეს მოსაზრება მტკიცდება ანაკლიის მახლობლად, დიხა-გუძუბას ბორცვის ზედა ფენებში (ნეოლით-ენეოლითი) ფეტვის ნაშთების აღმოჩენით.

მარცვლოვან მცენარეთა ნაშთები აღმოჩენილია აგრეთვე სტალინირის
-ნაჯარგორაზე და ურბნისის ენეოლითური დროის კულტურულ ფენებში.

ამრიგად, უკანასკნელ წლებში არქეოლოგიური გათხრების შედეგად მოპო-
ვებულ ზორბლელ მცენარეთა ნაშთები, ეთნოგრაფიული მონაცემები და
ქართული ენობრივი მასალა იმის მანიშნებელია, რომ საქართველოს ტერიტო-
რიაზე მსახლობელ ტომებს ხორბლელ მცენარეთა მოყვანა უძველესი დროი-
დან უნდა დაეწყოთ. ამის ერთერთი ხელისშემწყობი პირობა იქნებოდა საქარ-
თველოს სიმდიდრე ადგილობრივი ხორბლელ მცენარეულით. რაც შეეხება
ამ მცენარეთა მოყვანის პირველყოფილ წესებს, პირველყოფილი მიწათმოქმე-
დების შრომის პროცესებს, ამაზე, როგორც უკვე აღვნიშნეთ, მიახლოებით
წარმოდგენას გვაძლევს საქართველოს ნეოლითურ ძეგლებში აღმოჩენილი
მიწათმოქმედების არქაული იარაღები.

შესაქონლეობა. საქართველოს ტერიტორიაზე მსახლობელი ნეოლი-
თელი ადამიანი რომ მიწათმოქმედებას მისდევდა, ეს კარგად ჩანს იმ დროის
ძეგლებში აღმოჩენილ იარაღთა კომპლექსებიდან. რაც შეეხება მეცხოველეო-
ბას, ამ მეურნეობის საწყისების შესახებ შედარებით მცირე ნაშთები მოგვეპო-
ვება. საქართველოში დღემდე გამოვლენილი ნეოლითური ძეგლებიდან ცხო-
ველთა ნაშთები (ძვლების სახით) მხოლოდ საგვარჯილეშია აღმოჩენილი. ეს
მასალა მეცნიერებმა შესწავლეს და დაადგინეს, რომ საგვარჯილეში გარეულ
ცხოველთა ნაშთებთან ერთად შემონახული ყოფილა მოშინაურებულ ცხოველთა
ძვლებიც.

გარეული ცხოველებიდან დიდი რაოდენობითაა წარმოდგენილი ირმის
ძვლები. ძვლების მიხედვით საგვარჯილეში დადგენილია აგრეთვე შვლის და
წავის ნაშთები, ე. ი. ამ დროს ნეოლითელი ადამიანი მონადირეობასაც
მისდევდა.

საგვარჯილეში განსაკუთრებით საინტერესო მასალებია მოპოვებული
ნეოლითის დროიდან ჩვენში ცხოველთა მოშინაურების საწყისების დასადგე-
ნად. ირკვევა, რომ საგვარჯილელი ადამიანი მონადირეობასთან ერთად უკვე
იწყებს მეცხოველეობას. ამის საფუძველს წარმოადგენს იქ აღმოჩენილი შინა-
ურ ცხოველთა ძვლები, რომლებიც მიეკუთვნებიან ხ ა რ ს, ღ ო რ ს, ც ხ ვ ა რ ს
და თ ხ ა ს. საგვარჯილელ ადამიანს მოშინაურებული ჰყოლია აგრეთვე
ძ ა დ ლ ი. ძაღლის მოშინაურებასთან დაკავშირებით უნდა აღინიშნოს იქვე
აღმოჩენილი ისეთი ცხოველის ძვლები, რომლებიც ძაღლსა და ტურას შორის
გარდამავალი ცხოველის სახეს მიეკუთვნებიან. ეს მასალა საფუძველს აძლევს
მეცნიერთ, რომ საგვარჯილეში ძაღლის მოშინაურების საწყისები ადგილობ-
რივად ჩათვალოს.

როგორც აღვნიშნეთ, საქართველოს ნეოლითური ძეგლებიდან ცხოველთა
ნაშთები მხოლოდ საგვარჯილე მოგვეცა. ეს ძეგლიანი მასალა მოშინაურებულ
ცხოველთა სახეების ისეთ მდიდარ კომპლექსს გვაწვდის, რომ განვითარებულ
ნეოლითის დროიდან ჩვენში ცხოველთა მოშინაურების დაწყება უკვე ეჭვმიუ-
ტანელი ხდება. ამ ნაშთების შესწავლის საფუძველზე ხერხდება იმ ბუნებრივი
სამყაროსა და საერთო გეოფიზიკური პირობების აღდგენა, რომელშიც ცხოვ-
რობდა საქართველოს ნეოლითელი ადამიანი.

მონადირეობა. ზედა პალეოლითიდან ტრადიციულად გადმოსული მონადირეობა ნეოლითში თითქმის ერთგვარად კარგავს თავის მნიშვნელობას. როგორც მეურნეობის ძირითადი ფორმა, მაგრამ ამ მეურნეობისათვის საჭირო იარაღები მაინც განიცდიან განვითარებას. ნეოლითიდან ცნობილი ზღვება მეტად გულდასმით ნაკეთები კაყის ისრის და შუბის პირები. უკვე აღვნიშნეთ, რომ მეზოლითისაგან განსხვავებით, ნეოლითური კაყის ამ რიგის იარაღები უფრო ღიბი ზომის და მრავალნაირია. ამ დროიდან გვხვდება კარგად გამოყვანილი ღეროიანი ისრის პირები, ბოლომომრგვალებული შუბის პირები, ქუსლამოლარული, გვერდქიმიანი და სხვა ტიპის ისრის პირები.

საქართველოს ნეოლითურ ძეგლებში მონადირეობის იარაღების მთელი სერიებია აღმოჩენილი. მაგალითად, თეთრამიწაზე, სათაფლიაზე და საგვარჯილეში. ამ იარაღებთან ერთად საგვარჯილეში მოპოვებული გარეულ ცხოველთა ნაშთები მოწმობენ, რომ საქართველოს ტერიტორიაზე მსახლობელი ნეოლითელი ადამიანები ჯერ კიდევ მასობრივად მისდევდნენ მონადირეობას, მეცხოველეობა თავის საწყის ფორმებში ვერ უზრუნველყოფდა მათ საჭირო ხორცის საკვებით.


მეთევზეობა. მეურნეობის ამ დარგის ნავთიერი კულტურის ნაშთები საქართველოს ნეოლითური ძეგლების სხვადასხვა კომპლექსებშია წარმოდგენილი. საგვარჯილეს ნეოლითურ ფენაში აღმოჩენილია მეტად ფაქიზი ნაკეთობის ბოლომოკაუჭებული ძელის ანკე სე ბ ი. იქვეა აღმოჩენილი მცირე ზომის ქვის საწაფები და ცხოველის ძელისაგან ნაკეთები ქვილითი (პარპუნი). საქართველოს სხვა ნეოლითურ ძეგლებიდან ანკესი და პარპუნი არ მოგვეპოვება, მაგრამ სამაგიეროდ თითქმის ყველგან გვხვდება ბ ა დ ის ს ა წ ა ფ ე ბ ი. ჩანს, ბადით თევზაობას ხშირად მიმართავდა იმ დროის ადამიანი.

მიმოხილული მასალიდან ირკვევა, რომ საქართველოში დასახლებული ნეოლითელი ადამიანები დაუფლებული ყოფილან მეურნეობის შემდეგ ფორმებს: მ ი წ ა თ მ ო კ მ ე დ ე ბ ა ს, მ ე ს ა ქ ო ნ ლ ე ო ბ ა ს, მ ო ნ ა დ ი რ ე ო ბ ა ს და მ ე თ ე ვ ზ ე ო ბ ა ს.


დღემდე გამოვლენილი ნეოლითური ძეგლები მოწმობენ, რომ მეურნეობის აღნიშნულ დარგებს ყველა ნეოლითელი ადამიანი ერთნაირად არ ყოფილა დაუფლებული. მაგალითად, კისტრიკელებისათვის ძირითად მეურნეობას მიწათმოქმედება და მეთევზეობა წარმოადგენდა. ოდიშელი უფრო მიწათმოქმედებას ეტანებოდა. თეთრამიწელი და სათაფლიელი აგრეთვე მიწათმოქმედი იყო, მაგრამ ამასთან ერთად მისდევდა მონადირეობასაც. ხოლო რაც შეეხება საგვარჯილეს ნეოლითელ ადამიანს, იგი მიწათმოქმედებასა და მეცხოველეობასთან ერთად მისდევდა მეთევზეობას და მონადირეობას. მიუხედავად ამისა, საგვარჯილეში მოპოვებული სამეურნეო ინვენტარიდან თავისი სიმრავლით მაინც სამიწათმოქმედო იარაღები გამოირჩევა. ამავე მეურნეობის იარაღები კარგადაა წარმოდგენილი აგრეთვე საქართველოს სხვა ნეოლითურ სადგომებშიც. მაშასადამე, საქართველოში მსახლობელ ნეოლითელ ადამიანთა ძირითადი მეურნეობა მიწათმოქმედება იყო.




1



2



3



4



5



6



7



11



8



9



10



12

საქართველოს ნეოლითურ ძეგლებში აშკარად შეიმჩნევა იმ დროს უკვე საგრძნობლად განვითარებული შრომის სხვა იარაღებიც. მაგალითად, ნეოლითელ ადამიანებს მასობრივად უმზადდებიათ შინამოსაქმეობის იარაღები, თიხის კურჩქელი, სამკაულები, საკულტო საგნები და სხვა. ნეოლითიდან მოღწეული იარაღ-ხელსაწყოები და სხვა ინვენტარი იმდენად მრავალნაირი და ისეთი გამოცდილი ხელითაა ნაკეთები, რომ ამ დროიდან საქართველოში უკვე სავარაუდებელია ოჯახში თუ გვარში ერთი რომელიმე საქმიანობით დაინტერესებულ და ამ საქმიანობაში გააფუფუნებულად აღამიანთა ჯგუფების არსებობა. მაგალითად, იყვნენ ალბათ ადამიანები, რომელთაც ეხერხებოდათ ქვის იარაღების დამზადება, ჩის მასალის დამუშავება, ძეგწვა და სხვა, ე. ი. ხდებოდა ცალკეული დარგების მიხედვით მათი დახელოვნება. გვარის ან ტომის შიგნით შრომის ასეთი დანაწილება კიდევ უფრო გაზრდიდა შრომის ნაყოფიერებას და ეს უკანასკნელი კი ხელს შეუწყობდა იმ დროს ადამიანთა მატერიალურ უზრუნველყოფას.

ამრიგად, საქართველოს ტერიტორიაზე გამოვლენილი სადგომები დღესდღეობით არც თუ ისე მრავალრიცხოვანია, მაგრამ ისინი მაინც შესაძლებელს ხდიან, რომ ჩვენში ნეოლითის მომძლავრებული კულტურის არსებობა ვივარაუდოთ. ზედა პალეოლითთან შედარებით ნეოლითში ადამიანთა ყოფა-ცხოვრება მრავალმხრივ დაწინაურდა. ამათ გავლენა მოახდინა ნეოლითელ ადამიანთა ურთიერთდამოკიდებულებაზე და აღრინდელი გვაროვნული წყობილების შემდგომ განვითარებაზე.

ნეოლითური ნაშთები, ქართულ ეთნოგრაფიულ სინამდვილეში და ქართულ სიტყვიერ მასალაში შემონახული გადმონაშთები ქმნიან იმის შესაძლებლობას, რომ ჩვენში დედის ხაზით წარმომავალი საზოგადოების არსებობაზე ვიქონიოთ წარმოდგენა. როგორც უკვე აღვნიშნეთ, საქართველოს ნეოლითურ სადგომებში დიდი რაოდენობითაა წარმოდგენილი სამიწათმოქმედო იარაღები. ამავე დროს ეს იარაღები აშკარად მოწმობენ, რომ საქართველოს ტერიტორიაზე მსახლობელ ადამიანთა მიწათმოქმედებაც მაშინ მტილური (ბაღჩური) უნდა ყოფილიყო. სავარაუდებელია, რომ ჩვენშიც ასეთ მეურნეობას სათავეში ქალი ედგა და, ამდენად, ქალის უფლება დაწინაურებული იქნებოდა იმ დროის საზოგადოებაში. ქალის განსაკუთრებული როლის მანიშნებელი უნდა იყოს საგვარჯილეს ნეოლითური ფენის ზედა პორიზონტში აღმოჩენილი თიხიდან გამოძერწილი ქალიხ ქანდაკება (ტაბ. VI, 2). ეს ქანდაკება წარმოადგენს შიშველი ქალის ზედა ტანს, რომელზედაც შეიმჩნევა წრისებრ მოხაზული მკერდი. ქანდაკებას თავი მომტრეული აქვს, ხოლო ქვედა ნაწილი ისეა შემოსწორებულ-შემომრგვალებული, რომ შეიძლება ის თავის დროზე სადგარში იყო ჩადგმული, ისევე, როგორც ეს კარგადაა დამოწმებული ტრიპოლიის კულტურის ერთ-ერთ ნამოსახლარზე (კოსტიშის თიხის ქანდაკება). საფიქრებელია, რომ საგვარჯილეს თიხის ქანდაკება მიწათმოქმედების ნაყოფიერების ქალღმერთს წარმოადგენდა. საგვარჯილეს ქანდაკების მსგავსი გამოსახულება თიხისა აღმოჩენილია ჰტალინირის ნაცარგორაზე და ურბნისში — ხიზანანთ გორაზე — ენეოლითურ ფენებში. ამ უკანასკნელებსაც ნაყოფიერების ქალღმერთად მიიჩნევენ. ამრიგად, საქართველოს უძველესი დროის ნამოსახლარებზე ისეთი ნაშთი-

ბიკ გვხვდება, რომლებიც პირველყოფილ საზოგადოებაში ქალის განსაკუთრებულ მნიშვნელობაზე მიგვითითებენ.

ქართულ ეთნოგრაფიულ სინამდვილეში დედისეული გვარის სტრუქტურულ გამომატველი ელემენტები თუმცა უკვე წაშლილია, მაგრამ ქართულ წარმართულ ზნე-ჩვეულებებში ისეთი გადმონაშთებია შემონახული, რომლებიც მოწმობენ ჩვენში უძველესი დროიდან ქალის დიდ მნიშვნელობას მიწათმოქმედებაში. მაგალითად, სოფ. ქსოვრეთში (თეთრიწყაროს რაიონი) დამოწმებულია შემდეგი წესჩვეულება: გვალვის დროს სოფლის ქალები გამშრალ ხევში წაიღებენ სახენელ იარაღს — აჩაჩას, და იქ წყალს „ხნავენ“. მათი წარმოდგენით ამ წესით შეიძლება წვიმის მოყვანა და მოსავლიანობისათვის ხელის შეწყობა. მიუხედავად იმისა, რომ დღეს მხენელი მამაკაცია, აღნიშნულ წესს ქალები ასრულებენ. ეს ადრე იმის გადმონაშთად მიაჩნიათ, რომ ძველად ჩვენში მიწათმოქმედება ქალის საქმიანობას შეადგენდა. ამაზევე მიუთითებს ქართულ ენაში შემონახული ტერმინი „გუთნისდედა“; იგი იმის მანიშნებელია, რომ ძველად ამ მეურნეობის გამძლოლი „დედა“, ე. ი. ქალი იყო. ტერმინი „გუთნისდედა“, ან როგორც ძველად იტყოდნენ „ერქენისდედა“ იმ ვითარებაში უნდა შექმნილიყო, როდესაც ტერმინი „დედა“ ნიშნავდა აგრეთვე ცნებას „პირველს“, „მთავარს“, „უფროსს“, „ხელმძღვანელს“, ამ შემთხვევაში მიწათმოქმედების უფროსს, მის ხელმძღვანელს. „დედა“ რომ უფროსს, მთავარს ნიშნავდა, ამის მანიშნებელია აგრეთვე სიტყვები: „დედაბოძი“, „დედაციხე“ და ა. შ.

გვარის ცნების გამომატველ თავდაპირველ ტერმინად ქართულში „სახლი“ ითვლება. „სახლი“ წარმოადგენდა ერთ ქერქვეშ გაერთიანებულ მატრიარქატულ ოჯახს, საზოგადოების ძირითად სოციალურ ერთეულს. მის სათავეში რომ ქალი იდგა, ამას მოწმობს აგრეთვე ქართულ ენაში შემონახული ცნება „დედასახლისი“.

ჩვენში, უძველეს დროს დედამთავრული წყობილების არსებობა შეიძლება დავიდასტუროთ ზოგიერთ წერილობით წყაროში შემონახული ტერმინებითაც. მაგალითად, მე-5 საუკუნის ძეგლებში გვხვდება ტერმინი „მამა-მძუძე“. ამის მიხედვით ირკვევა, რომ ძველად ყოფილა ხანა, როდესაც ბავშვი ღვიძლი მამის საგვარეულოში არ იზრდებოდა და ძუძუსაც სხვა გვარში სწოვდა. იმ გვარის სახლის უფროსს, ჰადაც ბავშვი ძუძუს სწოვდა, იზრდებოდა, „მამა-მძუძე“ ეწოდებოდა და არა „დედა-მძუძე“, მიუხედავად იმისა, რომ ბავშვის ძუძუს დედა აწოვებს. მამა-მძუძეს სახლიდან ბავშვი უკვე მოზრდილი უბრუნდებოდა ღვიძლი მამის სახლს. მამა-მძუძეობა აშკარად მოწმობს, რომ ამ დროს სრულიად გამჭრალია მატრიარქატული (დედამთავრული) წყობილება და ბავშვი არა დედის, არამედ მამის საკუთრებაა. აკად. ივ. ჯავახიშვილი აღნიშნავს, რომ „მამა-მძუძეობის წესი ცოლქმრობის ამაზე უწინარეს ხანისა და ისეთი წესის არსებობას გვაგულისხმებინებს, როდესაც მარტო ბავშვი კი არ იზრდებოდა თავის მამის საგვარეულოსა და სახლის გარეშე, არამედ როდესაც თვით მისი დედაც, ქმრის ცოლი ჯერ კიდევ ქმრის საგვარეულოსა და სახლში შესული არ იყო და ცოლად ქვევის შემდგომაც ისევ თავის საგვარეულოს წიაღში რჩებოდა“. გარდა ამისა თვით ტერმინი მამა-მძუძე მეცნიერთ იმის ანარეკლად

შიაჩნიათ, რომ უნდა ყოფილიყო აგრეთვე დედა-მძუძეც, რაც ჩვენში დედა-მთავრული ოჯახის ფორმების არსებობაზე მიუთითებს.

ჩვენს მიერ ზემოთ განხილული არქეოლოგიური მასალები, ეთნოგრაფიული მონაცემები და ქართულ მეტყველებაში შემონახული ენობრივი ნაშთები იძლევიან იმის შესაძლებლობას, რომ საქართველოში მიწათმოქმედების ჩასახვა ნეოლითის დროიდან ვიეარაუდოთ და მეურნეობის ამ დარგის თავდაპირველ ხელმძღვანელად ქალი მივიჩნიოთ. იმავე მასალიდან ირკვევა, რომ საქართველოში ნეოლითის დროიდან უკვე უნდა ჩამოყალიბებულიყო დედის ხაზით წარმომავალი პირველყოფილი გვაროვნული საზოგადოების განვითარებული ეტაპი.

პირველყოფილი გვაროვნული საზოგადოების შემდგომ ეტაპზე, მიწათმოქმედებასთან ერთად მნიშვნელოვნად დაწინაურდა მეცხოველეობა. ამ უკანასკნელის განვითარებამ და მემინდვრეობის წამოწყებამ აღამიანთა ურთიერთდამოკიდებულების ახალი ფორმები შექმნეს. დადგა დრო, როდესაც ოჯახის ახალი ორგანიზაცია მამის გვარზე დამკვიდრდა.

ენოლითური ხანის არქეოლოგიური ძეგლები

§ 4. ენოლითური კულტურა

ქვის ხანიდან ლითონის ხანაზე გარდამავალ პერიოდს ენეოლითი ეწოდება (ენეოზ — ლათ. სპილენძი, ლითონს — ბერძნ. ქვა). ხშირად ამ პერიოდს ხალხობრივად, ე. ი. სპილენძ-ქვის ხანასაც უწოდებენ.

პირველი ლითონი, რომლის გამოყენებაც ადამიანმა დაიწყო, სპილენძი იყო. ადამიანმა სპილენძის თავისებურებას მიაგნო. ის მიხვდა, რომ დარტყმის შედეგად შესაძლებელია სპილენძის ზოდს სასურველი მოყვანილობა მიეცეს. ამრიგად დაიწყო ადამიანმა სპილენძის დამუშავება, მისი ცივად ქედვა. რა თქმა უნდა, საკმაოდ დიდი დრო უნდა გასულიყო, ვიდრე ადამიანი ლითონის მეორე თავისებურებას გაიგებდა; ვიდრე მის გამოდნობას მიაგნებდა.

იმ ხანიდან, როდესაც ადამიანი იწყებს ლითონის გამოდნობას, საფუძველი ეყრება მეტალურგიას. მეტალურგიის წარმოშობას საწარმოო ძალთა განვითარებისათვის მეტად დიდი მნიშვნელობა ჰქონდა. დამთავრდა ქვის ხანის ხანგრძლივი პერიოდი და დაიწყო განვითარების ახალი ეტაპი — ლითონის ხანა. ამ საფეხურზე ლითონის ჩამოსხმა იარაღის დამზადების ძირითადი მეთოდია. ენეოლითური პერიოდი მთავრდება სწორედ ამ მეთოდის შემოსვლასთან ერთად.

ლითონის ხანის ადრეულ საფეხურზე ქვის იარაღს ჯერ კიდევ გაბატონებული მდგომარეობა ეკავა. ლითონის პირველ ნივთებს. რომლებიც სპილენძისაგან იყო ნაკეთები ცივად გამოქვდვის წესით, ჯერ კიდევ არ შეეძლო ქვის იარაღის შეცვლა. სპილენძი რბილი ლითონია და იარაღისათვის ნაკლებად გამოსადეგი. იგი ქვის მაგიერობას ვერ გასწევდა. ქვის იარაღის საბოლოო განდევნა ვერც ბრინჯაოს იარაღმა შეძლო, რომელიც სპილენძთან შედარებით გაცილებით უფრო მაგარი და გამძლე იყო. ქვის საბოლოო შეცვლა შესაძლო გახდა მხოლოდ რკინის მეტალურგიის შემოსვლის შემდეგ.

ენეოლითის ხანაში იარაღის საკეთებლად ძირითადად ისევ ქვა გამოყენებული. ლითონის ნივთები კი მეტსმეტად იშვიათია და, რა თქმა უნდა, მათ არც შეეძლოთ შესამჩნევი გარდატეხა მოეხდინათ ადამიანთა ცხოვრებაში. ამის

გამოა, რომ ხშირად მეტად ძნელდება ხოლმე ნეოლითური და ენეოლითური კულტურების ერთმანეთისაგან გამოყოფა. ცხადია, იქ, სადაც პირველი ლითონის ნივთები გარედან შემოდინოდა, მათ არც შეეძლოთ მნიშვნელოვანი გავლენის მოხდენა ტექნიკის განვითარებაზე. ამიტომაც კულტურა ისევე ძირითადად ნეოლითურ ელფერს ატარებს. მაგრამ იმ ქვეყნებში, სადაც საკმაო რაოდენობით მოიპოვებოდა სპილენძი და ადრევე დაიწყო მისი დამუშავება, შეუძლებელია, რომ ლითონის გაჩენას გარკვეული ზეგავლენა არ მოეხდინა პირველყოფილი საზოგადოების განვითარებაზე.

უკანასკნელ ხანებში წარმოებულ არქეოლოგიური კვლევა-ძიების შედეგად შესაძლებელი გახდა საქართველოში და, საერთოდ, ამიერკავკასიაში საკმაოდ ადრეული ხანის მძლავრი და მეტად თავისებური ენეოლითური კულტურის დადგენა. ლითონის დამუშავების ადრეულ საფეხურზე ჩვენში აშკარად შეინიშნება გარკვეული დაწინაურება მეურნეობის თითქმის ყველა დარგში. ცხადია, კულტურის ამგვარ დაწინაურებაში სხვა ფაქტორებთან ერთად მნიშვნელოვანი წვლილი ლითონის გამოყენებასაც უნდა შეეატანა.

საქართველოს და საერთოდ კავკასიის ენეოლითური კულტურის შესწავლისათვის განსაკუთრებული მნიშვნელობა ჰქონდა თრიალეთის არქეოლოგიურ ექსპედიციას. თრიალეთში აღმოჩენილი ძეგლების შესწავლისა და ადრევე მოპოვებული მასალის მასთან შედარება-შეჯერების შედეგად შესაძლებელი გახდა მძლავრი ენეოლითური კულტურის გამოყოფა. თავდაპირველად ამ კულტურას მისი გავრცელების რაიონის მიხედვით მტკვარ-არაქსის ენეოლითი უწოდეს. მაგრამ, როგორც ამ უკანასკნელ ხანებში გაირკვა, ამ ტიპის ძეგლების გავრცელების რაიონი საგრძნობლად სცილდება მტკვრისა და არაქსის აუზებს და ეს სახელწოდება ახლა უკვე აღარ ჩანს მთლად ზუსტი.

საქართველოში ენეოლითური ხანის ძეგლები საკმაოდ მრავალადაა წარმოდგენილი. ყველაზე უკეთ იგი წარმოდგენილია შიდა ქართლიდან.

ენეოლითური ხანის ძეგლები აღმოჩნდა 1920 წ. კიკეთის მახლობლად. აქ არქეოლოგმა ე. პჩელინამ გათხარა ერთი დაზიანებული სამარხი, რომელშიც აღმოჩნდა მიცვალებულის ძვლები, კერამიკის ფრაგმენტები, ნაცარი, ბათქაშის ნატეხები და სხვ. აშკარად შეიმჩნეოდა ცეცხლის კვალიც. სამარხში თიხის 9 შეტისმეტად თავისებური ჭურჭლის გარდა სხვა ვერაფერი ვერ იპოვეს.

კიკეთის სამარხში აღმოჩენილი თიხის ჭურჭლიდან განსაკუთრებით საინტერესოა ორი ფრაგმენტი: ერთი შედარებით დიდი მოვარდისფრო ჭურჭლისა, რომლის ყელზე გამოსახულია პირისპირ მდგარი ორი სირაქლემის მსგავსი ფიგურა; მეორე მოზრდილი, შავი თიხის ჭურჭლის ნატეხი, შემკული „სათვალისებრი“ სპირალით. ამ ჭურჭლებს ბევრი საერთო აქვს თრიალეთის ენეოლითის ხანის კერამიკასთან.

1948 წელს იმავე ადგილას ბ. კუფტინმა შეიძინა ენეოლითური სამარხი გათხარა. სამარხებს ზემოდან ფენა-ფენა შემოწყობილი ჰქონდა ნაგლეჯი ქვების წყება. საკუთრივ სამარხი წარმოდგენდა საკმაოდ მოზრდილ ორმოს, რომელშიაც მიცვალებული ესვენა გვერდზე, ხელ-ფეხ მოკეცილი. ზოგ სამარხში ორი-სამი მიცვალებული აღმოჩნდა; მიცვალებულის თავ-ფეხთან და მუცლის არეში ეწყობო თიხის ჭურჭელი.

კიკეთის სამარხებში გვხვდება მოწითალო ფერის ჭურჭელი. განსაკუთრებით ბევრია აქ სხვადასხვა ზომის ბადიები, ზოგი მათგანი ცალყურაა, ზოგს კი ყურის ადგილას შვერილები აქვს. აღმოჩენილია აგრეთვე ერთი მოზრდილი, მაღალი და ფართოყელიანი ჭურჭელი და სათვალისებრი სპირალური ხახვებით შემკული რამდენიმე ფრაგმენტი.

1930 წ. დ ი ლ უ ბ ე შ ი მიწის სამუშაოების დროს სხვადასხვა პერიოდის მასალა აღმოჩნდა. აღმოჩენის ადგილი შეამოწმა და შეისწავლა პროფ. გ. ნ ი თ რ ა ძ ე მ. როგორც ჩანს, აქ ენეოლითური ხანის ნამოსახლარი უნდა ყოფილიყო. მასალა ძირითადად კერამიკითაა წარმოდგენილი. თიხის ჭურჭელი საკმაოდ მრავალფეროვანია. გვხვდება პირფართო, მუცელგამობერილი ქილისმაგვარი ჭურჭელი. ჩვეულებრივად მათ ორი პატარა ზომის ნახევარსფეროსებრი მოყვანილობის ყური აქვს მხრიდან ყელზე გადასვლის ადგილას. განსაკუთრებით აღსანიშნავია ერთი მაღალყელიანი ჭურჭელი, რომელსაც მუცლის ზედა ნაწილზე არასიმეტრიულად განლაგებული სამი ყური აქვს. მსგავსი ჭურჭელი ჩვენში ცნობილია თრიალეთიდან და ქულბაქებიდან. გვხვდება აგრეთვე ჯამები, ბადიები და სხვ. საყურადღებოა შავი ჭურჭლის ერთი ნატეხი, რომელსაც კარგად ემჩნევა ქსოვილის ანაბეჭდი. დასასრულ, აღსანიშნავია აქ ნაპოვნი პატარა ზომის ტლანქად ნაძერწი კერის მოდელი. ამგვარი მოდელები ცნობილია შენგავითის (სომხეთი) ენეოლითური ხანის ნამოსახლარიდან, სადაც იგი ნაპოვნი იყო ერთერთი მრგვალი ნაგებობის ცენტრში, მოზრდილი კერის გვერდით.

დიღუბის ნამოსახლარზე მოპოვებული თიხის ნაწარმი ხელითაა ნაძერწი: ზოგი ტლანქად, ზოგიც უფრო ფაქიზად. ჭურჭელი სრულიად სადაა.

გარდა კერამიკისა, აქ აღმოჩნდა ქვისა და ძვლის დამუშავებული იარაღიც. ქვის იარაღიდან აღსანიშნავია: სამკუთხა, ფოთლისებრი მოყვანილობის ყუნწმოტეხილი ისრის პირი, კაეის დანისმაგვარი იარაღი და კირქვის ორმხრივ დამუშავებული იარაღი. ძვლის ნივთებიდან ნაპოვნი იყო რამდენიმე ჰადგისი და ორი კონუსისებრი კვირისტაეი.

უთუოდ საყურადღებოა ამ ნამოსახლარზე ნაპოვნი ობსიდიანის მოზრდილი ნატეხი, რომელიც 7 კგ. იწონის. მას აშკარად ეტყობა დარტყმის კვალი. ჩანს, მისგან იარაღისათვის ლამელეზს ამტერევდნენ. აქ მრავლად აღმოჩნდა ობსიდიანის ანატეკეები. ობსიდიანი თბილისის მიდამოებში არ მოიპოვება. შესაძლოა იგი მოჰქონდათ თრიალეთიდან, სადაც ობსიდიანი, როგორც ცნობილია, მრავლად არის.

ნამოსახლარის ფენაში დიდი რაოდენობით აღმოჩნდა სხვადასხვა ცხოველთა ძვლები. შინაურ ცხოველთა ძვლებიდან აქ მხოლოდ მსხვილფეხა საქონლის ნაშთებია ნაპოვნი. მონადირეობა, ჩანს, ჯერ კიდევ დიდ როლს ასრულებდა, რაზედაც მიუთითებს გარეულ ცხოველთა ძვლები (თხა, ჯეირანი, შველი და სხვ.). მდინარის პირას მცხოვრები მოსახლეობა ალბათ მეთევზეობასაც მისდევდა. ამას მოწმობს აქ ნაპოვნი გახვრეტილი ქვები, რომლებიც ბადის საწაფები უნდა ყოფილიყო.

1936 წ. მოკიდებული რიგი წლების მანძილზე მუშაობდა თრიალეთის არქეოლოგიური ექსპედიცია ბ. კუფტინის და მ. ივაშჩენკოს ხელმძღვანელო-

ბით. ექსპედიციამ სხვა პერიოდის მასალებს შორის გამოაგლინა აგრეთვე ძლიერი ენეოლითური ფენა.

ამ ხანის მასალა წარმოდგენილია როგორც ნამოსახლარი ადგილებიდან, ისე სამარხეული კომპლექსებით. განსაკუთრებით აღსანიშნავია სოფ. ბეშთაშენის მახლობლად ციკლოპური ციხე-სიმაგრის ნანგრევების ქვეშ აღმოჩენილი ენეოლითის კულტურული ფენა. გარდა ამისა, მეტად საყურადღებო მასალა იყო ნაპოვნი სოფ. ოზნისთან.

სოფ. ბეშთაშენში გამოვლენილია ოთხეუთხოვანი ნაგებობის ქვის საძირკველი, რომლის შიგნით აღმოჩნდა თიხატექნილი „თორნე“. კულტურული ფენა მრავლად შეიცავდა თიხის ჭურჭლის ფრაგმენტებს. ამ ფენაში აღმოჩნდა კაჟის დაკბილული ნამგლის პირები და კაჟის სამკუთხა მოყვანილობის ყუნწიანი ისრის პირები, რომლებსაც ჯერ კიდევ ნეოლითური ტექნიკის კვალი ემჩნევა. აქვე აღმოჩნდა დიდი ოვალური ხელსაფქვაეი და თიხისგან გამოქერაწილი ხარის პატარა ქანდაკება, რომელიც ძალიან ანლო დგას ქიულ-თაფაზე აღმოჩენილ ამგვარსავე თიხის ქანდაკებებთან. ნაპოვნი აგრეთვე დაახლოებით 1,65 მ დიამეტრის მქონე კერა. კერის ძირზე აღმოჩნდა თიხის სამი დაპირქვაებული ჭურჭელი და ხელსაფქვაეის ქვა.

სოფ. ოზნის ენეოლითური ხანის ნამოსახლარზე გამოვლენილია მრგვალი სადგომის საფუძველი — ნახევარწრიული მოყვანილობის ქვის წყობა.

საყურადღებოა აქ ნაპოვნი კერამიკული კერის ფრაგმენტები. ამ ტიპის კერა დამახასიათებელია აშიერაკვეკასიის ენეოლითისათვის. კერები დაახლოებით 1,0 მ დიამეტრისა და 0,25 მ სიმაღლისაა. შიდა პირზე მას სამი შევრილი აქვს, ალბათ ჭურჭლის უკეთ შემავრების მიზნით. მსგავსი კერები განსაკუთრებით მრავლად აღმოჩნდა შიდა ქართლის ენეოლითურ სადგომებში. ვხვდებით მათ, აგრეთვე, შენგავითში (სომხეთი).

ბეშთაშენის კერამიკულ კომპლექსში ძირითადად ორი ჯგუფის ჭურჭლის გამოჩნევა შეიძლება. ორივე ჯგუფის თიხის ჭურჭელი ხელითაა ნაძერწი და გულმოდგინედ დამუშავებული. პირველი მათგანი შედარებით უფრო ტლანქია და მასიური. ჭურჭლის ძირი ჩვეულებრივ ბრტყელია. ხშირად გვხვდება დიდი, ცილინდრულყელიანი ჭურჭელი, რომელსაც ორი ნახევარსფეროსებრი ყური აქვს. ამ ჯგუფის ჭურჭელი ზოგჯერ სრულიად ზადაა, ზოგჯერ კი შემკულია რელიეფური სახეებით. თრიალეთური კერამიკის ეს ვარიანტი განსაკუთრებით ანლო დგას კიკეთის, დიდუბის და ზოგიერთი სხვა ადგილის კერამიკასთან.

მეორე ჯგუფის კერამიკა ხასიათდება უფრო მაღალი ტექნიკით; ჭურჭელი შესანიშნავადაა დამუშავებული, ძირი უმეტესად ვიწრო და შედრეკილი აქვს, ყურები — ნახევარსფერული მოყვანილობისა, შემკულია „ჩაღარულ-ამოღარული“ სახეებით. ამ ჯგუფის კერამიკა როგორც მოყვანილობით, ისე შემკულობით უახლოვდება სომხეთის ენეოლითური ხანის ნამოსახლარებზე აღმოჩენილ კერამიკას (შენგავითი, შრემ-ბლური, მალაქლუ და სხვ.).

აღსანიშნავია სოფ. ოზნში ნაპოვნი დიდი (დაახლოებით 1,0 მ სიმაღლის), მოწითალო ჭურჭელი, შემკული კიკეთის ჭურჭლის მსგავსად, სათვალისებრი სპირალით. მეტად საინტერესოა აქ აღმოჩენილი ორი სქელკედლიანი ჯამი. ერთი მათგანი იმითაა შესანიშნავი, რომ გარეთა კედელზე რაღაც განსაკუთრე-

ბული ხუთი ნიშანი აქვს გამოყვანილი. თითოეული ეს ნიშანი წარმოადგენს რთულ გეომეტრიულ ფიგურას. ამათგან ორი ნიშანი საეხებით ერთნაირია. ბ. კუფტინი ფიქრობდა, რომ აქ შესაძლებელია ნიშნებით აზრის გადმოცემის ცდასთან გვერდის და ამ ნიშნებს ის ამსგავსებდა პროტო-ელამურ დამწერლობას.

ოზნის ენეოლითურ ფენაში ნაპოვნი იყო ლითონის რამდენიმე ნივთი: ბიპირამიდული ფორმის სპილენძის მოკლე სადგისი, ოთხწახნაგა სადგისი და სპილენძის ნატეხი. ამ პერიოდის ლითონის ნივთები თრიალეთის მხოლოდ ამ ადგილიდან არის ცნობილი.

დასასრულ, უნდა აღინიშნოს, რომ თრიალეთში, გარდა ენეოლითური ხანის ნამოსახლარებისა, აღმოჩნდა ამ პერიოდის ორი სამარხი. ერთი მათგანი პატარა ქვისსამარხს წარმოადგენდა, მეორე კი ჩვეულებრივი ორმოსამარხი იყო. მიცვალებული მარჯვენა გვერდზე იწვა, ძლიერ მოხრილი. სამარხებში აღმოჩნდა ტიპური ენეოლითური ჭურჭელი.

უქანასკნელ ხანებში მძლავრი ენეოლითური კულტურა იქნა გამოვლენილი ისტორიული შილაქართლის ტერიტორიაზე. აქ, როგორც ჩანს, ენეოლითური სოფელი ძირითადად განლაგებული ყოფილა დაბლობ ადგილას; ქართლის ველი სამიწათმოქმედოდ უთუოდ მეტად ხელსაყრელი იყო. ამიტომაცაა, რომ მასზე მიწათმოქმედი ტომების საკმაოდ ხშირი ნამოსახლარი გვხვდება.

ენეოლითური ხანის კულტურის ძეგლები ზემო ავქალაში ვერ კიდევ 1923 — 1924 წწ. აღმოჩნდა, ზაპესის მშენებლობის დროს. აქ მოპოვებული მასალა შეიცავს რამდენიმე ფართოყელიანი თიხის ჭურჭლის ფრაგმენტს, ერთ მასიურ ჯამს, სწორკუთხა სადგარს შუაში ნახვრეტით, სავსებით ისეთივეს, როგორც ტყვიავის ერთერთ ყორღანში აღმოჩნდა. გარდა ამ სადგარისა, ამავე კოლექციაში ინახება კიდევ ორი სადგარი — ბრტყელი, ერთ მხარეზე ორი რქისებრი შეერილით და მეორე — მომრგვალებული, შუაში ნახვრეტით. ვარაუდობენ, რომ ამ ტიპის სადგარები დაკავშირებულია ხარის კულტთან და კრეტა-მიკენის მასალაზე მოცემულ გამოსახულებათა ანალოგიურად შესაძლებელია სადგარის ხვრელში მოთავსებული იყო წმინდა ხის ტოტი ან მისი იმიტაცია („ჩიჩილაკის“ მსგავსი).

1953 წლიდან სოფ. ურბნისში სისტემატურ სამუშაოებს აწარმოებს აკად. ს. ჯანაშიას სახელობის საქართველოს სახელმწიფო მუზეუმის არქეოლოგიური ექსპედიცია, რომელმაც სხვადასხვა პერიოდის მეტად საყურადღებო ძეგლები გამოავლინა. ამათგან განსაკუთრებით აღსანიშნავია ბორცვი „ნიზანაანთ გორა“. აქ აღმოჩენილია ძირითადად ორი კულტურული ფენა, რომელთაგან ქვედა ენეოლითური ხანისაა, ზედა კი ანტიკური. გაწმენდის შემდეგ გამოჩნდა რაღაც ნაგებობის თიხატყვანილი იატაკი. აქვე იპოვეს ბათქაშის ნატეხები. შესაძლოა იგი თიხით შელესილ ხის ნაგებობას წარმოადგენდა. მთელ იატაკზე მიმობნეული იყო კერამიკის ფრაგმენტები. აღმოჩნდა უმთავრესად ვარდისფერი ჭურჭლის ნატეხები. შავი ფერის ჭურჭელი შედარებით იშვიათია. გვხვდება მოზრდილი ჭურჭელი, ჯამები, სასმისები და სხვ. აღსანიშნავია ორი ნატეხი, რომელსაც შემორჩენილი აქვს რელიეფური ორნამენტი, ეგებ ირმის

რქები და ფეხები. რელიეფური სახეებით შემკული ჭურჭელი შიდა ქართლის ენეოლითში მეტად იშვიათია. ნაპოვნი იყო აგრეთვე ქსოვილიანი კერამიკა. საყურადღებოა, კათხის ფორმის თიხის ჭურჭელი, რომელიც, შესაძლოა, უკვე გამდნარი ლითონის ჩამოსახსნელად იხმარებოდა. გარდა ამისა, იქვე აღმოჩნდა თიხის ქანდაკებები: ერთი ნატეხი რალაც ცხოველის გამოსახულებისა და ქალის პატარა ზომის ქანდაკება მკვეთრად გამოსახული მკერდით.

ქვის ნივთებიდან გამოირჩევა შესანიშნავი ყუნწიანი ისრის პირი, დაკბილული ნამგლის პირი და კვირისტავეები. განსაკუთრებით საყურადღებოა აქ აღმოჩენილი ქვის პატარა ცული, რომელიც ფორმით თითქოს ლითონის ყუადაქანებული ცულის განმეორებია. მრავლად აღმოჩნდა სხვადასხვა ფორმის ქვის ხელსაფეკვაები.

თიხატკეპნილი ნატაკზე და თიხის ჭურჭლებში ნაპოვნი იყო მარცვლეულის ნაშთები. აღმოჩნდა აგრეთვე ცხოველების ძვლებიც.

ურბნისის ნამოსახლარი, როგორც ჩანს, ენეოლითის უკვე საკმაოდ განვითარებულ სტადიას მიეკუთვნება, უფრო სწორად, შესაძლოა უშუალოდ ლითონის ხანაზე გარდამავალი დროისა იყოს. ამიტომაც აქ ნაპოვნი კათხისმაგვარი ჭურჭელი, როგორც ფიქრობენ, მართლაც გამდნარი ლითონის ჩამოსახსნელად უნდა ყოფილიყო გამოყენებული, რაც ლითონის ჩამოსახსნის დასაწყისის მომასწავებელი იქნებოდა.

1954 წლიდან ურბნისის არქეოლოგიურმა ექსპედიციამ გათხრები დაიწყო ბორცვ ქვაცხელაზე, სოფ. ურბნისიდან სამიოდე კილომეტრის დაშორებით. აქაც ძირითადად ორი ფენა გვხვდება. ზედა — გვიანი ანტიკური ხანისა, ქვედა კი — ენეოლითისა. ეს ფენა საკმაოდ ძლიერი ჩანს. განსაკუთრებით მრავლად აღმოჩნდა კერამიკა, რომელშიაც რამდენიმე ჯგუფი გამოიყოფა. გვხვდება დიდი ზომის, პირფართო ჭურჭელი ნახევარსფეროსებრი ყურით, ბალიები, სასმისები, კარგად ნაკეთები პატარა ზომის ჭურჭელი კონუსისებრი, შედრეკილი ძირით, მსგავსი სომხეთის ენეოლითური მასალიდან ცნობილი ჭურჭლებისა (შენგაეითი). აღსანიშნავია დიდუბისა და თრიალეთის ჭურჭელთა მსგავსი სამყურა ჭურჭელი. ამავე ფენაში აღმოჩნდა შედარებით თხელკედლიანი, ვარდისფერი და შავპრიალა თიხის ჭურჭლის ფრაგმენტები, რომელთაც ზედაპირი შემკული აქვთ გრაფიკულ-გეომეტრიული ჩალარული ორნამენტით. ამგვარი კერამიკა შიდა ქართლის ენეოლითისათვის დღემდე უცნობი იყო, მხოლოდ რამდენიმე ნატეხი ცნობილია თრიალეთიდან და აგრეთვე მალაქლუს (სომხეთი) მასალებიდან. მსგავსი სახეებით შემკული ჭურჭელი წარმოდგენილია თრიალეთისა და საჩხერის ადრეული ბრინჯაოს ხანის მასალებში. ქვაცხელების ენეოლითურ ფენაში აღმოჩნდა აგრეთვე ე. წ. ქსოვილიანი კერამიკის რამდენიმე ნატეხი. აქვე იყო ნაპოვნი რამდენიმე ფრაგმენტი რელიეფური ორნამენტით შემკული ჭურჭლისა. აქაური კერები საყვებით ისეთივეა, როგორიც შიდა ქართლის ახლა უკვე კარგად ცნობილი სხვა ენეოლითური სადგომებისა.

ნამოსახლარზე აღმოჩნდა არქაული ფორმის ხელსაფეკვაები, კაყის დაკბილული ნამგლის პირები, ქვის და ძვლის კვირისტავეები, ძვლის საკინძისმაგვარი ნივთი, რომელიც იქნებ თიხის ჭურჭელზე ორნამენტის გამოსაყვანად იყო განკუთვნილი. საყურადღებოა აქ ნაპოვნი სპილენძის პატარა რგოლი.

კულტურულ ფენაში ნაპოვნია მარცვლეულის დამწვარი ძნის ნაშთი-ცხოველების ძვლები აქ შედარებით მცირეა. გვხვდება ძროხის, თხის, ცხენის და სხვ. ძვლები.

1946 წ. ენეოლითური ფენა აღმოჩნდა სოფ. დიდახალსოფელში (ქარელის რაიონი). აქ გამოვლენილი იყო რამდენიმე „ბუდე“, რომელიც დამწვარი თიხის, ნაცრის და ნახშირის გარდა შეიცავდა აგრეთვე შავი თიხის ჭურჭლის ფრაგმენტებს, ობსიდიანის დამუშავებულ ნატეხებს, ცხოველთა ძვლებს და სხვ. კერამიკა უახლოვდება ბეშთაშენის, დიდუბისა და განსაკუთრებით კიკეთის ენეოლითურ ჭურჭელს.

გორის ისტორიულ-ეთნოგრაფიულმა მუზეუმმა პროფ. ს. მაკალათიას ხელმძღვანელობით 1938 — 1940 წწ. არქეოლოგიური სამუშაოები ჩაატარა სოფ. ტყვიავში. აქ გაითხარა სამი ყორღანი. ყორღანებში ყრილი ძირითადად რიყის ქვისა იყო. პირველ ყორღანში მიცვალებულები სხვადასხვა დონეზე ჩნდებოდნენ, სულ ნაპოვნი იყო 42 სამარხი. მიცვალებულები დამარხული იყვნენ სხვადასხვა წესით: მოხრილი, გულადმა, ფეხბმობრილი, გვერდზე მწოლარე და სხვ. ინვენტარი სამარხში ან სრულიად არ იყო, ანდა მეტისმეტად ღარიბული.

დანარჩენ ყორღანებში თითო სამარხი აღმოჩნდა. მეორე ყორღანში ნაპოვნი იყო ოთხწახნაგა სპილენძის სადგისი, სპილენძის ბრტყელი დანის პირი და თიხის შავი ჭურჭელი. ყორღანის ქვაყრილში იპოვეს თიხის სწორკუთხა გახვრეტილი სადგარი ზემოავეჯალის ტიპისა და ქვის მსხლისებრი ლახტის თავი.

მესამე ყორღანში აღმოჩნდა მხოლოდ სპილენძის სამი ხეია.

ტყვიავის ყორღანები გარკვეულ წარმოდგენას გვაძლევენ იმდროინდელი დასაფლავების წესის შესახებ, მით უმეტეს, რომ შიდა ქართლიდან ზაღდისხოდ ძირითადად ნამოსახლარებია შესწავლილი. ტყვიავის ყორღანებიც, როგორც ჩანს, ენეოლითის ჰაკმოდ გვიანდელი საფეხურისა უნდა იყოს. აქ ერთის მხრივ გვხვდება ტიპური ენეოლითური ფორმები, მეორეს მხრივ კი ნივთები, რომლებიც ბევრ ჯაერთს პოულობენ ბრინჯაოს ხანის ადრეული საფეხურის მასალასთან. თიხის ჭურჭელი სავესებით ენეოლითურია. აქ აღმოჩენილი სწორკუთხა სადგარი ისეთივეა, როგორც ზემო ავეჯალის ენეოლითურ ფენაში აღმოჩენილი სადგარი. სპილენძის სადგისი მეტად პრიმიტიულია და უფრო ახლოსაა ოზნის ენეოლითურ სადგისთან, ვიდრე თრიალეთის ერთერთ ადრეული ბრინჯაოს ხანის ყორღანში აღმოჩენილ სადგისთან და სხვა. მაგრამ ამასთან ერთად აქ გვხვდება ისეთი მასალაც, რომელიც თითქმის რამდენაღმე მანც უფრო ახალგაზრდა უნდა იყოს. დანის პირი უახლოვდება თრიალეთის ერთერთ უძველეს ყორღანში აღმოჩენილ დანის პირს და აგრეთვე დანის პირებს საჩხერიდან. ამავე პერიოდისა უნდა იყოს საფეთქლის ხეივებიც. მათ ვხვდებით თრიალეთის, საჩხერის, აფხაზეთის დოლმენებისა და სხვა ადრე ბრინჯაოს ხანის მასალაში. განსაკუთრებით აღსანიშნავია ტყვიავის ლახტის თავი, რომელიც უახლოვდება თრიალეთის ჰემატიტის ლახტის თავს ერთერთი უძველესი ყორღანიდან. ამრიგად, საფიქრებელია, რომ ტყვიავის ყორღანები ერთგვარ გარდამავალ საფეხურს წარმოადგენენ ენეოლითიდან — ადრეულ ბრინჯაოს ხანაზე.

შიდა ქართლის ენეოლითური ხანის ძეგლებიდან საყურადღებოა მის ჩრდილო ზოლში, თანამედროვე სამხრეთ ოსეთის ტერიტორიაზე გამოვლენილი ძეგლები. აქ ამ პერიოდის ძეგლები ძირითადად გვხვდება მთისპირა ზოლში.

1945 — 1948 წწ. სისტემატური არქეოლოგიური სამუშაოები წარმოებდა სტალინის ნაცარგორაზე. პირველმა ფენამ მოგვცა ენეოლითური ხანის მასალა. აქ აღმოჩნდა ამ პერიოდის ხუთი სამარხი. ყოველ სამარხში თითო მიცვალებული ესვენა, ძლიერ მოკუნტული, მარჯვენა ან მარცხენა გვერდზე მწოლარე. სამარხეული ინვენტარი არც თუ ისე მდიდრული იყო: ქუსლამოლარული კაჟის ისრის პირი, ქვის გახვრეტილი კვერი, ობსიდიანის ნატეხები, სპილენძის მცირე სამსქვალი, რომლითაც გაჭეჭილი უნდა ყოფილიყო კვერის ტარი, და ორი პაწია რგოლი — საყურე. მხოლოდ ერთ სამარხში აღმოჩნდა ხელით ნაძერწი თიხის ჭურჭელი. ერთერთ სამარხში მიცვალებულისათვის ჩაუტანებიათ ბატკანი და ფრინველი.

გარდა სამარხებისა ამავე ფენაში აღმოჩნდა ძლიერ დაზიანებული ნამოსახლარის ნაშთი. იგი შეიცავდა ძირითადად ობსიდიანის ნატეხებს, სხვადასხვა ცხოველების ძვლებს და თიხის ჭურჭლის ნატეხებს.

როგორც ჩანს, ნაცარგორა პირველად სამოსახლო ბორცვი ყოფილა. აქ აღმოჩენილი თიხის ჭურჭელი მორუხო-მოვარდისფროა, ხელით ნაძერწი. გვხვდება უმთავრესად ფართობირიანი ქოთნები და ქილები, რომელთაც მიძერწილი აქვს ნახევარსფეროსებრი ყურები. ზოგჯერ ჭურჭელი მარტივი ორნამენტითაა შემკული.

სტალინის მიდამოებში კიდევ ორგანაა დამოწმებული ენეოლითური ხანის ძეგლი. აქ, ზღუდრის გვერდასთან გზის გადარეცხვის შედეგად გამოვლინდა ტიპური ენეოლითური კერამიკა. ამათგან განსაკუთრებით საინტერესოა ერთი ჭურჭლის ფრაგმენტი, რომელსაც აშკარად ეტყობა ქსოვილის კვალი. აღსანიშნავია აგრეთვე აქ ნაპოვნი ასიმეტრიული ისრის პირი, რომლის მსგავსი აღმოჩენილია ნაცარგორაზე და ოჩამჩირეში.

ბ. კუფტინის მიერ ჩატარებულმა მუშაობამ სათანადო შედეგი ვერ გამოიღო იმის გამო, რომ ენეოლითური ფენა უკვე თითქმის მთლიანად გადარეცხილი იყო. მაგრამ მაინც იპოვეს ტიპური ენეოლითური კერამიკის რამდენიმე ფრაგმენტი და, როგორც ჩანს, საკმაოდ მოზრდილი მრგვალი კერის ნატეხები.

სოფელ ოსპრისთან, ბორცვ ქულბაქეზე აღმოჩენილია ენეოლითური ხანის ნამოსახლარი. კულტურული ფენა აქ ძალზე არეული იყო. მრავლად ჩნდებოდა ენეოლითური კერამიკის ფრაგმენტები, ბათქაშის ნატეხები, მსხვილფეხა ცხოველების ძვლები და სხვ. თიხის ჭურჭელი მეტწილად მოწითალო ფერისაა. აღსანიშნავია აქ ნაპოვნი ორი სამყურა, ბადისებრი და ქილის-მაგვარი ჭურჭელი; ტოლჩები, დისკოიდალური ხუფები და სხვ. განსაკუთრებით საყურადღებოა თიხის მოზრდილი კერა და რელიეფური ორნამენტით შემკული ჭურჭლის რამდენიმე ფრაგმენტი.

არაკერამიკული მასალა ქულბაქეზე მეტად მწირი აღმოჩნდა: კაჟის რამდენიმე ნამგლის პირი და ერთიც მოგრძო საფხეკისმაგვარი იარაღი.

ქულბაქების ქვევით, მისგან დაახლოებით 200 — 300 მ დაშორებით ზღუდრის გვერდას პირდაპირ, ოსპრისის ხევის მარჯვენა ნაპირზეც ნაპოვნი იყო.

ენეოლითური ხანის მასალა. ამ მიდამოს ადგილობრივი მოსახლეობა „ქ უ ლ ი
ხ ე ე მ ს“ უწოდებს. კულტურული ფენა აქ არ იყო ძლიერი. ძირითადად თიხის
ქურქლის ფრაგმენტები ჩნდებოდა, უპირატესად მოწითალო ფერისა, ქულბა-
ქების ტიპის. თიხის ქურქელი დაღეწილი იყო, მეტად დაზიანებული იყო
პრეგალი კერის ნაწილებიც. კერები არც თუ ისე დიდი ზომისა იყო. ერთერთ
შედარებით უკეთ დაცულ კერას შიგნითა და გარეთა პირი წითლად გაპრიალე-
ბული ჰქონდა. ჩანს, იგი გადასატანი კერა უნდა ყოფილიყო. საყურადღებოა,
რომ ამ კერების მახლობლად ჩნდებოდა ხოლმე თიხის ქურქლის ფრაგმენტები,
საქონლის ძვლები და სხვ. აღსანიშნავია აქ ნაპოვნი დაზიანებული რალაც რქი-
სებრი სადგარი, ალბათ ხარის კულტთან დაკავშირებული. აქვე აღმოჩნდა გარე-
ული ღორის ერთი კბილი — საკიდი. შესაძლოა ამ ადგილას ენეოლითელ ადამიანთა
დროებითი სადგომი ყოფილიყო.

სტალინირის მახლობლად, მისგან დაახლოებით 7 კმ დაშორებით, სოფ.
ქვათაბაღში ბრინჯაოს ხანის სამაროვნის გათხრების დროს აღმოჩნდა აგრეთვე
ენეოლითური ფენა. ნაპოვნი იყო ტიპიური ენეოლითური კერამიკა.

დასასრულ, უნდა აღინიშნოს, რომ ენეოლითური თიხის ქურქელი აღმო-
ჩნდა დმანისში, ფეოდალურ ნაქალაქარის გათხრის დროს, ოლონდ, სამწუხაროდ,
ეს ფენა საგანგებოდ არ შეუსწავლიათ.

გაცილებით უფრო სუსტადაა სადღეისოდ წარმოდგენილი ენეოლითური
კულტურა დასავლეთ საქართველოდან. ამ პერიოდის მხოლოდ სამი ძეგლია
ჯერჯერობით ცნობილი: დაბლაგომი, საგვარჯილე და ოჩამჩირე.

1936 წ. დაბლაგომში, ნაციხვარის აღმოსავლეთ ფერდობზე აღმო-
ჩნდა ენეოლითური ხანის ფენა. განსაკუთრებით აღსანიშნავია ამ ფენაში კე-
რამიკა. იგი ხელითაა ნაძერწი, სქელკედლიანია და ვარდისფერი სარჩული აქვს.
უმეტესად გვხვდება მალალი და ფართოყელიანი მოზრდილი ქურქლის ფრაგ-
მენტები. ზოგიერთ ქურქელს მხრიდან ყელზე გადასვლის ადგილას აქეთ-იქით
თითო ნახევარფერული მოყვანილობის ყური აბია, ზოგს კი ყურის ნაცვლად—
თითო ან ორი შვერილი. დაბლაგომის ქურქელს ბევრი საერთო აქვს დიდუბის,
კიკეთის, თრიალეთის და სხვა ენეოლითურ კერამიკასთან, როგორც დამზადების
ტექნიკის, ისე ფორმის მხრივ.

საყურადღებოა დაბლაგომში აღმოჩენილი თიხის ქურქლის ორი ფრაგ-
მენტი. ორივეს შუაზე 1,0 სმ დიამეტრის ნახვრეტი აქვს. ეს ნატეხები უნდა
ეკუთვნოდეს საკმაოდ მოზრდილ ქურქელს, რომელსაც მუცლის ზედა ნაწილზე
თითო ნახვრეტი ჰქონია. შესაძლოა, იგი მართლაც სადღვებელი ყოფილიყო.

უნდა აღინიშნოს, რომ თიხის სადღვებელი ჩვენში კარგადაა ცნობილი
გვიანბრინჯაოს ხანიდან მოკიდებული, უფრო ადრეული ხანის მასალებიდან
ზემოაღნიშნულის გარდა სადღეისოდ ჯერჯერობით უცნობია.

დაბლაგომში ნაპოვნია ქილისებრი ფორმის ტლანქად ნაძერწი ქურქელი,
რომელსაც ძირზე აშკარად ეტყობა ქილობის ანაბეჭდი. ამგვარი ანაბეჭდებიანი
ქურქლის ფრაგმენტები ცნობილია დიხა გუძუბადან და ოჩამჩირის ენეოლი-
თური ხანის სადგომიდან.

ნაციხვარზე აღმოჩენილი ქვის იარაღიდან აღსანიშნავია რამდენიმე ხელ-
საფუკეავეის ქვა, კაუის ორი იარაღი; ერთი ფოთლისებრი მოყვანილობის შუბის

პირი, რომელსაც ჯერ კიდევ კარგად ეტყობა ნეოლითური ტექნიკის კვალი (იგი ახლო დგას თეთრამიწაზე აღმოჩენილ ამგვარსავე იარაღთან), მეორე — წაგრძელებული ფორმის ორმხრივ დამუშავებული დანისმაგვარი იარაღი უნდა იყოს.

ამ ნამოსახლარზე აღმოჩნდა ცხოველების ძვლები, შედარებით მრავლადაა მსხვილფეხა საქონლის ძვლები, ნაპოვნია აგრეთვე წვრილფეხა საქონლისა და ღორის ძვლებიც.

ნაციხვაროს ნამოსახლარზე აღმოჩენილი კერამიკული კომპლექსი ახლო დგას ცენტრალურ და სამხრეთ ამიერკავკასიაში გამოვლენილ ენეოლითური ხანის მასალასთან. აქაც გვხვდება თიხის ქურქლის თითქმის სავსებით ისეთივე ფორმები. აქვე უნდა აღინიშნოს, რომ დაბლაგომის ენეოლითურ მასალაში ამკარად შეინიშნება აგრეთვე გარკვეული მსგავსება კოლხეთის დაბლობზე გამოვლენილ ადრეული ხანის ნამოსახლარებთან, რომლებიც ერთგვარად თავისებურ ზასიათს ატარებენ და საგრძობლად განსხვავდებიან ამიერკავკასიის სხვა ენეოლითური ძეგლებისაგან. მაგრამ, როგორც ნაციხვარის ენეოლითური მასალიდან ჩანს, უფრო მკიდრო ურთიერთობა აქვთ აღმოსავლეთ საქართველოს ენეოლითურ კულტურასთან.

1951 — 1952 წწ. სოფ. ძეგრის მახლობლად გამოქვამულ საგვარჯილეში, ძველი და ახალიქვის ხანის მასალასთან ერთად, ზედა ფენებში აღმოჩენილი იყო ენეოლითის ხანის ძეგლები. ენეოლითური ფენა უშუალოდ მოსდევდა ნეოლითურს.

ენეოლითურ ფენაში მრავლად აღმოჩნდა თიხის ქურქლის ნატეხები. კერამიკა აქ თავისებურია; თიხის ცომის დამუშავებისა და გამოწვის ტექნიკის მიხედვით რამდენიმე ჯგუფი გამოირჩევა. ზოგიერთ ქურქელს ენეოლითური კერამიკისათვის დამახასიათებელი ნახევარსფეროსებრი ყური აქვს. კერამიკა სრულიად სადაა. კარგადაა წარმოდგენილი აგრეთვე ქვის, ძვლისა და რქის იარაღები. ეს იარაღები ჯერ კიდევ ახლო დგას ნეოლითის ფენაში აღმოჩენილ ამგვარსავე იარაღთან, თუმცა მინც შეინიშნება უკვე ერთგვარი გაუმჯობესება. კაუს იარაღიდან განსაკუთრებით აღსანიშნავია ისრისა და შუბის პირები. ესენი ნეოლითურთან შედარებით მოზრდილებია; თანაც ახლა უფრო ნაკლებად გვხვდება ყუნწიანი ისრის პირები, სამაგიეროდ უფრო მეტია ქუსლიანი და ქუსლამოღარული შუბისა და ისრის პირები, რომლებიც ნეოლითში სრულიად არ გვხვდება. ერთგვარი განსხვავება შეიმჩნევა აგრეთვე რქის იარაღშიც. რქის თოხები ახლა უფრო მკირვ ზომისაა და უფრო კონტად ნაკეთები, ვიდრე ნეოლითური.

ლითონისა სულ რეა ნივთი აღმოჩნდა: სადგისები და ანკესები. საყურადღებოა, რომ ეს უკანასკნელნი თითქმის სავსებით ისეთივე ფორმისა არიან, როგორც საგვარჯილეს ნეოლითურ ფენაში ნაპოვნი ძვლის ანკესები.

ო ჩ ა მ ჩ ი რ ი დ ა ნ დაახლოებით 5 კმ დაშორებით სამშენებლო სამუშაოების დროს, იმ ადგილას, სადაც მდ. ჯიქიმურა ზღვას ერთვის, სრულიად შემთხვევით აღმოჩნდა მეტად საყურადღებო მასალა. აქ, სამ ბორცვზე განლაგებულ ძველ ნამოსახლარზე ორი კულტურული ფენა გამოვლინდა. ზედა ანტი-

ქურ ხანას ეკუთვნოდა, ქვედა ფენა კი დაახლოებით ზღვის დონეზე იყო და შეიცავდა თიხის ჭურჭლის ნატეხებს, ხელსაფქვავის ქვებს, ძელის იარაღს, დიდი რაოდენობით ცხოველების ძვლებსა და სხვ.

ამ ფენაში მოპოვებული კერამიკა სამწუხაროდ ძლიერ დაღწეულია. უპირატესად გვხვდება ქილისებრი ფორმის ჭურჭლის ნატეხები. შედარებით იშვიათია ღრმა ჯამები, ცალყურა თუ უყურო სასმისები, ქოთნისმაგვარი ჭურჭელი და სხვ. ჭურჭლის ყური ჩვეულებრივად პატარაა, მრგვალი, ზოგჯერ ბრტყელი. უფრო მოზრდილ ცალებს ხშირად ყურის ნაცვლად შვერილები აქვს. გვხვდება ჭურჭელი, რომელსაც ძირზე ატყვია ქილობის ანაბეჭდი. საერთოდ ეს ჭურჭელი მეტად ტლანქია, ხელით ნაძერწი, სქელკედლიანი. იგი გამოშვარია ღია ცეცხლზე, სუსტად და არათანაბრად, ორნამენტი იშვიათია. უპირატესად გვხვდება მარტივი სამკაული — სწორი თუ ირიბი ჭდეული ხაზები, სამკუთხედები და სხვ.

შედარებით მრავლად აღმოჩნდა ამ ნამოსახლარზე ქვისა და ძელის იარაღი. ქვის იარაღი უმთავრესად კაჟისა და რიყის ქვისაგანაა ნაყეთები. გვხვდება ცულები, თოხები, საწაფები და სხვ. კაჟის ქვისა აღმოჩნდა საჭრისები, საფხეკები, სახვრეტები, ისრისა და შუბის პირები, ნუკლეუსები, ზერხისა და ნამგლის პირები და სხვ. ძელის იარაღებიდან აღსანიშნავია სადგისები, სატეხი, გახვრეტილი რქის თოხი და სხვ.

როგორც ნამოსახლარზე მოპოვებული მასალიდან ჩანს, მიწათმოქმედება აქ საკმაოდ დაწინაურებული უნდა ყოფილიყო. ამას მოწმობს ნამოსახლარზე მოპოვებული სამიწათმოქმედო იარაღები: კაჟის ნამგლის პირები, ქვისა და რქის თოხება, ხელსაფქვავის ქვები და სხვ. მიწათმოქმედების გვერდით, ჩანს, ვითარდებოდა აგრეთვე მესაქონლეობაც. კულტურულ ფენაში მრავლად აღმოჩნდა საქონლის ძვლები. ამთგან ყველაზე ჭარბადაა ძროხის ძვლები. აქაც, ალბათ, უპირატესად მსხვილფეხა საქონლის მოშენებას მისდევდნენ. კარგადაა წარმოდგენილი აგრეთვე ღორის ძვლებიც. მელორეობისათვის ამ პერიოდში კარგი პირობები უნდა ყოფილიყო. ტყიანი ადგილები ამისათვის უთუოდ ხელსაყრელ პირობებს ქმნიდნენ. წვრილფეხა საქონლის ძვლები აქ შედარებით მცირე აღმოჩნდა. მეცხვარეობის განვითარებისათვის, ჩანს, კოლხეთში იმ დროს სათანადო პირობები არ იყო. ტყიანი ლანდშაფტი საამისოდ ნაკლებად ხელსაყრელი უნდა ყოფილიყო.

გარდა ამისა, აქვე მრავლად იყო ნაპოვნი გარეული ცხოველების ძვლები, უპირატესად გარეული თხისა და ირმის. კოლხეთის ტყიან და მაღალმთიან ადგილებში მონადირეობისათვის ხელსაყრელი პირობები ყოფილა. მნიშვნელოვანი ადგილი ეკავა აგრეთვე მეთევზეობასაც; დიდი რაოდენობით აღმოჩნდა აქ ბადის საწაფები, ზოგან თევზის ძვლებიც.

ოჩამჩირის ვენეოლითურ ნამოსახლარზე მოპოვებული მასალა გარკვეულ მსგავსებას იჩენს კოლხეთის დაბლობის ადრეული ხანის სხვა მასალებთან. ამ მხრივ განსაკუთრებით აღსანიშნავია ანაკლიის მახლობლად გათხრილ დინხა გუძუბას ქვედა ფენაში მოპოვებული მასალა, თუმცა ეს უქანასკნელი შესაძლოა რამდენადმე უფრო ახალგაზრდა იყოს.

ამრიგად, ვენეოლითური ხანის ნამოსახლარები საქართველოს ტერიტორიაზე საკმაოდ დიდი რაოდენობითაა გამოვლენილი. დასახლებისათვის, როგორც

ჩანს, ირჩევიდნენ იმდროინდელი მეურნეობისათვის ხელსაყრელ ადგილებს. ენეოლითური წასოფლარები გვხვდება დაბლობში, დიდი მდინარეების მახლობლად; აგრეთვე საკმაოდ მაღლობ ადგილებზე, პლატოებზე, სადაც სამიწათმოქმედოდ კარგი პირობები უნდა ყოფილიყო. ამ პერიოდის წასოფლარებს ძირითადად ისეთ რაიონებში ვხვდებით, სადაც მიწათმოქმედობისათვის ახლაც კარგი პირობები ჩანს.

ქართლის ბარი დღესაც უმთავრესად სამიწათმოქმედო რაიონს წარმოადგენს. წალკის პლატოზე, რომელიც ზღვის დონიდან დაახლოებით 2000 მეტრზე მდებარეობს, უთუოდ ხელსაყრელი პირობები იყო მიწათმოქმედებისათვის. მართლაც, აქ ძველთაგანვე თითქმის თანაბრად ვითარდებოდა როგორც მესაქონლეობა, ისე მიწათმოქმედება.

ეტყობა ამ პერიოდში საგვარეულო სოფლები ზოგჯერ არც თუ ისე დამოკიდებული იყო ერთმანეთისაგან. განსაკუთრებით კარგად ჩანს ეს ამ უკანასკნელ ხანებში შიდა ქართლში მიკვლეული მასალებიდან. ურბნისში სამიოდე კილომეტრის მანძილზე ორი საკმაოდ მძლავრი ენეოლითური ნასოფლარი აღმოჩნდა. სტალინირის მახლობლად აგრეთვე რამდენიმე ადგილას იქნა დამოწმებული ამ პერიოდის ძეგლები: სტალინირში, ქვასათალში, ტყვიავში და სხვ. უშუალოდ სტალინირის მიდამოებში ენეოლითური ხანის მასალა აღმოჩნდა სამგან: ნაცარგორაზე, ზღუდრის გვერდაზე და ქულბაქეებზე. ძველი ნაპოსახლარების ამგვარი სიხშირე შესაძლოა იმით იყოს გამოწვეული, რომ სოფლის მახლობლად მდებარე მიწების გამოფიტვის გამო ესა თუ ის მიწათმოქმედი გვარი ან ტომი იძულებული ხდებოდა მიეტოვებინა ძველი სოფელი და ყოველ ორსამ ათეულ წელიწადში მთლიანად ახალ ადგილზე გადასულიყო. ამის მოწმობა უნდა იყოს თითქოს ის, რომ სადღესოდ ცნობილ ენეოლითურ ნასახლარებზე არსად არ ჩანს ხანგრძლივი დასახლების კვალი. ამ პერიოდის საგვარეულო სოფელი არც თუ ისე დიდი იყო. ეს განსაკუთრებით კარგად ჩანს ხიზნანათ გორისა და ქვაცხელების მაგალითზე. საფიქრებელია, რომ აქ სულ რამდენიმე საოჯახო სახლი უნდა ყოფილიყო. როგორც ჩანს, ბორცვები მეტად მჭიდროდ იყო დასახლებული და სახლები ერთმანეთისთან ძალიან ახლოს განლაგებული. შენგავითში (სომხეთი), სადაც ამ პერიოდის ნამოსახლარი შედარებით უკეთაა შესწავლილი, სახლები ერთმანეთისაგან დაახლოებით ოციოდე ნაბიჯით ყოფილა დაცილებული. უნდა აღინიშნოს, რომ შენობების ამგვარი სიმჭიდროვე საერთოდ დამახასიათებელი იყო ადრეული ხანის სამიწათმოქმედო სოფლებისათვის.

ამ პერიოდში საცხოვრებელ შენობებს მიწის ზემოთ აგებდნენ. მიწურები და წახევრად მიწურები ამიერკავკასიის ენეოლითური კულტურისათვის სრულიად უცნობია. ზომიერი ჰავის პირობებში ამგვარი საცხოვრებლით სარგებლობის საჭიროება სრულიად არ იყო. შენობის ასაგებად იყენებდნენ ხეს, ქვას, თიხას. ბეშთაშენის ენეოლითურ ნამოსახლარზე აღმოჩნდა ოთხკუთხა ნაგებობის ქვის საფუძველი. სოფ. ოზნში ამავე პერიოდის ფენაში ნაპოვნია მრგვალი ნაგებობის საფუძვლის ნაწილი, რომელზედაც საფიქრებელია ძველი მეგრული ფაცხის მსგავსი ხის ნაგებობა იყო ამოყვანილი. ქვის საფუძვლის მიხედვით შეიძლება დაახლოებით გამოვიანგარიშოთ ამ ნაგებობის სიმაღლე (2, 75 მ).

ქვის წყობის გვერდით, მის გარეთ, აღმოჩნდა ოსეთივე მრგვალი კერის ფრაგმენტები, როგორც დამოწმებულია შენგავითის მრგვალ შენობებში.


ამიერკავკასიის ენეოლითური ნამოსახლარის შესახებ შედარებით უკეთეს წარმოდგენას გვაძლევს შენგავითი. აქ ჯერ კიდევ გათხრებამდე კარგად მოჩანდა ზედაპირზე დაახლოებით 7 მ დიამეტრის ქვის მრგვალი წრეები, რომლებიც ერთიმეორისაგან 20—30 ნაბიჯით იყო დაცილებული. როგორც გაირკვა, ქვის ეს მრგვალი წყობა წარმოადგენდა მრგვალი სახლის საფუძველს, რომელსაც მიდგმული ჰქონდა ოთხკუთხა ნაგებობა. შენობები სხვადასხვა ზომისა იყო. ერთერთი მათგანის მრგვალი ნაწილის დიამეტრი უდრიდა 6 მ; შენობის სამხრეთ-აღმოსავლეთ კედელში კარი იყო, რომელიც მას ოთხკუთხა ნაგებობასთან აკავშირებდა. ასეთივე ოთხკუთხა ნაგებობა მრგვალ ოთახს სხვა მხრიდანაც ჰქონდა მიდგმული. ერთერთი შენობის მრგვალი ოთახის დიამეტრი უდრიდა 7,5 მ, ამავე შენობის სწორკუთხა ნაგებობისა კი 14×7 მ. შენგავითის შენობის კედლები ამოყვანილი იყო ალიზით. სწორკუთხა ნაგებობანი გადახურული უნდა ყოფილიყო ბანურად, მრგვალს კი კონუსისებრი სახურავი უნდა ჰქონოდა.

აქვე შეენიშნავთ, რომ მრგვალი საცხოვრებელი კარგად იყო ცნობილი ადრეულ ხანაში მესოპოტამიისა და ხმელთაშუა ზღვის კულტურულ სამყაროში. არაპაჩის ბორცვის ადრეულ ფენებში აღმოჩენილ მრგვალ შენობებს აგრეთვე სწორკუთხა ნაგებობები ჰქონდა მიდგმული.



როგორ იყო მოწყობილი საცხოვრებელი შიგნით, ჯერ კიდევ ძნელი სათქმელია. როგორც ჩანს, ზოგჯერ მრგვალი შენობების ცენტრში იდგა მრგვალი, დაახლოებით 1,0 მ დიამეტრის თიხის კერა. ამგვარი კერები ჩვეულებრივად მიწაზე იდგმებოდა და შესაძლებელი იყო მათი გადატანა. ზოგჯერ კერა მიწაში იყო ჩადგმული, როგორც ეს სოფ. ოზნში აღმოჩენილი კერის მაგალითიდან ჩანს. გარდა მრგვალი კერისა, საცხოვრებელში იყო აგრეთვე რამდენიმე ქვისაგან შემდგარი ჩვეულებრივი კერა. ამგვარი კერის მახლობლად ხშირად ჩნდება ხოლმე თიხის ჭურჭლის ფრაგმენტები, ხელსაფქვევის ქვები, როდინი და სხვ.

საცხოვრებლის იატაკზე, მოზრილ ჭურჭლებში ხშირად პოულობდნენ სხვადასხვა მარცვლეულის ნაშთებს. მრავლად გვხვდება აგრეთვე საცხოვრებლის შიგნით ცხველთა ძვლებიც. როგორც ჩანს, საცხოვრებელი არა მარტო თავშესაფარი ყოფილა, არამედ აქვე ინახავდნენ სანოვავსაც. შესაძლოა, საცხოვრებლის შიგნით ჯერ კიდევ არ იყო სანოვავის შესანახად ცალკე გამოყოფილი სათანადო ადგილი.


კერამიკა. ყველაზე ჰარბად ენეოლითური მასალებიდან წარმოდგენილია კერამიკა. ამ პერიოდის თიხის ჭურჭელი ხასიათდება ძერწვის არქაული წესით; ნაკეთებია ზელით, უმორგეოდ. იგი გამოირჩევა მეტად მდიდარი, მრავალფეროვანი და თანაც თავისებური ფორმებით. თიხის ჭურჭლიდან უპირატესად გვხვდება: ჯამები, დერაგები, ქილები, ქოთნები, ფიალები, ბადიები და სხვ. (ტაბ. VII, 1, 2). საყურადღებოა მოშავო-მოვარდისფრო მალალი და ფართოყელიანი ჭურჭელი ჩვეულებრივად ყელისა და მხრის საზღვარზე მიძერწილი ორი ნახევარსფერული პატარა ყურით. ზოგიერთი ხასიათდება კარგად მოკრიბებული ზედაპირით, ზოგჯერ ვარდისფერი საჩრულით. აღსანიშნავია შედარე-



1




2



3


4



7



5



6



8

ბით თხელკედლიანი შავი ფერის ვიწრო და შედრეკილძირიანი ჭურჭელი, სწორად გეომეტრიული სახეებით შემკული. მეტად თავისებურია ენეოლითური კერამიკის შემკულობა. გვხვდება რელიეფური ორნამენტი, უპირატესად კი სპირალური შემკულობა. ზოგჯერ რელიეფურად გამოყვანილი რაღაც ფიგურები, სწირია სხვადასხვა გეომეტრიული სახეები და სხვ.

ენეოლითური კერამიკა თავისი გავრცელების ფართო ტერიტორიაზე თითქმის უცვლელად ინარჩუნებს მისთვის დამახასიათებელ თავისებურებას; თუმცა უნდა აღინიშნოს, რომ ზოგიერთი ცალკეული ჯგუფისათვის მაინც შეიძლება გამოიყოს საკუთარი, სპეციფიკური სახე. შიდა ქართლის ამ პერიოდის თიხის ჭურჭელი, რომელიც ძირითადად თითქმის ყველა იმ ნიშან-თვისებით ხასიათდება, რომლებიც საერთოდ ენეოლითური კერამიკისათვისაა დამახასიათებელი, მაინც ერთგვარ თავისებურ სახეს ატარებს; კერძოდ, მისთვის ნაკლებად დამახასიათებელი ჩანს ორნამენტაციის ის მოტივები, რომლებიც ამ პერიოდის კერამიკას ახასიათებს. იგი თითქმის სრულიად სადაა.

ადრეული საფეხურის კერამიკული მასალა სხვასთან შედარებით უთუოდ უფრო მეტის მთქმელია. იგი უკეთ ავლენს ამა თუ იმ კულტურას, თუ ცალკეულ კულტურათა ლოკალური ვარიანტებისათვის დამახასიათებელ თავისებურებას. მისი სწორი ანალიზი მეტად მნიშვნელოვან მონაცემებს იძლევა ისეთი საკითხების გადასაჭრელად, როგორცაა კულტურის წარმომავლობის საკითხი, ლოკალური ჯგუფების გამოვლენა და სხვ. სამწუხაროდ, ჩვენი ენეოლითური კერამიკა სადღესოდ ჯერ კიდევ საფუძვლიანად შესწავლილი არ არის. ჯერჯერობით გამოვლენილია ამ კულტურის მხოლოდ თიხის ნაწარმის თავისებური ე და ცალკეული ჯგუფებისათვის დამახასიათებელი ზოგიერთი რამ.

ქვის იარაღი. ენეოლითურ ფენებში უმთავრესად გვხვდება კაჟის, კვისა და ობსიდიანის იარაღი. იგი კარგადაა დამუშავებული, მაგრამ ძირითადად ჯერ კიდევ ატარებს ნეოლითური ტექნიკის კვალს. ენეოლითში ისევ ცოცხლობს ქვის იარაღის ის ფორმები, რომლებიც ნეოლითში შეინიშნება. კაჟის იარაღებიდან განსაკუთრებით აღსანიშნავია ისრის პირები (ტაბ. VII, 6, 8). ამათგან უპირატესად გვხვდება ყუნწიანი ისრის პირები, რომლებიც მოყვანილობით ჯერ კიდევ ახლო დგანან ნეოლითურ ისრის პირებთან, კერძოდ, თეთრამიწის ამგვარსავე იარაღთან.

გარდა ამისა, აღსანიშნავია აგრეთვე კაჟის დაკბილული ფირფიტები (ტაბ. VII, 5). ამგვარი იარაღი სწორად გვხვდება ენეოლითურ ფენებში. ერთი ნაწილი ამ იარაღისა უთუოდ კაჟის ნამკლას პირებს წარმოადგენდა, მეორე კი ალბათ კაჟის ხერხის პირები უნდა ყოფილიყო. ჩვენში კაჟის დაკბილული ფირფიტები უკვე ნეოლითიდანაა ცნობილი. შეიძლება ვიფიქროთ, რომ კაჟის ნამკლას ჩვენში უკვე ნეოლითის მიწურულიდან იცნობდნენ.

კაჟის ქვის სხვა იარაღთაგან მრავლადაა დანები, სახვრეტები, საჭრისები და სხვ. სწორია აგრეთვე ობსიდიანის იარაღიც. იგი ზოგან კიდევაც სჭარბობს კაჟის იარაღს. გვხვდება ობსიდიანის დანები, სახვრეტები, საჭრისები, ისრის პირები და სხვ.

ამ პერიოდის ქვის იარაღიდან საყურადღებოა ლახტისა და კვერის თავები. კვერის თავი ნაპოვნია ნაცარგორის ერთეულ სამარხში. სადღესოდ ამგვარი

კვერის თავი ამიერკავკასიაში ცნობილია მხოლოდ შენგავითიდან. ამ ტიპის იარაღი აღმოჩენილია წინა აზიის საკმაოდ ადრეული ხანის ფენებში: ალიშარის ბორცვზე, თეფე-გავრაზე, ტრაში და სხვ.

ლახტის თავიც ჩვენში სადღეისოდ მხოლოდ ერთი ცალია აღმოჩენილი ტყვიავის ერთერთ ყორღანში. თავისი ფორმით ეს ლახტის თავი უახლოვდება თრიალეთის ადრეული ბრინჯაოს ხანის ყორღანში ნაპოვნ ჰემატიტის ლახტის თავს. ლახტისმაგვარი რაპდენიმე იარაღი აღმოჩნდა შენგავითის ნასოფლარზე. ქვის ლახტის თავები საერთოდ კარგად იყო ცნობილი წინა აზიის ენეოლითური ფენებიდან (ალიშარის ბორცვი, თეფე-სიალკი და სხვ.).

აღსანიშნავია თრიალეთში აღმოჩენილი ტლანქად დამუშავებული ქვის იარაღი — ე. წ. „კულის“ ტიპისა, რომელსაც ტარის უკეთ დამაგრების მიზნით ზედა ნაწილზე ღარი შემოუყვება. მსგავსი იარაღი ამიერკავკასიაში ცნობილია შრეშ-ბლურის, ელარის, კილიგდალისა და სხვ. ენეოლითური ნასახლარებიდან. ამგვარი იარაღი ცნობილია აგრეთვე მცირე აზიიდან, კერძოდ, ალიშარის ბორცვის პირველი ფენიდან.

თითქმის ყველა ენეოლითურ ნამოსახლარზე ნაპოვნი იყო ხელსაფეკვავის. ქვები, უპირატესად „ნავესებური“ ფორმის. გვხვდება აგრეთვე როდინის ქვები, სანაყები, გახვრეტილი ქვები, საწაფები და სხვ.

საყურადღებოა ის გარემოება, რომ აღმოსავლეთ საქართველოში და საერთოდ ცენტრალური ამიერკავკასიის ენეოლითური სადგომების ფენებში დღემდე თითქმის სრულიად უცნობია ქვის ცულები, მიწის დასამუშავებელი ქვის თოხები, სატეხები, საჭრეთლები და სხვ. როგორც ცნობილია, ამ ტიპის იარაღები კარგადაა წარმოდგენილი ჩვენში უკვე ნეოლითურ ფენებში. რა არის მიზეზი იმისა, რომ ენეოლითში ეს იარაღები თითქმის აღარა გვხვდება, ძნელი სათქმელია. ყოველ შემთხვევაში, ვფიქრობთ, ამას ვერ მივაწერთ ლითონის შემოსვლას. ლითონი ჯერ კიდევ უმნიშვნელო როლს ასრულებდა და, რა თქმა უნდა, მას არ შეეძლო ქვის სამეურნეო იარაღის განდევნა. ამის მიზეზი უფრო მეურნეობრივი ხასიათის ცვლილებებში უნდა ვეძიოთ.

სულ სხვაგვარ სურათს იძლევა დასავლეთ საქართველოს ენეოლითური მასალა. საგვარჯილის და ოჩამჩირის ენეოლითური ნასოფლარების ფენებში მრავლად აღმოჩნდა რიყის ქვის ცულები, თოხები და სხვა იარაღიც, რომლებიც თითქმის სრულიად არ განსხვავდება ნეოლითის ამგვარივე იარაღისაგან. როგორც ჩანს, აქ სამეურნეო ცხოვრებაში რაიმე მნიშვნელოვანი ცვლილება არ უნდა მომხდარიყო და ენეოლითში კვლავ გამოირჩევა იგივე იარაღი, რომელიც ჯერ კიდევ ნეოლითში იყო ცნობილი.

რქისა და ძელის ნივთები. ძელის და რქის იარაღი შედარებით იშვიათად გვხვდება. ძელის იარაღიდან აღსანიშნავია სახვრეტები და სადგისები (ტაბ. VII, 7). საგვარჯილის ენეოლითურ ფენაში ნაპოვნი ძელის ანკესები საესებით ისეთივეა, როგორიც აქაური, ნეოლითური ძელის ანკესები. ცნობილია აგრეთვე ძელის ისრის პირები და კვირისტაყები. რქის იარაღებიდან აღსანიშნავია რქის თოხები. ეს იარაღი ჩვენში სადღეისოდ ცნობილია მხოლოდ ოჩამჩირიდან და საგვარჯილიდან. საგვარჯილში რქის თოხისმაგვარი იარაღი კარგადაა წარმოდგენილი აგრეთვე ნეოლითურ ფენაში. თავის დროზე, ჩანს, იგი მიწის დასამუ-

შევებლად საქმაოდ მოხერხებული უნდა ყოფილიყო და ამიტომაცაა, რომ მიწათმოქმედების აღრეული საფეხურის ერთერთ დამახასიათებელ იარაღს წარმოადგენს.

ლითონის ნივთები. ლითონის ნივთები ენეოლითური ნამოსახლარებიდან ჯერ კიდევ მეტად იშვიათია. ოზნის ნასოფლარის ფენებში ნაპოვნია ორი სადღისი და ერთი დანისებრი ფირფიტა; ნაცარგორის ამ პერიოდის ერთერთ სამარხში ორი წვრილი მავთულის რგოლი და ერთიც სპილენძის მანკვალი; ტყვიავის ყორღანში აღმოჩენილია ოთხწახნაგა სადღისი, პატარა დანისებრი იარაღი და ერთი რგოლი. ოთხწახნაგა სადღისი აღმოჩნდა აგრეთვე ურბნისში, „ხიზანანთ გორაზე“. სადღისოდ ყველაზე მეტი ლითონის ნივთი მოგვცა საგვარჯილის ენეოლითურმა ფენამ. აქ ნაპოვნია ლითონის რვა ნივთი: სადღისები და ანკესები. (ტაბ. VII, 3, 4). ყველაზე ხშირად ამ პერიოდის მასალაში ლითონის ნივთებიდან გვხვდება ოთხწახნაგა სადღისი. ეს იარაღი საერთოდ კარგადაა ცნობილი ლითონის გაჩენის აღრეულ საფეხურზე. განსაკუთრებით აღსანიშნავია საგვარჯილეში ნაპოვნი ლითონის ანკესები. ისინი თითქოს იმეორებენ აქვე, ნეოლითის ფენაში ნაპოვნი ძელის ანკესების ფორმას. ლითონის ანკესი აქ ორი ტიპისა გვხვდება: ერთი უფრო მოზრდილი და გაშლილი, მეორე შედარებით პატარა ზომის, მომრგვალებული. ლითონის ანკესი ამ პერიოდში საერთოდ მეტად იშვიათია. ჩვენს ანკესებთან ძალიან ახლო დგას უკანასკნელ ხანებში აღრეულ ტრიპოლიეს კულტურაში აღმოჩენილი ანკესები.

ლითონის ეს პირველი ნივთები ცივადაა ნაქედი. სადღისოდ ცნობილია მხოლოდ საგვარჯილეში ნაპოვნი სადღისის ქიმიური ანალიზი. როგორც ჩანს, იგი სუფთა სპილენძისგანაა ნაკეთები. უნდა ვითქვროთ, რომ ჩვენში აღმოჩენილი ლითონის სხვა ნივთებიც სუფთა სპილენძისაა და შესაძლოა აღრინდელი ტრიპოლიეს კულტურის ლითონის ნივთების მსგავსად, ჯერ კიდევ თეთნაბადი სპილენძისგანაა დამზადებული.

მიწათმოქმედება და მესაქონლეობა. ენეოლითის ხანაში ჩვენში განსაკუთრებით ვითარდება მიწათმოქმედება. მეურნეობის ამ დარგის გარკვეული დაწინაურება უკვე ნეოლითურ კულტურაში შეინიშნება. მომდევნო ხანაში იგი კიდევ უფრო მაღალ საფეხურზე აღის და, როგორც ჩანს, ენეოლითში მეურნეობის ძირითად დარგად იქცევა. ამ პერიოდის ნასოფლარებზე თითქმის ყოველთვის გვხვდება მიწის დასამუშავებელი იარაღი, ნაშლის პირები, ხელსაფქვავის ქვეები. მარცვლეულის შესანახი ჭურჭელი, ზოგჯერ თვით მარცვლეულის ნაშთებიც და სხვ. სადღისოდ ჯერ კიდევ საცესებით ნათელი არ არის მიწათმოქმედების რა ფორმა უნდა ყოფილიყო ამ პერიოდში. მიწას, ჩანს, ისევე ქვის, რქის და ხის იარაღით ამუშავებდნენ. თუმცა უნდა აღინიშნოს, რომ ენეოლითურ მასალებში უშუალოდ მიწის დასამუშავებელი იარაღი მეტად იშვიათად გვხვდება. მიწის დასამუშავებელი რქის იარაღი, როგორც ზემოთ იყო ნათქვამი, ჯერჯერობით ცნობილია მხოლოდ დასავლეთ საქართველოს ნასოფლარებიდან. პრც ქვის თოხები ჩანს ამ პერიოდისათვის მაინცაღამაინც დამახასიათებელი. ამიტომაც ეგებ მიწას ძირითადად ხის იარაღით ამუშავებდნენ. საფიქრებელია, რომ ამ პერიოდიდან, მისი მეორე ნახევრიდან, მიწის დასამუშავებლად უკვე ხის პრიმიტიული სახენელი იყო გამოყენებული, რომელშიაც

გამწვევ ძალად, შესაძლოა, ხარის იყენებდნენ. შინაური ცხოველებიდან ხარი ამ დროს, ჩანს, ყველაზე გავრცელებული ცხოველი იყო.

უნდა ვივარაუდოთ, რომ დასათესი ფართობი უშუალოდ სოფლის მასწობლად მდებარეობდა. რა თქმა უნდა, დამუშავების შედეგად წლების მანძილზე მიწის ეს ფართობი თანდათანობით იფიტებოდა და ახლ უფრო და უფრო ნაკლებად გამოსადეგი ხდებოდა. თანდათანობით იწყებოდა უფრო მოშორებით მდებარე მიწების დამუშავება. მოსახლეობა შემდეგში ალბათ ტოვებდა თავის ძველ სოფელს და ამ ახალ ადგილზე გადმოდიოდა. შესაძლოა მიწათმოქმედმა ტომებმა იცოდნენ აგრეთვე მიწის დასვენების წესიც და დასამუშავებელი ფართობის ერთ ნაწილს გარკვეული დროით ასვენებდნენ.

მოსავალს, როგორც ჩანს, ძირითადად კაჟის ნამგლით იღებდნენ. ენეოლითურ ფენებში ხშირად გვხვდება კაჟის დაკბილული ნამგლის პირები (ტაბ. VII, 5). კაჟის ნამგალი ჩვენში უკვე ნეოლითიდან იყო ცნობილი და წინა აზიის სხვა ქვეყნების მსგავსად, საკმაოდ დიდხანს შემორჩა. ლითონის ნამგალი ჩვენში ვრცელდება მხოლოდ გვიანი ბრინჯაოს ხანიდან. რა თქმა უნდა, მოსავლის აღების ალბათ სხვაგვარი წესიც არსებობდა. არ არის გამორიცხული, რომ ამ პერიოდში თავთავს ხელითაც გლეჯდნენ. საყურადღებოა, რომ საქართველოში უკანასკნელ ხანებამდე ენდემური ჯიშების — მახას და ზანდურის აღების თავისებური წესი არსებობდა. პირველად იკრიფებოდა თავთავი „შნაკეთ“, რომელიც თავში მოძრავად შეკრულ ორ ჯოხს წარმოადგენდა; დერო გარკვეული დროის მანძილზე მინდვრად რჩებოდა. ნიშანდობლივია, რომ ეს წესი დამოწმებულია აგრეთვე ესპანეთში (ასტურიასში), სადაც ადგილობრივი პურეულის „სპელტას“ მოსაკრეფად შნაკვისმაგვარ იარაღს ხმარობენ. მარცვლეულს ფქვავენ ხელსაფქვაებით. საჭირო იყო აგრეთვე მარცვლეულის შენახვა მომავალ მოსავლამდე. მარცვლეულს, ჩანს, ინახავდნენ მოზრდილ ჭურჭლებში. ურბნისში თიხატყეპნილი იატაკის გაწმენდის შემდეგ აღმოჩნდა მოზრდილი ჭურჭლის ფრაგმენტები და მარცვლეულის ნარჩენები. გარდა ამისა, მარცვლეულს ინახავდნენ აგრეთვე ორმოებშიაც. ამგვარი ორმოები გვხვდება ზოლმე ენეოლითურ ნასოფლარებზე.

ენეოლითურ ფენებში მოპოვებული მარცვლეული ახლო დგას ამიერკავკასიაში ახლაც კარგად ცნობილ გარეულ ჯიშებთან. ნიშანდობლივია, რომ საქართველოში დღესაც ცნობილია ერთერთი უძველესი სახეობა — მახა, რომელიც წარმოადგენს გარდაამავალ ფორმას გარეულიდან კულტურული ტიპის ხორბალზე. ეს ფორმა ენდემურ (ადგილობრივ) სახეობას მიეკუთვნება და საქართველოს გარეთ დღემდე სრულიად უცნობია. იგი დღეს შემორჩენილია მხოლოდ ლეჩხუმში. როგორც ჩანს, მახა ჩვენში უძველესი დროიდან ყოფილა გავრცელებული. მისი ნაშთები აღმოჩნდა კოლხეთის დაბლობის ერთერთ სამოსახლო ბორცვის უძველეს ფენებში. საქართველოში დღეს ცნობილია აგრეთვე სხვა ენდემური სახეობაც — ზანდური. ეს ფორმაც ვიწრო ლოკალურია. იგი დღეს გავრცელებულია მხოლოდ რაჭა-ლეჩხუმში. ძველ აბორიგენულ კულტურას წარმოადგენს აგრეთვე დიკა, რომელიც ძირითადად აღმოსავლეთ საქართველოშია ცნობილი. გარდა ამისა, გამოირჩევა კიდევ რამდენიმე უფრო წვრილი სისტემატიკური ერთეული, სპეციალურ ლიტერატურაში გამოთქმულია მოსაზ-

რება, რომ მსოფლიოს არც ერთ ქვეყანაში არ გვხვდება ხორბლის ისეთი ნაირ-სახეობა, როგორც საქართველოსა და სომხეთში.

მიწათმოქმედებასთან ერთად ენეოლითურ ხანაში გარკვეულ განვითარებას აღწევს აგრეთვე მესაქონლეობაც. ამ პერიოდის კულტურულ ფენებში ხშირად ვხვდებით მოშინაურებული ცხოველების ძვლებს (ძროხა, ხარი, ცხვარი, თხა, ღორი და სხვ.). არსებული მასალები თვალსაჩინოს ხდის, რომ ენეოლითურ ნასოფლარებზე მოპოვებული შინაურ ცხოველთა ძვლებიდან მსხვილფეხა საქონლის ძვლები რამდენადმე მაინც ჭარბობს წვრილფეხასას. ამიტომაც, საფიქრებელია, რომ ენეოლითის ხანაში ჩვენში ძირითადად ჯერ კიდევ მსხვილფეხა საქონლის მოშენებას მისდევდნენ. როგორც იყო ამ პერიოდში გავრცელებული მსხვილფეხა საქონელი ამის გარკვევით თქმა ჯერჯერობით ძნელია. დასავლეთ საქართველოს ენეოლითურ ფენებში მოპოვებული ძვლების მიხედვით იმ დასკვნის გამოტანა შეიძლება, რომ აქ გავრცელებული ყოფილა პატარა ზომის ძროხა, რომელიც ახლო მდგარა თანამედროვე იმერულ ძროხასთან. დაბლაგომის ენეოლითურ ნასოფლარზე მოპოვებული სადღვებლის ფრაგმენტები კი მოწმობს, რომ უკვე იცოდნენ რძის პროდუქტების მიღებაც.

ის გარემოება, რომ იმხანად ხარი წარმოადგენდა როგორც გამწევე ძალას, ისე ხორცის მომცემ საშუალებას (ხოლო ძროხა ამასთანავე რძის პროდუქტების მიმწოდებელიც იყო), მიუთითებს მეურნეობაში მის (ამ ცხოველების) განსაკუთრებულ როლზე. ამიტომ ბუნებრივია, ხარი კულტის ობიექტი ხდება, მისი გამოსახულებები ხშირად გვხვდება ენეოლითურ ფენებში. ხარის კულტთანაა დაკავშირებული აგრეთვე ამავე პერიოდის მასალებიდან კარგად ცნობილი რქის გამოსახულებებით შემკული სადგარები. ამრიგად, ირკვევა, რომ ხარის კულტი ჩვენში უკვე ენეოლითის ხანიდან არსებობდა.

მსხვილფეხა საქონლის ძვლებთან ერთად ნამოსახლარებში გვხვდება აგრეთვე წვრილფეხა საქონლის ძვლებიც, ოღონდ, როგორც ზემოთ იყო აღნიშნული, მათი ნაშთები შედარებით უფრო მცირეა. ენეოლითურ ხანაში, შესაძლოა, ჩვენში მეცხვარეობის განვითარებისათვის ჯერ კიდევ სათანადო პირობები არ იყო. მეცხვარეობის დაწინაურებას, ეგებ, ერთგვარად ხელს უშლიდა ისიც, რომ ამ პერიოდში ჩვენში უპირატესად ტყიანი ლანდშაფტი უნდა ყოფილიყო; ტყე კი მესაქონლეობის ამ დარგის განვითარებისათვის ნაკლებად ხელსაყრელია. ალბიური საძოვრების გამოყენების საშუალება ჯერ კიდევ, ჩანს, არ ჰქონდათ. საძოვრები უშუალოდ სოფლის მახლობლად მდებარეობდა.

შემდგომ, ენეოლითის გვიანდელ საფეხურზე მეცხვარეობა საგრძნობლად წინაურდება. ამ პერიოდის ნამოსახლარებში უკვე აშკარად ჩანს, რომ წვრილფეხა საქონლის რიცხვი იზრდება. აღმოსავლეთ საქართველოს მაღალმთიან რაიონში მიწათმოქმედების გვერდით აღრიდანვე დაიწყო მესაქონლეობის განვითარება და ალბიური საძოვრების ათვისება. აქაც, ენეოლითის ბოლოში მეცხვარეობა მეურნეობის ერთერთ მნიშვნელოვან დარგად იქცა.

ენეოლითურ მოსახლობათა ირგვლივ მდებარე საძოვრები თანდათანობით სულ უფრო და უფრო არასაკმარისი ხდება. ამიტომ, ტომის თუ გვარის წევრთა ერთი ნაწილი იძულებულია გადავიდეს მაღალმთიან, საზაფხულო საძოვრებზე, მეორე ნაწილი კი სოფლად რჩება და ძირითადად ისევ მიწის დამუშავებას

მისდევს. ეს საძოვრები სეზონურია და მოსახლეობის ის ნაწილი, რომელიც ძირითად საქმიანობად უკვე მესაქონლეობას ირჩევს, ჯერ კიდევ ვერ წყვეტს კავშირს თავის სახლთან, საწამთროდ კვლავ შინ ბრუნდება. ამრიგად, საფუძველი ეყრება ე. წ. ნახევრად მომთაბარულ მესაქონლეობას. მაგრამ შემდეგში კავშირი სამიწათმოქმედო ბაზასთან თანდათანობით სუსტდება. მაღალმთიანი რაიონების ათვისება ხელს უწყობდა მესაქონლეობის შემდგომ განვითარებას. მესაქონლე ტომები წინაურდებიან. ამას ხელი შეუწყობს მეტალურგიის განვითარებამაც. ბრინჯაოს ხანაში მეცხვარეობა უკვე მესაქონლეობის წამყვანი დარგი ხდება. მეცხვარეობის დაწინაურებას, გარდა ზემოაღნიშნულისა, ხელს უწყობდა აგრეთვე მიწათმოქმედების განვითარება. მიწათმოქმედების განვითარება მოითხოვდა სულ უფრო და უფრო მეტ მიწას, რაც თავის მხრივ იწვევდა ტყის თანდათანობით შეპყრობას, გაშლილი ადგილები კი ხელსაყრელი იყო მეცხვარეობის დაწინაურებისათვის.

ამ პერიოდის მასალები გვიჩვენებს მეღორეობის დაწინაურებასაც. მეღორეობისათვის საკმაოდ კარგი პირობები უნდა ყოფილიყო; ვინაიდან ტყიანი ადგილები ხელს უწყობდა მესაქონლეობის ამ დარგის განვითარებას.

მონადირეობა და მეთევზეობა. მონადირეობა, როგორც ჩანს, მეურნეობაში ჯერ კიდევ საკმაოდ დიდ როლს ასრულებდა. ენეოლითურ ნამოსახლარებზე შინაური ცხოველების ძვლებთან ერთად მრავლად აღმოჩნდა გარეული ცხოველების ნაშთები. უპირატესად გვხვდება გარეული თხის, ჯეირნის, შვლის, ირმისა და სხვ. ძვლები. ეს ცხოველები უთუოდ მნიშვნელოვან ხორცეულ მარაგს იძლეოდნენ. განსაკუთრებით ხელსაყრელი პირობები იყო მონადირეობისათვის მაღალმთიან და ტყიან ადგილებში. მაგრამ, საეკონომიკურად, მესაქონლეობის სულ უფრო და უფრო განვითარება მონადირეობის მნიშვნელობას თანდათანობით ამცირებდა. შინაური ცხოველების ძვლებთან შედარებით, გარეული ცხოველების ნაშთები ამ პერიოდის მასალებში რამდენადმე მაინც ნაკლები ჩანს.

მნიშვნელოვანი ადგილი ეკავა მეთევზეობასაც, მაგრამ მას უპირატესად სეზონური ხასიათი ჰქონდა და ერთგვარ დამხმარე საშუალებას წარმოადგენდა. ენეოლითური მოსახლობანი, როგორც ზემოთ აღვნიშნეთ, უპირატესად მდინარეების პირას იყო განლაგებული და თევზის ჰერასაც ალბათ გარკვეული ადგილი ეკავა სამეურნეო ცხოვრებაში. ამ პერიოდის ფენებში ჩნდება ხოლმე ზოგჯერ თევზის ძვლები. ხშირია თევზის ჰაქერი ბადის საწაფები. ჰაგვარჯილში ნაპოვანია აგრეთვე ძვლისა და ლითონის ანკეპები (ტაბ. VII, 4). გარდა თევზის ჰერის ამ წესისა, არსებობდა ალბათ სხვა საშუალებებიც (წყლის დაწრება და სხვ.).

საფიქრებელია, რომ ამ საფეხურზე შემგროვებლობასაც ჯერ კიდევ გარკვეული მნიშვნელობა ჰქონდა ადამიანის ცხოვრებაში.

სოციალური წყობა. ენეოლითის ხანაში საქართველოს ტერიტორიაზე, ჩანს, უკვე თანდათანობით ეცლება საფუძველები მატრიარქატულ ურთიერთობას. გვარის შიგნით თავს იყრის ისეთი ნიშნები, რომლებიც არსებულ მდგომარეობას ვეღარ ეგუება და ხელს უწყობს გვარის განვითარების კიდევ უფრო მაღალ საფეხურზე ასვლას. რა თქმა უნდა, ეს გადასვლა უეცრად არ მომხდარა.

მეტრნობის დაწინაურება და მისი ხასიათის ერთგვარი ცვლილება უთუოდ იწვევდა ქალის უპირატესობის თანდათანობით დაკარგვას მეტრნობაში. მიწათმოქმედება ამ პერიოდში ისეთ სახეს ლებულობს, რომელიც დედაკაცისათვის მეტად რთული ხდება. ენეოლითის ბოლოსათვის ჩვენში შესაძლოა მიწის დასამუშავებლად უკვე იყო პრიმიტიული სახენელი იარაღი, რომელშიაც გამწვევ ძალად ზარს იყენებდნენ. მამაკაცის როლის გაძლიერებას ხელი შეუწყვა მესაქონლეობის დაწინაურებამ. ამ პერიოდში მესაქონლეობა წინა საფეხურთან შედარებით საგრძნობლად განვითარდა, მისი მძლავრი წინსვლა განსაკუთრებით შეინიშნება ენეოლითის ბოლოში.

ამრიგად, საფიქრებელია, რომ ენეოლითის ხანაში ქალი თანდათანობით ჰკარგავს თავის უპირატეს მდგომარეობას გვარში; სამაგიეროდ სულ უფრო და უფრო იზრდება მამაკაცის როლი. ბატონდება გვაროვნული საზოგადოების ახალი, უფრო განვითარებული ორგანიზაცია — პატრიარქატი.

ენეოლითური კულტურის გავრცელება. უკანასკნელ ხანებში წარმოებული ეკლევა-ძიების შედეგად გაირკვა, რომ IV ათასწლეულის ბოლოსა და III ათასწლეულის პირველ ნახევარში ლითონის გამოჩენის ადრეულ საფეხურზე საქართველოში და საერთოდ ამიერკავკასიაში არსებობდა სრულიად ერთგვაროვანი, თავისებური ენეოლითური კულტურა. სადღეისოდ ეს კულტურა ძირითადად გამოვლენილია სამხრეთ და ცენტრალურ ამიერკავკასიაში. ამ პერიოდის ნამოსახლარები კარგადაა ცნობილი დღევანდელი სომხეთის ტერიტორიაზე: შენგავითი, შრემ-ბლური, ქიულ-თაფა, მალაქლუ, ელარი, არმავირ-ბლური და სხვ. აზერბაიჯანში ეს კულტურა შედარებით ლუსტადაა გამოვლენილი. გვხვდება რამდენიმე ადგილას: უზურლიქ-თეფეს ნამოსახლარი, ნახიჩევანის ქიულ-თაფა და კილიქ-დალი.

როგორც ამ ბოლო დროის აღმოჩენებიდან ჩანს, აღნიშნული ენეოლითური კულტურა სცილდება ამიერკავკასიის ფარგლებს. სამხრეთით მისი საზღვარი გადის სამხრეთ აზერბაიჯანში, ურმიის ტბის რაიონში, სადაც 1948 წ. ბორცე გეი-თეფეს გათხრისას აღმოჩნდა ენეოლითური კერამიკა ტიპური სპირალური ორნამენტით და ნახევარსფეროსებრი ყურებით. ჩრდილოეთით ეს კულტურა გადადის ჩრდილო კავკასიაში. აქ იგი ყველაზე უკეთ გამოვლენილია კაიკენტის ნამოსახლარზე; ამ კულტურის ელემენტებს ვხვდებით აგრეთვე სოფ. ყობანთან აღმოჩენილ ენეოლითური ხანის მასალაში. ენეოლითური კულტურის გავრცელების ყველაზე ჩრდილოეთი პუნქტი სადღეისოდ გროზნოს მხარეშია (სოფ. ლუგოვოესთან აღმოჩენილი ძეგლები).

ამრიგად, როგორც ჩანს, ენეოლითური კულტურის გავრცელების ძირითადი რაიონია ცენტრალური და სამხრეთ ამიერკავკასია. საფიქრებელია, რომ აქვე მოხდა ამ კულტურის თავისებური სახის ჩამოყალიბება და აქედანვე უნდა გავრცელებულიყო იგი საკმაოდ დიდ ტერიტორიაზე. ამიერკავკასიის ენეოლითური კულტურა გარკვეულ მსგავსებას იჩენს წინა აზიის ამავედროულ კულტურებთან. მაგრამ მიუხედავად ამ ურთიერთობისა, აშკარაა, რომ ამიერკავკასიის ენეოლითს თვითმყოფადი სახე გააჩნია, რომელსაც თავისი ძველი ტრადიციები უნდა ჰქონოდა; ამ კულტურის საწყისები ადგილობრივ ენეოლითურ კულტურაშია ჩაძებარი.

საქართველოში ენეოლითური კულტურა შედარებით ხანმოკლე უნდა ყოფილიყო. ჩვენში მეტალურგიის განვითარებისათვის უთუოდ მეტად ხელსაყრელი პირობები არსებობდა, ამიტომაც, ჩანს, გარდამავალი საფეხური აქ შედარებით სწრაფად დასრულდა და აღრევე დაიწყო კულტურის განვითარების უფრო მაღალი საფეხური — ბრინჯაოს ხანა. ქრონოლოგიურად ამიერკავკასიის ენეოლითური კულტურა უნდა მიეკუთვნებოდეს IV ათასწლეულის ბოლოსა და მესამე ათასწლეულის პირველ ნახევარს.

ბრინჯაოსა და რკინის ხანის არქეოლოგიური ძეგლები

§ 5. ადრეული ბრინჯაოს ხანა

ენეოლითური კულტურის დასასრულს ადამიანი სპილენძის ცივად ჰედვიდან უკვე მის გამოდნობაზე გადადის. ლითონის ჩამოსხმა იარაღის დამზადების ძირითადი მეთოდი ხდება და საფუძველი ეყრება უძველესი მეტალურგიის დასაწყისს. იწყება განვითარების ახალი საფეხური — ბ რ ი ნ ჯ ა ო ს ხ ა ნ ა. ბრინჯაოს ხანაში ჩვეულებრივად სამ პერიოდს არჩევენ: ა დ რ ე უ ლ ს, შ უ ა ს ა და გ ე ი ა ნ ს.*

ბრინჯაოს კულტურას ადრინდელ საფეხურზე კიდევ უფრო წინაურდება მიწათმოქმედება და განსაკუთრებით კი მესაქონლეობა. მართალია ამ პერიოდში ლითონის ნივთები ჯერ კიდევ სპილენძისაა, მაგრამ ახლა მათი დამზადების მეთოდია სრულიად განსხვავებული. გამდნარი ლითონისაგან გაცილებით უფრო მრავალგვარი იარაღის მიღება შეიძლებოდა. უკვე გვხვდება სპილენძის ცულები, სატყვერები, დანები და სხვ. მაგრამ სპილენძი რბილი ლითონია და მისგან დამზადებული იარაღი ძალიან ჩქარა გამოდის ხმარებიდან. სპილენძს სხვა ნაკლიც გააჩნდა, რაც ერთგვარად ართულებდა მისგან იარაღის ჩამოსხმას. მის გასაღლობად საკმაოდ დიდი ღირებულება იყო საჭირო (1056ფ). ამგვარი ტექნიკატურის მიღება იმ დროისათვის არც თუ ისე ადვილი იყო. გარდა ამისა, გამდნარი სპილენძი შედარებით ცუდად ჩამოსხმის. ამიტომაცაა, რომ ქვის იარაღი ამ პერიოდში ჯერ კიდევ დიდ როლს ასრულებს. შემდეგში გაიზარდა მოთხოვნილება უფრო მაგარი და გამძლე ლითონის იარაღებისადმი, რამაც საბოლოოდ მიიყვანა ადამიანი ბრინჯაოს აღმოჩენამდე.

საქართველოში ბრინჯაოს კულტურის ადრეული საფეხურის მასალა ჯერ-ჯერობით ძირითადად სამარხებიდან მომდინარეობს, ნამოსახლარები კი შეუ-

* ზოგჯერ ენეოლითსა და ბრინჯაოს კულტურის ადრინდელ საფეხურს ერთ პერიოდად გამოყოფენ და მას სპილენძის ხანას უწოდებენ.

სწავლელია. მაგრამ მიუხედავად ამისა, მაინც შეიძლება ითქვას, რომ გვაროვნული საზოგადოება თავისი განვითარების გარკვეულ ნაბიჯებსა დგამდა. ამას მოწმობს ურბნისის ენოლოთურ ნამოსახლარზე აღმოჩენილი კათხისმაგვარი თიხის ქურჭელი, რომელიც გამდნარი ლითონის ჩამოსასხმელად უნდა გამოეყენებინათ, აგრეთვე შენგავითის (სომხეთი) ნამოსახლარის ენოლოთურ ფენაში ნაპოვნი ცულის ჩამოსასხმელი ქვის ყალიბი. მეტალურგიის დაწინაურებას აძიერკავკასიაში უთუოდ ხელს უწყობდა ის გარემოებაც, რომ უკვე ენეოლითიდან მოკიდებული მეტად მჭიდრო ურთიერთობა დამყარდა წინა აზიის ქვეყნებთან ბრინჯაოს ხანაში ეს კავშირი, როგორც ჩანს, კიდევ უფრო ძლიერდება. ბრინჯაოს კულტურის ადრინდელ საფეხურზე გავრცელებული სპილენძის იარაღის ძირითადი ფორმები ძალიან ახლოსა დგას წინააზიურ მასალასთან. მაგრამ, ცხადია, მეტალურგიის განვითარებას ჩვენში თავის მხრივ განაპირობებდა აგრეთვე ისიც, რომ ამიერკავკასია მდიდარი იყო ფერადი ლითონებით.

ადრეული ბრინჯაოს ხანის რამდენიმე ყორღანული სამარხია შესწავლილი თ რ ი ა ლ ე თ შ ი. ამ დროის ყორღანებში ძირითადად ორი ჯგუფი გამოიყოფა. პირველი ჯგუფის ყორღანები უმთავრესად შესწავლილია თრიალეთის სამხრეთ რაიონში, 2200 მ სიმაღლეზე ფარვანის ტბისაკენ გადასასვლელ უღელტეხილთან. ამ ყორღანების დიდი ნაწილი ადრევე დაზიანებული იყო და მხოლოდ ერთ შემთხვევაში აღმოჩნდა ყრილის ქვეშ ხელუხლებელი სამარხი. მასში იპოვნეს სპილენძის ბრტყელი, მოკლე და ფართო სატყერის პირი, სპილენძისავე აბჯრის ნაწილები (ტაბ. VIII, 1, 2, 4), ობსიდიანის ისრის პირი, ოქროს სამი ცილინდრული გადასაყრავი მშვილდისა და ჰემატიტის ლახტის თავი (ტაბ. VIII, 3). არც ამ სამარხში და არც სხვაგან თიხის ქურჭელი სრულიად არ აღმოჩენილა. ეს გარემოება იქნებ იმით იყო გამოწვეული, რომ შესწავლილი ყორღანები მიეკუთვნებოდა მომთაბარე ხალხს, ანდა, შესაძლოა, საერთოდ ამ მიდამოებში მცხოვრებ მოსახლეობას, რომელიც დროებით ამოსულა მაღალმთიან საძოვრებზე.

მეორე ჯგუფის ყორღანები შედარებით უკეთაა შესწავლილი მდ. ქციისა და მის შენაკადთა ხეობებში. გარეგნულად ეს ყორღანები თითქმის სრულიად არ განსხვავდებიან მომდევნო ხანის ცნობილი ყორღანებისაგან. მეორე ჯგუფის ყორღანები ორმოიანია, ქვა-მიწაყრილიანი. ისინი ჩვეულებრივად დიდი ზომისაა. ერთ შემთხვევაში მარტო ყრილის სიმაღლე 5 მ აღწევდა, ხოლო დიამეტრი — 45 მ. ზოგიერთი სამარხი — ზედაპირიდან 7,5 მ სიღრმეზე აღმოჩნდა. მათი უმეტესობა მრგვალი ფორმისაა, 3-4 მ დიამეტრით. აქაც, ისევე როგორც თრიალეთის უფრო მოგვიანო ხანის სამარხებში, მიცვალებულს ძვლები მეტად ცუდადაა დაცული. მაგრამ ერთ შემთხვევაში მაინც მოხერხდა მიცვალებულის მდგომარეობის დადგენა: იგი აღმოჩნდა გვერდზე მწოლარე, ფეხებმოკეცილი.

ამ ჯგუფის ყორღანების სამარხეული ინვენტარი მეტად ღარიბულია. გვხვდება თითო-ორ-ოლა თიხის ქურჭელი, რომლებიც ჩვეულებრივად მიცვალებულის თავთან აწყვია (ტაბ. VIII, 9). ლითონის ნივთი ორგანაა ნაპოვნი: ძლიერ დაშლილი რომელიღაც ბრტყელი იარაღის პირი და ოთხწახნაგა ბიპირამიდული სადგისი. ერთერთი ყორღანის ყრილში აღმოჩნდა ვერცხლის მასიური ხვიაც.

სულ 4-5 თიხის კურკელი იყო აღმოჩენილი „მწვანე გორაზე“ (კანაშ-თათა). ამ ყორღანის ორმოს ძირზე იპოვეს ერთიმეორისაგან 1,75 მ დაშორებული ორი ჩაღრმავებული პარალელური ზოლი. ამგვარი ზოლები შემჩნეული იყო აგრეთვე სხვა ყორღანებშიაც, მათ ურმის ნაკვალევად მიიჩნევენ. ამრიგად, ხის ურმით მიცვალებულის დასაფლავების წესი თრიალეთში უკვე ბრინჯაოს კულტურის ადრინდელ საფეხურზე შეინიშნება. დაკრძალვის ეს წესი თრიალეთში შუა ბრინჯაოს ხანაშიაც იყო გავრცელებული და ამ პერიოდის ერთერთ ყორღანში აღმოჩნდა კიდევ ასეთი ურემი.

უთუოდ საინტერესოა თრიალეთში სოფ. ხადიკთან შესწავლილი ამავე დროის ერთი ყორღანი. მიცვალებულის ძელები აქ შედარებით უკეთ იყო შემონახული. მიცვალებული, ჩანს, მარჯვენა გვერდზე ესვენა ძლიერ მოკუნტული, თავით აღმოსავლეთისაკენ, ჩონჩხის ძელებზე წითელი საღებავის (მუმიის) ხაშით. შესაძლოა, აქ მიცვალებულის ნაშთის „შეღებვის“ რიტუალთან გვეჭონდეს საქმე. ინვენტარი ამ ყორღანში ღარიბული აღმოჩნდა და ძირითადად კერამიკით იყო წარმოდგენილი.

თრიალეთის ადრეული ბრინჯაოს ხანის ყორღანებში საერთოდ ღარიბული მასალა აღმოჩნდა. აქ მოპოვებული კერამიკა, როგორც ჩანს, ჯერ კიდევ ახლოსა დგას წინამორბედ საფეხურზე გავრცელებულ თიხის ნაწარმთან. კურკელი ჯერ კიდევ ხელითაა ნაძერწი. იგი სქელკედლიანია, კარგად დამუშავებული და გაპრიალებული ზედაპირით. სწორედ ძერწვის ხასიათითა და ზოგი სხვა მომენტებით ენათესავება ყორღანული კურკელი ენეოლითურ კერამიკას. აქაც გვხვდება ვიწროძირიანი და ფართოყელიანი კურკელი ნახევარსფეროსებრი ყურები. მსგავსება შეინიშნება აგრეთვე ორნამენტშიაც. ამგვარი სიახლოვე, რა თქმა უნდა, უთუოდ მათი გენეტიკური კავშირით აიხსნება. მაგრამ მიუხედავად ამისა, აშკარად ჩანს, რომ თრიალეთის ადრეული ბრინჯაოს ხანის კერამიკა რამდენადმე მაინც უფრო განვითარებულია. მართალია იგი ჯერ კიდევ შორსაა შუაბრინჯაოს ხანის კურკელისაგან, მაგრამ მასში უკვე შეინიშნება რიგი ისეთი ნიშნები, რითაც იგი მომდევნო ხანის კერამიკას უკავშირდება. თრიალეთის ამ ხანის კერამიკა ძალიან ახლოსა დგას ჩვენში თანადროულ ძეგლებში მოპოვებულ თიხის ნაწარმთან. ამ მხრივ განსაკუთრებით აღსანიშნავია საჩხერის სამარხებში აღმოჩენილი თიხის კურკელი, სამგორის ყორღანის კერამიკა და სხვ.

ლითონის ნივთები თრიალეთის ადრინდელ ყორღანებში მეტად იშვიათია. როგორც აღნიშნული იყო, მხოლოდ ერთ ყორღანში აღმოჩნდა რამდენიმე ლითონის ნივთი. აქ მოპოვებული სატევრის პირები მეტად პრიმიტიული ფორმისაა. ერთერთ ყორღანში ნაპოვნი ოთხწახნაგა სადგისი ჯერ კიდევ ახლოსა დგას ენეოლითურ სადგისებთან. გარდა სპილენძისაგან ნაკეთები ნივთებისა ამ პერიოდის სამარხებში გვხვდება აგრეთვე ძვირფასი ლითონებისაგან ნაკეთები ნივთებიც: ოქროს გაღასაკრავები და ვერცხლის ხვია.

ადრეული ბრინჯაოს ხანის ყორღანებში არც ქვის იარაღი აღმოჩნდა მაინცადამაინც. ქვის ნივთებიდან აღსანიშნავია ჰემატიტის ბიტთვისებრი ლახტის თავები. ცნობილია, რომ ლახტის თავი წარმოდგენდა როგორც ძალაუფლების სიმბოლოს, ისე საბრძოლო იარაღს. ამ იარაღმა განვითარების საკმაოდ გრძელი

გზა განვლო და ვავრცელებს დიდ ტერიტორიასაც მიადწია. ჩვენში ლახტის თავი უკვე ენეოლითის ბოლო საფეხურიდან შეინიშნება. ამ ტიპის იარაღი ნაპოვნი იყო ტყვიავთ ერთერთ ყორღანში. ბრინჯაოს ხანაში, განსაკუთრებით მის შუა საფეხურზე, ჩვენში ფართოდ ვრცელდება ქვის ლახტის თავები. თრიალეთურის მსგავსი, ჰემატიტის ლახტის თავები ცნობილია სირიაში, პალესტინაში, საერთოდ მცირე აზიაში და სხვაგან, სადაც მათ ვხვდებით საკმაოდ ადრეულ ფენებში. ამიერკავკასიაში ჰემატიტის ლახტის თავები ცნობილია სტეპანაკერტის ყორღანიდან და ყიზილ-ვანქის სამაროვნის შედარებით უფრო მოგვიანო კომპლექსიდან.

თრიალეთის ადრეული ჯგუფის ყორღანების შესწავლის შედეგად თითქმის შესაძლებელი ხდება ერთგვარად წარმოიდგინოთ იმდროინდელი საზოგადოების სოციალური სტრუქტურა. ბრინჯაოს ხანის ადრეულ საფეხურზე აქ, ენეოლითთან შედარებით, უკვე დასაფლავების სრულიად განსხვავებულ წესსა ვხვდებით. ახლა მიცვალებულს, ჩანს, ისეთ ყორღანულ საპარხში ასაფლავებენ, რომლის ასაგებადაც უთუოდ მთელი გვარის შრომა უნდა დახარჯულიყო. რა თქმა უნდა, ძნელი წარმოადგენია, რომ ამ საფეხურზე გვარის ყველა რიგითი წევრი ამგვარ სამარხებში იმარხებოდა. ამიტომაც, ეგებ უფრო მართებული იყოს ვიფიქროთ, რომ ამ ყორღანებში დაკრძალული იყო გვარის ბელადი თუ წინამძღოლი. რამარხეული ინვენტარის სიღარიბე კი უთუოდ იმას უნდა მოწმობდეს, რომ გვარის დაწინაურებული და რიგითი წევრების ეკონომიურ მდგომარეობას შორის ჯერ კიდევ დიდი განსხვავება არ ყოფილა.

1950 — 1951 წწ. სამგორის არქეოლოგიურმა ექსპედიციამ პროფ. გ. ნორაძეს ხელმძღვანელობით შეისწავლა ერთერთი ყორღანი, ე. წ. „კობრას გორა“. კობრას გორას დიამეტრი 51 მ უდრიდა. ზემოდან ყორღანის ყრილი მიწისა იყო, შიგნით კი აღმოჩნდა რიყის ქვის გუმბათოვანი ნაყარი. დაახლოებით ყორღანის ცენტრში, ქვაყრილის ქვეშ გამოჩნდა ხის ძელური შენობა, სწორკუთხა ფორმის. შენობის კედლებს ორი პირი ჰქონდა; მათ შორის სივრცე ამოვსებული იყო ღორღით და მიწით. სწორკუთხა შენობა გარშემორტყმული იყო რამდენიმე, კონცენტრული წრისებრ დაწყობილი ხის მსხვილი მორებით. შენობის ერთერთ უკეთ გადარჩენილ კუთხეში შერჩენილი იყო მუხის მსხვილი მორების ხუთი რიგი. მორებს ბოლოებზე ქდები ჰქონდათ და ერთმანეთზე გადაბმული იყვნენ ნახევარი ხით. როგორც იყო გადახურული ეს სწორკუთხა შენობა, სამწუხაროდ, ვერაფერს ვიტყვი.

შენობის იატაკი მოტყეპნილი ყოფილა. იატაკზე აღმოჩნდა თიხის ჭურჭლის ნატეხები, სპილენძის ბრტყელი სატევრისა თუ შუბის პირი და ცხერის კოჭები. მიცვალებულის ნაშთი აქ არ აღმოჩენილა. იატაკის ზედა ფენის აყრის შემდეგ შენობის ნაწილში გამოჩნდა საგანგებოდ ორმოში ჩადგმული თიხის ჭურჭელი. ჭურჭელში აღმოჩნდა ფერფლის კვალი. შესაძლოა აქ მიცვალებულის დაწვის წესთან გვეჭონდეს საქმე. მიცვალებული დაწვეს და შემდეგში მისი ფერფლი საგანგებო ჭურჭელში მოათავსეს. ფერფლიანი ჭურჭელი კი ყორღანის იატაკის ქვეშ სპეციალურად ამოღებულ საპალავ ორმოში ჩადგეს. იატაკის ზედაპირი მოტყეპნეს ისე, რომ ორმოს კვალი სრულიად დაიკარგა. მიცვალებულისათვის განკუთვნილი ინვენტარი, ჩანს, შემდეგში ყორღანის იატაკზე დაუწყვიტათ. აქ

მიცვალბულის დაკრძალვის საქმად რთული წესი უნდა გექონდეს. პირისუფალი ეტყობა უკვე საგანგებოდ ზრუნავს მიცვალბულის იმგვარად დასაფლავებაზე, რომ შემდგომში მისი ნაშთი ძნელი მისაგნები იყოს. რითი იყო გამოწვეული ეს ასეთ ადრეულ საფეხურზე ჯერჯერობით ძნელი სათქმელია. დაკრძალვის ამგვარი წესი ამ პერიოდში და მერმინდელ ხანაშიაც ჩვენში თითქმის უცნობია. რაც შეეხება მიცვალბულის დაწვას, ეს წესი უკვე ენეოლითიდან შეინიშნება. კრემაციის კვალი ჩანს თითქოს კიკეთში და ტყვიავში. კარგადაა ცნობილი ეს წესი ხანლარის და სტეპანაკერტის ადრეული ბრინჯაოს ხანის ყორღანებიდან. მომდევნო ხანაში მიცვალბულის დაწვა, როგორც განათხარი კულტურებიდანაა ცნობილი, გავრცელებული ყოფილა თრიალეთში.

სამგორის ყორღანში აღმოჩენილი ინვენტარი მეტად ღარიბულია. აქ მოპოვებული ბრტყელი, ფოთლისებრი მოყვანილობის უფწიანი სატევრისა თუ შუბის პირი საერთოდ უახლოვდება ამ პერიოდში გავრცელებულ სამგვარსავე იარაღს (ტაბ. VIII, 6). განსაკუთრებით საყურადღებოა კერამიკა (ტაბ. VIII, 5, 10). თუ სამიოდე აღდგენილი ჭურჭლის მიხედვით ვიმსჯელებთ, კერამიკა სავსებით ისეთივეა. როგორც თრიალეთის ადრეული ჯგუფის ყორღანებში მოპოვებული კერამიკა. აღსანიშნავია აგრეთვე აქ ნაპოვნი რიყის ქვის ცული (ტაბ. VIII, 8). დამუშავების ტექნიკითა და ფორმით იგი უფრო არქაული ჩანს, ვიდრე ჩვენში ცნობილი ადრებრინჯაოს ხანის ქვის ცულები (ოჟორა, თერეგვანი), და თითქოს რამდენადმე უახლოვდება ჯერ კიდევ საგვარჯილეში გვიან-ნეოლითურ ფენებში ნაპოვნი ქვის ცულებს. საყურადღებოა, რომ სამგორის ქვის ცული ანალოგიას პოულობს თეფე-გავრას ერთერთ ფენაში ნაპოვნი ქვის ცულებთანაც.

აღნაგობის თვალსაზრისით საინტერესოა ამ ყორღანში აღმოჩენილი ხის შენობა. ხის ნაგებობა, საფიქრებელია, ჩვენში უკვე ენეოლითურ ხანაში იყო გავრცელებული. ბრინჯაოს კულტურის ადრინდელ საფეხურზე ხით ხურობა კიდევ უფრო მალად საფეხურზე ასულა. როგორც ცნობილია, დასაკრძალავად განკუთვნილ შენობებს ჩვეულებრივად ცხოვრებაში გავრცელებული ნაგებობების წაბაძვით აგებდნენ. ამიტომაც ვარაუდობენ, რომ ამ ადრინდელ პერიოდში ჩვენში უკვე გავრცელებული უნდა ყოფილიყო ჯარგვალის ტიპის შენობები. ზომიერი ჰავის პირობებში მოსახლეობა ალბათ ფართოდ იყენებდა ხის შენობებს.

საზოგადოების სოციალურ წყობასთან დაკავშირებით ამ ყორღანის შესახებ დაახლოებით იგივეს თქმა შეიძლება, რაც უკვე თრიალეთის ყორღანების შესახებ ითქვა. აქაც, როგორც ჩანს, გვარის თუ ტომის წინამძღოლი ეკონომიურად გვარის რიგითი წევრებსაგან ჯერ კიდევ შორს არ წასულა. მისი უპირატესი მდგომარეობა გვარში მხოლოდ იმით გამოიხატა, რომ სიკვდილის შემდეგ გვარის წევრთა ერთობლივი შრომის შედეგად მას აუგეს მეტად რთული სამარხი და საგანგებოდ იზრუნეს მიცვალბულის ნაშთის დასაცავად.

ბრინჯაოს ხანის საყურადღებო მასალები გამოვლინდა დოღმენურა კულტურის შესწავლის შედეგად. კავკასიაში დოღმენების გავრცელების საზღვარს სოჭთან მიიჩნევდნენ. სადღეისოდ ამ საზღვარმა გაცილებით უფრო სამხრეთ-აღმოსავლეთით გადმოინაცვლა. აფხაზეთის ტერიტორიაზე დოღმენები

უკვე რამდენიმე ადგილასაა დადასტურებული. სამი დოღმენი ცნობილია სოფ. აზანთადან, რამდენიმე დოღმენი აღმოჩენილია სოფ. ოთხარაში და სოფ. აჰან-დარაში. შედარებით უკეთაა დაცული ეშერის ჯგუფის დოღმენები.

როგორც ირკვევა, დოღმენების ერთი ნაწილი ბრინჯაოს კულტურის ადრინდელი ხანისა უნდა იყოს. უკვე გათხრილია ეშერისა და აზანთის ჯგუფის ზოგიერთი დოღმენი. ამათგან მეტ-ნაკლებად შესწავლილია მხოლოდ ეშერის დოღმენები. ეს დოღმენები, ისევე როგორც კავკასიის დოღმენთა უმრავლესობა, შედგება ოთხი მთლიანი გვერდითი ქვისაგან, მეხუთე სახურავის ქვაა. მათაც გეგმაში უპირატესად ტრაპეციის ფორმა აქვთ. ჩვენში დღემდე აღმოჩენილ ყველა დოღმენს წინა კედელში დეტანებული აქვს მრგვალი ზერელი. ჩვეულებრივად ეს ნახვრეტი მოთავსებულია კედლის ქვედა ნაწილში, დაახლოებით შუა ადგილას. ზერელი უპირატესად წესიერი მრგვალია (დაახლოებით 0,40 მ დიამეტრისა) და გარედან ქვის საცობი უკეთდება. ჩვენს დოღმენებს წინა, ზერელიანი კედელი, ისევე როგორც კავკასიის სხვა დოღმენებს, უპირატესად სამხრეთით და სამხრეთ-აღმოსავლეთით აქვს მოქცეული:

ამ ჯგუფში შედის როგორც მოზრდილი, ისე შედარებით უფრო მომცრო ზომის დოღმენები. ყველაზე გრძელია ეშერას ერთერთი დოღმენი — 3,75 მ; ყველაზე უფრო მაღალია აზანთის პირველი დოღმენი — 2,40 მ, როგორც ეშერის დოღმენთა მაგალითადან ჩანს, სიგრძე კედელს გარედან, დაახლოებით შუა ადგილას შემოწყობილი ჰქონია საყრდენად მოზრდილი ქვები. პატარა ზომის დოღმენები მოზრდილებთან შედარებით უფრო ტლანქადაა ნაგები.

არსებული მასალებიდან ირკვევა, რომ დოღმენური კულტურა ადრე და უშუაბრინჯაოს ხანაში იყო გავრცელებული. თუმცა დოღმენები მერმინდელ ხანაშიაც ყოფილა გამოყენებული და ზედა ფენებში ზოგჯერ გვხვდება ხოლმე გვიანი ბრინჯაოს და უფრო მოგვიანო ხანის მასალებიც კი. ეშერის ჯგუფის დოღმენების შესწავლიდან თითქოს ისე ჩანს, რომ მომცრო ზომის დოღმენები რამდენადმე უფრო ადრეული უნდა იყოს, ვიდრე მოზრდილი დოღმენები. ეშერის დიდი და უფრო პატარა დოღმენების სამარხეულ ინვენტარს შორის გარკვეული განსხვავება შეინიშნება. პატარა დოღმენებში მოპოვებული ინვენტარი შედარებით არქაულია, ამიტომ სწორედ ეს პატარა დოღმენები უნდა მიეკუთვნოს ბრინჯაოს ხანის ადრინდელ საფეხურს. გათხრილ პატარა დოღმენებში მხოლოდ ერთი ფენაა დადასტურებული. როგორც ეტყობა, თითოეული დოღმენი წარმოადგენდა საგვარეულო სამარხს, რომელშიაც გვარის უფრო დაწინაურებული წევრები იმარხებოდნენ. გვარი, ჩანს, ჯერ კიდევ საკმაოდ ძლიერ კოლექტივს შეადგენდა და ალბათ მისი ერთობლივი შრომის შედეგად იქნებოდა შესაძლებელი ამგვარი რთული სამარხ-ნაგებობის აგება.

ჯერ კიდევ არა გვაქვს გარკვეული წარმოდგენა დოღმენებში დასაფლავების წესის შესახებ. ვვარაუდობთ მხოლოდ, რომ დოღმენი იმთავითვე კოლექტიურ სამარხს წარმოადგენდა. მიცვალებულის ძვლები უპირატესად დოღმენის კუთხეებში გვხვდება უწესრიგოდ შეგვრებული. შესაძლოა აქაც, ისევე როგორც ჩრდილო კავკასიის დოღმენებში, მიცვალებულებს ძირითადად დოღმენის კუთხეებში ასაფლავებდნენ. ზოგიერთ პატარა დოღმენში ოცნე მეტი მიცვალებული უნდა ყოფილიყო მოთავსებული.

მომცრო ზომის დოლმენებში აღმოჩენილი ნივთებიდან აღსანიშნავია ყუა-
დაქანებული ცულები, კაეები, ფოთლსებრი მოყვანილობის შუბის თუ სატევე-
რის პირები, თიხის ჭურჭელი და სხვ. აქ მოპოვებული ცულები საკმაოდ არჭ-
ული ტიპისაა (ტაბ. IX, 4). ამგვარი ცული ცნობილია სოფ. ოთხხარადან, ალბათ
შემთხვევით აღმოჩენილი ერთერთ დოლმენში. ეს ცულები ახლოსა დგას
სახხერულ ცულებთან. ფართოდაა ისინი გავრცელებული აგრეთვე ჩრდილო
კავკასიაშიც. რამდენადმე უახლოვდება მათ ერთი ცული სტანიცა აბაძევსკიას
დოლმენიდან. ცულების ეს ვარიანტი ცნობილია ჩრდილო ოსეთის რამდენადმე
უფრო მოგვიანო ხანის სამაროვნებიდან: ფასყაუ, კუმბულთა და სხვ. უნდა
აღინიშნოს, რომ ამ ტიპის ცულებმა საერთოდ ძალიან ფართო გავრცელება
ჰპოვეს. როგორც ჩანს, ეს ფორმა მომდინარეობს სამხრეთ მესოპოტამიიდან,
სადაც იგი უკვე საკმაოდ ადრეულ ხანაში ჩნდება. ერთერთი გზა ამ ტიპის
ცულების გავრცელებისა კავკასიაზედაც გადიოდა და ამიტომაცაა, ალბათ, რომ
აქ იგი უკვე ბრინჯაოს ხანის ადრინდელი საფეხურიდან მოკიდებული ჩანს.

რა დანიშნულებისა უნდა ყოფილიყო დოლმენებში აღმოჩენილი კაეები
(ტაბ. IX, 8), ჯერჯერობით ძნელი სათქმელია. ცალ ბოლოზე კავს მასრა აქვს,
ალბათ სახელურისათვის. შესაძლოა მათ, თანამედროვე ეთნოგრაფიულ სინამ-
დვილეში გავრცელებული კაეების მსგავსად, ზორცის ამოალებად ხმარობდნენ.
საქართველოს ამ პერიოდის მასალებში კაეები სხვაგან ჯერჯერობით უცნობია.
უფრო მოგვიანო ხანაში ჩვენში გავრცელებული იყო რამდენადმე განსხვავე-
ბული მოყვანილობის კაეები. ეშერში მოპოვებული კაეების მსგავსი ცნობილია
ჩრდილო კავკასიის ამავე პერიოდის მასალებიდან: აბაძევსკიას დოლმენი,
ნოვოსოზობოდნიას ყორღანი და სხვ. განსაკუთრებით საინტერესოა ეშერის ერთი
სამკაპა კავი. რამდენადმე განსხვავებული სამკაპა კავი ცნობილია ნოვოსო-
ზობოდნიას ყორღანიდან. ორკაპა კავი ნაპოვნია სტანიცა პსედაისკიას და მახო-
შევსკიას ყორღანებში.

დოლმენებში აღმოჩენილი ბრტყელი, ფოთლისებრი შუბის თუ სატევერის
პირები, როგორც ჩანს, გამოყვანილი უნდა ყოფილიყო (ტაბ. IX, 9). ზოგიერთს
პირზე აქეთ-იქით არამკვეთრი ღარი დაუყვება სიგრძივ. ეს ნივთები ახლო
ანალოგს პოულობენ ჩრდილო ოსეთის ცნობილი სამაროვნების: ფასყაუს,
კუმბულთას და სხვ. მასალებში.




მომცრო ზომის დოლმენებში აღმოჩენილი ლითონის ინვენტარი გვიჩვენ-
ებს, რომ მეტალურგია აქ უკვე საკმაოდ მაღალ საფეხურზე მდგარა. თრია-
ლეთის ადრინდელი ჯგუფის ყორღანებში, როგორც აღნიშნული იყო, ლითონის
ნაწარმი ჯერ კიდევ მეტად იშვიათია და ტიპობრივადაც მინც ზოგი რამ სა-
ერთო აქვს წინამორბედ საფეხურთან. დოლმენებში კი ლითონის ნივთების
გაცილებით უფრო მეტი და თანაც საკმაოდ განვითარებული ფორმებია. რო-
გორც ჩანს, აქ უკვე ჩამოსხმის საკმაოდ რთული, მოდელის დაკარგვის წესისა-
თვის მიუღწევიათ. ამ წესით უნდა იყოს ჩამოსხმული ერთი ცალკაპა კავი, რო-
მელსაც მასრა შემკული აქვს წნული რელიეფური ორნამენტით, და ერთი
ამგვარივე ორნამენტიანი ცული. აღსანიშნავია აგრეთვე ისიც, რომ, როგორც
დოლმენიდან მომდინარე ნივთების შესწავლის შედეგად გაიკვია, მათ ჩამო-
სახმელად გამოყენებული ყოფილა სპილენძი, რომელიც 5%-მდე დარიშხანს

შეიცავდა. შესაძლოა იცოდნენ კიდევ დარიშხანიანი სპილენძის თავისებურება. გარკვეული პროცენტი დარიშხანისა უთუოდ გავლენას ახდენდა სპილენძზე.

უშერის ამ პერიოდის დოლმენებში აღმოჩენილი კერამიკა მეტად ცუდადაა შემონახული. იგი სუსტადაა გამოშვარი და ადვილად იშლება. ჭურჭელი ტლანქია, ხელით ნაძერწი, უპირატესად თხელკედლიანი. აღსანიშნავია მოწითალო ფერის პატარა ზომის კოვობი; მოწითალო თიხის პატარა სასმისები, რომლებიც დამახასიათებელი უნდა ყოფილიყო ეშერის ადრეული ჯგუფის დოლმენური კერამიკისათვის. საყურადღებოა, რომ ეს სასმისები ფორმით ძლიერ უახლოვდებიან თრიალეთის შუაბრინჯაოს ხანის ერთერთ ყორღანში აღმოჩენილ ოქროს სასმისს. გვხვდება აგრეთვე შედარებით უფრო მოზრდილი ჭურჭელიც: მოშავო ფერის ქილა, ცალყურა ქოთანის და სხვ. საერთოდ უნდა აღინიშნოს, რომ ეს კერამიკა გამოირჩევა თავისი პატარა ზომით. გამოთქმული იყო მოსაზრება, რომ შესაძლოა იგი ჰპეციალურად მიცვალებულების ჩასატანებლად იყო განკუთვნილი და მოზრდილი ჭურჭლის იმიტაციას წარმოადგენდა. რამდენად სწორია ეს მოსაზრება ახლა ძნელი სათქმელია, მაგრამ ერთი კია, რომ ჭურჭელი მეტად ტლანქია, პატარა ზომისა და პრაქტიკული დანიშნულებისათვის ნაკლებ გამოსადეგი იქნებოდა. ჯერჯერობით ვერ ხერხდება ამ კერამიკის დაკავშირება დღემდე ცნობილ ვერც წინამორბედ, ვერც თანადროულ და ვერც მერმინდელ კერამიკულ ჯგუფებთან. ჩვენი დოლმენური კერამიკა დღესდღეობით ერთგვარად განმარტოებით დგას.

როგორც სადღეისოდ არსებული მასალებიდან ჩანს, აფხაზეთის დოლმენური კულტურის ადრეული საფეხური უკვე ადრებრინჯაოს ხანის საკმაოდ განვითარებულ სტადიას, უფრო სწორედ მის მიწურულს უნდა მიეკუთვნოს. ამ დოლმენებში მოპოვებული მასალაც ბევრ საერთოს პოულობს ჩრდილოკავკასიურ მასალებთან და განსაკუთრებით ახლო დგას ნოვოსეობოდნაიას ყორღანულ ინვენტართან. ყუბანის დიდი ყორღანების ნოვოსეობოდნაიას ქვეჯგუფი მაიკოპის ქვეჯგუფზე რამდენადმე ახალგაზრდაა და ახლად შემუშავებული ქრონოლოგიის მიხედვით იგი 2100—1700 წწ. ექცევა. გარდა ამისა, დოლმენური მასალა უახლოვდება აგრეთვე მოგვიანო ხანის მასალებს (ფასყაუ, კუმბულთა და სხვ.). ამიტომაც, საფიქრებელია, რომ დოლმენური კულტურის დასაწყისი ჩვენში ბრინჯაოს კულტურის ადრეული საფეხურის უფრო ბოლო პერიოდს უნდა მიეკუთვნოს. ქრონოლოგიურად ამ კულტურის დასაწყისი ჩვენში შეიძლება განისაზღვროს III ათასწლეულის ბოლოთი და II ათასწლეულის პირველი საუკუნეებით.

რა თქმა უნდა, მეტად საყურადღებოა საკითხი ჩვენში დოლმენური ტიპის სამარხების გაჩენისა თუ წარმოშობის შესახებ. კავკასიაში დოლმენები განსაზღვრულ ტერიტორიაზე ვრცელდება. საიდან შემოვიდა სამარხის ეს ტიპი, ჯერ კიდევ ძნელი სათქმელია. საერთოდ უნდა აღინიშნოს, რომ დოლმენები ფართოდ იყო გავრცელებული აზიაში, აფრიკასა და ევროპაში. მათი წარმოშობა-გავრცელების შესახებ არა ერთი და ორი მოსაზრება გამოთქმულა. ზოგი მათ აფრიკული წარმოშობისად თვლის, ზოგი, პირიქით, ფიქრობს, რომ დოლმენები დასავლეთიდან აღმოსავლეთისაკენ ვრცელდებიან და სხვ. კავკასიის დოლმენებს მართლაც აქვთ საერთო ევროპისა და ხმელთაშუა ზღვის დოლმენებ-



თან. რითი უნდა აიხსნას ეს მსგავსება ძნელი სათქმელია, მაგრამ ერთი ცხადია, რომ კავკასიისა და, კერძოდ, აფხაზეთის დოლმენებში აღმოჩენილი მასალა ასახავს კავკასიის ბრინჯაოს ხანის კულტურას. ¹

მდ. ყვირილის ზემო წელზე, საჩხერის რაიონში უკანასკნელ ხანებში ბრინჯაოს ხანის მეტად საყურადღებო მასალები აღმოჩნდა. განსაკუთრებით აღსანიშნავია საჩხერესა და სოფ. ქორეთში გამოვლენილი ბრინჯაოს კულტურის ადრინდელი საფეხურის ძეგლები. საჩხერეში ამ დროის მასალა ჯერ კიდევ 1909 წ. აღმოჩნდა. შემდეგ წელს იქ საცდელი გათხრები ჩატარა ე. თაყაიშვილმა. შან იმთავითვე სწორად გაიგო ამ საინტერესო ძეგლის ხასიათი. ე. თაყაიშვილმა, მართალია ვარაუდით, მაგრამ მაინც გამოთქვა მოსაზრება, რომ საჩხერის ყორღანი წინ უსწრებდა ყობანის კულტურას და იგი სპილენძის ხანას უნდა მიეკუთვნოს. ეს, თუნდაც ვარაუდით გამოთქმული მოსაზრება იმ დროისათვის, რა თქმა უნდა, მეტად გაბედული იყო, რადგან სულ ბოლო დრომდე კავკასიის არქეოლოგიაში ბატონობდა მოსაზრება, თითქოს აქ ლითონის ინდუსტრია მხოლოდ გვიანი ბრინჯაოს ხანიდან იწყება.

1939 წლიდან ბ. კუფტინი სწავლობდა ამ რაიონს. 1955 წ. აქ მუშაობდა სტალინის სახელობის თბილისის სახელმწიფო უნივერსიტეტის ექსპედიცია. ამგვარად, სადღეისოდ ამ რაიონიდან ადრეული ბრინჯაოს ხანის მეტად საყურადღებო მასალა დაგროვდა. შიგ საჩხერეში ამ პერიოდის ძეგლი სამ ადგილას აღმოჩნდა: ერთი, ჯერ კიდევ ე. თაყაიშვილის მიერ შესწავლილი ყორღანი, მეორე — ნაჩერქეზევის და შესამე ცარცის გორის სამაროვანი. ე. თაყაიშვილის მიერ შესწავლილი ყორღანის აღნაგობის შესახებ ცოტა რამაა ცნობილი; საფიქრებელია, რომ იგი იმავე ტიპისა იყო, როგორც აქ გამოვლენილი ამავე დროის სხვა ძეგლები.

როგორც ჩანს, ნაჩერქეზევი და ცარცის გორა დაახლოებით ერთი ტიპისა უნდა ყოფილიყო. ხელოვნური ბორცვი საკმაოდ ფართო იყო და შედარებით დაბალი. ბორცვის ყრილი ქვისა იყო. ძირითადი სამარხები ნაჩერქეზევზე საგანგებოდ მიწაში ამოღებულ ორმოში იყო მოთავსებული, რომელსაც თავზე ძლიან დიდი ზომის ქვები ეყარა. ამ ქვებს ზემოდან გაცილებით უფრო წვრილი ქვების ყრილი ჰქონდა. სწორედ შიგ, ამ ქვაყრილში სხვადასხვა დონეზე ჩნდებოდა სამარხები. სამარხები ჩვეულებრივად მეტად ახლო იყო ერთმანეთისაგან. ქვაყრილში აღმოჩენილი სამარხების შესახებ ბევრს ვერაფერს ვიტყვით, რადგან ისინი ძლიერ დაზიანებული აღმოჩნდა. რაც შეეხება ძირითად სამარხებს, აქ, ჩანს, ჩვეულებრივად თითო ფეხებმოკეცილი მიცვალებული იყო გვერდზე დაწვენილი.

ცარცის გორაზედაც დაახლოებით ამგვარივე სურათი გვაქვს. სამარხები აქაც ქვაყრილში სხვადასხვა დონეზე ჩნდებოდა, ზოგიერთი მათგანი აღმოჩნდა აგრეთვე ქვაყრილის ქვეშ. მხოლოდ ერთ შემთხვევაში ძირითადი სამარხი მოთავსებული იყო ბორცვის საფუძველში სპეციალურად ამოკრილ სამარხ-ორმოში. მიცვალებული აქაც, ჩანს, გვერდზე ესვენა, ფეხებმოკეცილი. ამ ტიპის კოლექტიური სამარხები ჩვენში ჯერ კიდევ ენეოლითის ხანიდანაა ცნობილი. საჩხერის ეს ძეგლები უთუოდ უახლოვდება ტყვიავის პირველ ყორღანს.

გარკვეული მსგავსება ჩანს აგრეთვე სტეპანაკერტის აღრეული ხანის ყორღანებთან.

საფიქრებელია, რომ საჩხერეში მიკვლეული სამივე ბორცვი საგვარეულო სასაფლაოს წარმოადგენდა. შესაძლოა, აქ ერთი გვარის წევრები გარკვეული დროის მანძილზე ასაფლავებდნენ თავის. მიცვალებულებს. ჯერჯერობით ამ სამაროვნების ხანგრძლიობის შესახებ გარკვევით რაიმეს თქმა ძნელია. როგორც ჩანს, ზოგან მიცვალებულების დაკრძალვა გრძელდებოდა დიდი ხნის მანძილზე და შესაძლოა შუაბრინჯაოს ხანაშიაც გადასულიყო.

საჩხერის სამივე სამაროვნის სამარხეული ინვენტარი თითქმის არ განსხვავდება ერთმანეთისაგან. აქ გვხვდება არქაული ფორმის ყუამილიანი ცულები (ტაბ. IX, 4, 6), სატევრები (ტაბ. IX, 10, 11), T-ს მსგავსი და მარყუჟისებრთა-ვიანი ქინძისთავეები (ტაბ. IX, 1, 5), რგოლები, თიხის კურქელი (ტაბ. VIII, 12) და სხვ. აღსანიშნავია ცარცის გორაზე აღმოჩენილი ორი იარაღი: ერთი ღერო-იანი შუბისმაგვარი იარაღი (ტაბ. IX, 12) და მეორე ხიშტისმაგვარი იარაღი (ტაბ. IX, 11).

უაუოდ საყურადღებოა, რომ საჩხერის ტიპის ძეგლების მსგავსი უკანასკნელ ხანებში აღმოჩნდა საჩხერის მახლობლად, მისგან დაახლოებით ხუთიოდე კმ-ის დაშორებით, სოფ. ქორეთში. ქორეთის ყორღანულმა სამარხებმა თითქმის ანალოგიური ინვენტარი მოგვცა და დაადასტურა, რომ ეს ძეგლები თანადროული უნდა იყოს.

ქორეთში ამ პერიოდის ორი ყორღანი აღმოჩნდა. ერთი, რომელიც ჯერ კიდევ 1945 წ. ბ. კუფტინმა გათხარა, შედარებით არც თუ ისე დიდი ზომისას წარმოადგენდა. აქაც ყორღანის ყრილი ძირითადად ქვისა იყო. ნაპოვნი საგნებიდან საინტერესოა საჩხერული ტიპის ყუამილიანი ცული, მარყუჟისებრთა-ვიანი ქინძისთავეი, საკიდეები, კერამიკა და სხვ.

მეორე ყორღანი აღმოჩნდა პასიეთში, პირველისაგან დაახლოებით 1 კმ დაშორებით. ისიც ქვაყრილიანი იყო და გაცილებით უფრო დიდი. მისი დიამეტრი ოცდაათ მეტრს აღემატებოდა, სიმაღლე 3—4 მ. სამარხები სხვადასხვა დონეზე, ნაჩერქეზევის მსგავსად, შიგ ქვაყრილში იყო. ყორღანის ძირზე რამდენიმე სამარხი აღმოჩნდა. ცული დაცულობის გამო მიცვალებულთა დასაფლავების წესის დადგენა ძნელდება. აქაც მიცვალებულები დასაფლავებულნი უნდა ყოფილიყვნენ გვერდზე, ფეხებმოკეცილი.

საგვარეულო ტიპისა ყოფილა პასიეთის ყორღანიც. როგორც ჩანს, აქ მიცვალებულებს საკმაოდ ხანგრძლივი დროის მანძილზე ასაფლავებდნენ. ყორღანის ძირზე და ქვაყრილში აღმოჩენილი სამარხების ინვენტარი ძირითადად თითქმის არ განსხვავდებოდა ერთმანეთისაგან. მაგრამ ქვაყრილში აღმოჩნდა რამდენიმე სამარხი, რომლებიც ზოგიერთი ნიშნით უფრო მოგვიანო ხანისას უახლოვდებოდნენ. ამრიგად, შესაძლოა პასიეთის სამარხების ნაწილი ერთგვარად გარდამავალი ხანისა იყოს.

პასიეთის ყორღანის სამარხეული ინვენტარი ძირითადად შედგება ყუა-დაქანებულ-ყუამილიანი ცულებისაგან, არქაული ფორმის ბრტყელი სატევრის პირების, T-მაგვარი და მარყუჟისებრთა-ვიანი ქინძისთავეების, სასაფეთქლე რგოლების, თიხის კურქლისა და სხვ. მასალისაგან. აღსანიშ-

ნავია აქ ნაპოვნი სპილენძისტარიანი სატევრის პირი, რომლის ტარიც შემკულია წნული ორნამენტითა და სპირალებით (ტაბ. IX, 10). ყურადღებას იპყრობს ქვაყრილში აღმოჩენილი ქალის სამარხი, რომლის ინვენტარი ძირითადად სხვადასხვა ფორმის საკიდებისა და სამკაულებისაგან შედგებოდა. განსაკუთრებით აღსანიშნავია ორი მინიატურული თოხის მოყვანილობის საკიდი. ეს სამარხი შესაძლოა სწორედ იმ რიგისა იყოს, რომლებიც რამდენადმე უფრო მოგვიანო ჩანს.

ბრინჯაოს კულტურის ადრინდელი ხანისა უნდა იყოს აგრეთვე ბორცვი სოფ. ბეინეეთან.

ამრიგად, მდინარე ყვირილის ზემო წელზე, საჩხერის რაიონში სადღეისოდ უკვე რამდენიმე ადგილასაა დამოწმებული ბრინჯაოს კულტურის ადრინდელი ხანის ძეგლები. აქ აღმოჩენილი სამარხეული ინვენტარი თითქმის სრულიად არ განსხვავდება ერთმანეთისაგან და ამიტომაც საფიქრებელია, რომ ბრინჯაოს ადრეულ საფეხურზე ეს მხარე ერთერთ ძლიერ საწარმოო რაიონს წარმოადგენდა უკვე საქმოდ განვითარებული მეტალურგიით. ამას ადასტურებს ლითონის იარაღ-საქუთრელის თუ სამკაულის მრავალფეროვანი განათხარი ფორმები.

ამ სამაროვნებზე აღმოჩენილ არქაულ ფორმის ყუამილიან-ყუადაქანებულ ცულებში რამდენიმე ვარიანტი გამოირჩევა (ტაბ. IX, 4, 6). გვხვდება ყუამილიანი ცულები, რომელთაც ნამგლისებრი მოყვანილობის პირი აქვთ, აგრეთვე მოგრძო და ვიწროტარიანი ყუამილიანი ცულები (ტაბ. IX, 6)). აქვეა ნაპოვნი სწორშებლიანი და ყუადაქანებული ცულები (ტაბ. IX, 4). ყუადაქანებულ-ყუამილიანი ცულები კავკასიაში და, კერძოდ, საქართველოში გავრცელებულა იყო ბრინჯაოს კულტურის ადრეულ და შუა საფეხურზე. ყუამილიანი ცულები ნაპოვნია სვანეთში, ჭიათურასა, ივანწმინდაში და სხვ. ცალკე აღვნიშნავთ ბრილის სამაროვანს, სადაც ამ ტიპის ცულები აღმოჩნდა შუაბრინჯაოს ხანის სამარხებში. ცნობილია ეს ცულები აგრეთვე სომხეთიდან; ჩრდილო კავკასიაში ცულების ამ ვარიანტს ვხვდებით ძირითადად შუაბრინჯაოს ხანაში.

ადრეული ფორმები ამ ცულებისა ცნობილია წინა აზიაში, მესოპოტამიაში, ელამში უკვე ძვ. წ. IV—III ათასწლეულის მიჯნაზე. ამგვარი ცულები აქ ხშირად გვხვდება აგრეთვე ადრეული ხანის გამოსახულებებზეც, მაგალითად, ცნობილ „ძერათა სტელაზე“ და სხვ. ამ იარაღის სხვადასხვა ვარიანტები დამახასიათებელია აღმოსავლეთ ევროპისათვის. აქ იგი ცნობილია ფატიანოვის, სეიმინო-ტურბინის და სხვ. კულტურებში. გავრცელებული იყო ამ ტიპის ცულები დუნაის ქვეყნებში. აქვე უნდა შევნიშნოთ, რომ ცულების ეს სახეობა სადღეისოდ სრულიად უცნობი ჩანს მცირე აზიაში და ბალკანეთის ნახევარკუნძულზე. ამიტომაც, საფიქრებელია, რომ ძირითადი გზა ამ ცულების გავრცელებისა წინა აზიიდან კავკასიაზე გადიოდა. შესაძლოა, სწორედ ესაა ერთერთი მიზეზი იმისა, რომ კავკასიაში და, კერძოდ, საქართველოში, ცულების ეს ტიპი საქმოდ ადრეული ხანიდან ჩანს. უთუოდ საყურადღებოა, რომ აქ ცულები რომლებიც გენეტიკურად ძველ შუმერულ ფორმებს უკავშირდებიან, უკვე ერთგვარად თავისებურ ელფერს იღებენ, რაც ალბათ მათი შემდგომი განვითარების

თარგმის შედგეი უნდა იყოს, და ქმნიან ამ ტიპის ცულების კავკასიურ გარანტს.

ყურადღების ღირსია ცარცის გორაზე ნაპოვნი ერთი შუბისმაგვარი იარაღი, რომელსაც ტარის დასაგებად, ნაცვლად მასრისა, მოგარძო ყუნწი აქვს (ტაბ. IX, 12). მსგავსი იარაღი ჩვენში სადღეისოდ სულ რამდენიმე ცალია ცნობილი: ზაპსიდან, ბაგინეთიდან (ტაბ. IX, 13) და სხვ. ჩვენში გავრცელებულია ამ იარაღის ორი ვარიანტი — ერთს ღერო მოკაკველი აქვს, მეორეს კი — სწორი. შუბისმაგვარი იარაღი ცნობილია აგრეთვე ჩრდ. კავკასიაშიც: ნოვოსვობოდნაიას ყორღანიდან, ვოზღვიენესკაიდან და სხვ. აქაც ეს იარაღი გვხვდება ბრინჯაოს კულტურის ადრინდელ საფეხურზე.

ამ ტიპის შუბისმაგვარი იარაღი საერთოდ კარგადაა ცნობილი წინა აზიაში. მისი არქაული ფორმები ნაპოვნია ურში, თეფე-პისარში, თიურანგ-თეფეში და სხვ. ასეთივე ფორმის, ოღონდ რამდენადმე მაინც განსხვავებული იარაღი ცნობილია კუნძულ კვიპროსიდან. გვხვდება ეს იარაღი აგრეთვე დუნაის მხარეში. ჩვენში გავრცელებული ამ ტიპის იარაღი განსაკუთრებით უახლოვდება შუმერულ ფორმებს. შუმერში ეს იარაღი ჩანს უკვე IV ათასწლეულის მიწურულიდან მოკიდებული. საფაქრებელია, რომ იარაღის ეს ტიპი, წინააზიურ სხვა ფორმებთან ერთად, საკმაოდ ადრეული პერიოდიდან შემოდის ჩვენში, ყოველ შემთხვევაში III ათასწლეულის მეორე ნახევარში იგი უკვე ჩანს აქ.

განსაკუთრებით აღსანიშნავია ცარცის გორაზე მოპოვებული ოთხწახნავა ხიშტი (ტაბ. IX, 11). ეს ფორმაც წინააზიურია და ცნობილია საკმაოდ ადრეული პერიოდიდან. წინა აზიაში ცნობილი ამ ტიპის იარაღიდან ორზე აღმოჩნდა აქადური ეპოქის მეფეთა სახელები: ერთზე, რომელიც ასურეთშია ნაპოვნი, მოცემულია სარგონ აქადელის შვილის სახელი — მანიშტუსუ. იგი ცხოვრობდა ძვ. წ. XXV საუკ. მეორე ხიშტზე კეითხულობთ ელამის მმართველის პუზურ შუშინაქის სახელს, ეს უკანასკნელი მოღვაწეობდა XXII საუკ. ამრიგად, წინა აზიაში იარაღის ეს ფორმა გავრცელებული უნდა ყოფილიყო უკვე მესამე ათასწლეულის შუახნიდან. ჩვენში ამ ტიპის იარაღი სადღეისოდ მხოლოდ ერთადერთია ცნობილი. როგორც ჩანს, იგი აქ შემოსულა წინა აზიიდან, ალბათ, III ათასწლეულის მეორე ნახევარში.

სატევრის პირები ჯერ კიდევ პრიმიტიულია, ბრტყელი, სამკუთხა მოყვანილობის ტარის დასაგები ღეროთი. ისინი, ჩანს, ძირითადად ისევე ცივად ქედვის წესითაა მიღებული. ამგვარი სატევრის პირები საერთოდ დამახასიათებელია კავკასიის ბრინჯაოს კულტურის ადრეული საფეხურისათვის. ყურადღებას იპყრობს ორი ლითონისტარიანი სატევრის პირი. ერთი იპოვეს ცარცის გორაზე ერთერთ სამარხში, მეორე კი — ქორეთის ყორღანში. ამ სატევრების პირი ჩამოღებულია ლითონის სახელურში. ორივე სატევრის სახელური შემკულია წნული რელიეფური ორნამენტით. ქორეთის სატევრის ვადასთან სპირალური ორნამენტი ამკობს. სახელურები უთუოდ მოდელის დაკარგვის წესითაა ჩამოსხმული. ჩამოსხმის ეს წესი ჩვენში თითქოს უკვე ადრეული ბრინჯაოს ხანიდან შეინიშნება. ზემოთ აღნიშნული იყო, რომ ამ წესითაა ნაკეთები მასრის შემკული კავი და ერთი ცული აფხაზეთის დოღმენებიდან. მსგავსი სატევარი,

შემკული ტარით ცნობილია ჩრდილო კავკასიიდან (სტანიცა კონსტანტინოვსკაია).

იარაღის გარდა სამაროვნებში აღმოჩნდა ლითონის სამკაულიც. ამთგან პირველ რიგში უთუოდ აღსანიშნავია დიდი ზომის ქინძისთავეები, ძირითადად ორი ტიპისაა: T-მაგვარი თავით და მარყუქისებრი თავით (ტაბ. IX, 15). ქინძისთავეები T-მაგვარი თავით ჩვენში სადღეისოდ ცნობილია მხოლოდ საჩხერის რაიონიდან. განსაკუთრებით აღსანიშნავია საჩხერეში ნაპოვნი ერთი მოზრდილი T-მაგვარი ქინძისთავეი, რომელსაც თავის შუა ნაწილზე ხარის რქისებრი შეერილი აქვს. ბ. კუფტინი ფიქრობდა, რომ აქ პირობითაა გამოსახული ორთველა ეტლი შიგ შებმული ხარით. საყურადღებოა, რომ ამ ტიპის ქინძისთავეები ჩვენში შემდეგ ხანებში უკვე თითქმის სრულიად არ ჩანს. T-მაგვარი ქინძისთავეების დანიშნულების შესახებ სხვადასხვა მოსაზრება იყო გამოთქმული. ყველაზე მართებული თითქოს ის უნდა იყოს, რომ მათ უხეში შალის ტანსაცმლის შესაბნევად იყენებდნენ.

ამ ტიპის ქინძისთავეები ცნობილია აგრეთვე ჩრდილო კავკასიაშიაც, სადაც ისინი მომდევნო ხანის ძეგლებშია გავრცელებული. საჩხერული ტიპის T-მაგვარი ქინძისთავეები უახლოვდება იტალიაში რემედლოს ენეოლითური ხანის სამაროვანზე აღმოჩენილ ერთ ვერცხლს ქინძისთავს.

მეორე ტიპის საჩხერული ქინძისთავეები მარყუქისებრი თავით ზოგჯერ აგრეთვე მეტად დიდი ზომისაა (ტაბ. IX, 5). საფიქრებელია, რომ ისინიც იმავე დანიშნულებისა უნდა ყოფილიყო, რისაც T-მაგვარი. ჩვენში, საჩხერის რაიონის გარდა, ამ ტიპის ქინძისთავეი სადღეისოდ ცნობილია მხოლოდ ერთადერთი ცალი, შედარებით პატარა ზომისა, აღმოჩენილი ძალიანს სამაროვნის ერთერთ სამარხში მეტად არქაულ კერამიკასთან ერთად. კავკასიის სხვა ადგილებში ამგვარი ქინძისთავეი ჯერჯერობით არ აღმოჩენილა. ამ ტიპის ქინძისთავეების ერთეული ეგზემპლარები ცნობილია ეგვიპტიდან, ტროა II-დან, კუნძულ კვიპროსიდან, დუნაის ქვეყნებიდან და სხვ.

მრავალადაა ნაპოვნი ამ სამარხებში სასაფეთქლე რგოლები 1,5 ხვისა. ეს სამკაული ჩვენში საკმაოდ დიდხანს იყო გავრცელებული. ადრეული პერიოდის საკიდები ძირითადად მრგვალია, შემდეგში კი ისინი უფრო ოვალურ მოხაზულობას იღებენ. ამ ტიპის სამკაულს უკვე ვხვდებით ტყვიავის ერთერთ ყორღანში. საყურადღებოა, რომ ბრინჯაოს კულტურის ადრინდელ საფეხურზე გარდა სპილენძისა ამგვარი სამკაული გვხვდება ძვირფასი ლითონისაც. ცარცის გორის ერთერთ სამარხში ნაპოვნია ოქროს ხვია. თრიალეთის ადრეული ჯგუფის ყორღანებში აღმოჩენილ ოქროს ვადასაკრავებთან ერთად, ჩვენში ოქროს ნივთებიდან ის ყველაზე არქაულია. მსგავსი ოქროს ხვია იპოვეს სტეპანაკერტის ერთერთ ყორღანში.

საჩხერის სამარხებში აღმოჩნდა სპილენძის შავთულის სპირალური სამაჯურები. სავსებით მსგავსი სამაჯური ნაპოვნია ძალიანს სამაროვნის ერთერთ სამარხში. ამგვარი სპირალური სამაჯურები ცნობილია ჩრდილო კავკასიაშიც უფრო მოგვიანო ხანაში. გარდა ამისა ნაპოვნი იყო აგრეთვე ქვის რბილი ჯიშის სამაჯურები. ქვის სამაჯურები ჩვენში, ჩანს, საკმაოდ ადრეული პერიოდისაა ცნობილი.

ქვის იარაღიდან აღსანიშნავია კაეის ქვის სხვადასხვა ზომის ისრის პირები (ტაბ. IX, 7), აგრეთვე კაეისავე ქვის დანისმაგვარი იარაღი. საყურადღებოა ცარცის გორაზე აღმოჩენილი ერთი გახვრეტილი ქვის ცული. უნდა აღინიშნოს, რომ ქვის გახვრეტილი ცულები ამიერკავკასიაში, წინა აზიის მსგავსად, შედარებით იშვიათია.

საინტერესოა სამაროვნებში ნაპოვნი კერამიკა. იგი უპირატესად შავი ფერისაა, ვარდისფერი სარჩულით, ხელით ნაძერწი (ტაბ. VIII, 12). ეს კერამიკა რიგი ნიშნებით ჯერ კიდევ ახლოს დგას ენეოლითურ კერამიკასთან და საგრძნობლად განსხვავდება ჩვენში შუა და გვიან ბრინჯაოს ხანაში გავრცელებული თიხის ჭურჭლისაგან. საჩხერული კერამიკა, როგორც ზევით იყო აღნიშნული, განსაკუთრებით ენათუთავება თრიალეთის ადრეული ბრინჯაოს ხანის ყორღანულ კერამიკას. ორივე ეს ჯგუფი როგორც საერთო მოყვანილობით, ასე რიგი სხვა ნიშნებით ჯერ კიდევ შორს არ არის წასული წინა საფეხურზე გავრცელებული კერამიკისაგან. აქაც გვხვდება დაახლოებით ისეთივე „ნახევარსფეროსებრი“ მოყვანილობის ყურები, რომლებიც ესოდენ დამახასიათებელია ჩვენი ენეოლითისათვის. ჭურჭლის ფორმა, რომელიც თითქოს რამდენადმე განვითარებული ჩანს, გენეტიკურად დაკავშირებულია ისევ ენეოლითურ კერამიკასთან, მსგავსება შეიმჩნევა აგრეთვე შემკულობის წესშიაც. ეს კერამიკა, როგორც ჩანს, ენეოლითურის მსგავსად, ჯერ კიდევ ინარჩუნებს გავრცელების საკმაოდ ფართო ტერიტორიას და მიუხედავად ამ პერიოდში მომხდარი მთელი რიგი ძვრებისა ძირითადად მაინც ინახავს ძველ ტრადიციებს.

საჩხერის რაიონში მიკვლეული ბრინჯაოს კულტურის ადრინდელი საფეხურის ძეგლები უთუოდ მეტად საყურადღებო მასალას გვაწვდიან. საფიქრებელია, რომ ეს სამარხები წარმოადგენდნენ საგვარეულო სასაფლაოს, სადაც გვარის წევრები გარკვეული დროის მანძილზე ასაფლავებდნენ თავიანთ მიცვალებულებს. როგორც ჩანს, გვარს ძველებურად თავისი კოლექტიური სასაფლაო გააჩნდა და გვარის ყველა წევრი, მათ შორის დაწინაურებულიც, ეგებ, აქ იმარხებოდა. შესაძლოა ჯერ კიდევ წესად არ იყო წარჩინებულთათვის ცალკე სამარხის აგება, როგორც ამას უკვე ვხვდებით თრიალეთსა და სამგორში. სამარხული ინვენტარიდან ჩანს, რომ აქ გვარის წევრებს შორის ეკონომიური სხვაობა არ უნდა არსებულებოდა.

მასალის სიმცირის გამო ეკონომიური ცხოვრების შესახებ დაწვრილებით რამის თქმა შეუძლებელია. მიწათმოქმედებაზე უნდა მიუთითებდეს ცარცის გორაზე ნაპოვნი ხელსაფქვეავის ქვები და, აგრეთვე, ბეინევეში შემთხვევით აღმოჩენილი ერთი არქაული კაეის ნამგლის პირი. არც მესაქონლეობის შესახებაა რაიმე პირდაპირი ცნობა. საჩხერის ერთერთ სამარხში აღმოჩენილი ქინძისთავი, რომელზედაც მოცემულია ეტლში შებმული ხარის სტილიზებული გამოსახულება, უთუოდ იმას მოწმობს, რომ აქ მესაქონლეობა საკმაოდ მაღალ დონეზე მდგარა და ხარი უკვე გამოყენებული ყოფილა გამწვევ ძალად.

საყურადღებო მასალას გვაწვდიან საჩხერული ძეგლები ადრეული ბრინჯაოს ხანის მეტალურგიის შესახებაც. აშკარად ჩანს, რომ მეტალურგიას აქ უკვე განვითარების მაღალ დონემდე მიუღწევია. ლითონის იარაღ-სამკაულის საკმაოდ რთული ფორმები ლითონის დამუშავების ტექნიკის მაღალ საფეხურზე

მეტყველებს. საფიქრებელია, რომ ბრინჯაოს კულტურის ამ საფეხურზე ყვირილის აუზის ზემო წელზე მეტალურგიული წარმოების მძლავრი (კერა არსებობდა.

ადრეული ბრინჯაოს ხანის ძეგლები აღმოჩნდა აგრეთვე შიდა ქართლში, თანამედროვე სამხრეთ ოსეთის ტერიტორიაზე. აქ სადღეისოდ ამ პერიოდის ძეგლი ორგანაა ნაპოვნი: სოფ. ძალინაში და სოფ. ნულში.

ძ ა ღ ი ნ ა შ ი აღმოჩნდა ადრეული ბრინჯაოს ხანის სამაროვანი. სამარხს ზემოდან უპირატესად პატარა ქვეყრილი ჰქონდა. სამარხში ესვენა თითო ძლიერ მოკუნტული მიცვალებული, რომელსაც თან ახლდა თიხის ჭურჭელი, სასაფეთქლე რგოლები 1,5 ზვისა, სპირალური სამაჯური, პრიმიტიული სატევრის პირი. აღსანიშნავია, რომ ერთერთ სამარხში აღმოჩნდა საჩხერული ტიპის შეღარებით პატარა ქინძისთავი მარყუქისებრი თავით.

აქ მოპოვებული თიხის ჭურჭელი უახლოვდება საჩხერულს. დიდი მსგავსება ეტყობა აგრეთვე ლითონის ნივთებსაც. უნდა აღინიშნოს, რომ ძალინის სამარხების ერთი ჯგუფი რამდენადმე უფრო მოგვიანო ჩანს. აქ აღმოჩენილი ქინძისთავი ბრტყელი დახვეული თავით თრიალეთის შუაბრინჯაოს ხანის ერთერთ ყორღანში აღმოჩენილ ოქროს საკინძს უახლოვდება. შესაძლოა, რომ ამ სამაროვნის ერთი ჯგუფი უკვე ადრეული ბრინჯაოს ხანის მიწურულს მიეკუთვნებოდეს.

შუაბრინჯაოს ხანის სამაროვნის ტერიტორიაზე, ნულში, 1954 წ. აღმოჩნდა ერთი სამარხი, რომელიც უთუოდ უფრო ადრინდელი უნდა იყოს. იგი ახლო დგას ძალინის სამაროვნის სამარხებთან. აქაც სამარხს ზემოდან ქვეყრილი ჰქონდა. სამარხში თითო მიცვალებული იღო პირდაპირ მიწაში, მარჯვენა გვერდზე მწოლარე, ფეხებმოკეცილი. მას თან ახლდა თიხის მხოლოდ სამი ჭურჭელი. აქ მოპოვებული კერამიკა შავი ფერისაა, ვარდისფერსარჩულიანი. იგი სავსებით ისეთივეა, როგორც ძალინის სამაროვანზე მოპოვებული ჭურჭელი და ძლიერ ემსგავსება საჩხერულ კერამიკასაც (ტაბ. VIII, 11, 13).

გარდა გათხრებით მოპოვებული მასალებისა ჩვენში ცნობილია აგრეთვე ლითონის ინდუსტრიის ადრეული საფეხურის შემთხვევით აღმოჩენილი ცალკეული ნივთები. ამათგან განსაკუთრებით საყურადღებოა კომბინირებული იარაღი, რომელსაც პირობით შეიძლება ეწოდოს ცულ-წერაქვი (ტაბ. IX, 3). ამ ტაპის იარაღი ჩვენში სულ რამდენიმე ცალია ცნობილი სომონიანთ ხევიდან (თიანეთის რ.); დმანისის რაიონიდან და სხვ. ერთი ამგვარი იარაღი აღმოჩენილია სომხეთში, სოფ. ალავერდში. ჩრდილო კავკასიაში მსგავსი იარაღი ნაპოვნი იყო სტანიცა ვოზდვიჟენსკოეში და დიგორიაში. ამ ტიპის იარაღი გავრცელებული იყო წინა აზიაში უკვე მესამე ათასწლეულის დასაწყისში. რამდენიმე ამგვარი იარაღი ნაპოვნია აგრეთვე ევროპაში: სოფ. ვერემიეში (კიევის სამხრეთით), სოფ. ერიოზდში (უნგრეთი) და სხვ. როგორც ჩანს, ეს იარაღი კავკასიაში წინა აზიიდან შემოსულა, საიდანაც შემდეგში უნდა გავრცელებულიყო ევროპაში. საყურადღებოა ის გარემოება, რომ ეს ცული ჩვენში უკვე თავისებურ სახეს იღებს და რამდენადმე განსხვავდება წინააზიური ეგზემპლარებისაგან, რომელთანაც ის უთუოდ გენეტიკურად უნდა ყოფილიყო დაკავშირებული. ერთგვარი სხვაობა შეინიშნება ცულის პირის მოყვანილობაში, ყუის ზედა შვერილ-

ში და სხვ. აქაც დაახლოებით ისეთივე სურათი გვაქვს, როგორც ყუამილიან-ყუადაქანებულ ცულებთან გვხვდება. ეს ცულ-წერაქვები, ყუამილიან-ყუადაქანებული ცულების მსგავსად, კავკასიაში ადგილობრივ, თავისებურ სახეს იღებენ. რაც შეეხება ამ იარაღის დანიშნულებას, ამის შესახებ სხვადასხვა მოსაზრებები იყო გამოთქმული. უფრო მართებულია, ჩვენის აზრით, ვიფიქროთ, რომ ეს ცულები საომარი იარაღი უნდა ყოფილიყო.


არქაული ფორმის შუბისმაგვარ იარაღთან ერთად, ზ ა ჰ ე ს შ ი შემთხვევით აღმოჩნდა ერთი ცული, რომელიც თავისი ფორმით მეტად ახლოსა დგას მესოპოტამიის უძველეს ცულებთან (ტაბ. IX, 2). აქ ეს ცულები სადღეისოდ ცნობილია მხოლოდ თიხის მოდელების სახით ჯემდეთ-ნასრიდან, ურიდან და სხვ., სადაც ისინი უკვე მეოთხე ათასწლეულის დასაწყისში ჩანან. სავსებით მართებულად ფიქრობენ, რომ თიხის მოდელები ლითონის ცულების წაბადებითაა ნაკეთები. როგორც ჩანს, მესოპოტამიაში ეს არქაული ტიპის ცულები ძულ მალე უთმობს ადგილს ყუადაქანებულ-ყუამილიან ცულებს. მესოპოტამიის უძველესი ტიპის ცულები ჩვენში საკმაოდ ადრე ვრცელდება და შესაძლოა ზაჰესის ცული კავკასიაში აღმოჩენილი წინააზიური ფორმებიდან ერთერთი ყველაზე ადრეულია. ალბათ, ჩვენშიაც ამ ფორმამ სათანადო გავრცელება ვერ ჰპოვა და მესოპოტამიის მსგავსად აქ უფრო მკვიდრდება წინააზიური ცულების სხვა ტიპი, ყუადაქანებულ-ყუამილიანი ცულები.

აღსანიშნავია კიდევ ერთი ცული, ახლახან აღმოჩენილი მარნეულის რაიონის სოფ. ბ რ დ ა ძ ო რ შ ი. იგი ზაჰესურ ცულთან შედარებით უფრო განვითარებული ჩანს, ოღონდ თავისთავად საკმაოდ არქაული ფორმისა უნდა იყოს. ეს ცული გარკვეულ მსგავსებას იჩენს ჩრდილო კავკასიაში ყუბანის დიდი ყორღანების კულტურაში გავრცელებულ ცულებთან.

ბრინჯაოს კულტურის ადრეულ საფეხურს უნდა მიეკუთვნებოდეს ერთი სატეხი, შემთხვევით აღმოჩენილი სოფ. ზ ე კ ა რ შ ი. ჩვენში ამ ტიპის სატეხი ცნობილია მხოლოდ საჩხერიდან. კავკასიაში ამგვარ სატეხს ვხვდებით ყუბანის დიდ ყორღანებში. მსგავსი იარაღი გავრცელებული იყო აგრეთვე წინა აზიაში.

ამ პერიოდის ნამოსახლარი ჯერჯერობით სრულიად უცნობია. ამიტომაცაა, რომ ჯერ კიდევ თითქმის არაფრის თქმა არ შეგვიძლია იმ დროის საგვარეულო სოფლის შესახებ. საფიქრებელია, რომ სამეურნეო ცხოვრების ხასიათის გარკვეულ ცვლილებებთან ერთად, რომელიც ჩვენში უკვე ენეოლითის ბოლოსათვის შეინიშნება, უნდა შეცვლილიყო აგრეთვე დასახლების ტიპიც. მესაქონლეობის დაწინაურებას თან მოჰყვა მალაღმთიანი რაიონების ათვისება. ამას ერთგვარად ხელს უწყობდა მეტალურგიის განვითარებაც. სამეურნეო ხასიათის ძვრები, რომელიც ამ პერიოდში უკვე საკმაოდ საგრძნობი გახდა, თანდათანობით იწვევდა საცხოვრებელი ადგილის, საგვარეულო სოფლის სახის შეცვლას. ახალ პირობებში ძველად დასახლებული ადგილები ნაკლებად გამოსადეგი იქნებოდა. მოსახლეობაც ველებიდან, დაბლობი ადგილებიდან თანდათანობით უფრო მთისძირა რაიონებს ეტანება.

მეურნეობა. იმდროინდელი სამეურნეო ყოფის დასახასიათებლად დღეისათვის შესწავლილი ძეგლები მეტად მცირე მასალას გვაწვდიან. მიწათმოქმედებისა და მესაქონლეობის შესახებ ჯერჯერობით ძუნწი ცნობები მოგვეპოვება.



საფიქრებელია, რომ ამ პერიოდში მიწის დასამუშაველად ძირითადად სახენე-
ლი იარაღია გამოყენებული და საფუძველი ეყრება გუთნურ მიწათმოქმედებას.
ხარი როგორც გამწვევი ძალა რომ უკვე ფართო გამოყენებას პოულობს, ამას
უთუოდ მოწმობს თრიალეთის ერთერთ ყორღანში აღმოჩენილი ურმის კვალი
და, აგრეთვე, საჩხერეში ნაპოვნი ქინძისთავი ურმისა და შიგ შებმული ხარის
სტილიზებული გამოსახულებით. უდავოა, რომ ხარი გამწვევ ძალად პირველ რიგ-
ში მიწის დასამუშაველად უნდა ყოფილიყო გამოყენებული. ეს გარემოება კი
მესაქონლეობისა და მიწათმოქმედების დაახლოებას იწვევდა. ახლა შესაძლებე-
ლი გახდა მიწის გაცილებით უფრო დიდი ფართობის დამუშავება. სათესი ფარ-
თობის გაზრდის მიზნით სულ უფრო და უფრო იკაფება ტყე. მიწის დამუშავე-
ბა ამ საფეხურზე უკვე საკმაოდ ძნელი და რთული ხდება და იგი, ჩანს, მთლიან-
ნად მამაკაცის ზელში გადადის.

მოსავალს, როგორც ეტყობა, ძირითადად ისევე კაცის ნამგლით მკიდნენ,
მარცვლეულს კი ქვის ხელსაფქვავეებით ფქვავენ. მოზრდილი ქურქელი ალ-
ბათ აქაც უმეტესად მარცვლეულის შესანახად იხმარებოდა.

არც მესაქონლეობის შესახებ შეიძლება დაბეჯითებით რამის თქმა. თითქ-
მის სრულიად არ მოგვეპოვება ამ დროის ოსტეოლოგიური მასალა. მაგრამ არა-
პირდაპირი ცნობების საშუალებით მაინც ირკვევა ზოგი რამ. მსხვილფეხა რქო-
სანი საქონლის მიწათმოქმედებაში ფართოდ გამოყენება უთუოდ მესაქონლეო-
ბის დაწინაურებაზე უნდა მიუთითებდეს. მესაქონლეობა უკვე სხვაგვარ სახეს
ღებულობს. მსხვილფეხა საქონელი ახლა თავისებურ მოვლა-პატრონობას სა-
ჭიროებს. მსხვილფეხა რქოსანი საქონლის მიწათმოქმედებაში და ტრანსპორტ-
ში ჩაბმა მოითხოვდა საცხოვრებლის მახლობლად პირუტყვთათვის სათანადო
თავშესაფარს. ამიტომაც, ამ პერიოდიდან ხშირად თვით საცხოვრებლის შიგნით
გამოყოფდნენ საგანგებო ადგილს საქონლისათვის.

საფიქრებელია, რომ ამ პერიოდში გარკვეულ განვითარებას აღწევს აგ-
რეთვე მეცხვარეობა. როგორც აღნიშნული იყო, მეცხვარეობის ერთგვარი და-
წინაურება ჩვენში უკვე ენეოლითური კულტურის მიწურულიდან შეინიშნება.
მესაქონლეობის ამ დარგის დაწინაურებას ბიძგი მისცა აგრეთვე მიწათმოქმედე-
ბის განვითარებამაც, გუთნურ მიწათმოქმედებაზე გადასვლა მიწის სულ უფრო
და უფრო მეტ ფართობს მოითხოვდა, რაც თავის მხრივ ტყის თანდათანობით
შემცირებას იწვევდა, გაშლილი ადგილები კი უთუოდ ხელს უწყობდა მეცხვა-
რეობის წინსვლას. გარდა ამისა, ამ პერიოდში, ჩანს, ინტენსიურად მიჰყვებს ხე-
ლი მაღალმთიანი ალპიური საძოვრების ათვისებას. ნახევრად მომთაბარული მე-
საქონლეობა, რომელსაც ჩვენში საფუძველი უკვე ენეოლითის ბოლოდან ჩაე-
ყარა, კიდევ უფრო ძლიერდება. ამ დროისათვის კავშირი სამიწათმოქმედო ბა-
ზასთან საკმაოდ მყარი უნდა ყოფილიყო. შესაძლოა ამგვარი ურთიერთობის
ანარეკლი იყოს თრიალეთის მაღალმთიან რაიონში აღმოჩენილი ყორღანთა ერ-
თი ჯგუფი, რომელიც სრულიად არ შეიცავს თიხის ქურქელს. ეს ყორღანები
იქნებ მართლაც მიეკუთვნება ამ მიდამოებში მცხოვრებ ტომებს, რომელთა
ერთი ნაწილი დროებით ამოსულა მაღალმთიან საძოვრებზე. მაღალმთიანი ალ-
პიური საძოვრების ათვისება, ერთი მხრივ, და მეტალურგიის განვითარება,
მეორე მხრივ, თანდათანობით საფუძველს უქმნიდა მესაქონლე ტომების დაწი-

ნაურებას. ეს პროცესი ისახება ბრინჯაოს კულტურის ადრინდელ საფეხურზე და განვითარების მწვერვალს აღწევს მომდევნო ხანაში. ამის ანარეკლია უთუოდ მაღალმთიან რაიონებში აღმოჩენილი შუაბრინჯაოს ხანის მეტად მძლავრი კულტურა.

მეტალურგია. ადრეულ ბრინჯაოს ხანაში ჩვენში მეტალურგიამ საკმაოდ მაღალ საფეხურს მიაღწია. არსებული მასალებიდან ჩანს, რომ ლითონის დამუშავების ტექნიკა დაწინაურებული ყოფილა. იმდროინდელი ლითონის ნივთების შესწავლის შედეგად ირკვევა, რომ ისინი ძირითადად უკვე ჩამოსხმითაა მიღებული. ზოგჯერ ნივთები ჩამოსხმის საკმაოდ რთული, მოდელის დაკარგვის წესითაა დამზადებული. ამ წესით უნდა იყოს მიღებული ეშერის ერთერთ დოლმენში აღმოჩენილი მასარაონამენტებული კავი და ცული, ქორეთის ტარშემკული სატევრის პირი და სხვ. ზოგიერთი ნივთი ჯერ კიდევ ცივად ჰედვის წესითაა მიღებული, მაგალითად, საჩხერული პრიმიტიული სატევრის პირები და სხვ. ამ დროს ლითონის ნივთების ქიმიური შესწავლის შედეგად გაირკვა, რომ ლითონის ნაწარმი დამზადებულია ისეთი სპილენძისაგან, რომელიც ზოგჯერ 6%-მდე დარიშხანს შეიცავს ან კიდევ — დარიშხანსა და ანთიმონს. როგორც ჩანს, სპილენძი ამ მინარევებს ბუნებრივი სახით შეიცავდა. საქართველოში სპილენძის მინერალები უპირატესად სპილენძ-დარიშხანიანი ან სპილენძ-ანთიმონიანია; გვხვდება აგრეთვე სპილენძ-დარიშხან-ანთიმონიანი მადანიც. საფიქრებელია, რომ ჩვენში უკვე იცნობდნენ დარიშხანიანი სპილენძის თავისებურებას. გარკვეული პროცენტი დარიშხანისა უთუოდ გავლენას ახდენდა სპილენძზე. ამიტომაც ადრეული ბრინჯაოს ხანის ლითონის ნაწარმი საკმაოდ მაღალხარისხოვანი ყოფილა.

ამ პერიოდის სამარხებში გვხვდება ძვირფასი ლითონისაგან ნაკეთები ნივთებიც. ოქროს ნივთები ჯერჯერობით მხოლოდ ორგან აღმოჩნდა (ყარცის გორაზე და თრიალეთის ერთერთ ყორღანში), რაც ალბათ იმაზე მიუთითებს, რომ ოქრომქვედლობა ჩვენში უკვე თავის პირველ ნაბიჯებსა დგამდა. გარდა ოქროსი, თრიალეთის ერთერთ ყორღანში აღმოჩნდა ერთი ვერცხლის ხვია. საყურადღებოა, რომ სტეპანაკერტისა და ხაჩანაგეტის ამავე დროის ყორღანებში სხვა ნივთებთან ერთად აღმოჩნდა აგრეთვე ოქროს ნივთებიც. ეს გარემოება უთუოდ იმაზე მიუთითებს, რომ ამ პერიოდში ამიერკავკასიაში საფუძველი ეყრებოდა ოქრომქვედლობას, რომელმაც, როგორც ცნობილია, მომდევნო ხანაში უკვე განვითარების საკმაოდ მაღალ საფეხურს მიაღწია.

სოციალური წყობა. ბრინჯაოს კულტურის ადრინდელ საფეხურზე ჩვენში უკვე ხდება პატრიარქალური გვარის საბოლოო განმტკიცება. მამაკაცის როლი გვარში ახლა საგრძნობლად იზრდება. მამაკაცის წამყვანი მდგომარეობა გვარის შიგნით უთუოდ განაპირობა გვაროვნული საზოგადოების სამეურნეო ცხოვრებაში მომხდარმა მნიშვნელოვანმა ცვლილებებმა. მიწათმოქმედებაში სახენელი იარაღის შემოღება, მესაქონლეობის განვითარება, მეტალურგიის დაწინაურება და სხვ. ხელს უწყობდა მამაკაცის უპირატესი მდგომარეობის განმტკიცებას გვარში. დედაკაცი თანდათანობით იძულებული ხდება მხოლოდ საშინაო საქმიანობით დაკმაყოფილდეს.

როგორც ზემოთ აღვნიშნეთ, ამ პერიოდში გვაროვნული საზოგადოების მიგნით ქონებრივი უთანასწორობა არ შეინიშნება. გვარის დაწინაურებულ და რიგით წევრთა სამარხეული ინვენტარი ჯერ კიდევ მეტად ღარიბულია და თითქმის არ განსხვავდება ერთიმეორისაგან. მაგრამ უნდა აღინიშნოს, რომ ჩვენში ზოგან გვარის დაწინაურებულ წევრთათვის დასაფლავების უკვე სრულიად სხვა-გვარი წესი ყოფილა. მათ უკვე ზაგვარეულო სასაფლაოზე აღარ ასაფლავებდნენ და საგანგებოდ ცალკე საქაოლ რთულ სამარხს უგებდნენ, რომელიც უთუოდ ძველად დიდ შრომას და, ეგებ, მთელი გვარის მონაწილეობასაც მოითხოვდა. შესაძლებელია ამ პერიოდში თანდათანობით იწყებეს გამოსახვას საგვარეულო არისტოკრატია. შესაძლოა ამას ისიც მოწმობდეს, რომ ზოგ ყორღანში უკვე გვხვდება ძვირფასი ლითონის ნივთებიც.

ადრეული ბრინჯაოს ხანის კულტურა ჩვენში გავრცელებული უნდა ყოფილიყო მესამე ათასწლეულის შუა ხანებიდან მეორე ათასწლეულის დასაწყისამდე ძვ. წელთაღრიცხვით.

§ 6. შუაბრინჯაოს ხანა

შუაბრინჯაოს ხანა საქართველოში მოდის დაახლოებით ძვ. წ. XVII—XIII საუკუნეებზე. ეს პერიოდი ხასიათდება წინამავალი საფეხურის კულტურულ მიღწევათა სწრაფი განვითარებით და ბევრი ახალი მოვლენით ტექნიკაში, მეურნეობასა და საზოგადოებრივ ურთიერთობაში.

კავკასიის სამხრეთ რაიონებში, რომლებიც უფრო ახლო ემეზობლებოდნენ წინა აზიის მოწინავე სახელმწიფოებს, პირველად იწყება ჩარხის გამოყენება კერამიკულ წარმოებაში. ამ გარემოებამ უზრუნველყო თიხის ნაწარმის გამრავლება და გამშენიერება. ჩარხზე მუშაობა დაინერგა ლითონის ქურქლის მკეთებელთა შორისაც. ხმარებაში შემოვიდა ბორბლიანი ტრანსპორტი, ორთელიანი და ოთხთელიანი ეტლების სახით. გამწვევ ძალად, ძველი დროიდანვე ნაცად ხართან ერთად, ცოტა უფრო გვიან, გამოიყენეს ცხენი. ბორბლიანმა ტრანსპორტმა და ახლადმოშინაურებულმა ცხენმა გაათართოვეს და უფრო რეგულარული გახადეს ქართველი ტომების კავშირ-ურთიერთობანი გარე სამყაროსთან. ამას თან მოჰყვა ადგილობრივი კულტურის გამდიდრება წინააზიური კულტურის ნაკადებით. დიდი წინსვლა დაეტყო მიწათმოქმედებას; საფიქრებელია, რომ ამ დროს უკვე იცოდნენ სახნავი კავის გამოყენება. სამაწათმოქმედო კულტურის განვითარების პარალელურად ვითარდებოდა მესაქონლეობა; არაჩვეულებრივად იმატა ბარში უმთავრესად მსხვილფეხა საქონლის სულადობამ, მთავი გამრაველდა ცხვრის ფარა. საოცარ სიმადლეზე ავიდა მეტალურგია; დაიწყო მისი დიფერენციაციის, კერძოდ, მელითონე ხელოსნების გამოყოფის პროცესი. ყველა ამ მიღწევას არ შეიძლება არ მოჰყოლოდა საზოგადოების მატერიალური დოვლათის, მისი საარსებო საშუალებების უჩვეულო ზრდა. იმის კვალობაზე, თუ რომელ მხარეში როგორი პირობები იყო ახალი მიღწევების ნაყოფით სარგებლობისა, გაძლიერდნენ ცალკეული ტომები. მატერიალური დოვლათის ზიუხვემ ამ ტომებში მოამზადა პირობები ტომისა და გვარის მეთაურთა პრევილეგიური მდგომარეობისათვის და კიდევაც დაიწყო

გვაროვნული არისტოკრატის — ქონებრივად და უფლებრივად განსხვავებული ზედა ფენის — გამოყოფის პროცესი.

არქეოლოგიური მონაპოვარი საშუალებას იძლევა მეტ-ნაკლები სიზუსტით გავადევნოთ თვალი ამ პროცესებს და დავადგინოთ ზოგიერთი მხარის კულტურის თავისებურებანი. იმ დროისათვის საკმაოდ გამოკვეთილი ჩანს კულტურის რამდენიმე კერა, რომლებიც გარკვეული თავისებურებებით ხასიათდება, მაგრამ ერთმანეთთანაც მჭიდროდ დაკავშირებული და, ამდენად, დიდ ტერიტორიაზე გავრცელებული ერთიანი ქართული კულტურის შემადგენელი ნაწილების შთაბეჭდილებას ტოვებს. ისინი წარმოადგენენ მონათესავე, მაგრამ მანკი ინდივიდუალური ნიშნების მატარებელი ტომების შემოქმედების ნაყოფს. ადგილობრივი ანუ ლოკალური კულტურების შესწავლილობის დღევანდელი დონე საშუალებას იძლევა გავაერთიანოთ ისინი ორ — დასავლურ-ქართულ და აღმოსავლურ-ქართულ — კულტურის წრეში. პირველი მათგანი მოიცავდა დღევანდელ დასავლეთ საქართველოს მისი მიმდგომი მხარეებითურთ კავკასიის ქედის ჩრდილო კალთაზე, მეორე კი — აღმოსავლეთ საქართველოს და მის სამხრეთით მდებარე ზოგიერთ რაიონს. შიდა ქართლის ჩრდილო ზოლში დღევანდელი სამხრეთ ოსეთის ასსრ ტერიტორიაზე გამოვლინებულია არქეოლოგიური ძეგლები, რომლებსაც საშუალო ადგილი უკავიათ კულტურის ამ ორ წრეში და მათს დამაკავშირებლად ისახებიან. მომდევნო პერიოდში ქართული კულტურის ეს ზონები კიდევ უფრო მკვეთრად გამოიკვეთა. აღსანიშნავია, რომ შუაბრინჯაოს ხანის კულტურის ძეგლების აღმოჩენის ადგილებში ყოველთვის გვხვდება გვიანი ბრინჯაოსა და მისი მომდევნო პერიოდების არქეოლოგიური ძეგლები. ეს გარემოება მიუთითებს, რომ ერთხელვე ათვისებული რაიონები არ გაუქაცურებულა და, როგორც სავარაუდებელია, არც მოსახლეობის ეთნიკურ შემადგენლობაში მომხდარა არსებითი ცვლილებანი: ბრინჯაოს ხანის სადღეისოდ შესწავლილი არქეოლოგიური ძეგლებიდან არც ერთი არ მოწმობს ეთნიკურ კატასტროფებს, რაც ასე ხშირი იყო უფრო სამხრეთით მდებარე წინა აზიისა და მცირე აზიის მხარეებში. ამ საკითხზე გაცილებით უფრო სრული წარმოდგენის შექმნა შეეძლო მოსახლეობების შესწავლას, მაგრამ ისინი ჯერჯერობით მიკვლეული არაა; არქეოლოგიური მასალები მომდინარეობს უმთავრესად სამარხებიდან და ნაწილობრივ სამთამადნო-მეტალურგიული წარმოების კერებიდან. ორივე კატეგორიის ძეგლების ურთიერთშეგერება ექვს არ ტოვებს, რომ შუაბრინჯაოს ხანის ქართული კულტურა ვითარდებოდა ადგილობრივი სამთამადნო რესურსების მოპოვება-გადამუშავების საფუძველზე. სამთამადნო წარმოება და მეტალურგია, როგორც უკვე ითქვა, სწრაფად დაწინაურდა, მაგრამ დასაწყისში მეურნეობის ეს დარგები ერთმანეთთან ჯერ კიდევ ძლიერ მჭიდროდ იყო დაკავშირებული: მადნის მთხრელები და მადნის გამომხურველნი ერთი და იგივე კოლექტივები, უმეტესად ერთი და იგივე პირები იყვნენ. ლითონის საქმის მომცველი უმძიმესი პროცესი მიმდინარეობდა მადნის საბადოებთან ახლო, იმ მიკრორაიონებში, სადაც პირველყოფილ მეტალურგთა კოლექტივები, მეტალურგთა ტომები მოსახლეობდნენ. მთამადნეულის მოპოვებასა და გადამუშავებას შორის მჭიდრო კავშირი აიხსნება, უპირველეს ყოვლისა, ორი მიზეზით — შრომის ორგანიზა-

ციის პრიმიტიული ხასიათით და სატრანსპორტო საშუალებათა შეზღუდულობით. ეს უკანასკნელი ძლიერ აფერხებდა შორეულ მხარეებში მძიმე მადნის დიდი რაოდენობით გატანას და ლითონის საქმეში შრომის დანაწილების წინსვლას.

სამთამადნო წარმოებისა და მეტალურგიული კერების გაჩენისათვის პირველ რიგში აუცილებელი იყო სათანადო მინერალური რესურსების საკმაო რაოდენობა; მაგრამ, ამას გარდა, საჭირო იყო ახლო მიდამოებში ტყის მასივების არსებობა, ვინაიდან მადნიდან ლითონის აღდგენა იმ დროს ხდებოდა უმთავრესად ნახშირის ცეცხლზე მადნის გამოხურების გზით და თვით მადნის მოპოვებაც ცეცხლის მონაწილეობით წარმოებდა.

ორივე ამ პირობას კარგად აკმაყოფილებდა კავკასიის ქედის სამხრეთი კალთები, რომლებიც ხშირი ტყეებითაცაა დაფარული და პირველყოფილი მეტალურგიისათვის საჭირო მინერალებსაც საკმაო რაოდენობით იძლეოდა. ასეთივე პირობები იყო ქვემო ქართლშიც მდ. ფოლადაურის აუზში. ამ მხარეების მეტალოგენურ ზონაში მოსალოდნელია ბრინჯაოს ხანის სამთამადნო წარმოებისა და მეტალურგიის ბევრი ნაშთის აღმოჩენა (ამას მოწმობს ცალკეული ძეგლების მიკვლევის ფაქტები არასპეციალური სამუშაოების დროს), მაგრამ დიდი მასშტაბის საძიებო ექსპედიციები ჯერ კიდევ არ მოწყობილა. სადღესოდ შედარებით უფრო კარგადაა გამოკვლეული ამ მხრივ მდინარე რიონის სათავეები.

სამადნო მეტალურგიული წარმოების ნაშთები მდ. რიონის სათავეებში. საქართველოს სსრ მეცნიერებათა აკადემიის ივ. ჯავახიშვილის სახელობის ისტორიის ინსტიტუტის ექსპედიციამ მდ. რიონისა და მისი შენაკადების (ზოფხითური, ჩევური, ლუხუნი) სათავეებში მიაკვლია სხვადასხვა სახის არქეოლოგიურ ძეგლებს, მათ შორის სპილენძის, ანტიმონისა და დარიშხანის გამონამუშევრებს და მეტალურგიული წარმოების ნაშთებს. გამონამუშევრები წარმოადგენს მოზრდილ (სიგრძით 5—20 მ, სიგანით 2—3 მ, სიმაღლით საშუალოდ 1,5 მ) მღვიმეებს, რომლებიც მდებარეობენ მადნის ძარღვების გავრცელების ზონებში — ციცაბო კლდეებში ან გველებულ ფერდობებზე, ზღვის დონიდან 1300—2000 მ სიმაღლეზე. მოხილული მღვიმეების რიცხვი 25 უდრის, მაგრამ, უეჭველია, ის წარმოადგენს ჯერ კიდევ მიწით დაფარული ანალოგიური ძეგლების მეტად მცირე ნაწილს. ძველი მღვიმეების რიცხვი ყოველწლიურად მატულობს თანამედროვე გეოლოგიურ საძიებო მუშაობასთან დაკავშირებით. უნდა ვიფიქროთ, რომ ზოგი მათგანიდან მადანი გამოთხრილია ჯერ კიდევ აღრებრინჯაოს ხანაში, ზოგიც ეკუთვნის კულტურის მომდევნო საფეხურებს. მღვიმეებმა შემოინახა ნახშირის საკმაოდ სქელი ფენა და მაგარი ქვის უროება, ე. ი. კულტურული ნაშთები, რომლებიც გვეხმარება მადნის მოპოვების ძველი წესების გამოცნობაში. ამით მტკიცდება, რომ მემთამადნე კოლექტივი ცეცხლით ახურებდა მადნის ძარღვიან ქანებს, შემდეგ წყლის ნაკადის მიშვებით ანაპრალეზდა მას და, ბოლოს, ქვის მძიმე უროებით და, ალბათ, ხის კეტებითა და ცხოველის რქისაგან ნაკეთები წერაქვებით ანგრევდა.

ერთერთ მღვიმეში შემთხვევით აღმოჩენილია ხის ისეთი გობისებურა ჭურჭლის ნაშთი, როგორიც ძველად იხმარებოდა მონგრეული მადნის გამოსა-

ტიანდ. მღვიმეებში გროვებად გვხვდება ფუჭი ქანებიც, რომლებიც ნაწილობრივ მაინც წარმოქმნილი უნდა იყოს მადნის მექანიკური გამდიდრების შედეგად. აღმოჩენილია გრანიტის დიდი გობი, რომელშიც მადანი უნაყავთ.

მადნის საბადოებთან ახლო, ოლონდ, როგორც წესი, ტყის ზონაში მიკვლეულია ხის ნახშირისა და წიღების მძლავრი ფენები. იქვე არის ქვის სხვადასხვაგვარი იარაღები — ხელსაფქვევები, როდინები და სახეხები, აგრეთვე ლითონით გაყვანილი თიხის კურკლის ნატეხები. უძველესია, რომ ამ ადგილებში ხდებოდა მადნის გამოწვა დნობის შემთხვევებელი გოგირდოვანი მინარეებისაგან მისი განთავისუფლების მიზნით, მისი დაფხვანა-გასუფთავება და, ბოლოს, დაწურვა. მადნის საწურებისათვის ხშირად შეუქრჩევით შემალღებული ადგილები, სადაც ჰაერის თავისუფალი ქროლვა ხელს შეუწყობდა სადნობ ქურაში სიმხურვალის აწევას; მაგრამ ეს პირობა ყოველთვის როდი ყოფილა დაკული. ასეთ შემთხვევაში სავარაუდებელია, რომ დნობის დასაჩქარებლად ხმარობდნენ ტყავის საბერელებსაც.

მიუხედავად საგანგებო ღონისძიებებისა, პრიმიტიულ ქურაში ვერ ხერხდებოდა მადნიდან ლითონის სრულად გამოწურვა. მართლაც, წიღების ლაბორატორიულმა შესწავლამ ცხადყო, რომ შიგ დარჩენილა სასარგებლო ლითონის მნიშვნელოვანი რაოდენობა (10 %).

უნდა ვიფიქროთ, რომ დაწურული ლითონის შემდგომი დამუშავება, ე. ი. მისი ხელახალი გადნობა და საჭირო საგნების დაშლადება, ხდებოდა თვით მოსახლეობის საცხოვრებელ ადგილზე. რაკი ძველი მოსახლობანი არ გათხრილა, ამიტომ არც სამსხმელო სახელოსნოებია მიკვლეული. ადგილობრივი ლითონის ფართო მოხმარებას სამეურნეო, საბრძოლო, საკულტო და საყოფაცხოვრებო საგნების დასამზადებლად. სამაგიეროდ, გვაუწყებს სამარხეული ინვენტარი, რომელიც მოპოვებულია ბრილში, სოფ. ლების ახლო. შუაბრინჯაოს ხანით დათარიღებული ლითონის საგნები იქ, როგორც მოსალოდნელიც იყო, ნაკეთებია დარიშხანიანი ან ანტიმონიანი ბრინჯაოსაგან; კალიანი ბრინჯაოს სხმულები იშვიათი გამონაკლისია. ამასთან, აღსანიშნავია, რომ დარიშხანისა და ანტიმონის პროცენტი 4—15-მდე აღწევს, რითაც ეს სხმულები არსებითად განსხვავდება ადრებრინჯაოს ხანის საჩხერული საგნებისაგან, რომლებშიც ზემოხსენებული კომპონენტები ან სულ არ მონაწილეობს, ან მხოლოდ 2%-მდე შედის (დარიშხანი).

ამ მონაცემების მიხედვით უფლება გვაქვს ვთქვათ, რომ შუაბრინჯაოს ხანაში წესად ქცეულა რთული სხმულების დამზადება, რასაც ადრებრინჯაოს ხანაში მხოლოდ საფუძველი ჩაეყარა.

ლების სამთამადნო-მეტალურგიული კერა ყურადღებას იპყრობს თავისი სიმძლავრით. უნდა ვიფიქროთ, რომ მისი პროდუქცია გადიოდა რიონის ზემო წელის გარეთაც, როგორც ამიერ, ისე იმიერკავკასიის მხარეებში. ამ სავარაუდო მოსაზრებას მხარს უჭერს ბრილური ტიპის ნივთების ჩრდ. ოსეთში აღმოჩენის ფაქტი და აგრეთვე დარიშხანიანი და ანტიმონიანი ბრინჯაოს საგნების ფართოდ გავრცელება შუაბრინჯაოს ხანის საქართველოს სხვა კუთხეებში (საჩხერე, აფხაზეთი, შიდა ქართლის ჩრდილო ზოლი). ყოველ შემთხვევაში, სანამ კავკასიის სხვა მხარეებში მიკვლეული არაა კარგად დათარიღებული

სამთამადნო და მეტალურგიული წარმოების ძველი ნაშთები, ლების კერას უდიდესი მნიშვნელობა უნდა მიენიჭოს კავკასიის მეტალურგიის ისტორიის აღრეულ საფეხურზე.

ბრილის სამაროვანი. შუაბრინჯაოს ხანის დასავლურ-ქართული მატერიალური კულტურის ძეგლები ყველაზე დიდი რაოდენობით გამოვლინებულა ბ რ ი ლ ის სამაროვანზე, რის გამოც მას დაწვრილებით გავეცნობთ.

ბრილი მდებარეობს სოფ. ლებიდან ჩრდილო-დასავლეთით 11 კმ-ზე, ზღვის დონიდან 1600 მ სიმაღლეზე. ის წარმოადგენს წყალთაშუა ტერასას მდ. რიონის მარცხენა და მისი შენაკადის — ზოფხითურის მარჯვენა ნაპირზე; სწორკუთხოვანი სამკუთხედის მოყვანილობის ეს პატარა ვაკე აღმოსავლეთით და სამხრეთით მაღალი ფლატეებით ეშვება მდინარეთა კალაპოტისაკენ, მის დასავლეთ ნაპირს კი გასდევს ქედი. ირგვლივ აკრავს მაღალი მთები, რომელთა ძირი ტყიანია, შუა კალთები — ბალახოვანი, ხოლო თხემები — კლდოვანი და თოვლიანი. იქ მშვენიერი ზაფხული და ხანგრძლივი, მკაცრი ზამთარი იცის. მიუხედავად ამისა, იგი თითქმის არასდროს არ წყდება გარე სამყაროს, რიონის ეიწრო ხეობით ყოველთვის გზა ხსნილი აქვს საქართველოს ყველა კუთხისაკენ, ხოლო კავკასიის ქედის გადალახვას ზემო რაქველები ახლაც არ ერიდებიან ზამთრას პირობებშიაც კი; მამისონის, ნოწარის, კირტიშოსა და ფასის მთის ჯადასასვლელები ბრილს 1—2 დღის სავალი ბილიკებით აკავშირებდა ჩრდილო კავკასიასთან, კერძოდ, დიგორში გადასასვლელად სრული დღეც კი არაა საჭირო. უეჭველია, რომ ამ გარემოებას გარკვეული მნიშვნელობა ჰქონდა იქაური უძველესი კულტურების ურთიერთობისათვის და, მართლაც, დიგორისა და მის ახლო მდებარე ხეობების სამაროვნებიდან მომდინარე არქეოლოგიური მონაპოვარი გვიჩვენებს ბრილურ ძეგლებთან გასაოცარი მსგავსების სურათს.

ბრილს სამაროვანი ძვეს ტერასის სამხრეთ-დასავლეთ კუთხეში და ზემოდან დასცქერის მდ. რიონს. იგი ეკუთვნის შრავალსართულიან სამაროვანთა ტიპს. იქ დამოწმებულია მიცვალებულთა დაკრძალვა უწყვეტივ ბრინჯაოს ხანიდან მოკიდებული ახ. წ. III—IV სს-მდე. სამაროვნის გამოყენების თითქმის 2500 წლის მანძილზე ერთმანეთის გვერდით არსებობდა ძირითადად ორი ტიპი სამარხებისა — ორმოსამარხები და ქვისსამარხები. ამ უკანასკნელთა კედლები ზოგჯერ ქვის მთლიანი ფიცრებისაა, ზოგჯერ რამდენიმე ფიცრით შედგენილი, ზოგჯერაც შენობის კედლების მსგავსად ნატეხი ქვით ამოყვანილი. აღრებრინჯაოს ხანის სამარხები გამოირჩევა დიდი ზომით (4×4 მ; 3×3 მ) და გვაფიქრებინებს მათ გადახურვაში ხის მასალის აუცილებელ მონაწილეობას, მომდევნო დროის სამარხები კი მარტო ქვის ფიცრებით უხურავთ. სამარხების ზემოთ ხშირ შემთხვევებში ჩნდება მეტ-ნაკლები ზომის ქვაყრილები, რომლებიც თავის დროზე ყორღანისებურად ყოფილა შემადლებული.

მიცვალებულები დაკრძალული არიან ხელ-ფეხმოკეცით — ქალები მარცხენა გვერდზე, მამაკაცები — მარჯვენაზე. დამხრობის მხრივ გარკვეული წესი არ შეიმჩნევა. ძვ. წ. I ათასწლეულის პირველ ნახევარში ერთმანეთის პარალელურად მოქმედებდა მიცვალებულის გვამის დამარხვისა და არასრული კრემაციის წესი.

მიცვალებულებს თან ატანდნენ სამარხში ყოველგვარ საგნებს — სა-
ქურჭელს, ტანსაცმელთან დაკავშირებულ ნივთებს, სამკაულს, საკულტო-
სარიტუალო დანიშნულების ნაკეთობებს, ზოგჯერ თიხის კურჭელს და სხვ.
ანტიკური დროის ზოგი სამარხი სრულიად უინვენტაროა.

ინვენტარი ყველა დროის სამარხებში ადგილობრივი მაღალხარისხოვანი
ნაკეთობებისაგან შედგება. ძვ. წ. VI—V და მომდევნო საუკუნეებში აგრეთვე
საქმაოდ ბევრი უცხოური წარმომავლობის საგანიც უხმარიათ, მაგრამ ამ დრო-
საც მშობლიური წარმოების ნაყოფი ჭარბობს. შეინიშნება კულტურათა ცვლა:
შუაბრინჯაოს ხანის კულტურა მნიშვნელოვნად განსხვავდება გვიანი ბრინჯაო-
სა და ადრეული რკინის ხანის კულტურისაგან, ეს უკანასკნელი კიდევ ანტი-
კური ხანის კულტურისაგან; მაგრამ ამ შემთხვევებშიც საქმე გვაქვს ამ კულ-
ტურათა ერთიანობის, მემკვიდრეობითი განვითარების მაუწყებელ ფაქტებ-
თან ისე, რომ სრულიად არ დგება საკითხი ამა თუ იმ კულტურის კატასტრო-
ფული დაღუპვის შესახებ. უცხოური ელემენტები მხოლოდ იმას მოწმობს,
რომ ბრილის მოსახლეობა, ისევე როგორც ყველა ძველი ქართველი ტომი,
კარგად იცნობდა თავისი დროის სხვა ხალხებსა და მათი შემოქმედების ნა-
ყოფს.

ბრილში მოსახლეობა თავდაპირველად, როგორც თავის დროზე იყო აღ-
ნიშნული, ბრინჯაოს ხანის დასაწყისში უნდა შესულიყო საქართველოს ბარი-
დან თუ მთისწინა ზოლიდან. საფიქრებელია, რომ ესენი იყვნენ იმ მეჯოგეთა
წარმომადგენელი, რომლებსაც მანამდე ხშირად უხდებოდათ ნოყიერი აღ-
პიური საძოვრებით ზეზონური სარგებლობა ცხერის ფარის გამოსაკვებად.
რადგან სხვადასხვაგვარი მადნის ძარღვები ძლიერ ხშირ შემთხვევებში ზედა-
პირზე ამოდის სწორედ აღპიურ და სუბალპიურ ზონებში, სადაც ცხვარი ბა-
ლახობს ხოლმე, იგი შეუმჩნეველი არ დარჩებოდა მწყემსებს და კიდევაც ეც-
დებოდნენ მის გამოყენებას ბრინჯაოს წარმოების პროცესში. ამიტომ არის,
რომ იმ ადრეული საფეხურის ბრილური ბრინჯაო უპირატესად ანტიმონიანი
ან დარიშხანიანია. მაგრამ ირკვევა, რომ ბრინჯაოს ხანის დასაწყისში ბრილში
არც მოსახლეობა იყო ხალხმრავალი და ლითონის დამუშავებაშიც პირველი
ნაბიჯები იღებებოდა.

მართლაც, როგორც ზემოთ აღვნიშნეთ, ბრილის სამაროვანზე ამ უძველესი
ხანის სამარხთა რიცხვი განისაზღვრება 3 გაძარცვული კოლექტიური მიწის-
ქვეშა ნაგებობით, ამ სამარხთაგან მომდინარე ინვენტარში კი ლითონის ნივ-
თებს დიდმნიშვნელოვანი ადგილი არ უკავია.

ამ დროის ლითონის საკურველი ბრილში წარმოდგენილია პრიმიტიული,
ქვედა სატევრის პირები (ტაბ. XI, 7), რომლებიც ჰვავს კავკასიის სხვა ად-
გილებიდან ცნობილ ადრეული ბრინჯაოს ხანის სათანადო ნაკეთობებს. არის
აგრეთვე ყუამილიანი ცულის დამატებითი მასრა, რომლის ერთი ბოლო ირი-
ბადაა ჩამოკვეთილი, ხოლო მეორეს აზის ვერძის თავის ქანდაკება. ლითონის
სამკაულებიდან გვხვდება მარტივი ფორმის საპაჯურები და სხვა ნივთთა ნა-
ტეხები.

კულტურის განვითარების ამ საფეხურზე ჯერ კიდევ მძლავრად იგრძნო-
ბოდა ენეოლითური ხანის მასალისა და ტექნიკის მარჯისცემა. ეს მტკიცდება



იმით, რომ უძველეს ფენებში დიდი რაოდენობით გვხვდება კაჟისაგან ნაკეთები ორმხრივდამუშავებული, ქუსლამოლარული, პირდაკბილული ხელშუბის წვერები (ტაბ. XI, 12). უცხო წარმომავლობის საგნებად უნდა ჩიათვალოს ცისფერი პასტის იოტები, რომლითაც უმეტესწილად შემკობილი ყოფილა ტანსაცმელი. დაახლოებით იმგვარად, როგორსაც ხევისტურულ კოსტუმზე ვხედავთ.

შუაბრინჯაოს ხანის სამარხები ბრილში. შუაბრინჯაოს ხანის სამარხების უმეტესობა ბრილში დანგრეულია შემდეგი დროის სამარხების გამჭრელთა მიერ. იქიდან ამოყრილი ნივთები ზშირადაა გაფანტული სამაროვნის სხვადასხვა პორიზონტში. ზოგჯერ ისინი დიდხანს უტარებიათ და შემდეგ ხელახლა მოხვედრილან გვიანდელ, მათ შორის, ანტიკურ სამარხებში. შუაბრინჯაოს ხანაშიც, ისე როგორც სხვა დროს, ქვისსამარხები და ორმოსამარხები ყოფილა. ზომის მიხედვით მათ უკავიათ საშუალო ადგილი ადრებრინჯაოს, გვიანბრინჯაოსა და ანტიკური ხანის სამარხთა შორის: ჩამოუვარდებიან პირველთა და სკარბოზენ დანარჩენებს. მათი სიგრძე 2 მ-მდე აღწევს, სიგანე — 1 მ, სიმაღლე 0, 7 — 0, 8 მ. თითო სამარხში დაკრძალულია 1 — 3 მიცვალებული; როცა მიცვალებულთა რიცხვი ერთს სკარბოზს, დასტურდება თავშეკეცივით დასაფლავება. ჩონჩხების ცუდად შემონახულობა ყოველთვის არ იძლევა საშუალებას ზუსტად დადგინდეს დაკრძალვის პოზა; ხელ-ფეხმოკეცივით მდებარეობა მიცვალებულისა დამოწმებულია ერთ შემთხვევაში.

ყურადღებას იპყრობს სამარხეული ინვენტარის სიუხვე. განსაკუთრებით მრავალრიცხოვანი დარიშხნიანი და ანტიმონიანი ბრინჯაოს საგნები: სრულიად არაა თიხის ქურჭელი, რის მაგივრობასაც, ალბათ, ხის ქურჭელი სწევდა. აღარა გვხვდება წინამძველი დროისათვის დამახასიათებელი კაჟის ნაწარმი. ჩანს, რომ ქვის ინდუსტრია იქ საბოლოოდ შეაჩერა ბრინჯაოს მძლავრმა მეტალურგიამ.

ლითონის ნივთებიდან ყველაზე მეტად დამახასიათებელია ბრინჯაოს სატევრები, შუბის წვერები (ტაბ. XI, 4, 5), ცულები (ტაბ. XI, 13), სხვადასხვანაირი საკიდები (ტაბ. XII, 1, 9), ქინძისთავეები (ტაბ. XII, 2, 4, 7), სამაჯურები, სასაფეთქლეები; ვერცხლის გულსაბნევეები და სასაფეთქლეები. ბევრია წმინდა ანტიმონის ორ-სამკობიანი მძივები, ასეულობით — ცისფერი პასტის იოტები; შედარებით ცოტაა სარდიონისა და გიშრის მძივები.

სატევრის პირები პატარა ზომისაა და მათი უმეტესობა გამოირჩევა მეტად არქაული იერით. ისინი ფოთლისებური მოყვანილობისაა და თანაც უქედო ან ოდნავ შესამჩნევად შესქელებული შუაში. ამათ გვერდით ვხვდებით ქელიან, მაგრამ აგრეთვე არქაულ, სატევრებსაც.

შუბის წვერთაგან, გარდა ერთისა, ყველა მასრაგახსნილია (ტაბ. XI, 4, 5). ზოგი მათგანი, განსაკუთრებით კალიანი ბრინჯაოსაგან ნაკეთები (ტაბ. XI, 4), ძლიერ მოხდენილი პროპორციებით ზაზიათდება და მშვენიერი მოყვანილობისაა, სხვები კი საკმაოდ უხეში და თანაც მრისხანე იარაღის შთაბეჭდილებას ტოვებენ.

ცულები ეკუთვნის ყუადაშვებულ-ყუამილიანთა ტიპს. სატარე ნახვრეტი ყველას მრგვალი აქვს. გვხვდება მოკლემილიანი, წვრილი, მაღალტანიანი და ფართოპირიანი ცულები, რომლებიც აერთიანებენ სამუშაო და საომარი იარა-

ღის ნიშნებს. ასეთივე ნიშნებით ხასიათდება შედარებით მომცრო, ბრტყელ-ტანიანი ცულები და ზოგი მათი სახესხვაობა. განსაკუთრებულ ყურადღებას იპყრობს საქართველოს ტერიტორიაზე მანამდე უცნობი ქვეტიპი ყუამილიანი ცულებისა, რომლებიც გამოირჩევიან მეტად მოხდენილი, მაგრამ შრომისა და ბრძოლის იარაღისათვის სრულიად შეუფერებელი იერით. ესენია დამატებითი ყუამილით აღჭურვილი, ორმხრივ მოხრილტანიანი და გორდაპირიანი ცულები, რომლებსაც ამკობს ტენილი ხაზის შემქმნელი სამკუთხედების ქსელი, წრეხაზები და, ამას გარდა, ზოგჯერ ვერძის თავის ქანდაკებები (ტაბ. XI, 13). ამ იარაღის მოყვანილობა და შემკულობა, ისევე როგორც ვიწრო სატარე, მიუთითებს მის საკულტო-საპარადო დანიშნულებაზე. ამავე მიზნისათვის უნდა ყოფილიყო განკუთვნილი ყუამესქელებული ცელისებური, თანაც ფიგურულად პირამოკვეთილი იარაღი (ტაბ. XI, 10).

მონაპოვარი მასალა მოწმობს, რომ ცულისა და ცხვრის კულტი ამ დროის მოსახლეობაში ფრიად გავრცელებული იყო. ასე მაგალითად, სამკაულებისა თუ საკულტო საგნების უმეტესობას ერთპირიანი ან ორპირიანი ცულის მოყვანილობა აქვს და ხშირად შემკობილია ვერძის თავის ქანდაკებებით (ტაბ. XII, 1, 9). ზოგი მათგანი წარმოადგენს გამოსახულებას ფანტასტიკური, ნარევი არსებისა, რომელიც აღჭურვილია ვერძის თავით, ცულისებური ფრთებით, სავარცხლისებური ბოლოთი და შხის სიმბოლოებით (ტაბ. XII, 1). უამრავია აგრეთვე ცალკე დამზადებული ვერძის თავის ქანდაკებანი, ზოგჯერ მეტად გაზვიადებული, 3—4 ხეულიანი რქებით.

სამკაულიდან და ტანსაცმელთან დაკავშირებული ნივთებიდან მოვიხსენიებთ მარტივ, სამკუთხა და რკალურგანივკვეთიან სამაჯურებს, ოვალური და მრგვალი მოყვანილობის სასაფეთქლე საკიდებს, დისკოსებურ, ქოლგისებურ და პირამიდისებურთავიან ქინძისთავებს (ტაბ. XII, 2, 4, 7), გვერდებზაათილ გიშრის მძივებს, კარგად დამუშავებულ სარდინის მძივებსა და ტანსაცმლის მოსაოქად განკუთვნილ პასტის იოტებს.

ხაზი უნდა გავუსვათ იმ გარემოებას, რომ თითო სამარხში აღმოჩენილ ლითონის ნივთთა რაოდენობა ზოგჯერ რამდენიმე ათეულს აღემატება. ასე მაგალითად, მე-12 სამარხში აღმოჩენილია 7 ცული, 14 შუბის წვერი, 8 სატევაი, 12 სამაჯური, 26 ქინძისთავი, 12 საკიდი და ხხვ. ეს სამარხი გამოწაყლის არ წარმოადგენს. ამასთან შენიშნულია, რომ სამარხებში, რომლებშიც საპარადო იარაღი არაა, ინვენტარი შედარებით ღარიბულია. ამ ფაქტების გათვალისწინების შედეგად შეიძლება გაკეთდეს არსებითი ხასიათის ზოგი დასკვნა. უპირველეს ყოვლისა, უნდა ითქვას, რომ წინა საფეხურთან შედარებით არაჩვეულებრივად გაზრდილა ლითონის პროდუქციის როლი მოსახლეობის ყოფაცხოვრებაში, რაც მეტალურგიის სწრაფი გაფურჩქნისა და აყვავების შედეგი იყო. მეურნეობის ეს დარგი, მესაქონლეობასთან ერთად, წარმოადგენდა მთის მოსახლეობის საარსებო საშუალებათა მარაგის ზრდის ძირითად წყაროს. ნატიფად გამოყვანილი ცულები, სამკაულები და ზოგიერთი შუბის წვერი მიუთითებს ხელოსნობის საკმაოდ მაღალ დონეზე და ჩამოსხმის საქმეში დახელოვნებული მადნის მთხრელებისა და დამწურავების პროფესიის არსებობაზე. ლითონის დამუშავება დიდად გასცდა ნივთების ცივად ჰელდის საფეხურს,

აყვავდა ცვილის მოდელის მიხედვით ჩამოსხმის ტექნიკა, მეტალურგიის ნაწარ-
ში გადაიქცა საექსპორტო საგნად. შესაძლოა, რომ ამ საქმეს სათავეში ედგა
გვარის მეთაური. იგივე განაგებდა საქონლის მოშენების საქმესაც. ამგვარად,
მის ზელში იყრიდა თავს უმნიშვნელოვანესი დოვლათის მოვლისა და განაწი-
ლების სადავეები და იქმნებოდა პირობები გვარის რიგითი წევრებიდან მისი
ქონებრივი გათიშვისათვის. საფიქრებელია, რომ გვარის მეთაური ამავე დროს
იყო უმაღლესი ქურუმიც; მისი აღჭურვილობა გამოირჩეოდა საგანგებო შემ-
კულობითა და სიმბოლოებით. სწორედ ამ ქურუმ-წინამძღოლებს უნდა ეკუთვნ-
ნოდეთ მდიდრული სამარხები, რომლებშიც გარკვეული ადგილი უკავია სხვა
მხარეებიდან შემოტანილ სამკაულებსაც (სარდიონი, პასტა).

ლითონის ინვენტარის მიხედვითვე შეიძლება ვამტკიცოთ საქონელში ცხვრის
უპირატესი როლი. რიონის სათავეების ვრცელი ალბიური საძოვრები ქმნიდა
მეცხვარეობის განვითარების შესანიშნავ პირობებს. ზაფხულში იქ შეიძლებო-
და ცხვრის მრავალრიცხოვანი ფარის გამოკვება, რომელსაც გამოსაზამთრებ-
ლად კასპიის ტრამალებისაკენ ერეკებოდნენ. მეცხვარეებს გზად უნდა გა-
ეკლოთ ჩრდილო კავკასიის ვიწრო ზეობები, რომელთა მოსახლეობასთან სამ-
შეიღობო კავშირი აუცილებელი პირობა იყო რეგულარული მგზავრობის წარ-
მატებისათვის. თითქმის უეჭველია, რომ სწორედ ამგვარი ურთიერთობის შე-
დეგი უნდა იყოს ბრილური კულტურის ახლო მსგავსება ჩრდილო კავკასიის,
განსაკუთრებით დიგორის, კულტურასთან. საეარაუღოა ორივე მხარის მოსახ-
ლეობის ტომობრივი მონათესაობაც. ამ მოსაზრებას მხარს უჭერს დიგორული
დილაქტის საენათმეცნიერო გამოკვლევები, რომელთა მიხედვითაც დიგორის
ძველი, ოსურის წინა მკვიდრნი მიეკუთვნებიან იბერულ-კავკასიური მოდემის
ხალხებს.

დასავლურ-ქართული კულტურის გავრცელების რაიონები. გზადაგზა უკ-
ვე მოვისხენიეთ შუაბრინჯაოს ხანის დასავლურ-ქართული ძეგლები სხვადასხ-
ვა რაიონებიდან. ახლა საჭიროა უფრო კარგად გავიცნოთ ისინი.

წინასწარ უნდა აღინიშნოს, რომ ამ კულტურის ძეგლების უმეტესი ნაწი-
ლი საქართველოში ჯერ კიდევ არ გამხდარა საგანგებო შესწავლის საგნად.
გამონაკლისია ორიოდ სამაროვანი, ისიც არა დასავლეთ საქართველოში,
არამედ შიდა ქართლში. რაც შეეხება აფხაზეთის ზღვის სანაპიროსა და საჩხე-
რის რაიონს, იქაური შუაბრინჯაოს ხანის ძეგლები საკმაო დამაჯერებლობით
არაა გამოცალკევებული უფრო ადრინდელთაგან. ეს გარემოება ართულებს
მათ სისტემურ გააზრებას. ამიტომ იძულებული ვართ ამ შემთხვევაში დავკმა-
ყოფილდეთ ნაწყვეტ-ნაწყვეტი ცნობებით.

შავი ზღვის კავკასიის სანაპიროზე უკვე აღვებრინჯაოს ხანაში წარმოიშვა
ქვის სამარხების განსაკუთრებული ტიპი — დოლმენები. ისინი ცნობილია სხვა
ქვეყნებშიც. მათი წარმომავლობის შესახებ მეცნიერებაში ჯერ კიდევ აზრთა
სხვადასხვაობაა. შესაძლოა, რომ დოლმენები დამოუკიდებლად გაჩნდა სხვადა-
სხვა მხარეში. კავკასიის დოლმენებიდან მეტად დიდი ზომით გამოირჩევა აფხა-
ზეთის (ეშერი, კიურდერე და სხვ.) დოლმენები. დოლმენის კედლად ჩაღმული
ან ხუფად გამოყენებული თითო ქვის წონა ზოგჯერ 22000 კგ აღემატება. ეს

მოწმობს, რომ მათი მშენებლები ემყარებოდნენ არა მარტო კოლექტიურ შრომას, არამედ იყენებდნენ მექანიკურ ძალასაც პრიმიტიული ამწეების სახით.

ამ უზარმაზარ ნაგებობებში მიცვალებულები უმარხავთ შუაბრინჯაოს ხანაშიც და უფრო გვიანაც. ჩონჩხების ცული დაკულობის გამო ნათლად არაა დადგენილი დაკრძალვის წესის უმნიშვნელოვანესი ელემენტები. ჯეროვანი სიზუსტით არაა გამოჩენილი შუა ბრინჯაოს ხანის ინვენტარი აღრებრინჯაოს ხანის საგნებისაგან. ლაბორატორიული კვლევის შედეგები მოწმობს, რომ დოლმენების პერიოდის საგნები დარიშხნიანი შენადნობისაგან უკეთებით. იარაღ-საქურველი მთელ რიგ შემთხვევებში იმეორებს ბრილურ ფორმებს. ასეთია ფოთლისებური სატევრის პირები და ზოგი ყუამილიანი ცული. ამ უკანასკნელთა შორის სკარობს საჩხერული ვარიანტები. ბრილურ საგნებთან ახლო ღვას აგრეთვე ცხვრის თავებით შემკობილი მასრა, რომელიც ცულის დამატებით ყუამილს უნდა წარმოადგენდეს, მკერდგახერვტილი, „რქებიანი“ ჩიტების ქანდაკებანი, სასაფეთქლეები და ყუამილიანი ცულის მინიატურული მოდელები. დოლმენთა ინვენტარის ეს ორი უკანასკნელი სახე, ბრილური ანალოგიების მიხედვით, განეკუთვნება შუაბრინჯაოს ხანის დასასრულს. იმავე პერიოდსა ჩანს ცხელი ხორცის ამოსაღები ზოგიერთი ჩანგალი, ბრინჯაოს მძივები და თავდაფანჯრული ქინძისთავეები. ისინი წარმოადგენენ დოლმენების კომპლექსთა განმასხვავებელ საგნებს.

უნდა ითქვას, რომ ეშერ-კიურდერეს დოლმენებში საკმაოდ მძლავრადაა წარმოდგენილი ლითონის ინვენტარი. ფიქრობენ, რომ ეს ძეგლები ეკუთვნის ლითონით მოვარე ზღვისპირა მოსახლეობას. დოლმენებში გვხვდება თიხის კურტელიც, მაგრამ მათი ასაკის დაუზუსტებლობის გამო აქ არ განვიხილავთ. ..

აფხაზეთის მხარე ერთადერთი არაა ზღვის სანაპიროზე, რომელმაც შუაბრინჯაოს ხანის ძეგლები გაგვაცნო. ზღვის სანაპირო ზოლში ამ კულტურის ძეგლები ცნობილია მახარაძის რაიონში. იქ, სოფ. ურეკთან აღმოჩენილია ბრინჯაოს განძი, რომელშიც მნიშვნელოვანი ადგილი უკავია ყუამილიანი ცულების მოგვიანო ვარიანტს. ის ჩაფლული უნდა იყოს ძვ. წ. II ათასწლეულის ბოლო საუკუნეებში. საგანგებოდ დაფლული განძები ჩვეულებრივ მოვლენას წარმოადგენს გვიანბრინჯაოს ხანისათვის, მაგრამ შუაბრინჯაოს დასავლურ-ქართული კულტურის წიაღში ეს ერთადერთია და უნდა გვაუწყებდეს ლითონის ნივთების მოსახვეჭად მწვავე ბრძოლების პერიოდის დადგომას.

ასეთივე ცულები და მათი სახესხვაობანი ცნობილია ლეჩხუმიდან, სვანეთიდან, ლიახვის ხეობიდან და სხვ.

დასავლურ-ქართული კულტურის ძეგლები, როგორც უკვე აღვნიშნეთ, გავრცელებულია შიდა ქართლის ჩრდილო ნაწილშიც. აქ შესწავლილია ორი—ნულისა და ქვასათლის — სამაროვანი. სამარხები წარმოადგენს ქვით ამოშენებულ და თავის დროზე ალბათ ხის ძელებით გადახურულ ორმოებს. თითო სამარხში რამდენიმე მიცვალებულის ჩონჩხია, მათ შორის ბავშვებისაც. როგორც ჩანს, საგვარეულო სასაფლაოს თითო სამარხში იმარხებოდნენ ერთი ოჯახის წევრები. დამხრობა იქაც ნებისმიერი ყოფილა. ჩონჩხებიც ხელფეხ-მოკეცილ მდგომარეობაში ძვეს.

სამარხეული ინვენტარი მოწმობს ლითონის ფართო მოხმარებას. გვხვდება დარიშხნიანი ბრინჯაოს ფოთლისებური სატყვერის პირები (ტაბ. XI, 6, 14), შუბის წვერები, ყუამილიანი ცული (ერთი შემთხვევა, ტაბ. XI, 9), სხვადასხვანაირი ქინძისთავეები (ტაბ. XII, 2, 3, 4, 7), ლითონის თხელი ფურცლისაგან გამოჭრილი, თანაც ბოლოებგაფართოებული სასაფეთქლეები, ჩვეულებრივი ტიპის სასაფეთქლეები, ვერცხლის გულსაბნევეები და სხვ.

სხვა საგნებიდან აღსანიშნავია ქვის ლახტის თავეები, ობსიდიანის ისრის წვერები (ტაბ. XI, 8), სარდიონის, პასტისა და გიშრის მძივები, აგრეთვე სხვადასხვაგვარი ნიჟარები.

ინვენტარის არსებით ნაწილს წარმოადგენს კერამიკა. ზოგიერთ სამარხში ჭურჭლის რიცხვი ერთ ათეულს სჭარბობს. იგი უმორგეოდაა ნაძერწი და გამოშვარია უმთავრესად შავად, ზოგჯერ კი მოწითალო-მორუხოდაც (ტაბ. X, 7). ეს უქანასკნელი წარმოდგენილია მცირე ზომის სამზარეულო ქოთნებისა და წელში გამოყვანილი სასმისების სახით მაშინ, როცა შავად გამოშვარია პირგადაკეთილი ჯამები, ბადიები, მოზრდილი ქოთნები და ქილები. ზოგი მათგანი თითქმის ზუსტად ემთხვევა საქართველოს ეთნოგრაფიულ ყოფაში, განსაკუთრებით მთაში შემორჩენილი ხის ჭურჭლის ფორმებს. კერამიკის მნიშვნელოვანი ნაწილი შემოკობილია სავარცხლის კბილის ორნამენტით (ტაბ. XII, 11), ამოკაწრული და რელიეფური ზოლებით (ტაბ. XII, 12).

ნულისა და ქვასათალის მონაპოვარი მთელ რიგ შემთხვევებში უკავშირდება დასავლურ-ქართულ კულტურას, მაგრამ ამასთან, როგორც იტყვიან, ცალი ფეხით დგას აღმოსავლურ-ქართული კულტურის სამყაროში. იგი გვევლინება ამ ორი კულტურის დამაკავშირებელ რგოლად, რის შესახებაც უფრო დაწვრილებით გვექნება საუბარი.

დასავლურ-ქართული კულტურის წრეში გასაერთიანებელი ძეგლები, როგორც უკვე ითქვა, გვხვდება კავკასიის ქედის ჩრდილო კალთაზეც. მათგან ჩვენთვის განსაკუთრებული მნიშვნელობა აქვს დიგორისა და ოსეთის ზოგი სხვა რაიონის მონაპოვარს. ამ მასალის არსებითი ნაწილი ამოთხრილია შემთხვევითი პირების მიერ, რის გამო დიდხანს ვერ მოენახა კუთვნილი ადგილი კავკასიის კულტურის განვითარების ქრონოლოგიურ შკალაზე. მაგრამ შემდეგ, ახალი აღმოჩენების წყალობით შესაძლებელი გახდა მისი მართებული გააზრება. ამ საქმეში გარკვეული როლი შეასრულა ბრილის არქეოლოგიურმა კომპლექსებმა.

მართლაც, ჩრდილო კავკასიურ მონაპოვარში შედის ბრინჯაოს საგნები, რომლებიც ზედმიწევნით ჰგავს ბრილურებს, სახელობრ, ყუამილიანი ცულების ყველა ვარიანტი, შუბის წვერები, სატყვერის პირები, ცულის მინიატურული მოდელები, ვერძის თავის ქანდაკებანი, შტანდარტები და სხვ. იქვე გამოირჩევა სამკაულები, რომლებიც დამახასიათებელია დასავლეთ საქართველოს სხვა რაიონებისათვის, მაგალითად, ბრინჯაოს თხელი ფურცლის სასაფეთქლეები (ნული-ქვასათალის ტიპისა), თავდაფანჯრული ქინძისთავეები (ცნობილია სენანთიდანაც, ტაბ. XII, 5) და ბევრი სხვა. არის სრულიად თავისებური საგნებიც. არქეოლოგიური მასალა მოწმობს, რომ იმიერ და ამიერკავკასიის კულტურებს შორის კავშირი დამყარდა ჯერ კიდევ ისტორიული განვითარების

წინა პერიოდში, ხოლო გვიანბრინჯაოს ხანაში ეს კავშირი ავიდა ახალ, მაღალ საფეხურზე. ამიერკავკასიის კულტურის ნაკადები ჩრდილო კავკასიის გზით აღწევდა უფრო შორს, ჩრდილოეთითაც; ამას უეჭველი სიცხადით ამტკიცებს აღმოჩენები კატაკომბების, ფატანოვოს და სხვა კულტურების გავრცელების რაიონებში, რომლებშიც გარდა საკუთრივ ამიერკავკასიური ნივთებისა პოულობენ ამიერკავკასიის გზით შეტანილ წინააზიურ თუ მათი მიბაძვით ნაკეთებ ადგილობრივ საგნებს.

წინააზიური კულტურის ნაკადები მძლავრად მოჩანს საკუთრივ დასავლურ-ქართულ ბრინჯაოს კულტურაშიც. საკმარისია აღინიშნოს, რომ აქაური არქეოლოგიური კომპლექსების ძირითადი ელემენტი — ყუამილიანი ცული თავისი ფესვებით უკავშირდება შუმერის კულტურის წიაღში ჯერ კიდევ ძვ. წ. IV—III ათასწლეულთა მიჯნაზე წარმოშობილ ცულებს, მათ ერთ არსებათ-ნიშანთაგანს — ირიბად ჩამოკვეთილ ყუამილს—ვხვდებით საჩხერის ტიპის ადრეული ბრინჯაოს ხანის ცულებზე (ტაბ. IX, 4, 6), ხოლო შუმერული ცულების მონათესავე ლურისტანულ ცულებს შემკობით და საერთო მოყვანილობით ენათესავენ ბრილური ცულები. ამ უკანასკნელთა გავლენა გადასწვდა არამარტო კავკასიის ქედის ჩრდილო კალთების ლითონის პროდუქციას, არამედ აგრეთვე უფრო შორეულ მხარეებსაც, რაზედაც უეჭველი სიცხადით მიუთითებს ბოროდინოს (ბესარაბიის) განძის გორდაპირიანი ქვის ცულები, თითქმის ზუსტი განმეორება ბრილური ბრინჯაოს ფორმებისა. შუმერული ოქროს სასაფეთქლეების ფორმა უცვლელადაა აგრეთვე განსახიერებული ნულის, ქვასათალის, დონიფარსისა (ჩრდ. კავკასია) და ხოროჩოის (დაღესტანი) ბრინჯაოს სამკაულებში. წინააზიური კულტურის კიდევ უფრო მეტი ელემენტია დამოწმებული შუაბრინჯაოს ხანის აღმოსავლურ-ქართულ ძეგლებში, რომელთა დახასიათებაზეც ახლა გადავდივართ.

სამთავროს სამარხი № 243. შუაბრინჯაოს ხანის აღმოსავლურ-ქართული კულტურის ცალკეული ძეგლები გამოვლინებულია მცხეთაში და მის მეზობლად სოფ. ნარეკვაეში, მაგრამ ამ კულტურის განვითარების საერთო სახე გაცილებით უფრო სრულად მოჩანს თრიალეთის არქეოლოგიური ექსპედიციის აღმოჩენების მიხედვით. მცხეთაში (სამთავროს სამაროვანზე) გათხრილ ამდროის ძეგლებს შორის ყველაზე მეტყველია ყორღანული ტიპის სამარხი № 243, რომელშიც აღამიანის ჩონჩხი თუმცა არ აღმოჩენილა, მაგრამ იყო: ცხოველთა ძვლები, თიხის ჭურჭელი, ბრინჯაოს იარაღები და გიშრისა და სარდიონის მძივები. ამ მონაპოვრიდან თიხის ერთი ქილა წააგავს ქვასათალისა; (ტაბ. X, 7) და თრიალეთის ზოგიერთ ჭურჭელს, ხოლო გიშრის მძივები იმეორებს ნულიდან, ქვასათალიდან და ბრილიდან ცნობილ მძივებს. ამავე ადგილებში გავრცელებულ არქაული იერის იარაღს უახლოვდება ბრინჯაოს მოკლე სატყეარი თუ ორფხიანი დანა (შეად. ტაბ. XI, 6). სამარხში აღმოჩენილია კავკასიისათვის მეტად იშვიათი იარაღი — გრძელი, საძვკრებელი მახვილი: მისი ორი ანალოგი ცნობილია ისტორიული ლორეს თემიდან (ძორაქსის ახლო) და ალავერდის რაიონიდან. ეს ტიპი მომდინარეობს ეგეოსის კულტურისა წრიდან, რომელშიც ის იყო გავრცელებული სწორედ შუაბრინჯაოს ხანაში.

დაკრძალვის წესებთან დაკავშირებული საკითხების განხილვისას საჭიროა ყურადღება მიექცეს იმ გარემოებას, რომ სამთავროს სამარხში არ აღმოჩენილა მიცვალებულის ჩონჩხის არაერთი ნაშთი. ამგვარ სამარხებს კენოტაფებს უწოდებენ. მსგავს მოვლენებს ეხვდებით თრიალეთის კულტურის ძეგლებშიც. თრიალეთურ კულტურაშიცაა საძებნელი ნარეკვაეში შემთხვევით აღმოჩენილი მონატული კერამიკის საწყისები.

ყორღანული კულტურა თრიალეთში. თრიალეთის არქეოლოგიური გათხრის წყალობით გამოვლინდა საქართველოსა და ამიერკავკასიაში მანამდე სრულიად უცნობი სურათი შუაბრინჯაოს ხანის აყვავებული კულტურისა. იქ გაითხარა 50-მდე ყორღანული სამარხი, რომელთა უმრავლესობა სწორედ შუაბრინჯაოს ასაკისაა. ბევრი მათგანი აღრევე გაუძარცვავთ, მაგრამ ხელუხლებლად მოღწეულ რამდენიმე სამარხში აღმოჩენილი საგნები და იქ დამოწმებული დაკრძალვის წესიც კი საკმაო სამსახურს გვიწევს თავისი დროის საზოგადოების კულტურული სახის შეცნობაში.

მიცვალებულების დასაკრძალვად იქ ამოყვანილია ყორღანები, რომლებიც საქართველოში გვხვდება ჯერ კიდევ ენეოლითიდან (ტყვიავი, სამგორი) და ადრებრინჯაოს ხანიდან მოკიდებული (საჩხერე, საკუთრივ თრიალეთი). იქაური ყორღანები წარმოადგენს სუფთა ქვაყრილს, მიწის ზეინს ან კიდევ ქვისა და მიწის ნარევისაგან გაკეთებულ მეტ-ნაკლები ზომის ბორცვებს. მათი მოყვანილობა მოგვაგონებს დაბალ, უწესო ნახევარსფეროს ან კონუსს, რომლის შუა ნაწილი ზოგჯერ ორმოსებურადაა ჩავარდნილ-ჩაწეული. ეს უკანასკნელი ნიშანი გვამცნობს ყორღანის გაძარცვულობას ან კიდევ ყრილქვეშ მოთავსებულ ღრმა ორმოსამარხის არსებობას. ორმოსამარხებს სიღრმე-სიფართო მეტწილად დამოკიდებულია ადგილობრივი ქანების სიმკვრივეზე. კლდოვან ნიადაგში მომცრო ორმოები უთხრიათ, ხოლო მდინარე ქცის ნაპირებზე, სადაც დაღეჭილია დელუვიონის სქელი ფენები, ამოკვეთილია მეტად დიდი, აღმოსავლეთიდან დასავლეთისაკენ დამხრობილი, სწორკუთხედი მოყვანილობის სამარხები, რომელთა სიღრმე ზოგჯერ აღწევს 8 მეტრს, სიგრიძე-სიგანე კი — 5-3,5 მ. ორმოს ძირს დედამიწის ზედაპირთან ზოგჯერ აერთებს დამრეცი თხრილი ანუ დროშისი. ესაა საგანგებო გზა, რომლითაც მიცვალებულის ნეშტი და სამარხეული ინვენტარი უნდა ჩაეტანათ მიწა. ამასთან ერთად არის უორმოდ ყორღანებიც. ასეთ შემთხვევაში მიცვალებულები დაუკრძალავთ დედამიწის ზედაპირზე და მათ ზემოთ ამოუყვანიათ ყორღანი. უორმოდ ყორღანებს შორის ზოგიერთი გამოირჩევა მეტად თავისებური, სახლს მსგავსი სამარხებით. ამგვარი სამარხის სამი კედელი აუგიათ დაუმუშავებელი ქვებით ან, შეიძლება, თავის დროზე ხით იყო გამართული, მეოთხე მხარე კი ღიაა. ეს ნაგებობანი ახლა წარმოადგენენ მიცვალებულისათვის განკუთვნილ ვრცელ, ცალი მხრიდან გახსნილ დარბაზებს. ფიქრობენ, რომ ისინი გადახურული იყო ხის მასალით, რომლის ნაშთს ჩვენს დრომდე არ მოუღწევია. თითოეული სამარხ-დარბაზის ფართობი ზოგჯერ 175 კვადრატულ მეტრს აღწევს. მთელი ნაგებობა ზემოდანაც და გვერდებიდანაც დაფარული იყო ქვაყრილით, რომლის სიმაღლე ცალკეულ შემთხვევებში 5 მ აღწევდა, ხოლო დიამეტრი — 50-60 მ.

ისეთი გრანდიოზული ძეგლების მშენებლობა, როგორც თრიალეთის ყორღანებია, მოითხოვდა უღარესად დიდ შრომას. ის იხარჯებოდა ქვის მოტეხაზე, მიწის თხრაზე, მიტანასა და დაზვინვაზე. ასეთი სამუშაოს შესრულება შეეძლო მხოლოდ მრავალრიცხოვან, თანაც ეკონომიურად მძლავრ ტომსა და გვარს. შესაძლოა, რომ ამგვარ სამუშაოზე, რომელიც მატერიალურ დოვლათს არ ქმნიდა, იყენებდნენ არათავისუფალ პირებსაც. მათი არსებობა პატრიარქატული მონებთა სახით სავარაუდებელია კულტურის ისეთ წილში, როგორიც თრიალეთის არქეოლოგიურმა გათხრამ წარმოაჩინა. ამ ფრიად დაწინაურებულ მწიბრობაში მესაქონლე და მელითონე საზოგადოებაში პატრიარქატული მონობის წყარო შეიძლება ყოფილიყო სატომთაშორისო კონფლიქტები და შეხლა-შემოხლა. გათხრილ ძეგლებზე დაკვირვება მოწმობს, რომ თრიალეთის კულტურის მატარებელნი ნებისმიერად არ ეპყრობოდნენ მონათა სიცოცხლეს: იქ არ დამოწმებულა ბელადებისათვის „საიქიო მსახურების“ თან გატანების არც ერთი ფაქტი. რასაც ადგილი ჰქონდა შესოპოტამიისა და წინააზიის სხვა მონათმფლობელურ სახელმწიფოებში ჯერ კიდევ ძვ. წ. III ათასწლეულიდან მოკიდებული.

თრიალეთის დიდ ყორღანებში საერთოდაც არ აღმოჩენილა მიცვალებულთა ჩონჩხის ნაშთები. გამონაკლისს წარმოადგენს მხოლოდ ერთი პატარა ყორღანი, რომელშიც პირველ დამხობილი და თანაც კიდურებმოსხრილი ჩონჩხი იყო. შეიძლებოდა გვეფიქრა, რომ ადამიანის ძელებმა ვერ გაუძლო საუკუნეებს და უკვალოდ დამიწდა, მაგრამ ამ ვარაუდს საფუძველს აცლის იმავე ყორღანებში ხშირად კარგად დაცული ცხოველთა ძელების აღმოჩენის მრავალი ფაქტი. ამიტომ უფრო მართებულია ვივარაუდოთ, რომ მიცვალებულს ყორღანის გარეთ წვავდნენ და მხოლოდ მის ფერფლს ფლავდნენ სამარხში. ფერფლის დამარხვას თან სდევდა მტკიცედ დადგენილი წესების შესრულება, რომელთა გარკვეული ნაწილის გააცოცხლება ხერხდება როგორც ყორღანებში აღმოჩენილი მონაპოვრის, ისე ხეთური წერილობითი წყაროების მიხედვით. სამარხი დარბაზისა თუ ორმოს იატაკზე ფენდნენ კილობებს. ხის მძიმე ეტლით, რომელშიც ხარები იყვნენ შებმული, სამარხში შეჰქონდათ მიცვალებულისათვის გამოყოფილი ფანეულობა, მათ შორის სასმელ-საქმელიც. ალბათ იმავე ეტლზე იდგა ფერფლით სავსე კურკელიც. ეტლსაც და სხვა ავლადიდებასაც სამარხში ტოვებდნენ. ეტლში შებმულ ხარებს ზოცავდნენ და ისე ატყავებდნენ, რომ ტყავს თან გააყოლოდა თავი, კიდურთა ქვედა ნაწილები და კული. ხორცი ქვლებზე იხარჯებოდა, ტყავები და მათი მიმყოლი ძელოვანი ნაწილები კი სამარხში რჩებოდა, ვითარცა ზიმბოლო ცოცხალი ხარებისა, რომელთაც დანიშნულ ადგილას, ჰელთა სამყაროში უნდა მიეყვანათ მიცვალებული. ტყავების ოდინდელი მდებარეობის ადგილას გათხრის დროს ჩნდება ხარის კანკები, თავისქალები და კულის მალეები. შესაძლოა, რომ უფრო ადრე ურემში შებმულ ხარებს დახოცვის შემდეგ მთლიანად ტოვებდნენ სამარხში, დროთა განმავლობაში კი ეს წესი შეიცვალა და ზიმბოლოური ხასიათი მიიღო. თრიალეთის მალეობზე, ადგილ საბითახჩაში ყორღანულ ორმოში შექმნილი თავისებური პირობების წყალობით ჩვენს დრომდე შეინახა ხის დიდი, ოთხთვლიანი ურმები. უფრო მომცრო ურმები იყო სევანის ტბის დონის დაწვევის გამო გამოჩენილ



ყორღანებში, რომლებიც თრიალეთის კულტურის მოგვიანო საფეხურს ეკუთვნის. ამას გარდა, თრიალეთის ზოგ სხვა ყორღანში შენიშნულია ურმის თვლების ნაღვამები (ჩალრმავებანი).

მიცვალებულისათვის გასაჩანებლად განკუთვნილი იყო უამრავი დოვლათი. გათხრის დროს აღმოჩენილი ხარის, ღორისა და წვრილფეხა რქოსანის ძვლები, ზოგჯერ კი მთელი ჩონჩხები, მიუთითებს, რომ „საიქიო საგზალში“ შედიოდა ხორცი. თიხის ვეებერთელა ქიოთნები და ქილები (ტაბ. X, 10, 11) საესე უნდა ყოფილიყო პურეულის მარაგით, სითხითა და სხვა სურსათ-სანოვავით. თიხისა და კეთილშობილი ლითონების მცირე ზომის ქურჭელი (ტაბ. X, 2, 4, 8) განკუთვნილი იყო ყოველდღიურ სახმარად. მიცვალებულს „იმ ქვეყნადაც“ უნდა ეტარებინა სამკაული (ტაბ. X, 1, 3, 5) და იარაღი (ტაბ. XI, 1, 3). აღმოჩენილია აგრეთვე დაკრძალვის ცერემონიალთან დაკავშირებული ზოგიერთი ძვირფასი ნივთიც სხვადასხვანაირი შტანდარტების სახით (ტაბ. X, 6). სამარხებში იქნებოდა ხის ნაქეთობანიც, რომლებიც თითქმის მთლად უკვალოდ გამჭრალა.

დაახლოებით ამგვარად წარმოგვიდგება დაკრძალვის წესის სურათი მატერიალური კულტურის ნაშთების მიხედვით. ბევრი რამ იმ დროს გაბატონებული წესებიდან ალბათ შეუცნობელი დაგვრჩება რომელიმე ბენდიერ აღმოჩენამდე. ჩვენ არავიცითრა გლოვსა და მწუხარების გამოხატვის კონკრეტულ მხარეებზე, რომლებიც თან სდევდა სახელმწიფოებრივ ბელადებთან განშორებას, არც ის ვიცით, თუ როგორ მონაწილეობდა გვარის მეთაურის დაკრძალვაში ამ გვარში შემავალი ახლო და შედარებით შორეული ნათესაობა. უეჭველია მხოლოდ ის, რომ სულელების სამყარო მოსახლეობას მიაჩნდა ამქვეყნიური ცხოვრების გაგრძელებად და კიდევაც ცდილობდა ამქვეყნიური სიმდიდრე და ფუფუნება ამ მოკლებოდა საყვარელ მეთაურს სიკვდილის შემდეგაც. რომ მეთაურები დიდი პატივით ყოფილან მოსაილი, ამაზე მიუთითებს ყორღანებში აღმოჩენილი საგნების რიცხვი და ხარისხი. იგივე მოწმობს მისი შემქმნელი და მომხმარებელი საზოგადოების თავისი დროის კვალობაზე მაღალ კულტურას.

თრიალეთის გვაროვნული საზოგადოების ზედა, არისტოკრატიული ნაწილის მდგომარეობასა და ქონებრივ სიმდიდრეზე რომ ნათელი წარმოდგენა ვიქონიოთ, საჭიროა ახლო გავიცნოთ ჯერ რამდენიმე ყორღანის ინვენტარი ცალ-ცალკე, ხოლო შემდეგ ერთობლივ მთელი მონაპოვარი. მაგალითისათვის საკმაო იქნება ავილოთ უორმოო ყორღანი № 43 და ორმოიანი ყორღანები № № 15 და 17.

ყორღანი № 43, ისევე როგორც მის გვერდით მდებარე ყორღანი № 36, გამოირჩევა ვეებერთელა სამარხი დარბაზით, რომლის კედლების სიმაღლე 4 მ-მდე აღწევს, ხოლო იატაკის ფართობი—175 კვ. მ. ამ დარბაზის შუა ადგილას, სადაც უნდა მდგარიყო მიცვალებულის ფერფლის შემცველი რომელიღაც ქურჭელი, თავმოყრილი იყო ობსიდიანის, ვერცხლისა და ოქროს მშვენიერი ნივთები. იქ აღმოჩნდა ობსიდიანის სწორკუთხედი და ნახევაროვალისებური ფირფიტები; იმავე მასალის ისრის წვერები, ჰრულიად ისეთივე, როგორსაც ჩვენ უკვე ვიცნობთ ნულისა და ქვასათლის სამარხებიდან (ტაბ. XI, 8); კაპარქის ჩამოსაკიდებელი ვერცხლის ყური; შემთხვევით შემონახული ნა-

ტეხები ხის კოლოფისა და მისი ოქროს გარსაკრავებისა, რომლებსაც ამკობს-
ლამაზად ამოტიფრული სახეები; დაკრძალვის ცერემონიალოთან დაკავშირე-
ბული ოქროს შტანდარტის ნაწილები, სახელდობრ, ცალთავდახშული, ამო-
ტიფრული კონცენტრული წრეებითა და წერტილებს ორნამენტით დამშვე-
ნებული წყვილი ცილინდრი და ზონრის გასაყრელი მილაკები; ოქროს მძივე-
ბი; ოქროს ნაირ-ნაირი ფირფიტების ნატეხები და ორი მეტად მოხდენილი
მედალიონი, რომელთა ნაპირებს შემოუყვება წყვილ-წყვილი გრეხილი, ხოლო
ამოკვეთილ შუა ნაწილს — „ზენური“ ხეების ორნამენტი, ცნობილი ჭერ კა-
დევ ადრე მინოსური პერიოდის ხმელთაშუა ზღვის კულტურებიდან და ფარ-
თოდ გავრცელებული კავკასიის გვიანბრინჯაოს ხანის ხელოვნებაში.

გარდა ამ წვრილი საგნებისა, დარბაზის იატაკის სხვადასხვა ნაწილში და-
განსაკუთრებით კედლების გასწვრივ იყო ზედ დაწოლილი სიმძიმისაგან ჩამ-
სხვრეული თიხის ბევრი ჭურჭელი, სამი სხვადასხვა ფერისა: შავბრიალა ვარ-
დისფერსარჩულიანი, ნაცრისფერი და წითლად შეღებილი. კერამიკული ნა-
წარმის პირველი ორი ჯგუფისათვის დამახასიათებელია ამოკაწერისა და
ჩხვლეტის ხერხით დატანილი ორნამენტი, ხოლო წითელ ქილებზე და დერ-
გებზე შავი საღებავითაა გამოყვანილი შევრონები, რომლებშიაც ჩაწერლია
წყლის სტიქიის გამომსახველი ტალღისებური ზანები. ზოგი ჭურჭელი უყუ-
როა, ზოგი წყვილყურიანი და ზოგსაც, მსგავსად კრეტული პითოსებისა, მხრე-
ბის ირგვლივ ამოზრდილი აქვს პრაქტიკულ დანიშნულებას მოკლებული მრავ-
ალი ყური. აღსანიშნავია, რომ მრავალყურიანობის ჩანასახს საქართველოში
ჭერ კიდევ ენეოლითურ კერამიკაზე ვხვდებით (შეად. ტაბ. VII, 2 მარცხნივ).

მე-15 ყორღანის მეტად დიდ ორმოსამარხში აღმოჩენილ მრავალრიცხო-
ვან ინვენტარში მთავარი ადგილი უკავია მოხატულ კერამიკასა და ლითონის
საგნებს. ამ ყორღანის კერამიკაში ჩვენ ვხვდებით წითელ ანგობიან ჯამსა და
ქოთნის ნატეხებს, რომლებიც შავი საღებავითაა მოხატული. ლითონის ჭურ-
ჭლიდან ყურადღებას იპყრობს სიგრძე-სიგანეზე დანაოქებულ, შემალეხულ
ფეხზე მდგარი, სფერულტანიანი და კარბიანი კარდალი და ვერცხლის სადა-
კედლებიანი, წელში გამოყვანილი, დაბალქუსლიანი სასმისი (ტაბ. X, 8). რო-
გორც 43-ე ყორღანში, ამ სამარხშიაც იყო დაკრძალვის წესთან დაკავშირებუ-
ლი ოქროს შტანდარტი, შემდგარი სამი მოზრდილი მილის, ფუნჯის სამი ტა-
რისა და დიდი ცილინდრული კოლოფისაგან. ამ უკანასკნელზე ამოწნევიითაა
გამოყვანილი მეანდრის, თავით ერთმანეთისკენ მიქცეული, პირდაღებული
ლომების და ხეებისაგან შედგენილი რთული ორნამენტი (ტაბ. X, 6) ბრინ-
ჯაოს ნივთებს შორისაა სადგისი (ტაბ. XII, 6); მოზრდილი სატევრის პირი
(ტაბ. XI, 1) და მეტად იშვიათი ხელობის შუბის წვერი (ტაბ. XI, 3), რომელიც
საერთო მოყვანილობით ძლიერ ჰგავს ბრილური შუბის წვერების განსაზღვ-
რულ ვარიანტებს (შეად. ტაბ. XI, 4), მაგრამ მათგან განსხვავებით ამას აქვს
პირთან ერთად დაღარულ-დაწანხავებული მასრა და ზედშემოჭერილი ვერცხ-
ლის სალტე.

კიდევ უფრო მდიდრული და ნატიფი ხელობისაა მე-17 ყორღანის ორმო-
ში ნაპოვნი ნივთები. თითოეული მათგანი ატარებს უაღრესად დახვეწილი გე-
მოვნებისა და დაწინაურებული ხელოსნობის ბეჭედს. ასეთებია: თუნდაც

ვერცხისებური მოყვანილობის, დაბალყელიანი, კოხტად პირგადმოკეცილი-შავპრილა, ნაირ-ნაირი სახეებით შემკობილი ქილები და ქოთანნი. ერთერთ მათგანს ამშვენებს ზემო ნახევარში განლაგებული კოპების სისტემა, მეორეს კი — ირიბად დასერილი სამი ფართო სარტყელი და მათ შორის ჩახატული ასტრალური სიმბოლოების, ჯვრების, სვასტიკების, სამკუთხედებისა და სხვა ნიშნების ერთობლიობა; აღსანიშნავია, რომ აქვე ეხვდებათ ამ დროს საკმაოდ გავრცელებული ტიპის ისრის წვერთა გამოსახულებებსაც. კიდევ უფრო მომხიბლავია ფერადი თიხის ორი ჭურჭელი: ღია ფერის ანგობიან ქილაზე (ტაბ. X, 11) ორ სარტყელს შორის მოთავსებული ვრცელი არე უკავია აშკარად წყლის სტიქიის სიმბოლოს — მენადრისებურად დაკლავნილ მდინარეს, აჭრელებულს ზშირი ტალღისებური ხაზებით; მდინარის მოსახვევებში ჩასმულია დიდი წრეები, რომლებიც ციურ მნათობთა გამოსახულებებს უნდა წარმოადგენდეს; ტალღისა და გრეხილის ორნამენტი ამკობს აგრეთვე ქილს ყელპირსაც. მოთეთრო ანგობით დაფარული მეორე, უფრო მსხვილმუცლიანი ქოთანიც (ტაბ. X, 10) მუქი საღებავითაა მოხატული, მაგრამ მის შემკულობაში წყლის სიმბოლოებთან ერთად დიდ როლს ასრულებს ჰადრაკული უჯრედები და ფუძეგაფართოებული ხეები ანუ „კიმატიები“. აღსანიშნავია, რომ ეს ორნამენტი მრავალი საუკუნის შემდეგ თავს იჩენს ანტიკური საქართველოს ვერცხლის ჭურჭელზე. ამ დიდრონი ჭურჭლების გარდა სამარხში იყო მცირე ზომის დოქი და ხელადები. მრავლად აღმოჩნდა ლითონის საგნები: ვერცხლის მშვენიერი, პირდაპირი სატევარი (ტაბ. XI, 2), ოქროს დილაკები, ოქროს ნახევარსფეროსებური სამკაულები, ამოტვიფრული სახეებით (კონცენტრული წრეები და სხვ.) მორთული ოქროს დიდი დისკო, ვერცხლის პატარა სარწყული („ვერდი“) და ოქროს ფიალა (ტაბ. X, 4). ყველა მათგანს დაწერილებითი აღწერა შორს წაგვიყვანდა, დაკვამყოფილებით მხოლოდ სარწყულისა და ფიალის მოკლე დახასიათებით. სარწყული თუმცა ძლიერ ჩამსხვრეულა სამარხში, მაგრამ მისი მოყვანილობის აღდგენა მაინც მოხერხდა. ის მოგვაგონებს თანამედროვე „ვედროებს“ მინიატურულ მოდელს, რომლის ზედაპირი მთლიანად დაფარული ყოფილა რთული გამოსახულებებით. ჩვენს დრომდე მოღწეულ ნატეხებზე ადვილად გაირჩევა ტყე და მისი ბინადარი ცხოველები: ტახები, ირმები, თხები, არჩვები და სხვ. ზოგ მათგანს მკერდში ისარი აქვს გარკობილი. მხატვარი—ხელოსანი ამით თითქოს უნდა გვაუწყებდეს, რომ ნადირობის სცენას ხატავდა, მაგრამ შემორჩენილ ნატეხებზე არა ჩანს არც მონადირე და არც მისი თანაშემწე—ძაღლი. საყურადღებოა, რომ უთვალავი ცხოველების ჯოგს თავი მოუყრია საკმაოდ მეჩხერ ტყეში. შესაძლოა გამოსახულების მიზანი იყო ნადირთ ღვთაების, შემდეგდროინდელი ნადირთ წმინდა-ანგელოზის სიმდიდრის ჩვენება.

რაც შეეხება ოქროს ფიალას, საერთო მოყვანილობით, შემკულობითა და დაზნადების რთული ტექნიკით, ის აგრეთვე შეიძლება გვერდში ამოუდგეს მსოფლიო არქეოლოგიის უნიკუმებს. იგი წარმოადგენს ზემოდან ქვემოთენ-ზომიერად შევიწროებულ, შემადლებულ ქუსლზე მდგარ, ორმაგველებიან, ძვირფასი ქვებით, გრეხილებითა და გავარსით მოოქვილ-მოცვარულ სასმისს, რომელსაც ამასთან ერთად ამკობს ცალკე გამოქრილი ოქროს აპლიკაციები.

-ისეთივე ფორმის ხეების სახით, როგორც გავიცანით ამავე მე-17 ყორღანის მსხვილმუცლიან თიხის ქურქელზე.

თრიალეთის ყორღანების გათხრის წყალობით, გარდა ზემოხსენებულები-სა, მოპოვებულია ძველი ქართული ოქრომჭედლობის ბევრი სხვა ბრწყინვალე ძეგლიც, როგორცაა, მაგალითად, ოქროსა და ვერცხლის სადა სასმისები, ნაირ-ნაირი სახეებით შემკობილი ოქროსთავიანი ქინძისთავები, ოქროს მძივე-ბი და ყელსაბამის სხვა ნაწილები, ოქროს შტანდარტები, ხის ნივთების ოქროს გარსაკრავები, ცხოველის (ცხენის) ოქროს ქანდაკება და სხვ., მაგრამ მათში ზრდილია განსაკუთრებული მნიშვნელობა აქვს ვერცხლის მოზრდილ თასს (ტაბ. X, 2) და მის შემკულობას. თასის შემადგენელ ფეხს ზემოთ გამოყვანილია ლოტოსის ყვავილი, ხოლო ტანი უკავია ორ ფრიზს. ქვედა ფრიზზე გამოსახულია ერთმანეთის უკან მიმავალი ცხრა ფურირემი და ხარირემი, ხოლო ზედა ფრიზზე — ანთროპომორფულ არსებათა პროცესია. აქ, ერთ ადგილას ჩვენ ვხვდებით ნაყოფიერების ხის (ცხოვრების ხე) გამოსახულებას და მის წინ — მცირე კვარცხლბეკს, რომელზედაც დგას სკამი. სკამზე ზის ერთერთი წვეროსანი მამაკაცი. მისი სახე ნახევრად ცხოველურია, ნახევრად ადამიანური. ზოგი მკვლევრის აზრით, ამ შემთხვევაში ჩვენს წინაშეა უხეშად შესრულებული გამოსახულება ადამიანის სახისა, თუმცა იგი ცხოველის თავის ნიღაბს მოგვაგონებს; ზოგი მკვლევარი კი ნამდვილი ცხოველის თავსა ხედავს. ტანთ აცვია მოკლე ქულაჯისებური, თანაც ფოჩებიანი სამოსი. ფოჩების მეორე რიგი მიგვითითებს, რომ შიგნით აცვია კიდევ სხვა, უფრო გრძელი პერანგი. ქვემოთ მოსავს შარვალი, ფეხთ აცვია წვერებაკაული ანუ ქვინტიანი ფეხსაცმელი. მარჯვენა ხელში უკავია მალალი, წელში გამოყვანილი სასმისი და, თითქოს დაღვეას აპირებსო, პირთან მიუტყიანია. მის წინ დგას მალალი, სამფენა ბარძიმისებური საკურთხეველი. ამ უკანასკნელის ფეხები მცოხნელი ცხოველის ჩლიქებით ბოლოვდება. საკურთხეველის აქეთ-იქით თითო ცხოველი წევს, თავით სკამზე მჯდომარისაკენ მიქცეული. მათი ფეხები თათებით ბოლოვდება, რის მიხედვითაც შეიძლება ისინი მიჩნეულ იქნენ ძალღებად ან რომელიმე მტაცებლად. ცხოველების უკან დგას იმავე ტიპის ქურქელი, როგორც სკამზე მჯდომს უკავია, ოღონდ გაცილებით უფრო დიდი. თითქოს, მასში უნდა იყოს იმ სითხის მარაგი, რომელიც სკამზე მჯდომის სასმისშია. სკამზე მჯდომისაკენ მიემართება ამგვარივე სახისა და ამგვარივე ჩაცმულობის 22 არსება, რომელთაც აგრეთვე წელში გამოყვანილი სასმისები უპყრიათ. ერთადერთი განმასხვავებელი ნიშანი, რაც მათ ჩაცმულობაზე შეინიშნება, არის მგლის, ძაღლისა თუ მელიისებური კუდი (ალბათ ასეთივე კუდი აქვს სკამზე მჯდომის კვართსაც, მაგრამ არ მოჩანს). პროცესიის წვერთაგან მოწინავეს დიდ ქურქულამდე მიუღწევია, ბოლო წვერი კი ცხოვრების ხის უკანაა.

თასზე მოცემული გამოსახულებების აღწერილობიდან ჩვენ გამოვტოვეთ ზოგიერთი დეტალი, რომლებსაც შეიძლება გარკვეულ როლს აკუთვნებდა მხატვარი ორივე ფრიზის შინაარსის შესაცნობად. ასეთია, მაგალითად, სხვადასხვანაირი ხაზები და ორნამენტი ცოცხალ არსებათა ტანზე, ბარძიმზე და სხვა ქურქელზე. აღვნიშნავთ მხოლოდ, რომ ზის ძირში თავს იყრის ორი ჯგუფი დამრეცი ხაზებისა, რაც წინა აზიის ძველ ხელოვნებაში წყლის, მდინარის

სიმბოლოდ იყო მიჩნეული. გამოსახულებათა დაწერილებითი ანალიზი შემდეგ პროფ. ამირანაშვილი ამ ნიშანსაც არსებით მნიშვნელობას ანიჭებს და ფიქრობს, რომ „ზედა ფრიზის რელიეფი წარმოადგენს რელიგიური რიტუალის გამოსახულებას, რომელიც დაკავშირებულია უკვდავების წყლის (წყაროს) დამზადებასთან და დარიგებასთან“ ან წარმოადგენს „ქართველთა წარმართობის განსაზღვრულ რელიგიურ მისტერიას, რომელიც ბუნების ნაყოფიერების ღვთაების კულტთანაა დაკავშირებული“. პროფ. ბ. კუფტინი ფიქრობდა, რომ თასზე გამოსახული სცენა თავისი ფესვებით უკავშირდება ისტორიული განვითარების ადრინდელ საფეხურს, როცა პირველ რიგში იყო წამოწყული ნადირობის ღვთაების კულტი, მაგრამ შეგუებულია სამიწათმოქმედო საზოგადოების იდეოლოგიასთან. დოკ. ვ. ბარდაველიძის აზრით კი ფრიზის გამოსახულება გადმოგვცემს სათემო ღვთაებათა შეკრებას თავიანთ სატომო პატრონის (უფროსი ღვთაების) კარზე და ამ პატრონის მეთაურობით „სადიდებლის“ წესის შესრულებას ტომის მთავარ დღესასწაულზე.

არ შეიძლება ორი აზრი იყოს იმის შესახებ, რომ თასზე გამოსახული ხუროთების შინაარსი კვლავაც დარჩება მეცნიერული შესწავლის საგნად, ხოლო კვლევა-ძიების წარმატების უზრუნველსაყოფად აუცილებელია ორივე ფრიზის ერთმანეთთან მჭიდრო კავშირში და არა მოწყვეტილად განხილვა. როგორც არ უნდა იყოს ფრიზების სიუჟეტი, ცხადია, რომ მისი შემქმნელი მხატვარი ეკუთვნოდა წინა აზიის მოწინავე იდეოლოგიის კარგად მცოდნე საზოგადოებას, მაგრამ მონური მიმბაძელობით არ მიჰყვებოდა არც ხეთურ, არც შუმერულ და არც ბაბილონურ ზელოვნებაში დამკვიდრებულ ტრადიციებს, არამედ მასში შეჰქონდა ადგილობრივი, ქართული კოლორიტი. მნიშვნელობა აქვს იმის აღნიშვნას, რომ ფრიზებზე გამოსახული სცენები თუ მისი ცალკეული ელემენტები რამდენადმე მოგვაგონებს ხეთების ქალაქ იაზილიკაის კლდეზე ნაკვეთ რელიეფებს, იმავე ხეთურ სამყაროში აღმოჩენილ სხვა ძეგლებზედაც ვხვდებით ჩვენთვის საინტერესო ტიპის, თითქმის ცხოველური იერის მატარებელ ადამიანთა სახეებს, ან კიდევ ქულაჯისებურ ტანსაცმელსა და კვინტიან ფეხსაცმელს. მაგრამ ძველ წინააზიურ სამყაროში ვერსად ვერ ვნახავთ ვერც ერთნაირი ფიგურების უწყვეტ კომპოზიციურ განლაგებას ერთ სიბრტყეზე და ვერც ტიპიურ ქართულ, გულამოჭრილ, უსაყელო ქულაჯას, რითაც არსებით თავისებურებას იჩენს თრიალეთური თასი.

მიუხედავად ამისა, წინა აზიასთან კავკასია—საქართველოს კულტურული კავშირი, როგორც ზემოთ ითქვა, უძველესად შეინიშნება ვერცხლის თასის ფრიზების მიხედვით. ამგვარი ურთიერთობის მაუწყებლად სხვა მონაპოვარიც შეიძლება გამოდგეს. უპირველეს ყოვლისა, აღსანიშნავია, რომ დაქრძალვის ორიალეთური წესი, სახელდობრ, ეტლზე დადებული მიცვალებულის ნეშტის დაფვლა სამარხში, წერილობითი წყაროების ჩვენებათა საფუძველზე თითქმის პირდაპირ იმეორებს ხეთის მეფეების დაქრძალვის წესს. ამას გარდა, მესოპოტამიის დედაქალაქის ურის სამეფო სამხრეთში აღმოჩენილია ეტლები, რომელთა თვლებიც, თრიალეთური ურების თვლების მსგავსად, შედგენილია ხის საძრავისაგან. იმავე ტიპის ეტლის მოდელებსა ვხვდავთ კიშში, წინა აზიის ბევრ სხვა ქალაქში და ბრინჯაოს ხანის ინდოეთის ცივილიზაციის ცენტრებში. სა-

ქართვლოში ამ წინააზიური ტრანსპორტის გავრცელებისა და მიცვლებულის დაკრძალვაში მისი მონაწილეობის გათვალისწინებით ახლა შეიძლება მონახულად ჩაითვალოს ყუბანის სკვიტურ სამარხებში ეტლების ჩაყოლების ჩვეულების წარმომავლობის სათავეები. თითქმის უუკველია, რომ წინააზიური კულტურის სხვა ნაქადებთან ერთად მან შეაღწია იქ საქართველოს გზით. თუ ყურადღებას მიუქცევთ თრიალეთის ყორღანებში აღმოჩენილ ცალკეულ სამკაულებს და მათი დამზადების ტექნიკას, დავინახავთ, რომ წინა აზია ამ მხრივაც ბევრ ანალოგს იძლევა: თითქმის ერთნაირი სასაფეთქლე სამკაულებია აღმოჩენილი თრიალეთის მე-8 ყორღანში და ალაჯა ჰუიუტისა (მცირე აზია) და ურის სამეფო სამარხებში. ასევე ახლო ენათესავება იმავე ყორღანის ოქროს მშვენიერი კულონი (ტაბ. X, 5 ქვემოთ) ურუკის (მესოპოტამია) კულონს: ორივე მათგანს ამკობს მეტად წვრილი ძაფის გასაყრელად გახვრეტილი, გულმოდგინედ გაპრიალებული, მრავალფენიანი აქატის ფირფიტა და ოქროსავე ბუდეებში ჩასმული სარდიონისა (თრიალეთურ კულონზე) და მინანქრის (ურუკის კულონზე) თვლები. კეთილშობილი ლითონებიდან საზეიმო იარაღის დამზადების ჩვეულებაც ერთნაირად ყოფილა გავრცელებული მესოპოტამიაში, კრეტა-მიკენის ცივილიზაციის ცენტრებსა და საქართველოში. სრულიად ერთნაირი წესითაა დამზადებული თრიალეთის მე-5 ყორღანში აღმოჩენილი ცხოველის (ცხენის?) ქანდაკება და ურიდან ცნობილი თხის ქანდაკება: ორივე შემთხვევაში ქანდაკების საფუძვლად გამოყენებულია ხისაგან გამოთლილი მრდელი, რომელზედაც შემდეგ შემოჭიმულია ოქროს გარსაკრავი. ლითონის სხვა ნივთებთან და კერამიკასთან ზოგი უცხოური ანალოგი ჩვენ მოვიხსენიეთ გზადგზა. აქ საჭიროა იმის დამატება, რომ თრიალეთის ფერადი კერამიკაც დაჯავშირებულია სამხრეთი მხარეების მოხატულ ჰურჰელთან, თუმცა მეტად სუსტი ძაფებით.

ამგვარად, საქართველოს ძველთაძველი კულტურული კერის—თრიალეთის არქეოლოგიური კომპლექსების ცალკეული შემადგენელი ნაწილები მთელ რიგ შემთხვევებში ეხმაურება წინა აზიისა (მათ შორის მცირე აზიის) და კრეტა-მიკენის ადრე დაწინაურებულ ცივილიზაციათა კერებს. მაგრამ, ამასთან ერთად, თრიალეთის კულტურა წარმოადგენს საესებით თვითთავადს და მეტად ორიგინალურ მოვლენას. იგი განვითარდა საყუთარი გზით ადგილობრივი ენეოლითური და ადრებრინჯაოს ხანის კულტურათა მიღწევების საფუძველზე. აღსანიშნავია, რომ შუაბრინჯაოს ხანის შეაპრიალა ზედაპირიანი, ვარდისფერ-სარჩულიანი კერამიკაც, ისევე როგორც მოხატული ჰურჰელი, საწყისის იღებს ენეოლითის დროის ადგილობრივი თიხის ნაწარმიდან. ენეოლითური ტრადიციების გადმონაშთია ამოწვექილ-ჩაზნექილი ორნამენტი. ეს ითქმის აგრეთვე ობსიდიანის ისრის წვერებისა და ბრინჯაოს ზოგიერთი ხელსაწყო-იარაღის მიმართ (ფოთლისებური სატეკარი, ოთხწახნაგა სადგისი). წინამავალ ხანაში საესებით მომზადდა პირობები იმისათვის, რომ წინა აზიის კლასობრივ საზოგადოებასთან ურთიერთობის გაძლიერების შემთხვევაში საქართველო-კავკასიის მოსახლეობას სწრაფი ნაბიჯი გადაედგა კულტურის ახალი აღმავლობის გზაზე. ეს ნაბიჯი გამოიხატა მატერიალური დოვლათის უჩვეულო ზრდით მიწათმოქმედების, მესაქონლეობისა და ხელოსნობის აყვავების საფუძველზე,

რასაც არ შეიძლება არ გამოეწვია ძველი გეოგრაფიული ურთიერთობის შერყევა.

მესაქონლეობის დაწინაურებას უეჭველი სიცხადით გვაუწყებს თრიალეთის ყორღანებში აღმოჩენილი ძელოვანი მასალა. როგორც თავის დროზე ითქვა, სამარხებში ხშირად პოულობენ მსხვილფეხა რქოსანის, წვრილფეხა რქოსანისა და აგრეთვე ღორის ძვლებს. მათი შესწავლა მოწმობს, რომ თრიალეთური ხარი გამოირჩეოდა განსაკუთრებული სიდიდით და ამ მხრივ ახლო იდგა კავკასიის ჩრდილო ნაწილში ჩვენს დრომდე შემორჩენილ გიგანტური ტანის საქონელთან. უნდა ვიფიქროთ, რომ სწორედ მის ძალასთან შეფარდებით იყო გაანგარიშებული ხის მიძიმე ეტლები. ამასთან ერთად სარგებლობდნენ უფრო მსუბუქი საზიდრებითაც, რომლებშიც ცხენები იყვნენ შებმული. სევენის ტბის ძირზე გათხრილ სამარხებში აღმოჩნდა ბრინჯაოს ცხენებმძღველი ორთვიანი ეტლის მოდელებიცა და ხის მომცრო, ოთხთვლიანი საზიდრებიც. ხარისა და ცხენის ძალას აღბათ, იყენებდნენ მიწათმოქმედებაშიც, მიწათმოქმედების პროდუქტებისათვის იყო განკუთვნილი მნიშვნელოვანი ნაწილი ყორღანებში აღმოჩენილი თიხის კუთრკლებსა.

კერამიკულმა წარმოებამ მიიღწია არაჩვეულებრივ დონეს. გარდა ვარდისფერსარჩულიანი შავპრიალა კურკლესა, რომელსაც საქართველოსა და კავკასიაში განვითარების დიდი გზა ჰქონდა გავლილი, ხმარებაში შევიდა გაუმჯობესებული ტიპის მოხატული კერამიკა. ფართოდ იყო გავრცელებული სხვა ხანის თიხის ნაწარმიც, თრიალეთის ყორღანებიდან მომდინარეობს თიხის ისეთი მრავალფეროვანი კუთრკელი, რომ შესაძლებელი ხდება არა მარტო მისი უბრალო ტიპოლოგიური კლასიფიკაცია, არამედ აგრეთვე იმის დადგენაც, თუ როგორი კერამიკა იყრის თავს ყორღანებში. დადგენილია კერამიკული კომპლექსების საში ძირითადი ჯგუფი. პირველ ჯგუფში წამყვანი ადგილი უკავია წითლად შეღებილ კურკელს, რომლის მხრებზე ეშვება შავი ხალგბავით დახატული, ტეხილი ნახებით შევსებული შევრონები და მათ შორის მოთავსებული სურათები ფრინველებისა და ასტრალური ჭიმბოლოებისა. მისი თანმხლებია ჩაჭრილი და რელიეფური სახეებით შემკობილი შავპრიალა კურკელი. მეორე ჯგუფის კერამიკის ძირითადი ნაწილი ხასიათდება მოთეთრო ანგობით, გაპრიალებული ზედაპირითა და მუქი ხალგბავით მოხატული სახეებით, რომლებშიც, გარდა წითლად შეღებილ კურკელზე დამოწმებული ზოგიერთი ორნამენტული მოტივისა, გაირჩევა მომრგვალებული მეანდრი, სპირალური ხეიები, ჰადრაკული სახეები, დისკოები, კონცენტრული ნახები და სხვ. ამავე ჯგუფის შავპრიალა კერამიკაზე ორნამენტი გამოხატულია სავარცხლისებური შტამპით და წარმოადგენს სწორხაზობრივ გეომეტრიულ სიმბრტყეებს; აქვე აგრეთვე გვხვდება რბილკეციანი ნაცრისფერი დიდი და პატარა კურკელი. მესამე ჯგუფის კერამიკაში სრულიად არაა მოხატული კურკელი, იგი წარმოდგენილია უბეში ნახელავის ნატეხებით, რომელთა ზედაპირზე ღრმადაა ამოკვეთილი სხვადასხვაგვარი ორნამენტი. ამ კერამიკას თან ახლავს ჩანჩქილი-ამოზნეკილი, ტალღისებური სარტყლებით შემკული შავპრიალა კურკელი.



შენიშნულია, რომ კერამიკის ამა თუ იმ ჯგუფს თან ახლავს საკმაოდ განსაზღვრული ტიპის ნივთები. ასე, მაგალითად, პირველ ჯგუფთან აღმოჩენილია

ვერცხლისა და ოქროს სადა ფინჯნები, ბრინჯაოს შუბის წვერი, სატევარი და სადგისი, ბრინჯაოს ქუსლიანი კურჭელი. მეორე ჯგუფთან იყო დაკავშირებული მოცვარულ-მოოკვილი ოქროს ძვირფასი კურჭელი, სამკაული, კედური სახეებით შემკობილი საგნები, აგრეთვე ოქროს გლუვი სასაფეთქლები და ვერცხლის სატევრები. მესამე ჯგუფის კერამიკასთან ერთად აღმოჩენილია ლითონის მხოლოდ ცალკეული საგნები.

კერამიკული და ლითონის საგნების სიმრავლე და მხატვრული შესრულების მაღალი დონე გვაუწყებს ხელოსნობაში მომხდარ დიფერენციაციას. ჩანს, რომ ცალკე-ცალკე სახელოსნოები ამზადებდნენ თიხის მონატულ და ერთფეროვან, ლითონის სადა და სახოვან კურჭელს. ყოველ შემთხვევაში აშკარად ეტყობა, რომ ზემოაღწერილი ვერცხლის საჩუქელი და თასი ერთი და იმავე მხატვრული სტილის მიმდევარი გრავიორების პროდუქციას წარმოადგენს, მაშინ როცა ოქროს ფიალა, მედალიონები, მძივები და ზოგი სხვა სამკაული დამზადებულია პოლიქრომაში კარგად გააფხული ხელოსნების მიერ. რომ ეს ხელოსნები ადგილობრივი მკვიდრნი ყოფილან, უეჭველი ხდება სხვადასხვა სახის არქეოლოგიური საგნების ერთმანეთთან შეჯერების საფუძველზე. ამ მხრივ უპირველეს ყოვლისა აღსანიშნავია, რომ მიკოპის ცნობილი ვერცხლის ვაზის მხატვრობას მხოლოდ თრიალეთში გამოუჩნდა მეტ-ნაკლებად ახლო ანალოგი ვერცხლის თასის ქვედა ფრიზის სახით. ხაზგასასმელია მოხატული კურჭლის სპირალური ხეების თითქმის ზუსტი განმეორება ოქროს ფიალის აპლიკაციებში ფორმაში. კერამიკისა და ოქროს ნივთების მხატვრობაში მნიშვნელოვანი ადგილი უკავია მეანდრას, რომელიც უნდა ასახავდეს არა მცირე აზიის ამ სახელწოდებულ მდინარეს, არამედ, პირველ რიგში, თვით თრიალეთის მაცოცხლებელი მდინარე ქციის მიხვეულ-მოხვეულ კალაპოტს. (შეად. ტაბ. X^o 11); წყლის სიმბოლოების სიმშრე კერამიკაზე და ხის ქვეშ გამომდინარე წყაროების გამოსახულებები ვერცხლის თასზე გამოწვეული უნდა იყოს იმ დიდი მნიშვნელობით, რომელსაც ქცია და მისი შემადგენელი წყაროები ასრულებდნენ მიწათმოქმედი საზოგადოების ცხოვრებაში. დაბოლოს, არ შეიძლება დავივიწყოთ, რომ ისეთ შორეულ დროში, როდესაც თრიალეთის კულტურა იქმნებოდა, წინა აზიაში ფეხი არ ჰქონდა მოკიდებული პოლიქრომაულ კურჭელსა და მოგავარსების ტექნიკას. ყველა ამ ნიშნის ერთობლიობა, კერამიკულ ნაწარმში შენიშნულ თავისებურებებთან ერთად, თრიალეთის კულტურას ანიჭებს უაღრესად ორიგინალურ, კავკასიის გარეთ განუმეორებელ სახეს.

საერთოვე საქართველოსა და კავკასიაში ამ კულტურის ცალკეული ელემენტები გამოვლინებულია მხოლოდ ზოგიერთ ადგილას, მაგრამ მათი მიხედვითაც შეიძლება დავასკვნათ, რომ ქვემო ქართლისა და მესხეთ-ჭავჭავთის ჭერ კიდევ გაუთხრელი ყორღანების შესწავლა გაათავართებს თრიალეთის კულტურის გავრცელების არეალს.

დღემდე მიკვლეული ძეგლებიდან პირველ რიგში აღსანიშნავია კიროვანის ყორღანი, რომელშიც დადასტურდა დაკრძალვის თრიალეთური წესი და აღმოჩნდა ოქროს, ვერცხლისა და ბრინჯაოს ინვენტარი მათ შორის ზოგი კედური გამოსახულებებით შემკული. სხვა შესატყვისი ანალოგები ჩვენ უკვე



გვიცნაით სამთავროს ყორღანნიდან (ბრინჯაოს მოკლე სატყერის პირი; მიცე-
ლზეზულის ჩონჩხის არარსებობა ცხოველთა ძვლების, კერამიკის, ბრინჯაოს
იარაღის, ოქროს სამკაულის და სხვ. შემცველ სამარხში), ქვასათალიდან (ზოგი-
ერთი ტიპის თიხის კურკელი, ობსიდიანის ისრის წვერები) და სევანის ტბი-
დან. მართალია, ზოგიერთი ამ ადგილის სამარხების ინვენტარი სიმდიდრის
შხრივ ვერ შეედრება თრიალეთურ კომპლექსებს, მაგრამ ეს უნდა აეხსნათ
ყორღანებში დაკრძალულთა მდგომარეობით გვაროვნულ საზოგადოებაში. ამ
დროის რიგითი სამარხები თრიალეთში შესწავლილი არ ყოფილა, ხოლო შემ-
თხვევით გათხრილ ერთ ასეთ სამარხში სოფ. ყუშჩიში აღმოჩენილია ნულის,
ქვასათალისა და ბრილის მონაპოვარში შემავალი ტიპის ბრინჯაოს სამა-
ჯურები.

§ 7. გვიანბრინჯაოს ხანის ძეგლები დასავლეთ საქართველოში

გვიანბრინჯაოს ხანის დასავლურ-ქართული კულტურა ჯერ კიდევ სათანა-
დოდ შესწავლილი არ არის. თითქმის სრულიად შეუსწავლელია ამ პერიოდის
ნამოსახლარები და არც ამ პერიოდის სამაროვნებია ჯეროვნად გათხრილ-გა-
მოვლინებული. მაგრამ უმთავრესად შემთხვევითი აღმოჩენების შედეგად დასავ-
ლეთ საქართველოდან უკვე საკმაო რაოდენობის არქეოლოგიური მასალა დაგ-
როვდა. განსაკუთრებით მრავალადა აქ აღმოჩენილი ბრინჯაოს ნივთებისაგან
შემდგარი განძები. ნიშანდობლივია, რომ კავკასიაში გავრცელებულ არც ერთ
კულტურას არ მოუცია იმდენი განძი, რამდენიც გვიანბრინჯაოს დასავლურ-
ქართულმა კულტურამ მოგვცა. ეს გარემოება მოწმობს იმას, რომ ამ პერიოდში
აქ საკმაოდ მძლავრი მეტალურგია უნდა ყოფილიყო.

მიუხედავად იმისა, რომ შემთხვევითი ხასიათის მასალა ამ კულტურას ცალმ-
ხრივად გვაცნობს, მაინც შესაძლებელი ხდება გვიანბრინჯაოს ხანის ამიერკავკა-
სიაში კიდევ ერთი თავისებური კულტურა გამოვყოთ. დადგენილია რომ გვიან-
ბრინჯაოს ხანის დასავლეთ საქართველოში არსებობდა საკმაოდ დაწინაურებუ-
ლი კულტურა, რომელსაც თავისი საკუთარი მძლავრი საწარმოო ცენტრები
გააჩნდა. დღეს უკვე საკმაოდ კარგად გამოიჩინება ამ კულტურის გავრცელების
ტერიტორია და ძირითადი, წამყვანი ფორმები: ცულები (ტაბ. XIII, 2—7), სეგ-
მენტისებრი იარაღი (ტაბ. XIII, 15), თოხები (ტაბ. XIII, 13, 14), წალდები
(ტაბ. XIII, 16), ნამგლები (ტაბ. XIII, 12), ცულ-ნამგლები (ტაბ. XIII, 11), სამ-
კაულები და სხვ.

უნდა აღინიშნოს, რომ დასავლურ-ქართულის მსგავსი კულტურა პირველად
აღმოჩენილი იყო ჩრდილო ოსეთში სოფ. ყობანთან. ამ აღმოჩენამ თავის დროზე
მეტად დიდი ინტერესი გამოიწვია. ყობანის სამაროვანი ზედიზედ ინახულეს
რუსმა და უცხოელმა არქეოლოგებმა და კიდევაც მიუძღვნეს მას მთელი რიგი
შრომები. ეს ინტერესი, რა თქმა უნდა, შემთხვევითი არ იყო. იქ გამოვლინდა
მანამდე სრულიად უცნობი ბრინჯაოს კულტურა მრავალფეროვანი, მეტად
თავისებური ბრინჯაოს ნივთებით, რამაც იმთავითვე მოუხვეჭა ყობანის სამარო-
ვანს მსოფლიო სახელი. ამ კულტურას „ყობანის კულტურა“ უწოდეს.

ამიერკავკასიაში მანამდე ამ ტიპის ძეგლები თითქმის სრულიად უცნობი იყო. მაგრამ მერე და მერე დასავლეთ საქართველოდან თავი მოიყარა დიდძალმა არქეოლოგიურმა მასალამ, რომელიც ბევრ საერთოს პოულობს ყოზანის კულტურასთან. მსგავსება იმდენად დიდია, რომ აქ გამოვლენილი კულტურა უყოყმანოდ შეყვანილ იქნა ყოზანის კულტურის სფეროში, რომლის გავრცელების სამხრეთისა და დასავლეთის საზღვარი შავი ზღვის სანაპირომდე მიდის. შემდეგში კიდევ უფრო მატულობდა ამ პერიოდის მასალა დასავლეთ საქართველოდან. იმის გამო, რომ ჩვენში აღმოჩენილი ყოზანური ტიპის ნივთების რიცხვმა რამდენადმე გადააჭარბა ჩრდილო ოსეთისას, ზოგიერთმა მკვლევარმა გამოთქვა მოსაზრება, რომ ყოზანური კულტურის ცენტრი დასავლეთ საქართველოში უნდა ყოფილიყო და კიდევაც შემოიღეს სახელწოდება „კოლხური კულტურა“ ან „კოლხურ-ყოზანური კულტურა“. უქანასკნელ ხანებში უკვე არაერთგზის გამოითქვა მოსაზრება, რომ მიუხედავად ბევრი საერთო ნიშნისა, კოლხური და ყოზანური კულტურები მაინც განსხვავდებიან ერთმანეთისაგან. კოლხურ კულტურაში გვხვდება ისეთი საგნებიც, რომლებიც სრულიად უცხოა ყოზანურისათვის. ესენია პირველ რიგში სამეურნეო იარაღები: თოხი, წალდი, სეგმენტისებრი იარაღი, ნამგალი და სხვ. თავის მხრივ ყოზანშიც ჩანს ზოგი ისეთი სპეციფიკური ტიპის ნივთი, რომელიც ძირითადად მხოლოდ მისთვისაა დამახასიათებელი. განსხვავება შეინიშნება კერამიკაში, ზოგიერთ სამკაულში, მიცვალებულთა დამარხვის წესში და სხვ. კოლხურ და ყოზანურ კულტურათა ურთიერთობის საკითხი კიდევ საკვლევი და გადაწყვეტივით რაიმეს თქმა ჯერ მაინც ვერ ხერხდება. ერთი კი ცხადია, რომ გვიანბრინჯაოს ხანაში დასავლეთ ამიერკავკასიაში და ცენტრალურ კავკასიაში გავრცელებულ კულტურათა შორის იმთავითვე მეტად მჭიდრო ურთიერთობა ყოფილა, რამაც მეტად მნიშვნელოვანი როლი შეასრულა მათ ჩამოყალიბებაში.

სამწუხაროდ, არასაკმარისა შესწავლილი დასავლეთ საქართველოს შუაბრინჯაოს კულტურაც; ამიტომ ჯერ კიდევ მეტად ჰირს კოლხური კულტურის განვითარების საფეხურების დადგენა, მისი უეჭველი დაკავშირება წინამორბედ კულტურასთან. მაგრამ, მიუხედავად ამისა, არის ზოგიერთი ნიშანი, რომელთა მიხედვით მაინც შეიძლება ითქვას, რომ კოლხური კულტურა უშუალოდ დასავლურ-ქართული ბრინჯაოს კულტურის განვითარების შედეგია. კოლხურ კულტურაში გვხვდება ნივთთა ისეთი ფორმები, რომლებიც გენეტიკურად დაკავშირებულია წინამორბედ საფეხურზე გავრცელებულ ტიპებთან. ამ კულტურის ერთ-ერთი ძირითადი იარაღის — კოლხური ცულის — პროტოტიპი კარგადაა ცნობილი უკვე შუაბრინჯაოს ხანის დასავლურ-ქართულ კულტურაში. ასევე გვიანბრინჯაოს ხანის თოხები გენეტიკურადაა დაკავშირებული შუაბრინჯაოს ხანის ურეკის განძის თოხებთან და სხვ.

არქეოლოგიური კულტურების დასახასიათებლად, ჩვეულებრივ, არ კმარა მატერიალური ნაშთების ერთი რომელიმე სახეობის გაცნობა. რაც უფრო მრავალგვარია კულტურის ნაშთები, მით უფრო სრული იქნება ჩვენი წარმოდგენა მოცემულ კულტურაზე, მით უფრო სრულად იქნება შეცნობილი საზოგადოების განვითარების მამოძრავებელი ძალები, ისტორიული პროცესი.

როცა საკითხი გვიანი ბრინჯაოს ხანის კოლხურ კულტურას ეხება ჩვენ იძულებული ვართ დავეკმაყოფილოდეთ იმ ძეგლთა მხოლოდ განსაზღვრული კატეგორიის დახასიათებით, რომლებიც სადღეისოდ არის გამოვლინებული. როგორც ითქვა, ჩვენ თითქმის სრულიად არაფერი ვიცით იმდროინდელ სამეურნეო და საკულტო ნაგებობათა შესახებ, აგრეთვე ცოტა რამ ვიცით საწარმოთა გამართულობა-მოწყობილობასა და საცხოვრებლებზე. ცნობილია მხოლოდ, რომ კოლხეთის დაბლობზე მოსახლებები ზოგჯერ გაშენებული იყო მცირე ბორცვებზე, და საცხოვრებლად ხის სახლებს აგებდნენ. ასეთია, მაგალითად, ბოლომდე შეუსწაველი მოსახლობა „ნაოხვამე“. კოლხური კულტურის რაგვარობაზე მსჯელობა გვიხდება უმთავრესად სამარხეული ინვენტარის, „მდნობელთა“ განძებისა და შემთხვევით ნაპოვნი ცალკეული ნივთების მიხედვით.

კოლხური კულტურის ძეგლები ყობანში მარტო სამარხების სახითაა ცნობილი. მათგან მხოლოდ რამდენიმე სამარხია გათხრილი მეცნიერული წესით. სამარხები წარმოადგენს უბრალო ქვებით გარშემოწობილ ორმოებს ან ქვის ფიცრებით გამართულ ნაგებობებს, რომელთაგან ზოგი დამხრობილია ჩრდილო-დასავლეთიდან სამხრეთ-აღმოსავლეთით, ზოგიც აღმოსავლეთიდან დასავლეთით ან ჩრდილოეთიდან სამხრეთით. ისევე როგორც ბრილში, არც აქ არის გარკვეულად დადგენილი დამხრობა. მიცვალებულნი დაკრძალული არიან ხელ-ფეხმოკეცით, მარჯვენა ან მარცხენა გვერდზე. აღწერილია ისეთი ფაქტებიც, რომლებიც მიცვალებულთა გვამის კრემაციას უნდა მოწმობდეს, თუმცა ზოგი ავტორი კატეგორიულად უარყოფს ამას. დაკრძალვის ამგვარივე წესები დასტურდება სოფელ ლებთან, ბრილის სამარხიანზე. გვიანი ბრინჯაოს ხანის ერთერთი სამარხი იქ აგებული იყო ქვის ფიცრებით, მეორე, კოლექტიური სამარხი კი წარმოადგენდა მიწაში ამოკრილ დიდ ორმოს, რომელშიც მიცვალებულთა გვამები და ინვენტარი დაუწევავთ. დადგინდა, რომ ამ სამარხში მიცვალებულთ სულ სხვადასხვა დამხრობა ჰქონიათ. საქართველოში, განსაკუთრებით აფხაზეთში, ვხვდებით ქურში დაკრძალვის ფაქტებსაც. ასეთი სამარხები აღმოჩენილია ეშერში. ამგვარივე სამარხები, ცოტა მოგვიანებით, განვითარებულ რკინის ხანაში ჰქონია ფარცხანაყანევისა და დაბლაგომის მოსახლეობას. სამარხად ქურის გამოყენება ალბათ იმასაც გვაუწყებს, რომ გვიანი ბრინჯაოს ხანის კოლხეთში უკვე კარგად იყო ცნობილი ღვინის კულტურა; თითქმის უეჭველია, რომ მიცვალებულთა დასაკრძალავად გამოყენებული ქურები პირველ რიგში საღვინეებს წარმოადგენდა. ყობანში და ბრილში, სადაც მევენახეობისთვის ბუნებრივი პირობები არც ახლაა და არც ძველად ყოფილა, ამგვარი ქურქელი მოსალოდნელი არ უნდა იყოს.

სამარხების ინვენტარი ძირითადად შედგება თიხის საოჯახო ქურქლისა და ბრინჯაოს საგნებისაგან (ცულები, სატევრები, ლახტები, ცხენის აკაზმულობა ნაწილები, სარტყლები, სარტყლის ბალთები, ქინძისთავეები, მშვილდ-საკინძები, კირკლები, სამაჭურები, საწვივე რგოლები, საყურები, სასაფეთქლები, სხვადასხვანაირი საკიდები). არის ქვის, უმთავრესად სარდიონის მძივებიც. უფრო იშვიათად ხვდებოდნენ რკინის ნაწარმსაც.

ყობანური ქურქელი ნაძერწია ხელით, მსხვილმარცვლოვანი თიხისაგან და გამომწვარია არა სავსებით დამკმაყოფილებლად. ზედაპირი შავლუგა აქვს, თანაც ბევრ შემთხვევაში შემკობილი გეომეტრიული სახეებით (სამკუთხედება,

რომლები და სხვ. მისთ.), რომლებიც ამოკაწრულია სველ თიხაზე და ზოგჯერ აესებულა თეთრი მასით. ჭურჭელი წარმოდგენილია ქოთნებით, ღრმა და ფრიალა ჯამებით, ლამბაქებით, ღოჭებით, სურებით; არის მეტად მოხდენილი ორმაგი ჯამებიც. ყობანის კერამიკის ფორმებისა და ორნამენტული შემკულობის ყველაზე უფრო ახლო პარალელები მოიპოვება აღმოსავლეთ საქართველოში სტალინირის ნაკარგორისა და დასავლეთ საქართველოში ბრილის ჭურჭელს შორის. მაგრამ ამ სოლუტურ იგივეობაზე საუბარი არ მოგვიხდება, რადგანაც აქაური, განსაკუთრებით სტალინირის, ჭურჭელი გაცილებით უფრო მრავალფეროვანია და დაწინაურებულ მეთუნეობას გვაუწყებს. ეს ჭურჭელი, ისე როგორც ბრილის თიხის ჭურჭელი, უპირატესად ჩარხზე გამოყვანილი და გამომწვარია წითლად ან შავად, საესებით სრულყოფილად. დასავლეთ საქართველოს ბარში ფართოდ იყო გავრცელებული ცალყურა ქოთნები, რომლის სახელური ცხოველის დაცქვეტილყურებიან თავს მოგვაგონებს. ბევრი ასეთი ჭურჭელია აღმოჩენილი ანაკლიასთან, ურეკში და სხვ. ამათი მიბაძვითაა დამზადებული კოლხური ბრინჯაოს სიტულები ბრილიდან, ყობანიდან, ლეჩხუმიდან და სხვ. ყობანისა და დასავლეთ საქართველოს სამარხეული ინვენტარის სულსა და გულს წარმოადგენს ბრინჯაოს საგნები. შენადნობი, რომლისგანაც ისინია დამზადებული, მალახარისხოვანია და შეიძლება ჩაითვალოს კლასიკური ბრინჯაოს შენადნობად. კოლხური კულტურის გავრცელების რაიონებში ამგვარი შენადნობიდან ასხამდნენ ცულებს, სატევრებს, სხვადასხვაგვარ ქანდაკებებს, სარტყლის ბალთებს და სხვ. მათ პარალელურად გვხვდება სუფთა სპილენძის საგნებიც.

ქვემოთ გავცნობით ბრინჯაოს ძირითად საგნებს, რომლებიც ერთნაირად დამახასიათებელია ყობანისა და დასავლეთ საქართველოსათვის.

გვიანი ბრინჯაოს ხანის კოლხურ კულტურაში საყოველთაოდ გავრცელებულ იარაღს წარმოადგენდა ბრინჯაოს ცული და სატევარი. ჩვენ მას ვხვდებით კავკასიის ქედის გადაღმა და გადმოღმა მხარეში. სხვა იარაღის გავრცელება კი ვიწრო ლოკალურ ხასიათს ატარებს და, როგორც ჩანს, 'შეპირობებულია ამა თუ იმ რაიონის თავისებურებით. ასე, მაგალითად, არც ყობანში და არც ბრილში ამ დროს თითქმის არ უხმარიათ ბრინჯაოს შუბი. სამაგიეროდ ეს იარაღი დამოწმებულია ეშერში, ანაკლიაში (ღიხა-გუძუბა), ლეჩხუმში და სხვ. შუბის წეკრების არარსებობა გვიანი ბრინჯაოს ხანის ბრილურსა და ყობანურ სამარხებში მით უფრო საოცარია, რომ წინამავალ ეპოქაში, როგორც ვნახეთ, ისინი დიდი რაოდენობით უკეთებიათ.

ჩვენთვის საინტერესო ხანის კოლხურ კულტურაში თითქმის სრულებით არ ვიცილობთ ბრინჯაოს ისრის წვერებს. თუ მათი აღმოუჩენლობა შემთხვევითობას არ მიეწერება, მაშინ უნდა ვიფიქროთ, რომ ვრცელ ტერიტორიაზე კავკასიის ქედის ორივე მხარეს იმ დროს არც ისე მიღებული ყოფილა მშვილდ-ისარი. კოლხეთის დაბლობში აღმოჩენილია კაეის ქუსლამოდარული ისრის წვერები, ოღონდ ისინიც აგრეთვე მცირე რაოდენობით. მშვილდ-ისრისა და შუბის ნაკლებად გავრცელება ჭეჩქერობით გამოუცნობ მოვლენად რჩება და გოაცებას იწვევს ნადირობის არსებობის დამამტკიცებელ სხვა ფაქტთა ფონზე. არც ცული და არც სატევარი ამ საქმეში არ გამოდგებოდა.

კოლხური ცული (ტაბ. XIII, 2, 6) მეტად მოხდენილი, ლაზათიანი და მოსახმარად მარჯვე იარაღია. მისი, როგორც უცვლელი ფორმის დახასიათება არ მოგვიხდება, ვინაიდან ცნობილია ამ ცულის რამდენიმე, ერთმანეთისაგან ამა თუ იმ ნიშნით განსხვავებული ვარიანტი. კოლხური ცულის ერთიანობა სწორედ მის მრავალგვარობაში ჩანს. ზოგი ავტორი, უპირატესად ყობანური მონაპოვრის მიხედვით, ამ იარაღში არჩევდა 6 ტიპს. ეს კლასიფიკაცია დიდი ხნის განმავლობაში თითქმის საყოველთაოდ მიღებულად ითვლებოდა. უკანასკნელ ხანებში არქეოლოგმა ო. ჭაფარიძემ იგი საგრძნობლად გააუმჯობესა და 6 ტიპის მაგიერ 3 ტიპი და 2 ქვეტიპი გამოყო, მანვე დაადგინა თითოეული ტიპის უპირატესი გავრცელების რაიონები. მაგრამ კოლხური ცული განხილულ უნდა იქნეს როგორც ერთი ტიპი მისი ქვეტიპებითა და სახეებით. ძირითადი, რაც ამ ცულს, როგორც ერთიან ტიპს ახასიათებს, ორი ნიშანია — აქვს წახნაგოვანი ტანი და ბოლოებშივეიწროებული ოვალის მოყვანილობის სატარე (ნახვრეტი). ტანის მოყვანილობის მიხედვით გაირჩევა სწორტანიანები (ტაბ. XIII, 2—5) და ორმხრივ მოხრილტანიანები (ტაბ. XIII, 6), პირის მოყვანილობის მიხედვით—ორფრთიანები (ტაბ. XIII, 4), ცალფრთიანები (ტაბ. XIII, 5, 6) და სოლურპირიანები (ტაბ. XIII, 2, 3), ყუის მოყვანილობის მიხედვით — ყუაყვერიანები (ტაბ. XIII, 5, 6) და ორფერდაყუიანები (ტაბ. XIII, 3, 4). კოლხური ცულის უძველესი ნიმუშები (ტაბ. XIII, 2) აღმოჩენილია შავი ზღვის სანაპირო ზოლში სოფ. მახუნცეთიდან მოკიდებული ქ. სოჭამდე (მახუნცეთი, ბიჭვინტა, გაგრა, პილენკოვო, სოჭი). ამ უძველესი ცულების და, მამასადამე, საერთოდ კოლხური ცულის პროტოტიპად მიჩნეულია აღმოსავლურ-ქართული ცულის ის ტიპი, რომელიც ცნობილია ზაქესიდან.

ცულები ჩამოსხმულია ორსაგდულიან ყალიბში (ტაბ. XIII, 1), რომელსაც ქვისაგან ან სპილენძისაგან ამზადებდნენ. ცულების დიდ ნაწილს, განსაკუთრებით ყუაყვერიანებს, ჩამოსხმის დროს ყვრიმალეებზე ატანდნენ მეტ-ნაკლებად ღრმა ღარებს, რომლებიც შესაბამისად ქმნიდნენ თითო, ორ-ორ ან სამ-სამ წახნაგს. ამგვარად, ცულის სიმყარისათვის ზიანის მიუყენებლად, შემსუბუქებულია ყუა, რაც იარაღს მეტად მოხერხებულს ხდის. მსგავსი ღარები მეტად იშვიათია ორფერდაყუიან ცულებზე, ვინაიდან მათი ყუა ისედაც შედარებით მსუბუქია. მეტად იშვიათად ცულებს ღარები შემოლუყვება შუა ტანზეც, სატარესა და პირს შორის. მათ მხოლოდ დეკორაციული მნიშვნელობა აქვთ.

კოლხური ცული გავრცელებულია დიდ ტერიტორიაზე შავი ზღვის სამხრეთი ნაპირიდან (ქ. ორდუ, თურქეთში) ჩრდილო კავკასიამდე (ჩრდ. ოსეთი, ყაბარდო, ნოგოროსისისი მხარე). ყველაზე მეტია აღმოჩენილი დასავლეთ საქართველოში (აჭარა, გურია, იმერეთი, სამეგრელო, ლეჩხუმი, რაჭა, სვანეთი, აფხაზეთი), აგრეთვე აღმოსავლეთ საქართველოს იმ ზოლში, რომელიც დასავლეთ საქართველოს აკრავს (სამხრეთ ოსეთი, ბორჯომ-ახალციხის რაიონები), იშვიათია ქართლის ცენტრალურ თემებში (მაგ., მცხეთა; ტაბ. XVIII, 10) და მის სამხრეთით მდებარე სომხეთის ტერიტორიაზე (მაგ., ლენინაკანი). რაც შეეხება ჩრდილო ოსეთს, ამგვარი ცულების სიხშირე ჭეჭვრობით დამოწმებულია უმთავრესად ყობანის სამაროვანზე; ჩრდილოეთ ოსეთის ზოგ სხვა ადგილზე მისი პოვნის ფაქტები აღნიშნულია შედარებით უფრო იშვიათად; კოლხურმა ცულებ-

მა თავი იჩინეს ყაბარდოშიც; განსაკუთრებით აღსანიშნავია მათი სიმრავლე (მ. ცალი) ექვტალას განძში.

დოც. ო. ჯაფარიძემ დამაჩერებლად აჩვენა, რომ თანამედროვე საქართველოს ტერიტორიაზე უმეტესად ნაპოვნია ორფერდაყუიანი ცულები (მისი I ტიპი) მაშინ, როცა ყობანში ტანშრული (მისი III ტიპი) ცულები სქარბობს. მიუხედავად ამისა, არ შეიძლება კოლხურ ცულად არ მივიჩნიოთ ეს ტანშორილი იარაღიც.

კოლხურ ცულს ხის ტარს უგებდნენ, მაგრამ აღმოჩენილია (აფხაზეთში) ცულები, რომელთაგან ზოგს ბრინჯაოს ტარი, ხოლო ზოგს ბრინჯაოს სალტეებით ხშირად დაქრელებული ტარი ჰქონია. ცულის ტარზე შემოსაკრავი ბრინჯაოს სალტეები ბრილიც არის აღმოჩენილი. ერთი მხრით, კოლხური ცულების სხვადასხვაგვარი ზომა (12—20 სმ-მდე) და წონა, მეორე მხრით, მისი შემკობის ინტენსივობა (სრულიად სადა ცულებიდან სხვადასხვანაირი სახეებით შემკულ ცულებამდე) და ტარის ნაირობა (ხის ტარი, ბრინჯაოს ტარი, ბრინჯაოს სალტეებიანი ხის ტარი) გვაფიქრებინებს, რომ ზოგიერთი მათგანი (უფრო კი მძიმე, უორნამენტო) სამუშაო იარაღს წარმოადგენდა, ზოგიც საბრძოლოს, ხოლო სხვებს სარიტუალო და საპარადო დანიშნულება ჰქონდა. ბევრი სამუშაო ცული ნაპოვნია სევანეთში.

საბრძოლო იარაღთაგან, გარდა ბრინჯაოს ცულისა, აღსანიშნავია სატევიარი და შუბი. სატევიარი გვხვდება კოლხური კულტურის გავრცელების მთელ ტერიტორიაზე, შუბი კი, როგორც ითქვა, მთის რაიონებში თითქმის სრულიად უცხო მოვლენას წარმოადგენს.

კოლხურ კულტურაში დამოწმებული სატევიარები სხვადასხვაგვარია. განსაკუთრებულ ყურადღებას იპყრობს ყობანში აღმოჩენილი სატევიარების ფორმათა ნაირობა. ისევე როგორც რაჭა-ლეჩხუმში და იმერეთში, იქ გვხვდება ვიწროყუნწიანი ან ფართოფუძიანი სატევიარის პირები, რომელთაც თავის დროზე ხის ან რქის ტარი ჰქონიათ, მაგრამ აღარ შერჩენიათ; ამას გარდა არის ბრინჯაოსტარიანი სატევიარები. ყველა მათგანს პირის მოყვანილობის მიხედვით ორ ჯგუფად გაყოფთ: პირველი ჯგუფის სატევიარის პირებისათვის დამახასიათებელია შუა ნაწილის შეზნეპილობა, მეორე ჯგუფის სატევიარები კი მხრებიდან წვერამდე მეტ-ნაკლებად თანაბრად ვიწროვდება. ორივე ჯგუფში გვხვდება როგორც ვიწრო, მკვეთრქედიანი, ისე ფართოქედიანი სატევიარები (ტაბ. XIII, 8). რაც შეეხება სატევიართა ბრინჯაოს ტარებს, იქ უფრო დიდი მრავალფეროვნება შეინიშნება: არის ანტენისებურტარიანები და ფიგურულტარიანები. ზოგიერთი სატევიარის ტარი შემკობილია ცხოველთა ქანდაკებებით.

დასავლეთ საქართველოში აღმოჩენილი სატევიარის პირები, იშვიათ გამოწკლისს გარდა, უტარობთ, მაგრამ ყუნწის, პირის და ქედის მოყვანილობის მიხედვით არაფრით არ განსხვავდება ყობანურებისაგან. კოლხური კულტურის გავრცელების ამ რაიონში გამოიყოფა სატევიართა ლოკალური ჯგუფები. ასე, მაგალითად, აფხაზეთში უფრო ხშირად ვხვდებით ვიწროყუნწიან, თანაბრად შევიწროვებულ, დაღარულ სატევიარის პირებს, იმერეთსა და რაჭაში კი სქარბობს ბრტყელ ან მკვეთრქედიანი სატევიარები. ბრილში აღმოჩენილი ერთი ფართოქე-

ლიანი სატევარი ყურადღებას იქცევს მშვენივრად შესრულებული მხატვრობით. მისი ქედის ორთავე სიბრტყეზე გამოყვანილია ზენური ზვიები და გველები, ე. ი. მხატვრული სახეები, რომლებიც ასე დამახასიათებელია კოლხური კულტურის სხვა ძეგლებისათვის, მაგრამ ამ ერთი შემთხვევის გარდა არ გვხვდება სატევრებზე.

შუბის წვერები მასრაგასნილებია. აფხაზეთში უფრო მეტად გავრცელებულია გრძელმასრიანი, მოკლე და ფართოპირიანი შუბები (ტაბ. XIII, 10), ჯუმცა ვიწროპირიანებსაც ვხვდებით; ლეჩხუმში კი წამყვან როლს ასრულებს შუბის წვერთა აღმოსავლურ-ქართული ტიპი (შეად. ტაბ. XVIII, 13). ნაოხვამუში (ანაკლიასთან) აღმოჩენილი შუბის წვერი ხასიათდება მეტად მოხდენილი პროპორციებით (ტაბ. XIII, 9).

სატევარმა და შუბმა ადრე და შუა ბრინჯაოს ხანის იარაღის ბევრი ნიმუში შეინარჩუნა და სავსებით ადგილობრივი ტრადიციების მიხედვით განვითარდა. ეშერული სატევრის პირები გაცილებით უფრო ახლო ენათესავენა ძვ. წ. II ათწლეულის შუა ხანების თრიალეთურ, შიდაქართლურ და ზემომიერულ სატევრებს, ვიდრე სამხრეთ ამიერკავკასიისას, სადაც ძირითადად გავრცელებული იყო ქულდაფანჯრული სატევრები. ბ. კუფტანი მართებულად აღნიშნავდა, რომ კოლხური კულტურისათვის დამახასიათებელი სატევრები რაღაც გზით დაკავშირებულია ძველ წინააზიურ (შუმერი, ტროა II) ფორმებთან, მაგრამ იგი ყურადღების გარეშე ტოვებდა იმას, რომ ქრონოლოგიურად დაშორებულ ამ ორი ჯგუფის სატევართა შორის დამაკავშირებლად, ე. ი. შუალედ რგოლად თრიალეთური ვერცხლის სატევრები (ტაბ. XI, 2) გვევლინება.

საბრძოლო იარაღის სახეობათა (სხვადასხვაგვარი სატევრები, შუბები, ცულები) გამრავლება გვიანბრინჯაოს ხანის კოლხურ კულტურაში, საფიქრებელია, ნაკარნახევი იყო საზოგადოებრივ ცხოვრებაში მომხდარი გარკვეული ცვლილებებით.

გვიანბრინჯაოს ხანის კოლხური კულტურის თავისებურებათა შესახებ სრული წარმოდგენა ვერ შეგვექმნება, თუ იარაღ-საჭურველთან ერთად არ გავიცნობთ ტანსაცმელთან დაკავშირებულ საგნებსა და სხვადასხვაგვარ სამკაულებს. ტანსაცმელთან დაკავშირებული საგნებიდან განსაკუთრებულ ყურადღებას იპყრობს სარტყელი და სარტყლის ბალთები. კოლხური სარტყელი არსებითად იმგვარივეა, როგორც მთელს იმდროინდელ ამიერკავკასიაში გავრცელებული სარტყელი, და წარმოადგენს ბრინჯაოსაგან გამოქედილ თხელსა და ფართო (20 სმ-მდე) ლენტს, რომელსაც ტყავის ან ქსოვილის სარჩული უნდა ჰქონოდა. ამგვარი სარტყლის ზედაპირი ხშირად შემკობილია ამოკაწრული ან ამოტეიფრული სურათებით, რომლებშიც შეიძლება გამოვიცნოთ საწესო ან ნადირობის სცენები. ასეთნაირად შემკობილი სარტყლის ფრაგმენტები ნაპოვნია ყობანში, ბრილში და თლიში.




ბრილურ სარტყელზე ნაირ გეომეტრიულ სახეებთან ერთად დაწნევის ტექნიკით გამოსახულია თხები და ჭიკოცხლის ხე. ლურათი შესრულებულია რეალისტური სტილით და წარმოადგენს ბრინჯაოს ხანის სახეითი ხელოვნების ერთერთ საუკეთესო ნიმუშს. აფხაზეთში ნაპოვნია შედარებით ვიწრო და თანაც მოუხატავი სარტყლის ფრაგმენტები, მეტ-ნაკლებად მსგავსი ყაზბეგიდან

ცნობილი სარტყლებისა. რაც შეეხება სარტყლის ბალთებს, ისინი სრულიად ორიგინალურია და ამიერკავკასიის სხვა კულტურაა რაიონებში იშვიათად მოპოვება მათი შესატყვისი საგნები. კოლხური ბალთების სამი ტიპი გაირჩევა. პირველი ტიპის ბალთები, უმთავრესად ფართო სარტყლების შესაკრავად განკუთვნილი, წარმოადგენს მალალ (20 სმ-მდე), სწორკუთხედის მოყვანილობის საკმაოდ სქელ (2—3 მმ) ფირფიტას, რომელსაც ცალ მხარეზე მწყრივად გაუყვება სარტყლის ერთ ბოლოზე დასაყრებლად, წერილი ნახვრეტები, ხოლო მოპირდაპირე მხარეზე, შუაში მოთავსებული აქვს ნისკარტისებური კაკვი სარტყლას მგორე ბოლოში გასაყრელად. ბალთების ზედაპირი უმრავლეს შემთხვევებში შემკობილია იმგვარივე გამოსახულებებით, როგორც კოლხურ ტულზე გვხვდება. ზოგჯერ ბალთებზე გვხვდება რკინის ინკრუსტაცია. სპეციალურ ლიტერატურაში დამკვიდრებული მოსაზრების მიხედვით, ბალთების ეს ტიპი წარმოადგენს ე. წ. ყობანური კულტურის ნიშანდობლივ ელემენტს და უცხოა კოლხური კულტურისათვის. არქეოლოგიური მასალა მოწმობს, რომ ამგვარ შეხედულებას არსებითი გადასინჯვა ესაჭიროება, ვინაიდან ჩვენთვის საინტერესო ნივთები ძლიერ დიდი რაოდენობით ჩნდება საკუთრივ დასავლეთ საქართველოში და მის მომიჯნავე ქართლის სხვადასხვა პუნქტში. ისინი ცნობილია ქობულეთის რაიონიდან, ვანიდან, სამხრეთ ოსეთიდან, ადიგენის რაიონიდან, თრიალეთიდან და სხვ., განსაკუთრებით ბევრი აღმოჩნდა ბრილის სამაროვნის გათხრის დროს.

ბალთების მგორე ტიპი, რომელიც ჯერჯერობით მხოლოდ აფხაზეთიდანაა ცნობილი სარტყელთან კავშირში, წარმოადგენს ფრინველისა თუ ცხოველის სტილიზებულ ქანდაკებას. ბალთის თავი გაბრტყელებულია და სარტყლის ბოლოზე დამაგრებული, ხოლო კაკვის მოვალეობას ასრულებს ცხოველის თუ ფრინველის თავი. ამგვარი ქანდაკებანი ბევრია ნაპოვნი ბრილში და ჩრდილო ოსეთში, სადაც ისინი მიჩნეული იყო სამაჯურის შემადგენელ ნაწილებად, მაგრამ ემერში მომხდარი აღმოჩენის შემდეგ შეიძლება ზოგიერთი მათგანი მაინც სარტყლის ბალთად ჩათვალოს.

მესამე ტიპის სარტყლის ბალთები წარმოადგენს ბრინჯაოს ნახევარწრისებურ ფირფიტას, რომელსაც კაკვი და თასმაზე დასაყრებელი ნახვრეტები აქვს. მისი ზედაპირი შემკობილია ამოკვეთილი სპირალებით. ის ხშირად ჩნდება აღმოსავლეთ საქართველოშიაც.

ტანსაცმელთან დაკავშირებული საგნებიდან აღსანიშნავია სხვადასხვაგვარი საკინძები, ქინძისთავეები, კავეები, ღილები და სხვ. განსაკუთრებით მრავლად გვხვდება დიდი მ შ ვ ი ღ ღ ს ა კ ი ნ ძ ე ბ ი (ტაბ. XIV, 8), რომელთა ნემსი ჩამოსხმულია მშვილდთან ერთად და შემდეგ გამოკედილ-დამოშევებულია დამატებით. ამგვარი ნაკეთობანი გვხვდება აღმოსავლეთ საქართველოშიც, მაგრამ კოლხურებს მათგან განასხვავებს დიდი ზომა (10—12 სმ-მდე სიგრძე, 9—10 სმ-მდე სიგანე), მშვილდის ფორმა და შემკულობა, რომლის მოტივად უმრავლეს შემთხვევებში გვევლინება თევზიფხური. დასავლურ-ქართულ მშვილდსაკინძებში ორი სახესხვაობა გამოიყოფა: თანაბრად გასწვრივებულ რკალიანები და წურბელასებურები. სპეციალურ ლიტერატურაში გამოთქმულია მოსაზრება ამ სახის საკინძების ბერძნული ფიბულებიდან მომდინარეობის შესახებ, მაგრამ არქეოლოგიური მასალა საეჭვოდ ხდის მას: უპირველეს ყოვლისა აღსანიშნავია იქ,



რომ კოლხური და საერთოდ კავკასიის მატერიალური კულტურის სხვა ნაშთები ძვ. წ. II—I თასწლეულის მიჯნაზე, როცა ჩვენში და საბერძნეთში პირველად ჩნდება მშვილდსაყინძი, არ გვიჩვენებს ბერძნული გავლენის არავითარ კვალს, და ძნელი დასაშვებია, რომ ბერძნულის მიმბაძველობით მხოლოდ ამგვარი საყინძები (ფიბულები) ემზადებინათ; ამასთან ერთად საყინძის ეს სახე ისეთს არაფერს წარმოადგენს, რომლის დამოუკიდებლად შემუშავება არ შესძლებოდა გვიანი ბრინჯაოს ხანის სახელმწიფოებრივი კოლხური კულტურის შემქმნელ საზოგადოებას. უნდა ვიფიქროთ, რომ ერთმანეთის ძლიერ მსგავსი მშვილდსაყინძების ფორმა ერთსა და იმავე დროს გამოიშუშავდა საქართველოში და საბერძნეთში, ერთმანეთისაგან სრულიად დამოუკიდებლად. ადრებრინჯაოს ხანის მასალებში არ გვხვდება არავითარი მსგავსი იარაღი, რომლიდანაც ის შეიძლებოდა განვითარებულიყო. მშვილდსაყინძი გვიანი ბრინჯაოს ხანის უშუალო ნაყოფია, რომელიც შემდეგ საფუძვლად დაედო საყინძთა სხვა ტიპებს.

სამაგიეროდ, შუაბრინჯაოს ხანიდან მომდინარეობს ქინძის თავები ისინი სხვადასხვა ფორმისაა: ნიჩბისებურები, დისკოსებურთავიანები, თავხვიები, ქოლგისებრთავიანები და სხვ. კოსტუმთან ან თავსაბურველთან დაკავშირებული ჩანს უპირველეს ყოვლისა დისკოსებურთავიანი დიდრონი (ზოგჯერ 20—30 სმ სიგრძის) ქინძისთავები, რომლებიც მშვილდსაყინძებთან ერთად განკუთვნილი უნდა იყოს უხეში ქსოვილის ან ქეჩისაგან დამზადებული ტანსაცმლის თუ წამოსასხამის შესაკერებლად. გვიანი ბრინჯაოს ხანის ამიერკავკასიის არქეოლოგიურ კომპლექსებში დისკოსებრთავიანი ქინძისთავები იშვიათად ჩნდება (თრიალეთი, ბორჯომის რაიონი, ლიახვის აუზი); ისინი უფრო ჩრდილო ოსეთის სამაროვანთაგან არის ცნობილი. რაც შეეხება წინამორბედ ეპოქას, კერძოდ, შუაბრინჯაოს ხანას, ამ დროისათვის მსგავსი ქინძისთავები საყოველთაოდ გავრცელებული ყოფილა მთელს კავკასიის მთიანეთში და მთისწინა ზოლში. ეს მტკიცდება სათანადო აღმოჩენებით პიატიგორსკში, ჩრდილო ოსეთის სხვადასხვა პუნქტში (კუმბულთა, ქამუნთა და სხვ.), ნულში, ქვასათალში, ბრილში და სხვ. დისკოსებრთავიანი, დიდრონი ქინძისთავების გავრცელების ეს არეალი, რომელიც უმთავრესად მთიან რაიონებს მოიცავს, კიდევ ერთხელ მოწმობს არაერთგზის გამოთქმულ მოსაზრებას უხეშ ტანსაცმელთან მათი კავშირის შესახებ. მართლაც, კლიმატური პირობების გამო მთიელთა სამოსელი ყოველთვის განსხვავდება დაბლობის მოსახლეობის ტანსაცმლისაგან, რომელიც უმთავრესად ნაზი ქსოვილებისაგან მზადდება. მაგრამ ეს იმას როდი ნიშნავს, რომ გვიანი ბრინჯაოსა და რკინის ხანის კავკასიის მთიანეთისათვის უცხო იყო ხარისხიანი ქსოვილები. ბრილის გათხრების დროს, განვითარებული რკინის ხანის სამარხებში ნაპოვნია ლითონის ქანავთა გულენთილი ნაშთები სხვადასხვაგვარი ქსოვილებისა. თუმცა მათი ლაბორატორიული შესწავლა ჭერჭერობით არ მომხდარა, მაგრამ უბრალო დაკვირვებითაც შეიძლება მათ შორის გავარჩიოთ როგორც მსხვილი ძაფისაგან მოქსოვილი შალი, ისე საკმაოდ ნაზი, ალბათ, სელის ტილო. უნდა ვიფიქროთ, რომ ტანსაცმლის შესაკრავი და სხვადასხვაგვარი სამკაულის ფორმებიც ამის შესაბამისად დაიხვეწა და უფრო შემსუბუქდა, ვიდრე გვიანბრინჯაოს ხანაში იყო. ამ მხრივ მეტად საყურადღებოა ბრილში აღმოჩენილი ქინძისთავები, საყინძები, შესაკრავები და ბალთები, რომლებიც ახლაც დაამშვენებდა კულ-

ტურული ადამიანის კოსტუმს. ზოგიერთი ქინძისთავი ყურადღებას იპყრობს ზემო ნაწილის გაფორმებით. განსაკუთრებით საინტერესოა ყობანური ქინძისთავები, რომლებსაც ვერძის გამოსახულებები ამკობს; სოფ. თლიში აღმოჩენილ ზოგ ქინძისთავს ხარის თავის ქანდაკება ამშვენებს; ერთ იქაურსავე ქინძისთავზე ვხედავთ აღმოსავლურ-ქართული ცულის მოდელს; მეორე ქინძისთავი ყობანიდან დამშვენებულია ირემზე ძაღლის ნაღირობის სცენის გამოსახულებით.

ბრინჯაოს სამკაულიდან არ შეიძლება არ დავასახელოთ ს ა მ ა ჯ უ რ ი, რომელიც წარმოადგენს ოვალური მოყვანილობის მასიურ რკალს სიგრძივ გამავალი ორი ღარითა და სპირალური ხეიბებით დამთავრებული ბოლოებით. სამაჭურის ეს ფორმა უცხოა აღმოსავლურ-ქართული კულტურისათვის, მაგრამ რაღაც. ძაფებით დაკავშირებულია აღმოსავლეთ ევროპის ბრინჯაოს სამაჭურებთან. მთელ კოლხურ კულტურულ წრეში საყოველთაოდ გავრცელებულ ამ სამკაულთან ერთად გვაქვს ლოკალური ჯგუფისათვის დამახასიათებელი სამაჭურებიც — ყობანში ცილინდრული ხეიბები და აფხაზეთში ბრტყელი, ჯვრისმაგვარი სამაჭურები.

გვიანი ბრინჯაოს ხანის კოლხური კულტურის ნაშთთა შორის ხშირად პოვლობენ სხვადასხვა სისქის ჯ ა ჳ ე ე ბ ს, რომლებიც ყელსაბამად თუ გულსაკიდად ყოფილა გამოყენებული. ზოგჯერ ამგვარ ჯაჭვებზე ჩამოკიდებულია ნაირ-ნაირი სამკაულები: უმთავრესად ღუგმები ან ცხოველთა ქანდაკებანი. ბრილის ერთ-ერთ სამარხში აღმოჩენილი ბრინჯაოს ძეწკვის შუა ნაწილზე დამაგრებულა დედალი ღუგმისებური საკიდი. ამგვარი სამკაული, როგორც ჩანს, მარტო კავკასიური კულტურის განუყოფელ კუთვნილებას არ შეადგენდა: ზუსტად ბრალური ყელსაკიდის მსგავსი სამკაული ამკობს ფინიკიაში აღმოჩენილ ერთერთ, ქალღმერთის ქანდაკებას, რომელსაც ძვ. წ. XIV— XIII საუკუნეებით ათარი-ლებენ.

საკიდებად თუ დასადგმელად განკუთვნილი ცხოველების ქ ა ნ დ ა კ ე ბ ა ნ ი წარმოადგენენ მთელი კოლხური კომპლექსების მშვენებას. ეს ქანდაკებანი ყველაზე ბევრია აღმოჩენილი ყობანში, ბრილში და აფხაზეთის სხვადასხვა სოფელში. ქანდაკების საგანს უმთავრესად შეადგენდა გარემომცველ ცხოველთა სამყარო, მაგრამ ამასთან ერთად ვხვდებით ადამიანთა ქანდაკებებსაც. გარეული ცხოველებიდან უმთავრესად აქანდაკებდნენ დათვს, მგელს, ირემს; შინაურადან — ძაღლს (ტაბ. XIV, 2), ცხვარს (ტაბ. XIV, 1), ზროხას და ცხენს; გვხვდება ფრინველთა გამოსახულებანიც. კოლხური ქანდაკების ნიშანდობლივი თვისება, გრაფიკისაგან განსხვავებით, მისი რეალისტური ხასიათია. ეს რეალიზმი, ზოგიერთი გამონაკლისის გარდა, სრულიად არ გადადის ნატურალიზმში. ოსტატი ცდილობს გადმოგვეცეს ამა თუ იმ ცხოველის არსებითი და ძირითადი ნიშნები, რომლითაც იგი განსხვავდება მეორისაგან. სანიმუშოდ შეიძლება დავასახელოთ რამდენიმე ქანდაკება. ასეთებია, მაგალითად, ვერძი, მხედარი, ძაღლი, წყვილი დათვის ბელი (ტაბ. XIV, 6) და სხვ. ბრილიდან, გულდაუთიდან და ყობანიდან. ამასთან ერთად ქანდაკებაში შეინიშნება სტილიზაციის ელემენტებიც, რაც კარგად მოჩანს ზოგიერთ ბრილურ და აფხაზურ მონაპოვარზე. ამ ქანდაკებათა სტილიზებული ხასიათი საშუალებას არ იძლევა გარკვევით გამოვიცნოთ მათში რო-

მელიმე განსაზღვრული ცხოველი; მაგრამ მათ გვერდით გვაქვს იმავე ცხოველის უფრო რეალისტური ქანდაკებანი ბრილიდან, ყულანურხვიდან, ყობანიდან და სხვ., რომლებშიც ადვილად გამოიხატება მწოლარე ან ფეხზე მდგომი ძალის, ზოგჯერ მყეფარის პოზაში (ტაბ. XIV, 2). იგივე ცხოველი თავს იჩენს გრაფიკაშიც, განსაკუთრებით ბალთებზე და ცულებზე.

კოლხური ცულისა და სხვა საგნების ო რ ნ ა მ ე ნ ტ ი (ტაბ. XIII, 6) გეომეტრიული ან ცხოველური მოტივებისაგან შედგება; უფრო ხშირად ორივე მოტივი ერთად გვხვდება, მაგრამ ცალ-ცალკეც ხშირადაა დამოწმებული. გეომეტრიულ სახეთაგან განსაკუთრებით ყვარებიათ სამკუთხედები, რომბები, წრესაზები, წერტილები, წერილი ხაზები და ცხოველური მოტივისაკენ გარდამავალი „ზენური“ ხეიბი, ვითარცა გველის სიმბოლიკური გამოსახულებანი. ცხოველურ მოტივებში, როგორც ვთქვით, განსაკუთრებული ადგილი უკავია იმავე ოთხფეხის სტილიზებულ გამოსახულებას, რომელიც ქანდაკებებთან დაკავშირებით ვახსენეთ. მისი დამახასიათებელი ნიშნებია დაღებული ხახა, აცქვეტილი ყურები, გრძელი, ენერგიული ტანი, წერილი და მაღალი, ფანტასტიკურად დაბოლოებული ფეხები და სპირალური ხეით ან ოსრის წვერისებური წვეტით დაბოლოებული გრძელი კუდი. ზოგიერთი ავტორი ამ სურათებში ხედავს აფთრის ფანტასტიკურ-სტილიზებულ გამოსახულებას, ზოგიც მონადირე ძაღლისას; ზოგიერთმა სწავლულმა ეს გამოსახულება მიიჩნია გერიად, ერთერთი მეგრული ზღაპრის გმირად, რომელიც აღიარეს იბერიელთა ეპონიმად.

ზემოთ ვნახეთ, რომ იგივე ცხოველი, რომელიც გრაფიკულადაა გადმოცემული, ძლიერ ხშირად წარმოადგენდა ქანდაკების ობიექტსაც. ქანდაკებათადა გრაფიკულ სურათთა ერთმანეთთან შედარება, რომლის დროსაც არ შეიძლება არ შევნიშნოთ ჩვენთვის საინტერესო ცხოველის ბუნებაში არსებითი მომენტების ერთიანობა, უფლებას გვაძლევს კოლხური ცულის ამ გამოსახულებაში დავინახოთ ძალის. ვ. მილერი ფიქრობდა, რომ ეს არის მონადირე ძაღლი და, მართლაც, გამოსახულებანი ქინძისთავეებზე, ბალთებზე და სხვა ნივთებზე ამგვარი მოსაზრების სასარგებლოდ მეტყველებს. მეორე მხრით, ანგარიში უნდა გაეწიოს იმ გარემოებასაც, რომ მოცემულ ეპოქაში ძაღლის გამოსახულებებთან ერთად ფრიად გავრცელებულია ცხვრის გამოსახულებანიც. ჩანს, მეცხვარეობა კოლხური საზოგადოების მეურნეობის ერთერთი წამყვანი დარგი იყო. მეცხვარეობა კი, როგორც ცნობილია, თავისთავად გულსახმობს კარგად გაწვრთნილი ძაღლების ყოლასაც. ამიტომ საფუძველი გვაქვს ჩვენთვის საინტერესო კოლხურ ქანდაკებებში დავინახოთ როგორც მონადირე, ისე მწყემსი ძაღლების გამოსახულებანი.

ძალთან ერთად, კოლხურ ხელოვნებაში დიდი ადგილი უკავია ირემს. უნდა ვიფიქროთ, რომ ის ანახა მხატვრობაში, როგორც სანადირო ცხოველი, თუმცა გამოირიცხული არაა მისი საკულტო ხასიათიც: ცნობილია, რომ ირმის რქები, როგორც წარმართული კულტის გადმონაშთი, ხშირად გვხვდება ქრისტიანულ სამლოცველოებშიც.

ფრიად საპატიო ადგილი აქვს დამომობილი გველის გამოსახულებას. გველებით შემკობილია მრავალი ცული როგორც დასავლეთ საქართველოს სხვა-

დასხვა რაიონიდან, ისე ყობანიდან. განსაკუთრებულ ყურადღებას იპყრობს ყობანის ერთი ცული, რომელსედაც ნაირ ორნამენტს გარდა, ვხედვით შვიდ გველსა და მშვილდისარომარჯვებულ ადამიანს. მკვლევართა აზრით, ამ ცულზე გამოსატული უნდა იყოს გველთა მმუსგრელი ღვთაება. გველის გამოსახულებანი ამკობს აგრეთვე ბრილში აღმოჩენილ სატევარს. გველს, როგორც სიბრძნის, ელვისებრი სისწრაფისა და გესლიანობის განსახიერებას ძლიერ ხშირად ვხვდებით კოლხური კულტურის სხვა ნიმუშებზედაც. აქაქნი ანუ გრავიორები, ჩვეულებრივ, მის თავს გამოსახედნენ სამკუთხედის ან, უფრო სწორად, ისრის წვერის მსგავსად, ტანს კი სხვადასხვანაირად აპრელებდნენ.

კოლხური ხელოვნების ძეგლებიც, ისევე როგორც იარაღი და საჭურველი, წარმოადგენს ერთგვარ სარკეს, რომელშიც მოჩანს სათანადო საზოგადოების საწარმო-სამეურნეო საქმიანობა. გზადაგზა უკვე გვქონდა აღნიშნული, რომ ცხვრისა და ძაღლის ქანდაკებათა გახშირება გვიანი ბრინჯაოს ხანის მთისა და ბარის სამარხებში მიუთითებს ჯერ კიდევ შუაბრინჯაოს ხანაშივე ფრიად დაწინაურებული მეცხვარეობის როლის დაუქინებლად შენარჩუნებაზე. მეცხვარეობა, განსაკუთრებით მთაში, ამ დროსაც წარმოადგენდა მესაქონლეობის წამყვან დარგს, ვინაიდან ცხვრის მოშენება უაღრესად სარფიანი იყო არსებულ პირობებში. ცხვარი, რომელიც ხორციან და რძის სხვადასხვა ნაწარმთან ერთად იძლეოდა მატყლსაც, შედარებით ადვილი გამოსაკვები იყო მისი მოძრავი ბუნების წყალობით, უწინდებურად ცხვარს ასაზრდოებდა კავკასიის ქედის ალბიური საძოვრები—ზაფხულში და კასპიის სანაპირო—ზამთარში. ე. კრუპნოვის მიერ ამ მხარეში, სახელდობრ, ლუკოვისა და ნესტოროვის სამაროვნებზე აღმოჩენილი ძეგლები, მართალია, ჩვენთვის საინტერესო ხანის მიწურულსა, კოლხური კულტურის გავლენას გვაუწყებს და უნდა აიხსნას სატომთაშორისო ურთიერთობით, რომელშიც ამ დროს მეცხვარეობას მეტად საპატიო ადგილი ეკავა. მწყემსებს შორს, ცხვრის ფარის მოძრაობის მთელ გზაზე, გადაჰქონდათ მოწინავე კულტურის ელემენტები და მათდაუნებურად ნერგავდნენ ადგილობრივ მკვიდრთა შორის. ამ კულტურის გავრცელებას არა მარტო მონათესავე ტომებში, არამედ უფრო ვრცელ ტერიტორიაზედაც განსაკუთრებით ხელსაყრელი პირობები შეექმნა ძვ. წ. I ათასწლეულის დასაწყისიდან— მოშინაურებული ცხენის მომრავლების წყალობით. კოლხური კულტურის ძეგლთა შორის სწორედ ამ ეპოქიდან იწყებს გამოჩენას ცხენის აკაზმულობის ნაწილები, რომელთაგან სამარხებში პოულობენ ბრინჯაოს ნაირ-ნაირ სათასმე ბალთებს, ლაგმებსა (ტაბ. XIV, 9, 10) და საყბურებს. ისინი ცნობილია ყობანიდან, რაქიდან, ლეჩხუმიდან და სხვა რაიონებიდან. სოფ. ტოლის განძში 1939 წ. აღმოჩნდა ლაგამი, რომელიც წარმოადგენს ბრინჯაოს ორ ღერაკს, ერთიმეორეზე რგოლებით გადაბმულსა და დაბოლოებულს ამგვარივე რგოლებით, რომლებშიც აღვირის ბოლოები მაგრდებოდა (ტაბ. XIV, 10). მსგავსი ტიპის ლაგამებია ცნობილი კოლხური კულტურის გავრცელების ბევრ სხვა რაიონშიც. საყბურებს უმთავრესად ყობანიდან ვიცნობთ. ისინი თითო ან ორ-ორ ნახერტს შეიცავენ და ზოგი მათგანი მთავრდება ცხოველთა თავის ვამოსახულებებით. იმავე სამაროვანზეა აღმოჩენილი ცხენის ქანდაკებები. ბრილის ერთ სამარხში, რომელიც ჩვენთვის საინტერესო კულტურის ადრეულ

საფეხურს ეკუთვნის, იყო ცხენის ქანდაკება, ჯერ კიდევ გაუწაფავი ხელით ანა-
კეთები.

შეიძლება ვევარაუდოთ, რომ ცხენს ამ დროს იყენებდნენ არა მარტო სა-
ჯდომ, არამედ შესაბამელ ცხოველდაც, ამავე მიზნისთვის იყო განკუთვნილი
ხარიც. შუაბრინჯაოს ხანის თრიალეთისა და სევანის ტბის არქეოლოგიური
ძეგლების მიხედვით ჩვენ უკვე ვიცით, რომ ხარებსა და ცხენებს ურემში აბა-
მდნენ. II ათასწლეულის დასასრულისა და I ათასწლეულის დასაწყისის ნა-
ცარგორული ძეგლებიც (ხარის ქანდაკებანი, ურმის თვლის მოდელები) ამასვე
უნდა მიუთითებდეს. დაახლოებით იმავე დროსაა ჩვენს მიერ შემოხსენებუ-
ლი, ხარის თავებით დამშვენებული ქინძისთავეები თლიდან, ხარის ქანდაკებანი
ყოზანიდან და ჩრდილო ოსეთის სხვა სამაროვნებიდან. არქეოლოგიური მასა-
ლა ჯერჯერობით არ იძლევა იმის დამტკიცების საშუალებას, რომ ხარს კე-
გუთანშიც აბამდნენ, მაგრამ ეს მოვლენა საევარაუდებელია. კოლხური კულ-
ტურის გავრცელების დაბლობ რაიონებში მიწათმოქმედების დაწინაურების
ისეთი სურათი ჩანს, რომ მეურნეობის ამ დარგში ხარის მონაწილეობა სრუ-
ლიად შესაძლებელია. ანაკლიასთან (დიხა-გუძუბა) აღმოჩენილია ამ დროის ხორ-
ბალი დიდი რაოდენობით. ზემოთ უკვე ვახსენეთ ამავე ხანის ნამკვლები და-
თოხები. საფიქრებელია, რომ ბარში მაშინ ხმარობდნენ კავსაც, ურომლისო-
დაც ძნელად თუ აიხსნება მიწათმოქმედების განვითარების ისეთი დონე, რო-
მელსაც არქეოლოგიური ძეგლები გვაუწყებს. ცხადია, მიწათმოქმედებს მთი-
ელი ტომებიც მისდევდნენ, მაგრამ მათ მეურნეობაში მას არ ჰქვია წამყვანი-
როლი.

მეურნეობის მესამე დაწინაურებულ დარგს წარმოადგენდა მეტალურგია-
და ხელოსნობა. ხელოსნობის კერების მჭიდრო კავშირი სამთამადნო წარმოე-
ბის კერებთან, რაც შუაბრინჯაოს ხანამდე შეინიშნებოდა, ამ დროს უმეტეს-
წილად დარღვეულა. შესაძლებელია ასევე დამორდა ერთმანეთს სამთამადნო
წარმოებისა და მეტალურგიის კერებიც. ყოველ შემთხვევაში, ჩვენ არ ვიცით,
თუ სად ხდებოდა ამ დროს მადნის დაწურვა—საბადოებთან თუ მათგან მოშო-
რებით. ე. წ. მდნობელთა განძების მიხედვით, რომლებიც ხშირად ჩნდება და-
სავლეთ საქართველოს ტერიტორიაზე და შეიცავს როგორც სპილენძის ზო-
დებს, ისე მთელსა და დამტკრებულ ნივთებს, ცხადია, რომ სახელოსნო ცენტ-
რები ყოველთვის არ ემთხვევა მადნის დაწურვის კერებს. რადგან სატრანს-
პორტო საშუალებანიც გაუმჯობესდა და ლითონის დამუშავების ცოდნაც
ფართოდ გავრცელდა, დაიწყო ლითონის ზოდების შორს გატანა და სხვადა-
სხვა პუნქტში ჩამოსხმა-გამოქვდვა. ამიტომ, თუმცა ზოგადად ერთნაირი დარ-
ჩა მთელი ამ დროის კოლხური კულტურა, მაგრამ ცალკეულმა სახელოსნოებმა
იწყეს ისეთი ნივთების კეთებაც, რომლებიც აკმაყოფილებდნენ უპირატესად
განსაზღვრული რაიონის მოსახლეობის გემოვნებასა და სამეურნეო საჭიროე-
ბას. ამგვარად ყალიბდებოდა ლოკალური კულტურები ერთი მთლიანი კოლ-
ხური კულტურის შიგნით.

ქვემოთ ჩვენ დავახასიათებთ დასავლეთ საქართველოს ტერიტორიაზე და-
მოწეებულ კოლხური კულტურის ძეგლებს და ამ კულტურის ლოკალურ ვა-
რიანტებს.

როგორც ადრეც აღინიშნა, სადღეისოდ არსებული მასალების მიხედვით შესაძლებელი ხდება კოლხური კულტურის მხოლოდ ზოგადი დახასიათება, ძირითადად მატერიალური ნაშთების წამყვანი ფორმების ტიპოლოგიური ანალიზის გზით. ამ პერიოდის კოლხურ კულტურაში გამოირჩევა რამდენიმე რაიონი, რომელიც ერთგვარად თავისებურ, სპეციფიკურ სახეს ატარებს. კულტურის ლოკალური ვარიანტება ყველაზე უკეთ მოწმდება აფხაზეთში, რაქა-ლეჩხუმში და კოროხის აუზში. თითოეულ მათგანს უნდა ჰქონოდა საკუთარი საწარმოო ცენტრი ანუ კერა; უნდა არსებულყო აგრეთვე უფრო წვრილი მეტალურგიული კერებიც, რომლებიც ალბათ გარკვეული თავისებურებებით ხასიათდებოდა.

დასაველეთ საქართველოს მხარეებიდან არქეოლოგიურად შედარებით უკეთ შესწავლილია აფხაზეთი. აქ აღრიდანეე დიდი რაოდენობით დაგროვდა შემთხვევითი აღმოჩენების შედეგად მოპოვებული მასალები. სწორედ აფხაზეთიდან მომდინარე მასალის შესწავლის შედეგად გააღა შესაძლებელი პირველად იმის დადგენა, რომ დასაველეთ საქართველოში გამოჩენილი ბრინჯაოს ნივთები ახლო ანალოგიას პოულობენ ყობანის კულტურასთან. შემდეგ ხანებში სულ უფრო და უფრო გამრავლდა შემთხვევითი აღმოჩენების რიცხვი ამ რაიონიდან. შესწავლილი იყო აგრეთვე ამ პერიოდის რამდენიმე სამაროვანი. მათგან პირველ რაგში აღსანიშნავია ეშერისა და კულანურხვას სამაროვნები. გაირკვა, რომ გვიანბრინჯაოს ხანაში აქ გავრცელებული ყოფილა ძირითადად დასაფლავების ორი წესი: მოზრდილ თიხის ქურქელში და ორმოსამარხებში დასაფლავება.

ქვემო ეშერში 1930 წ. შემთხვევით იპოვეს სამი მოზრდილი თიხის ქურქელი, რომლებშიაც მიცვალებულის ძვლებთან ერთად აღმოჩნდა სხვადასხვა ნივთებიც. ერთერთ მათგანში ორი მიცვალებული ყოფილა ჩასვენებული, დაწარჩნ ორში თითო-თითო. ნივთები ნაპოვნი იყო პირველ ორში, მესამეში კი მხოლოდ მიცვალებულის ძვლები ეწყო. სამარხეული ინვენტარი შედგებოდა ბრინჯაოს იარაღისა და სამკაულებისაგან. გარდა ამისა აღმოჩნდა სერდოლიცის მსხვილი მძივები. იარაღიდან განსაკუთრებით აღსანიშნავია კოლხური ცული ბრინჯაოს სახელურით, სხვადასხვა ფორმის სატევრის და შუბის პირები, დიდი რაოდენობით ბრინჯაოს სამკაული: სამაჭურები, საწვივე რგოლები, სარტყელი, მძივები, კონუსისებრი სამკაული, კალის ხატისუღელი და სხვ.

1934 წ. ამავე სამაროვანზე ჩატარებული გათხრების დროს აღმოჩნდა მოზრდილი თიხის ურნა. ურნა ჩადგმული იყო ყირამალა, ქვის ფილაზე. შიგ ესჯენა ორთი მიცვალებული. აღსანიშნავია, რომ ჩონჩხის ძვლებს ნაწილი აკლდა. ურნაში ნაპოვნია ბრინჯაოს კოლხური ცული, სატევარი, ორი ბრინჯაოს და ერთი რკინის შუბის პირი, ბრინჯაოს წვრილი მძივები, კალის ხატისუღლის ნატეხები და რკინის ღერო.

მიუხედავად იმისა, რომ თიხის ურნა საკმაოდ დიდი ზომისა იყო (0,80; 1,0 მ), მიცვალებულის მოთავსება შიგ მაინც საკმაოდ ძნელი იქნებოდა. უფრო საფიქრებელია, რომ მეორედ დასაფლავებასთან გვექონდეს საქმე. შესაძლოა ურნაში ძირითადად მხოლოდ მიცვალებულის ძვლებს ათავსებდნენ. ამას ისიც მოწმობს, რომ ჩონჩხს გარკვეული ნაწილი აკლდა.

გარდა ეშერისა, დასაფლავების ამგვარივე წესი ჩანს აგრეთვე სოფ. პრი-
მორსკოეში. აქ სრულიად შემთხვევით აღმოჩენილი იყო ბრინჯაოს ნივთები.
მიცვალებული აქაც მოზრდილ ჭურჭელში ყოფილა მოთავსებული. ეს ჭურჭე-
ლი თითქმის სავსებით ისეთივეა, როგორც ეშერის ურნები. მიცვალებულთან
აღმოჩნდა ბრინჯაოს ნივთები: ორი მთელი და ორიც ნაკლები კოლხური
.ცული, სატყერის პირი, სამი შუბის პირი, ბრინჯაოს ხატისულელი, რკალსე-
ბრი ფიბულა, მოზრდილი მამალი ღუგმა, ჩაფხუტის ფრაგმენტები და სხვ.

ამრიგად, ჩანს, გვიანბრინჯაოს ხანაში დასავლეთ საქართველოს ჩრდილო-
დასავლეთ ნაწილში გავრცელებული ყოფილა დაკრძალვის თავისებური წესი:
მიცვალებულის დასაფლავება მოზრდილ თიხის ჭურჭლებში. დასაფლავების ეს
წესი ამ პერიოდის საქართველოში დამოწმებული არ არის. უნდა აღინიშნოს,
რომ თიხის ჭურჭელში დაკრძალვის წესი ძველ აღმოსავლეთში უკვე საკმაოდ
ადრინდელი ხანიდანაა ცნობილი. ჩვენში კი ეს წესი ვრცელდება მხოლოდ და-
სავლეთ საქართველოში გვიანი ბრინჯაოს ხანიდან. ამ პერიოდში იგი მტკიცედ
ვერ იკიდებს ფეხს. სამაგიეროდ, პირველი ათასწლეულის შუა ხანებიდან, მი-
ცვალებულის თიხის ჭურჭელში დასაფლავების წესი დასავლეთ საქართველო-
ში უკვე საკმაოდ ვრცელდება (დაბლაგომი, ფარცხანაყანევი და სხვ.), ხოლო
ათასწლეულის მიწურულისათვის თითქოს ისპობა. სამაგიეროდ მას ვხვდებით
აღმოსავლეთ საქართველოში (ქვეერსამარხები).

ზემოაღნიშნულ წესთან ერთად გვიანბრინჯაოს ხანაში აფხაზეთში გავრ-
ცელებული იყო აგრეთვე მიცვალებულის ორმოსამარხებში დაკრძალვის წე-
სიც. ორმოსამარხი უნდა იყოს 1929 წ. სოფ. მუგუძირხვაში (ადგილი ააგსტა)
შემთხვევით აღმოჩენილი სამარხე. ეს ადგილი ინახულა ა. ლუკინმა და მცირე
გათხრებიც ჩაატარა. მისი აზრით, მიცვალებული ამ სამარხში დასაფლავებული
ყოფილა მოკუნტული, მარჯვენა გვერდზე მწოლარე. ექ აღმოჩენილი საწვივე
რგოლების მიხედვით ა. ლუკინი ასკვნის, რომ სამარხი ბავშვისა უნდა იყოს,
მაგრამ ეს მოსაზრება სამარხეული ინვენტარის მიხედვით არ მტკიცდება; სა-
მარხი უთუოდ მოზრდილ ინდივიდს ეკუთვნოდა. სამარხში ნაპოვნი იყო სამი
კოლხური ცული, ბრინჯაოს ძლიერ დაზიანებული ბალთა, კონუსისებრი სამ-
კაულები, ცხოველის ქანდაკებები, საკანჭურები, რგოლები, ბრინჯაოს და სერ-
დოლიკის მძივები და სხვ.

1949 წ. სოფ. ყულანურხვაში არქეოლოგმა მ. თრაპშმა აღმოაჩინა და შეი-
სწავლა ხუთი სამარხი; მათგან ერთი სამარხი ცხენისა იყო. შესწავლილი სამარ-
ხებიდან სამი ბრინჯაოს ხანას ეკუთვნის, დანარჩენი ორი კი მომდევნო პე-
რიოდს. ორმოსამარხებში ჩვეულებრივ თითო მიცვალებულს ასვენებდნენ, გა-
შოტილად, ზურგზე მწოლარეს, თავით სამხრეთ-დასავლეთით, ზღვისკენ. ამ
სამარხებიდან განსაკუთრებით აღსანიშნავია პირველი, რომელშიაც მეტად
მდიდარი ინვენტარი აღმოჩნდა: ხუთი კოლხური ცული (აქედან ერთს ეშერის
ცულის მსგავსად, ბრინჯაოს სახელური აქვს; საინტერესოა აგრეთვე ცული,
რომელსაც ყულანე ცხოველი აზის), სამი სამაჯურა, სარტყელი, მრავალი სხვა-
დასხვა ფორმის საკიდი, მძივები სერდოლიკის, მინისა, აგრეთვე პასტის და სხვ.

დასასრულ, უნდა აღინიშნოს, რომ ეშერის ერთერთი დოღმენის ზედა ფე-
ნაში აღმოჩენილ იქნა გვიანბრინჯაოს ხანის კოლექტიური სამარხი. სამარხში

დაახლოებით 10-მდე მიცვალებული უნდა ყოფილიყო. დასაფლავების წესის დადგენა თითქმის სრულიად შეუძლებელი გახდა. მიცვალებულის ძელები ყოველგვარი წესრიგის გარეშე ეყარა. ძელებიდან ძირითადად გამოირჩეოდა თავის ქალები და კიდურების ძელები. სამარხში ჩატანებული იყო ბრინჯაოს შუბის პირი, ორი სარტყელი, ბრინჯაოს ბიკონუსური ფორმის მძივების ასბჟულა, სასაფეთქლე რგოლები.

კიდევ უფრო მეტია აფხაზეთის ტერიტორიიდან ამ პერიოდის შემთხვევითი აღმოჩენები. ამთგან აღსანიშნავია ახალი ათონის კოლექცია, რომელიც შედგება ბრინჯაოს ორი ნაკლული ცულს, შუბის და ხელშუბის პირების, სამაჯურების, მამალი ღუმის, რკალისებრი ფიბულისა და სხვ. ნივთებისაგან. შემთხვევით მონაპოვრებს მიეკუთვნება გუდაუთაში აღმოჩენილი ბრინჯაოს-ტარიანი ერთი კოლხური ცული. ამ ცულს ყუაზე ცხოველის (ცხენის) სამი ქანდაკება აზის. მეტად საყურადღებო აღმოჩენებს ადგილი ჰქონდა აბგარხუქში, აქანდარაში, ეშერში, შიგ სოხუმში და სხვ.

განძი სოფ. ლეჩქოფიდან შედგება თხუთმეტამდე კოლხური ცულისაგან. სოხუმის მთის განძში 13 კოლხური ცულის გარდა აღმოჩნდა ერთი სეგმენტისებრი იარაღი, ორი უცნობი დანიშნულების რაღაც ნივთი და სამი სპილენძის ზოლი; ცნობილია აგრეთვე ლაბრის განძი, კუბურხინჯის განძი და სხვ. განსაკუთრებით უნდა აღინიშნოს ბიჭვინთის განძი. ამ განძში ერთი კოლხურ ცულია, ერთი იმ ტიპის ცული, რომელსაც კოლხური ცულის პროტოტიპად მიიჩნევენ, და სამი — ყუბანისპირეთის კულტურისათვის დამახასიათებელი ცული.

აფხაზეთში მოპოვებული გვიანბრინჯაოს ხანის მასალების შესწავლის შედეგად ჩანს, რომ აქ ამ პერიოდში კოლხური კულტურის თავისებური, ლოკალური ვარიანტი არსებობდა. კოლხური კულტურის საერთო დამახასიათებელ ნიშნებთან ერთად გამოირჩევა აგრეთვე მთელი რიგი სპეციფიკური ფორმებისა როგორც იარაღში, ასევე, უპირატესად, სამკაულში. აღსანიშნავია, რომ აქ დღემდე თითქმის უცნობია კოლხური კულტურის ზოგიერთი წამყვანი ტიპი.

აფხაზეთში გვიანბრინჯაოს ხანაში ფართო გავრცელებას პოულობს კოლხური ცულის ძირითადად I და II ტიპი. III ტიპის კოლხური ცული სადღეისოდ აქ სრულიად უცნობია; მხოლოდ აფხაზეთში გვხვდება ბრინჯაოს ტარიანი კოლხური ცულები. კოლხური კულტურის წამყვანი ტიპებიდან გვხვდება აგრეთვე სეგმენტისებრი იარაღი. აქ ძირითადად გავრცელებული იყო ამ იარაღის შედარებით მოზრდილი ვარიანტი, რომელიც, როგორც ფიქრობენ, ბარის ფუნქციის მატარებელი უნდა ყოფილიყო. ჩანს, აფხაზეთში ამ ტიპის იარაღმა საკმაოდ გვიანობამდე შემონახა თავი. რამდენიმე ამგვარი იარაღი აღმოჩნდა უფრო მოგვიანო ხანის განძში კუბურხინჯში და I ათასწლეულის შუა ხანების სამარხში.


იარაღიდან განსაკუთრებით საინტერესოა აფხაზეთის გვიანბრინჯაოს ხანის კომპლექსებში აღმოჩენილი შუბის პირები. აქ რამდენიმე ვარიანტის შუბის პირი იყო გავრცელებული. ზოგი ტიპი გავრცელებულია საერთოდ კოლხურ კულტურაში, ზოგიც ამ კულტურის აფხაზეთური ვარიანტისთვის ჩანს და-



1



2



3



4




5



6




7



8



9



10

მხასიათებელი. პირველთაგან საყურადღებოა სოფ. პრიმორსკოეში აღმოჩენილი ერთი შუბის პირი, რომელზედაც სავსებით ისეთივე ორნამენტია გამოყვანილი, როგორიც ნოხვამუს ბორცვზე აღმოჩენილ შუბის პირზე. აღსანიშნავია აგრეთვე ისიც, რომ ეშერის ერთერთი შუბის პირის მასრაზე მოცემული კომპოზიცია, ნახტი თთქმის არ განსხვავდება სოფ. ჯეგეშში (სამხრეთ ოსეთში) ნაპოვნი შუბის პირის ორნამენტაციისაგან.

ამ ტიპის შუბის პირებთან ერთად აფხაზეთში ცნობილია მისი რამდენადმე თავისებური ვარიანტიც. მათ შედარებით მოკლე, ფოთლისებრი პირი აქვთ, მასრა გახსნილია, ვიწრო და გრძელი. ისინი ცნობილია ეშერის სამაროვნიდან, პრიმორსკოედან, ეშერის ერთერთი დოლმენიდან და სხვ. ამგვარი შუბის პირები სადღეისოდ აფხაზეთის გარეთ თთქმის სრულიად უცნობია და ჩანს, დამახასიათებელი უნდა იყოს კოლხური, კულტურის ჩრდილო-დასავლეთი ნაწილისათვის, როგორც მისი ლოკალური ვარიანტისათვის.

რაც შეეხება აფხაზეთის ტერიტორიაზე აღმოჩენილ ამ პერიოდის სატყერის პირებს, მათშიც რამდენიმე ვარიანტი ჩანს, მაგრამ ყველა ისინი დამახასიათებელია საერთოდ კოლხური კულტურისათვის.

უნდა აღინიშნოს, რომ კოლხური კულტურის გავრცელების უკიდურეს ჩრდილო-დასავლეთ ნაწილში სრულიად უცნობია ამ კულტურის ზოგიერთი წამყვანი ტიპი: თოხი, წალდი, ბრტყელი ცული და სხვ. როგორც ჩანს, აქ ამ იარაღებმა სათანადო გავრცელება ვერ პოვეს. რითი უნდა იყოს გამოწვეული ეს გავრცელება ჭერჭერობით ძნელი სათქმელია. ამის ერთერთ მიზეზს შეიძლება მეურნეობის ხასიათის ერთგვარი თავისებურება შეადგენდა. შესაძლოა, ამ რაიონში მეურნეობის ძირითადი დარგი ჭერ კიდევ შესაქონლობა იყო. ამის საბუთად ეგებ ისიც გამოდგეს, რომ შედარებით ხშირად გვხვდება ცხოველების გამოსახულებები და ზოგჯერ უპირატესად ისეთ ნივთებზე, რომლებიც დამახასიათებელია საკუთრივ კოლხური კულტურის აფხაზური ვარიანტისათვის (მაგალითად, კონუსისებრი სამკაული). საფიქრებელია, ეს იყო სწორედ ერთერთი მიზეზი იმისა, რომ აქ სათანადო გავრცელება ვერ პოვა კოლხური კულტურის ისეთმა სამიწათმოქმედო იარაღებმა, როგორიც იყო თოხი, წალდი, ნამგალი და სხვ.

მეტი თავისებურება ჩანს სამკაულში. აფხაზური მოზრდილი ზომის ბიკონუსური მძივების ტიპის მძივები გვხვდება უფრო აღრინდელ დოლმენებშიც. რამდენადმე უახლოვდება მათ ბორჯომის მუზეუმში დაცული ბიკონუსური მძივები.

თავისებურია აგრეთვე აფხაზეთის გვიანბრინჯაოს ხანის სამარხებში აღმოჩენილი ბრინჯაოს ვიწრო სარტყლები ბალთებზე გამოსახული ცხოველის თავებით. იგივე თქმის კარგად ცნობილ კონუსისებურ სამკაულებზე. აღსანიშნავია, რომ ეშერში აღმოჩენილ ამგვარ სამკაულებზე სავსებით ისეთივე ცხოველები არიან გამოსახული, როგორიც სარტყლის ბალთებზეა. განსხვავებული ტიპისაა ფუყე საწვივე რგოლებიც, რომლის მსგავსი სრულიად უცნობია სხვაგან.

შეიძლება კიდევ ზოგიერთი სხვა ფორმების ჩამოთვლა, რომლებიც, როგორც ჩანს, კოლხური კულტურის აფხაზური ვარიანტისათვის იყო დამახასიათებელი, მაგრამ ზემოთ თქმულიდანაც კარგად ჩანს ამ რაიონის თავისებური სახე.

უკანასკნელ ხანებში გამოითქვა მოსაზრება, რომ კოლხური კულტურის ჩრდილო-დასავლეთი საზღვარი უნდა ყოფილიყო სოჭისა და ბზიფს-შორის. აქ

ეს კულტურა ესაზღვრებოდა ყუბანისპირეთის კულტურას. აფხაზეთში სადღეისოდ რამდენიმე ადგილას არის ცნობილი ყუბანისპირეთის კულტურისათვის დამახასიათებელი ფორმები: რამდენიმე ცული ბიკინტის განძში, გუდაუთიდან ერთი ცული და სხვ.

ამრიგად, გვიანბრინჯაოს ხანაში დასავლეთ საქართველოს ჩრდილო-დასავლეთ ნაწილში უნდა არსებულიყო კოლხური კულტურის მეტად თავისებური, ლოკალური ვარიანტი. ამ ვარიანტს კოლხურ კულტურასთან მთელი რიგი საერთო ნიშნები აახლოებს, მაგრამ ამავე დროს იგი უთუოდ მეტად განსხვავებული ხასიათისაა. ეს გარემოება შესაძლოა გამოწვეული იყო ძირითადად მეურნეობრივი ხასიათის თავისებურებით. უნდა აღინიშნოს, რომ ჩვენში კულტურის ამა თუ იმ ვარიანტის თავისებურებაზე გავლენას ახდენდა ბუნებრივი პირობები; გეოგრაფიული პირობების სხვადასხვაობა (ბარი, მთის ძირი, მთა და სხვ.) უთუოდ იწვევდა გარკვეულ სხვაობას კულტურის შიგნითაც. სწორედ ეს უნდა იყოს ერთერთი მიზეზი იმისა, რომ გვიანი ბრინჯაოს დასავლურ-ქართულ კულტურაში შესაძლებელი ხდება რამდენიმე შედარებით მსხვილი და უფრო წვრილი ლოკალური რაიონების გამორჩევა.

ამ პერიოდში აქ უკვე თავს იჩენს რკინის პირველი ნივთები. ეშერის სამაროვნის ერთერთ სამარხში იპოვნეს რკინის შუბის პირი და კიდევ რაღაც პატარა რკინის ნივთი. მაგრამ, ჩანს, რკინა ჯერ კიდევ ფეხმოკიდებული არ ყოფილა.

დასავლეთ საქართველოს სხვა რაიონების ასეთი სრული დახასიათება სათანადო მასალების უქონლობის გამო თითქმის შეუძლებელია. როგორც ზემოთ იყო აღნიშნული, მთელი მასალა, რომელიც სადღეისოდაც ცნობილი, თითქმის მხოლოდ შემთხვევითი აღმოჩენების შედეგადაა დაგროვილი. ამიტომაც, გარკვევით ლაპარაკი კოლხური კულტურის სხვა რომელიმე ლოკალური ვარიანტის შესახებ ჯერჯერობით მეტად ჭირს. ამ კულტურის ზოგადი დახასიათება ძირითადად წამყვანი ტიპების ტიპოლოგიური ანალიზის გზით ხერხდება.

დასავლეთ საქართველოში გვიანბრინჯაოს ხანის განძები მეტად დიდი რაოდენობითაა აღმოჩენილი. როგორც არქეოლოგიური მასალებიდან ჩანს, განძები აქ უპირატესად გვხვდება ბარისა და მთისძირა რაიონებში, განსაკუთრებით სამხრეთ-დასავლეთისაკენ. ისინი თითქმის ყველა შემთხვევითაა აღმოჩენილი, ზოგჯერ უშუალოდ მიწაში ჩაფლული, ზოგჯერ კი თიხისა თუ ლითონის ქურქელში მოთავსებული. ჩვეულებრივად ორი ტიპის განძს არჩევენ. ერთი რომელიც შედგება უმთავრესად უკვე ხმარებიდან გამოსული ნივთებისაგან, ზოდებისაგან და სხვ., მეორე კი უმთავრესად ჯერ კიდევ უხმარ, ახალ ნივთებს შეიცავს. ჩვენში ძირითადად პირველი რიგის განძები გვხვდება. ესენი, როგორც ჩანს, ლითონის ხელახალი გადადნობისათვის იყო განკუთვნილი. ამიტომაც მათ „მდნობელთა“ განძებს უწოდებენ. ამათგან აღსანიშნავია ციხისძირის, ზენითის, გოგოლეისუბნის, ოფშკეთის, სიმონეთის და მრავალი სხვა განძი. მეორე ტიპის განძები შედარებით ნაკლებად გვხვდება. ამ განძებიდან განსაკუთრებით საყურადღებოა ლეჩხუმში, სოფ. ოყურემის ზემოთ, ლაჭობის ძირზე აღმოჩენილი განძი. ნივთები მოთავსებული ყოფილა ბრინჯაოს ქურქელში. იგი შედგებოდა სხვადასხვა ტიპის კოლხური ცულებისაგან, ბრტყელი ცულის; ცულ-ნამგლის, სამაჭურების, ხატისუღლისა და რგოლებისაგან (სულ 32 ნივთია). ჩანს, რომ თითქმის ყველა

ნიეთი, ჯერ კიდევ სრულიად უხმარი მოხვედრილა განძში. შესაძლოა ეს განძი ეკუთვნოდა ლითონის ნიეთებით მოვებარეს, რომელშიც რაღაც მიზეზის გამო იგი მიწაში დამალა. ზოგიერთი შეკვლევების აზრით, საქართველოს ტერიტორია იმთავითვე საომარ ასპარეზს წარმოადგენდა და ამიტომაც ხელოსნები თუ ლითონით მოვებარენი იძულებული იყვნენ თავისი ნიეთები საგანგებოდ მიწაში ჩაეფლათ. ასეა თუ ისე, ახლა ძნელი სათქმელია, მაგრამ ეს განძები იმას უნდა მოწმობდეს, რომ ამ პერიოდში საკმაოდ მაღალგანვითარებული მეტალურგიული წარმოება ყოფილა.

კოლხური კულტურის ერთერთი ყველაზე უფრო ძლიერი, წამყვანი მეტალურგიული ცენტრი დღევანდელი ჭოროხის აუზი უნდა ყოფილიყო. ეს რაიონი დღესაც მდიდარია სპილენძის საბადოებით, რომლებიც, როგორც ჩანს, უკვე ძველიდანვე საკმაოდ ცნობილი იყო. სამწუხაროდ, ეს რაიონი ამ თვალსაზრისით შესწავლილი არ არის და ძველი წარმოების ნაშთების შესახებ გარკვევით რაიმეს თქმა ძნელია. მაგრამ აღსანიშნავია, რომ ძანსულში, სადაც ცნობილია ძველი სამთო წარმოების ნაშთები, უპოვინათ ქვის უროები და კიდევ რაღაც სხვა ნიეთება. იქვე, მიწის სამუშაოების დროს, აღმოჩენიათ ერთი კოლხური ცული, ოღონდ მაინც ძნელია მათი უშუალოდ დაკავშირება ძველი წარმოების ნაშთებთან. მაგრამ თუ ზემოთ თქმულს დავუმატებთ იმასაც, რომ ამ მიდამოებში მეტად მრავლადაა ცნობილი გვიანი ბრინჯაოს ხანის განძები, მაშინ უფრო დამაჯერებელი ჩნდება ვიფიქროთ, რომ ეს რაიონი იმთავითვე წარმოადგენდა კოლხური კულტურის ერთერთ ძლიერ მეტალურგიულ კერას.

საყურადღებოა ჭოროხის აუზში დიდი რაოდენობით ნაპოვნი განძები: ისინი უმთავრესად „მდნობელთა განძების“ რიგისაა (ციხისძირის განძი, ჩაქვის განძი, ართვინის განძი, ზენითის განძი და სხვ.) და უპირატესად შედგება თოხების, სეგმენტისებრი იარაღის, ცულებისა და ზოდებისაგან. განსაკუთრებით ბევრია თოხები. დასავლეთ საქართველოს სხვა ადგილებში აღმოჩენილი განძები კი ჩვეულებრივად სხვა ნიეთებთან ერთად თითო-ორილა თოხს შეიცავს ხოლმე. ცნობილია აგრეთვე ცალკეული აღმოჩენები კოლხური ცულებისა, თოხებისა, სეგმენტისებრი იარაღისა, წალღებისა და სხვ.

სოფ. ხუცუბნის გვიანი ბრინჯაოს და ადრეული რკინის ხანის სამარხებში მოპოვებულია სამი კოლხური ცული, სეგმენტისებრი იარაღი, ორნამენტიანი სარტყლის ფრაგმენტები, ხატისუღელი, სერდოლიკის მძივები და სხვ.

ჭოროხის აუზში კარგადაა ცნობილი კოლხური ცულები. აქვე უნდა აღვნიშნოთ, რომ კოლხური კულტურის გავრცელების სამხრეთ ნაწილში უმთავრესად გვხვდება I ტიპის კოლხური ცულები. მხოლოდ ორგანაა ცნობილი II ტიპის ცულები, სახელდობრ, ურეკიდან და ხევის განძიდან. სოფ. ზენითში და ქობულეთში აღმოჩენილი ცულები, ერთი მხრივ, ჯერ კიდევ ახლო დგანან კოლხური ცულის პროტოტიპთან, მაგრამ, მეორე მხრივ, მათ ახასიათებთ კოლხური ცულის მთელი რიგი ნიშნები.

რაც შეეხება თოხებს, ისინი საერთოდ ფართოდ იყო გავრცელებული კოლხურ კულტურაში, მაგრამ, ჩანს, რომ ყველაზე ერთნაირად არ დამკვიდრებულა. დასავლეთ საქართველოს ჩრდილო-დასავლეთ ნაწილში ეს იარაღი შედარებით ნაკლებად გვხვდება, აფხაზეთში კი დღემდე სრულიად უცნობია: ოთხი ყველა-

ზე მეტად გავრცელებული იყო კოლხეთის სამხრეთ ნაწილში, განსაკუთრებით კორახის აუზში. ამიტომაც, საფიქრებელია, რომ თოხი ძირითადად კორახის მეტალურგიული ცენტრიდან გამოსული ნაწარმია, რომელიც შესაძლოა უპირატესად აქედან ვრცელდებოდა სხვა რაიონებში.

ბრინჯაოს თოხი ჩვენში ცნობილი უნდა ყოფილიყო უფრო ადრინდელი პერიოდისა. ყველაზე ადრეული ლითონის თოხები ჭერჯერობით აღმოჩენილია ურეკის განძში, რომელიც შუაბრინჯაოს ხანას მიეკუთვნება. მაგრამ ურეკის განძის თოხები უკვე იმდენად ჩამოყალიბებული ტიპისაა, რომ გვაფიქრებინებს ჩვენში უფრო ადრეული ლითონის თოხის არსებობას. ურეკის განძის თოხები გენეტიკურ კავშირშია გვიანბრინჯაოს ხანის კოლხურ თოხებთან.

აღსანიშნავია, რომ ამ პერიოდის არც ერთ სხვა კულტურაში არ არის ცნობილი ასეთი დიდი რაოდენობის თოხები, როგორც კოლხურში. საქართველოს გარდა ამ ტიპის თოხი ჭერჯერობით სრულიად უცნობია. უეჭველია, რომ იარაღის ეს ტიპი დასავლურ-ქართული კულტურის ნიადაგზეა შექმნილი. ბრინჯაოს თოხი გარკვეულ კავშირშია მომდევნო ხანაში საქართველოში გავრცელებულ რკინის თოხებთან და გარკვეულ მსგავსებას იჩენს საქართველოს დღევანდელ ეთნოგრაფიულ სინამდვილეში გავრცელებულ თოხთან, განსაკუთრებით, ე. წ. იმერულ თოხთან.

როგორც ჩანს, ბრინჯაოს თოხს გვიანბრინჯაოს ხანის მიწათმოქმედებაში ფართო გამოყენება უნდა ჰქონოდა დასავლეთ საქართველოში. მიწის მოხვნა ყოველთვის სახვნელით ვერ ხერხდება, უპირატესად, დასამუშავებელი ადგილისა და ნიადაგის თავისებურების გამო. ცხადია, რომ ყოველი ნიადაგი თავისებურ დამუშავებას მოითხოვს. წერილობით წყაროებში დაცულია ცნობა იმის შესახებ, რომ ჩვენში მიწის დამუშავება მარტო სახვნელით კი არ წარმოებდა, არამედ თოხითაც. აღსანიშნავია, რომ საქართველოს თანამედროვე ეთნოგრაფიულ სინამდვილეშიც თოხი ზოგჯერ სახვნელის როლს ასრულებს. რა თქმა უნდა, თოხის ფუნქცია მხოლოდ საყანე მიწის დახვნით არ ამოიწურება. ხშირად თოხს დახნული მიწის ბელტების დასაფშვენელად და უკვე დათესილის გასამარგლავად იყენებენ. გარდა ამისა თოხს დიდი გამოყენება უნდა ჰქონოდა აგრეთვე საბოსტნე და საბაღე მეურნეობაში. კოლხური ბრინჯაოს თოხები ნაირი ზომისა და მოყვანილობისაა. საფიქრებელია, რომ თოხის ზომა და მოყვანილობა სამეურნეო დანიშნულებით განისაზღვრება. შესაძლოა უფრო მოზრდილებს მიწის სახნავად იყენებდნენ, მომცრო ზომისას კი სამარგლავად ან საბაღე მეურნეობაში.

კოლხური კულტურის გავრცელების სამხრეთ რაიონებში მიწათმოქმედების განვითარებას, გარდა თოხისა მოწიშობს აგრეთვე აქ გავრცელებული სხვა სამიწათმოქმედო იარაღები. ამ მხრივ განსაკუთრებით აღსანიშნავია ბრინჯაოს წალდი. სადღეისოდ არსებული მასალებიდან ჩანს, რომ ეს იარაღი გვიანბრინჯაოს ხანაში გავრცელებული იყო დასავლეთ საქართველოს ბარში, უპირატესად მის სამხრეთ ნაწილში. ყველაზე მეტად ცნობილია წალდი გურია-აჭარისა. ერთი წალდი აღმოჩნდა ორდუს განძში, ასე რომ, მისი გავრცელების სამხრეთი საზღვარი საკმაოდ შორს მიდის, ჩრდილოეთი საზღვარი კი არ სცდება სოფ. ზემო სიმონეთს, რომლის განძშიც იპოვეს ამ იარაღის ერთი ეგზემპლარი. ამიტომ-

მაც შესაძლოა ბრინჯაოს წალი, თოხის მსგავსად, ძირითადად ქორხის მეტა-
ლურკული ცენტრისათვის ყოფილიყო დამახასიათებელი. ამ იარაღის გავრცე-
ლება აქ, ალბათ ძირითადად რაიონის თავისებურებით იყო გამოწვეული. კოლ-
ხეთის ეს რაიონი ხშირი ტყეებით იყო დაფარული და წალის ტყისა და ბუჩქე-
ბის მოსაკაფავად იყენებდნენ. წალი ეთნოგრაფიულ სინამდვილეში მდიდრა-
დაა წარმოდგენილი უპირატესად დასავლეთ საქართველოდან. იგი ძირითადად
იხმარება ტყის, ჩირგვების, ზარღების და სხვ. საწალდავად. უთუოდ აღსანიშ-
ნავია ის გარემოება, რომ თანამედროვე ყოფაში გავრცელებული წალი თავისი
ფორმით გარკვეულ მსგავსებას იჩენს ძველ ბრინჯაოს წალდებთან. ბრინჯაოს
წალი, კოლხური კულტურის ერთერთი დამახასიათებელი იარაღია, რომელიც
ქართულმა კულტურამ დღევანდლამდე მოიტანა.

შეტად დამახასიათებელია კოლხური კულტურის ამ რაიონისათვის ე. წ.
სეგმენტისებრი იარაღი, რომელიც, თოხის მსგავსად, ფართოდაა გავრცელებულია
გვიანბრინჯაოს ხანის დასავლურ-ქართულ კულტურაში და, ჩანს, ამ კულტურის
ერთერთი წამყვანი ტიპი ყოფილა. ეს იარაღიც უპირატესად განძებში გვხვდება,
განსაკუთრებით დიდი რაოდენობითაა გავრცელებული იგი დასავლეთ საქართ-
ველოს ბარის რაიონებში: ქორხის აუზში, რიონის შუა და ქვედა წელის რაიონ-
ში და ენგურის ქვედა წელის აუზში. მაშასადამე, სეგმენტისებრი იარაღი უფ-
რო დამახასიათებელი ყოფილა კოლხური კულტურის სამხრეთი რაიონებისა-
თვის. მისი გავრცელების საზღვარი საქმოდ შორს მიდის, გვხვდება ართვინის
განძში და აღმოსავლეთ ანატოლიაში სოფ. სასაწყალში. უფრო ჩრდილო რაიონ-
ებში იგი შედარებით იშვიათია. უნდა აღინიშნოს, რომ ჭერჭერობით მხოლოდ
აფხაზეთშია დადასტურებული ამ იარაღის სამარხში აღმოჩენის შემთხვევა.

სეგმენტისებრი იარაღი ნაირი ზომისა და მოყვანილობისაა. ზოგი შედა-
რებით მოზრდილია და პირფართო, ზოგი უფრო მომცრო ზომისაა, ვიწრო და
გრძელპირიანი. ამ იარაღის დანიშნულების შესახებ დღემდე ერთი გარკვეული
აზრი არ არსებობს. მკვლევართა ნაწილი მათ მიწის დასამუშავებელ იარაღად —
თოხად მიიჩნევს, ნაწილი წყვილ ცულად თვლის, ზოგიც ბარს ან ტყავის საჭ-
რელ დანასაც უწოდებს. ფიქრობენ აგრეთვე, რომ ეს იარაღი „ფულის“ (მონე-
ტის) როლს ასრულებდა, ანდა მას იყენებდნენ სხვა ნივთთა ჩამოსასხმელ ზო-
დად. სადღეისოდ ჭერ კიდევ ძნელია რაიმეს თქმა ამ იარაღის დანიშნულების
შესახებ. თანამედროვე ეთნოგრაფიულ სინამდვილეში ამ ტიპის იარაღი სრუ-
ლიად უცნობია. შესაძლოა სეგმენტისებრი იარაღის მოზრდილი ვარიანტი მართ-
ლაც ასრულებდა ბარის ფუნქციას. ამ მიზნისათვის იგი საეხებით გამოსადეგი
იქნებოდა. მაგრამ ისიც უნდა აღინიშნოს, რომ მათი უმეტესობა პატარა ზომისაა-
საფიქრებელია, რომ ის სოფლის მეურნეობასთან დაკავშირებული იარაღი იყო.

სასოფლო-სამეურნეო იარაღთაგან აღსანიშნავია აგრეთვე ლითონის ნამ-
გალი. ქორხის აუზში ამ ტიპის იარაღი იპოვნეს ორგან: სამი ნაკლები ნამგალი
ცნობილია ციხისძირის განძიდან, ნამგლის ორი ნატეხი აღმოჩნდა სოფ. ზენით-
თან ნაბოვენ განძში. გარდა ამისა, დასავლურ-ქართულ კულტურაში ლითონის
ნამგალი ცნობილია კიდევ სამგან: ოთხი ნაკლები ნამგალი ოფშკვიტის განძში,
ერთი ნამგალი ცაგერის განძში და ერთიც მახარის განძში. საქართველოში და
საერთოდ კავკასიაში ძირითადად ერთი ფორმის, უყუწო ნამგალს ხმარობდნენ.

კაჟის ნამგალი ჩვენში უკვე ნეოლითის პერიოდიდან იყო ცნობილი და, წინა აზიის ქვეყნების მსგავსად, მან აქ საკმაოდ გვიანობამდე შემონახა თავი. ლითონის ნამგალი საერთოდ ამიერკავკასიაში და, კერძოდ, საქართველოში მხოლოდ ბრინჯაოს კულტურის გვიანდელ საფეხურზე შემოდის. მაგრამ ლითონის ნამგლის შემოსვლისთანავე ხმარებიდან არ გამოსულა კაჟის ნამგალი. აქვე უნდა აღინიშნოს, რომ საქართველოში ენდემური პურეულის აღების თავისებური წესი არსებობდა. უკანასკნელ ხანებამდე ამ წესით კრეფდნენ მახასა და ზანდურს. სპეციალური იარაღით, რომელსაც „შნაკვი“ ეწოდება, მხოლოდ თავთავი იკრავება, ღერო კი გარკვეული დროის მანძილზე მინდვრად რჩება. ალბათ ძველადაც საქართველოს ენდემურ პურეულს შნაკვისმაგვარი იარაღით კრეფდნენ და მინდვრად დარჩენილ ღეროს კი ნამგლით მკიდნენ. შესაძლოა ჩვენში გვიანი ბრინჯაოს ხანამდე ძირითადად ენდემური პურეული მოჰყავდათ და, ეგების, სწორედ ეს იყო. ნამგლის გვიან შემოსვლის მიზეზიც. ლითონის ნამგლის შემოდება დაკავშირებული უნდა იყოს ახალი პურეული კულტურის შემოსვლასთან. საფიქრებელია, რომ ახალი ჯიშის პურეული და ამასთან დაკავშირებით ლითონის ნამგლიც შემოდის წინა აზიიდან. ამას მოწმობს ერთი მხრივ ის გარემოება, რომ ჩვენში გავრცელებული ლითონის ნამგალი ახლოსა დგას წინააზიურ ნამგალთან და მეორე მხრივ ისიც, რომ საქართველოში დღესაც გავრცელებულია ხორბლის ისეთი ფორმა, რომელიც წინა აზიის ენდემურ სახეობას წარმოადგენს. საერთოდ უნდა აღინიშნოს, რომ საქართველოს სასოფლო-სამეურნეო კულტურას ბევრი რამ საერთო ჰქონია წინა აზიასთან. კოლხური კულტურის სამხრეთ რაიონებიდან დღემდე თითქმის სრულიად უცნობი ჩანს ამ კულტურის უფრო ჩრდილო რაიონებისათვის დამახასიათებელი შუბის პირები, თუ არ ჩავთვლით ერთ ნატეხს შუბის პირისას ვაკიჯვრის განძიდან. არც სატევრის პირებია მაინცაღამაინც ცნობილი. ერთი ბრტყელი სატევრის პირის ნატეხი ნაპოვნი იყო ზენითის განძში; ორი ფრაგმენტი სატევრის პირისა ცნობილია შრომის განძიდან. ორი სატევრის პირი აღმოჩნდა წვერმაღალასთან ნაპოვნ განძში. ეს სატევრის პირები გარკვეულ მსგავსებას იჩენენ ამ პერიოდში დასავლეთ საქართველოში გავრცელებულ სატევრის პირებთან. ამავე განძში ნაპოვნი იყო ერთი ბრინჯაოს ლახტის თავი. საერთოდ ლახტის თავი კოლხურ კულტურაში მეტად იშვიათია. კოლხეთის ბარის რაიონში, გარდა აღნიშნული ლახტის თავისა, სხვა სრულიად უცნობია. ცნობილია მხოლოდ ერთი ცალი სოფ. ლეზიდან და ერთიც სოფ. კლდეეთიდან. სოფ. შრომის განძში ნაპოვნი იყო აგრეთვე ერთი ბრტყელი, ყუნწიანი, გრძელფრთიანი ისრის პირი, მეტად თავისებური, რომლის მსგავსი საერთოდ უცნობია. ისრის პირი, როგორც ჩანს, ნაკლებად დამახასიათებელია კოლხური კულტურისათვის.

დასასრულ, უნდა აღინიშნოს, რომ გარდა კოლხური ცულისა, დასავლურ-ქართული კულტურის სამხრეთ ნაწილში გავრცელებული ყოფილა ბრტყელი ცულიც. ამ ტიპის ცული ნაპოვნია ციხისძირის განძში, ვაკიჯვრისა და შრომის განძებში, აგრეთვე ოფშკეთის განძში. ჩანს, ამ ტიპის ბრტყელი ცულის გავრცელების არე ყოფილა კოლხეთის სამხრეთ ნაწილში. კოლხური კულტურის მთის ზოლისათვის დამახასიათებელი იყო განსხვავებული ტიპის, კოტებიანი ბრტყელი ცული, რომელიც ძირითადად გავრცელებული უნდა ყოფილიყო რაჭა-ლეჩ-

ხუმში. სხვაგან ამ ტიპის ბრტყელი ცული სრულიად უცნობია. იგი კოლხური კულტურის ერთერთ თავისებურ დამახასიათებელ იარაღს წარმოადგენდა. მის ჩამოყალიბებაში, როგორც ჩანს, გარკვეული როლი შეასრულა კოლხურმა ცულმა, რომელთანაც მას ბევრი რამ საერთო აქვს (პირის მოყვანილობა და სხვ.).

რაც შეეხება კოლხური კულტურის სამხრეთ ნაწილში გავრცელებულ ბრტყელ ცულს, იგი სრულიად განსხვავებული ტიპისაა. ამგვარი ცული ცნობილია აგრეთვე აღმოსავლეთ საქართველოში და სომხეთში. ფორმით ეს ცული ძალიან ახლო დგას მცირე აზიაში გავრცელებულ ბრტყელ ცულებთან. შესაძლოა, რომ ეს ფორმა ბრტყელი ცულისა აქედან გავრცელდა ამიერკავკასიაში. გვიანბრინჯაოს ხანაში მკიდრო ურთიერთობა უნდა ყოფილიყო დასავლეთ საქართველოსა და მცირე აზიას შორის. ამ მხრივ საყურადღებოა ორდუს განძი, სადაც კოლხურ ცულებთან ერთად ნაპოვნი იყო მცირეაზიური ტიპის ბრტყელ ცულები.

ამრიგად, მიუხედავად იმისა, რომ გვიანი ბრინჯაოს ხანის დასავლურ-ქართული კულტურის გავრცელების სამხრეთი რაიონი სადღესოდ ნაკლებად შესწავლილი, ზოგი რამის თქმა მაინც შეიძლება. უპირველეს ყოვლისა აქ უნდა არსებულებოდა კოლხური კულტურის ერთერთი ძირითადი მეტალურგიული კერა. ეს რაიონი, ჭოროხის აუზი, საქმოდ მდიდარი იყო სპილენძით. როგორც ჩანს, აქ ამ პერიოდში საქმოდ მაღალ საფეხურზე მდგარა მიწათმოქმედება. ამას ადასტურებს კოლხური კულტურის სამხრეთი ნაწილიდან დიდი რაოდენობით მოპოვებული სასოფლო-სამეურნეო იარაღები. ამიტომაც შესაძლოა, რომ ჭოროხის მეტალურგიული ცენტრიდან მაშინ უპირატესად ამ რიგის იარაღი გამოდიოდა და იგი ალბათ თავის ნაწარმს კოლხური კულტურის სხვა რაიონებსაც აწვდიდა.


კოლხეთის დაბლობში, რიონის ჩრდილოეთით, დაახლოებით ისეთივე სურათი გვაქვს, როგორც სამხრეთით. აქაური მასალებიც განძებისა და ცალკეული აღმოჩენების სახითაა ცნობილი. უნდა აღინიშნოს, რომ აქ აღმოჩენილი განძები ერთგვარად განსხვავდება ჭოროხის აუზში ნაპოვნი განძებისაგან. ისინი უპირატესად შედგება კოლხური ცულებისაგან, თითო-ოროლა თოხისა და სეგმენტისებრი იარაღის, ხატისულლისა, ზოდებისა და ზხვა ნივთებისაგან, გარდა ერთი განძისა, რომელიც ნაპოვნია სოფ. ოროლუში (ზუგდიდის რაიონი). იგი შედგება 21 ცალი სეგმენტისებრი იარაღის, ბრინჯაოს ჭურჭლის ნატეხებისა და ერთი პატარა ზოდისაგან. უთუოდ საყურადღებოა, რომ აქ დიდი რაოდენობით არის აღმოჩენილი სპილენძის ზოდები (სოფ. ხეთა, წალენჯიხა, გალი, ჭაქვანჯი და სხვ.). სამწუხაროდ, ეს რაიონი დღემდე არქეოლოგიურად თითქმის სრულიად ნეუსწავლელია და ამიტომაც გარკვევით რაიმეს თქმა მეტად ჭირს. ყველაზე ღიბი რაოდენობით ამ რაიონიდან წარმოდგენილია კოლხური ცული. აქ გავრცელებული იყო I და II ტიპის კოლხური ცული. განსაკუთრებით საყურადღებოა, რომ სოფ. თაგილონთან აღმოჩენილ განძში იპოვნეს I ტიპის კოლხური ცულის ლითონის ჩამოსასხმელი ყალიბები. აღსანიშნავია სოფ. მახარიაში აღმოჩენილი ბრტყელი ცული — იგი ერთი მხრივ უახლოვდება კოლხეთის სამხრეთ ნაწილში გავრცელებულ ბრტყელ ცულს და მეორე მხრივ კი რაჭა-ლეჩხუმისათვის დამახასიათებელ კოტებიან ბრტყელ ცულს.

საკმაოდ ფართოდ ყოფილა გავრცელებული რიონის ჩრდილო ნაწილში სეგმენტისებრი იარაღიც. შედარებით ნაკლები გავრცელება ჰპოვა თოხმა. თოხებიდან უთუოდ საყურადღებოა რომისებრი მოყვანილობის ორი თოხი სოფ. ჯვარიდან, რომელთა მსგავსი სხვაგან უცნობია.

ჯერჯერობით ამ რაიონში არც ერთი სატევრის პირი არ აღმოჩენილა. შუბის პირები კი დღემდე ცნობილია მხოლოდ ნაოხვამუს ბორცვიდან. აქ ნაპოვნი იყო ერთი შუბისა და რამდენიმე ხელშუბის პირი. შუბის პირის მასრა შემკულია გეომეტრიული ორნამენტით. ამ ტიპის შუბის პირები ცნობილია უპირატესად წიდა ქართლიდან. უთუოდ საყურადღებოა, რომ მათი პირის ორნამენტი საესე-ბით ისეთივეა, როგორც აფხაზეთში სოფ. პრიმორსკოესთან ნაპოვნი ერთი შუბის პირისა. რაც შეეხება ხელშუბის პირებს, ისინი მრავლადაა ბრილის სამაროვანზე, შიდა ქართლში და აგრეთვე ყვირილის ხეობაში. აქვეა მოპოვებული ერთი მასრიანი ისრის პირი, რომლის მსგავსი ჩვენში დღემდე სრულიად უცნობია. ამავე ფენაში აღმოჩნდა ერთი მოზრდილი თავხვია საკინძი, რომელსაც ღეროს ზედა ნაწილი გრებილი აქვს. მსგავსი საკინძები ცნობილია აფხაზეთიდან, ყოზანიდან, ამიერკავკასიის სხვადასხვა ადგილებიდან. როგორც ჩანს, ამ ტიპის საკინძმა საერთოდ ფართო გავრცელება მიიღო.

სოფ. ჯვართან აღმოჩენილ განძში იყო ერთი მასიური ბოლოებდახვეული ხატისუღელი. ამ ტიპის ხატისუღელი ჩვენში ცნობილია ძირითადად აფხაზეთიდან და ერთი ცალი ლეჩხუმის განძიდან, გვხვდება აგრეთვე ყოზანის სამაროვანზე. ამავე განძში აღმოჩნდა მასიური, ბოლოებდახსნილი რგოლი, მსგავსი რგოლი ცნობილია ლეჩხუმის განძიდან, აგრეთვე რამდენიმე ცალი ჩაქვის განძიდან. აღსანიშნავია ჯვარის განძში ნაპოვნი „წურბელისებრი“ ფიბულა. რკალისებური ფიბულა კარგადაა ცნობილი ჩვენში ამ პერიოდში, მაგრამ „წურბელისებრი“ ფიბულა, როგორც ჩანს, ძირითადად დამახასიათებელი უნდა ყოფილიყო ყოზანის კულტურისათვის. ჩვენში ამგვარი ფიბულები ცნობილია ძლიერ დიდი რაოდენობით ბრილიდან და ერთი ცალი სამურზაყანოდან.

კოლხეთის ბარის უფრო აღმოსავლეთი რაიონიდან, რიონის შუა წელის აუზიდან საკმაოდ დიდი რაოდენობითაა წარმოდგენილი შემთხვევით აღმოჩენილი მასალები. ხშირად გვხვდება ბრინჯაოს ნივთებისაგან შემდგარი განძები. აღსანიშნავია, რომ აქაც, კოლხური კულტურის სამხრეთის რაიონების მსგავსად, ჯერჯერობით ცნობილია ძირითადად მხოლოდ I ტიპის კოლხური ცული. ხშირად გვხვდება აგრეთვე სეგმენტისებრი იარაღი, განსაკუთრებით მრავლად ვხვდებით მათ განძებში. საკმაოდ ფართო გავრცელება ჰპოვა ამ რაიონში თოხმაც. თუმცა აღსანიშნავია, რომ აქაურ განძებში ჩვეულებრივად თითო-ოროლა თოხი გვხვდება. თოხები უპირატესად ნაპოვნია ცალკეული აღმოჩენების სახით. კოლხური კულტურის სხვა სამიწათმოქმედო იარაღი ნაკლებად გვხვდება. წაღლი აქ ცნობილია მხოლოდ ერთგან — ზემო სიმონეთის განძში, ნამგალი კი სოფ. ოფშკვიეთის განძში. ამავე განძში ნაპოვნი იყო ბრტყელი ცული, რომელიც ძირითადად კოლხეთის სამხრეთ რაიონისათვის ჩანს დამახასიათებელი. აღსანიშნავია, რომ სოფ. ბაგინეთში (მაიაკოვსკის რაიონი) აღმოჩენილი ერთი ბრტყელი ცული თავისი ფორმით მცირეაზიური ტიპის ცულებს უახლოვდება. არსებული მასალიდან ისე ჩანს, რომ არც აქ ჰპოვა სათანადო გავრცელება საბრძოლო თუ საო-



1



2




3



4



5



6

მარმა იარაღმა. სადღეისოდ აღმოჩენილია სულ რამდენიმე ცალი შუბისა და სატევრის პირი. შუბის პირები უპირატესად ჩვეულებრივი, დასავლურ-ქართული კულტურისათვის დამახასიათებელი ტიპებია. სატევრის პირებიდან აღსანიშნავია ჩხარის მახლობლად აღმოჩენილი დიდი ზომის, ფართოქედიანი სატევრის პირები. მსგავსი სატევრის პირები კარგადაა ცნობილი კოლხურ კულტურაში უპირატესად ყვირილის ზემო წელის აუზიდან და აგრეთვე აფხაზეთიდან. სადღეისოდ ამ რაიონიდან მხოლოდ ერთადერთი ისრის პირია ცნობილი ზემო სიმონეთის განძიდან. უნდა აღინიშნოს, რომ მასში სხვა ნივთებთან ერთად ნაპოვნი იყო ქედაბეკური ტიპის მახვილები. ეს ამ ტიპის მახვილების აღმოჩენის პირველი შემთხვევაა საქართველოში.

იმდროისათვის აქ ფართოდ ყოფილა გავრცელებული ცხენი. განათხარ შასალაში ხშირად გვხვდება სხვადასხვა ტიპის ლაგამი და ცხენის აკაზმულობასთან დაკავშირებული სხვა ნივთები. რიონის შუა წელის აუზში მცხოვრებ ტომებში საკმაოდ დაწინაურებული უნდა ყოფილიყო მიწათმოქმედებაც. ამიტომაცაა ალბათ, რომ აქ ფართო გავრცელება ჰპოვა სამიწათმოქმედო იარაღებმა. ამ რაიონის ლოკალური თავისებურების შესახებ ლაპარაკი ჯერჯერობით მეტად ჭირს. თითქმის ვერაფერს ვიტყვი აგრეთვე ადგილობრივი მეტალურგიული წარმოების შესახებ. შესაძლოა აქ არსებობდა კიდევ წვრილი მეტალურგიული კერა, მაგრამ, როგორც ჩანს, ეს რაიონი იმდენად მჭიდროდ იყო დაკავშირებული სამხრეთის, ჰოროხის ინდუსტრიულ ცენტრებთან, რომ რაიმე თავისებურების გამოჩენვა შეუძლებელია.

საყურადღებოა მდ. ყვირილის აუზში ნაპოვნი არქეოლოგიური მასალა. აქ ჯერ კიდევ ბრინჯაოს კულტურის ადრინდელ საფეხურზე საკმაოდ დაწინაურებული მეტალურგიული კერა უნდა არსებულებოდა. როგორც ჩანს, გვიანბრინჯაოს ხანაშიც იგი საკმაოდ მძლავრი ყოფილა.

იარაღებიდან უპირატესად უშნადებიან III ქვეტიპის კოლხური ცული. ამ ტიპის ცული I და II ტიპის კოლხური ცულების შერწყმის შედეგად უნდა იყოს მიღებული. ყუა მას I ტიპის მსგავსად მახვილი აქვს, პირი კი სავსებით ისეთივეა როგორც II ტიპის ცულისა. ასეთი ცული ჩვენში ჯერჯერობით ცნობილია ერთი ცალი სვანეთიდან, ორი ლეჩხუმიდან და ორიც ქვიშარის განძიდან (რაჭა). გარდა ამ ტიპის კოლხური ცულებისა ყვირილის აუზის ზემო წელიდან (პერევის განძი) ცნობილია კიდევ ორი ცული: ერთი II ტიპისა და ერთი I ტიპის. ამათგან აღსანიშნავია უკანასკნელი, რომლის ყუაზედაც მწოლარე ცხოველია გამოსახული. თითქმის სავსებით ასეთივე ცული ცნობილია ჩრდილო კავკასიიდან, სოფ. ვალიათიდან და ერთიც დე ბაის კოლექციიდან.

კოლხური კულტურისათვის დამახასიათებელ სამიწათმოქმედო იარაღთაგან სადღეისოდ ამ რაიონიდან ცნობილია მხოლოდ რამდენიმე თოხი. ჯერჯერობით სრულიად უცნობია სეგმენტისებრი იარაღი, ნამგალი, წალდი. და სხვ. სამაგიეროდ კარგადაა წარმოდგენილი საბრძოლო იარაღი. ამათგან ძირითადად გვხვდება სატევრისა და შუბის პირები. სატევრის პირებიდან აღსანიშნავია ფართო ქედიანები. ზოგიერთ მათგანს ქედზე სიგრძივ სამი ღარი გაუყვება. ამ ტიპის სატევრები აღმოჩენილია სოფ. დურებში და სოფ. ნიქოზეთში. ფართო ქედიანი და ყუნწიანი სატევრის პირები ცნობილია აგრეთვე აფხაზეთიდან: ერთი ცალი

პრიმორსკოედან და ერთი ეშერის ერთერთი სამარხიდან, ოლონდ მათ ქედი დაღარული არა აქვთ. ასეთივე სატევრის პირი, ოლონდ შედარებით მოზრდილი, ცნობილია ნაქალაქარიდან (ჩხარის რ.); გვხვდება აღმოსავლეთ საქართველოშიც, სოფ. ზინდისში. რამდენადმე უახლოვდება მათ სატევარი ბეშთაშენიდან. მას დაღარული ქედი იმდენად მკვეთრად გამოსახული არა აქვს. ამ სატევრის პირებს ენათესავენ, განსაკუთრებით სატარე ნაწილით, ერთი სატევარი ბაქურციხიდან, ერთი სოფ. ნიქოზეთიდან, ოლონდ მას მთელ სიგრძეზე ვიწრო, მკვეთრი ქედი გაუყვება. საესებით ასეთივე სატევრის პირები ცნობილია ყობანიდან.

სადღეისოდ ჭერ კიდეე ძნელია რაიმეს გარკვევით თქმა ამ ტიპის სატევრის პირების შესახებ. როგორც ჩანს, ისინი დამახასიათებელი უნდა ყოფილიყო გვიანბრინჯაოს ხანის დასავლურ-ქართული კულტურისათვის. რაც შეეხება საჩხერეში აღმოჩენილ ფოთლისებრი სატევრის პირებს, მსგავსი ფორმები კარგადაა ცნობილი ძირითადად შიდა ქართლიდან. საჩხერის ფოთლისებრი სატევრის პირები განსაკუთრებით ახლოს დგას შიდა ქართლის ჩრდილო ზოლში გვიან ბრინჯაოს ადრეულ ეტაპზე გავრცელებულ ე. წ. ალისებრი მოყვანილობის სატევრის პირებთან.

ღურების კოლექციაში ინახება. რამდენიმე შუბისა და ხელშუბის პირი. შუბის პირი სულ ორი ცალია, დაახლოებით ერთი ტიპისა: გრძელი, გახსნილი მარით, შედარებით მოკლე პირით. იგი მარასთან ფართოა, რკალისებრი და წვერისაკენ სწრაფად ვიწროვდება. ამ შუბის პირებთან ყველაზე ახლო დგას თბილისში აღმოჩენილია შუბის პირი და ქუთაისის მუზეუმში დაცული მეორე შუბის პირი, რომლის აღმოჩენის ადგილი სამწუხაროდ უცნობია. ფორმით უახლოვდება მას სოფ. ზინდისში ნაპოვნი ხელშუბის პირი. მსგავსი შუბის პირი ინახება აგრეთვე გორის მუზეუმში. სხვაგან საესებით ამგვარი შუბის პირები ჭერჭერობით თითქმის უცნობია. უნდა აღინიშნოს, რომ საერთოდ ეს შუბის პირები გარკვეულ მსგავსებას იჩენენ შიდა ქართლში და დასავლეთ საქართველოში ცნობილ მასრაგახსნილ შუბის პირებთან, რამდენადმე უფრო ახლო დგანან ისინი აფხაზეთში ცნობილ მოკლეპირიან და გრძელმასრიან შუბის პირებთან, ოლონდ აქაც პირის მოყვანილობა განსხვავებულია. აღსანიშნავია სოფ. წირქვალში (ქიათურის რ.) აღმოჩენილი ერთი შუბის პირი. იგი სრულიად განსხვავებულია ტიპისა და ახლოსა დგას ძირითადად შიდა ქართლის ჩრდილო ზოლში გავრცელებულ შუბის პირებთან.

ხელშუბის პირები ღურების კოლექციაში ოთხი ცალია, ვიწროპირიანი ხელშუბის პირი ჩვენში საერთოდ იშვიათია. მას ძირითადად ვხვდებით შიდა ქართლის ჩრდილო ზოლში. ფოთლისებრი პირიანი ხელშუბის პირი საერთოდ კარგადაა ცნობილი შიდა ქართლში. გვხვდება აგრეთვე ეშერში.

ამრიგად, როგორც არსებული მასალიდან სჩანს, ყვირილის აუზი გვიანბრინჯაოს ხანაში საკმაოდ დაწინაურებული ყოფილა. ამას, რა თქმა უნდა, ხელს უწყობდა ის, რომ ჭერ კიდეე ბრინჯაოს კულტურის ადრინდელ ხანაში აქ მოსახლე ტომები განვითარების საკმაოდ მაღალ საფეხურზე იდგნენ. შესაძლოა სწორედ იმ ძველი მეტალურგიული ტრადიციების ანარეკლს წარმოადგენდა გვიანბრინჯაოს ხანის საკმაოდ მძლავრი მეტალურგია. ამიტომაცაა, რომ კოლხური კულტურისათვის დამახასიათებელი ფორმები აქ მაინცადამაინც სათანადო გავრ-

ცვლებას ვერ პოულობს. თუმცა აშკარად ჩანს, რომ ამ პერიოდში საკმაოდ მჭიდრო ურთიერთობა უნდა არსებულებოდა დასავლურ-ქართულ კულტურასთან. შესაძლოა ამ რაიონში ჩამოყალიბდა და აქედან გავრცელდა კოლხური ცულის ერთერთი ვარიანტი, III ქვეტიბი.

როგორც ჩანს, ყვირილის აუზის ზემო წელზე მცხოვრები ტომები ახლო ურთიერთობაში უნდა ყოფილიყვნენ შიდა ქართლის ჩრდილო ზოლში მოსახლე ტომებთან. კავშირი შიდა ქართლთან საკმაოდ მჭიდრო ჩანს უკვე აღრეული ბრინჯაოს ხანაშიაც, მაგრამ ბრინჯაოს კულტურის გვიანდელ საფეხურზე ეს ურთიერთობა კიდევ უფრო ცხოველდება. საფიქრებელია, რომ ამ პერიოდში ყვირილის აუზში ისევე განაგრძობს არსებობას საკმაოდ მძლავრი მეტალურგიული კერა, რომელიც მჭიდრო კავშირში უნდა ყოფილიყო მეზობელ რაიონებთან.

ამრიგად, კოლხეთის ბარი გვიანბრინჯაოს ხანაში განვითარების საკმაოდ მაღალ საფეხურზეა ასული. მთის ზოლში მცხოვრები ტომები სულ უფრო და უფრო მჭიდროდ უკავშირდებიან ბარში მსხდარ მიწათმოქმედ ტომებს, რაც თავის მხრივ იწვევს იმას, რომ თანდათანობით ირღვევა მკვეთრი ზღვარი მთას და ბარს შორის. მიუხედავად ბუნებრივი პირობების განსხვავებისა ჩანს, რომ გვიანბრინჯაოს ხანაში სულ უფრო და უფრო იშლება ზღვარი ცალკეულ ლოკალურ თავისებურებათა შორის. თანდათანობით ხდება მათი ნიველირება და უკვე მეტ-ნაკლებად ერთგვაროვანი კულტურა საკმაოდ დიდ ტერიტორიაზე ვრცელდება. ეს, რა თქმა უნდა, პირველ რიგში იმის ანარეკლი უნდა იყოს, რომ იზრდება ურთიერთობა ტომებს შორის, ცხოველდება აღებ-მიცემა და თანდათანობით იქმნება ტომთა მსხვილი გაერთიანებები.

§ 8. გვიანბრინჯაოსა და აღრეული რკინის ხანის ძვლები აღმოსავლეთ საქართველოში

ხანა, რომელსაც მოიცავს გვიანი ბრინჯაოსა და აღრეული რკინის კულტურის განვითარების პროცესი საქართველოში მოდის ძვ. წ. XIII-VI საუკუნეებზე.

ამ ხანისათვის დამახასიათებელია: ა) მეჯოგეობისა და მიწათმოქმედების ერთიმეორისაგან გამთიშავი პროცესის შემდგომი გაღრმავება (შრომის პირველი დიდი დანაწილების დასასრული); გვართა და ტომთა საერთო-სამეურნეო საქმიანობაში ხელოსნობის სხვადასხვა სახის გამოყოფა და მათი დამოუკიდებელ დარგებად ჩამოყალიბება, მაგალითად, ლითონდამმუშავებელი ხელოსნობა — მეტალურგია, მეთუნეობა, ქვითხურობა, ხითხურობა, მეხამლეობა; რთვისა და ქსოვის საქმე და მრავალი სხვა (შრომის მეორე დიდი დანაწილება); წარმოების თანდათანობითი სპეციალიზაციისა და შრომის ნაყოფიერების ზრდის შედეგად ზედმეტი პროდუქტის გაჩენა და ამ უკანასკნელის გაცვლის საჭიროების აუცილებლობა; გაცვლა-გამოცვლის აღმოცენება; მწარმოებელსა და მომხმარებელს შორის შუამავალი ფენის გაჩენა (შრომის მესამე დიდი დანაწილების დასაწყისი), წარმოებიდან თავისუფალ მწარმოებელთა თანდათანობითი განდევნა; სასოფლო თემის ეკონომიური საფუძვლების დარღვევა და ქალაქთა აღმოცენების პროცესის გაძლიერება. ამასთანავე, მთელ ამ პრო-

ცეს დიდად შეუწყო ხელი ძვ. წ. I ათასწლეულის პირველივე ნახევარში წარმოების რკინის მეტალურგიის ბაზაზე გადასვლამ; ბ) კერძო საკუთრების ჩასახვისა და განვითარების ნიადაგზე სოციალურ წინააღმდეგობათა წარმოქმნა-გამწვავება; პატრიარქატული მონობის განვითარების პროცესის შემდგომი გაღრმავება. მეთემეთა შორის ქონებრივი და სოციალური დიფერენციაციის უაღრესად განვითარება და, ბოლოს, სახელმწიფოს წარმოქმნა როგორც ამ პროცესის განვითარების ისტორიული და ლოგიკური შედეგი; გ) იბერიულ-კავკასიური მოდგმის ხალხთა შორის ქართველური ტომების მიერ ჰეგემონური მდგომარეობის მოპოვება; სამხედრო დემოკრატიის პრინციპებზე დამყარებული მამამთავრული ოჯახის დაშლა; საქართველოს მიწა-წყალზე ორი მძლავრი სინქრონული კულტურული კერის შესაბამისად ქართველურ ტომთა ორი გაერთიანების — იბერიულ და კოლხურ ტომთა გაერთიანებების — ჩამოყალიბება; ტომთა ამ კონფედერაციების შემდგომი განვითარება და ძვ. წ. I ათასწლეულის შუა ხანებიდან ორი ადრეულ-მონათმფლობელური ტიპის სამეფოს — იბერიისა და კოლხეთის სამეფოების წარმოქმნა.

ჩვენი ქვეყნის სოციალურ-პოლიტიკური და ეკონომიური განვითარება მიმდინარეობდა ძველი აღმოსავლეთის, კერძოდ, წინა აზიის მოწინავე კულტურის მქონე ხალხების განვითარებასთან ახლო ურთიერთობაში. იგი მკიდროდ იყო გადაჯაჭვული იმ ისტორიულ ამბებთან, რომლებიც ბევრ ძველ ხალხთა და სახელმწიფოთა პოლიტიკურ ამალგებებსა და დაცემასთან იყო დაკავშირებული. საყოველთაოდ ცნობილია, რომ ეს პერიოდი დიდი, ხანგრძლივი ომებისა და პოლიტიკური შეხლა-შემოხლის პერიოდს წარმოადგენდა.

იმდროინდელი საქართველოს მიწა-წყალზე უკვე ჩამოყალიბებული ჩანს გვიანი ბრინჯაოს ხანის ორი დამოუკიდებელი, მაგრამ ერთიმეორის ახლო მონათესავე კულტურული კერა: აღმოსავლურ-ქართული და დასავლურ-ქართული. ამ უკანასკნელს ხშირად და სრულიად მართებულად კოლხურ კულტურულ კერასაც უწოდებენ.

ა. იესენი გვიანი ბრინჯაოს ხანის აღმოსავლეთ საქართველოს განიხილავს როგორც ცენტრალური ამიერკავკასიის მის მიერ დადგენილი მეტალურგიული ცენტრის ერთ-ერთ ქვერეონს. აქ განვითარებულ კულტურას იგი აკუთვნებს მის მიერვე შემუშავებული ქრონოლოგიური სქემის მესამე ეტაპს, რომელიც ძვ. წ. II ათასწლეულის გასულსა და I დასაწყის საუკუნეებზე მოდის. ა. იესენი იძლევა ხსენებულ კულტურის შემადგენელი უმთავრესი ელემენტების (სამეურნეო და საბრძოლო იარაღებისა და სამკაულების) დახასიათებასა და ტიპოლოგიურ კლასიფიკაციას. კერძოდ, ამ კულტურისათვის დამახასიათებელ წამყვან ფორმებად მას მიაჩნია: დიდი წვეტრკვეთილი (სპეციალურ ლიტერატურაში ბოლოკვეთილად სახელდებული) მახვილი; წვეტიანი მახვილი; გრძელი შუბის პირი; გრძელფრთებიანი და ყუნწიანი ისრის პირი; ერგწრიულპირიანი და სქელყუთიანი ცული აღმოსავლურ ამიერკავკასიური ტიპისა და სხვ.

ამის შემდეგ ხსენებულ კულტურის დახასიათებას ვხედებით ს. ჯანაშიას ნაშრომში. ავტორის შეხედულებით, აღმოსავლურ-ქართული გვიანი ბრინჯაოს კულტურული რაიონი მოიცავდა აღმოსავლეთ საქართველოს ალან-

ნის გაღმა მხარით, სევიანის ტბის მიდამოებს და ნაწილობრივ არაქსის ხეობა-საც. იარაღ-საჭურვლის ზემოთ მოტანილ შემადგენლობას იგი უმატებს ფარს, უფრო სწორად, ფარის ბრინჯაოს უმბონებს, რომლებიც აქაურ სამარხეულ ინვენტარში საკმაოდ ხშირად გვხვდება. შემდეგ ავტორი ჩამოთვლის ამ კულტურისათვის დამახასიათებელ სასოფლო-სამეურნეო იარაღებსა და შინამოსაქმეობის ხელსაწყოებს (კეცრი, ცული, ნამგალი, დანა, ნემსი, საღებავი, კვირიხტავი), სამოსელთან დაკავშირებულ საგნებს (სარტყელი, ბალთა, აბზინდა, ღილი, შესაბნევი), სამკაულებს (ბეჭელი, საყურე, სამაჯური, მძივები), ლითონის, თიხის ჭურჭ-ლეულს და სხვ.

ამჟამად ჩვენთვის საინტერესო ხანის კულტურის ძირეულ საკითხებს დიდი ყურადღება აქვს დათმობილი გ. ნიორაძის, ბ. კუფტინის და სხვათა ნაშრომებში.

ისტორიულ-არქეოლოგიური ხასიათის კვლევა-ძიებისას განსაკუთრებული ყურადღება მიექცა აქაური ადამიანის, საერთოდ, ძველი და, კერძოდ, ბრინჯაოს ხანის ნამოსახლარი ადგილების მოძიებას და შესწავლას*. უადრესად საინტერესო იყო ამ თვალსაზრისით ისეთი მიკრორაიონების შემოწმება, რომლებმაც თავი გამოიჩინეს მეტალურგიული წარმოების გასაოცრად უხვი, დახვეწილი და მრავალფეროვანი პროდუქციით. აღმოსავლეთ საქართველოში ამ მხრივ განსაკუთრებით შიდა ქართლსა და თრიალეთის ტერიტორია გამოირჩევა. მართლაც, ამჟამად ჩვენთვის საინტერესო ნამოსახლარი ადგილები საქართველოს ამ უძველესი კულტურული კერების შესწავლისას იქნა უმეტესწილად აღნუსხული. დღეისათვის დადასტურებულად შეიძლება ჩაითვალოს, რომ ძველი ლითონის ხანის ადამიანები სახლ-კარისათვის უმთავრესად ირჩევდნენ მდინარეთა შესაყარში ფლატეფარდებიან მაღალ კონცხს, რომელიც ამის გამო ბუნებრივ სიმაგრესაც წარმოადგენდა, ასათვისებლად განკუთვნილი ნაკვეთის მეტ-ნაკლებად მისაღვამ მხარეს კი ხელოვნურად, გადაწყველი ღრმა თხრილების გაყვანით ამაგრებდნენ. ამის მაგალითს წარმოადგენს დმანისის კონცხი მდ. მაშავერისა და ფინეზაურის შესაყარში, სადაც ადამიანი ჯერ კიდევ ენეოლითის ხანაში სახლებულა. ბორცვების ამ ტიპს ეკუთვნის სტალინირის ნაცარგორაც, რომელიც მდ. მდ. ლიანხისა და აწ დამშრალი ტბეთურას შესაყართანაა (თუმცა ახლა ლიანხი 1,5-2,0 კმ მარცხნივ არის გადაწეული). კიდევ უფრო ხშირად ვხვდებით აღნიშნული პერიოდის ნამოსახლარებს გორაკებზე, რომელთა შორის ზოგი ეულად მდგარი, შემოგარეწვებაბატონებული დიდი ბორცვია, ზოგი კი რომელიმე დაბალი ქედიდან ან შემადლებული პლატოდან საგანგებო თხრილით არის გადაყელილი და ძირითადი მასივისაგან ამგვარად გამოყოფილი. ასეთებია, მაგალითად, ხოვლეგორა და საკენჭია (სოფ. ხოვლესთან, კასპის რ.), გუდაბერტყია (გორთან), ურბნისის გორა, მეტეხისა და დოლოთის გორაკები (ზნაურისა და

* რამდენამდე უკეთესი მდგომარეობა დასავლეთ საქართველოში, სადაც ადრევე დაიწყო კოლხეთის დაბლობში გავრცელებული იმ ხელოვნური ბორცვების შესწავლა, რომელთა ადრეული კულტურული ფენები ძირს უგაა ბრინჯაო-რკინის ხანის მასალების შემცველ კულტურულ ფენას (ანაკლი, დიხა-გუძება, ნახაგაშ და მრ. სხვ.).

სტალინის (რ.), მცხეთის გორა და მრ. სხვა, რომლებიც ასეულობით დანთვ-
ლება აღმოსავლეთ საქართველოს სხვადასხვა კუთხეში. აღსანიშნავია, რომ ეს
ბუნებრივი ბორცვები, რომლებიც ძალიან ხშირად დამატებით ხელოვნურა-
დაც არიან გამაგრებული, დროთა განმავლობაში, მათზე ადამიანთა ხანგრძლივ
ცხოვრებასთან დაკავშირებით, ამაღლებულან და ხშირად ნახევარსფეროსებ-
რი მოყვანილობა მიუღიათ. ბორცვებზე აკრეფილი ზედაპირული მასალის წი-
ნასწარი შესწავლაც კი ხშირად საკმარისი ხდება იმ ეპოქის გამოსაცნობად,
რომელთა მანძილზეც ეს ბორცვები გამოყენებული ყოფილან ადამიანის სა-
ცხოვრებლად. ბევრი ასეთი ბორცვი შეიცავს კულტურულ ფენებს ენეოლითი-
დან მოკიდებული ვიდრე ადრეული რკინის ხანის გასულამდე, ზოგი შუა საუ-
კუნეებშიაც კი არ ყოფილა დაიწყებული. სხვადასხვა პერიოდები ადვილად
გამოიცნობა როგორც სამშენებლო მასალის რაობის, აგრეთვე მისი დამუშავე-
ბისა და გამოყენების (ალიზის, გამომწვარი თიხის, ხის ძელების, რიყის ან ნა-
ტეხი ქვის წყობის ხასიათის და სხვ.) ხერხების სხვადასხვაობის მიხედვით. იმის
გამო, რომ ასეთ ბორცვთა კულტურულ ფენებში დიდი ადგილი უჭირავთ ნაც-
რისა და ნახშირის შემცველ შრეებს, ორმოებს, ლინზებს და სხვ., მათ ჩვენი მო-
სახლეობა ხშირად ზოგადი სახელით, „ნაცარგორად“ მოიხსენიებს*.

ბუნებრივ ბორცვთა უმრავლესობა დროთა განმავლობაში ადამიანის მიერ
ხელოვნურადაც არის გამაგრებული, რაც მოწმობს მათს გამოყენებას მოსახლეო-
ბის აქტიური თავდაცვის მიზნებისათვის. ამიტომაც, რომ ასეთი ტიპის ბორც-
ვებს ხშირად ვხვდებით მდინარეთა ხეობებში როგორც სათავეებთან ახლოს —
მთის ვიწროების ჩასაკეტავად, ასევე მდინარეთა ქვემო წელში — მისადგომე-
ბის სათვალთვალოდ და ბარიდან შემოსეული მტრისაგან თავდასაცავად. მაგრამ
ამა თუ იმ ადგილის არჩევანი უფრო მეტად მაინც ხელსაყრელი ბუნებრივი პი-
რობების გამოჩნებისა და მეზობელ ტომებთან ალბ-მიცემითი ურთიერთობის
დამყარება-განვითარების სწრაფვაზე უნდა ყოფილიყო დამოკიდებული. ამი-
ტომ ეკვი არაა, როდესაც ჩვენი ნაცარგორების გავრცელების პუნქტები ზუს-
ტად გვექნება აღნუსხული, ხოლო თვით გორების შინაარსი მეტ-ნაკლები სის-
რულით შესწავლილი, გაცილებით მეტი გვეცოდინება, არა მარტო ცალკეულ
ტომთა სამეურნეო კულტურული ვითარების შესახებ, არამედ უფრო მსხვილი
ეთნოკულტურული ერთეულების საკუთარი და საზიარო კულტურული შემო-
ქმედების სურათიც მეტი სიციხადით წარმოგვიდგება.

ნამოსახლარი ბორცვ-გორაკები ამავე დროს საკულტო ადგილებსაც წარ-
მოადგენდა. როგორც ჩანს, საკულტო ცერემონიალების შესასრულებელი ად-
გილი ჯერ კიდევ არ არის გამოყოფილი ადამიანის საცხოვრებელი ადგილიდან.
ძველი სასაფლაოები კი, თუ უფრო ადრინდელი ხანიდან არა, ყოველ შემთხვე-
ვაში, გვიანი ბრინჯაოს დროიდან მაინც, აშკარად გამოთიშულია ადამიანთა სა-
ცხოვრებელი ადგილიდან.

აღმოსავლეთ საქართველოს ტერიტორიაზე გავრცელებულ ბორცვთა შო-
რის ჩვენ ზემოთ, პირველ რიგში სტალინის ნაცარგორა დაეასახლეთ, რო-

* ასეთივე მნიშვნელობისაა სახელწოდება „ქიულ-თეფე“, რითაც მცირე აზიის ანლანდე-
ლი მოსახლეობა იქ გავრცელებულ ნაცარგორებს აღნიშნავს.

გორც ერთი პირველად შესწავლილ ძეგლთაგანი. იგი მდებარეობს ქ. სტალინინ-რის გარეუბანში, მისგან 1,5-2,0 კმ მანძილზე, რკინიგზის ახლოს, მაღალ ზე-განზე. ბორცვი შკაფიოდ გამოირჩევა რელიეფზე. მას გაბატონებული მდებარეობა უჭირავს ირგვლივ მიდამოებზე. მდინარის კალაპოტებისაკენ მიქცეული ფერდობები საგრძნობლად დაქანებულია. ხსენებულ მდინარეთა კალაპოტები (რომლებიც ამჟამად მიტოვებულია ტბეთურას თათქმის დაშრობისა და ლიანვის 1,5 კმ-ით მარცხნივ მიქცევის გამო) ერთიმეორესთან შეერთებულია დიდი, ჩკალსებრი ხელოვნური თხრილით, რის გამოც ზეგნის მასივისაგან მოწყვეტილია „სხვირი“ და ამგვარად გამოყოფილია ბორცვი. ეს ბორცვი გამაგრებულ მოსახლობას წარმოადგენდა. ბორცვის ბუნებრივი მოყვანილობა მოგვაგონებს თავკეთილ კონუსს, ჩრდილოეთიდან სამხრეთისაკენ ოდნავ წაგრძელებულს.

პირველი კულტურული ფენა (0,5—0,8 მ. ძვ. წ. III ათასწლეულის გასული—II ათასწლეულის დასაწყისი), რომელსაც ძირს უგია ბორცვის ბუნებრივი ზედაპირი, შედგებოდა ცეცხლში ნაყოფი რიყის ქვებისა და შავი ფხვიერი მიწისაგან. ფენა შეიცავდა ობსიდიანის ანატეცეებს, ცხოველთა ძვლებისა და ხის ნახშირის ფრაგმენტებს, ხელით ნაძერწი თიხის კურკლის ნატეხებს. ეს გარემოება მიუთითებს, რომ ნაცარგორა თავდაპირველად (ენეოლითიდან) მოსახლო ბორცვი ყოფილა.

მეორე ფენა (0,5—1,2 მ სიმაღლისა. ძვ. წ. II ათასწლეულის მეორე ნახევარი) შეიცავს თიხით მოტეხნილ ფატაკიან და ერთსენაკიან ნაგებობათა ნაშთებს რიყის ქვის საძირკვლების სახით. ნაგებობათა ზედა ნაწილი ხისა უნდა ყოფილიყო. საძირკვლები და ალბათ კედლებიც თიხით იყო შეგლესილი. ზოგ ნანგრევთან აღმოჩენილია სამსხვერპლოები და საკურთხეველები — პირველყოფილი წარმართული ტაძრების თუ საკულტო სენაკების ნაშთები. იმდროინდელი საკურთხეველები ორგვარია: მრგვალი, ნაპირებაწეული და კუთხედი, ამბონიანი ბრი მინაშენით. საკურთხეველები ნაგებია წვრილი ქვით, როკკით, თიხით და კერამიკული ნატეხებით. ყველა ისინი თიხით არის შეგლესილი და სუსტად გამოშვარი. კულტურულ ფენაში მორგვზე ნაქეთები შევპრიალა კერამიკა კარბობს. საერთოდ ბლომად არის მიწათმოქმედების, მესაქონლეობის, მეჭურჭლეობის, მელითონეობისა და სხვ. საქმიანობის დამამტკიცებელი მასალები.

მესამე ფენა (0,5—2,5 მ. ძვ. წ. I ათასწლეულის პირველი ნახევარი) ყველაზე მდიდარია როგორც ნაგებობებით, აგრეთვე კულტურული ნაშთებით. კარგად გაირჩევა II ფენის სენაკთა ნანგრევებს ზემოთ მოსწორებული და რიყითა და თიხით მოტეხნილი მოედანი, რომელზედაც ამართული იყო III ფენისეული სამლოცველოს ნაშთები. ამ ფენის სამლოცველოთა სენაკებს ცალპირი ან ორპირი საძირკვლები აქვთ. საძირკვლები და კედლის ქვემო ნაწილი ნაგებია რიყის ქვით, ზემო ნაწილი კი — ხით. კედლები ნაგლესია ბზენარევი თიხის სქელი ბათქაშით, რომელმაც შემოინახა ძირითადი სამშენებლო მასალის (ხის ბოჭკოთა) ანაბეჭდები. ეს მასალა, როგორც ჩანს, წარმოადგენდა საკმაოდ მსხვილ ძელებს, რომლებიც ქვის წყობაზე დაშენებული, ქმნიდნენ ჯარგვალის ტიპის ნაგებობებს. სენაკის თიხატეხნილი იატაკი გამოშვარია. ჰეროდან ჩამონგრეული ბათქაშის მიხედვით შეგვიძლია ვთქვათ, რომ ისიც (ჰერი) ძელური

ყოფილა. საეარაუდოა სახურავ მასალად ყავრის გამოყენება. სარკმელი თუ „საკუმევი“ სენაკს შეიძლება ჰქონოდ. კარი ყველა სენაკს ერთი მხრიდან არ უკეთდებოდა. თითო სენაკში თითო ან მეტი საკურთხეველი ყოფილა. აქვეა შეწირულების ან ზედამეს ნაშთები. ამათ შორის ბევრია ისეთი საოჯახო და სამეურნეო ნივთი, რომელიც ერთი შეხედვით გვაფიქრებინებს, რომ ნაცარგორის სენაკების ნანგრევთა სახით ჩვენს წინაშეა ნაბინავრები.

ზოგიერთი სენაკი საკმაოდ დიდია. მაგალითად, № 5 ზენაკის შინაგანი ზომები 7,0X3,5 მ უდრის. იგი დამხრობილია ჩრდილო-აღმოსავლეთიდან სამხრეთ-დასავლეთისაკენ. ყველაზე კარგად დაცული კედლის სიმაღლე 1,10 მ აღწევდა, სისქე — 0,5 მ. კედელი რიყის ქვით ორპირად არის ნაგები. სენაკის იატაკზე ბლომად აღმოჩნდა ნაცარი, ნახშირი, დამწვარი ძვლები, დამწვარი ბათქაშისა და თიხის ჭურჭლეულის უამრავი ნატეხი. აქვე იყო ხორბლის ნაშთები, ხელსაფქვაი, ძვლის სადგისი, თიხის ორი მთელი ჭურჭელი, თიხის დისკოები (ბორბლის მოდლები), პაწია ცულის ჩამოსასხმელი ყალიბი და სხვ. მრავალი.

ამავე სენაკში აღმოჩნდა სამი სამსხვერპლო. საკურთხეველის ჩახნეკილ ზედაპირზე მოთავსებული იყო ნალის თუ „აპიონის“ მოყვანილობის მცირე კერა ორი დაბალი კოპით, რომლებშიც ხარის რქების სქემატური გამოსახულება გამოიკნობა. მის უკან, საკურთხეველის კედელზე რქამაღალი ხარის თავია. ჩრდილო კუთხეში მიძერწილია სვასტიკის ნიშანი — მზის სიმბოლო. საკურთხეველის აღმოსავლეთ კუთხეში ამოძერწილი ყოფილა ორი ჯამისებრი ჭრახი. ლამპრიდან გადმოღვენტილი ცხიმი (ზეთი თუ ქონი) საამისოდ მოწყობილ ღარში მიედინებოდა.

როგორც ვხედავთ, ეს ნაგებობანი უმთავრესად საკულტო ხასიათს ატარებენ. რაც შეეხება საკურთხეველ საცხოვრებელ ნაგებობათ, ისინი, თუ ასეთებად არ ჩავთვლით ზემოხსენებულ სენაკთა ნაწილს მაინც, ნაცარგორაზე ჯერ კიდევ რელიეფურად გამოვლინებული არ არის. საფიქრებელია, რომ ამ ბორცვის საცხოვრებელ ნაგებობათა უმრავლესობის კვალი შემდგომ პერიოდში მრავალგზის წარმოებულმა მშენებლობამ წაშალა.

ჩვენთვის საინტერესო პერიოდის ნამოსახლარები ამ ბოლო დროს მიკვლეულ იქნა ფოლადაურის ხეობაში (ბოლნისის რ.). კიდევ უფრო ადრე იყო აღმოჩენილი მსგავსი ნამოსახლარები ლენინაკანისა და ხანლარის მახლობლად. ამ ორ უკანასკნელ პუნქტში დადასტურებული ნამოსახლარების გათვალისწინება თითქოს საშუალებას გვაძლევს წარმოვიდგინოთ მოსახლობათა განვითარების ანალოგიური სურათი საკურთხეველ იმ ტერიტორიისათვის, რომელსაც დღევანდელი აღმოსავლეთ საქართველო მოიცავს. ასეთი წარმოდგენა კი კანონიერად მიგვაჩნია, რამდენადაც განსახილველ პერიოდში აღმოსავლეთ საქართველოს, ჩრდილოეთ სომხეთისა და დასავლეთ აზერბაიჯანის ტერიტორია დასახლებული უნდა ყოფილიყო ახლო მონათესავე ტომებით, რომელთა ნივთიერი კულტურა ერთი დიდი საწარმოო ცენტრის ბაზაზე ჩანს აღმოცენებული. ოღონდ ესაა; რომ აღმოსავლეთ საქართველოს ნამოსახლარების არასაკმარისი შესწავლილობის გამო ჩვენ ჯერჯერობით არ შეგვიძლია სრული წარმოდგენა ვიკონით იმ მოსახლობათა რიცხოვრებ შემაღვენლობასა და ოჯახურ ურთიერთობაზე, რომელიც საზოგადოებისათვის გვაროვნული წყობილების ამ უკანას-



1



2



3



4

კნელ საფეხურზე იყო დამახასიათებელი. ასევე ჯერჯერობით არ არის კარგად გარკვეული სამარხის რა ტიპია დაკავშირებული მოსახლეობის ამა თუ იმ ტიპთან. ერთადერთი რაც შეგვიძლია ვთქვათ ამ მხრივ, ეს ისაა, რომ ამ დროისათვის გვარის რიგითი წევრების საპაროვანიც კი გამოყოფილია მოსახლეობისაგან და იგი ამ უკანასკნელის შორიანხლოს არის მოწყობილი. მაგალითისათვის შეგვიძლია დავასახელოთ ხოვლეგორა, რომლის მცხოვრებნი (აღრეული რკინის ხანაში) გორიდან პაწია ხევით გამოყოფილ ფართო, გაშლილი მინდვრის განაპირას ჩვეულებრივ ორმოსამარხებში იკრძალებოდნენ.

უფრო მეტ საერთოს ვხედავთ აღნიშნულ ტერიტორიაზე გავრცელებულ სამოსახლო ნაგებობათა მშენებლობის ტექნიკაში. ზემოხსენებულ პუნქტებში აღმოჩენილი ნამოსახლარების შესწავლის დროს, სხვა გარემოებათა გვერდით, ჩვენს ყურადღებას იპყრობს ა) სამშენებლო მასალა, რომელიც გამოყენებულია საცხოვრებელ სათავსოთა აგების დროს და ბ) ამ მასალის მეშვეობით კედლის ამოყვანის წესი, ე. ი. მისი წყობის ზასიათი. როგორც თავის ადგილას იყო ნათქვამი, ასეთ მასალად გამოყენებული ჩანს რიყის, მდინარის მიერ ნაგორები, ქვა. ამასთანავე გამოყენებულია სხვადასხვა ზომის ქვები, რომელთაც ადამიანი საჭიროებისამებრ თითოეულ კერძო შემთხვევაში მიმართავდა ხოლმე. ამჟამად, რომ ასეთ ქვას მიმართავდნენ იქ, სადაც მათ უკეთესი სამშენებლო მასალა ხელთ არ ჰქონდათ. ცხადია, რომ მშენებლობაში რიყის ქვის გამოყენებას უმეტესად იქ ჰქონდა ადგილი, სადაც წილისეული, საშენად ვარგისი ქვის ქანების ნაკლებობა იგრძნობოდა, ან ეს ქვები იმდენად დიდ სიღრმეზე იყო, რომ მათი მოპოვება ღირდა. ჩვენს მიერ აღნიშნული ადგილებიც დაახლოებით ასეთ ზონაში ყოფილა და იქაურ მცხოვრებთ დანაკლისი რიყის ქვით უესიათ. დაახლოებით იგივე შეიძლება ითქვას მტკვარ-ალანის შუა და ქვედა წელის მიმართ, სადაც მდინარეთა მიერ უხვად გამოტანილი და გამორიყული ქვები ამ აუზის მოსახლეობის საცხოვრებელ ნაგებობათათვის საჭირო სამშენებლო მასალათა მარაგის კარგ დანამატს შეადგენდა. რაც შეეხება რიყის ქვების წყობის თავისებურ წესს, რომელსაც შუა ქართლსა და გარე კახეთში „წოლა“, ქვის წოლით შენების წესი ჰქვია, იგი, მიუხედავად ხსენებულ რაიონში ფართოდ გავრცელებისა, როგორც ჩანს, სხვა რაიონებისთვისაც არ ყოფილა უცხო. ამავე დროს შენების ასეთი წყობა სრულიადაც არ ყოფილა ერთადერთი. პირიქით, ხშირ შემთხვევაში გამოყენებული ჩანს ნორმალური, სწორი წყობა (სტალინირის ნაცარგორა, ურბნისი და სხვა). თუმცა რიყის ქვას ძველ სამშენებლო ხელოვნებაში ესოდენ ფართო და ხანგრძლივი გამოყენება ჰქონია, მაგრამ ჩვენ მაინც ვფიქრობთ, რომ საცხოვრებელ ნაგებობათათვის აუცილებელ და შესაძლებელ საშენ მასალათა შორის ჩვენს ბუნებრივ პირობებში უპირატესობა მაინც მოკრილ ქვას უნდა დასთმობოდა. ეს მართლაც ასე უნდა ყოფილიყო, რისი დამამტკიცებელია არა მარტო ქართულ ეთნოგრაფიულ სინამდვილეში დამოწმებული ქვის დამუშავების მდიდარი ხალხური წესები, არამედ ჩვენს ქვეყანაში ფართოდ გავრცელებული მეგალითური კულტურის ნიმუშები და, პირველ რიგში, ციკლოპურ ნაგებობათა ნაშთები, რომლებშიაც დღეს თუ არა ხვალ

ბრინჯაო-რკინის პერიოდის ბევრ საცხოვრებელ თუ საკულტო ნაგებობათა კომპლექსის გამოცნობაც გახდება შესაძლებელი. *

თუ მწირია ჩვენს ხელთ არსებული მასალა საკვლევი ხანის საცხოვრებელ ნაგებობათა რაგვარობის შესახებ, საბედნიეროდ, ამას ვერ ვიტყვივით იმდროინდელი ადამიანის ისეთ საარსებო საშუალებათა ნაშთების მიმართ, როგორიცაა კერამიკული ნაწარმი, სასოფლო-სამეურნეო იარაღ-ხელსაწყოები, შეიარაღების ატრიბუტები, სამკაულები, ცხენისა და სხვა სასაპალნე თუ გამწვევ ცხოველთა აკანთაშობის ელემენტები, სარწმუნოებრივ წარმოდგენებთან დაკავშირებული საგნები და სხვ. ასეთი ხასიათის მასალებს უხვად გვაწვდის ჩვენი ქვეყნის მიწა-წყალზე დღემდე მიკვლეული და ნაწილობრივ მინც შესწავლილი ნასოფლარი ადგილების კულტურული ფენები, მასობრივი სამაროვნები, მიწაში განძის სახით ჩაფლული უამრავი ნივთები და ა. შ. მათ შორის ამ ხანის დღეისათვის ცნობილი მასალების უდიდეს ნაწილს სამაროვნებს ფენებიდან მომდინარე ნივთები შეადგენენ. მაგრამ როდესაც სამაროვნის წიაღიდან გამოშვებული მასალების ისტორიულ წყაროდ გამოყენება გვწადა, არ უნდა დაგვავიწყდეს, რომ სამარხები ძლიერ დიდი დაგვიანებით აირეკლავდნენ ადამიანთა რეალურ ცხოვრებასა და სარწმუნოებრივ წარმოდგენებში მოხდარ ცვლილებებს. მით უფრო დარწმუნებით ითქმის ეს იმ წესებისა და რიტუალის შესახებ, რომლებიც მიცვალებულთა დაკრძალვისას სრულდებოდა. დაკრძალვის ამ წესების შესრულებას კი ძველი ხალხების ყოფა-ცხოვრებაში უაღრესად დიდი მნიშვნელობა ენიჭებოდა.

სამგორისა და თრიალეთის ყორღანები, ისევე როგორც სამთაეროს, ლებისა და მათი მსგავსი სამაროვნები, გვიჩვენებენ იმის საუკეთესო მაგალითს, თუ რა საერთო პატივისცემით სარგებლობდნენ ტომისა და გვარის მეთაურთა სამარხები, ან საგვარეულო სამაროვნები. ისინი იმდენად შეუვალ, წმინდა ადგილად ითვლებოდა, რომ მათზე უცხო გვარის წარმომადგენლის დასაფლავება საყოველთაოდ იკრძალებოდა ან გამოხაკის შემთხვევაში თუ დაიშვებოდა.

აღმოსავლეთ საქართველოს ტერიტორიაზე გვიანი ბრინჯაოსათვის დამახასიათებელი არქეოლოგიური ძეგლები (სამაროვნები, ცალკეული სამარხები, განძები და სხვ.) 50-ზე მეტ პუნქტშია დამოწმებული. მართალია, ამ ადგილთა უმრავლესობა თითო-ორი ბრინჯაოს ნივთის ან კერამიკული ნაქეთობის აღმოჩენის შემთხვევით გახდა ცნობილი, მაგრამ მეტნაკლებად მრავალრიცხოვანი ნივთებისა თუ მათი ჯგუფების შემცველ პუნქტთა რიცხვიც არ არის უმნიშვნელო. ამ უკანასკნელთაგან პირველ რიგში უნდა დავსახელოთ ისეთი მნიშვნელოვანი სამაროვნები, როგორიცაა სამთაერო და არმაზისხევი (მცხეთაში), დვანი და ფლავისმანი (გორის მახლობლად), დმანისი, ბეშთაშენი (თრიალეთში), ნავთლუღისა და ღრმაღელის სამაროვნები (თბილისში), ნინოწმინდა, სართიპალა, იყალთო, ბაკურციხე (კახეთში) და შრ. სხვა.

* ეს მით უფრო სავარაუდოა, რომ ზოგიერთი ციკლოპური ხასიათის ნაგებობა, რომელთაც მკვლევარნი ადრენეოლითურ ან ბრინჯაოს ეპოქაში წარმოშობილად თვლიდნენ, უკანასკნელ ხანებში წარმოებული კვლევა-ძიების მიხედვით, ადრეული ფეოდალური ხანისა გამოდგა.

აღნიშნული პუნქტები ნაწილდება აღმოსავლეთ საქართველოს უძველესი კულტურული კერების მიწა-წყალზე. ეს კულტურული კერებია: შიდა ქართლი, თრიალეთი და კახეთ-ქვერეთის მიდამოები. ცხადია, რომ აღმოსავლეთ საქართველოს ამჟამად ჩვენთვის საინტერესო პერიოდის კულტურული ვითარების წარმოსადგენად საკმარის მასალას აღნიშნული კერების ნივთიერი კულტურის ძეგლების შესწავლა მოგვცემდა. მაგრამ რამდენადაც ყველა ჩამოთვლილ პუნქტში მოპოვებული მასალების აქ გათვალისწინება შეუძლებელია, ჩვენ უნდა დავკმაყოფილდეთ ყველაზე მდიდარი, მეტყველი და ტიპური არქეოლოგიური ობიექტების აღწერა დახასიათებით და მეორე-მესამეხარისხოვანი მასალები მხოლოდ იმ შემთხვევაში მოვიშველიოთ, როდესაც ამას სურათის სრულად წარმოდგენის საჭიროება მოითხოვს.

ჩვენს მიერ ზემოთ დასახელებულ კერებს შორის შიდა ქართლი ძველი საქართველოს ერთერთ უმნიშვნელოვანეს კულტურულ პროვინციას წარმოადგენდა. იგი, რომელიც ქართულ ისტორიულ წყაროებში შიდასთვლის სახელითაც არის მოხსენებული, ისაზღვრებოდა: აღმოსავლეთიდან არაგვის მარჯვენა ნაპირით, ჩრდილოეთიდან ჩრდილოეთ ოსეთითა და დვალეთით, დასავლეთიდან ლიხის მთებით, ხოლო სამხრეთიდან ბაჟურთან და თორის, არაგვიან-თრიალეთისა და სათოვლე მთებით. მასადაამე, ეს მიწა-წყალი განვრცობილი იყო არაგვის, ქსნის, ლიხის და მტკვრის შუაწელის ხეობებზე და შეიცავდა ისეთ მნიშვნელოვან ისტორიულ პროვინციებსა და დაბა-ქალაქებს, როგორც იყენენ მთიულეთ-გუდამაყარი, დღევანდელი სამხრეთ ოსეთის ტერიტორია, თორი, მცხეთა, არმაზი, კასპი, უფლისციხე, გორი, რუის-ურბნისი, სურამი და სხვ.

აღნიშნულ პუნქტთაგან მეტ-ნაკლებად სრულად მცხეთა-არმაზის მიდამოები არის შესწავლილი. მაგრამ ამ პუნქტთაგან ჯერჯერობით მხოლოდ სამთავროსა და არმაზისხევეშია მიკვლეული გვიანბრინჯაოს ხანის არქეოლოგიური ძეგლები.

სამთავროს სამაროვნის წილში მოპოვებული ნივთიერი კულტურის ძეგლები, რომლებიც ძვ. წ. II ათასწლეულის შუა ხანებსა და ახ. წ. IX ს. შორის მოქცეულ 2500 წლიან პერიოდს მოიცავს, უაღრესად მნიშვნელოვან ისტორიულ წყაროს წარმოადგენს ქართველი ხალხის წარსულის შესასწავლად. კერძოდ ისინი ძვირფას მასალას გვაწვდიან ხალხის სამინაო ყოფის, ეკონომიური მდგომარეობის, მისი სოციალურ-პოლიტიკური ცხოვრებისა და კულტურული დონის, მეზობელ ქვეყნებთან და ხალხებთან საომარი ან მშვიდობიანი სავაჭრო-ეკონომიური და კულტურული ურთიერთობის საკითხების გასათვალისწინებლად.

სამთავროს სამაროვანზე ჩვენთვის ახლა საინტერესო ხანისათვის ორი ტიპის სამარხია ცნობილი:

ა) ყორღანული სამარხები შუა ბრინჯაოს ხანისა, დაახლ. ძვ. წ. XVI—XIV სს.;

ბ) ორმოსამარხები გვიანი ბრინჯაოსა და ადრეული რკინის ხანისა, დაახლ. ძვ. წ. XIII—V სს.

სამაროვნის ვერტიკალური ჰრილების შესწავლამ გამოარკვია, რომ სხვადასხვა ტიპის სამარხები, ხნოვანებისდა შესაბამისად, სხვადასხვა სიღრმეზე იმ-

ყოფებიან და ხშირ შემთხვევაში ერთიმეორეს კიდევც ჰფარავენ. მათ შორის ორმოსამარხებს ამ კრილის ქვედა პორიზონტი უჭირავთ და ამგვარად ისინი სამთავროს „მრავალსართულიანი“ სამაროვნის პირველ საფეხურს, თავისებურა ქვედა სართულს შეადგენენ.

ორმოსამარხთა საერთო რაოდენობიდან ერთი, შედარებით მცირე ჯგუფი: საკუთრივ გვიანი ბრინჯაოს ხანისა (დაახლ. ძვ. წ. XIII—XI სს.), მეორე ბრინჯაოდან რკინაზე გარდამავალ ხანას (ძვ. წ. XI—X სს.) ეკუთვნის, ხოლო მესამე, ყველაზე რიცხვმრავალი ჯგუფის სამარხები ადრეული რკინის ხანაზე (ძვ. წ. IX—V სს.) მოდის. აღსანიშნავია, რომ სტრატეგრაფიული განსხვავება ამ ჯგუფთა სამარხებს შიგნითაც შეიმჩნეოდა: პირველი ჯგუფის სამარხები შედარებით უფრო ღრმად იყო ჩაფლული მიწაში, ვიდრე მეორე და მესამე ჯგუფისანი.

ორმოსამარხები აღნაგობით მეტ-ნაკლებად სწორკუთხოვანი მოყვანილობის, სხვადასხვა ზომის (1,2×0,6—2,0×1,8 მ), ორმოებს წარმოადგენენ. სამარხთა უმრავლესობა დამხრობილი იყო დასავლეთიდან აღმოსავლეთისაკენ, რაც სამარხში დაკრძალულ მიცვალებულთა დამხრობას შეესაბამებოდა; დანარჩენებისათვის დამახასიათებელი იყო ან ჩრდილოეთიდან სამხრეთისაკენ, ან პირუკუ დამხრობა; იყო აგრეთვე შუალედ მხარეთა მიხედვით დამხრობის შემთხვევებიც, თუმცა იშვიათად. სამარხები თავის დროზე ძელებითა და ქვაფენილით უნდა ყოფილიყო გადახურული და შემდეგ მიწით მოზენიული, ისე რომ თითოეული ორმოსამარხი გარეგნული მოყვანილობით, შესაძლებელია, პატარა ბორცვსაც კი მიაგავდა. სამარხთა დიდი უმრავლესობა (65%) მიწის ასეთ უბრალო ორმოშია მოწყობილი. დანარჩენისათვის კი დამახასიათებელია სამარხის პირზე რიყის ქვების სწორკუთხოვანი ერთპირი წყობა და ასეთივე, ზოგჯერ ნაგლეჯი ქვის წრიულად, ოვალურად ან სწორკუთხოვნად შემოწყობა ორმოს პირზე; ბევრს ზემოდან ქვაყრილი ჰქონდა, ზოგიერთს კი ფილაქვა ეხურა. ძალიან ხშირად მიცვალებული ოთხ რიყის ქვას შორის იყო მოთავსებული. დადასტურებულია, რომ სამარხთა ორმოების ფილაქვით გადახურვა უძველესი ფენის სამარხებისათვის არ ყოფილა დამახასიათებელი; ეს წესი პირველად გარდამავალ ხანაში შემოსულა, ხოლო გვიანი ხანის სამარხებში საკმაოდ გავრცელებული ჩანს. ქვისსამარხის მსგავსი ნაგებობის პირველი ნიშნები მეორე (გარდამავალი ხანის) ფენაში გვაქვს, ხოლო მესამე (რკინის ხანის) ფენაში შედარებით ხშირია. ეს გარემოება თითქოს საფუძველს გვაძლევს სამარხისათვის საჭირო დიდი ფილაქვების მოჭრა, გათლა და გადმოტანა აქ ძირითადად რკინის ხელსაწყო-იარაღების შემოღებასა და მათ ფართო გამოყენებას დაუკავშიროთ. ქვაფენილიან-ფილაქვიან ან სხვა რომელიმე დამატებითი ნიშნით დახასიათებულ სამარხთაგან გაცილებით მეტი რაოდენობა მამაკაცთა სამარხებზე მოდის. აღვილი საფიქრებელია, ეს გარემოება სამეურნეო და სოციალურ ცხოვრებაში მამაკაცთა მზარდი როლის ანარეკლს წარმოადგენდეს. იქნებ ამასვე მიუთითებდეს ის გარემოება, რომ მესამე ფენაში აღმოჩენილი ქვისსამარხები მხოლოდ მამაკაცთა განსასვენებლად არის გამოყენებული, ხოლო ქალთათვის არც ერთი.

ორმოსამარხთა დიდი უმეტესობა ინდივიდუალურია, ე. ი. თითო ადამიანისათვის არის განკუთვნილი, მაგრამ არის კოლექტიური სამარხებიც, რომლებიც შეიცავენ ორს, სამს და მეტ ჩონჩხსაც. მაგალითად, სამთავროში გათხრილ ერთ-

ერთ სამარხში 33 ადამიანი იყო დაკრძალული. ნიშანდობლივია, რომ კოლექტიურ სამარხთა რაოდენობა, ფენებისდა მიხედვით, თანდათან მატულობს. ამასთანავე ზოგჯერ შეიმჩნევა თანჩატანებელი ინვენტარის დაკრძალულთა შორის არათანაბარი განაწილება. ყველა კოლექტიური სამარხის წარმოშობის მიზეზის ახსნა შეუძლებელი ხდება. შესაძლებელია, ზოგიერთი თანადამარხვა (მაგ., წყვილისა) ცოლქმრული დამოკიდებულებით აიხსნას, ზოგის წარმოშობა კი (მაგ., ზემოხსენებული 33 ჩონჩხის შემცველი საფლავისა) ეპიდემიის ან რომელიმე სოციალურ უბედურებას დაეუკავშიროთ, ხოლო იმ საზიარო სამარხთა წარმოქმნა, რომლებშიაც სამარხეული ინვენტარის განაწილება დაკრძალულთა შორის თითქოს ცხადს ხდის მათს სხვადასხვა ქონებრივ შესაძლებლობას სიცოცხლეში, ვარაუდით მიეწეროთ აქაურ მოსახლეობაში ოჯახური, პატრიარქატული მონობის გაჩენა-განვითარებას. ჩვენ ვფიქრობთ, რომ ამ ტიპის სამარხთა შესწავლა საშუალებას გვაძლევს მიახლოებით მაინც წარმოვიდგინოთ, თუ როგორ აირეკლებოდა დაკრძალვასთან დაკავშირებულ რიტუალში გვარსა და ოჯახში ამა თუ იმ პირის გაბატონებული მდომარეობა. ეს გარემოება კი გარკვევით მიგვითითებს იმაზე, რომ წინარეანტიკური ხანის მცხეთის მოსახლეობაში უკვე საქმე გვაქვს კლასობრივად ერთიმეორისადმი დაპირისპირებული სოციალური ფენების არსებობასთან, რასაც ქვემოთ, სამარხეული ინვენტარის განხილვისას, უფრო აშკარად დავინახავთ.

სამთავროს ყველა სამარხი ინჰუმაციური ი, ე. ი. იმდროინდელი მცხეთის მოსახლეობისათვის ცხედრის მიწისთვის მიბარება ყოფილა დამახასიათებელი. გამონაკლისს შეადგენს მხოლოდ ე. წ. კენოტაფები ანუ სამახსოვრო, დაუსწრებელი სამარხები, რომელთაც ქირისუფლები ადამიანის უცხო მხარეში დაღუპვის ან უკვალოდ დაკარგვის შემთხვევაში ამ უკანასკნელის მოსაგონებლად გამართავდნენ ხოლმე. მიუხედავად იმისა, რომ კენოტაფებში ჩონჩხი არ არის, ისინი სამარხეული ინვენტარის, მიცვალებულთა საიმპრევენიო საგზლის ერთგვარი სიუხვითაც კი გამოირჩევიან. სამთავროში ამათ გვერდით ისეთი სამარხებიცაა, რომლებშიაც მიცვალებულნი მეორედ ყოფილან დასაფლავებული, ე. ი. გავრცელებული ყოფილა (თუმცა არც ძალიან) სხვაგან გარდაცვალებული ან კიდევ ადრე სხვა წესით დაკრძალული ადამიანის გადმოსვენება და მეორედ დაკრძალვა. ამ წესს მეორადი დაკრძალვის წესს უწოდებენ. ასეთი დაკრძალვის დროსაც მდიდარ სამარხეულ ავლა-დიდებასთან გვაქვს საქმე.

ინჰუმაციურ სამარხებში მიცვალებული მოთავსებულია გვერდზე მწოლარე, ფეხებმოკეციტ. არის თითო-ოროლა შემთხვევა მიცვალებულის ზურგზე, კიდურებგამოტილად მოთავსებისა, მაგრამ გაბატონებული მაინც-პირველად აღნიშნული, კიდურებმხორხილად, მწყემსურად („მეცხორულად“) დასვენების წესია, გვხვდება თავისუფლად, ოდნავ ან, იშვიათად, მკვეთრად მოხრილი ჩონჩხები. მამაკაცები მარჯვენა გვერდზე დასვენებული უმარხავთ, დედაკაცები კი — მარცხენაზე. ამასთანავე მამაკაცებს თითქმის ყოველთვის ახლავთ იარაღ-საჭურველი და კერამიკული ნაწარმი, სამკაული კი ყოველთვის შეიძლება არც იყოს, მაშინ, როდესაც დედაკაცებისათვის მხოლოდ სამკაული და

თიხის ჭურჭლეული არის დამახასიათებელი. თითო-ოროლა გამონაკლისი აქაც: გვაქვს, მაგრამ იგი, ცხადია, საერთო წესს არ ცვლის.

რაც შეეხება საკითხს იმის შესახებ, თუ როგორი რწმენით ხელმძღვანელობდნენ ადამიანები, როდესაც სხვადასხვა სქესის მიცვალებულთ სხვადასხვა გვერდზე მოასვენებდნენ სამარხში, იგი ჭერჭერობით გადაუჭრელი რჩება. სამთავროს ორმოსამარხებში დადასტურებული დაკრძალვის წესი არ არის უჩვეულო, მართა ერთი ეთნიკური ჯგუფისათვის დამახასიათებელი მოვლენა. იგი საყოველთაოდ გავრცელებული იყო სხვადასხვა დროს და სხვადასხვა ხალხებში. მოკუნტულ ჩონჩხებს ვხვდებით როგორც ქვის ხანის ერთეულ სამარხებში, ისე განსაკუთრებით ბრინჯაო-რკინის ხანის მასობრივ სამაროვნებში, სადაც ეს წესი ფართო გავრცელებას პოულობს საზოგადოების განვითარების გვაროვნულ საფეხურზე. ამ მხრივ სამთავროს უამრავი პარალელი მოეპოვება თვით: კავკასიასა და საქართველოში (ყობანი, მოზლოკის სამაროვანი, რედკინლაგერი, ტალიში, აბტალა, ყალაქენდი, ყარაბულახი, გოგჩა, ბაქურციხე, ბეშთაშენი, დვანი, ფლავისმანი, ღები და სხვ.). როგორც დაკვირვება მოწმობს, დამარხვის ეს ჩვეულება განსაკუთრებით დამახასიათებელი ჩანს პატრიარქატული პერიოდის მესაქონლე ტომებისათვის. მართლაც, ამ პერიოდის სამარხებში აღმოჩენილ მოხრილ ჩონჩხთა მდებარეობა ძალიან მიაგავს ღია ცის ქვეშ დროებით წამოწოლილი, დასვენებული მწყემსის შესახედობას. თუ გავიხსენებთ, რომ ამ სახით დასაფლავებას საქართველოში მთიანეთის ზოგიერთ რაიონში დღესაც კი მწყემსურად, „მეცხორულად“ დასაფლავებას უწოდებენ, მაშინ შეგვიძლია ვივარაუდოთ, რომ მოხრილად დაკრძალვის მიზეზი უნდა ყოფილიყო ქირის-უფალთა მისწრაფება წარმოდგინათ მიცვალებული — ოჯახისა და გვარის განუყრელი წევრი — ცოცხალი ადამიანისათვის დამახასიათებელი (ამ შემთხვევაში მოსვენებული, მძინარე ადამიანი) სახით.

ორმოსამარხებში მიცვალებულთათვის საგზლად შინაურ და გარეულ ცხოველთა ხორცის ჩატანების წესი, ისევე როგორც სხვაგან, სამთავროშიაც საყოველთაოდ აღიარებული ყოფილა. ასე მაგალითად, აქ ვხვდებით: ცხვრის, თხის, ღორის, ტახის, მსხვილფეხა რქოსანი პირუტყვის (ხარის, ძროხის, კამეჩის), ცხენის, კურდღლის, ირმის, ფრინველის და სხვ. ძვლებს. დადასტურებულია ძაღლის და თევზის ძვალთა აღმოჩენის ფაქტიც. ამასთანავე საკმაოდ ხშირი იყო მთლიანი ჩონჩხებიც, განსაკუთრებით ცხვრისა და თხისა, ხოლო იშვიათად — ღორისა. ერთერთ სამარხში ხარის თავ-ფეხის აღმოჩენა გვაყარაუდებინებს, რომ საქონლის ხორცი ქელეხს მოხმარდა, ხოლო თავ-ფეხი და მთელი ტყავი მიცვალებულს საფლავში ჩაატანეს.

ორმოსამარხებში აღმოჩენილი ცხოველთა ძვლოვანი მასალის შესწავლა გვიჩვენებს იმ დიდ აღმავლობას სამეურნეო განვითარებაში და, კერძოდ, მესაქონლეობაში, რომლისთვისაც ამ ხანის მცხეთის მოსახლეობას მიუღწევია უპირველეს ყოვლისა, სავსებით აშკარად ჩანს მონადირეობის მესამე-მეთხუთხარისხოვანი როლი, რომელსაც იგი ჭერ კიდევ ასრულებს ადამიანთა სამეურნეო ცხოვრებაში. ამის დამადასტურებელია გარეულ ცხოველთა (ირმის, ტახის, კურდღლის და სხვ.) ძვლების მცირერიცხოვნება. ეს უკანასკნელი ოთხჯერ უფრო ნაკლებია შინაურ ცხოველთა ძვლებთან შედარებით.

მონადირეობის როლის პროგრესული შემცირება პირდაპირი შედეგი უნდა ყოფილიყო, ერთის მხრივ, მსხვილ და წვრილფეხა რქოსანი პირუტყვის გამრავლების, მისი პროდუქტიულობის ამაღლებისა, და საერთოდ, მესაქონლეობის ინტენსიური განვითარებისა, ხოლო მეორეს მხრივ, მიწათმოქმედებაში მოსახლეობის სულ უფრო ფართო მასების ჩაბმისა.

შინაურ ცხოველთა ცალკეული სახეების მოშენება-გამრავლების დინამიკა გვაუწყებს, რომ ცხვრის მოშენება საკუთრივ ადრეული რკინის ხანისათვის (ძვ. წ. IX—VI სს), გვიანი ბრინჯაოს ხანის ადრეულ ეტაპთან შედარებით, გადიდებულია თითქმის 5 ჯერ, ღორის მოშენება—12 ჯერ, მსხვილფეხა რქოსანი პირუტყვისა — 13 ჯერ, ხოლო ცხენისა — 4 ჯერ. მეურნეობის ამ დარგის ასეთი სწრაფი განვითარება შესაბამის გამოხატულებას პოულობს სამარხეულ ინვენტარში. ასე მაგალითად, ცხვრისა და თხის ძვლებს შეიცავს: გვიანი ბრინჯაოს ხანის ნეკროპოლის სამარხების ერთ მესამედზე ნაკლები, ბრინჯაოდან რკინაზე გარდამავალი ხანის ერთი მესამედია, ხოლო ადრეული რკინის ხანის სამარხების ნახევარზე ცოტა ნაკლები. რამდენადმე უფრო დაბალი მაჩვენებელი გვაქვს სამარხეულ ინვენტარში, მახვილფეხა რქოსანი პირუტყვის გავრცელების მხრივ.

აღმოსავლეთ საქართველოს ამ დროის სამაროვნებში, საერთოდ, და სამთავროს ორმოსამარხებში, კერძოდ, აღმოჩენილია დიდძალი ნივთიერი მასალა, რომელსაც სამარხეული ინვენტარი ეწოდება.

დანიშნულებისა და მოხმარება-გამოყენების ხასიათის მიხედვით მთელი ეს სამარხეული ინვენტარი შეიძლება შემდეგ ჯგუფებად დაიყოს: 1. ჭურჭლეული, 2. იარაღ-საჭურველი, 3. სამკაული, 4. საყოფაცხოვრებო და შინამოსაქმეობის საგნები, 5. ხელოვნებისა და საკულტო საგნები და სხვ.

თითოეული ეს ჯგუფი თავის მხრივ მასალის, სახეობისა და გამოყენების ხასიათის მიხედვით, იყოფა ქვეჯგუფებად. ასე მაგალითად, პირველი ჯგუფის ინვენტარი — ჭურჭლეული გვაქვს თიხის, ლითონის და ქვისა. ქვისა მხოლოდ რამდენიმე ჭურჭელი მოგვეპოვება (პატარა სანაყები, ჭრაქი და სხვ.) და მათ სამარხეული ინვენტარის ხასიათის განსაზღვრისას არსებითი მნიშვნელობა არ მიენიჭება. იგი უფრო ნამოსახლარი ადგილების კულტურული ფენისათვის არის დამახასიათებელი. ლითონის ჭურჭელთაგანაც სამთავროს ამ დროის სამარხებში მხოლოდ ორი ცალია აღმოჩენილი (თუმცა, როგორც ქვემოთ დავინახავთ, ლითონის ჭურჭლეული გვიანი ბრინჯაოსა და ადრეული რკინის ხანის სამარხებში და განძებში საკმაოდ გავრცელებული ჩანს). ეს არის ერთერთი წარჩინებული პირის (მამაკაცის) სამარხიდან ამოღებული. ბრინჯაოს ორკუთხედიანი სარწყული ან იქნებ ქვაბი და პირფართო, წელში გამოყვანილი ბრინჯაოსავე სასმისი. ისინი ბრინჯაოს თხელი, ნაჭედი, გაწელილი ფურცლები-საგან არის ნაკეთები. ქვაბი ორი, ერთიმეორეზე გადაქედლი და მარკვლებით დაკვერილ-დამაგრებული ფურცლისაგან არის შედგენილი, ხოლო სასმისი ნაკეთები ჩანს ერთი ფურცლისაგან, რომელიც გრდემლზე თუ სხვა საგანგებო სამარჯვზე უნდა იყოს გამოკვერილი. ამ ნაკეთობათა ცალობრიობა უკვე გან-

საზღვრავს იმ ადგილს, რომელიც მათ სამთავროს კურკლეულის ტიპობრივ შემადგენლობაში უჭირავთ.

საერთოდ, სამთავროს ორმოსამარხთა ინვენტარისა და, კერძოდ, კურკლეულის ჯგუფის ყველაზე მრავალრიცხოვანი და მნიშვნელოვანი შემადგენელი ნაწილი თ ი ხ ი ს კ უ რ კ ე ლ ი ა.

დამუშავებისა და გარეგნული ნიშნების მიხედვით თიხის კურკლეულში შეიძლება გამოიყოს სამი ჯგუფი:

1. შავბრიალა და რუხ-მქრქალი ზედაპირიანი, მოშავო და ნაცრისფერკეციანი ნაირმოყვანილობისა და სიდიდის კურკელი; იგი ჩარხზეა ჩამოყალიბებული და უხვადაა შემკული რ ე ლ ი ე ფ უ რ - ნ ა ძ ე რ წ ი, ნ ა ჭ დ ე ვ ი, ა მ თ - ე ა წ რ უ ლ ი და ნ ა ტ ვ ი ფ რ ა ვ ი ს ა ხ ე ე ბ ი თ. ეს ყველაზე დიდი, მრავალრიცხოვანი ჯგუფია;

2. ლეგა, მოყვითალო-ჩალისფერი, ზედაპირხაოიანი კურკელი. იგი უმორგეოდაა ნაქერწი და ამიტომ არათანაბარი პროპორციების მქონეა; ზოგიერთი მათგანი შემკულია ა მ თ ბ უ რ ც უ ლ - გ რ ე ხ ი ლ უ რ ი სახეებით. ეს მცირერიცხოვანი ჯგუფია;


3. მუქ-მწვანედ და მოყვითალო-მიხაკისფრად მოქიქულ კურკელთა ჯგუფი. იგი ჩარხზეა დაყალიბებული და მერე კიქურგადავლებული. კიქური ამჟამად გამოხუნებულია და კურკელი მონაცრისფრო-საღაფისფრად გამოიყურება. ზოგ მათგანს მოშავო-მონაცრისფრო, ზოგსაც წითელი კეცი აქვს. ასეთი სულ 8 კურკელია აღმოჩენილი: ერთი წელში გამოყვანილი კიქისებრი სასმისია, ხოლო შვიდი ცალყურა და ქუსლიანი, კობტა, პაწია ფინჯნისებრი კურკელი, რომლებიც აგრეთვე სასმისად უნდა ყოფილიყო გამოყენებული.

სახეობის მიხედვით მთელი სამთავროს კურკელი შეიძლება დაიყოს შემდეგ ტიპებად: ლანგარი, თეფში, ჯამი (ტაბ. XV, 1), სამარბლე, კოკა, გოზაური, დოჭი, ხელადა (ტაბ. XVI, 2, 4; ტაბ. XVII, 2, 3), ტოლჩა, კიქლა, ფინჯანი (ტაბ. XVI, 1), ფიალა, თასი, ქოცო, დერგი (ტაბ. XV, 3; XVII, 1), ქილა (ტაბ. XV, 5; XVII, 4), ქოთანი, კოკობი, კათხა (ტაბ. XV, 2) და სხვ. გარდა ამისა, გვხვდება ისეთი იშვიათი ფორმა-მოყვანილობის კურკლები, როგორიცაა, მათარა, ქოცუკა, ორმუცლიანი კოკობი და სხვ. ორიოდვე ფიგურული კურკლის ფრაგმენტებიც იყო დადასტურებული (ამ სახეობათაგან ზოგიერთი მათგანას სურათი მოთავსებულია XV—XVII ტაბულებზე).

კურკლეულის ჩამოთვლილ სახეობათაგან, მოხმარება-დანიშნულების მიხედვით, შემდეგი ძირითადი ჯგუფები გამოიყოფა:

I. ს უ ფ რ ი ს კ უ რ კ ე ლ ი ა) მშრალი და წვნიანი შეჭამადისათვის განკუთვნილი: ლანგარი, თეფში, ჯამი, ბადია, სამარბლე და სხვა, ბ) სითხის (წყლის, რძის, ღვინის, ლუდის და მისთ.) ჩამოსახმელ-დასასხმელი კურკელი: კოკა, გოზაური, დოჭი, ხელადა, ტოლჩა (თუნგების ჯგუფი), კიქლა, ფინჯანი, ფიალა, თასი (სასმისების ჯგუფი);


II. ს ა ნ ო ვ ა გ ა ს (ყველას, ერბოს, ხაქოს, ქონის, დამარილებული ხორცეულის და თევზეულის, წნილის, თაფლის და მისთ.) შესანახავი კურკელი: ქოცო, დერგი, ქილა და სხვ.




2



4



1



3

111. ს ა მ ზ ა რ ე უ ლ ო (სადღუღარი) ჭურჭელი: ქოთანი, ქვაბ-ქოთანი, კოჭობი და სხვ.

IV. რძის პროდუქტებისათვის განკუთვნილი ჭურჭელი: საწველელო, საწურავი, საღვებელი და სხვ.

პირველი სამი ჯგუფის შესახებ უნდა ითქვას, რომ ერთი და იგივე ტიპოლოგიური ჯგუფის ჭურჭელს ნაკლებად ან სულ არ ეკისრება სხვა ტიპოლოგიური ჯგუფის ჭურჭელთა ფუნქციის შესრულება. ცხადია, რომ გოზაური, დოჭი, ხელადა და მისთ. ისეთი ტიპის ჭურჭლებია, რომლებიდანაც ჩვეულებრივ უნდა გადმოიხსნას და სასმისებში (ფიალებსა, ფინჯნებსა და თასებში) განაწილდეს თხიერი ნივთიერება; ასევე ვერ შეასრულებენ ისინი საღუღარი ჭურჭლის მოვალეობასაც, რაც ქოთანსა და მის ქვესახეობათა ჭურჭლეულს აქვს დაკისრებული. იგივე არ შეიძლება ითქვას IV ჯგუფში გაერთიანებული ჭურჭლეულის (საწველელო, საწურავი, საღვებელი) შესახებ. საერთოდაც მეტად საინტერესო და სამთავროს შავ და რუხ-პრიალა ჭურჭლეულში გამორჩეული საღვებლის ეს სახეობა ტიპოლოგიურად წარმოადგენს საღვებლის შესანახად განკუთვნილ ქილათა ქვესახეობას, რომლისგან იგი შედარებით ვიწრო ყელით, ძორიზონტალური ყურით და მხარ-მუცლის საზღვარზე დატანებული ჭიბისებრი სასულე ნახვრეტით განსხვავდება. საწურავი ტიპოლოგიურად იგივეა, რაც I ჯგუფისეული ღრმა ჯამი, ოღონდ ძირდაჩვრეტით. ხოლო საწველე ჭურჭელში ადვილად გამოიყენება ჩვეულებრივი ქილები, რომელთაც პირი ჩვეულებრივზე უფრო ფართო აქვთ ხოლმე.

ზემოთ აღნიშნული ოთხი ჯგუფის გარდა, ამავე ნიშნის მიხედვით, სამთავროს ჭურჭელში შეიძლება გამოიყოს შემდეგი ოთხი დამატებითი, მცირერიცხოვანი ჯგუფი:

V. ს ა გ ზ ა ო (სათანაო) ჭურჭელი: მათარა, ზოგიერთი კოჭობი და სასმისი, რომლებსაც მხრებზე დაძვრული კორძებსა და შვერილებში, ან უშუალოდ კორაქსში, ყელის მახლობლად ზონარისათვის საგანგებო ნახვრეტები აქვთ დატანებული;

VI. ფ ი გ უ რ უ ლ ი ჭურჭელი; წარმოდგენილია ირმის (?) და შეკაზმული ცხენის გამომხატველი არასრული ჭურჭლებით. საფიქრებელია, ისინი სასმისს წარმოადგენდნენ.

VII. ს ა ბ ა ე შ ე ო -ს ა თ ა მ ა შ ო ჭურჭელი; აქ შედის ქოცუკები, მინიატურული ქვევრის მსგავსი ჭურჭელი — 3 ც. შავად გაპრიალებული და ძირჩავიწროებული. აქვეა ჩანჩხურები — შავპრიალა თიხის პაწია ბურთობები, ერთი ლიაა, მეორე დახურული და შიგ საჩანჩხურო კენჭებია ჩაყრილი;

VIII. ს ა კ უ ლ ტ ო დანიშნულების ჭურჭელი; ამ ჯგუფში შედის ორ-მუცლიანი (ორსართულიანი), სახურავიანი, შავპრიალა ზედაპირიანი ჭურჭელი. მასზე დაძვრულია გველის რელიეფური გამოსახულება, რომელიც თითქმის მიისწრაფის ჭურჭელში ჩასაძრომად (ტაბ. XVI, 3). ს ა კ ე ა მ ლ ე ბ ე ლ ი ჭურჭელი; რომელიც ორმაგპირიან შავპრიალა ქილას წარმოადგენს; შიგნითა პირის გვერდები სამკუთხოვნად აქვს დაფანჯრული. ამავე ჯგუფში ერთიანდება ს ა რ კ ლ ი ა ნ ჭურჭელთა სერია. ესენი წარმოადგენენ შავპრიალა ზედაპირიან, ცალყურა და კოხტაქუსლიან ჭურჭლებს. ტიპოლოგიურად ისინი ძა-

ლიან მიავანან მოქიქულ ზედაპირიან ფინჯნისებრ სასმისებს, ოლონდ სარკმ-ლიანები უფრო დიდებია. მათთვის დამახასიათებელია სარკმელი, რომელსაც კურკლის ძირში ჩადგმული ობსიდიანის ანატკეცი ქმნის. ამ კურკელთაგან ზოგიერთს ძირის სარკმელს გარდა გვერდითი სარკმლებიც აქვთ კურკლის მხარ-მუცლის საზღვარზე წრიულად განლაგებული ასეთივე გამჭვირვალე ობსიდია-ნის ანატკეციების სახით. სამთავროს კურკელთა ეს მეტად საინტერესო სერაა. იმითაც არის შესანიშნავი, რომ ყოველი მათგანი შემკულია სამკუთხოვნად ნაკაწრ-ნაქდევი სახეებით, რომლებიც სიმეტრიულად და ერთიმეორის მიყოლ-ებით არის გაწყობილი კურკლის მხარ-მუცლის საზღვარზე.

თითო მიცვალებულს საშუალოდ 3-7 კურკელი ახლავს, თუმცა 9-12 კურ-კლის ჩატანების შემთხვევებაც საკმაოდ ხშირია. უმთავრესად კი მიცვალებულს ატანდნენ „ერთ ხელ კურკელს“ (მაგ., ლანგარი, ჯამი, დერგი, ქილა, ხელადა, ფინჯანი, თასი და სხვ.).

გვიანი ბრინჯაოს ადრეულ ეტაპზე ვხვდებით კურკელთა რაოდენობრივ სიმცირეს და მათი ზედაპირის შემკულობის ერთგვარ სიღარიბეს. ბრინჯაო-რკინისა და საკუთრივ ადრეული რკინის ხანაში კი უფრო მრავალრიცხოვანი, ნაირსახოვანი და უფრო მდიდრულად შემკული ხდება, რაც თავის მხრივ, სა-ფიქრებელია, კურკლის სერიული დამზადების დანერგვას იწვევდა.

სამთავროს კურკელულის დასამზადებლად გამოყენებულია კარგი ხარის-ხის ადგილობრივი თიხა. კურკელულის დიდი უმრავლესობა კერამიკულ მორგე-ზეა ნაკეთები; კურკლის ჩარხზე ამოყვანა-დაყალიბების აქ დადასტურებული მაღალი დონე ამ დროისათვის უკვე მექურკლე-ოსტატის მიერ ფეხით მოძ-რავი ჩარხის გამოყენებას გვაგვარაულებინებს. დახელოვნებული ყოფილან აქა-ური მექურკლენი აგრეთვე კურკლის გამოწვევაშიაც. თავიანთი ნაწარმის კეცი-სა და ზედაპირის სიმუქეს, ხშირად სიშავეს, როგორც ირკვევა, გამოწვეამდე და წვის პროცესში პროდუქციის ორგზის შებოლვის გზით აღწევდნენ. შემდეგ ზედაპირს ფისს ან ცვილს (იქნებ ორთავეს ერთად) უსვამდნენ და ბეწვიანი ტყა-ვით, ხის, ძვლის და ქვის საკრიალებელი ხელსაწყოებით კურკელს მთლიანად ან ნაწილობრივ ბრწყინავი ზედაპირის შექმნამდე აკრიალებდნენ. ასევე სა-განგებო ინსტრუმენტებით გამოჰყავდათ ნაწარმის ზედაპირზე პრიალა გეო-მეტრიული სახეები: სწორი, ტეხილი თუ კლაკნილი ხაზები, კონცენტრული და პარალელური ღარები, სამკუთხედები, რომბები, ბადეები და ა. შ. კიდევ უფ-რო ხშირია კურკლის მხარ-მუცელზე იგივე სახეები, ოლონდ ამჭერად გამო-წვეამდე ნედლი კურკლის ზედაპირზე ამოკაწრვით დატანილი. როგორც ჩანს, ორნამენტების ამოკაწრვა ამ დროის მცხეთაში კურკლის შემკობა-გალამაზების ყველაზე უფრო გავრცელებული და საყვარელი ხერხი ყოფილა. რელიეფურ-ნამერწი სახეები შედარებით იშვიათია. იშვიათად, მაგრამ მაინც გვხვდება ცხო-ველთა ტანის, თავისა და ყურის გამოსახულებანი. ამ დახერხ-ფორმათა მრავალ-გვარობა გარკვეულ მითითებას გვაძლევს ჩვენთვის საინტერესო პერიოდის მცხეთელ ხელოსანთაგან დახელოვნებულ მეთუნეთა გამოყოფის შესახებ. სამ-თავროს ორმოსამარხებთან დაკავშირებული 2504 კურკლიდან მამაკაცებს-ეკუთვნოდათ 1565 კურკელი, ხოლო დედაკაცებს მხოლოდ 939. დარღ-საკურკ-

ლით ამარაგებენ მხოლოდ მამაკაცებს, ხოლო სამკაულებით — დედაკაცებს, აგრეთვე მამაკაცებსაც*. ასეთივე სურათი გვაქვს სამეურნეო იარაღებისა და შინამოხმარების საგნების განაწილების მხრივაც: ხელოსნობის გარკვეულ დარგებთან (ხითხურობა, მეღვინეობა, მეხამლეობა, მეღველეობა, იარაღის წარმოება და სხვა) დაკავშირებული საგნები: ცული, სატეხი, ღორჩო, სადგისი, დანა, სალესი ქვა და სხვ. მამაკაცთა სამარხებში ჩნდება, მაშინ როდესაც რთვა-ქსოვა-კერვისათვის საჭირო ხელსაწყოებს (კვირისტავი, ყაისნალი, მახათი, ნემსი, პენგელი და სხვ.) უმთავრესად ქალებთან ვხვდებით.

სამთავროელთა იარაღ-საჭურვლის ასორტიმენტი საკმაოდ მდიდარია. თუ გვიანი ბრინჯაოს ხანის ადრეულ ეტაპზე მამაკაცის „ერთი ხელი იარაღი“ შედგებოდა მხოლოდ მოკლე, ფოთლისებრი, ტარშეურჩენელი სატევრის, შუბისა, ან ხელშუბისა, მშვილდისრისა და ირმის რქისგან გამოთლილი ლახტისთავისაგან, მომდევნო ხანებში ამ სიას ემატება ბრინჯაოს მთლიანადსმული, სამკუთხა პირიანი სატევრები (ე. წ. კახური ტიპისა), ბრინჯაოს მახვილები და ფარი. ამავე ხანაში ჩნდება შუბის ტარის შესამკობი ბუნიკები, სატევარ-მახვილთა ჩამოსაკიდი სამხარილოე რგოლები, ფართო სარტყლები და საიდაყვე ფირფიტები.

ამ დროის ადამიანთა ცხოვრებაში უაღრესი მნიშვნელობა შეიძინა ცულმა, რომელსაც ადრე სპილენძისაგან ან ბრინჯაოსაგან ამზადებდნენ, ხოლო შემდეგ რკინისგან გამოსჰედდნენ ხოლმე.

გვიანი ბრინჯაოს ადრეულ ეტაპზე გაბატონებული სატევრის პირი მოკლეა (15-18 სმ), მოყვანილობით ფოთლისებრი, მათი უმრავლესობა ჩამოსხმულია, ნაპირები გაწვილილ-გამოკვერილი აქვთ, ხოლო ფხა ალესილი (ტაბ. XVIII, 1-3). უმრავლესობას შუაში ქედი ჩაუყვება, რაც იარაღს მეტ სიმაგრეს ანიჭებს (ტაბ. XVIII, 1, 2). უფრო ადრეულ ცალებს ქედი არ ეტყობათ (ტაბ. XVIII, 3). ტარი მათ არ შერჩენიათ. როგორც ჩანს, იგი ხისა ყოფილა, რის გამოც მიწაში დამბალა და დაშლილა. ტარის მიმაგრების მაჩვენებელია ყუნწთან დატანებული 2-3 ნახვრეტი მარტვლებისათვის. ამ ტიპის იარაღს მალე გასჩენია ტარიც (ტაბ. XVIII, 2), რომელიც თუმცა ცალკეა ჩამოსხმული, მაგრამ სატევრის პირზე საიმედოდ არის მიჩილულ-შემოკვერილი. ამ იარაღის დანიშნულება მტრის ახლო მანძილიდან დაზიანება (ვადამდე ჩაცემა, ძვერება) უნდა ყოფილიყო. უფრო მეტად ახასიათებს ეს უნარი შედგენილ და მთლიანადსხმულტარიანი სატევრის ტიპს. იგი უფრო გრძელია (25-40 სმ), სწორმხრებიანი და განიერი, ძირითადად სამკუთხა მოყვანილობისა, წვეტიანი (ტაბ. XVIII, 7). ადრეულ ცალთა პირი და ტარი ცალ-ცალკე, ლღობადი მოდელის ტექნიკით არის ჩამოსხმული და შემდეგ მონტირებული. ნახევარსფეროსებრი მოყვანილობის კოტის თავი კვირულია, სამკუთხედებით დასარკმლული, რომლებიც ზოგჯერ ხითაა ინკრუსტირებული ან სამსხმელო ქვიშის ბირთვით არის ამოვსებული. ყველა სატევრის პირს ორსავე მხარეზე ქედის გასწვრივ წვეტიანდ შემდეგ წვეტილ-წვეტილი „სისხლსადინარი“ ღარი დაუყვება. სათანადო მასალა-

* როგორც იშვიათი გამონაკლისი, უნდა აღინიშნოს ქალისათვის იარაღ-საჭურვლის გატანების ორიოდე შემთხვევა.

ბის შესწავლა გვიდასტურებს, რომ აღმოს. საქართველოს მეაბჯრენი მალე დაუფლებიან ამ ტიპის სატევრის ერთიან, ტარისა და პირის ერთდროულ, ერთგზის ჩამოსხმას. როგორც ვხედავთ, იგი სატევრის საკმაოდ განვითარებულ ტიპა და დროის მიხედვითაც გვიანი ბრინჯაოს ადრეული ეტაპიდან მის განვითარებულ საფეხურზე გარდამავალ ხანას ეკუთვნის. იმის გამო, რომ ასეთ იარაღთა უმეტესობა დღეისათვის კახეთიდანაა ცნობილი, ეს სატევარი სპეციალურ ლიტერატურაში ბრინჯაოს „კახური ტიპის სატევრად“ არის სახელდებული. მისი მოხმარება მართო ქართლ-კახეთით კი არ შემოსაზღვრულა, არამედ იგი მაშინდელი საქართველოს მეზობელ ქვეყნებში (მაგ., ჩრდილო კავკასიაში) გატანის საგნადაც ქცეულა.

აღნიშნული ტიპის სატევრის გვერდით და რამდენადმე მოგვიანებით ვრცელდება შედარებით მოკლე, ვიწროპირიანი და შედგენილტარიანი სატევრები. ამათ კოტის თავი, აგრეთვე დაფანჯრული, უფრო სოკოს მიუგავთ. იგი ცალკეა ჩამოსხმული და შემდეგ არის დამაგრებული ტარის ყუნწზე; ვიწრო მხრების გარშემო ბრინჯაოსივე ხალტე არტყიათ, პირი სრულიად სადა და უორნამენტოა, ფხა აღესილი. ტიპოლოგიურად ეს სატევარი შემოგარისულტარიანთა ჯგუფს ეკუთვნის და მომდინარეობს განჯა-ყარაბაღის კულტურული რაიონიდან, რომელიც აღმოსავლეთ ამიერკავკასიური გვიანი ბრინჯაოს კულტურის ერთერთ ლოკალურ ვარიანტს წარმოადგენს.

მომდევნო, საკუთრივ რკინის, ხანაში სატევრების რიცხვი მნიშვნელოვნად მატულობს, მაგრამ ამჟერად ისინი რკინისაგანაა გამოჭედილი, თუმცა ტარი ჯერ კიდევ ბრინჯაოსი შერჩენიათ, ზოგიერთებს კი ძვლის ტარი შეუძენიათ. ბლომად გვხვდება ამ ხანაში, კერძოდ ძვ. წ. VIII — VI სს. სამარხეულ კომპლექსებში, ც ა ლ ბ ი რ ე ს უ ლ ი რკინის სატევრები, რომელთაც ხშირად ტარმოხრილ დანებსაც უწოდებენ. ზოგიერთი მეცნიერი ამ ტიპის იარაღის ამიერკავკასიაში გავრცელებას ურარტუს ექსპანსიას უკავშირებს. კერძოდ, ბ. პ ი თ რ თ ვ ს კ ი, რომელმაც მსგავსი იარაღი კარშირ-ბლურის (ერევნის შახლობლად) ძვ. წ. VII—VI სს. დათარიღებულ ფენაში აღმოაჩინა, ფიქრობს, რომ ეს და ზოგიერთიც სხვა რკინის იარაღი (მაგ., რკინის გრძელი მახვილები) ამიერკავკასიელ შეიარაღეებს ურარტუელი მელითონეებისაგან უნდა ჰქონოდათ გადაღებულიო. ჩვენი ნივთიერი კულტურის განვითარების ისტორია კი გვიჩვენებს, რომ ხსენებული ტიპის იარაღები უხვად უკეთებიან ჩვენს წინაპრებს ჯერ კიდევ ძვ. წ. VIII — VII საუკუნეებში (მცხეთა, დვანი, ბრილი, სოხუმი და სხვ.). ეს მით უფრო საგულისხმებელია, რომ საამისოდ აუცილებელი ნედლეული ამიერკავკასიაში, კერძოდ, საქართველოში საკმაოდ მოიპოვებოდა და იმდროინათისავე ცნობილი უნდა ყოფილიყო.

საძვერებელი იარაღის უფრო განვითარებულ და, შეიძლება ითქვას, სრულყოფილ სახეს მ ა ხ ვ ი ლ ი შეადგენს. საერთოდ, მახვილი შუაბრინჯაოს ხანის მონაპოვარია, და, ცხადია, ბრინჯაოსაგან არის ჩამოსხმულ-გამოკვერილი. როგორც თავის ადგილზე იყო აღნიშნული, საქართველოს მიწა-წყალზედაც ბრინჯაოს მახვილი პირველად შუაბრინჯაოს ხანის ნივთიერი ძეგლების გარემოცვაში გვხვდება: ესაა სამთავროს ერთერთ ყორღანულ სამარხში აღმოჩენილი ბრინჯაოს გრძელი (99 სმ) მახვილი, რომელიც სანაჭებო ხელობის საძვე-

რებელ-საჩხვლეტ იარაღს წარმოადგენს. მაგრამ, როგორც ვიცი, ბევრ კარგ-
ლირსებასთან ერთად ამ იარაღს ერთი არსებითი ნაკლიც აქვს: იგი მოკლებულია
მტკიცე, მაგარ, ლითონის ტარს, რის სახანჯლოდ მის მოკლე უნახვრეტო ყუნწ-
ზე ხის ან, უკეთეს შემთხვევაში, ძვლის ტარი უნდა ყოფილიყო დამაგრებულა.
როგორც ჩანს, საკმარისად დიდმა დრომ განვლო, ვიდრე გვიანი ბრინჯაოს ხა-
ნის განვითარებულ საფეხურზე ჩვენი შეაბჯარ-მეიარაღენი ისეთი რთული აღ-
ნაგობის ლითონის ტარის ჩამოსხმის ტექნიკას დაეუფლებოდნენ, როგორსაც
ამჟამად ჩვენთვის საინტერესო პერიოდის სატევარ-მახვილთა ტარები წარმო-
ადგენენ. როგორც ზემოთ დავრწმუნდით, ასეთი ტარი პირველად ჯერ შედგე-
ნილტარიან, ხოლო შემდეგ მთლიანადსხმულ, ე. წ. კახური ტიპის სატევრებს
გაუჩნდათ. ამით ამოცანა არსებითად უკვე გადაწყვეტილი იყო მახვილისთვა-
საც, რომელიც სხვა არა არის რა, თუ არ დაგრძელებული სატევარი. ამ გაუმჯობე-
სებულ სატევართა გვერდიგვერდ და, ცოტა შემდგომ, ჩნდება ბრტყელ, მხარ-
განიერ მახვილთა ტიპი. იგი მთლიანადსხმულია და აქვს ნახევარსფეროსებრი
დასარკმლული თავი, რომელიც თავკომბალა მარკვლების კუწუბოთი არის
შემკული.

სამთავროს მასალების შესწავლის საფუძველზე შესაძლებელი ხდება
ბრტყელ მახვილთა ტიპიდან გამოიყოს სამი ქვეტიპი: წვეტიანნი (ტაბ. XVIII,
5), წვერმომრგვალონი და წვერკვეთილნი. ფაქტურად სწორედ ეს ნიშნებია,
რომლებიც ამ ქვეტიპებს ერთიმეორისაგან ასხვავებს, თორემ სხვა მხრივ ისი-
ნი ერთიმეორეს თითქმის სტერეოტიპულად იმეორებენ. ასე მაგალითად, ყვე-
ლასათვის დამახასიათებელია დაფანჯრული და ოთხი ლურსმნის კუწუბოთი
დამთავრებული კოტის თავი; უმრავლეს შემთხვევაში სწორი, განიერი მხრე-
ბი, ჩასაბლუჯი ნაწილის ზოგჯერ ოთხი ზოლებით აღჭურვა (ხელიდან გასწვლტა-
დაცურების თავიდან ასაცილებლად); სასისხლე ღარების ამოკაწრვის ერთნაი-
რი ტექნიკა; ვადის მომდევნო ნაწილის შემკობა სპირალური, დაკბილული და
თევზიფხური სახეებით, ქედის ნაწილისა კი — კლაკნილი ხაზებით. ამასთანავე
შემკობის სიმდიდრის მხრივ უფრო გამოირჩევიან წვერკვეთილი მახვილები
(ტაბ. XVIII, 4), რომელთა პირზე ხშირად პირისპირ მდგომ ცხოველთა (ირმე-
ბის, ძაღლების და სხვ.) ამოკაწრულ გამოსახულებებს ვხვდებით. ამავ ქვეტიპის
მახვილთა ბოლოები ზოგჯერ ქედიდან კუთხეებისკენ დამრეცად დაშვებული
თევზიფხური ზოლებით არის შემკული. მიუხედავად ასეთი მსგავსებისა, მაინც
არის ერთი არსებითი განსხვავება ამ ტიპის მახვილთა ტარის აღნაგობაში: ეს
არის წვერკვეთილი მახვილების ტარის აშკარა სიმოკლე წვერმომრგვალო და
წვეტიანი მახვილების ტართან შედარებით. აღნიშნული ტიპის მახვილთა წვე-
რების სხვადასხვაგვარი მოყვანილობა (წვეტიანობა, წვერის სიმრგვალე, წვერ-
კვეთილობა) აშკარად ნაკარნახევი ჩანს იმ მოთხოვნილებებით, რასაც მომხმარ-
ებელთა წრე ამ ცივ იარაღს უყენებდა. ამის მიხედვით წვეტიანი მახვილი სა-
გმირავ-საჩხვლეტი იარაღია, წვერკვეთილი — საჩენი, ხოლო წვერმომრგვალე-
ბული ორთავე ამ ფუნქციის შემთავსებელი. ამასთანავე, წვერკვეთილი მახვი-
ლი, როგორც ეს მართებულად აღინიშნა ქართველი არქეოლოგების მიერ, საკ-
მაოდ ეფექტური იარაღი უნდა ყოფილიყო ამხედრებულ მოლაშქრე-შეომართა
ხელში.

ძვ. წ. I ათასწლეულის დასაწყისიდან, რკინის თანდათან ათვისებასთან დაკავშირებით, მახვილის განვითარებაშიაც მნიშვნელოვანი ცვლილებები ხდებოდა. რკინა იჭრება მეტალურგიაში. ამის შედეგად ბრინჯაოს მახვილთა გვერდით შემოდის რკინის მახვილები. ოღონდ ეს კია, რომ მათ ტარი ერთხანს ისევ ბრინჯაოსი შერჩათ. და არა მარტო შერჩათ, არამედ მახვილის ამ არსებითი ნაწილის აღნაგობა-შემკობა ზოგჯერ ვირტუოზული ხელობის ისეთ ნიმუშამდე აღწევს, როგორსაც სამთავროს ერთერთ ორმოსამარხში აღმოჩენილი მახვილის გრეხილ ორნამენტოვანი ორკაბა ტარის მაგალითზე ვხვდავთ.

ეს მახვილები, შეიძლება ითქვას, აქაურივე ბრინჯაოს წვეტიანი მახვილების რკინის მასალაში განმეორებას წარმოადგენენ. მაგრამ იგივე აღარ ითქმის რკინის გრძელი მახვილების ერთი ჯგუფის მიმართ, რომელიც თუმცა აქაურ მკვიდრად არ გამოიყურება, მაგრამ ძვ. წ. VIII—VI სს. სამარხეულ ინვენტარში საკმაოდ გაშინაურებული იარაღის ტიპს წარმოადგენს. ესაა რკინის ვიწროპირიანი და წვეტით დაბოლოებული მახვილები, რომელთა სიგრძე ზოგჯერ 70 სმ აღემატება. აღსანიშნავია, რომ მათ ტარი, უფრო სწორად, ტარის ჩონჩხი, ბრინჯაოსი აქვთ, მაგრამ ჩვენთვის უკვე ცნობილი ტარებრსაგან ტიპოლოგიურად სრულიად განსხვავებული. საქმე ისაა, რომ ამ მახვილებს თვით აქვთ რკინისავე გრძელი კუწი, რომელზედაც მკვიდროდ შემოგარსულ-შემოკედილია ბრინჯაოს მრგვალგანიკვეთიანი ერთიანი, ან კიდევ, ორი ოთხწახნაგა მასური ფირფიტისაგან შემდგარი ბრტყელი ტარი. ასეთ მახვილთა უმრავლესობას სამთავროში ვხვდებით ხის ქარქაშში ჩასმულს. საერთოდ უნდა აღინიშნოს, რომ არა მარტო რკინის, ბრინჯაოს მახვილებიც აღკუთრვლილი ყოფილან სამხარბლოე (პორტუპის) თასმით, რომელიც თავის მხრივ შემკული ყოფილა ბრინჯაოს პაწია ნახევარსფერული კილიტებით. მასვე ჰხლებია დასამოკლებელ-მოსაფონებელი ბლოკისებრი ბალთა, და თასმის წვეკრების შესაყარი და განსატოტებელი რგოლი, ორთავე ბრინჯაოსი.

დასასრულ, აქვე არის რკინის მახვილთა ერთი ჯგუფი, რომელიც არქეოლოგიურ ლიტერატურაში სკვითურ-ირანული აკინაკები ის სახელით არის ცნობილი (ტაბ. XX, 14). ესენი საკმაოდ გრძელი, ვიწროპირიანი, მაგრამ მხრებგანიერი მახვილებია, რომელთაც ვადიდან წვეკრამდე შესამჩნევად მაღალი ქედი გასდევს, ხოლო თვით ვადაზე პეპელას მოყვანილობის ზედნაქედი დეტალი აქვთ განივად მიმდგრებული. ტარიც რკინისაა და ზოგიერთი მათგანი წრიულ-ორნამენტოვანი ძვლის ფირფიტებით არის შემკული. ეს მახვილი, ისევე როგორც სკვითური ისრისპირები (იხ. ქვემოთ) და ცხენის აკაზმულობის ლითონისა და ძვლის ზოგიერთი სამკაული, რომელთაც სამთავროს ძვ. წ. VII—V სს. სამარხებში ვხვდებით, უნდა წარმოადგენდეს იმ სკვითი მეომრების დანატოვარს, რომლებიც, საფიქრებელია, აქტიურ მონაწილეობას ღებულობდნენ ადგილობრივ მხედარმთავართა ლაშქრობაში. მაგრამ, მეორე მხრივ, შესაძლოა, ეს მასალები მოწმობდეს იმ გაცვლა-გამოცვლით ურთიერთობას, რომელიც ოდითგანვე დამყარებული უნდა ყოფილიყო შიდა ქართლის მოსახლეობასა და

ჩრდილოეთ კავკასიის ტომებს შორის. ჩვენის აზრით, ეს მეორე ვარაუდი უფრო სარწმუნოდ გამოიყურება. როგორაც არ უნდა იყოს, არც ერთ აღნიშნულ შემთხვევაში ამ იარაღ-სამკაულის ადგილობრივი წარმოება გამორიცხული მაინც არაა.

იარაღის შემდეგ სახეს შ უ ბ ი წარმოადგენდა (ტაბ. XVIII, 13). იგი პირის მოყვანილობით ძლიერ წააგავს მის თანამედროვე მოკლე, ტარშეურჩენელ სატევრებს. საჩხვლეტი პირი უმთავრესად სამკუთხედის მოყვანილობისაა, იშვიათად კი ალის ენის ფორმისა. უდიდესის სიგრძე 40 სმ აღწევს. უმცირესისა — 10—12 სმ. აღრინდელი ცალები მასრაგახსნილებია, ხოლო ბრინჯაო-რკინისა და საკუთრივ ადრეული რკინის ხანის შუბისპირები მთლიანი, შეკრულმასრიანები (ტაბ. XX, 11, 12). ორსავე შემთხვევაში იარაღის ჩამოსხმასთან გვაქვს საქმე. აღრინდელ ხანაში გამოჩაყლისის სახით გვხვდება გამოჭედილი ცალებიც. კარგად შეინიშნება იარაღის გამოჭედვის ნიშნები; საგანგებო, წაგრძელებულ კონუსისებრ სამარჯვზე მკერვიდ შემოუყეცათ და შემოუყეკრავთ ბრინჯაოს საკმაოდ სქელი (3 მმ-მდე) ფირფიტა, რომელიც ფხის ნაწილში საგრძნობლად შეუთხელებიათ და აულესაეთ კიდევაც. თითქმის ყოველ მათგანს მასრის ბოლოში დატანებული აქვს თითო, უფრო ხშირად, წყვილი ნახვრეტი ზროზე ჩასამარჯვლევად. ზოგიერთ მთლიანმასრიან შუბისპირს ნახვრეტების მახლობლად თითო, იშვიათად კი, წყვილი, მცირედ შემადლებული ლილეაკი გადასდევს.

ზომა-სიდიდის მიხედვით შუბისპირები ორ ჯგუფად იყოფა საკუთრივ შ უ ბ ი ს პ ი რ ე ბ ი და ხ ე ლ შ უ ბ ი ს პ ი რ ე ბ ი. ეს უკანასკნელი სიმატარებისა და ტარის სიმოკლის გამო, ალბათ, ხშირად გამოიყენებოდა როგორც სატყორცნი იარაღი. იშვიათად, მაგრამ ვხვდებით ძალიან დიდ, გრძელ ცალებსაც (40 სმ-მდე). შუბისპირთა დიდი უმრავლესობა სადა, გლუვხედაპირიანია. ძალიან იშვიათად მათ ამკობთ გველს კლავნილი გამოსახულება ქედოს გასწვრივ, ან უფრო ხშირად, წერტილებით ან დამრეცი ზაზებით შევსებული სამკუთხედების წყება მასრის ირგვლივ. რკინის შუბისპირები ფორმა-მოყვანილობის მხრივ თითქმის სრულად არ განსხვავდებიან ბრინჯაოსებისაგან. დამზადების ხერხის მხრივ კი განსხვავება აშკარად შეინიშნება: რკინის შუბისპირები, გამოჭედილი და კონტად მოყვანილია, მასრა, თუმცა ძალიან ვიწროდ, მაგრამ მაინც გახსნილია; ფხაალესილობა, მიუხედავად ლითონის ძლიერი დაყენებულობისა, მაინც გაირჩევა. ზოგიერთ შუბისპირს მასრის ყელზე მავთულოვანი ან ფურცლოვანი ბრინჯაო აქვს გადაქერილი უფრო, ალბათ, სილამაზისათვის, ვიდრე სიმაგრისათვის.

როდესაც ბრინჯაო-რკინის ხანის შუბზე ვმსჯელობთ, ცხადია, ჩვენ მხოლოდ შუბისპირების ამარა ვართ; ხის ტარი, როგორც წესი, ჩვენამდე არ შემონახულა გარდა მასრაში ჩარჩენილ-ჩაყენული მცირე რამ ნაშთისა. სიმსხო შუბის ტარისა იოლად განისაზღვრება შუბის მასრისა და ტარის ბოლოზე წამოსაცემელი ბუნციის დიამეტრის მიხედვით, სიგრძეზე კი დაახლოებით წარმოდგენას იძლევა აღნიშნული ნივთების სამარხში დაშორებითობა. თუ ამ ორ ნივთს შორის დარჩენილი მანძილის მიხედვით ვიმსჯელებთ; მაშინდელი შუბის სიგრძე ორ მეტრზე მეტი არ უნდა ყოფილიყო.

შუბის ნაირსახეობას წარმოადგენდა, ალბათ, რკინაწამოცმული წვეტიანი ჯოხიც. რკინის ასეთ წვეტანებს ბლომად ვხვდებით ადრეული რკინის ხანის არქეოლოგიურ მასალებში.

შუბთან არის დაკავშირებული ე. წ. ბუნეკი, რომელსაც სხვაგვარად: ს ა თ ი ხ ა რ ს ა ც უწოდებენ. ისიც ბრინჯაოსაგან არის ნაკეთები, წარმოადგენს გუმბათისებრ დაბოლოებულ ცილინდრულ სხეულს, აქვს წყვილი ნახვრეტო მარკვლებსათვის. მას, ჩვეულებრივ, ტარის ბოლოზე წამოაქმევდნენ ხოლმე. ბუნიკს სხვადასხვა ზომისასა და მოყვანილობისას ვხვდებით. მათი ზომები 5—20 სმ მერყეობს. ხშირია კონცენტრული ლილვაკებით, კოპებითა და სხვადასხვა გეომეტრიული სახეებით შემკული ბუნიკები.

ცივ იარაღთაგან შუბი, რამდენადაც მას დაგრძელებული მახვილს ფუნქცია ჰქონდა დაკისრებული, ერთი ძლიერ ეფექტურ იარაღთაგანი უნდა ყოფილიყო. კიდევაც ამით უნდა აიხსნებოდეს მისი ეგზომ გავრცელებულობა ყველა დროისა და ხალხებში. როგორც ჩანს, ბრინჯაო-რკინის ხანაშიაც იგი მამაკაცის იარაღს წარმოადგენდა.

შეიარაღების ერთ არსებით სახეობათაგანს მ შ ვ ე ი ლ ი ს ა რ ი წარმოადგენდა. მშვილდისრის შესახებ მსჯელობისას ჩვენს განკარგულებაში მხოლოდ ის რ ი ს პ ი რ ი, რაც შეეხება მშვილდს, ლარსა და ისრის ზროს, ისინი, რა თქმა უნდა, ჩვენამდე არ მოღწეულა. ამ დროს ისრისპირებს აკეთებდნენ როგორც სპილენძ-ბრინჯაოსაგან, აგრეთვე რკინისა და ძვლისაგან. გვიანი ბრინჯაოს ხანის ადრეულ საფეხურზე გავრცელებული ჩანს ბრინჯაოს თუ სპილენძის თხელი ფირფიტისგან გამოქრილი ისრისპირი სამკუთხა მოყვანილობისა, გველის ნესტარისებრი. მას ფუძე ხშირად ამოღარული აქვს, ზოლო წვერის მახლობლად ნახვრეტი აქვს დატანებული. ზოგი მათგანი საკმაოდ სქელ ფირფიტისაგან არის გაკეთებული, და ზროში ჩასამაგრებლად, ნახვრეტის მაგიერ ყუნწი აქვს გამოყვანილი. აღსანიშნავია, რომ ისრისპირის ეს ტიპი ბრინჯაოდან რკინის ხანაშიც გადასულა, ოღონდ ამ დროს იგი უმთავრესად რკინისა და ძვლისაგან უკეთებიათ. ამგვარი ისრისპირები ყველაზე ადრე სამთავროს სამაროვანზე ჩნდება, ის 600—700 წლის მანძილზე იყო გავრცელებული და ამის გამო სამთავროული ტიპის ისრისპირის სახელითაა ცნობილი.

ისრისპირების ერთ ყველაზე მრავალრიცხოვანსა და კარგად ჩამოყალიბებული ტიპის შემცველ ჯგუფს შეადგენს ე. წ. აღმოსავლურ-ამიერკავკასიური ისრისპირები (ტაბ. XVIII, 6, 8). ისინი დიდი, გრძელი, მასიური და საგრძნობლად ლიფერენცირებული ნაწილების მქონე. მას, სახელდობრ, კარგად აქვს გამოყვანილი ფრთები და ამით შორის დაშვებული გრძელი და მრგვალ ან ოთხკუთხეანივეკეთიანი ყუნწი. ეს ტიპი ფართოდ არის გავრცელებული ცენტრალურსა და სამხრეთ-აღმოსავლეთ ამიერკავკასიაში. ის ჩნდება გვიანი ბრინჯაოს ხანის გასულს და ფართოდ ვრცელდება მომდევნო, ადრეული რკინის ხანაში. კერძოდ, ცნობილია რამდენიმე ასეთი გრძელყუნწიანი ისრისპირი თეიშებაინიდან, რომლებზედაც ძვ. წ. VIII ს. ურარტულ მეფეთა სახელებია აღბეჭდილი. ამ ტიპის ისრისპირი იშვიათად ძვლისაგანაც უკეთებიათ.

გაცილებით უფრო გვიან, სახელდობრ, ძვ. წ. VII ს. ვრცელდება ე. წ. „სკივითური ტიპის ისრისპირები“. მოყვანილობის მიხედვით იგი რამდენიმე ქვეტი-

პად იყოფა. ასე, მაგ., არსებობს დაფნისფოთლისმაგვარი და რომბისებრი, ორფრთიანი, სამფრთიანი, სამწახნაგა ისრისპირი და სხვ. ამასთანავე პირველი ორი სახისა უფრო ადრეულია; მათ ახასიათებთ მოგრძო მასრა, კაუჭიანი თუ დეზიანი. ამ უკანასკნელ ნიშანს სამფრთიანი ისრისპირის მასრაზედაც ვხედავთ, თუმცა იშვიათად. სამფრთიანი და სამწახნაგა ისრისპირები ქრონოლოგიურად უფრო ახალგაზრდებია და ზოგჯერ ძვ. წ. V საუკუნემდეც კი მოდიან.

ჩვენთვის ცნობილია რკინისა და ძვლისაგან ნაკეთები ასეთი, უპირატესად სამწახნაგა ისრისპირები, როგორც იშვიათი. ნიმუშები.

თუ პირველი ორი ტიპის ისრისპირთა მიმართ შეგვიძლია გადაჭრით ვთქვათ, რომ ისინი ქართულ-კავკასიური ნივთიერი კულტურისათვის დიდი, მშობლიური ფორმებია, იგივე აღარ ითქმის ამ უკანასკნელი ტიპის ისრისპირის შესახებ. იგი დამახასიათებელია ისეთი არქეოლოგიური კომპლექსებისათვის, რომლებშიაც ძვ. წ. VII—V საუკუნეებით კარგად დათარიღებულ ნივთებთან ერთად ვხვდებით რკინის ტარმოხრილ დანებს და განსაკუთრებით კი აკინაკებს.

ასეთი კომპლექსები საკმაოდ იშვიათია და მათი გამოჩენა კავკასიის იმდროინდელ ლაშქარში დაქირავებული ან სხვა რაიმე პირობით შეკრული სკვითების ცალკეული რაზმეულების გამოჩენას მოასწავებს.

ისრისპირების დასამზადებლად დიდი წარმატებით გამოუყენებიათ ძვალცი. თითქმის არ არის ისრისპირის ნაირსახეობა; რომელიც ძვლისაგანაც არ ეზნადებინოთ. გვიანი ბრინჯაოსა და ადრეული რკინის ხანაში ფართოდ გავრცელებულია წაგრძელებულ-პირამიდისებრი, გრძელყუნწიანი ძვლის ისრისპირები. მათ ყუნწი უმეტესად დამრგვალებული აქვთ.

თავდასხმა-შეტევისათვის განკუთვნილი იარაღის ზემოთ მოტანილი ნუსხა არ იქნებოდა სრული, თუ არ ვახსენებდით ლ ა ხ ტ ა ნ უ გ უ რ ზ ს. ლახტისთავის გასაკეთებლად ჩვენთვის საინტერესო ხანაში უმთავრესად ლითონი (სპილენძი, ბრინჯაო) და ძვალი ყოფილა გამოყენებული. ბრინჯაოს ლახტისთავი პატარა (4—5 სმ სიგრძის) მოგრძო ბურთისებრი, მეტწილად მსხლისებრი მოყვანილობის იარაღია, ერთიანი ლითონისაგან ჩამოსხმულ-გამოჭედილი და შემსხვილებულ ადგილზე, ბურთის ირგვლივ, 4—5 კოპით აღჭურვილი. მას 1,5—2,0 სმ დიამეტრის მქონე გამჭოლი ნახვრეტი აქვს ტარზე მჭიდროდ ჩამოსაგებად. ლითონისაგან ნაკეთები ლახტისთავები ძალიან იშვიათად გვხვდება. ლახტისთავს უნდა წარმოადგენდეს ერთი მეტად თავისებური რქის ნივთი, რომელიც მხოლოდ მამაკაცთა სამარხებისათვის არის დამახასიათებელი. ეს არის ირმის რქა, ტოტებწაკვეთილი და ძირის მახლობლად განივად გახვრეტილი, ტარის დასაგებად. ზოგი მათგანი გადაკეთის ადგილზე ბრინჯაოს თხელი ფირფიტებით არის ინკრუსტირებული, ზოგი კი თვით ძირზე ბრინჯაოს პაწიხა თავკომბალა ლურსმნებით არას შემკული.

ფ ა რ ი ცნობილი ყოფილა გვიანი ბრინჯაოსა და ადრეული რკინის ხანაში. სახელდობრ, ბრინჯაოდან რკინაზე გარდამავალ ხანაში ჩანს არა მთლიანი ლითონის ფარი, არამედ მისი უ მ ბ ო ნ ი, ლითონის გული, რომელიც ფურცლოვანი ბრინჯაოსაგან არის გამოჭედილი. მაგრამ ამასთან ერთად, არაა გამოირიცხული, რომ მთლიანი ლითონის ფარი გვიანი ბრინჯაოს პერიოდშიც ეკეთებინოთ თიფქოს ამაზე მიუთითებდეს სადგ. ბადიაურის (გარე კახეთი)

მასობლად შემთხვევით აღმოჩენილი ნივთები ძვ. წ. XI—X საუკუნეებისა. მათ შორის არის ერთიანი ბრინჯაოს მრგვალი ფარი (დიამ. 40 სმ). საერთოდ უნდა აღინიშნოს, რომ ფარი ძალიან იშვიათი მოვლენაა იმდროინდელ კომპლექსებში. მაგ., სამთავროს სამაროვანზე ფარი უფრო იშვიათად გვხვდება, ვიდრე წარჩინებულ პირთათვის დამახასიათებელი, არანაკლებ ძვირად ღირებულ ბრინჯაოს სარტყელი.

ბრინჯაოს სარტყელი კეთდებოდა 1,5—2,0 მმ სისქის ბრინჯაოს გაწელილ-გამოკვერილი ფურცლისაგან, რომლის საშუალო სიგრძე 80—85 სმ, ხოლო სიფართო 16—18 სმ უდრიდა. ზოგი მათგანის სიფართო 20—21 სმ-საც კი აღწევდა. ასეთი სიფართის ლითონის სარტყელი ამკარაა საიმედო ჯავშანსაც წარმოადგენდა. სარტყელს შიგნითა პირზე გამოკერებული უნდა ჰქონოდა ტყავი, რაიმე სახის ქსოვილი ან იქნებ მოთელილი ქეჩა, რომლის ამოსაკერებლად და დასამაგრებლად სარტყლის ნაპირებზე პაწია მრგვალი ნახვრეტებია დატანებული. უფრო სიმეტრიულად განლაგებულ ნახვრეტებს ვხედავთ სარტყლის პირებზე, სადაც ბრინჯაოსივე ბალთა და მოსაპერ-მოსარგები ტყავის თასები უნდა ყოფილიყო დამაგრებული.

სარტყელთა უპირველესობის ზედაპირი დაფარულია გეომეტრიულ სხეულების, ნადირობის სტენების, სოლარული ნიშნების, ამა თუ იმ ლეთაების თაყვანისცემისას შესასრულებელი რიტუალური წესების და მრავალ მისთანათა გამომხატველი სახეებით. ზოგიერთი სარტყელი შემკულია ერთიმეორეზე გადაბმული სპირალებით, რომლითაც მთელი ზედაპირია მოფენილი. გეომეტრიულ სახეებში სპარბობს რომბები, წრეები, სამკუთხედები, რომლებიც ხშირად წერტილოვანი, თევზიფხური და სხვ. სახის ორნამენტით არის შევსებული; ერთიმეორეზე მიჯრილი სამკუთხედების წყება ქმნის დაკბილულ ორნამენტს, რომელსაც მგლისკბილსაც უწოდებენ. წრეები, ჯვრები ან წრეში ჩასმული ჯვრები, სხივანიანი წრეები, ნაირსახეობის ბორბლები, სესტიკა და სხვ. ცთომილებისა და მათი მოძრაობის გამომხატველი ნიშნები უნდა იყოს. ამასთანავე აღინიშნება ამ სახეთა გამოვლენა კერამიკის, ძვლის და სხვ. ნივთების შემკულობაში.

სიუჟეტთან კომპოზიციებში სპარბობს ნადირობის სტენები. მასში მონაწილე ადამიანები სქემატურად არიან გამოხატული, ძალიან ხშირად შენიღბულადაც. ნიღბი ხშირად ფანტასტიკური ფრინველის სახეს გამოხატავს. შემოსილი არიან ტანზე მკიდროდ შემოჭერილი ტანსაცმლით, რომელიც წელის მიდამოში ფართო სარტყლით აქვთ ხოლმე გადაკერილი. ფეხთ ჰმოსავთ კვირტიანი ხაზი. ამ და ბევრი სხვა ნიშნითაც ეს გამოსახულებანი ახლო ენათესავეებიან ხეთურ-სუბარულ კულტურულ სამყაროში ცნობილ სათანადო გამოსახულებებს, რითაც ხაზი ესმება ქართველ ტომთა წინაპრებისა და წინა აზიის უძველეს ხალხთა ნათესაობრივ და კულტურულ ურთიერთობას. სარტყელზე გამოხატული ადამიანები შეიარაღებული არიან მშვილდისრით, ლახტით, უფრო იშვიათად, შუბით.

ნადირობის სტენები ხასიათდება მასში მონაწილე ცხოველთა სახეობრივი სიმდიდრით. მათ შორის უნდა დასახელდეს ირემი, შველი, ქურციკი, გარეული თხა, ჯიხვი, გარეული ღორი, დათვი, მგელი, თევზები; გარეული იხვი, ბა-

ტი, ქათამი და ბევრი გამოუცნობი და ფანტასტიკურად გაგებული ცხოველი თუ ფრინველი. ნადირობისას ადამიანის სამსახურში გამოყენებული ჩანან მეძებარი და მწვეარი ძაღლები, ცხენები (მათ შორის სამარქაფონიცი) და, შესაძლებელია, მიმინოც. სარტყელთა უმრავლესობისათვის დამახასიათებელია მარტივისუფერტიანი გამოსახულებანი, მაგრამ ამთ გვერდით იშვიათად მაინც ვხვდებით რთულ სიუჟეტთანებასაც. ასე, მაგ., ერთერთ სარტყელზე გადმოცემულია ქორბუდა ირემთა კიდილი, შენიღბულ ადამიანთა სხვადასხვა ცხოველებზე მაგიური ნადირობის გამოსახულება, განაყოფიერებისა და ღრეობის გამომხატველი სცენები და სხვა. განსაკუთრებულ ყურადღებას იპყრობს ამ სარტყელზე ძველქართულ საწესო ჩვეულებასთან (კერძოდ, სვანურ საქმისაგანთან, მელია ტულეფისათან) დაკავშირებული ცერემონიალის ერთერთი მომენტის ფიქსირება. ნაყოფიერ-მოსავლიანი წლის დადგომისათვის განკუთვნილი ამ წესის დადასტურება ძვ. წ. X—VIII საუკუნეებით დათარიღებულ ძეგლებზე ერთხელ კიდევ გვახსენებს ხეთების ლეთაბა ტელეფინუსისადმი თაყვანისცემის გამომხატველ ცერემონიალს და ამგვარად, უფრო და უფრო ამაგრებს ჩვენს წარმოდგენას ქართველთა წინაპრებისა და ძველი აღმოსავლეთის ხალხთა ოდინდელი ნათესაობრივი და კულტურული ურთიერთდამოკიდებულების შესახებ.

ზოგი სარტყელი სავსებით გლუვზედაპირიანია, ზოგზე კი სამკაული ძალიან მეჩხერია და თვით გამოსახულება უაღრესი სქემატურობით ხასიათდება; ეს უფრო გვიან ცალეებზე შეიმჩნევა, მაშინ როდესაც ადრეული ხანის ნიმუშები უხვადაა შემკული და გამოსახულებანიც უფრო რეალისტური, ცოცხალი და საღისიანია.

ჩვენთვის საინტერესო პერიოდის ადამიანთა შეჯავშნულობის ერთერთ ელემენტს, როგორც ჩანს, საიდაყვეც შეადგენდა. იგი, ისევე როგორც ზემოთ განხილული სარტყელი, ნაკეთებია ბრინჯაოს თხელი (1—1,5 მმ), საგანგებოდ გამოკვერილ-გაწელილი ფურცლისაგან, რომლის ორივე პირი სადა და უსახოა, გრძივ ნაპირებზე კი დასდევს რამდენიმე ნახვრეტი, ალბათ, თანამის გასაყრელად და მაჯაზე დასამაგრებლად. საიდაყვის სიგრძე 12—15 სმ არ აღემატება.

მახვილი, ფარი, სარტყელი და სხვ. ძალიან იშვიათად გვხვდება და ისიც მამაკაცთა სამაჩხებში. ეს სამაჩხები უნდა ეკუთვნოდნენ წარჩინებულთა წრეს, რომელსაც, საფიქრებელია, მიიმედ შეჯავშნული და საუკეთესოდ ეკიპირებული რაზმეულები და მათი მეთაურები გამოჰყავდა. სწორედ ეს უნდა ყოფილიყო გეაროვნული საზოგადოების განვითარების უკანასკნელ საფეხურზე წარმოქმნილი სამხედრო არისტოკრატია, რომელიც მეჯოგე, მიწათმოქმედ და სხვადასხვა დარგის ხელოსანთა უმრავლესობას, საზოგადოების მწარმოებლურ ნაწილს, დემოკრატიას უპირისპირდებოდა.

აღმოსავლეთ საქართველოში მოპოვებული არქეოლოგიური მასალების შესწავლა ადასტურებს, რომ ბრინჯაოს მახვილი, სარტყელი, ფარი, ცული საიდაყვე და სხვ. გავრცელებული ყოფილა უმთავრესად ბრინჯაოდან რკინაზე გარდამავლსა და, განსაკუთრებით, ადრეული რკინის ხანაში (ძვ. წ. X—VI სს). სწორედ აღნიშნულ საუკუნეებზე უნდა მოდიოდეს ჩვენს პირობებში სო-

ციალური დიფერენციაციის ის პროცესი, რომლის შედეგად საზოგადოების ერთ მხარეზე ომსა და ლაშქრობებში გაწაფული და კარგად შეიარაღებული გვარ-ტომთა მეთაურები და მათი უახლოესი თანაშემწენი აღმოჩნდებიან, ხოლო მეორე მხარეზე დამორჩილებული და სანახევროდ თავისუფლებას მოკლებული დემოკრატიული უმრავლესობა დაჯგუფდება. ამასთანავე პირველი მალე, ალბათ, ცალკეული ხევის მმართველებად, ხევისუფლებად იქცევიან (ახალგორის, ყაზბეგის, ალგეთისა და სხვ. ავლადიდების მეპატრონენი) და პირველი ქართული სამეფოს (იბერიის) შექმნის ხანაში კარის მოხელეთა და პროვინციების მმართველთა პრივილეგებულ ადგილს დაიჩემებენ.

ამ ხანის სამეურნეო-საბრძოლო ხასიათის იარაღთაგან პირველ რიგში ბრინჯაოს მასიური ცული უნდა დასახელდეს (ტაბ. XVIII, 12; XIX, 7). იგი ჩამოსხმულია ბრინჯაოსაგან მასიური ჩუკლუგის სახით და ხასიათდება მასიური სქელი ყუთი, ოვალური სატარე ნახვრეტით, ერგწრიული სამუშაო პირითა და სიმეტრიულად ზეაშვერილი ნიღრებით. თავისი ხასიათის მიხედვით, იგი უფრო საბრძოლო იარაღი უნდა იყოს, თუმცა მის სამეურნეო გამოყენებასაც ვერ გამოვრიცხავთ სავსებით. როგორც ჩანს, იგი არსებითი კომპონენტი ყოფილა აღმოსავლეთ საქართველოს ტომთა მძიმედ შეჯგუფებული რაზმულეების შეიარაღებაში. ამის გამოა, რომ ზოგიერთი მკვლევარი მას აღმოსავლურ-ქართული ტიპის ცულად მოიხსენიებს. მაგრამ, რამდენადაც მისი გავრცელების არეალი საკმაოდ შორს სცილდება აღმოსავლეთ საქართველოს ფარგლებს და მთელ აღმოსავლეთ და სამხრეთ-აღმოსავლეთ ამიერკავკასიას მოიცავს, უფრო მართებული იქნებოდა მისთვის აღმოსავლურ-ამიერკავკასიური ტიპის ცული გვეწოდებინა. მართალია, ამ ტიპის ჩუკლუგები მცირე აზიის სახვითი ხელოვნების ძეგლებზედაც არის გამოხატული, მაგრამ მათი ფართო გავრცელების ბუდედ ჯერჯერობით მანც საქართველო და, კერძოდ, არაგვსა და სურამის უღელტეხილს შორის მოქცეული შიდა ქართლის ბარი და მთისწინა ზოლი რჩება. ამ იარაღის წარმოშობის კერის საკითხი სპეციალურ ლიტერატურაში ჯერ კიდევ საბოლოოდ გარკვეული არ არის. რაც შეეხება წარმოებას, უნდა აღინიშნოს, რომ იგი ამიერკავკასიის სხვადასხვა, ერთიმეორისაგან საკმაოდ დაშორებულ პუნქტებში უმზადდებოდა, რასაც მოწმობს სათანადო სამსხმელო ყალიბების აღმოჩენის შემთხვევები: შამქორში (აზერბაიჯანი), ლენინაკანსა და კარამირ-ბლურში (სომხეთი), ოფეთში, ცხინვალში და სხვ. (უკანასკნელი იხ. ტაბ. XIX, 8).

აღმოსავლეთ საქართველოს არქეოლოგიურ კომპლექსებში არც კოლხური ცული ა იშვიათი (ტაბ. XVIII, 10; XIX, 3). ცულის ეს ტიპი აღმოსავლეთ საქართველოშიც გადმოსულა, სადაც გზა გაუკვლევი უმთავრესად ნაკლებ მასიურს, მსუბუქ ფორმებს: სწორშუბლა (თელოვანი, უღე, ახალქალაქი, ბეშთაშენი, ცხინვალი, სამთავრო და სხვ.) და გახრილი ყუთის მქონე ტიპს (ცხინვალი, სამთავრო და სხვ.). აღსანიშნავია, რომ კოლხური ცულის ყალიბი აღმოსავლეთ საქართველოდანაც არის ცნობილი. კერძოდ, სოფ. თელოვანში (ბორჯომის რ.) ნაპოვნია ასეთი ცულის სამსხმელო ყალიბი ბრინჯაოსი (ტაბ. XIX, 4), რომელშიაც ზუსტად ჯდება იქვე მახლობლად სოფ. მიტარბაში ნაპოვნი ბრინჯაოს ცული (ტაბ. XIX, 3). გარდა ამისა, განსაკუთრებული შესწავლის ღირ-

სია მეტად არქაული იერის მქონე კოლხური ცული, რომელიც გასულ წელს არაგვისპირის ერთერთ სოფელში აღმოჩნდა. ეს და მრავალი სხვა ფაქტი აღმოსავლეთ და დასავლეთ საქართველოს ნივთიერი ძეგლების შეხვედრისა და თანდამთხვევისა, მოწმობს იმ ახლო სამეურნეო-კულტურულ ურთიერთობას, რომელიც ოდითგანვე დამყარებული ყოფილა ქვეყნის აღნიშნული ნაწილების საწარმოო-კულტურულ ცენტრებს შორის.

ბრინჯაოს ცულის რამდენადმე უფრო ნაკლებ გავრცელებულ ტიპს წარმოადგენს ბ რ ტ ყ ლ ი ც უ ლ ი (ტაბ. XVIII, 11). იგი საკმაოდ თხელია და წელში გამოყვანილი; აქვს ნახევარწრიული საპუშაო პირი და მორჩებივით განტოტებული, სამკაბა ყუა, ტარზე დასამაგრებლად. ზოგიერთ ცულს ასეთივე მორჩები წელის უწვრილეს ნაწილშიც აქვს აქეთ-იქით გამოშვერილი, ალბათ ტარზე წნელით, ტყავით თუ თოკით უფრო საიმედოდ გადასაჭერად. ასეთი ცულის საუკეთესო ნიმუშია მცხეთაში აღმოჩენილი ცული. მცხეთის გარდა, ასეთი ცულები ნაპოვნია ცხინვალში, წეროვანში, კახეთში, თრიალეთში და სხვ. აღნიშნული ტიპის ცულის ფართო გავრცელების არეალად მცირე აზიას და მესოპოტამიას მიიჩნევენ, საიდანაც იგი ჩვენში და ევროპაში უნდა გავრცელებულიყო.

ზოგი ავტორის დაკვირვებით, ამ იარაღთა ნაწილი მიწის დასამუშავებლად უნდა ყოფილიყო გამოყენებული და ამდენად თითქოს თოხის მაგივრობა უნდა გაეწია (ნ. ხოშტარია).

ამგვარი იარაღების ისეთი ცალები, რომელთაც ქიმიები არა აქვთ და თავიანთი სიპატარავითა და სითხელით გამოირჩევიან, ზოგიერთი ავტორის მიერ (გ. ნიორაძე და სხვ.) მეხამლის იარაღებად—ტყავის საჭრელ დანებად—არის მიჩნეული. ამდენად, ასეთი საგანგებო დანიშნულების იარაღისა და მის გვერდით სადგისის, მახათისა და სხვ. მისთ. ქონა და თვით დამუშავებული ტყავ-თასმების ნაშთების აღმოჩენა (სამთავროს სამარხებში) ამ დროისათვის უკვე მეტყვეობა-მეხამლეობაში დასპეციალებული ხელოსნობის არსებობას გვაგვარაუდებინებს.

ზემოთ განხილულ ბრინჯაოს ცულთაგან მხოლოდ კოლხურმა ცულმა შემოინახა დიდხანს თავი. აღრეულ რკინის ხანაში, როდესაც ზსენებული ტიპის ცულები და, საერთოდ, სპილენძ-ბრინჯაოს იარაღ-საჭურველი ხმარებიდან გამოდირდა, კოლხური ცულის ფორმა-მოყვანილობა არ ყოფილა დავიწყებული და ამიერკდან ჩვენთვის საინტერესო იარაღი რკინისაგან უჭედიათ. ამის დამამტკიცებელია რკინის ცულების სერია, რომელიც დასავლეთ საქართველოში (უმთავრესად, ზემო რაქაში) წარმოებულნი თხრის დროს იყო მოპოვებული. ამ მხრივ თითქოს არც აღმოსავლეთ საქართველო ჩამორჩენილა, რასაც მცხეთა-სამთავროს ერთერთ სამარხში რკინის ცულის საუკეთესო ნიმუშის აღმოჩენა გვაუწყებს (ტაბ. XX, 13).

ეს გარემოება და, საერთოდ, უკანასკნელ წლებში რკინის პირველი ათვისების ისტორიის დარგში ჩატარებული კვლევა-ძიება საშუალებას გვაძლევს ვამტკიცოთ, რომ რკინის მეტალურგია აღმოცენებული ჩანს ბრინჯაოს მეტალურგიის ბაზაზე და რომ პირველი დაკავშირებულია მეორესთან არა მარტო

წარმოების ზოგიერთი ხერხითა თუ მეთოდით, არამედ ზოგი ნაწარმის მოყვანილობისა და ტექნიკური მონაცემების მექვიდრეობითაც კი.

როგორც არ უნდა იყოს, უაღრესად დიდია ის მნიშვნელობა, რაც რკინის ცულმა და სხვა იარაღებმა შეიძინეს ამ დროს ადამიანთა საზოგადოების სამეურნეო ცხოვრებაში და რასაც თავის დროზე უნაოდენ მაღალი შეფასება მისცეს მეცნიერული სოციალიზმის ფუძემდებლებმა. განსაკუთრებით დიდი გადატრიალება უნდა მოეხდინა რკინის ცულს ახოს ადების სისტემაზე დამყარებულ მიწათმოქმედებაში, რომელიც აღნიშნულ ხანაში ამ საქმიანობის ერთ-ერთი გავრცელებული ფორმა უნდა ყოფილიყო.

მიწათმოქმედება-მემინდერობის იარაღთაგან ამ დროს საქმოდ გავრცელებული ჩანს ნ ა მ გ ა ლ ი ც (ტაბ. XVIII, 9), რომელიც პირველ ხანებში, ცხადია, სპილენძ-ბრინჯაოსაგან, ხოლო შემდეგ რკინისაგან უკეთებიათ. ისინი მეტ-ნაკლებად თხელი ფირფიტისაგან არის გამოკვეთილი, ყუა ოდნავ შესქელებული აქვთ, ყუნწი არა აქვთ მკვეთრად გამოკვეთილი. მასზე შემომჩნევა თითო-ორი ნახვრეტი, ხის ტარზე დასამაგრებლად.

ნამგლები აღმოჩენილია უმთავრესად კახეთის მიწა-წყალზე (ბაკურციხე, მელაანი, ვაზისუბანი), რომელიც ამ შორეული წარსულისათვისაც დაწინაურებული მიწათმოქმედების მხარედ გამოიყურება, მაგრამ იგი არის სხვაგანაც, სახელდობრ, თრიალეთში, მცხეთაში, წოისში (სამხრეთ ოსეთი) და სხვ.

ბრინჯაოსა და რკინის ნამგალთა გვერდით ჯერ კიდევ, გადმონაშთის სახით, შემორჩენილი ჩანს კაქისპირიანი ნამგლები. კაქის ასეთი დაკბილული ჩასართები ბრინჯაო-რკინის ხანაში, ლითონის ნამგლების კონკურენციის გამო, ერთეულების სახითღა მოღწეულა.

ბრინჯაოს ნამგალთა შორის გამოირჩევა ერთი სერია მცირე ზომის იარაღებისა, რომელთაც რიგი ავტორებისა (ა. აფაქიძე, ბ. კუფტინი) სრულიად მართებულად ს ა ს ს ლ ა ვ ა დ. მიიჩნევენ. ასეთი განსაზღვრა ამ იარაღებისა მით უფრო სარწმუნოა, რომ თითქმის ყველა ისინი კახეთშია ნაპოვნი. ჩვენი აზრით, ეს გარემოება პირდაპირი მოწმობა უნდა იყოს მევენახეობის მაღალ დონეზე დგომისა იორ-ალაზნის უმამდინარეთში.

აღმოსავლურ-ქართულ კულტურაში ბრინჯაოს თ ო ხ ი ც გვხვდება, თუმცა ძალიან იშვიათად. თონის ერთეული ცალები აღმოჩენილია თრიალეთში, შიდა ქართლში და სხვ. როგორც ცნობილია, იგი დასავლურ-ქართული ბრინჯაოს კულტურის ერთი არსებობთ ელემენტთაგანია და თითქმის ყოველთვის კოლხური ცულის, სემენტიტებრი მოყვანილობისა და ბარისმაგვარი ბრინჯაოს იარაღთა გარემოცვაში გვხვდება. იგი, ცხადია, გაცულა-გამოცულის გზით შემოსულა აღმოსავლეთ საქართველოში, სადაც მის წარმოებას ადგილობრივი ნიდაგი არ უჩანს.

ხელოსნობის გარკვეულ დარგთან, სახელდობრ, ხითხურობასთან არის დაკავშირებული ბრინჯაოსაგან ჩამოსხმულ-გამოკვეთილი ისეთი იარაღები, როგორიცაა ც უ ლ ი, ე ჩ ო, ხ ე ლ ე ჩ ო, ს ა ტ ე ხ ი, ამ უკანასკნელის ნირსახეობა ლ ო რ ე ჩ ო (ტაბ. XIX, 1) და სხვ.

ე ჩ ო იშვიათად გვხვდება აღმოსავლეთ საქართველოში. სულ რამდენიმე ცალია ნაპოვნი თრიალეთსა და შიდა ქართლში. ლორეჩო კი ფართოდ გავრცელებ-

ბული ყოფილა საქართველოში, კერძოდ, მის აღმოსავლეთ ნაწილში და თუ მათ ჩამოსასხმელად განკუთვნილი ყალიბების (ტაბ. XIX, 2) მიხედვით ვიმსჯელებთ, აქად ბლომად უმზადებიან. სატეხ-ლორეჩოს აღმოჩენის ადგილებია: თრიალეთი, ახალციხე, კახეთი, მცხეთა, კასპი, ცხინვალი და სხვ.

ამჟამად ჩვენთვის საინტერესო ხანის არქეოლოგიურ მასალებში არაიშვიათად გვხვდება ისეთი ნივთები, რომელთა მიხედვით შეგვიძლია ერთგვარი წარმოდგენა ვიქონიოთ იმდროინდელი მოსახლეობის შინამოსაქმეობაზე. ასე, მაგ., არა მარტო სამარხებში, არამედ განძებში, ნამოსახლარ და საკულტო ადგილებში საკმაოდ ხშირია ყოველდღიურ საქმიანობაში ეგოდენ საქვირო საგანი, როგორც რკინის და ანა.

შინამოსამარხების საგანთა ჯგუფში ერთიანდებიან ბრინჯაოს საღებები, რომელთა შორის ბევრს ძელის ტარიც შერჩენია; ნემსები და მახათები, რომელთა ყუნწი ადრეულ ხანაში ცალი ბოლოს გაწვრილებითა და მარყუქისებრად გადმოკეცვა-შეკვერვით უკეთებიან, ხოლო უფრო გვიან საყუნწე ადგილი საგანგებო სახვერტით უხვერტიათ; თიხისა და ძელის კვირის ტაყვები, რომლებიც უფრო მასობრივად ნამოსახლარ ადგილებში ჩნდება, მაგრამ აქა-იქ სამარხულ ინვენტარშიც გამოერევა ხოლმე.

ხელსაქმისათვის საჭირო ინსტრუმენტთა ჯგუფს ეკუთვნის აგრეთვე ბრინჯაოს ყანალი, რომლის სამუშაო პირი ჯერ კიდევ ვერ არის სრულყოფილი და წარმოადგენს მრგვალ-წვრილი ღეროს ბოლოზე მოხრილ პაწია კაუქსს.

აქვე უნდა მოვიხსენიოთ ძელის პეტილი, რომელიც ჯერჯერობით ერთადერთი ცალის სახით შემოგვრჩენია და რომლის ბევრი თანამომე ჩვენს არქეოლოგიურ კომპლექსებში დღემდე ალბათ გამოუცნობი რჩება.

შინამოსამარხებისა და ხელსაქმისათვის საჭირო ხელსაწყო-იარაღების აღმოჩენა, დაჯგუფება და შესწავლა საშუალებას გვაძლევს მეტ-ნაკლები სისრულით წარმოვიდგინოთ იმდროინდელი წვრილი ხელოსნური წარმოების დონე, საერთოდ, და ქსოვის საქმე, კერძოდ. ტანსაცმლისათვის საჭირო ნართისა და თვით ქსოვილის რაგვარობაზე, ხასიათსა და ხარისხ-ეკვარჯიანობაზე ერთგვარ წარმოდგენას გვაძლევს ამა თუ იმ იარაღსა და სამკაულზე (დანებზე, მშვილდსა-კინძებზე, ბალთებზე, საკინძებსა და სხვ.) შემორჩენილი ქსოვილის ნაფლეთები. რკინა-ბრინჯაოს ნივთებზე ნაკუწების სახით დაცული ამ ნაშთების მიკროსკოპული ანალიზი მაინც იძლევა საშუალებას ორგვარი ხასიათის ქსოვილი დავადასტუროთ. ესაა შალი, მატყლისგან და ტილო, სელისა თუ კანაფის ბოჭკოებისგან ნაქსოვი. ამასთანავე ორივე სახის ქსოვილზე შეინიშნება უხეშად და სუფთად ნაქსოვის ნიმუშები. მაგარი, უხეში ტილოს ქსოვილი უმთავრესად გამოუყენებიან, ტყავთან ერთად, იარაღის ქარქაშად, სარტყელ-საიდაყვეთა საფენებად, სამხარბილის საკლებ-სამატები ღილ-კილოების შესაბნევად და სხვა. უფრო სუფთა ტილოს ტანისამოსისათვის იყენებდნენ, ისევე როგორც ზედა ტანისამოსისა და წამოსასხამებისათვის უმთავრესად თითქოს შალის ქსოვილი უხმარიათ.

ამჟამად ჩვენთვის საინტერესო კულტურულ-საწარმოო რაიონის ნამოსახლართა კულტურულ ფენებსა და სამარხულ ინვენტარში უხვად გვხვდება სამეურნეო და საბრძოლო იარაღთა საღებები. ისინი წარმოადგენენ სხვა-

დასხვა მოყვანილობის (სწორკუთხედის, ცილინდრის, პარალელოგრამის და სხვ.) მუქი ნაცრისფერი ან მოშავო ფერის პაწია ქვებს, რომელთა უმრავლესობა თოჯნე ან თასმანზე ჩამოსაკიდებლად სათანადო ნახვრეტითაც არის აღკურვილი.

საგანგებო შესწავლის ღირსია მრავალფეროვანი სამკაულები და პირისსაფარეშო ნივთები, რომელთა სიუხვით განსაკუთრებით სამარხეული კომპლექსები გამოირჩევიან. ესენია: საკინძები, საყურეები. საფეთქლის შესამკობი რგოლები, საკავესათმეული რგოლები და სპირალები, გვერგვები, ანუ კისრის რგოლები, სამაჯურები, საკანჭურები, მშვილდსაკინძები (ფიბულები), სათითებეჭდეები, ბალთები, დუგმები, ღილები, ეარდულები, მამაჩქიფები, ძეწკვები, ილარები, ქვის, ტალკის, პასტის, ძვლის, ლითონის, ქარვის, მინის და სხვა მასალის მძივები და მძივსაკიდები, ათასნაირი ჭვირული და საწყარუნო ეყეანჩანჩხურები, ნიქარა-ღვიწილები და სხვა. ყველა ამათი დახასიათება შეუძლებელია, შევხებით ზოგ მათგანს.


ბრინჯაოს საკინძებში გამოირჩევა: თავხვია, მსფერულთავიანი, კონუსურთავიანი, ბრტყელთავიანი და სხვ. ამათ შორის თავხვია საკინძები გვიანი ბრინჯაოს ხანის ადრეულ კომპლექსებში გვხვდება. მათი ღერო დიდი ნაწილი ჯერ კიდევ ოთხკუთხეანივეკეთიანია, მხოლოდ წვერი აქვთ მრგვალად ჩაწვრილებული. ნახვრეტის მაგივრობას საგრძობლად გაბრტყლებული და მერე წრიულად გადმოხვეული ფაკი ასრულებს. იშვიათ შემთხვევაში, საკინძის გვერდები თევზიფხურად ნაჭდევი წვერილი ხაზებით არის შემკული. ასეთ საკინძებს ვხვდებით ქალთა სამარხებში, უმეტეს შემთხვევაში, ოთხ-ოთხ ცალს.

გვიანდელ საკინძთა ტიპები უფრო სრულყოფილია. ამათი ღერო მრგვალია, წვერისაკენ წაწვეტებული. თავიდან ერთი-ორი სანტიმეტრის მანძილზე მრგვალი ან ოვალური ნახვრეტი აქვთ. ზოგ ცალს ნახვრეტსა და თავს შორის რამდენიმე კონცენტრული ღარისა ან ლილეკისგან შემდგარი სარტყელი გადასდევს, რაც სამკაულს პროფილში გარკვეულ სილამაზეს ანიჭებს. ასეთი საკინძები მარტო ქალთა კუთვნილება არ ყოფილა და ისინი გვხვდება ორივე სქესის წარმომადგენელთა სამარხებში. ამასთანავე კარგად ჩანს, რომ ისინი ყველა სათმეულ ან თავსაბურავის დასამაგრებელ ქინძისთავს როდი წარმოადგენს: მათი დიდი ნაწილი ტანსაცმელ-წამოსასხამთა შესაბნევად ყოფილა გამოყენებული.

ადრეული რკინის ხანაში, როგორც გამოჩალისი, გვხვდება რკინის საკინძებიც. ისეთებიც გამოერევა, რომელთა ღერო რკინისგან არის დამზადებული, ხოლო თავი ბრინჯაოსაგან. ამ შემთხვევაში საკინძის თავი წყვილ ფრინველთა პროტომის სახით არის ჩამოყალიბებული. როგორც ცნობილია, ცხოველთა გამოსახულებებით დამთავრებული რკინა-ბრინჯაოს საკინძებით განთქმულია ზემო რაჭისა და, საერთოდ, მაღალმთიანი კავკასიის არქეოლოგიური კომპლექსები. რამდენადმე განსხვავებული ტიპის საკინძები გვხვდება კახეთში (ტაბ. XX, 8, 9). აქ გავრცელებული საკინძის თავები ნიჩბისმაგვარ, ბრტყელ-ფართო და თხელ ფირფიტას წარმოადგენს, გრავნილისებრად თავჩახვეულს, რითაც ისინი



1



2




3




4



5



6



ნი ტიპოლოგიურად თავხვია საკინძთა ჯგუფს ენათესავეებიან, თუმცა ქრონოლოგიურად უტოლდებიან კარეული რკინის ხანის ბრინჯაოს მრგვალ და ბრტყელთაიან საკინძებს.

ამ პერიოდის საყურეები ძალიან მარტივია. ისინი წარმოადგენენ ბრინჯაოს წერილი მავთულის თავგახსნილ რგოლებს, 1,5 — 2,0 სმ დიამეტრისა, ზოგ მათგანს ცალი ბოლო საგრძნობლად გაწვრილებული აქვს, ალბათ, ყურის ბიბილოში უშუალოდ გასაყრელად. ზოგი საყურე სარდიონის მძივითაა დამშეილებული. საფეთქლის შესამკობი რგოლები მხოლოდ ქალთა სამარხებში გვხვდება. ისინი ნაკეთებია ბრინჯაოს საკმაოდ მსხვილი (4—5 მმ სისქის) მავთულისაგან. ესენიც პირგახსნილი რგოლებია (5—7 სმ დიამეტრის მქონე), რომელთა ცალი თავი საგრძნობლად გაწვრილ-გაწვრილებულია, გველისებრ დაკლაკნილი და რგოლის დიამეტრალურად გახიდილი (ტაბ. XX, 4; 5).

შედარებით იშვიათია გვერგვი, რომელსაც ზოგი ავტორი კირკალს (კისრის რკალს) უწოდებს. მთიულეთში ამ სამკაულს ხალხი ხატისუღელსაც ეძახის. იგი წარმოადგენს ბრინჯაოს საკმაოდ მსხვილ, დაგრეხილ, მორკალულ ღეროს, რომელსაც ორთავ ბოლოები გაფართოებულ-გაბრტყელებული აქვს (ტაბ. XX, 2). აღმოსავლეთ საქართველოს ადრეულ ძეგლთა შორის იგი თითქმის არ გვხვდება. ადრეული რკინის ხანაში რკინის გვერგვებიც უქვდავთ. იგი სამარხეული ინვენტარის მნიშვნელოვანი შემადგენელი ნაწილია და თითქმის ყოველთვის მისი სიპიდიდრს მაჩვენებელი.

აღსანიშნავია, რომ ამ სამკაულს დიდხანს შემოუნახავს თავი და ანტიკურ ხანაში კეთილშობილი ლითონებისგანაც უმზადდებიათ.

განსაკუთრებით მრავალრიცხოვანია სამაჯურები, რომლებიც სხვადასხვა სისქის ბრინჯაოს მრგვალ-ცილინდრული ღეროებისა ან უბრალო მავთულისაგან არის გამოქვილილი. ამ მიზნით ფირფიტოვანი ბრინჯაო ძალიან იშვიათად გამოუყენებიათ. სამაჯურთა დიდი უმეტესობა პირგახსნილია, პირი პირთან მიტანილი ან ერთიმეორეზე გადასული. ზოგიერთი სამაჯური ზედაპირდაკეპნილია, ზოგსაც ნაქდვეი თევზიფხური სახეები, ან უბრალო პარალელური ხაზები, რომისა და სხვა გეომეტრიული გამოსახულებანი ამკობს. არის სამაჯურები, რომელთა ზედაპირზე ამოკაწრულია თევზების კონტურული გამოსახულებანი, კონტურის შიდა არე კი პუნქტირით არის შეესხებული. დიდი რგოლები ხშირად საკანჭურებად თუ საკოჭეებადაც გამოუყენებიათ. სახეებით შემკულ დიდ სამაჯურებს უმეტესწილად წარჩინებულთა სამარხებში გვხვდებით.

მშვილდისაკინძი ანუ ფიბულა არ გვხვდება ხშირად. იგი ამ ხანაში, ცხადია, ერთნაწევრიანია, ე. ი. ბრინჯაოს ან რკინის ერთი ღეროსგანაა გამოქვილილი. მშვილდი თუ რკალი ყოველთვის შესქელებულია, ენა კი დაწვრილებული, ნემსის მისაღები გაბრტყელებული და გადმოკეცილი (ტაბ. XX, 7). ზოგიერთი ფიბულის რკალი დაგრეხილ ღეროს წარმოადგენს. მშვილდსაკინძები უფრო გვიან რკინისაგანაც უმზადდებიათ.

სათითე ბეჭდები ან წერილი მავთულის ერთიანი, ან თხელი, ვიწრო ფირფიტის პირგახსნილი რგოლებია. გვიანი ბრინჯაოს ადრეულ საფეხურზე ბეჭდები მხოლოდ ჩნდება, განსაკუთრებით ბევრია ადრეულ რკინის ხანაში, როდესაც იგი რკინისაგანაც უმზადდებიათ.

ბ ა ლ თ ე ბ ი უმეტესწილად მთიან ზოლში გვხვდება, ბარში კი ნაკლებ გავრცელებულია. შომეტებულ შემთხვევაში ეს სწორკუთხა მოყვანილობის მასიური ფირფიტაა, რომელსაც ერთ ნაპირზე რაჰდენიმე ნახევრეტი აქვს ჩამწკრივებული, ხოლო მეორე ნაპირზე, შუაში გამოყვანილი აქვს კაუჭი, რომელიც დედალ დუგმას გამოედება ხოლმე. პატარა ცალბინთვის თუ მარტივი ნაქდვეი სახეებია დამახასიათებელი, დიდი ცალები მდიდრული შემკულობით ვამოირჩევინ. ბალთების შემკულობაში მონაწილეობს რკინა, რომლისგან გაკეთებული ესა თუ ის ფიგურა მკიდროდ ჩასმულია ბალთის ზედაპირზე საამისოდ ამოკრილ ბუღეში. გამოსახულებათა სიუჟეტებში ვხედავთ ირმებს, ძაღლებს, ფრინველთ, ფანტასტიკურ ცხოველთ, ასტრალურ ნიშნებს და სხვ., ე. ი. დაახლოებით ისეთ მოვლენებს, რაც სხვა ნივთებისთვისაც (სარტყელი და სხვ.) არის დამახასიათებელი. შემკულობის ამ ხერხს ინკრუსტაცია ეწოდება.

სწორკუთხოვან ბალთებს გარდა გვხვდება ერგვრიული მოყვანილობის ბრტყელი ბ ა ლ თ ე ბ ი ც, რომელთაც უკულმა მხარეზე თასმაზე მისამაგრებელი სამი ყუნწი და დედალ დუგმაში გამოსაყრელი ჩვეულებრივი კაუჭი აქვთ მიჩილული, ხოლო წაღმა მხარე შემკულია ლითონზე ამოკაწრული სამთავა სპირალით.

ძვ. წ. I ათასწლეულის პირველი ნახევრისათვის უჩვეულო არ ყოფილა ისეთი პირისსაფარეშო საგნები, როგორსაც ბეწვის გამოსაქნელი ბრინჯაოს მ ა შ ა -ჩ ქ ი თ ე ბ ი და ყურსაწმენდი ი ლ ა რ ე ბ ი წარმოადგენენ. ჩქიფის ყბათა ზედაპირები ხშირად შემკულია ამოკაწრული სახეებით, რომელთა შორის შეინიშნება თევზიფხური და სპირალური ორნამენტი, ერთგან თითქოს გველიც კი უნდა იყოს გამოსახული. ტუალეტისადმი განკუთვნილი ეს საგნები ჩვეულებრივ ბრინჯაოსივე ძეწკვზე ასხმული უტარებიან. ამასთანავე ძეწკვები სხვადასხვაგვარია: არის მომსხო მავთულისაგან ნაკეთები, ერთიმეორეზე გადაბმული მოგრძო-ოვალური რგოლები და არის მრგვალ-ბრტყელი რგოლებისგან აკინძული ძეწკვებიც (ტაბ. XX, 1).

ძეწკვზე ასხმული უნდა ეტარებინათ აგრეთვე ლითონის (სპილენძის, ბრინჯაოს, ანტიმონის) წკარუნები, ჩანჩხურები; მედალიონისმაგვარი გამოსახულებანი; ფრინველთა გამომხატველი, კვირული და გეომეტრიული მოყვანილობის წედგენილი საკიდები (ერთერთი მათგანი იხ. ტაბ. XX, 10) და სხვ.

სამკაულთა შორის ყველაზე მრავალრიცხოვანი ნაირ-ნაირი სახეობის ფერისა და ფორმა-მოყვანილობის მ ძ ი ე ე ბ ი ა. მასალად გამოყენებულია ქ ვ ა (სარდინი, იასპი, აქატი, ფირუზი, ბროლი, ქვარქა, უბრალო კენჭი და მრ. სხვ.), მინისებრი და უბრალო პ ა ს ტ ა (ციხფერი—ეკვიპტური, თეთრი, მწვანე, მოყვითალო, ნაცრისფერი, მოვარდისფრო, თაფლისფერი, მოშავო, ყავისფერი და სხვ.), ტ ა ლ კ ი, ძ ვ ა ლ ი, ქ ა რ ვ ა, გ ი შ ე რ ი, მ ი ნ ა (მოთეთრო; მომწვანო), ლ ი თ ო ნ ი (სპილენძი, ბრინჯაო, ანტიმონი, ჰემატიტი და სხვ.).

ფორმა-მოყვანილობაში სპარბობს გეომეტრიული ფორმები: დაბალ-ცილინდრული, სფერული, კონუსური, ბიკონუსური, პირამიდული; ბიპირამიდული, ელიფსური, სწორკუთხოვანი, სამკუთხოვანი, ხუთწახნაგოვანი, მრავალწახნაგოვანი და სხვ. მისთ. მაგრამ არის კასრისმაგვარი, ზარისნაირი, ცულისპირის მოყვანილობისა, მანდარინისებური, შინდისკურკისმაგვარი, ოსპისებური, უბ-

რალოდ მრგვალ-ბრტყელი, ოვალური, მოწყვეტილი ცრემლის მსგავსი და სხვ. ნახერტი ყველას ერთი მხრიდან დაწყებული და დამთავრებული უჩანს, რაც მძივის დამუშავებაში მაღალ ტექნიკურ დონეს მოწმობს.

გვიანი ბრინჯაოს ადრეულ საფეხურზე ვხვდებით უმეტესწილად სარდინისა და იასპის დაბალ-ცილინდრულად ნაკვეთს და მრგვალ, უწყსო სფერულ მძივებს, ეგვიპტური პასტის წვნიკს, ლულოვანი ძვლის და ანტიმონის მედალიონისებრ მძივებსა და მძივსაკიდებს.

ზოგიერთი სწორკუთხოვანი ბრტყელ-ფართო მძივი აღკუთრულია 2—3 განივი ნახერტით, რაც იმის მაჩვენებელია, რომ ისინი 2—3 ასხმულას შ ე მ ა ე რ თ ე ბ ლ ე ბ ს წარმოადგენენ.

მძივების დასამზადებლად გამოყენებული მასალის გათვალისწინება საშუალებას გვაძლევს, ამჟამად ჩვენთვის საინტერესო პერიოდისათვის ვივარაუდოთ ფართო და სისტემატური გაცვლა-გამოცვლითი ურთიერთობა ისეთ შორეულ ქვეყნებთანაც კი, როგორცაა ირანი (ფირუზი), ნაეკრატისი (ეგვიპტური პასტა), ინდოეთი და იმერკასპიის მხარე (კაურის ნივარა-ლეინჯილები), ბალტიისპირეთი (ქარეა) და სხვ.

სარწმუნოებრივ წარმოდგენათა და კულტის სამყაროს განეკუთვნებოდა საავგაროზე ნივთები, რომელთაც მაშინდელი ადამიანის თვალში აპოტროპეული მნიშვნელობა ენიჭებოდათ. ასეთებია: ხარისა და ცხვრის გახვრეტილი კოკები, წვრილფეხა რქოსანი პირუტყვის ფალანგები, აგრეთვე გახვრეტილი, მტაცებელ ცხოველთა (მგლის, დათვის) გახვრეტილი კბილები, სანადირო ცხოველთა (ირმის, ქურციკის, ტახის) გახვრეტილი რქები და ეშვები, თევზის მალა, გახვრეტილი კენჭი და მრ. სხვ. ყველა ესენი შინაურ ცხოველთა მოშენება-გამარავლების, გარეულ ცხოველებზე ბედნიერი და შედეგიანი ნადირობის და მტაცებლებზე გამარჯვებისა და მათი მოსპობის სურვილის მაჩვენებელი მაგიური ნიშნები უნდა ყოფილიყო.

ამავე რიგის ძეგლებს განეკუთვნებოდა შინაურ (ხარის, ცხვრის, ცხენის, ძაღლის) და გარეულ (ირმის, თხის, თევზის და სხვ.) ცხოველთა ქანდაკებრივი გამოსახულებანი, რომელთა ნაწილი თიხისაგან არის გამოქერძილი, ნაწილი კი ლითონისაგან არის ჩამოსხმულ-გამოქედილი. ასეთივე სიუჟეტის გამოსახულებებს ენახულობთ აგრეთვე კერამიკულ ნაწარმზე, მომეტებულად კი ბრინჯაოს ნივთებზე. კერამიკაზევეა დადასტურებული მცენარის გამოსახულებანი (მცენარის კულტი). ბრინჯაოს ნივთებზე (განსაკუთრებით სარტყლებზე) და კერამიკაზე დატანილი გამოსახულებანი ჯერისა, სვასტიკისა, შხისა, მთვარისა, ვარსკვლავებისა და სხვ. ასტრალური აზროვნების ნაყოფი უნდა იყოს. ამ შორეული წარსულიდან დღემდე შემონახული ხელოვნების ძეგლების გათვალისწინება საშუალებას გვაძლევს ვივარაუდოთ, რომ პირველყოფილ-თემური წყობილების ადამიანის დიფუზურ აზროვნებაში უკვე კარგახანია არსებითი ძვრები მომხდარა. ახლა ადამიანი კარგად გრძნობს და ცალ-ცალკე ანსახიერებს ზესკენლის, ქვესკენლისა და გარესკენლის ატრიბუტებს. პირველის დასახასიათებლად იგი მიმართავს ცთომილებს, მეორისა — ქვეწარმავალთ, ხოლო მესამისათვის უკვე აღარ კმარა იმ ფიზიკურ-გეოგრაფიული გარემოს გამოხატვას, რომლის მზამზარეულ მატერიალურ სიკეთეს მისი შორეული წინაპარი უბრალოდ ითვისებ-

და, არამედ მხატვრული ცნობიერების ორბიტში შემოჰყავს ბუნების ძალებზე აქტიურად მოქმედი ადამიანის სოციალური გარემოც (ნადირობის, ლხინის, განაყოფიერება-გამრავლების ღვთაებისადმი მიძღვნილი ცერემონიალის დროს შესასრულებელ წეს-ჩვეულებათა სცენები და სხვ.).

სამეურნეო და ჰაბრძოლო იარაღების, საჭურავლის, ჯამ-ჭურჭლის, შინამოსაკმეობისა და ხელოსნური წარმოების, ხელოვნებისა და კულტის საგნების დამზადების, მათი ჩამოყალიბებისა და შემკობა-შელამაზების ხერხებსა და მე-თოდანში გამოჩენილი ცოდნა, უნარი და შექენილი შრომითი ჩვევა-გამოცდი-ლებანი, სხვა არსებით მომენტებთან ერთად (ენა, ფიზიკური იერი, ბინა, ჩაცმუ-ლობა და სხვ.), შეადგენს იმ თავისებურებას, რომელიც ამ კუთხის მოსახლეო-ბის კულტურას განასხვავებს სხვა მხარეთა მოსახლეობის კულტურისაგან. მაგ-რამ, როგორც მასალების განხილვამ გვიჩვენა, აღმოსავლეთ საქართველოს მიწა-წყალზე გაფორჩქენილი ბრინჯაო-რკინის საუკუნის კლასიკური კულტურა არასდროს თავის ვიწრო ფარგლებში ჩაკეტილი არ ყოფილა, და თუ ბევრი რამ მეზობელ თანამოქმედთან შეუთვისებია და გადაუმუშავებია, საკუთარი კულ-ტურის არა ერთი და ორი მონაპოვარი სხვისთვისაც გაუზიარებია.

ამგვარად, ზემოთ მოტანილ მასალის გაცნობის შემდეგ შეიძლება ზოგი-ერთი დასკვნის გამოტანა.

გვიანი ბრინჯაოს და ადრეული რკინის ხანაში აღმოსავლეთ საქართველოს მიწა-წყალზე ზის მიწათმოქმედი, მესაქონლე, მეტალურგიაში გაწაფული, მეო-მარი მოსახლეობა.

ყველა საფუძველი გვაქვს ვიფიქროთ, რომ ამ ხანაში მიწათმოქმედება მე-საქონლეობისაგან საბოლოოდ გამოყოფილი და სოფლის მეურნეობის ერთ დიდ დამოუკიდებელ დარგად არის ჩამოყალიბებული. საამისო პირობები უკვე უნდა ყოფილიყო შექმნილი არა მარტო ამიერკავკასიაში, არამედ მთელ წინა აზიაში, რომელიც აზიის კონტინენტზე ხორბლეული კულტურის სამშობლოდ ითვლება. უკანასკნელი გამოკვლევები ააშკარავენ, რომ ამჟამად ჩვენთვის სა-ინტერესო პერიოდის ამიერკავკასიაში ძირითადი პურეული კულტურები ენ-დემური ხასიათისა ყოფილა. ამასთან აღსანიშნავია ქერი და განსაკუთრებით ხორბალი, რომლის ზოგიერთი სახე (მანა, ზანდური, დოლის პური), სპეციალის-ტების საერთო აღიარებით, უძველესი ჯიშებია და საქართველოს შუამთიან ზოლში ეხლაც არის შემორჩენილი. ამ პირველ და აუცილებელ პირობასთან ერთად ამიერკავკასია, მსგავსად უფრო სამხრეთი რაიონებისა, გამოირჩევა მიწათმოქმედების უძველესი იარაღების შედარებითი სიუხვით. მაგ., რკინის სახნისები ცნობილია ხორსაბადიდან (ირანი) და კარმირ-ბლურიდან (სომხეთი). ბრინჯაოსა და რკინის ნამგლები ხომ აღმოსავლეთ საქართველოშიაც ფართოდ არის გავრცელებული. მაგრამ ამ უკანასკნელმა რაიონმა თავი ისახელა ძველი მიწათმოქმედების ისეთი მეტად მნიშვნელოვანი, თუმცა იშვიათი, ინვენტარით, როგორიცაა კვერი. ჩვენში სადღესოდ ცნობილია კვერებისა და მათი ნაშთების აღმოჩენის შემთხვევა. ისინი ყველა აღმოსავლურ-ქართული გვიანი ბრინჯაოსა და ადრეული რკინის ხანის კულტურის გავრცელების არეშია დადასტურებული აქედან თითო კვერი იყო ახტალაში, ხანლარსა და მცხეთა-ში.

პურელის ლეწვაში კეცრის გამოყენება თავისთავად გულისხმობს სათანადო გამწვევი ძალის (ცხენის, მსხვილფეხა რქოსანი საქონლის) გამოყენებასაც. ამგვარად, თითქმის ყველა პირობა არსებობდა გუთნური მიწათმოქმედებისათვის, რის ვარაუდი ამ ხანისათვის ნამდვილად შეიძლება, თუმცა მინდორ-ცვლას ან სათვის ფართობის გაპატივებას ჯერ ალბათ არ იცნობდნენ და სამიწათმოქმედო სავარგულების ფონდის ზრდაც ახოს აღების სისტემაზე უნდა ყოფილიყო დამყარებული.

მემინდვრობის ზოგიერთი სახე (სელის, კანაფის მოყვანა და, საერთოდ, ერთწლიან მცენარეთა ბოჭკოების გადამუშავება) და ამასთან დაკავშირებული ქსოვის საქმეც რომ საქმაოდ მაღალ დონეზე მდგარა, ამის მაჩვენებელია, როგორც ზემოთ იყო ნათქვამი, საამისოდ საქირო ხელსაქმის ინსტრუმენტებისა და ქსოვილთა ნაშთების აღმოჩენა.

ბრინჯაოს სასხლეებისა და მოხრილი საბაღე დანების ფართო გავრცელება და ცოტა უფრო გვიანი ხანისთვის ყურძნის წიპწების დადასტურება უეჭველი მომასწავებელი უნდა ყოფილიყო მებაღეობა-მევენახეობის განვითარებისა.

შემდგომ წინსვლასა და განვითარებას განიცდის მეცხოველეობაც. აღმოჩენილია დიდძალი ოსტეოლოგიური მასალა, რომელშიც კარგად გამოაქნობა ხარის, ძროხის, ცხვრისა და თხის, ღორის, ცხენისა და ვირის ძვლები. ამასთანავე ცხენი, ხარი, შეიძლება კამეჩი და სხვ. გამწვევ ძალად არის გამოყენებული. მნიშვნელოვანი განვითარება ეტყობა პროდუქტიულ მესაქონლეობასაც, რომელსაც ამ დროისათვის ხელოსნობის ცალკე დარგად გამოყოფილი მეთუნეობა უხვად აწვდის რძის პროდუქტებისათვის საქირო ჭურჭელს (საწველეელი კათხები, ყველის ჩასაკვეთ-ამოსადები ქილები, ხაჭო-რძის საწურავი ჭურჭელი, ერბო-ყველის შესანახი დერაგები, განსაკუთრებით კარაქის სადღვებელი ქილები და სხვ.). რძის პროდუქტთა შორის კარაქის შედღვება-დამზადების ცოდნა კი, როგორც ცნობილია, პროდუქტიული მესაქონლეობის ინტენსიური განვითარების პირობებშია შესაძლებელი (ივ. ჯავახიშვილი).

მესაქონლეობის ბაზაზე ამ პერიოდში, როგორც ვნახეთ, საქმაოდ განვითარებულია ტყავის დამუშავება, რქისა და ძვლის იარაღ-ხელსაწყოების დამზადება და ქსოვის საქმე (მატყლის ნართის გამოყენება).

თუ როგორ მაღალ დონეზე მდგარა სპილენძ-ბრინჯაოსა და რკინის მეტალურგია, ეს იარაღისა და სამკაულის დამზადების ხერხების განხილვისას ჩანდა. ჯერ კიდევ ენეოლითის ეპოქაში ჩასახული ჰედვა-კვერვა (ჯერ ცივი, ხოლო შემდეგ გახურებული ლითონისა) თავის შემდგომ განვითარებას ადრეული, შუა და გვიანი ბრინჯაოს ხანაში აღწევს. ხოლო შუაბრინჯაოს ხანიდან დადასტურებული ლითონის ჩამოსხმის ტექნიკა მომდევნო ხანებში მხატვრული ხელოსნობის საუკეთესო ნიმუშებს გვაძლევს.

იარაღისა და სამკაულის კარგად ჩამოყალიბებულ-დამთავრებული ტიპები: ფოთლისებრი სატევარი, ჩუგლუგი, კახური სატევარი და კახურ-პერული წვერ-კვეთილი მხედრული მახვილი, სამთავროული წვეტიანი და წვერმომრგვალო მახვილი, გრძელი მასიური შუბისპირი, ბრტყელფურცლოვანი ბრინჯაო, მოხატული-სარტყელი და სხვ. ზემოთ მოტანილი დებულების მაილუსტრირებულია.

ამავე დროს არ იქნებოდა სწორი თუ ვიტყვოდით, რომ მთელი ეს სამეურნეო ცხოვრებისა და კულტურული შემოქმედების პროცესი მშვიდობიანობის პირობებში მიმდინარეობდა. პირიქით, ეს იყო ცალკეულ ტომთა და ტომთა გაერთიანებების ხშირი ომებისა და შეხლა-შემოხლის ხანა, რის მაჩვენებელია იარაღ-საჭურჭლის ტიპობრივი მრავალგვარობა და რაოდენობრივი სიუხვე აღმოხვედით საქართველოს არქეოლოგიურ მონაპოვარში. ეს ბრძოლები და ურთიერთ ძარცვა-გლეჯაც ხომ თავისებური ფორმა იყო „წარმოებისა“ და გაცვლა-გამოცვლისა. ამ ხანაში, თუ ცოტა უფრო ადრე გაჩენილა ბზარი ზოციანლურ ცხოვრებაში, გაცილებით უფრო ადრე დაწყებულ ქონებრივ დიფერენციაციასთან ერთად, იქცა შეუჩერებელ პროცესად, რომელმაც საზოგადოება ძვ. წ. VI—V საუკუნეებში მიიყვანა ანტაგონისტურ-კლასობრივი წყობილების ზღურბლამდე, როდესაც თვისობრივად სრულიად ახალი საზოგადოების მშენებლობა დაიწყო.

§ 9. ბანვითარბაშული რკინის ხანის ძეგლები რიონის ატათავებში

ბრილის სამაროვანზე განვითარებული რკინის ხანის ძეგლები წარმოდგენილია ორმოსამარხებით, ქვისსამარხებით და კრემაციული ნაშთების შემცველი თავისებური სამარხებით, რომელთაც აგებულების მხრივ საშუალო ადგილი უკავიათ პირველ ორს შორის. ორმოსამარხების და ქვისსამარხების გავრცელების ქრონოლოგიური საზღვრები მოდის ძვ. წ. II ათასწლეულის შუა და ახ. წ. IV საუკუნეებზე, ხოლო მიცვალებულის კრემაციის წესი დამოწმებულია მარტოოდენ ძვ. წ. X—V საუკუნეებში.

კრემაციულნაშთებიანი სამარხები ყოველთვის გვხვდება სუფთა აყალო ნიწის ფენაში. კრემაციისათვის ქვის ფიცრებით გამართულია ვრცელი მოედანი, რომელშიც, შემდეგდროინდელი დაზიანების გამო, არ შეინიშნება რაიმე მიჯნით გამოყოფილი სექციები. არც ერთ ასეთ სამარხს არ შერჩენია სახურავის რაიმე ნაშთი; საფიქრებელია, რომ სამარხები გადახურული იყო ხის მასალით და ზემოდან მიწა ჰქონდა დაყრილი. ამ სამარხების დამხრობა სრულებით ნებისმიერია. უმრავლესობა მაინც ჩრდილოეთიდან სამხრეთით არის დამხრობილი.

თითოეულ სამარხში დაკრძალულია რამდენიმე მიცვალებული. გვამს თვათ სამარხში წვავენენ, თან ჩატანებულ ნივთებთან ერთად, ამიტომ ინვენტარის დიდი ნაწილი უფორმო წიღისებურ მასად ქცეულა; მხოლოდ ზოგიერთ ნივთს მტრ-ნაკლებად შეუნარჩუნებია პირველადი სახე.

დაუზიანებელი ჩონჩხი აქამდე მიკვლეული არ ყოფილა. დამწვარ-დაფერფლილი ძვლები ჩალეწილია ზედდაწოლილი სიმძიმისაგან (მიწა, ქვები) და მათი პაწია ნატეხები უმრავლეს შემთხვევაში თეთრად გამოკრთიან სიმხურვალისაგან გაწითლებულ ფხვიერ მიწაში. ჩონჩხთა ასეთი ცუდი დაცულობა ამნელებს დაკრძალვის წესების მკაფიოდ გათვალისწინებას.

გადამწვარ-გადადუღებული „კონგლომერატი“, რომელშიც ერთმანეთთანაა შედუღებული რკინა, ბრინჯაო, მინა, თიხის კუთრკლის ნატეხები, ძვალი და ქვებიც კი, ცოტაოდენ ხის ნახშირსაც შეიცავს.

მიცვალებულის გვამის კრემაციის წესი ქართველი ტომებისათვის უცხო არ არის, იგი სცოდნიათ ჯერ კიდევ ძვ. წ. II ათასწლეულის შუა ხანებში (თრიალ-

თი) და I ათასწლეულის დამდეგს (ბრილი). უფრო ადრინდელ დროს (III ათასწლეული) მიეკუთვნება საქართველოს ყოფილ ადგილებზე აღმოჩენილი კრემაციული ნაშთები. მიცვალებულის კრემაციის ფაქტები დადგენილია აგრეთვე ძვ. წ. VIII—VII საუკუნეებისათვის მალაკალუს სამაროვანზე, არაჩატის მთის ძირას. რომ ეს წესი აქა-იქ დიდხანს შემორჩა, ამას მოწმობს სოფ. წებელდის ახ. წ. დასაწყისის სამაროვანი, სადაც მიცვლულია თიხის ჭურჭლებით ჩამარხული ფერფლი და მასთან სხვადასხვა სახის ნივთები. კრემაციის წესი საკმაოდ გავრცელებული ყოფილა შავი ზღვის ჩრდილო და ჩრდილო-აღმოსავლეთ სანაპიროებზე, — აგრეთვე მრავალ სხვა მხარეში. ჩვენს ქვეყანაში იგი თავისთავადი და ძველი ტრადიციებიდან მომდინარე ჩანს; აქაური დამწვარი ჩონჩხებიანი სამარხები დროის მიხედვით დიდად უსწრებს წინ ბერძნულ კოლონიზაციას.

ბრილიში მიცვლული დამწვარი ჩონჩხების ანთროპოლოგიური შესწავლა შეუძლებელია. ჩონჩხების მიხედვით არ დგინდება დაკრძალულთა სქესიკ ე.ი. სამაგიეროდ, თან ჩატანებული ინვენტარი ნებას გვაძლევს ვამტკიცოთ, რომ კრემაციის წესით მხოლოდ მამაკაცებს ასაფლავებდნენ.

ინვენტარი შედგება უმეტესწილად იარაღ-საჭურვლისა და ცხენის აკაზმულობის ნაშთთაგან. გვხვდება სამკაულიც, უმთავრესად სამამაკაცი, და აგრეთვე ჭურჭელი. იარაღი წარმოდგენილია რკინის საბრძოლო და სამეურნეო ცულებით (შეად. ტაბ. XX, 13, 17), სატევრებით (ტაბ. XX, 14), დანებით და შუბას წვერებით (შეად. ტაბ. XX, 11, 12), სამკაული — ბრინჯაოსა და ვერცხლის კირკლებით (საკისრე დიდი, გახსნილი რგოლები; ტაბ. XIV, 3), ბრინჯაოს ფიბულებით (ტაბ. XIV, 8), ბრინჯაოსა და ელექტრუმის საყურეებით (ტაბ. XIV, 3 შუა-ში), პასტის, მინისა და ქვის ცოტაოდენი მძივებით. ცხენის აკაზმულობას ეკუთვნის ბრინჯაოს ექვნები, რკინის ლაგმები, საყბურები და ძვლის ლამაზსახოვანი სათასმე ბალთები. თიხის ჭურჭელი კარგი ხელობისაა, თუმცა იშვიათია. სამაგიეროდ ბლომად არის ნაპოვნი ბრინჯაოს ჭურჭლის ნატეხები და რამდენიმე მთელი ჭურჭელიც.

კრემაციის დროს ცეცხლს მოუსპია სამარხის ინვენტარის ნაწილი, განსაკუთრებით ხისა და ძვლის საგნები, აგრეთვე ლითონის ნაწი სამკაულიც. ინვენტარის მეორე ნაწილი კი გადარჩენილა და მან ჩვენამდე მოაღწია მეტ-ნაკლებად დაზიანებული სახით. კრემაციულ სამარხებში ინვენტარი მრავალნაირი და მრავალრიცხოვანია. იგი საშუალებას გვაძლევს გავითვალისწინოთ სათანადოდ დროის კულტურული ვითარება და აგრეთვე ისიც თუ როგორი პატივით უმარხავთ მიცვალებულნი.

თან ჩატანებული სავაეკაცი ნივთები (უმთავრესად საჭურველი და ცხენის აკაზმულობის ნაშთები) მოწმობს, რომ მიცვალებულნი, რომელთა გვამებიც დაუწევათ, სიცოცხლეში ეკუთვნოდნენ წარჩინებულ მემომართა ფენას. მათ ასაფლავებდნენ დიდი პატივით და თან ატანდნენ უამრავ ნივთებს.

კრემაციულ სამარხებში აღმოჩენილი რკინის ცულები სხვადასხვა ზომისა და მოყვანილობისაა, მაგრამ თითქმის ყველა მათგანს აერთიანებს რაზხანა ან მრგვალი კვერახვითი მაღალი ყუა. ცულები პირვიწრო და ტანმადალია; უმეტესწილად ტარჩაყენ ზომიერად მოხრილი. მათი სატარე ნახვრეტი მრგვალი ან ოვალურია; აღმოჩენილია ცულები, რომლებიც თითქ-


მრ' ზუსტად იმეორებენ კოლხური ბრინჯაოს ცულის მოყვანილობას. ამათ შორის გაირჩევა მრგვალყუაყვერიანი ტარმოხრილი და ორფერდაყუიანი ტანსწორი ცულები. უეჭველია, რომ ისინი ჩაითვლება ძვ. წ. I ათასწლეულის დასაწყისის კოლხური ბრინჯაოს ცულების კანონიერ მემკვიდრეებად, ხოლო ბრილის. რკინის ხანის კულტურა — კოლხური ბრინჯაოს კულტურის მემკვიდრეა და შემადგენელ ნაწილად. ჩვენთვის საინტერესო ცულებს უმრავლესობა საბრძოლო დანიშნულებისაა, მაგრამ ზოგიერთი ცული, რომელთაც შედარებით ფართო პირი და დაბალი, მსხვილი ყელი აქვთ, მოხერხებულია სამეურნეო საქმისთვისაც. მათ ადვილად გამოიყენებდნენ სატყეო იარაღად.

ერთი ცული მთლიანად შემკობილია ლამაზი სახეებით. მის სატარე ნახვრეტში გარკობილი იყო პაწია წრებაზე მთავრებული ძვლის მილი, რომელშიც თავის დროზე გაყრილი იქნებოდა ხის ტარი. უნდა ვიფიქროთ, რომ ეს შედიოდა რომელიმე მხედართმთავრის აღჭურვილობაში როგორც საპარადო, საზეიმო იარაღი ან ძალაუფლების სიმბოლო.

რკინის ცულების მიბაძვითაა ჩამოსხმული და მათს ფორმას იმეორებს ბრინჯაოს მშვენიერი ცული, რომლის ყუა სოკოს მოყვანილობისაა და თანაც შემკობილია ცენტრიდან გამომავალი სხივებით. ამ მოხდენილ უნიკალურ იარაღსაც შესაძლოა საპარადო დანიშნულება ჰქონოდა.

ცულების თანხლები ყველა სატყეო დიროთადად ერთი ტიპისაა, სახელობრ, ადრეული სკვითური აკინაკების ტიპისა. მისი დამახასიათებელი ნიშნებია: ფართო პირი, ფართო და თანაც ორღარიანი ტარი, სწორი ან ოვალური ტარქული და ფრთავაშლილი პეპელას ან გულის მოყვანილობის ჯვარედინი შემონაჭედი ვადაზე. სატყერის ეს ტიპი დიდი რაოდენობით აღმოჩნდა ბრილის სამარხებში, უპირატესად იმ ინვენტარს შორის, რომელიც ძვ. წ. VII—V საუკუნეებით თარიღდება. ზოგ შემთხვევაში ამ ადრეულ საფეხურზე უხმარიან პირდაშაშრული რკინის სატყეარიც, სავსებით ანალოგიური თანამედროვე კავკასიური ხანჯლებისა. ძვ. წ. V საუკუნიდან აკინაკი მნიშვნელოვან ცვლილებას განიცდის და ეს კარგად ემჩნევა ბრილის სატყერებსაც: ტარის თავი ან ანტენისებურ ფორმას იღებს და შიგნით მოხრილი ბოლოები ფრინველის კლანჭის გამოსახულებებით მთავრდება, ან კიდევ შეკრულ რგოლს წარმოადგენს. იმ დროიდანვე სატყერის ვადის ფორმაც თანდათან ჰკარგავს პეპელისებურ მოყვანილობას და ძვ. წ. I ათასწლეულის ბოლოსათვის უახლოვდება მოგრძო სწორკუთხედსა თუ ტრაპეციას.

განვითარებული რკინის ხანის ქართულ საჭურველში შედიოდა აგრეთვე მეტად ორიგინალური, აწ სრულიად გამქრალი იარაღი, რომელიც წერილობითი ძეგლების აფთხუბს, წათს, ლახვარს თუ ხელოვნურად შექმნილ თანამედროვე ტერმინს ცულმახვილას შეესატყვისება. მას აშხალებდნენ რკინისაგან. მისი პირი არაფრით არ განსხვავდება ორღესური, ქედიანი სატყერის ან შუბის პირისაგან, ხოლო ყუა, საომარი ცულების მსგავსად, ოთხწახნაგა კვერს ან სოკოს თავს ჰკავს. ეს იარაღი მრგვალი ნახვრეტით ტარს იმავე წესით დაეგებოდა ხოლმე, როგორც ცული. მათს სახესხვაობას წარმოად-



გენს რკინისავე წყე რ ა ყ ი ნ ი, რომლის ბრინჯაოს ანალოგი ტამანის ნახევარ-კუნძულიდანაა ცნობილი. კიდევ უფრო ორიგინალურია რკინის ცულამახვილების მიბაძვით ჩამოსხმული ბრინჯაოს უნიკალური იარაღი, შემკობილი სხვადასხვანაირი გრავიურითა და მკულბტურული გამოსახულებებით, რომელთა შორის ვხვდებით გეომეტრიულსა და მცენარეულ სახეებს, თევზებსა და ცხვრის თავებს. ეს მეტად მოხდენილი იარაღი აღმოჩენილია ძვ. წ. VI ს. სამარხში, მაგრამ გამოსახულებათა შესრულებას სტილის მიხედვით გვევლინება ბრილური ყუამილიანი ცულების მემკვიდრედ.

ბრილში აღმოჩენილ რკინის დანებს უმთავრესად საყოფაცხოვრებო დანიშნულება ჰქონდა, თუმცა ზოგიერთი მათგანის სიდიდე ალბათ მიუთითებს მათ საბრძოლო თვისებებზეც. ბრილური დანები მოხრილია და ცალ გვერდზე ოდნავ ყუამიანობის მქონეა: ამ დროის ზოგიერთ სამარხში აღმოჩენილია ბრინჯაოს, ხის ან ძვლისტარიანი მეტად მოხდენილი დანები; ხე და ძვალმა შემოინახა ტარის შემკულობის ნაშთები — ლამაზად ამოკვეთილი კონცენტრული წრეები და სპირალები.

სატევრები და დანები უტარებიათ ხის ქარქაშებით, რომელთა ნაშთებმა ჩვენს დრომდე მოაღწია. VII—VI სს. სამარხებში აღმოჩენილია ქარქაშის ბრინჯაოს ბოლოები. ბევრი მათგანი მხატვრულადაა გაფორმებული და მოგვაგონებს გრძელკისრიანი მტაცებელი ცხოველის პროტომს. მათი ზედაპირი შემკობილია ნაირი გეომეტრიული სახეებით: სპირალებით, ტეხილი ხაზებით, სამკუთხედებით და სხვ. ძვ. წ. V საუკუნიდან ქარქაშის ბოლოების შემოსაჭედად ხმარობდნენ ბრინჯაოს სადა ფურცელს. ხის ქარქაშს გარედან შეიძლება ტყავის ან ტილოს გარსაკრავი ჰქონდა. ამის შესახებ ყოველ შემთხვევაში შეიძლება ვიმსჯელოთ იმის მიხედვით, რომ სატევრის პირებზე ხშირად გვხვდება ჟანგში შენახული ტილოს ნაჭრები. ზოგი მათგანი მსხვილი ძაფისაგანაა ნაქსოვი, ზოგიც საკმაოდ ნაზია და მკიდრო. ეს მასალა გვეხმარება ძველი დროის ქართული საფეიქრო მეთურნეობის შესწავლაში. სავარაუდებელია, რომ ბრილში აღმოჩენილი უხეშ ქსოვილთა ნაშთები ადგილობრივი შალისა, ხოლო ნაზი ქსოვილები კოლხეთის დაბლობის სელისა იყო. ეს მით უფრო სარწმუნოა, რომ კოლხეთი ძველი დროიდანვე წარმოადგენდა სელის ქსოვილებით განთქმულ ქვეყანას. სწორედ საკვლევ ეპოქას შეეხება პეროდოტეს ცნობა, რომლის მიხედვითაც კოლხებსა და ეგვიპტელებს ერთნაირი წესით უშაადებიათ ტილო, რომელიც როგორც ჩანს, ერთნაირადვე სახელგანთქმული ყოფილა.

მეომრებს იარაღთან ერთად თასმით უტარებიათ კარგად გამოთლილი და თავგახერხებელი სალესი ქვები, რომლითაც ცულებს, სატევრებსა და დანებს პირს უწყობდნენ.

ამ დროის ბრილური სამარხების იარაღ-საჭურველი უმთავრესად აქტიური ხასიათისაა და განკუთვნილია ხელჩართული ბრძოლისათვის. იქ კანტი-კუნტად ჩნდება ფარი და შორ მანძილზე სატყორცნი ისრები. ძველ დროს ფარები იშვიათად ჩნდებოდა. საქართველოს სხვა კუთხეებშიც. წყაროების მიხედვით კი ცნობილია, რომ ფარს ქართველი ტომების სალაშქრო საჭურველში მნიშვნელოვანი ადგილი ეკავა. პეროდოტეს ცნობით, ქსერქსეს ლაშქარში მყოფ კოლხებს, ხალიბებს, მოსხებს, ტბარენებს, მაკრონებს და მოსინიკებს ფარებიც

ჰქონიათ. უკანასკნელი ოთხი ტომის ფარების დახასიათებას ისტორიკოსი ბრ იძლევა, სამაგიეროდ აღნიშნავს, რომ ხალიბებს და კოლხებს. ხარის ტყავისა- გან დამზადებული ფარები უტარებიათ. უნდა ვიფიქროთ, რომ ბრილელი მეომ- რები, მსგავსად მათი მონათესავე ტომებისა, ხმარობდნენ ტყავის ფარს, რო- ზელსაც ცხადია, არ შეეძლო ჩვენს დრომდე მოეღწია. ერთერთ სამარხში, სხვათა შორის, აღმოჩენილია ნატეხი ბრინჯაოს დისკოსებრი ნივთისა, რომლის დიამეტრი თავის დროზე უდრიდა 13,2 სმ. მისი შუა ნაწილი ცალ გვერდზე ამოზნექილია, ხოლო მეორეზე — შესაბამისად ჩაზნექილი. ერთი გვერდი სა- დაა, მეორე კი — ლამაზი სახეებით შემკობილი. დისკოს ნაპირს ირგვლივ უე- ლის ორ რელიეფურ ზოლს შორის მოთავსებული გრეხილი. ამ სარტყელსა და ამოზნექილ ცენტრს შორის ფართო სივრცე შევსებულია რადიალური სხივე- ბით. ამოზნექილ ნაწილს ამკობს რელიეფურ ზოლთა, გრეხილთა და „ზენურ“ ხვიათა სარტყლები, აგრეთვე სხვა სახეები, რომლებიც კარგად არ გაირჩევა ნივთის ჩამოტეხილ ნაწილზე. საფიქრებელია, რომ ეს მხატვრულად დამუშა- ვებული დისკო წარმოადგენდა ფარის გულს, რომელზედაც შემოკრული იყო ტყავი; მაგრამ ისიც სავარაუდებელია, რომ იგი წარმოადგენდა სარკეს.

რაც შეეხება ისრის წვერებს, ისინიც კანტი-კუნტად იჩენს თავს, ისიც მარ- ტო ძვ. წ. VI—V სს. ზოგ სამარხში. ე. წ. სკვიტურ ცულებს და აკინაეებს იშვია- თად ახლავთ სკვიტეთის ტერიტორიაზე ფართოდ გავრცელებული ორფრთიანი ან სამწახნაგა ისრის წვერები. უნდა გავითვალისწინოთ ისიც, რომ ისრის ფარ- თო მოხმარება დამოწმებული არაა ბრილის არც ბრინჯაოს ხანის სამარხებში. ან ფაქტის დამაჩერებელი ახსნა ჯერჯერობით არ ხერხდება.

გამორიცხული არ არის სამარხებში ცხენის დაწვის შესაძლებლობაც, მაგ- რამ მტვრად ქცეულ ძვლებში მისი ნაშთის გამოცნობა არ ხერხდება. რომ ამ და მომდევნო საუკუნეების ბრილელთ, მსგავსად საქართველოს სხვა კუთხეე- ბის (ბორი, კლდეეთი, წიწამური, მცხეთა და სხვ.) მოსახლეობისა, წესად ჰქო- ნიათ მიცვალებულთათვის ცხენის გატანება, ეს კარგადაა დამოწმებული სხვა ტიპის სამარხებში. კრემაციულ სამარხებში კი ამ ცხოველისა მხოლოდ აკაზმუ- ლობა აღმოჩნდა. აქედან უპირველეს ყოვლისა მოვიხსენიებთ რ კ ი ნ ი ს ა და ბ რ ი ნ ჯ ა ო ს ლავებს. საკუთრივ ლავამი წარმოადგენს ლითონის თავბოლო- რგოლიან წყვილ ლერაკს, რომლებიც თითო რგოლით ერთმანეთზე არის გადა- ბმული, ხოლო მეორე რგოლით უკავშირდება საყბურს. ეს უკანასკნელი ლ- თონის მაღალი ლერაკია, ოდნავ თავებამსხვილებული და მოპირდაპირე მხა- რეებისაკენ გადაზნექილი; ლავამზე დასამაგრებლად შუაში მოთავსებულია მოზრდილი რგოლი, ხოლო მის ზემოთ და ქვემოთ — თითო მომცრო რგოლა, რომლებშიც აღვირის წყვილ-წყვილი ტოტი მაგრდებოდა.

ერთ სამარხში, რომელიც დაახლოებით ძვ. წ. VI ს. მიწურულის ან V ს. დამდეგისა ჩანს, აღმოჩენილია რკინის ლავამი და ბრინჯაოს უნიკალური ს ა ყ- ბ ე უ რ ე ბ ი, რომელთაგან თითოეული წარმოადგენს პროტომებით შერწყმული წყვილ-წყვილი ცხოველის გამოსახულებას თავგანწირული ნახტომის პოზაში.

აღვირ-უნავირის მორთულობიდან შემონახულა ღრუ ცილინდრისებური ძ ვ ლ ი ს ს ა და ან თავქდრული მილაკები, თასმის მარყუჟის დასამაგრებელი ბალთა და ლამაზჩუქურთმიანი ს ხ ვ ა ნ ი ე თ ე ბ ი, რომელთაგან ერთი წარმო-

ადგენს მეტად სტილიზებული რქოსანი ცხოველის თავს. მეორე—რაღაც პირდა-
ღებული, ნაწნავიან-ბაფთიანი და რქოსანი არსების თავს, ხოლო მესამე—ცხენის
ფეხს. სამივე სამკაულს აქვს სამანქვე ნახერტები, ხოლო ორ მათგანს — სა-
კუთრივ მანქვლებიცი, რომლითაც ისინი თასმაზე მაგრდებოდა. კრემაციულ სა-
მარხში რაღაც სასწაულით გადარჩენილი ეს ნივთები წარმოადგენს ძვლის
დამუშავების გასაოცარ ნიმუშებს და იმას მოწმობს, რომ მელითონე ქართველ
ტომებს კარგად ჰქონდათ ათვისებული სხვა მასალაზე მუშაობის ხერხებიცი. ამ
ნივთების სკვითური წარმომავლობა ან სკვითური მიმბაძველობით დამზა-
დება სრულიად უეჭველია.

გარდა ამ ნაზი და მჩატე ბალთებისა, ცხენის აჯახულობაში შედიოდა ლა-
თონის მძიმე ეჭვებიცი. ეყვანი მოგვაგონებს ძირგახერტილ, კედლებდა-
ფანჯარული, პირფართო, კარბიან ქოთანს. ხმის გამოსაცემად, ნაცულად ზედმიზ-
მული ენისა, ეყვანში გღია რკინის ბურთულა. ალბათ ცხენისავე სამკაულს წარ-
მოადგენდა რკინის ენიანი ბრინჯაოს მოზრდილი ზარებიცი, თუმცა ზარს სა-
რიტუალო-რელიგიური მნიშვნელობაც ჰქონდა უძველესი დროიდანვე. მოყვა-
ნილობით ისინი მოგვაგონებს სეანურ ქულს კენწეროზე მოთავსებული ჩამოსა-
კიდი დაბალი ყურით. იმავდროულ სხვა სამარხებში ბლომად გვხვდება ცილინ-
დრული მოყვანილობის, გვერდშეპირილი ზარებიცი.

ამ ხანაში მეცხენეობა საერთოდ ძლიერ განვითარებული ჩანს. ბრილში
მიკვლეულია ცხენის რამდენიმე სამარხი. ამასთან ერთად, ძვ. წ. VI ს. სამარხში
აღმოჩენილია ბრინჯაოს მხედრის მშენიერი ქანდაკება (ტაბ. XIV, 5). ცხენს
დაწნული კული და ფაფარი აქვს; მხედრის სახე ძლიერ ჩამოჰგავს სამთავროში
აღმოჩენილ ერთ ნივთზე გამოსახულ მამაკაცთა სახეებს. ისინი სავსებით ერთ-
ნაირად არის შესრულებული, რაც იმხანად აღმოსავლურ და დასავლურ ქარ-
თულ კულტურას შორის კავშირზე უნდა მიუთითებდეს. უიარალო მხედარი
უფრო მშვიდობიან ვაჭარ-მოგზაურს უნდა გამოსახავდეს, ვინემ მეომარს.

თიხის კურკელი ამ სამარხებში ცოტაა. სულ რამდენიმე კურკელია
აღმოჩენილი. ისინი ძლიერ ახლო დგას გვიანი ბრინჯაოს ხანის ადგილობრივ
კერამიკულ ნაწარმთან. საზოგადოდ შეინიშნება კერამიკული წარმოების შეზ-
ღულული ხასიათი რიონის სათავეებში. ეს ალბათ იმითაა გამოწვეული, რომ
ჩქარ მოიპოვება საკურკლე თიხის მძლავრი შრეები. სამაგიეროდ ბლომად
უკეთებითა ლითონის კურკელი. მარტო ერთ, 91-ე სამარხში აღმოჩე-
ნილი ნატეხები ეკუთვნის, სულ ცოტა, 4 კურკელს. მათ შორის არის ბრინჯაოს
შემადლებულქუსლიანი, პირგადმოზნეჟილი ორყურა სიტულების და დაბალი
თეფშის ნატეხები. სიტულების ყურებზე შერჩენილია ბრინჯაოსა და რკინის
კარბის ფრაგმენტები. კურკელი ნაქედია ბრინჯაოს ორი თხელი ფურცლისაგან,
რომელთა ნაპირები ყურების გასწვრავ და ქუსლის გარშემო ფაქიზადაა მოქე-
დილი მანქვლებით. მოყვანილობითა და დამზადების ტექნიკის მიხედვით
ისინი ძლიერ ჰგავს იმ სიტულებს, რომლებიც უმეტესწილად ჩნდება კოლხურ
ბრინჯაოს ცულებთან და მათ თანამედროვე ნივთებთან ერთად, მაგრამ მათგან
განასხვავებს სადა ყურები. VII—VI საუკუნის ერთერთი სხვა კრემაციული სა-
მარხიდან წარმოდგება ბრინჯაოს სასმისი, რომელიც ყურადღებას იპყრობს
თავისი ორიგინალობით: იგი წარმოადგენს რომელიღაც ცხოველის ზურგზე

ამოზრდილ ძაბრს. შედარებით ახალგაზრდა (V—IV სს.) სამარხებში აღმოჩენილი ბრინჯაოს კურკელი განსხვავდება მეტი სიმსუბუქით, რაც მიღწეულია ჩამოსხმული ძირის შეცვლით თხელი ფურცლისაგან გამოკედილი ძირით. ასეთები: ვიწროყელიანი ვაზა, რომლის ფართო მხრებს აზის ორი პაწია ყურა, ჰორიზონტალურყურებიანი საწვენი, პირგადაშლილი სასმისი, რომელსაც ადრეული სიტულების მსგავსი ცხოველისებური ყური აქვს და სხვ.

რაც შეეხება სა მ კ ა უ ლ ს, იგი უმთავრესად შედგება ბრინჯაოს კირკლების ანუ საკისრე რგოლებისაგან. ზოგიერთ სამარხში ვერცხლის და ელექტრუმის კირკლებიც იყო. ისინი ნაკეთებია ან მრგვალი, ან გრეხილი მათულები-საგან და თავები მათრახის ენისებრ აქვთ გაბრტყელებული; არის თავებმოგრაჟნილი კირკლებიც. საზოგადოდ ცნობილია, რომ კირკლები სამხრეთ რუსეთსა და კავკასიაში ჩნდება უმთავრესად მამაკაცთა სამარხებში. აქემენიდურ ირანში იგი აკინაკთან ერთად წარჩინებულ მეომართა ინსიგნიად იყო მიჩნეული. გვიანი ბრინჯაოს ეპოქაში კავკასიური კირკლები გამოირჩევა თავისი მასიურობით, ჩვენთვის საინტერესო ხანაში კი უფრო ნაზია და მრავალფეროვანი, თუმცა შემკულობის მხრივ ძლიერ ჩამორჩება ადრინდელებს.

სამარხებში ჩნდება ბრინჯაოს მ შ ვ ი ლ დ ს ა კ ი ნ ძ ე ბ ი, თავმოგრაჟნილი თხელი სა მ ა ჯ უ რ ე ბ ი, პასტისებრი მასის მ ძ ი ვ ე ბ ი და სა ყ უ რ ე ბ ი — ბრინჯაოსი, ვერცხლის და ელექტრუმის. ისინი ერთი ტიპისაა: თითოეული მათგანი წარმოადგენს მათულის რგოლს ზედ მიჩნეული ოთხწახანაგა სვეტით, რომელიც შედგება წვრილი ბურთულებისაგან და ბოლოვდება ხუთი მომსზო ბურთულით. ზოგიერთი საყურე ორ და ოთხსვეტიანია. ყველა ისინი ჰგავს იმავე დროის ყაზბეგის განძიდან, ბეშთაშენის სამარხებიდან და ყობანიდან, ავრეთვე უფრო ახალგაზრდა ბორის სამაროვნიდან ცნობილ საყურეებს.

ამ დროის ბრილურ კრემაციულ სამარხებში საზოგადოდ ბევრია როგორც ბრინჯაოს მშვილდსაკინძები, ისე სწორკუთხედის მოყვანილობის მომცრო თუ მოზრდილი სარტყლის აბზინდები. ეს უკანასკნელი მხოლოდ კრემაციულ სამარხებშია აღმოჩენილი. მშვილდსაკინძები კი დაუწვავად დაკრძალულ გვამებთანაც ხშირად ჩნდება. მამაკაცთა სამარხებში აღმოჩენილი ზოგიერთი მშვილდსაკინძი გრეხილკალიანია და ყურადღებას იქცევს სიდიდით. ყველა ისინი მომდინარეობს გვიანი ბრინჯაოს ხანის კოლხური კულტურის წიაღიდან და თავს ინახავს ძვ. წ. III—II საუკუნემდე, როცა მათ შემცველად გამოდის ე. წ. „ლატენის“ ტიპის საკინძი.

წარჩინებულ მეომართა კრემაციულ სამარხებში, როგორც ვნახეთ, სამკაულს მეორეხარისხოვანი ადგილი უკავია და უმთავრესად შედგება კირკლების, სამაჯურებისა და საყურეებისაგან, რომლებიც, უქვევლია, ინსიგნიებს წარმოადგენდა. სამაგიეროდ ბევრია საჭურველი: — ცულები, სატევრები, ცულ-მანვილები, დაშნები და დანები. სამარხებში ბევრია რკინის გრძელი შუბის წვერები, რომელთაც კონუსური მასრა და დაფნისფოთლისებური პირი აქვთ. ისინი კიდევ უფრო მრავლდება ძვ. წ. V საუკუნიდან მოკიდებული.

ბრილში განსახილველ პერიოდში, ისევე როგორც იმდენო IV — III საუკუნეებშიც მამაკაცებს ქვისსამარხებში; ხოლო დედაკაცებს უპირატესად ორმო-

სამარხებში ასაფლავებდნენ. მხოლოდ ერთი შემთხვევაა დამოწმებული, როდესაც დედაკაცი და მამაკაცი ერთად იყვნენ დაკრძალული ქვისსამარხში. მიცვალებულს მოკუნტები მარხავდნენ და ამის შესაბამისად სამარხებიც მცირე ზომისაა. მთლიანედ აღებულია ქვისსამარხების სიგრძე იშვიათად სკარბობს 1,2 მ, სიფართო — 0,7, სიმაღლე 0,6 მ. შედარებით უფრო დიდია შედგენილკედლებიანი სამარხები. სამარხები უკვე აღვიღებთ იქნებ ფიციკებისაგან, რომელთაც უხვად მოიპოვება იქვე, სამაროვანს უკან, რიონის მიერ გაშთვლულ კლდეებში. სამარხის იატაკი ზოგჯერ მიწისაა, ზოგჯერ კი — მოფილაქნებული. ზოგერთი ორმოსამარხის იატაკზე აღმოჩნდა ბრინჯაოს ქანგით გაყვანილი არყის ზის ქერქი. შემთხვევით გადაჩენილი ეს ქერქი იმას უნდა მოწმობდეს, რომ იგი საზოგადოდ გამოყენებული ყოფილა სამარხთა გამართვის დროს როგორც იატაკზე დასაფენი მასალა. როგორც ორმოები, ისე ქვისსამარხები გადახურულია ბრტყელი ქვებით.

ინვენტარი მამაკაცთა ამ სამარხებში ძირითადად ისეთივეა, როგორც კრემაციულ სამარხებში, მაგრამ ჩნდება საჭურვლის რამდენადმე შეცვლილი სახეები, კერძოდ, რკინის ტარქედროლიანი სატევრები და ფართოფუძიანი შუბები. იარაღ-საჭურვლის საერთო რაოდენობა მცირდება სამარხთა უმეტეს ნაწილში, რაც სწრაფად წინ წასული ქონებრივი დიფერენციაციის მაუწყებელია ტანსაცმელთან დაკავშირებული ნივთებიდან აღსანიშნავია ბრინჯაოს ფირფიტის სწორკუთხედი აბზინდები და მშვილდისებრი საკინძები იმ სახის, როგორც გვიანი ბრინჯაოს კოლხური კულტურისთვისაა დამახასიათებელი, ოღონდ უფრო მცირე ზომის. აბზინდებს ზშირად ამკობს ცხვრის თავის სკულპტურული გამოსახულებანი. მშვილდსაკინძებზე გამოყვანილია სხვადასხვა სახეები, უმეტესად კი თევზიფხური.

განსაკუთრებით ბევრია სამკაული ქალის სამარხებში. იქ ძლიერ იშვიათად ჩნდება ბრინჯაოს თუ ელექტრუმის კირკლები, რომელთა თავები ან მათარხის ენისებრია, ან ლამაზი ორნამენტით შემკობილ ფართო რომბებს მოგვაგონებს და კავებით ბოლოვდება. ყველა სამარხში ვხვდებით ერთ ან ორ მშვილდსაკინძს, ბრინჯაოს თხელი ფურცლის წყვილ სამაჯურს, შემკულს წერტილების და ხაზების ორნამენტით და დაბოლოებულს ცხოველთა თავების სქემატური გამოსახულებებით; ზშირია რკალქდელი, ფანტასტიკური თავებით დაბოლოებული სამაჯურებიც. ასევე ზშირია ბრინჯაოსა და ვერცხლის დიდი სასაფეთქლე რგოლები, იმ სახის, როგორც ცნობილია ყაზბეგიდან, თრიალეთის VI—IV ს. სამარხებიდან და სხვ. ბევრ შემთხვევაში გვხვდება ვერცხლის ან ელექტრუმის საყურეები. დიდი მრავალფეროვნებით ხასიათდება ბრინჯაოს ქინძისთავები და საკიდები. ქინძისთავთა თავები ზოგჯერ ქურქლის ფორმას ტებულობს, ზოგჯერ კოლხური ცულისას, ზოგჯერ კი კოპებიან ჯვარს მოგვაგონებს და ძლიერ უახლოვდება უფრო ადრინდელი ეპოქის ამ ტიპის ძეგლებს. ქინძისთავზე უმეტესწილად შესკუპებულია ჯიხვი ან რომელიმე მტაცებლის სტილიზებული გამოსახულება. ძლიერ იშვიათად თავს ინახავს არქაული ტიპის მარტივი თავგვია ქინძისთავებიც.

საკიდებიც სხვადასხვა სახისაა — ბრინჯაოს ძეწკვზე ჩამოკიდებული დედალი დუგმისებრი ხეიები, გველისა და მზის სახეებით შემკობილი; დოლისებრი

სამკაულები, დათვის, ჯივის, ჩიტების, ცხვრის თავებისა და ცხვარჩიტების ქან-
დაკებანი. ყველა ეს სამკაული დამუშავებულია ფაქიზად, დიდი მონდომებითა
და გემოვნებით.

გაოცებას იწვევს მთიელ ქალთა მისწრაფება შემკულობისაკენ. ეს განსა-
კუთრებით ემჩნევთ შეძლებულთა წრის წარმომადგენლებს. მათ სამარხებშია,
გარდა ზემოჩამოთვლილი სამკაულებისა, ვხვდებით მინის მძივთა დიდ რაოდენ-
ობას. ზოგ სამარხში ამოთხრილ მძივთა საერთო წონა ორ კილოგრამამდე აღ-
წევს. მძივების დიდი უმრავლესობა ფერადი მინისებრი ნივთიერების ან პას-
ტისაა, იშვიათად კი ნახევრად ძვირფასი ქვის მძივებიც ჩნდება (სარდიონი, აქა-
ტი). არის ოქროს ფუყე მძივებიც. ათასობით დაითვლება ისეთი წვრილი იოტე-
ბი, რომელთა თვალთ შემჩნევა ძნელდება, მათ მოსდევს შედარებით მომსხო
იოტები, წვრილი მძივები, საშუალო ზომის მძივები და, ბოლოს, თეთრ-ლურჯი
მინის ვეებერთელა მძივები, რომელთა დიამეტრი ორ სანტიმეტრს სჭარბობს.

აუწერელი სილამაზისაა მინის მძივთა ზოგიერთი ასხმა. ესენია წვრილი
ცისფერი მძივები თეთრ-ლურჯი თვლებით, კაკლის სიმსხო მძივები ყვითელი,
ცისფერი ან მწვანე ფონით და შიგ ჩასმული მრავალფერადი კოკობ-თვლებით,
ლურჯი მძივები ყვითელი თვლებით და, ბოლოს, მოგრო მძივები თეთრი
თვლებით და ზოლებით. ამ სამკაულთა უმრავლესობა ბუნების მიბაძვას წარ-
მოადგენს. მათში ადვილად გამოიკნობა ცხოველთა თავი, ქვეწარმავალთა თვა-
ლები და სხვ. ბრილურ მძივთა მნიშვნელოვანი ნაწილი უნიკალურია და მეტად
ორიგინალური: მათი მსგავსი სამკაული სხვაგან არსად გვხვდება. საერთოდ კი
ფერადი მძივები კავკასიაში უკვე ჩნდება ძვ. წ. VIII საუკუნიდან. ისინი დიდი
რაოდენობითაა ამოთხრილი ჩრდილო კავკასიის სამაროვნებზე, რაც ცნობილ
არქეოლოგ ე. შ ა ნ ტ რ ს აფიქრებინებდა მათ ადგილობრივ დამზადებას. ბრი-
ლის მძივთა სიმრავლე და ბევრი მათგანის უნიკალურობა ამ მოსაზრების გა-
ზიარების ნებას იძლევა, მაგრამ ისიც ცხადია, რომ იმავე ტექნიკით ნაკეთები
მძივები დიდი რაოდენობით ვრცელდებოდა ეგვიპტიდან და სირიიდან. ფერე-
ბის კარგი შეხამება და სახეთა ზომიერი სტილიზაცია მოწმობს ამ სამკაულთა
დამამზადებელი და მომხმარებელი საზოგადოების განვითარებულ გემოვნებას.

რაჭაში მოპოვებული არქეოლოგიური მასალების მიხედვით მოწმდება, რომ
მთიელი ქართული ტომები თუმცა ძირითადად ადგილობრივი კულტურის სი-
კეთით სარგებლობდნენ, მაგრამ აღნიშნულ პერიოდში კარგად იცნობდნენ სხვა
მოწინავე ხალხების კულტურასაც და დაკავშირებული იყვნენ მათთან საკმაოდ
ფართო სავაჭრო ურთიერთობით. ჩანს, რომ ჩვენს მთიელებს კარჩაქეტილად არ
უცხოვრიათ: ამას ადასტურებს მთელი რიგი ფაქტები. გარდა ზემოხსენებულ
მძივებისა, რომელთა უცხოური წარმომავლობა თითქმის უეჭველია, ბრილის
VI—III საუკუნეთა სამარხებში აღმოჩენილია ბერძნული შავლაკიანი სკიფოსი,
ფინიკიური ფერადი მინის ორი ასაბალზამე (მათ შორის ერთში ჩვენს დრომდე
მოაღწია სურნელოვანმა სითხემ) და ეგვიპტური სკარაბეის გამოსახულებები დი-
დი რაოდენობით. ახლახან დასახელებულ სხვა ნივთებთან ერთად სკარაბეი ანუ
როგორც მას ქართულად უწოდებენ, ფუნაგორიაც ჩვენში მოხვედრილა უცხო-
ქვეყნებთან ვაჭრობის გზით. ეს აღრინდელი ვაჭრობა შესაძლოა კვლავ იღვა-
პროდუქტთა უშუალო გაცვლის საფეხურზე, მაგრამ ძვ. წ. VI საუკუნიდან სა-

ქართველოს ბარში, ხოლო IV საუკუნიდან მთავი უკვე შეინიშნება სასაქონლო ურთიერთობა. ამის კარგ საბუთს წარმოადგენს კოლხური ვერცხლის მონეტების დიდი რაოდენობით გავრცელება ბარში და ერთი ამგვარივე მონეტის აღმოჩენის ფაქტი ამბროლაურის რაიონის სოფელ ლიხეთში, სწორედ ძვ. წ. V—IV საუკუნის სამარხში.

ცალკე უნდა აღინიშნოს სკარაბეის წარმომავლობა და მნიშვნელობა. „სკარაბეი“ ფუნის ხოქოს ბერძნული სახელწოდებაა. ეს მწერი, ისევე როგორც ბევრი სხვა ცხოველი, გაღვთაებრივებული იყო ძველს ეგვიპტეში, და მის გამოსახულებებს ამზადებდნენ ძვირფასი და ნახევრად ძვირფასი ქვებისაგან, ფიანისაგან, პასტისაგან და სხვ. სკარაბეის მიიჩნეოდნენ მზის ღამიერი ყოფის ღვთაების ხეპრას სიმბოლოდ. მსგავსად მუდამ მოფუსფუსე უწყინარი ფუნის ხოქოსი, რომელიც მთელ თავის სიცოცხლეს ანდობებს მისგანვე დამზადებული ფუნის ბირთვების შეგონებას პაწი ხერელებში, უხილავი სკარაბეი ცის ერთი კიდურიდან ამოაგორებს სიცოცხლის მომნიჭებელი მზის ეგებერთელ ბირთვს, რომ საღამოთი მეორე კიდურს მიიფაროს და ღამის განმავლობაში კვლავ აღმოსავლეთ საწყისთან მიიტანოს. ეგვიპტელები სკარაბეის გამოსახულებებზე წერდნენ სხვადასხვა ტექსტებს „მიცვალებულთა წიგნიდან“ და მიცვალებულს უღებდნენ ამოჭრილი გულის ნაცვლად. ოზირისის სამსჯავროს წინაშე მას მართლად უნდა დაეხასიათებინა მიცვალებულის სამქვეყნო საქმეები. ამას გარდა, სკარაბეის ზედწერილები გადმოგვცემს ღირსშესანიშნავ ეპიზოდებს სახელმწიფოს ისტორიიდან ან მეფეთა და წარჩინებულთა ცხოვრებიდან და სხვ. სახელმწიფო ერმიტაჟში (ლენინგრადი), მაგალითად, დაცულია სკარაბეი, რომლის წარწერთაც ირკვევა, რომ ფარაონ აენხოტეპ III მისი მეფობის მეათე წელს უკვე 102 ლომი ჰყოლია მოკლული.

სკარაბეის დამზადება ეგვიპტელთაგან ისწავლეს უფრო გვიან სირიელებმა, ბერძნებმა და სხვა ხალხებმა. არაეგვიპტური ხელობის სკარაბეი აღვილად გაირჩევა ეგვიპტურისაგან. განმასხვავებელ ნიშანთა შორის ყურადღება უნდა მიექცეს წარწერებს. ბერძენთა და რომაელთაგან ამოკვეთილი იეროგლიფები ხშირად დამახინჯებულია და მხოლოდ დეკორატიულ ნიშნებადაა ქცეული.

ბრილს აღმოჩენილი სკარაბეიები ერთნაირი ტიპისაა. ისინი დამზადებულია ცისფერი ეგვიპტური პასტისაგან. ზომები მერყეობს: სიგრძე 10-11: მმ, სიფართო 7-8 მმ. გამოსახულებაზე კარგად გაირჩევა ხოქოს თავი და ფრთებგამყოფი ზოლი. მოჩანს ფეხებიც, მაგრამ სრულიად უგულებელყოფილია მწერის დამახასიათებელი სხვა წვრილმანი ნიშნები. მუცელზე ამოკვეთილია იეროგლიფები, რომლებშიც იკითხება ეგვიპტურ ღვთაებათა სახელები და ქება-დიდება, მაგრამ ზოგი იეროგლიფი იმდენად გადასხვაფერებულია, რომ უფრო ბერძნულ კერამიკულ მხატვრობას მოგვაგონებს, ვინემ ეგვიპტური დამწერლობის ნიშნებს. თითოეული სკარაბეი სიგრძივ გახერგეტილია ძაფზე ასასხმელად. ჩანს, მათ მძივებთან ერთად ატარებდნენ როგორც სამკაულს ან თავისებურ თილისმას, მაგრამ საუკუთა, რომ ჩვენში იგივე მნიშვნელობა მიეცათ მათთვის, რაც საც ეგვიპტური რელიგიური აზროვნება მიაწერდა.

ბრილის ტიპის სკარაბეი დიდი რაოდენობითაა აღმოჩენილი ქ. ნავკრატისში. ცნობილმა ეგვიპტოლოგმა ფლ. პეტრიმ იქ ამოთხარა ძვ. წ. VI—IV სს. თა-

ვისებური ფაბრიკის ნაშთები, სადაც ჩვენთვის საინტერესო სკარაბებისთან ერთად უმზადდებათ მინის მძივები, თიხის კურკელი და სხვ.

ნავკრატის ძველი ეგვიპტური ქალაქია მდ. ნილოსის დელტასთან, ვაქრობისათვის შეტად მოხერხებულ ადგილზე და თანაც მოგვიანო დედაქალაქის — საისის მახლობლად მდებარე. იქ ადრე შეადგინა ბერძნულმა ელემენტმა, ხოლო ძვ. წ. VII ს. დამლევს ისე მტკიცედ მოიკიდეს ფეხი ბერძნებმა, რომ უამრავი სახელოსნო მოაწყვეს და აღემბიციემის ფართო ქსელი გააბეს ეგვიპტესა და საბერძნეთს შორის. აქაური ბერძნული სახელოსნოები თითქმის მხოლოდ ექსპორტისთვის მუშაობდნენ. ნავკრატისული პროდუქცია, რომელიც ეგვიპტურის მიზამქვას წარმოადგენდა და ბერძნული კულტურის ძლიერ კვალს ატარებდა, შედიოდა ეგეოსის კუნძულებზე, სიცილიაში, იტალიაში, დასავლეთსა და აღმოსავლეთ ევროპაში, მათ შორის შავი ზღვის ჩრდილო სანაპიროებზე, და როგორც ახლა ირკვევა — საქართველოს მაღალმთიან რაიონებშიაც. მართლაც, ნავკრატისული სკარაბები გარდა ბრილისა აღმოჩენილია კუნძულ ბერეზანზე, ოლვიასა და ჩეგემის ხეობაში. უფრო გვიანდელი სკარაბეები, რომლებიც გამოსულია ქალექსანდრიის სახელოსნოებიდან, ნაპოვნია მცხეთაში, დიდუბეში, ჩრდილო ოსეთში, ყუბანსა და სხვა ადგილებში. ის საკითხი, თუ რა გზით მოხვდა ბრილში ნავკრატისული ან სხვა უცხოური ნაწარმი, ჯერ კიდევ საკვლევეია. საფიქრებელია, რომ ის შემოაქონდათ ბოსფორის სამეფოს მეშვეობით, თუმცა ბერძნული კოლონიები არსებობდნენ აგრეთვე შავი ზღვის აღმოსავლეთ სანაპიროებზე და ცხეთებში იყო ფაზისი, დიოსკურია და სხვა. უკვე ის ფაქტი, რომ ბრილში ძვ. წ. VI—V სს. სამარხში და აგრეთვე ლეჩხუმში აღმოჩენილია მხედართა მშვენიერი ქანდაკებები, ადასტურებს მიმოსვლის საშუალებათა განვითარებას. ქართველებს ადვილად შეეძლოთ შავი ზღვისპირა ბერძნულ კოლონიებში შეეძინათ მათთვის სასურველი უცხო ნაწარმი. ყოველ შემთხვევაში შემონახულია ძვ. წ. I საუკუნის ვითარების ამსახველი წერილობითი წყარო, რომლის მიხედვითაც დიოსკურიაში თავს იყრიდა სავაჭროდ ჩამოსული კავკასიელ მთიელთა მრავალი ტომი. უნდა ვიფიქროთ, რომ უფრო ადრინდელ დროშიც დაახლოებით მსგავსი სურათი იყო.

რომ ძვ. წ. VI და მომდევნო საუკუნეებში ქართველი მთიელები სარგებლობდნენ უცხო წარმოშობის საგნებითაც, ამაზე მიუთითებს აგრეთვე ყაზბეგის განძში შარავალი ზედწერილიანი ერთი ვერცხლის თეფში, ამობურცული სახეებით, მალმეტებით და გედის თავებით შემკული.

ყაზბეგის განძი, რომელსაც უფრო ახლო გავიცნობთ ქვემოთ, ამოთხროლია 1877 წ. გ. ფილიმონოვის მიერ; იგი მეტად ახლო ენათესავება ბრილის VII—VI სს. ძეგლებს, და უეჭველია წარმოადგენს განვითარებული რკინის კულტურის ყველაზე უფრო ბრწყინვალე ნიმუშს. მასში შემავალ აურაცხელ ნივთთაგან ყველა, გარდა ზემოხსენებული ვერცხლის თეფშისა, ადგილობრივი ხელობისაა. რაც შეეხება თეფშს, მის სამშობლოდ მიიჩნევენ ფინიკია — სირია — მცირე აზიას; თუმცა ამ ბოლო დრომდე იქ არაფერი მოიპოვებოდა მისი ორნამენტის შესადარებელი. 1936 წ. კი კუნძულ როდოსზე იალისოსის სამაროვნის გათხრებებისას, ზუსტად ასეთი ორი თეფში აღმოჩნდა ორფერდა სახურავიან ქვაყუთებში; მეტად მწიფი ინვენტარის თანხლებით, რომელიც დათარიღების საყრდენ-

ნად არ გამოდგება, მაგრამ თვით ქვაყუთების ტიპი ძვ. წ. VI საუკუნეზე მიუთითებს. იალისოსში მომხდარი აღმოჩენის საფუძველზე ყაზბეგის ვერცხლის თევში შეიძლება მიჩნეულ იქნეს ძვ. წ. VI ს. იონურ ნაწარმად. მართლაც სწორედ ამ დროს ეკუთვნის როდოსული ბრინჯაოს საგნების ძლიერი ექსპორტი, რაც მოწმდება იქაური ქურკლის აღმოჩენით ჰალმტატისდროინდელი იტალიის, სამხრეთ საფრანგეთის, სამხრეთ გერმანიის და ფინიკიის სამარხებში. გამოჩენილმა რუსმა არქეოლოგმა ბ. ფარმაკოვსკიმ თავის დროზე ბრწყინვალე მაგალითებით დაადასტურა იონურ-მცირეაზიური კულტურული ნაკადების შავიზღვისპირეთში შემომავლობაც. ყაზბეგური თევში ერთ ასეთ მაგალითად შეიძლება მივიჩნიოთ.

მაგრამ, როდესაც ჩვენ აღვნიშნავთ უცხო ქვეყნებთან საეკპრო ურთიერთობის გაფართოებას აღებულ ხანაში, რასაკვირველია, თავისთავად იგულისხმება ორმხრივი ურთიერთობა, ე. ი. არა მარტო იმპორტი, არამედ ექსპორტიც. წყაროები გვამცნობს იმ სიმდიდრის სახეებს, რითაც ქართველი ტომები ამარაგებდნენ მაშინდელ კულტურულ მსოფლიოს. ამ სიმდიდრის ნაწილი სამხრეთი, მცირეაზიური რაიონებიდან გადიოდა, ნაწილი კოლხეთის ბარიდან, ხოლო ზოგიც შავი ზღვის სამხრეთ სანაპიროზე მდებარე ქალაქების სინოპისა და ამისოს, მეშვეობით. საბერძნეთში გაქონდათ მცირე აზიის ქართველი მელითონე ტომების—ხალიბების მიერ დამზადებული შესანიშნავი რკინა; იმავე რაიონში წარმოებდა სპილენძის მადნის მოპოვება. განსაკუთრებით განთქმული იყო მრისნიკების ქვეყანაში ამოღებული სპილენძი და კოლხური ტილო, საგემთმშენებლო ხე-ტყე, თაფლი, სელი, ცვილი, ფისი და სხვ.

ამას გარდა, საქართველოს მთიანეთიდან, როგორც ჩანს, გაქონდათ ლითონის მზა ნაწარმიც. მაგალითისათვის შეიძლება დავიმოწმოთ ზოგიერთი აღმოჩენა სამოსში. 1894 წ. ივ, ე. წ. დსავაღეთ სამაროვანზე გაუთხრიათ ოთხი ნახანძრალი, სადაც თავის დროზე სრულდებოდა სულის საქმე მსხვერპლთშეწირვით. ცეცხლისაგან საკმაოდ დაზიანებული თიხის ქურკლის, ლითონის საგანთა და სხვა ნივთთა შორის აღმოჩნდა ბრინჯაოს ზარებიც. ეს ზარები ზუსტად ისეთივეა, როგორც ბრილის, ყაზბეგის და კავკასიის სხვა მთიანი ნაწილების კომპლექსებში შემავალი გვერდგაპრილი ზარები მაშინ, როდესაც მათი შესატყვისი საკუთრივ საბერძნეთის კონტინენტზე არ მოიპოვება. იმავე სამოსზე, ჰერაიონში აღმოჩენილი ზარებიც აგრეთვე წარმოადგენს ღებური, ყაზბეგურა, ბორული, ქამუნთური, ყობანური და აღმოსავლეთ ამიერკავკასიური დაფანჯრული ზარების განმეორებას. ამგვარად, უეჭველი ხდება, რომ საქართველო და კავკასია იმხანად ბრინჯაოს ნაწარმითაც ამარაგებდა ძველ ბერძნულ სამყაროს.

ქართველ ტომებს ახლო ურთიერთობა ჰქონდათ ჩრდილო შავიზღვისპირეთის და ვოლგისპირეთის ხალხებთანაც. ამ მხრით, სხვათა შორის, აღსანიშნავი არიან ტავრები და საერომატები. ბრილში ამოთხრილი ბევრი ნივთი — რომბისებრ დაბოლოებული დაგრეხილი კირკლები, რკინის სატევერები, მინის მძივების ერთი ნაწილი და აგრეთვე ზოგი სხვა სამკაული საოცარი სიზუსტით შეორდება მთიანი ყირიმის, კერძოდ ბაიდარის ხეობის ქვაყუთებში; ეს კია, რომ სამკაული იქ გაცილებით უფრო მცირერიცხოვანია, ვიდრე ბრილში, რაც გოწმობს კავკასიიდან ყირიმისაკენ მიმართულს და არა პირუკუ კულტურულ ნაკადს. რა-

კა-ყირიმის მატერიალური კულტურის დამაკავშირებელი შუალედი რგოლები ამ ბოლო დროს მიაკვლია ჩრდილო კავკასიაში (ნესტეროვის სამაროვანი) არქეოლოგმა ე. კრუპნოვმა. სრულიად უეკველი სიცხადით მოწმდება, რომ ქართულ-კავკასიურა ბრინჯაო, კერძოდ, საფეხურების მსგავსად შემალლებულ განიკვეთიანი ბალთები გაქონდათ ვოლგისა და კამის მხარეებშიც, ე. წ. ანანინოს კულტურის წრეში.

საერთოდ ძვ. წ. VII—III სს. ქართული კულტურა მეტად მკიდროდა და კავშირებული ჩრდილო, ჩრდილო-აღმოსავლეთ და ჩრდილო-დასავლეთ რაიონებში დამოწმებულ ძეგლებთან. ამ კავშირუროთიერობის მაუწყებელი ზოგიერთი საგანი შედის სახელმძოხვეკილ „ყაზბეგის განძშიც“.

ყაზბეგის განძი. სტეფანწმინდის ანუ ყაზბეგის განძი მოპოვებულია 1877 წ. გ. ფილიმონოვის მიერ. არქეოლოგიური გათხრის დროს გ. ფილიმონოვმა ეერ გამოიჩინა სათანადო წინდახედულება, რის შედეგად განძმა არასრულად და დაქსაქსულად მიაღწია სამეცნიერო დაწესებულებამდე; შემოღამეზის გამო გ. ფილიმონოვს გათხრა შეუჩერებია და ძეგლი დაუცველად მიუტოვებია. მეორე დილით მას ყველაფერი გადათხრილი და დატაცებული დახვედრია. მძარცველებმა, თურმე ნაწილ-ნაწილ და სხვადასხვა დროს გაჰყიდეს მტაცებული ნივთები. ზოგი მათგანი სამეცნიერო დაწესებულებებში მოხვდა, ზოგიც, ალბათ, სამუღამოდ დაიკარგა.

ამას გარდა, საეკეთა: მართლა განძია ის, რასაც „ყაზბეგის განძის“ სახელით ეიცნობთ. თუ სამარხეულ ინვენტარს წარმოადგენს. გამთხრელის დღიურები ამ მხრით ამომწურავ ცნობებს არ იძლევა.

ყაზბეგის განძში შედის რამდენიმე ასეული ნივთი: საკურველი, ცხენის აჯაზმულობა, კურკელი, სარტყლის მოწყობილობა, სამკაული და საკულტო დანიშნულების საგნები — უმთავრესად ქანდაკებანი და ზარები. იქ წარმოდგენილია თავისი დროისათვის ფართოდ გავრცელებული თითქმის ყველა ლითონი: ბრინჯაო, რკინა, ვერცხლი და თქრო. იქ არის თითქმის უეკველად უცხოური ვერცხლის თეფში, აგრეთვე ადგილობრივი ბრინჯაოს სამი სხვა კურკელი—მათარისებრი მოყვანილობის ორი სურა და ერთი ქუსლმალალი, პირგადმოწეული ცალყურიანი სიტულა, ბრინჯაოსტარიანი რკინის მახვილთა ნატეხები, ბრინჯაოს ორთავიანი კვერთხი, 22 მშვილდსაკინძი, ბრინჯაოს ფურცლის სარტყლები, კვირული ხელობის აბზინდებითურთ, ოქროს შეიდსხივიანი საყურე (მსგავსი ბრილურისა), აღვირ-უნაგირის სამკაულები — დიდრონი სათასმე ბალთები და ჟღარუნები (ეყენები), ღრუ, თანაც კედლებდაფანჯრული სფეროსებრი ფორმისა. ზედ შესკუბებული ქანდაკებებით, დროშის თავები რქადახვეული ცხვრის თავებითა და ადამიანთა ქანდაკებებით, ბრინჯაოს ირმები, სხვა ცხოველთა უღარესად სტილიზებული გამოსახულებანი, ზარები და მრავალი სხვა. აქურ ნივთთა მნიშვნელოვანი ნაწილი მეტად ორიგინალურია და სრულებით არაჰგავს ე. წ. ყობანურ ბრინჯაოს. განსაკუთრებით აღსანიშნავია დაფანჯრული ჟღარუნები და დროშის თავები ზემდგომი ანთროპომორფული ქანდაკებებით, ცხენის თავის გამოსახულებანი, ირმები და სხვ. ზოგ ჟღარუნებზე ჩიხები დგანან, ზოგზე უბელო ცხენები ტიტველი მხედრებით. ამ უქანასკნელთა სახეებაძლიერ ჰგვანან ბრილის მხედრისა და სამთავროს ოთხთავიანი ქანდაკების სახეს.

ერთ ნივთზე გამოსახული ყოფილა ცხერის რქებზე მდგარი სამი მამაკაცი, რომელთაგან მხოლოდ ორმა მოაღწია. ერთი მათგანი მეორეს სკრის თავს ბრძოლი ტიპის მოხრილი დანით. საყურადღებოა ბრინჯაოს ხარის (ზოგი ღიხეს ეძახის) ერთმანეთზე დადგმული რქები, რომელთა ზემოთ დგანან ორთავიანი კვერთხით თუ ლახტით აღქურვილი ტიტველ მამაკაცთა ითიფალური ქანდაკებანი; ხარის რქებზე ჩამოკიდებულია აგრეთვე გვერდგაქრილი ზარები, სრულიად იმგვარივე, როგორც ბრილის სამარხებში გვხვდება.

ცხოველის რქებზე მდგარი ანთროპომორფული ფიგურები, წინააზიური წესის მიხედვით, მხოლოდ ღვთაებანი შეიძლება იყვნენ. ხაზგასმული სასქესო ორგანოები, აგრეთვე მათს ტანზე მოთავსებული სპირალები და სოლარული ნიშნები გვაფიქრებინებს, რომ ისინი წარმოგვიდგენენ ნაყოფიერების ღვთაებას. ყაზბეგის განძსვე მიაკუთვნებენ აგრეთვე ბრინჯაოს ქინძისთავს, რომლის თავი მოგვაგონებს ორფერდა სახურავიან სახლს, ზედშესკულებული მხედრით. მას დიდი მნიშვნელობა ენიჭება უძველესი ქართული არქიტექტურული ძეგლების შესწავლის საქმეში. რომ ორფერდა სახურავიანი საცხოვრებელი სახლები ჩვენში გავრცელებული ყოფილა არა მარტო ყაზბეგის განძის ეპოქაში; ე. ო. ძვ. წ. VI საუკუნეში, არამედ აგრეთვე მომდევნო ხანაშიც, სახელობრ გვიანანტიკურ ხანაში, ამას მოწმობს, ერთის მხრით, ზემო სვანეთში (ჭუბურას სასოფლო საბჭოში) შემთხვევით აღმოჩენილი ოქროს სახლის მოდელი, რომელიც თითქმის ზედმიწევნით იმეორებს ყაზბეგური საკინძის თავს, ხოლო, მეორე მხრით, მცხეთაში გათხრილი ორფერდა სახურავიანი სამეფო აკლდამა, ქვის-სამარხები და სარკოფაგები.

მსგავსად ბრილის VII და მომდევნო საუკუნეების კომპლექსებისა, ყაზბეგის განძშიც შედის გვიანი ბრინჯაოს ხანის კოლხური კულტურისათვის დამახასიათებელი მშვილდსაკინძები. ამასთან, ზოგი მათგანი სიდიდით არც კი ჩამოუვარდება გვიანი ბრინჯაოს ხანის საკინძებს. ბრილის ზოგიერთი საკინძის მსგავსად, ყაზბეგური საკინძების დამახასიათებელი ნიშნებია დაგრებილი ან მძივისებრ შემსხვილებული მშვილდი და მეტად ფართო სანემსე ბუდე. მეორე ნიშანი მათ კარგად აკავშირებს აფხაზეთში აღმოჩენილ იმავლადინდელ საკინძებთან.

ყაზბეგის განძი არაერთი ავტორის განხილვის საგანი გამხდარა. ყველაზე სრული და საფუძვლიანი აღწერა-გამოკვლევა ეკუთვნით პ. უეაროვას და ა. ტალგენს.

ეს განძი მთელი რიგი ნივთების მიხედვით უკავშირდება ბრილურ კომპლექსებს და მათთან ერთად წარმოადგენს ერთი კულტურული წრის ნაყოფს. როგორც ბრილის კომპლექსებში, ისე ყაზბეგის განძში შემაჯავლი ძირითადი ელემენტების ერთი ნაწილი დამახასიათებელია მხოლოდ ქართულ-კავკასიური სამყაროსათვის, მეორე ნაწილი კი გავრცელებული ჩანს არა მარტო კავკასიაში, არამედ აგრეთვე ჰეროდოტესდროინდელ სკვითიაში. ამ უკანასკნელთა რიცხვს ეკუთვნის, მაგალითად, რკინის ცული, აკინაკი და შუბის პირი. მაგრამ მკვლევართა უმრავლესობა სამართლიანად ფიქრობს, რომ ეს საკუთრევი სკვითებში შესულია აღმოსავლური კულტურის წიაღიდან. სხვა საკითხია თუ რომელი ავტორი რომელ ხალხს მიიჩნევს სკვითური კულტურის ცალკეული ელემენტების შემოქმედად. სკვითები კრელ ეთნიკურ მასას წარმოადგენდნენ. ზოგი ავტორი

2. როსტოვეცისა და ე. მინსიდან მოკიდებული სკვითიის ძირითად ეთნიკურ ელემენტად მიიჩნეეს ჩრდილო ირანული მოდგმის ტომებს, ხოლო სკვითური კულტურის მთავარ წყაროდ — ირანულ კულტურას. ეს კია, რომ მ. როსტოვეცის ირანული კულტურა თავისთავად მოვლენად არ მიაჩნია. იგი სამართლიანად წერდა: რომ საკუთრივ სპარსული კულტურაც ნარევი ხასიათისაა, მასზე გავლენას ახდენდა ასურულ-ბაბილონური კულტურა, რომელსაც ძლიერად ქონდა შერეული ეგვიპტური და ფინიკური ელემენტები; გასათვალისწინებელია მცირეაზიური გავლენაცო. ამას გარდა, სამხრეთ რუსეთის ტრამალებზე გავლენას ახდენდა ხეთებისა და ხალდეების მიერ შექმნილ კულტურის ცენტრები, არა ირანის, არამედ კავკასიის მეშვეობით. ბევრ ავტორს უდავოდ მიაჩნია ამიერკავკასიური მანდეულის და ლითონის იმპორტი სკვითიაში. სკვითებში გასაერთიანებლად მზადდებოდა ბევრი მხატვრულად შემკული საგანიც.

სკვითური კულტურის თანამედროვე მკვლევარი ბ. გრაკოვი წერდა, რომ სკვითური კულტურა კომპლექსია ადგილობრივ და შემოტანილ საყოფაცხოვრებო ძეგლთა ფორმებისა. საკუთრველთაგან მხოლოდ მახვილი, შუბის ზოგი ფორმა და შესაძლოა ზომიერი ცული მომდინარეობს წინა აზიიდან. ისარი კი, სკვითის მთავარი საჭურველი, ადგილობრივ ტრადიციებზე აღმოცენდა. თვით ლაგამთა ძეგლის, ბრინჯაოსა და რკინის კონსტრუქცია ადგილობრივი განვითარების შედეგია, დამოუკიდებელი, მაგრამ წინააზიურის მსგავსი, ბრინჯაოს ქვებთა პროტოტიპები მოიპოვება კიმერულ კულტურაში. სკვითურ ცხოველურ სტილში ჩანს. რთული შერწყმა ტყიან-ტრამალეზიანი ზონის მოტივებისა წინააზიურ, იონურ და რომელიღაც მთიანი რაიონის მოტივებთან. მასასადაშე სკვითიაში საბრძოლო იარაღის მნიშვნელოვანი ნაწილი წინა აზია—კავკასიური ფორმების გავლენით უმზადდებიათ. მართლაც, კავკასიაში და, კერძოდ, საქართველოში გაცილებით უფრო დიდი რაოდენობით პოულობენ ე. წ. სკვითურ ცულებს და სატევრებს, ვიდრე სკვითიაში. დამახასიათებელია, რომ სკვითიის ერთერთ მთავარ ოლქში — მდ. სულის ხეობაში სულ ნაპოვნია 20 საომარი ცული, რაც სპარსობს ჰეროდოტეს მიერ აღწერილ მთელს სკვითიაში აღმოჩენილ ცულთა საერთო რაოდენობას. მართო ბრილში კი ასზე. მეტი რკინის ცულია ნაპოვნი. დიდი რაოდენობის ცული, ოღონდ მოგვიანო—ძვ. წ. V—IV სს. ტიპებისა, აღმოჩენილია სოხუმის მთის გათხრისას. ასეთივე სურათს იძლევა აღმოჩენილ სატევართა თანაფარდობა.

როგორც არ უნდა გადაწყდეს ჩვენთვის საინტერესო ცულებისა და სატევრების წარმომავლობა, ფაქტი კავკასიის ხალხთა მკიდრო ურთიერთობისა სკვითურ სამყაროსთან მაინც ურყევი რჩება. ჰეროდოტეს მიხედვით, ჩრდილო შავიზღვისპირეთიდან აყრილ კიმერიელებს უკან დაედევნენ სკვითები, რომელთაც რატომღაც სხვა გზით — დაღესტან-აზერბაიჯანის გზით — გაიარეს კავკასია და შეაღწიეს წინა აზიის რაიონებში. ზოგი თანამედროვე მკვლევარი ცდილობს. ჰეროდოტეს ცნობის საექვოდ გამოცხადებას და ე. წ. სკვითური იარაღის აღმოჩენის ყველა პუნქტს სკვითების ლაშქრის მარშრუტის შემადგენელ ნაწილად აცხადებს. ამიტომ, თუ ამ მკვლევრებს დავუჯერებთ, სკვითებმა კალიასავით მოსდგომიან მთელ კავკასიის ქედს და ყველა იმ გადმოსასვლელით უსარგებლნიან, რომლებიც სადღეისოდაა ცნობილი. ესენია არა მართო დერ-

ბენდისა და დარიალის კარები და მამისონის უღელტეხილი, არამედ აგრეთვე ისეთი სახიფათო გადმოსასვლელებიც, როგორც ლების, სუანეთისა და სხვა ბილიკებია „სკვითური“ ტიპის ნივთების კავკასიაში გავრცელებაც ამ ექსპანსიის წყალობითაა ახსნილი. მაგრამ, თუ საკითხს ზერელედ არ შიუღღებთ, აღმოჩნდება, რომ არც ჰეროდოტესეული ცნობაა ექვექვემ დასაყენებელი და არც „სკვითური“ საქურელის ჩვენში გავრცელება დასაკავშირებელი სკვითების წინააზიურ ლაშქრობასთან. სკვითების ლაშქრობას ძვ. წ. VII საუკუნითა ათარიღებენ, ხოლო ასეთ ძველ სამარხებში სკვითიის ტერიტორიაზე არც კი არის აღმოჩენილი აქინაკი და საომარი ცული. ყველაზე უფრო აღრინდელი „სკვითური“ აქინაკები ეკუთვნის ძვ. წ. VI საუკუნეს, მათ შორის მხოლოდ ზოგიერთია აღმოჩენილი საკუთრივ სკვითიის ტერიტორიაზე (მაგალითად, ლიტოი ყორღანში), სხვები კი დონის სამხრეთით (მაგალითად, კელერმესის, ყორღანში). ცხადია, სკვითები კავკასიაში VII საუკუნეში ვერ მოიტანდნენ იმას, რაც მათ არ გააჩნდათ. უფრო საფიქრებელია, რომ სკვითებმა ეს იარაღი გაიციეს ან კავკასია-წინა აზიაში ყოფნის დროს ან საკუთარ სამშობლოში, დარიოსის ლაშქრის შესვლის წყალობით. კავკასიიდან სკვითიაში იარაღის ფორმების გავრცელება სავსებით ბუნებრივია, ვინაიდან რკინის მადანიც აქედან გადიოდა. ყოველ შემთხვევაში სკვითიაში არაა აღმოჩენილი სამთამადნო თუ მეტალურგიული წარმოების ძვ. წ. IV საუკუნეზე უწინარესი კვალი. სკვითია მდებარეობდა ჩრდილოეთისაკენ მიმავალ იმ გზაზე, რომლის მეშვეობითაც უკვე ძვ. წ. VI საუკუნიდან მოკიდებული ბლომად შემოდის საქართველოში ბალტიისპირეთის ქარვა. იგი ხშირად ჩნდება ბრილის სამარხებში, უფრომოდ მივივების სახით. სამაგიეროდ, ქარვით მოვაკრეები სკვითიაში ტოვებდნენ კავკასიური რკინისა და ბრინჯაოს ნაწარმს ან ნახევარფაბრიკატებს, ავრცელებდნენ რკინის დამუშავების წესებს.

აქედან თავისთავად ცხადი ხდება ქართული კულტურის როლი სკვითური კულტურის ფორმირების საქმეში. სტრაბონის მიხედვით ჩანს, რომ სკვითები ქართველ ტომებს კიდევაც ემუზობლებოდნენ და კიდევაც ენათესავებოდნენ. აქად. ივ. ჭავჭავაძის მიხედვითაც საკმაოდ დამაჯერებელი მოსაზრება წამოაყენა სკვითურ-შარომატული ტომების ქართველებთან მონათესაობის შესახებ. უნდა ვიფიქროთ, რომ შემდეგდროინდელი ქართველი ხალხის ეთნიკურ სუბსტრატში სკვითური ელემენტიც მონაწილეობდა. მუზობლობა და ნათესაობა თავისთავად კარგი პირობაა კულტურული ნაკადების ურთიერთგაზიარებისა.

ძველი თაობის არქეოლოგებს აზრადაც არ მოსვლიათ დაენახათ სკვითურ კულტურაში კოლხური ნაკადები, მაგრამ სრულებით შეუგნებლად მიანიც ადასტურებდნენ ასეთი ნაკადების არსებობას. დავკმაყოფილებით ერთი ასეთი მაგალითის მოტანით: კარგად ცნობილ „სემიბრატივის“ მეორე ყორღანში, რომელიც ძვ. წ. V საუკუნეს ეკუთვნის, უამრავ ნივთთა შორის აღმოჩნდა ტანსაცმელზე დასაკერებელი ოქროს ფირფიტები ზედ გამოსახული ქალის თავებით და ხარის ან ძროხის პროტომებით. სამხრეთ რუსეთის კლასიკური სიძველეების მკვლევარი სტეფანი გოცებელი იყო იმით, რომ ზემოაღნიშნული გამოსახულებანი ზედმიწევნით ჰგავან გამოსახულებებს „ვერცხლის წვრილ ფულზე, რომელიც გვხვდება რუსეთის (იმპერიის) სამხრეთ ნაწილში“. ეს

„წერილი ფული“ კოლხური თეთრია, ხოლო „რუსეთის (იმპერიის) სამხრეთ ნაწილად“ დასავლეთ საქართველო იგულისხმებოდა, მაგრამ სტეფანის არ უნდოდა დაენახა ქართული გავლენა სკვითურ კულტურაზე და კატეგორიულად უარყოფდა მოსაზრებას ამ მონეტების კოლხეთში მოკრის შესახებ. ახლა საყოველთაოდაა ცნობილი, რომ ზემოხსენებული მონეტების სამშობლო დასავლეთ საქართველოა და თუ კავკასიის ქედს მიღმა კოლხური თეთრის მხატვრობა მეორედება, აშკარად უნდა მოწმობდეს იქ ქართული კულტურის ნაკადების არსებობას.

§ 10. ბრინჯაოსა და რკინის მებაღურების საწინისი საფეხური

ზაფხუქველი გვაქვს ვივარაუდოთ, რომ კავკასია და წინა აზიის ტერიტორიის მნიშვნელოვანი ნაწილი წარმოადგენდა ქართული კულტურის აკვანს. ცნობილია, რომ ასურელ მეფეთა წარწერები ზოგიერთ ქართველ ტომს იხსენიებენ კაპადოკიაში. ასევე იქცევა ძველი ებრაული და ბერძნული მწერლობაც.

ძვ. წ. IX ს. ლურსმნული დამწერლობის ძეგლების მიხედვით ჩანს, რომ ასურელებისათვის განკუთვნილ ხარკში მუსკები, ე. ი. მეშები (იგივე მოსხი, მესხი), სხვათა შორის, იხდიდნენ თითბრის ჭურჭელსაც. ტაბალები, ე. ი. თობალი (იგივე ტიბარენი, იბერი) და სხვა მათებრ დაპყრობილი ტომები იმავე ასურელებს აძლევდნენ ვერცხლს, ოქროს, ტყვიასა და თითბერს — სალმანასარ II დროს, და ვერცხლს, ტყვიასა და რკინას — სალმანასარ III დროს. ძვ. წ. 837 წელს ასურელებს ტაბალის ვერცხლის მალაროებიც დაუპყრიათ.

ასურულ წყაროებში ტაბალის და მუსკის მალაროებისა და ლითონის ჭურჭლის მოხსენიება შესაძლებლობას გვაძლევს, რომ ამ ტომების მეურნეობაში დავინახოთ არა მარტო მეტალურგიისა და ხელოსნობის დიდი როლი, არამედ აღნიშნული დარგების განვითარებაც ადგილობრივი ნედლეულის მოპოვების ბაზაზე.

უფრო გვიანდელი, ძვ. წ. VI ს. ებრაელი ავტორი ეზეკიელი თობელისა და შოსოხის შესახებ კიდევ ახალ, დამატებით ცნობას იძლევა: „იოვანი, თობელ და მოსოხ ვაქრობდნენ შენ შორის (ე. ი. ფინიკიის ქალაქ ტვიროსში) სულეზსა კაცთასა, და ჭურჭელნი რვალისანი მისცნეს საეპკროდ შენდა“. ბიბლიური მწერლის ამ მოკლე ფრაზის მიხედვითაც კარგად ჩანს, რომ ამ ორი ქართველი ტომის მეტალურგიული წარმოების მნიშვნელობა ლითონის ნაწარმზე საკუთარი მოთხოვნილების დაკმაყოფილებას სცილდებოდა, და ლითონის ნაწარმი ფინიკიის ქალაქებთან ვაჭრობის საგნად იყო ქცეული. იმავე ცნობის ის ნაწილი, რომელშიც კაცთა სულებით ვაჭრობაზეა საუბარი, სოციალური უთანასწორობის ისეთ საფეხურს მოწმობს, რომელზეც მონებს აგროვებდნენ არა მარტო ტყვეების სახით — ომიანობის დროს, არამედ ლითონის ნაწარმზე გაცვლის გზითაც — მშვიდობიან პერიოდში. გამორიცხული არაა შესაძლებლობა, რომ ნაყიდ მონებს იყენებდნენ სამთამადნო წარმოებაშიც. თობელის, როგორც დაწინაურებული მეტალურგის სახელი მოწმდება „დაბადების“ პირველი წიგნის ავტორის სიტყვითაც: თობელი „ესე იყო კვერით ხურობ მქედელი რვალისა და რკინისა“.

ანტიკურ ხანაში ქართველი ტომებიც, მათი წინაპრების მსგავსად, ინარჩუნებდნენ მოწინავე მემთამადნეთა და მეტალურგთა სახელს. მაგალითად, მოსი-


ნიკები, რომლებიც კოტიორასა და ტრაპეზუნტს შორის არიან დამოწმებულნი, ფსევდო არისტოტელეს მიხედვით, სახელმოხვეჭილი იყვნენ თავისებური სპორულენძისა და ბრინჯაოს დამუშავებით. სპილენძში ისინი, თურმე ურევდნენ არა კალას, არამედ ერთგვარ თეთრ მიწას, რომელიც შენადნობს მეტად მაღალხარისხოვანს ხლიდა. იგივე ავტორი, აგრეთვე აპოლონ როდოსელი და სხვანი მოგვითხრობენ მოსინიკთა მეზობლების — ხალიბების რკინის წარმოებაზე. ამოჩაღლთა ქალაქებს იქითო, წერს აპოლონ როდოსელი, მკაცრსა და კლდოვან ქვეყანაში ცხოვრობენ ადამიანთა შორის უუბედურესი მუშა ხალიბები, რომლებიც რკინის დამუშავებას მისდევენ. აპოლონ როდოსელის „არგონავტიკის“ სქოლიოთა ავტორი კი იმასაც გვამცნობს, რომ კალიმაქე ხალიბებს თვლიდა რკინას გამომგონებლებად და ამიტომ წყევლა-კრულვითაც იხსენიებდა მათო: „დეე დაიღუპოს ხალიბთა მოდგმა, რომელმაც დედამიწიდან ამოზიდული ეს ბოროტი ქმნილება გამოიგონაო“. რომ რკინის მეტალურგია ხალიბების მეურნეობის მთავარ დარგს წარმოადგენდა, კარგად მოჩანს „არგონავტიკის“ სათანადო ადგილის მიხედვით: ხალიბებსო, ვკითხულობთ იქ, არაფერი ესაქმებათ არც ხარებთან, არც ხვნა-თესვასთან, არც ტყბილნაყოფიან ბაღებთან. ისინი არ აძოვებენ ნაზირს ნამიან ველებზე, არამედ თხრიან რკინის შემცველ მაგარ მიწას და რკინასა სცვლიან საარსებო საშუალებებზე; ხალიბები არასოდეს უშრომლად არ ხვდებიან განთიადს, არამედ მძიმე შრომას ეწევიან შავ ბოლსა და ქვარტლში. ყალბი არისტოტელე ხომ, როგორც ვიცით, ქებით იხსენიებს ხალიბთა რკინას და გვამცნობს მისი დამზადების არაჩვეულებრივ წესს: რკინას აღნობდნენ მდინარეების მიერ მოტანილი ქვიშისაგან მისი რამდენიმე გზის გარეცხის შემდეგ; ამგვარად გასუფთავებულ ქვიშაში ურევდნენ ხალიბთა ქვეყნის ერთგვარ ქვას და გამოდნობის შემდეგ ღებულობდნენ უყანგველ რკინასო. თუ ამ ცნობას თანამედროვე არქეოლოგიისა და ეთნოგრაფიის მონაპოვრის ფონზე გავიხილავთ, დავინახავთ როგორც მის ქემშარიტ ხასიათს, ისე მასში აღწერილი ზოგიერთი მომენტის ხანგრძლივ სიცოცხლის უნარს. მაგალითად, არქეოლოგი ნ. ხოშტარია ამოწმებს ურკის ზღვის სანაპიროს მაგნეტიტიანი ქვიშის გამოყენებას რკინის გამოსადნობ ნედლეულად, რაც შეესატყვისება ფსევდო არისტოტელეს ცნობის პირველ ნაწილს. ამ ცნობის მეორე ნაწილის დამადასტურებელ ფაქტს წარმოადგენს საგანგებო ნივთიერების — „ფაშას“ — შერევა გამოსადნობ რკინის მადანში, რაც ეთნოგრაფ ნ. რეხვიაშვილის მიხედვით წედურს მეტალურგიაში იყო მიღებული.

ლითონდამუშავების საქმეში დაწინაურებული ანტიკური ხანის ზოგი სხვა ქართველი ტომიც. ძვ. წ. V საუკუნის გასულს ელინ მოლაშქრეთ კარდუხთა დაცარიელებულ სოფლებში დიდი რაოდენობით უნახავთ ბრინჯაოს ნივთებქსენოფონტეს მოთხრობიდან ჩანს, რომ ბერძნებს თვალი დარჩენიათ. ამ ნივთებზე. კარდუხები ცხოვრობდნენ ტიგროსის სათავეების მაღალმთიან რაიონში, რომელიც მდიდარია მადნეულით, და სადაც მიკვლეულია მეტად საგულისხმო უძველესი სამთამადნო წარმოების ნაშთები. ამიტომ სრულიად ბუნებრივი იქნება, თუ კარდუხთა ზემოხსენებულ ნივთებს ადგილობრივ ნამზადლ მივიჩნევთ.


ქარღუხთა ჩრდილოეთით კაბალასთან, სვისპირიტიდაში (სასუბარო ანუ სპერი) სტრაბონი ასახელებს ოქროს მალაროებს. ჩანს, რომ სამთამადნო წარმოებას ამ რაიონში მნიშვნელოვანი როლი ეკუთვნოდა.

კიდევ ბევრი სხვა ცნობაა შემონახული, ქართველ ტომებში მეტალურგიის განვითარებას რომ გვაუწყებს. ამ მხრივ მნიშვნელოვანია მითები არგონაკტებზე და ამირანზე, რომლებშიც ასახულია გაცილებით უფრო ძველი ვითარება, ვინემ ასურულ და ბერძნულ ისტორიულ წყაროებში. ასევე ძველი ამბები ასახულია ჰომეროსის პოემებში. სტრაბონის ცნობით, ჰომეროსთან მოხსენებული ალიბთა ქვეყანა იგივე ხალიბთა ქვეყანაა. ჰომეროსის მიხედვით კი ვიცით, რომ ტროადის ომში ტროადელთა მხარეზე იბრძოდნენ ოდისეესის და ეპისტოპის მიერ შორეული ალიბიდან (რომელიც ვერცხლის სამშობლოდ იყო მიჩნეული) მოყვანილი ჰალოზონები. ამასთან დაკავშირებით სტრაბონი განმარტავს, რომ თუმცა ჩემს დროს ხალიბები რკინის დამუშავებას მისდევენ, ძველად კი ვერცხლის მალაროებიც უმუშავებიათო. მითი არგონაკტთა ლაშქრობის შესახებ კოლხეთში ტროადის ომზე უწინარეს დროს განეკუთვნება. ჩანს, რომ უკვე იმ შორეულ დროში კოლხეთი განთქმული ყოფილა ოქროსა და სპილენძის მოპოვება-დამუშავებით. ოქროს მოპოვებაზე მითითებებს საწმისი, რომელიც დიდხანს წარმოადგენდა ოქროსმამოძებელთა იარაღს, და რომლის მოტაცებაც არგონაკტთა ლაშქრობის მთავარ მიზანს წარმოადგენდა. სპილენძის წარმოებას კი მოწმობს სპილენძის-ჩლიქებიანი ხარები, რომლებსაც მიწის დასამუშავებლად იყენებდნენ. ამ შემთხვევაში ჩვენს წინაშეა ცნობა, რომლის მიხედვითაც ივარაუდება ლითონის შექმრა მიწათმოქმედებაში. ასევე ძველი, ადრეული ლითონის ხანის ამსახველია „ამირანიანი“, თუმცა მასში გაირჩევა უფრო მოკვიანო, რკინის ხანის ელემენტებიც.


ამგვარად, ძველი წერილობითი წყაროებისა და მრთითების საფუძველზე კაპადოკიასა და შავი ზღვის სამხრეთ და აღმოსავლეთ სანაპიროზე მცხოვრები ქართველი ტომები დაწინაურებული მეტალურგიის მატარებელნი ყოფილან. ამიტომ არის, რომ კულტურის ისტორიის მკვლევარი გვერდს ვერ უვლიან აღნიშნულ რაიონებს და წერენ მათ დიდ როლზე ძველი სამყაროს ლითონებით მომარაგების საქმეში. ე. დემორგანი ფართოდ იყენებდა წერილობითი წყაროების მოწმობას მცირე აზიისა და კავკასიის მადნეული საბადოების უკვე ძვ. წ. XII ს-დან ექსპლუატაციის დასამტკიცებლად, ხოლო უფრო გვიან წერდა წინა აზიის ჩრდილო ნაწილზე, როგორც მთელი ძველი სამყაროს მეტალურგიის ცენტრზე. თანამედროვე მკვლევარი რ. ფორბესი, თუმცა არ იზიარებს რ. ვირხოვის მოსაზრებას, რომ სპილენძის მეტალურგია პირველად გამოიგონეს სახელგანთქმულმა ხალაბებმა და მოსინიკებმა, მაგრამ იმას კი უჭველად მიიჩნევს, რომ პონტოს მხარე წარმოადგენს მეტალურგიის ყველაზე მნიშვნელოვან მეორად ცენტრს, სადაც ამას გარდა ბევრი სხვა აღმოჩენა-გამოგონებაც მოხდა. საბჭოთა მეცნიერის რ. შმიდტის აზრით, პონტოს მხარე, სადაც ხალიბებს ათავსებენ, უჭველია, ძველთაგანვე მდიდარი იყო ლითონებით. ჰამილტონმა, რომელიც ამ ადგილებში მოგზაურობდა, ნახა ძველი სადნობი ღუმელების, კერებისა და წიდის ნაშთები. ცნობილი საბჭოთა არქეოლოგი ვ. გაიდუქევიჩი წერს, რომ „ხალიბების ქვეყანა შავი ზღვის სამხრეთ-აღმოსავლეთ სანაპიროზე განთქმული იყო მარცხე მეტალურგებით. იქაური მაღალხარისხოვანი რკინა და ფოლადი სინოპისა და ამისოს



1



2



3

გზით გაჰქონდათ საბერძნეთში. სინოპური ფოლადი განსაკუთრებით კარგი იყო საღურგლო იარაღებისათვის. შავი ზღვის სანაპიროზე ამუშავებდნენ სპილენძის მადნებსაც, ამასთან განსაკუთრებით სუფთად იყო მიჩნეული იმ ქვეყნის სპილენძი, სადაც ცხოვრობდა მოსინიკთა ტომი“. ცნობილია აგრეთვე, თუ რა დიდმნიშვნელოვნად თელის პონტოს მხარეს ძველი მეტალურგიის განვითარების საქმეში ა. იესენი.

რაც შეეხება იმ ძველ ქართველ ტომებს, რომელნიც ოდიდანვე პონტოს ჩრდილოეთით, კავკასიის ტერიტორიაზე სახლობდნენ, უცხო წერილობითი წყაროები მათ შესახებ არაფერს ამბობს. ეს იმიტომ რომ კავკასიელი ქართველები გეოგრაფიულად საკმაოდ დაშორებული იყვნენ დაშვერობის მქონე წინა აზიის სახელმწიფოებრივ გაერთიანებათა კონტაქტის ზონიდან. ცალკეული ექსპედიციების დაკვირვებანი შემოინახა მხოლოდ მითებში.

საქართველოში სამთამადნო და მეტალურგიული წარმოების მაუწყებელი ეროვნული წერილობითი ძეგლები მცირერიცხოვანია. საილუსტრაციოდ შეიძლება დავასახელოთ „სარკინეს“ მითთება „ქართლის ცხოვრებაში“, რომლის მიხედვითაც ვტყობილობთ, რომ ამ ადგილას ყოფილა უძველესი სარკინე ქალაქი, რომელიც ელინისტურ ხანაში შემუსვრილა. არქეოლოგიური გათხრა, რომელიც ძველს სარკინეთში დაიწყო, ადასტურებს წერილობითი წყაროების ჩვენებას. რკინამ გაცილებით უფრო მტკიცედ და ხანგრძლივად დაიმკვიდრა წამყვანი ადგილი სამეურნეო ყოფაში, ვიდრე სპილენძმა და ბრინჯაომ. ის თითქმის სამი ათასი წლის წინათაც წარმოადგენდა ყოველდღიური ცხოვრების აუცილებელ საგანს. რკინამ აჯობა ეპოქის შემქმნელ სხვა ლითონებს დღეგრძელობითაც და სამფლობელო სფეროს უსაზღვრობითაც. რკინის კულტურის დამკვიდრებით საბოლოოდ დამთავრდა იარაღის წარმოებაში ქვის ხანის გადმონაშთთა ლიკვიდაცია. რკინის კულტურამ დაამთავრა აგრეთვე კაცობრიობის უდიდესი უმრავლესობის აყვანა პირველყოფილი თემური წყობილების საფეხურიდან კლასობრივი საზოგადოებისა და სახელმწიფოებრიობის საფეხურებზე.

რკინის ეს უდიდესი მნიშვნელობა საზოგადოების კულტურის განვითარებაში, ისევე როგორც მიზეზები ამ ლითონის მოპოვება-გამოყენების დაგვიანებისა, აიხსნება მისი ფიზიკურ-ქიმიური თვისებებით. რკინის იარაღის სახმარი თვისებები შეუდარებლად სკობნის ქვის, სპილენძის, თუნდაც ბრინჯაოს საუკეთესო იარაღის თვისებებს. რკინის იარაღი, რაკი იგი მცოდნე ხელოსანმა დაამზადა, ადვილად არ ჩლუნვდება და ეფექტურად ასრულებს თავის დანიშნულებას. მისი ფხის მკვეთელობამ და სიმტკიცემ ქვისა და ბრინჯაოს იარაღთან შედარებით უზრუნველყო თავისი ჰიცოცხლისუნარიანობა და მომხმარებელ საზოგადოებაში შრომისნაყოფიერების არაჩვეულებრივი ზრდა, დოვლათის დაგროვება არა მარტო უშუალო მწარმოებელთა მოთხოვნილების დასაკმაყოფილებლად. ამიტომ იყო, რომ ფრ. ენგელსი რკინის ხანას უწოდებდა რკინის მახვილის, რკინის სახნისისა და რკინის ცულის ეპოქას; ხოლო რკინას თვლიდა ნედლეულთა შორის ყველაზე უმნიშვნელოვანეს ნედლეულად. წინააღმდეგ სპილენძისა და მით უმეტეს კალის საბადოებისა, რკინის მადნის რესურსები მოიპოვება თითქმის ყველა მხარესა და ქვეყანაში. თუმცა ეს საბადოები ყოველთვის მძლავრი არაა თანამედროვე მეტალურგიის თვალსაზრისით, მაგრამ სრულყოფილ საქმად

იქნებოდა მაშინდელ საზოგადოებათა მოთხოვნილებების დასაკმაყოფილებლად. ეს გარემოება გახდა მიზეზი რკინის ინდუსტრიისა და რკინის კულტურის ფართოდ, კილით-კილემდე განვრცობისა. მაგრამ, მიუხედავად ამ უპირატესობებისა, რკინა კაცობრიობის ისტორიაში, როგორც ზემოთ ითქვა, მაინც გვიან შემოიჭრა. ეს მოხდა იმიტომ, რომ მისი მიღება-დამუშავება კულტურის განსაზღვრულ საფეხურამდე მოუხერხებელი იყო. თუ სპილენძის მადნის გასადნობად ზოგიერთ შემთხვევაში მაინც შეეძლოთ ღია კოცონი ან პრიმიტიული ქურა გამოეყენებინათ, რკინის მადნის დაწურვა მოითხოვდა სათანადო ნაგებობას, რომელშიც 900° სიმშრავლე მაინც უნდა განვითარებულიყო, ხოლო წილით დანაგვიანებული ამ რკინის ხელახლა გასადნობად და გასაწმენდად საჭირო იყო 1530° სიმშრავლე. ისიც აღსანიშნავია, რომ პრიმიტიული წესით გამოდნარი რკინა, თუ იგი ამის შემდეგ დამუშავებული არ იქნა საგანგებო კედლით, მეტად უხარისხოა, ბრინჯაოზე უფრო რბილი და თანაც ადვილად იქანგება. იყო კიდევ ერთი თვისება რკინისა, რომელიც აგვიანებდა მის ჩადგომას ადამიანის სამსახურში. ეს არის მისი უუნარობა ისე კარგად ჩამოისხას ყალიბში, როგორც ბრინჯაო ისხმება ხოლმე.

რკინის ფიზიკურ-ქიმიური თვისებურებების შეცნობას კაცობრიობა დიდხანს მოუხდა. ზოგიერთ ქვეყანაში უნებლიეთმა ექსპერიმენტებმა 200-ზე მეტი წელი გასტანა, სანამ მიაკვლევდნენ, რომ ხის ნახშირზე გამოდნარი რკინა ხელახლა უნდა გაეკარვარებინათ მრავალგზის და ამ მდგომარეობაში ექვდათ მანამ, სანამ ზოდი არ განთავისუფლდებოდა უხვად შერჩენილი წიღისაგან და ნახშირზე გახურებისა და ქონში ან წყალში სათანადო წრთობის გზით არ მიიღებდა ფოლადის თვისებებს, ურომლისოდაც მისგან დამზადებული იარაღი ჩლუნგა და მოუსახმარი გამოდის.

სად და როდის მიაკვლიეს პირველად რკინის დამუშავების ამ საიდუმლოებას, ჩერჩვრობით ცნობილი არაა, მაგრამ ის კი ცხადია, რომ ერთეული რკინის ნივთები, ოღონდ არა მადნისეული, არამედ უპირატესად მეტეორიტული რკინისა, თავს იჩენს ძველი სამეფოს დროინდელ ეგვიპტურ სამარხებში, ე. ი. ძვ. წ. IV და III ათასწლეულებში. III ათასწლეულში რკინის ცალკეულ სამკაულებს ხმარობდნენ შუამდინარეთშიაც. საყურადღებოა, რომ მიუხედავად რკინის ასე ადრეული გამოჩენისა, ეგვიპტეში ნამდვილი რკინის ხანა დაიწყო მხოლოდ ძვ. წ. VII—VI საუკუნეებში, ვინაიდან ეს ქვეყანა ძლიერ ღარიბია მადნის სადნობად აუცილებელი ხე-ტყით. შუამდინარეთში კი რკინის მეტალურგიის აყვავებას ხელს უშლიდა მადნეული რესურსების არარსებობა.

ნამდვილი რკინის ხანაც, ე. ი. დრო, როცა ძირითადი საწარმოო იარაღი და საჭურველი მადნისეული რკინისაგან მზადდება, ყველგან ერთად არ დამდგარა. რკინის კულტურის დასაწყისი სხვადასხვა ქვეყნებში სხვადასხვა საუკუნეში დადგა. ეს იმას არ ნიშნავს, რომ რკინის მეტალურგიის გავრცელებაში ვადამწყვეტი მნიშვნელობა ჰქონდა ცოდნის გატანა-გაზიარებას, თუმცა ბევრ შემთხვევაში არც უამისობაა სავარაუდებელი. ცნობილია, რომ პირველყოფილ საზოგადოებაშიც კი ჰქონდა ადგილი მატერიალურ ფასეულობათა გაცვლას, დამით უმეტეს სავარაუდებელია, რომ შედარებით დაწინაურებული ქვეყნები ადვილად გაავრცელებდნენ საკაცობრიო კულტურის ისეთ მონაპოვარს, როგორცაა რკინის დაწურვისა და წრთობის წესი. წერილობითი და მატერიალური კულ-

ტურის ძეგლები ერთხმად მოწმობს, რომ ხარისხიანი რკინის მასობრივი წარმოება უკვე ძვ. წ. II ათასწლეულის პირველი ნახევრის დამლევსა და მეორე ნახევარში დაიწყო ხეთურ-მიტანურ სამყაროში. ცნობილია, რომ ხეთების მეფეს გაუგზავნია რკინით დატვირთული გემი, როგორც ძვირფასი საჩუქარი, ეგვიპტის ფარაონსათვის. იაზილიკიას კლდის ხეთურ რელიეფთა შორის ვარაუდობენ რკინის დამამუშავებელი მანქანის გამოყენებას. მიტანური წარმომავლობის პოლიმეტალურ საომარ ცულს უგარიტიდან კარგად ნაწრთობი რკინის პირი აქვს და მოწმობს რკინის მეტალურგის დაწინაურებას ძვ. წ. XV—XIV სს. წინა აზიაში.

რკინის კულტურის ერთერთ უძველეს კერად მიჩნეულია კავკასია-საქართველოს სამხრეთით მდებარე ნაირი-ურარტუს, ქვეყანა, რომელსაც მართლაც ჰქონდა კარგი ბუნებრივი პირობები — უხვლითონიანი მადნის საბადოები და საკმაო რაოდენობის საწვავი მასალა. მაგრამ მეცნიერებას ჯერ კიდევ დიდი შრომა უძევს წინ დამატებითი საბუთების მისაკვლევად, ვინაიდან არც ასურელ მეფეთა ნატყევენ სიმდიდრეთა სიებში და არც მატერიალური კულტურის ნაშთთა შორის არ გამოიკნობა ძვ. წ. VIII—VII სს. უწინარესი ურარტული რკინა. ამ დროის რკინის ურარტული იარაღი და საჭურველი კი ძლიერ დიდი რაოდენობითა აღმოჩენილი როგორც ტუშპას (ვანის), ისე თეიშებაინის (კარმირ-ბლურის) გათხრების წყალობით.

საქართველო-კავკასიის ჩრდილოეთით და ჩრდილო-აღმოსავლეთით მდებარე მხარეებში რკინის იარაღი პირველად ჩნდება ძვ. წ. VII—VI საუკუნეებში, მაგრამ არც ეს იარაღ-საჭურველი გამოირჩევა ორიგინალობით და არც ამ დროის ადგილობრივი წარმოების კარგად დათარიღებული კვალი მოჩანს სადმე. რკინის წარმოების ნაშთები სამხრეთ რუსეთში ცნობილ კამენკას გამაგრებულ მოსახლობაზე, ყველა ნიშნის მიხედვით, ძვ. წ. IV—III საუკუნეებისა ჩანს.

რაც შეეხება საკუთრივ საქართველოსა და კავკასიას, აქ, ისევე როგორც დასავლეთ და სამხრეთ ევროპაში, რკინის ხანა დგება ძვ. წ. I ათასწლეულის დასაწყისში. რკინის ხანის პირველი ნახევარი, რომელიც დასავლეთ ევროპის პალმეტატის სინქრონულია, ხასიათდება პირველყოფილი თემური წყობილების რღვევის პროცესის გაძლიერებით ჩვენ ტერიტორიაზე, ხოლო მეორე ნახევარში, რომელიც ემთხვევა დასავლეთ ევროპის ლატენსა და ბერძნულ-რომაულ ანტიკურ ხანას, ძირითადად მთავრდება აღმოსავლურ და დასავლურ-ქართული ტომების სახელმწიფოებრივი გაერთიანება. ეს მოხდა შრომისნაყოფიერებას სწრაფი ზრდის საფუძველზე, რაშიაც რკინის იარაღმა გადამწყვეტი როლი შეასრულა.

ქართველი ტომები რკინის ხანის დასაწყისისათვის უკვე იყვნენ დიდი მეტალურგიული ტრადიციების მატარებელნი. მათ ჰქონდათ სპილენძის, ანტიმონის, დარიშხნისა და სხვა ფერადი ლითონების მოპოვება-დამუშავების მდიდარი, მრავალსაუკუნოვანი გამოცდილება. ამიტომ რკინის წარმოების კულტურაც სწრაფად დაინერგა აქ და დაიწყო ახალი ლითონის მასობრივად შექრა ხალხის ყოფაცხოვრებაში. არაა გამორიცხული შესაძლებლობა, რომ მეტალურგის ეს დარგი კავკასიელ ქართველ ტომებს პირველად გაეცნოთ მათი სამხრეთელი ნათესავეებისა და მეზობლებისაგან, მაგრამ ზოგიერთი ანგარიშგასაწევი ფაქტი მოწმობს მის დამოუკიდებელ აღმოცენება-განვითარებას. საქმე ისაა, რომ ან-

ტიკური მწერლობის ტრადიცია ხარისხიანი რკინის პირველ გამოგონებლებად მიიჩნევა ხალიბებს, რომლებიც ყველა ნიშნის მიხედვით ცხოვრობდნენ ამიერკავკასიის სამხრეთით, მომიჯნავე ტერიტორიაზე. ბერძნული ცნობების მეშვეობით ირკვევა, რომ ხალიბების მთავარ საქმიანობას წარმოადგენდა რკინის მოთხრა, დაწურვა და დამუშავება; ისინი ისე დახელოვნდნენ ამ საქმეში, რომ მათ პროდუქციას ბადალი არ ჰქონდა იმდროინდელ სამყაროში. როგორც ითქვა, მაღალხარისხოვანი რკინის მიღების განსაკუთრებული წესიც ჰქონდათ თურმე ხალიბებს: ისინი ერთგვარ მიწას ურევდნენ მადანში და ამგვარად სწურავდნენ რკინას, რომელსაც სახელი ჰქონდა განთქმული მსოფლიოში. თვით ბერძნებს ფოლადისათვის რკინის ამ საუკეთესო ოსტატების — ხალიბთა სახელი შეურქმევიათ. ეს ტომი ცნობილი იყო არა მარტო ანტიკურ ეპოქაში, არამედ ისხენიება ჰომეროსთანაც, როგორც ტროადის ომის მონაწილე. ყველაფერი ეს გვაფიქრებინებს, რომ ამ ქართველ ტომში მეტალურგიული გამოცდილება უკვე იყო ძვ. წ. II ათასწლეულის ბოლო საუკუნეებში, რა დროითაც ათარიღებენ ტროას დაცემას.

საკუთრივ კავკასიის მატერიალური კულტურის ნაშთებიც მოწმობს, რომ ამ დროისათვის აქ უკვე იყო გადადგმული პირველი ნაბიჯები რკინის მეტალურგიის დასაუფლებლად. გვიანი ბრინჯაოს ხანის კულტურაში აქ თავს იჩენს ისეთი ელემენტი, რომელიც ახალი კულტურის, ახალი ხანის ჩანასახს მოასწავებს. ასე, მაგალითად, დადასტურებულია, რომ კოლხური ბრინჯაოს სწორკუთხედი ბალთების ზედაპირი ზოგჯერ ინკრუსტირებულია რკინით. ამგვარი ბალთები აღმოჩენილია სოფ. უღეში (აღიგენის რაიონი) და ყობანში (ჩრდ. კავკასია). ეს ფაქტები მიუთითებს იმაზე, რომ იმ დროს რკინა ითვლებოდა მეტად ძვირფას ლითონად, რომელსაც მხოლოდ სამკაულებისათვის იმეტებდნენ. რკინის მეტალურგიის ჩანასახი უნდა დაამოწმოს ჩვენთვის საინტერესო მასალის მეტალოგრაფიულმა შესწავლამაც. ექვი არაა, რომ საინკრუსტაციოდ გამოყენებული რკინა გამოდგება მეტად რბილი, რაც მისი პრიმიტიული დამუშავების მაუწყებელი იქნება.

განხილული დროის ნივთთა შორის ჯერ კიდევ არა ჩანს რკინის იარაღ-საქურველი, გარდა ზოგიერთი გამონაკლისისა: ბრილში (ზემო რაქა) 1951 წელს გათხრილ ერთერთ კრემაციულ სამარხში, რომლის ინვენტარიც შედგებოდა ტიპიური გვიანი ბრინჯაოს ხანის მრავალრიცხოვანი ნივთებისაგან (სამაჭურები, საკანკურები, კირკლები, სარტყლის ბალთები, სატევრები, ცულები, სიტულები და სხვ.), აღმოჩნდა რკინის შუბის წვერის ნატეხი. ეს ნივთი ხასიათდება მოკლე პირით, რაც მას მკვეთრად გაასხვავებს მომდევნო დროის რკინის შუბის წვერებისგან. ტიპიური გვიანი ბრინჯაოს ხანის კოლხური კულტურის კომპლექსშია აღმოჩენილი რკინისავე შუბის წვერი ეშერშიც. მომდევნო VIII—VI საუკუნეებში რკინის იარაღი მთლიანად ცვლის ბრინჯაოს იარაღ-საჭურველს.

განვითარებული რკინის ხანა აღმოსავლეთ და დასავლეთ საქართველოში რამდენადმე განსხვავებული ნიშნებით ხასიათდება — ყველაფერი მოწმობს, რომ აღმოსავლეთ საქართველოს რკინის კულტურა შედარებით უფრო ადრე დაწინაურდა: აქ, სამთავროს ძვ. წ. VIII ს. სამარხებში უკვე არაიმვიითად იჩენს თავს კარგი ფოლადისაგან ნაკეთები სატევრები, რომელთაც ზოგჯერ ბრინჯაოს ტარი აქვთ. დასავლეთ საქართველოს მთა ნაწილში კი VII—VI სს. სატევრები, შუბე-

ბი და ცულები ჯერ კიდევ უშეტესწილად რბილი რკინისაგანაა ნამზადი. ამას მოწმობს მასალის მეტალოგრაფიული შესწავლა. სამაგიეროდ, დასავლეთ საქართველოში შეიმჩნევა რკინის წარმოების მასობრივი ხასიათი. ბრილის სამარხებში ამ დროს ეხვდებით დიდი რაოდენობით რკინის იარაღს, რგოლებსა და სხვა სახის ნივთებს; ბრინჯაოს იარაღ-საჭურველი თითქმის სავსებითაა გამოსული წყობილებიდან, მას მხოლოდ სარიტუალო და საპარადო მნიშვნელობაა აქვს შერჩენილი. ამგვარად, შეიძლება ითქვას, რომ ძვ. წ. VII საუკუნიდან დასავლეთ საქართველოში დგება განვითარებული რკინის ხანა, რომელსაც საფუძველი ჩაეყარა ჯერ კიდევ რამდენიმე საუკუნით ადრე.

ძველი ქართული მეტალურგიის განვითარების ზოგადი სურათი. საქართველოსა და კავკასიაში მოიპოვება თითქმის ყველა მადნეული, რომელიც კი საჭირო იყო პირველყოფილი მეტალურგიისათვის. ესენია: სპილენძის, ანტიმონის, დარიშხნის, თუთიის, ტყვიის, რკინისა და სხვა მადნეები. არაა მიკვლეული მხოლოდ კალის საბადოები ან ნაღვარევი კალა ისეთი ოდენობით, რომელიც საკმაო იქნებოდა თუნდაც პრიმიტიული მეტალურგიისათვის. ამ უკანასკნელისათვის მეტად საჭირო და აუცილებელი სპილენძის საბადოები მეტ-ნაკლებად მძლავრ ჯგუფებად გვხვდება მთელს კავკასიაში და მის მომიჯნავე თურქეთისა და ირანის ტერიტორიებზე. არის ისინი კავკასიის მთავარი ქედის ზონაში, მაგრამ გაცილებით უფრო მდიდარია ამ მხრივ მცირე კავკასიონი, სადაც სხვათა შორის, ხვდებიან თვითნაბად სპილენძსაც, რომელიც კიდევ უფრო ბევრი იყო შორეულ წარსულში. საქართველო-კავკასიის სპილენძის საბადოები ითვლება ერთერთ საუკეთესო საბადოებად, რომელთა მადანი ხასიათდება სასარგებლო ლითონის მაღალი პროცენტით. სპილენძის კავკასიურ საბადოებს შეეძლოთ გადაჭარბებით დაეკმაყოფილებინათ პირველყოფილი მეტალურგიის მოთხოვნილება.

სპილენძის საბადოთა რაიონებში მიკვლეულია მღვიმეები — მადნის ძველი გამონამუშევრები. ამგვარი ძველი მღვიმეები გვხვდება რაჭაში, აფხაზეთში, სვანეთში, აჭარა-ჭოროხის რაიონში, განჯა-ქედაბექის რაიონში, ზანგეზურში, მდ. ყუბანისა და მისი შენაკადების ხეობებში, ყაბარდოში, ჩრდილო ოსეთში და სხვ. ამ მონაცემებს თუ დავუმატებთ იმასაც, რომ ძველ გამონამუშევართა პუნქტებში ან მათ ახლო აგრეთვე ხშირად გვხვდება სპილენძის სადნობ ქურათა და სამსხმელი სახელოსნოების ნაშთები, ცხადი გახდება კავკასიაში და მის მეზობელ მხარეებში სპილენძის მოპოვება-დამუშავების ინტენსიური ხასიათი. ზოგიერთი მათგანი არც თუ ძლიერ შორეული წარსულისაა, მაგრამ გამოირჩევა ძლიერ არქაული მღვიმეებით, რომლებშიც მადანი უთხრიათ პრიმიტიული წესით — ცეცხლისა და წყლის მეშვეობით.

დაუთარილებელია სპილენძის ძველი სადნობი და სამსხმელო წარმოების ბევრი ნაშთი კავკასიისა და მისი მეზობელი თურქეთ-ირანის მომიჯნავე რაიონებში. განსაკუთრებით ბევრია ამგვარი ნაშთები კოლა-არტანის, ტრაპიზონისა და მათ მოსაზღვრე რაიონებში. საქართველოს თანამედროვე ტერიტორიაზე სპილენძის ადრინდელი დამუშავების მათუწყებელი ყველა ნაშთი აგრეთვე არაა დათარიღებული. მეტ-ნაკლებად კარგად დათარიღებული ძეგლები უმთავრესად გვიანი ბრინჯაოსა და ადრეული რკინის ხანისაა: ასეთებია, მაგალითად, სპილენ-

ძის მრავალრიცხოვანი ზოდები, რომლებიც ხშირად გვხვდება მდნობელთა განძებში.

ჩვენ ჯერჯერობით ცოტა მასალა მოგვეპოვება საქართველოში სამთამადნო საქმის ადრეული საფეხურების შესასწავლად. ერთადერთი, რაც ტყვიანის, სამგორისა და თრიალეთის ენეოლითურ და ადრებრინჯაოს ხანის დანებსა და სადგისებზე შეინიშნება, ის არის, რომ ისინი ცივი კვრევით არის გამოყვანილი და არა ჩამოსხმით. მაგრამ დამუშავების ამ ელემენტარულ წესს ექვემდებარება როგორც თვითნაბადი, ისე მადნიდან დაწურული სპილენძი. თვითნაბადი სპილენძის მოპოვება, ცხადია, მოასწავებს სამთამადნო საქმის პირველ საფეხურს, მაგრამ მისი ცივად ჰედვა სრულიადაც არ ჩაითვლება მეტალურგიის თუნდაც პირველ საფეხურად. მეტალურგია იწყება მადნის გამოღობიდან, რომლის შესახებაც ენეოლითური ხანისთვის მეტად განსაზღვრული არქეოლოგიური მასალის მიხედვით მოგვიხდება მსჯელობა. ფაქტიურად ორი ნივთით განისაზღვრება ეს მასალა. ერთი მათგანი აღმოჩენილია ურბნისში, ხოვანანთ გორის ენეოლითურ ფენაში, 1954 წელს, და მას მიიჩნევენ გამდნარი ლითონის გადასახმელ ქურჭლად. თუ ეს მოსაზრება სხვა აღმოჩენების მიხედვითაც განმტკიცდა, მაშინ უეჭველია ქართულ-კავკასიური მეტალურგიის საწყისი ენეოლითურ საზოგადოებაში უნდა დაიდოს, შესაძლოა ამ საზოგადოების განვითარების უკვე მოგვიანო საფეხურზე. მეორე ნივთი შედარებით უფრო მეტყველია და, თუ მისი აღმოჩენის სტრატეგრაფია სწორადაა განსაზღვრული, უნდა ვიფიქროთ, რომ უკვე ენეოლითურ ეპოქაში მომხდარა დიდი წინსვლა ლითონთა ბუნების შეცნობის საქმეში. მხედველობაში გვაქვს ერევანთან გათხრილ შენგავითის მოსახლობაზე აღმოჩენილი, ქვისაგან გამოთლილი ჩამოსახმელი ყალიბი ცულისა. იგი იმას მოწმობს, რომ ენეოლითის ბოლო საფეხურებზე უკვე იცოდნენ არა მარტო სპილენძის მადნის დაწურვა, არამედ სპილენძის გაღობა და მისგან ნივთების ჩამოსხმაც. საფიქრებელია, რომ ლითონის გადაღობა წარმოებდა თბის ქურჭლის გამოსაწევი ღუმელების მსგავს პრიმიტიულ ქურებში, რომლებშიც მაინც შესაძლებელი ხდება 1085 გრადუსამდე სიმზურვალის მიღება.

ლითონის დნობის პრიმიტიულ წესებს დაუფლებული საზოგადოება უკვე ბრინჯაოს ხანის გარიჟრაჟზე იდგა და მალე გადავიდა ადრეული ბრინჯაოს ხანაში. სამთამადნო საქმეშიც და მეტალურგიაშიც ეს აისახა რამდენიმე სიახლით. ბრინჯაოს ხანაში თავს იჩენს ახალი ლითონებიც, რომლებიც სპილენძთან შედნობით მტკიცე იარაღს იძლევიან. საქართველოში აღმოჩენილი ადრებრინჯაოს ხანის ნივთები საჩხერიდან, ეშერიდან (ტაბ. IX), ურეკიდან და სხვ., რომლებიც ქიმიური და ტექნოლოგიური შესწავლის საგნად იქცნენ, მოწმობენ, რომ ამდროინდელი მემთამადნენი უპირატესად სარგებლობდნენ საბადოთა ზედა შრეებში განლაგებული უგოგირდო, კარგად დაეანგული მადნებით. ძნელია ახლა ვამტკიცოთ, შეგნებულად, პრაქტიკული გამოცდილების გამო აკეთებდნენ ამას, თუ ბუნებრივად ასე ხდებოდა, რადგან სამთამადნო წარმოების დამწყებთ სწორედ საბადოთა ზედა ფენები უნდა ეთხარათ, მაგრამ ის კი ცხადია, რომ საჩხერის, ეშერისა და სხვა ადრინდელ ცულეებში გოგირდი არ აღმოჩნდა. ამავე დროს უკვე გროვდებოდა გამოცდილება, რომელიც ქართველ მემთამადნე-მეტალურგებს უბიძგებდა პოლიმეტალური მადნების გამოყენებისაკენ. ამას მოწმობს საჩხერის

შუბებისა და ყუამილიანი ცულების (ტაბ. IX, 6) შედგენილობა, რომელშიც გარდა სპილენძისა შედის ანტიმონი, დარიშხანი, ტყვია და სხვა ნივთიერებანი 0,1-დან 2 პროცენტამდე. საფეკრებელია, რომ ეს ელემენტები თვითონ სპილენძის მადანში იყო. მათი ცალკე გამოდნობა და წინასწარ განსაზღვრული ოდენობით შედნობა სპილენძის მადანში უმთავრესად მომდევნო, შუაბრინჯაოს ხანის ნაყოფია. ამ დროისა უნდა იყოს ეშერული ფოთლისებური სატევრის პირები, რომლებშიც სპილენძს გარდა 4 პროცენტზე მეტი დარიშხანი თუ სხვა მინარევეები შედის. ადრეულ ბრინჯაოს ხანაში საგნების ჩამოსხმა წარმოებდა ქვის ან თიხის ყალიბებში. თუმცა ეს უკანასკნელები ჩვენში არაა აღმოჩენილი, მაგრამ თვით ბრინჯაოს საგნებმა შემოინახა ჩამოსხმული ლითონისათვის დამახასიათებელი დენდრიტული სტრუქტურა. ლაბორატორიული კვლევის შედეგად ისიც დამტკიცდა, რომ ზოგიერთ ნივთს ჩამოსხმის შემდეგ ახურვებდნენ და გამოსჭედდნენ ხოლმე (მაგალითად, ცულის პირი), ზოგსაც (მაგალითად, საჩხერული ოთხწახანაგა ხიშტი (ტაბ. IX, 11) და სხვ.) მხოლოდ კედვით ამზადებდნენ. სხმულის გამოჭედა მსუბუქი ხასიათის იყო და მიზნად ისახავდა იარაღის პირის გათხელებას ალესვის გასაადვილებლად. რაც უფრო მეტ მინარევეს (დარიშხანს, ანტიმონს) შეიცავდა სხმული, მით უფრო კარგი ჩამოსახმელი, მაგრამ ცუდი საჭედი იყო. ამიტომ ყოველთვის ცდილობდნენ კარგი ბრინჯაოს ნივთის ისეთ ჩამოსხმას, რომელიც გამორიცხავდა შემდეგში კედვით დამუშავების აუცილებლობას.

ადრეული ბრინჯაოს ხანის პროდუქცია უმთავრესად წარმოდგენილია ყუამილიანი ცულებით, სატევრებითა და შუბის წვერებით (ტაბ. IX). სატევრებისა და შუბის წვერების დამზადება შედარებით იოლად წარმოებდა, ყუამილიანი ცულებისთვის კი აუცილებელი იყო სათანადო ყალიბები. ზოგიერთი მათგანი ქვის ყალიბში უნდა იყოს ჩამოსხმული, მაგრამ ზოგსაც ისეთი ორნამენტი აქვს, რომელიც შეიძლება მიეღოს მხოლოდ ცვილის მოდელის დაკარგვის წესით. ეს წესი კიდევ უფრო ფართოდ გავრცელდა შუა და გვიანბრინჯაოს ხანაში, მაგრამ საფუძველი ჩაეყარა საჩხერის ყუამილიანი ცულების ეპოქაში.

ბრინჯაოს მეტალურგიის განვითარების მესამე საფეხური შუაბრინჯაოს ხანას ემთხვევა და უპირველეს ყოვლისა ხასიათდება შენადნობში მონაწილე ელემენტების წინასწარ განსაზღვრულობით. ეს მტკიცდება როგორც სხმულების ქიმიური ანალიზის მიხედვით, ისე სამთამადნო საქმის ხასიათით; სათანადო ადგილას უკვე გვექონდა აღნიშნული, რომ რაჭაში ამ დროს ჩნდება სპილენძის, ანტიმონისა და დარიშხნის მადარობები. ეს იმას ნიშნავს, რომ მაშინ უკვე აღარ კმაყოფილდებოდნენ კომპლექსური, პოლიმეტალური მადნებით და ცდილობდნენ მეტ-ნაკლებად მყარი ქიმიური შედგენილობის ზოდების მიღებას. რაჭის სამთამადნო წარმოების ნაშთების შესწავლის საფუძველზე შეიძლება დავასკვნათ, რომ შუაბრინჯაოს ხანაში ლითონის შემადგენლობა წინასწარ გააზრებული რეცეპტებით განისაზღვრებოდა, თუმცა თვით ეს რეცეპტები, მათი ზოგადი ხასიათის გამო, ჯერ კიდევ არ იძლეოდა მყარი შემადგენლობის ლითონს. საქმე იმაშია, რომ დარიშხნის მადნიდან მაშინ ცალკე ვერ მიიღებდნენ სუფთა დარიშხანს, ამიტომ დარიშხნის მადანი სპილენძის მადანთან ერთად უნდა ედნოთ. ვერც წონით და ვერც საწყაოთი შერეული მადნები ვერ მოგვეცემა ყოველთვის ერთნაირ ზოდებს, რადგანაც მადნის ნატეხების სიმდიდრის ხარისხი უმეტესწილად სხვადა-

სხვანაირია. ამიტომ არის, რომ შუაბრინჯაოს ხანის ბრინჯაოში ღარიშხნის პროცენტი ძლიერ მერყეობს. რაც შეეხება ანტიმონს, იგი ცალკე უდენიათ და სუფთა ანტიმონისა და სპილენძის განსაზღვრული რაოდენობის შერევის შედეგად მიუღიათ შედარებით უფრო სტანდარტული სხმულები.

ზემოთ აღნიშნული იყო, რომ ანტიმონიანი ბრინჯაო საქართველოში წარმატებით ცვლიდა კალიან ბრინჯაოს. მაგრამ უკვე შუაბრინჯაოს ხანაში უდენიათ კალიანი ბრინჯაოც. ასე მაგალითად, ბრილურ შუბებს შორის არის რამდენიმე ცალი, რომელშიც კალის მნიშვნელოვანი რაოდენობა (5%-მდე) დამოწმდა (ტაბ. XI, 4).

შუაბრინჯაოს ხანაში ძლიერ დაწინაურდა ცვილის მოდელის დაკარგვის წესით ჩამოსხმა. საჩხერულ სხმულებთან ბრილური ნივთების შედარება ამაში ნათლად დაგვარწმუნებს. საჩხერულ ცულებს მხოლოდ იშვიათ შემთხვევაში ამკობს ორნამენტი (ტაბ. IX, 6) და ისიც ძლიერ მარტივი ირიბი ჭდეები ან რელიეფური წრეები. პირველი მიღებულია ცვილის მოდელზე უბრალო ღარების დატანით, მეორე კი — იმავე მოდელზე ცვილისავე ძაფის დაძერწვით. რაც შეეხება ბრილურ ცულებს, ჩვენ აქ ვნახავთ არა მარტო ჩაზნექილ-ამოზნექილი სამკუთხედების სისტემას, არამედ აგრეთვე ვერძის თავთა ქანდაკებებსაც (ტაბ. XI, 13; XII, 1, 9). ეს, უპირველეს ყოვლისა, მიუთითებს ხელოვნების უჩვეულო წინსვლაზე.

ამ საფეხურზე სამთამადნო წარმოების მუშაკთაგან გამოყოფა იწყებს ნივთთა ჩამოსხმელებმა, და საფუძველი ჩაეყარა ხელოსნობას. ბრილური ცულებს ჩამოსხმელი თავისუფალი უნდა ყოფილიყო მადნის თხრის მძიმე სამუშაოებისაგან, რათა მას ჯერ მხატვრულად გააზრებული მოდელები შეექმნა, შემდეგ კი ლითონში განეხორციელებინა თავისი ჩანაფიქრი.

შუაბრინჯაოს ხანაში ფართოდ გავრცელდა მასრიანი შუბები (ტაბ. XI, 3, 4, 5). მათ ამზადებდნენ ჩამოსხმის წესით და გამოქვდვითაც. შუბის პირს სამაჯრი წიბო უკეთებდნენ ჭედვის დროს, გაბრტყელებულ-გაკეცილ ლითონში საგანგებო „სამარჯვის“ დატანების გზით ან ყალიბში, სათანადო ღარების ამოკვეთის წყალობით. ნაქედ შუბებში მასრა ჭედვითვე გამოყვანილი, ხოლო ჩამოსხმულებში — კობის საშუალებით. მაგრამ კობის გამოყენება უფრო მომდევნო საფეხურზე განვითარდა.

შუაბრინჯაოს ხანის საქართველოში აყვავდა კეთილშობილი ლითონების დამუშავება. სამარხებში გვხვდება ოქროსა და ვერცხლის ნაკეთობანი, რომელთაგან ზოგი მარტივი კვრავა-ჭედვის გზითაა მიღებული, ზოგი კი — რთული ტექნიკის გამოყენებით. პირველთა შორის შეიძლება დავასახელოთ ვერცხლის ფირფიტები და გულსაბნევეები („ბროშები“) ბრილიდან და ქვასათალიდან, ოქროს სასაფეთქლები თრიალეთიდან (ტაბ. X, 1, 3). რაც შეეხება რთულ ნაკეთობებს, ისინი ჯერჯერობით ცნობილია მხოლოდ თრიალეთის ყორღანული სამარხებიდან.

თრიალეთის ყორღანებში მოპოვებულ ნივთთაგან ყურადღებას იპყრობს ოქრო-ვერცხლის ჭურჭელი და სამკაული. აქ არის როგორც სადა (ტაბ. X, 8), ისე რთული სახეებით შემკობილი სასმისები (ტაბ. X, 2, 4). სათანადო შესწავლის შედეგად გაიარკვა, რომ კეთილშობილ ლითონთა ჭურჭლეულის დასამზადებლად გამოყენებული იყო მბრუნავი ჩარხი, რომელზედაც საწინეო ხელსაწყოს მოშვე-

ლიებით ხდებოდა თასების გამოყვანა. ზოგჯერ წინასწარ ამზადდებდნენ ხის ტარს ანუ მოდელს და ამ მოდელზე ლითონის ფურცლის შემოჭიმვით, რაც ჩარხზე სრულდებოდა, მიიღებდნენ სასურველი მოყვანილობის და შემკულობის ნივთს. ხის ან ძელოს საწნეველას მეშვეობით ჭურჭლის კედლებზე აღიბეჭდებოდა ტარზე გამოყვანილი სახეები. ამგვარად უნდა იყოს დამზადებული თრიალეთის ორფრიზიანი ვერცხლის თასი (ტაბ. X, 2) და ორმაკედლებიანი ოქროს ფიალა (ტაბ. X, 4). მის მისაღებად წინასწარ გაუკეთებიათ ფართოთავიანი ბოთლისმაგვარი ოქროს ჭურჭელი და ყელჩაბრუნებული სამელნის მსგავსად ჩაუყვითათ ყელი. ძირი ცალკე ფირფიტისაგან გამოუჭირათ და მიურჩილათ. მის საგანგებოდ გამოყვანილ ბუდეებში ფერადი ქვები, ლალი და ზურმუხტი ჩაუსვამთ. ფერადი ქვებითვე (ზურმუხტი, სარდიონი) მოოჭვილი ფიალის კედლებზე მირჩილულია ვოლუტებური აპლიკაციები. მთელი საქმეშია შესრულებულია უაღრესად ფაქიზად, ისე, რომ შეუიარაღებელი თვალით არ შეინიშნება არც კვერვისა და არც რჩილვის კვალი. ასევე დიდი ოსტატობითა და მხატვრული გემოვნებოდაა დამზადებული რთული სახეებით შემკული შტანდარტი (ტაბ. X, 6), მოგავარსებული და თვლებით მოოჭვილი ოქროს ფუყე მძივები (ტაბ. X, 5) და სხვ.

დასაყვეთ საქართველოს მთისა და მთისწინა რაიონებთან შედარებით, შუაბრინჯაოს ხანის თრიალეთში შეინიშნება ხელოსნობის დიფერენციაციის შემდგომი გაღრმავება. უეჭველია, რომ ისეთი ტექნიკური მიღწევები ლითონის დამუშავებაში როგორცაა უზადო კვერვა-ჭედვა, რჩილვა, გავარსი, თვლებით მოოჭვა და სხვ. ხანგრძლივი ტრადიციების შედეგია. როგორც ჩანს, ბრინჯაოს წარმოების ოსტატებს აქ უკვე გამოეყვნენ ოქრომჭედლები და ხანგრძლივი ცდი-სა და დაკვირვების შედეგად ეს ხელობა აიყვანეს თავისი დროისათვის უჩვეულოდ მაღალ საფეხურზე. ამიტომაც რომ თრიალეთის ბევრი ოქრომჭედლური ნაწარმი საუკეთესოა იმდროინდელი წინა აზიის არქეოლოგიურ მონაპოვართა შორის.

მეტალურგიის განვითარება გვიანბრინჯაოს ხანაში. გვიანბრინჯაოს ხანაში ლითონების დამუშავებაში თუმცა პრინციპულად ახალი გამოგონებანი არ შეინიშნება, მაგრამ ძლიერ დაწინაურებულა წინა საფეხურზე შექმნილი ცოდნა-შუაბრინჯაოს ხანის შენადნობებში გავრცელებული ანტიმონი და დარიშხანი ამ დროს შეცვლილია კალით. მისი პროცენტი მერყეობს 4-დან 15-მდე. ეს მოწმობს იმდროინდელი მეტალურგების წინ გადადგმულ ნაბიჯს. შენადნობში კალის შიერ ანტიმონისა და დარიშხნის ადგილის დაჭერა აშკარად შეინიშნება მთელს იმდროინდელ კავკასიაში. უნდა ვიფიქროთ, რომ კალა უფრო ხელმისაწვდომი გახდა, ვიდრე შუაბრინჯაოს ხანაში იყო.

ზოგი ავტორის აზრით, კალა ჩვენში უცხოეთიდან მოჰქონდათ, ზოგიც მას ადგილობრიობას ამტკიცებს. თუმცა თანამედროვე გეოლოგიური გამოკვლევების დროს არ აღმოჩენილა ამ მადნეულის საკმაო მარაგი, მაგრამ არის ზოგი მონაცემი, რომელიც ადგილობრივი კალის გამოყენების სასარგებლოდ უნდა ლაპარაკობდეს. ეს არის კალის წმინდა კავკასიური ტიპის ნაკეთობათა მომრავლება. მოვიტანთ რამდენიმე მაგალითს: მთიან ყარაბაღში, სოფ. ახმანთან 1897 წ. გათხრილ მე-5 ყორღანში, რომლის ასაკი გვიანბრინჯაოს ხანაზე მოდის (ინვენტარში

შედის ბრინჯაოს გლუვი სარტყლები, გრძელმასრიანი შუბი, ისრის წვერი და სხვ.), რესურს აღმოუჩენია სუფთა კალის ორი სამკაული; სუფთა კალის (კალა 99, 603 %, ანტიმონი 0,126 %, თუთია 0,173 %), ტიპური გვიანბრინჯაოს ხანის კავკასიური საკანჭური წარმოდგება ბელკის განთხარადან ყალაქენტს ახლო; ეშერის კურ-სამარხში აღმოჩენილია სუფთა კალის დასავლურ-ქართული ტიპის საყელურები.

კალიანმა შენადნობმა სრული მოქალაქეობრივი უფლება მოიპოვა მხოლოდ გვიანბრინჯაოს ხანაში. ასეთი შენადნობისაგან მზადდებოდა აღმოსავლურ-ქართული ცული, კოლხური ცული, ბრტყელი ცული, სხვადასხვანაირი სატევრები, კურტული, სამკაულები, ქანდაკებანი და სხვ. ამის გამო, საქართველოში შემცირდა ანტიმონისა და დარიშხნის მოპოვება.

სამსხმელო სახელოსნოები ამ დროს ფართოდ მოედო მთელ ქვეყანას. მათა ნაშთები გვხვდება არა მარტო მდინის მოპოვების რაიონებში, არამედ მათგან ძლიერ შორსაც. აღმოჩენილია მდნობელთა უამრავი განძი, რომლებშიც შედის სახმარად ვარგისი ან გადასადნობად განკუთვნილი სპილენძისა და ბრინჯაოს ცულები, თიხები, ბარები, ეჩოები, სატევრები და სპილენძის ზოდები. მათი აღმოჩენის ზოგი ადგილის ახლო გამართული უნდა ყოფილიყო ლითონდამამუშავებელი სახელოსნოები.

აღმოჩენილია ძველი სახელოსნოების ნაშთებიც, რომლებშიც პოულობენ სპილენძის წიდას ან ჩამოსასხმელ ყალიბებს (ტაბ. XIII, 1; XIX, 2, 4, 5, 8). ერთი ამგვარი სახელოსნოს ნაშთი მიაკვლია ცნობილმა არქეოლოგმა ვ. გოროდ-ცოვმა სოფ. წაღვერთან. ბორჯომის მუზეუმში ინახება კოლხური ცულის ჩამოსასხმელი სპილენძის ყალიბის ორივე საგდული; ამგვარივე ყალიბი აღმოჩენილია სოფ. თაგილონთან და ინახება ზუგდიდის მუზეუმში. ერთი ყალიბი ამ ბოლო ხანებში აღმოჩნდა ახალციხის რაიონში. აღმოსავლურ-ქართული ცულის ჩამოსასხმელი ყალიბები წარმოდგება სამი ცალი სომხეთიდან, ერთი აზერბაიჯანიდან და ორიც საქართველოდან (ტაბ. XIX; 8). საქართველოს ტერიტორიაზე ყალიბები აღმოჩენილია სტალინირის ნაცარგორის გათხრისას. იქიდანვე წარმოდგება სატენებისა და ხატევართა ჩამოსასხმელი ყალიბები (ტაბ. XIX, 2, 5), ლითონის გადასასხმელი ტიგლები, საბერკლის მილი და სხვ.

როგორც ვხედავთ, გვიანი ბრინჯაოს ხანის ქართული სამსხმელო საქმის დასახასიათებლად პირველხარისხოვანი მასალა გვაქვს შემონახული. ამ მონაცემების საფუძველზე შეიძლება ითქვას, რომ კოლხური ცულის ჩამოსასხმელად მზადდებოდა სპილენძის ორსაგდულიანი ყალიბი. რელიეფური ქანდაკებით შემკული ამ ტიპის ცულები ჩამოსხმული უნდა იყოს თიხის ყალიბში, ცვილას მოდელის დაქარგვის წესით. სატენი, სატევარი და აღმოსავლურ-ქართული ცული კი ქვის ყალიბებში უსხამთ.

კოლხური ცულის სამკაული უპირატესად შესრულებულია ჩამოსხმის შემდეგ. იგი დატანილია თვით სხმულთან შედარებით უფრო მაგარი საჭრეთლით, რომელიც შეიძლება რკინისაგანაც ემზადებინათ.

ცულის ჩამოსხმის წინ ყალიბში წკირებით ამაგრებდნენ თიხის ან რბილი ქვიშაქვის კოპს იმ ადგილას, სადაც სატარე ნახვრეტი იყო გათვალისწინებული.

ჩამოსხმის შემდეგ კოპს ამტვრევდნენ, და მის ადგილზე სიღრუე რჩებოდა. კოპის გამოყენების კარგ მაგალითს გვაძლევს სამთავროში აღმოჩენილი ბევრი სატევარი და მახვილი.

სამთავროს სატევრების და მახვილების ეს სერია გამოირჩევა იმითაც, რომ მათი ტარი და პირი ერთადაა ჩამოსხმული. ეს მოწმობს ამ დროის სამსხმელო საქმეში მომხდარ დიდ განვითარებას. ბრინჯაოს ხანიდან ჩვენ ვიცნობთ ორიოდ სატევარს (ტაბ. IX, 10), რომელთაც ბრინჯაოს ტარი აქვთ, გვიანბრინჯაოს ხანაში კი ასეთი ნამუხადი მასობრივ ხასიათს ღებულობს (ტაბ. XVIII, 2, 4, 5, 7). გარდა სამთავროსი, ისინი გვხვდება აღმოსავლეთ საქართველოს ბევრ სხვა პუნქტში (მაგ. ბაკურციხეში) და ყოზანში. მთლიანადსხმული სატევრებისა და მახვილების ტარქული ზმირად ქვირულია; ტაძარსა და ტარქულში ზოგჯერ შეინიშნება თიხისებური მასა ანუ კოპი, რომელიც არ ამოუტვრევიათ ხელოსნებს. ტარში ჩატანებული ამგვარი კოპების მიზანი უნდა ყოფილიყო არა იმდენად ლითონის ეკონომია, რამდენადაც ტარის გამსუბუქება, რაც მეტ ეფექტს აძლევდა საჩენ იარაღს. დაახლოებით ამგვარივე ტენდენცია მოწმდება ქანდაკებებზედაც. მაგალითისათვის შეიძლება დავასახელოთ ბრილური ნაწარმი, ოღონდ სამთავროს სატევრებსა და მახვილებზე რამდენადმე უფრო ახალგაზრდა. მიახლოებით ძვ. წ. VII—VI სს-დან მოყოლებული ბრილში, სადაც არასდროს არ იგრძნობოდა ლითონის ნაკლებობა, შეიმჩნევა ქანდაკებათა წონის შემსუბუქება. საკენ მისწრაფება. ერთი შეხედვით შეიძლება ვიფიქროთ, რომ ოსტატი ცდილობდა ლითონის მომჭირნეობით ხარჯვას, მაგრამ სხვადასხვა სახის ქანდაკებების გულდასმით შესწავლა და მათი ერთმანეთთან შედარება გვარწმუნებს, რომ ლითონის დაზოგვა არ წარმოადგენდა არსებით საკითხს: დასადგმელი და ჩამოსაკიდი ქანდაკებებიც კვლავ მასიური სხმულებია, ხოლო საკინძ-სამკაულთა დასამშვენებელი ქანდაკებანი — მსუბუქი. უეკველია, რომ ეს გარემოება დაკავშირებულია კოსტუმში მომხდარ ცვლილებებთან. სხმულის ზომის შეუმცირებლად მისი წონის შემსუბუქების კარგ მაგალითებს იძლევა ბრილის საკინძთა თავები, რომლებიც გამოსახავს ჭიხვს, წყვილ-წყვილ მტაცებელს, ფრინველს და სხვ. პირველი მათგანი ერთი უმშვენიერესთაგანია ბრილის მონაპოვართა შორის. ქანდაკების ჩამოსახმელად ოსტატს რთული სამუშაო ჩაუტარებია: უპირველეს ყოვლისა რბილი ქვისაგან ან თიხისაგან დაუშზადებია ჯიხვის მოყვანილობის კოპი; შემდეგ მასზე შემოუტვრწავს ცვილის თხელი ფენა და ცვილისგანვე მიუძერწავს თავი და კიდურები; ამგვარად დაშზადებული მოდელი ფრთხილად მოუთავსებია კარგად დაშუშავებულ თიხის გარსაკრავში, რომელსაც ორ მოპირდაპირე მხარეზე თითო ნახვრეტი უნდა ჰქონოდა — ერთი თხიერი ლითონის ჩასახმელად, მეორე — გამდნარი ცვილისა და ჰაერის გამოსადენად. თიხის გარსაკრავი ყალიბად იქცეოდა მას შემდეგ, რაც მას ცეცხლში გამოსწვავდნენ და ცვილისაგან გაანთავისუფლებდნენ. ამ პროცესის დროს სრულიად ადვილი შესაძლებელი იყო თიხის კოპის მდგომარეობის შეცვლა, რომლის თავიდან ასაცილებლად წინასწარ, ყალიბის გამოწვამდე კოპს ლითონის წვრილი წკირებით. ამგვარდნენ თიხის გარსაკრავზე: წკირების თითო თავი ჩამაგრებული იყო კოპის სათანადო.

ფოსოში, მეორე კი — გარსაკრავის კედელში. ამგვარად დამზადებულ ყალიბში ასხამდნენ გამდნარ ლითონს, რომელიც იკავებდა ცვილის ადგილს და თხელი ფენის სახით გარს შემოეკვრებოდა კოქსს. გაცივების შემდეგ ყალიბს ამტვრევდნენ და გამოჰქონდათ სხმული, რომლის თავი და კიდურები მასიური იყო, ხოლო ტანი ლითონის თხელ გარსში მოთავსებულ თიხის კოქსს წარმოადგენდა. ცხადია, ქანდაკება საკმაოდ მსუბუქი გამოდიოდა. ცვილის მოდელის დაკარგვის წესით ჩამოსხმული ყველა ნივთი ინდივიდუალურ ნიშნებს ატარებს. ყობანში, ბრილში და ჯაეის რაიონში აღმოჩენილი ვერძის ქანდაკებებიც კი, რომლებიც ერთი შეხედვით საერთო ყალიბში ჩამოსხმული ჩანს, საკმაოდ განსხვავდება ერთმანეთისაგან.

ჩამოსხმის ამგვარი წესი აღმოსავლურ-ქართული კულტურის წრეში უფრო ადრე იყო ცნობილი. გარდა ზემოდასახელებული მაგალითებისა აღვნიშნავთ, რომ დამქესანში აღმოჩენილ აღმოსავლურ-ქართული ტიპის ცულის პირში, ლითონის გარსის შიგნით, სოლისებრი კოპი ძეგს.

კოლხური კულტურის წრეში ამ დროს გავრცელებული იყო ბრინჯაოს სატულეები. მოყვანილობით ისინი წარმოადგენენ პირგანიერ, დაბალყელიან და ფართომხრებიან ჰურქელს, რომელიც შემადლებულ ძირზე ანუ ქუსლზე დგას. სიტულებს თითო ან ორ-ორი მასიური სახელური აქვთ მხრებსა და მუცელზე მიმაგრებული. სახელურებს ამკობს შვერილები, რომლებიც ცხოველთა დაცვეტილ ყურებს მოგვაგონებს. ამგვარი ნაწარმი გვხვდება უმთავრესად კოლხური კულტურის გავრცელების რაიონებში (რაჭა, ლეჩხუმი, ჯაეის რაიონი, ჩრდ. ოსეთი, ყაბარღო), მაგრამ ამ ჰურქელმა ან მისმა ნაშთებმა კანტიკუნტად თავი იჩინა უფრო შორსაც (პოდგორცი—უკრაინაში, მაღაქლუ—არარატის მთის ძირას), როგორც კავკასიიდან გატანილმა პროდუქციამ. ყველაზე დიდი რაოდენობით სიტულების ნატეხები აღმოჩენილია ბრილში. ის ფაქტი, რომ გვიანი ბრინჯაოს ხანის აღმოსავლურ-ქართულ და დასავლურ-ქართულ კერამიკაში სიტულის მსგავს ქოთნებს წამყვანი ადგილი უკავიათ, მოწმობს ამ ორი ტიპის ნაწარმის ურთიერთდამოკიდებულებას. და მათ ადგილობრივ წარმომავლობას.

ბრინჯაოს სიტულების დასამზადებლად რთული პროცესების შესრულება იყო საჭირო:

- 1) ჩამოსხმა ჰურქლის მასიური ფსკერისა, რომელსაც პატარა ჯამის ფორმა აქვს, და მასზე კედლების მისამაგრებლად სამანქველ ნახვრეტების გაკეთება;
- 2) გამოჰქვდვა-გამოკვერვა ლითონის ორი თხელი ფურცლისა, რომლებიც შეადგენენ სიტულის კედლებს;
- 3) ამ ფურცლების გამოჭრა თარგზე, მათთვის ჰურქლის ნახევართა ფორმის მიცემა და მათი გახვრეტა მანქვლებისათვის და სახელურებისათვის;
- 4) სპრენძის მანქვლების დამზადება;
- 5) დამზადება სახელურების ჩამოსასხმელი თიხის ყალიბებისა;
- 6) სამარჯვი ქვის (ფოსოებიანი ქვის) დამზადება.

ამ პროცესების შემდეგ იწყებოდა ჰურქლის „აწყობა“; ყალიბის ბოლოებს, რომლებიც გახვრეტილი იყო, მიაღებდნენ თარგზე გამოჭრილი ჰურქლის კედ-

ლებს ისე, რომ ყალიბის ნახერტები მოხვედროდა სახელურისათვის დატოვებულ ნახერტებზე და, შემდეგ, ყალიბის მესამე ნახერტში, რომელიც მის ზედა ნახევარში მდებარეობდა, ჩაასხამდნენ გამდნარ ლითონს. იგი ავსებდა ყალიბს, გადიოდა მომავალი სიტულის კედლებში წინასწარ ამოჭრილ ნახერტებში და ჩერდებოდა კედლის შიდა პირზე მიღებული სამარჯვი ქვის ფოსოებში: ლითონის გაცივების შემდეგ ყალიბს და სამარჯვ ქვას ამტრევდნენ და მათ ადგილას ჩნდებოდა ბრინჯაოს სახელური, რომლის ბოლოები შედუღებული იყო კურკლის კედლებთან. როცა ეს რთული პროცესი დამთავრდებოდა, კედლებს ერთმანეთზე მიაკერებდნენ წითელი სპილენძის მანქვლებით და შემდეგ ამავე წესით დაამაგრებდნენ ძირთან, რომელიც დაპირქვეავებული იყო. მანქვლისთაგები კარგადაა გადაკვერილი, რელიეფების სახით არ გამოდის, და მათ არსებობას გვანიშნებს ჩალისფერ ბრინჯაოს ფონზე განლაგებული წითელი წერტილები.

ამ წესით დამზადებული კურკელი მეტად ლაზათიანი და ადვილი მოსახმარი იყო.

უფრო გვიან, ძვ. წ. VI—IV საუკუნეებში ბრინჯაოს კურკელს მასიური ჩამოსხმული ძირის (ქუსლის) ნაცვლად თხელი ფურცლის ძირს უკეთებდნენ.

ზემომოტანილი მაგალითები მოწმობს ბრინჯაოს მეტალურგიის რთულპროფილიანობას გვიანბრინჯაოს ხანაში, უნდა ვიფიქროთ, რომ ხელოსნობის სპეციალიზაცია ამ დროს ძლიერ შორს იყო წასული. მადნის მოპოვება, მადნის დაწურვა, სხვადასხვაგვარი ყალიბების დამზადება, მრავალნაირი ცულების, მანვილების, სატეერების, ქანდაკებებისა და სამკაულების ჩამოსხმა, კურკლის დამზადება და სხვ. მისთ. არ შეიძლებოდა ერთი სპეციალობის ხელოსნის საქმე ყოფილიყო, რადგან მას ვერ გაუძღვებოდა. ალბათ განსაზღვრული სპეციალობის ადამიანები იყვნენ ჩამბული იარაღის წარმოებაში, სხვები კიდევ ლითონის კურკლის, საკურკლისა თუ სამკაულების დამზადების საქმეში. ისიც შესაძლებელია, რომ სხვადასხვა სახის იარაღს თუ ყალიბებს სხვადასხვა ხელოსნები აკეთებდნენ. ამას მოითხოვდა გვიანბრინჯაოს ხანაში გართულებული ყოფა: მიწათმოქმედებისა და მეჭოგეობის განვითარება და ამ ნიადაგზე გაძლიერებული თავდასხმები — შეხლა-შემოხლა გვართა და ტომთა შორის.

ხელოსნობის განვითარება-დიფერენციაციას თან მოჰყვა ადებ-მიცემობის დაწინაურება. ის ფაქტი, რომ ქართულ-კავკასიურ ნაწარმს ხშირად პოულობენ ამ მხარის ფარგლებს გარეთ (მაგ., ყირიმი, უკრაინა და სხვ.) და რომ განსაზღვრული ლოკალური კულტურის ნივთები აღმოჩენილია მეზობელი კულტურების გავრცელების რაიონებში (იბერული ცულები რაქა-ლეჩხუმში, კოლხური ცულები სამთავროში და სხვ.) სწორედ ვაცვლა-გამოცვლის ახალ, მაღალ საფეხურზე ასეღას მოასწავებს. ძნელია იმაზე მსჯელობა, თუ ადამიანთა რომელი კატეგორია უძღვებოდა ამ საქმეს — თვითონ ხელოსნები, მათი გვარის და ოჯახის წევრები თუ საგანგებო შუამავალნი ხელოსნებსა და მომხმარებლებს შორის. საფიქრებელია, რომ განვითარების პირველ საფეხურზე თავისი ნაწარმის დამტარებლად თვით ხელოსნები გამოდიან, შემდეგ კი, როცა მოთხოვნილება ლითონის საგნებზე იმდენად გაიზარდა, რომ ხშირი შეკვეთები ხელოსნებს სახელოსნოების მიტოვების საშუალებას არ აძლევდა, მათი ნაწარმის გამავრცელებ-

ლის როლის შემსრულებლად ვაჰრები გვევლინებიან. ამ ნიადაგზე საქართველო-ში სწრაფად დაიწყო პირველყოფილი თემური საზოგადოების რბევვა. ხელოს-ნებისა და შემდეგდროინდელი ვაჰრების ხელში თავი მოიყარა სიმდიდრემ. ის-ნი ქონებრივად გვერდში ამოუდგნენ და კიდევაც აჯობეს გვარის უფროსებსა და მხედართმთავრებს, რომლებმაც ამაზე აღრე შესძლეს საზოგადოების დოვლათის უკეთესი ნაწილის მიხვეჭა. გვიანი ბრინჯაოს ხანის დასასრულსა და განვითარე-ბული რკინის ხანის მანძილზე სასაქონლო წარმოების დარგში კიდევ ახალი მო-მენტი ჩნდება. ეს არის საქონლის ღირებულების საზომად ფულის შემოსვლა. კოლხური მონეტების მიმოქცევის ხანაში თემური წყობილება ძირითადად დანკ-რეულია დასავლეთ საქართველოს ბარში. ამ დროს ეკუთვნის პირველი სახელმ-წიფობებრივი გაერთიანების წარმოშობა ჩვენში.

თ ა ვ ი V

ანტიკური ხანის არქეოლოგიური ძეგლები

§ 11. ანტიკური ხანის არქეოლოგიური ძეგლები დასავლეთ საქართველოში

დასავლეთ საქართველოს მიწა-წყალი მრავალ არქეოლოგიურ მასალას ვეძლევა ანტიკური ხანის ნაქალაქართა და ნამოსახლართა შესასწავლად. ამათგან ბევრის შესახებ კლასიკურმა მწერლობამ არაერთი საყურადღებო ცნობა შემოინახა. ამ ხანის ნამოსახლართა შორის მნიშვნელოვანი ჩანს ქობულეთი ანტიკური მოსახლობა, რომელიც გადაჭიმულია ზღვის ნაპირის გასწვრივ და გამოყოფილია მისგან ქვიშნარი ზოლით.

ნამოსახლარის ტერიტორიაზე არის უფრო ძველი ძეგლებიც: საცხოვრებელი ბორცვების ჯგუფი, რომელთა ქვედა ფენა მიეკუთვნება ენეოლითს. ზღვის ქვიშნარი ზვინულების მოსახლეობას თავისებური, ე. წ. „ქსოვილიანი“ კერამიკა ახასიათებს. აღმოჩენილი ძეგლები მოწმობენ, რომ საცხოვრებელი პირობება, აქ საესეებით ხელსაყრელი ყოფილა და ამ ადგილზე ადამიანი უძველესი დროიდანვე დასახლებულა.

ანტიკური ხანის მოსახლობის ნაშთები გვხვდება აგრეთვე შემოდასახლებული ბორცვების მიდამოებშიც, ზღვიდან 1 კმ დაცილებით. ზედაპირზე შეგროვილი არქეოლოგიური მასალა მიუთითებს სოფლის ტიპის დასახლებების არსებობაზე და შედგება უხეში კერამიკის, ხელსაფქვავების, ბადის საძირავეებისა და სხვადასხვა ტიპის ამფორების ნატეხებისაგან.

ქობულეთ-ფიჭვნარის ანტიკური მოსახლობა ცნობილია მონეტების დიდი განძებითაც. ასე მაგალითად: ა) 1951 წელს იქ აღმოჩნდა სინოპის მონეტების — ძვ. წ. IV საუკუნის ვერცხლის დრაქმების დიდი განძი; ბ) 1952 წელს — ბრინჯაოს პატარა ჭურჭელში მოთავსებული კოლხური თეთრის განძი (291 მონეტა). იქვე იყო ერთი ელექტრუმის ქიზიკინი ძვ. წ. VI—V საუკუნეებისა და სამი საყურე მკრთალი ოქროსი. ამ ტიპის საყურეები გავრცელებული ყოფილა საქართველოში ძვ. წ. VI—V სს. ისინი აღმოჩენილია სოფ. მთისძირში (ვანის რ.), ბორში (ორჯონიკიძის რ.), ქ. ზუგდიდის მიდამოებში, სოხუმში,

დასავლეთ საქართველოს მთიან ნაწილში, თრიალეთში, ყაზბეგში, იკოთში და სხვ.; გ) 1953 წელს აღმოჩნდა ალექსანდრე მაკედონელის ოქროს სტატერი, მასზე გამოსახული მონოგრამით „ΣΙ“, რაც მოწმობს, რომ ეს სინოპში მოპოვებული მონეტაა; დ) მუზეუმში მოხვდა აგრეთვე დიდ განძებში აღმოჩენილი ორი ცალი კოლხური თეთრი. ეს მონეტები შედარებით იშვიათი ტიპისაა. მათზე გამოსახულია ასოები — MO.

კოლხური თეთრისა და სხვა მონეტების განძების აღმოჩენებს ადრეც ჰქონდა ადგილი, მაგრამ მათი მხოლოდ უმნიშვნელო ნაწილი მოხვდა მუზეუმებში.

ანტიკური ხანის მოსახლობის არქეოლოგიური მასალა შეკრებილია მიწის ზედაპირზე, და აგრეთვე ექსპედიციის მიერ ჩატარებული მცირე გათხრების შედეგად. ანტიკური ხანის ხელუხლებელი და დაუშლელე კულტურული ფენა ჭერობით არაა მიკვლეული; არც ნაგებობათა ნაშთებია აღმოჩენილი. მასალა შედგება უმთავრესად თიხის ჭურჭლს, კრამიტის ნატეხებისა და ბრინჯაოს, მინისა და ოქროს მცირერიცხოვანი სამკაულისაგან.

თიხის ნაწარმში ადგილობრივი, შინსახმარი ჭურჭლის გვერდით (ტაბ. XXIV, 1, 2) ყურადღებას იქცევს შემოტანილი მოხატული, შავლაკიანი კერამიკა და ამფორები (ტაბ. XXIV, 6, 7, 8, 10).

მოხატულსა და შავლაკიან კერამიკაში გვხვდება როგორც მცირე ზომის (ამფორისკები, თასები, კანფარები, ლეკიფები, სკიფოსები, ასკები), ისე მოზრდილი ჭურჭელი (კრატერები, ჰიდრიები). შავლაკიანი ჭურჭელი შემკულია გრავირებული და ნატეფირი ორნამენტით. ჭურჭელზე გვხვდება გ რ ა ფ ი ტ ი ც (ამონაკაწრი ასოები იტალიური — grafito-დან). წითელფიფურულ ჭურჭელზე გვხვდება ს ი ლ ე ნ ის გამოსახულება, ქალის თავი პროფილში და სხვ.

ამფორები რამდენიმე ტიპისაა, მათი ნაწილი შავი ზღვის სამხრეთ სანაპიროდან მომდინარეობს — სინოპიდან და სხვა რაიონებიდან, ნაწილი კი ადგილობრივია.

მოხატული და შავლაკიანი კერამიკა მეტწილად ატიკურია და იონური (ძვ. წ. VI — IV სს.) (ტაბ. XXIV, 6, 7, 8, 10).

ადგილობრივი კერამიკა წარმოდგენილია ქვევრებით, ქოთნებით, სასმისებით (ტაბ. XXIV, 1), თასებით და სხვ. მასვე უნდა მივაკუთვნოთ კრამიტი და ამფორების ერთი ნაწილიც.

ქობულეთში აღმოჩნდა ქვევრსამარხებიც (ძვ. წ. V—IV სს.), რომლებშიაც იბოვეს ზურგმედრეკილი სამაჩურები, კოლხური თეთრი, მინის მძივები, ბრინჯაოს ძეწკვები და სხვა, ამ დროისა და ტიპის სამარხთათვის დამახასიათებელი ინვენტარი.

ჩამოთვლილი არქეოლოგიური მასალა და მონეტათა განძები ეკუთვნის ძვ. წ. VI—IV სს. ისინი მოწმობენ, რომ ანტიკურ ხანაში ფიჭვნარი ინტენსიურად ყოფილა დასახლებული. მოსახლობა ქალაქური ტიპისა იყო, ნავსადგურიანი. ზღვიდან დაცილებული რაიონი კი, სადაც აგრეთვე ანტიკური ხანის მასალა აღმოჩნდა, წარმოდგენდა ამ ქალაქური დასახლების გარეუბანს. აქაური მოსახლეობის ძირითად საქმიანობას სოფლის მეურნეობა შეადგენდა.

ქობულეთ-ფიჭვნარის განვითარება ძველად შეპირობებული იყო ხელსაყრელი ბუნებრივი ნავმისადგომებით, რომელთაც დიდი მნიშვნელობა ჰქონდათ კა-

ბოტაყური ნაოსნობისათვის. ქობულეთის ნავსადგური მოხერხებულად უკავშირდებოდა სანაოსნო გზებით (რიონის სისტემით) კოლხეთის არა მარტო ზღვის ხანაპირო ნაწილს, არამედ მის შიდა ტერიტორიასაც.

როგორც ჩანს, დასახლებული იყო მთელი ზღვისპირა ზოლი ნატანგბ-ჩოლოქის შესართავიდან დაწყებული ციხისძირამდე, ბობოყეთის ჩათვლით (ამავე სახელწოდების ჩოფლის ზღვისუბიკრა ნაწილი), დაახლოებით 15 კმ მანძილზე.

მონეტათა დიდი განძები, რომლებიც აქედან მოხვედრის შედეგად, მიუთითებს ფართოდ გაშლილ სავაჭრო საქმიანობაზე. კოლხური თეთრისა და უცხოური მონეტების თანაარსებობა, იმის უდავო მანიშნებელი უნდა იყოს, რომ ადგილობრივი მოსახლეობა — კოლხები ეწეოდნენ როგორც სპინაო, ისე სავაჭრო ვაჭრობას. ქობულეთი იძლევა ამასთანავე კოლხურ თეთრთან უცხოური მონეტების აღმოჩენის პირველ უდავო შემთხვევას, რაც კოლხური თეთრის სათანადო მნიშვნელობას მოწმობს.

მათგან გვიჩვენებს ქობულეთის კავშირს შავი ზღვის სამხრეთ სანაპიროსთან სინოპური დრაქმების დიდი რაოდენობით აღმოჩენა, სინოპში მოჭრილი ალექსანდრე მაკედონელის სტატერი, ამფორები და სხვ. უფრო შორეული კავშირის მანიშნებელია ქიზიკის მონეტა და ატიკური და იონური კერამიკა.

ქობულეთის ინტენსიური კავშირი სამხრეთ სანაპიროსთან, კერძოდ, სინოპთან, ბუნებრივად უნდა მივიჩნიოთ, რადგანაც ეს ადგილი ძველი დროიდანვე დასახლებული იყო ქართველი ტომებით და, როგორც ცნობილია, V—IV სს. მიჯნაზე კოლხეთის საზღვარი გადიოდა ტრაპეზუნტის დასავლეთით (ქსენოფონტე — ანაბაზისი).

დაბლაგომის ანტიკური მოსახლობა მდებარეობდა მდინარე რიონის გასწვრივ ფერდობებზე, ჩონატაურის ქედის განშტოებებზე და ბორცვებზე, მდინარე რიონიდან დაახლოებით 300 მეტრის დაშორებით.

მოსახლობის განვითარება აქ უძველესი ხანიდანვე დამოკიდებული იყო ამ ადგილის ხელსაყრელ ბუნებრივ პირობებზე, განსაკუთრებით იმაზე, რომ იგი მდებარეობდა სანაოსნო მდინარის ნაპირას, რომელმაც ძალიან ადრე მოიპოვა საერთაშორისო გზის მნიშვნელობა. იგი შავ ზღვას კასპიის ზღვასთან აერთებდა და დასავლეთის ქვეყნებს აღმოსავლეთთან.

ანტიკური მოსახლობა აღნიშნული ადგილების დასავლეთითაც გრძელდებოდა (ადგილ დაფნარამდე, დაბლაგომიდან 7 კმ-ზე) და აღმოსავლეთითაც, თვით ევანამდე (VI ს. დასაწყისის მდიდრული სამარხი მთისძირში და სხვ.).

სოფელ დაბლაგომში აღმოჩენილია ანტიკური ხანის სამაროვანი და კულტურული ფენები. ანტიკური ხანის ნაგებობათა ნაშთებიდან შემორჩენილია მხოლოდ კრამიტების ნატეხები, სახლების ბათქაში. ეს მასალა მოწმობს კრამიტით გადახურული ნაგებობებისა და ჯარჯვალის ტიპის, თიხით შელესილი საცხოვრებლების არსებობას. ისინი ძვ. წ. VI—III საუკუნეებს მიეკუთვნება.

დაბლაგომში მხოლოდ ძვ. წ. VI—III საუკუნეების ქვევრსამარხებია ცნობილი. სამარხთა ადრეულ ჯგუფში (ძვ. წ. VI—V სს.) თავდაყირა ჩადგმული ქვევრები გვხვდება. მაგრამ ორ შემთხვევაში დადასტურებულია სწორად ჩადგმული ქვევრები. უფრო გვიან (ძვ. წ. IV—III სს.) დაბლაგომში ცნობილია პორიზონტა-

ლურად ჩადგმული სამარხი ქურკლები. დაკრძალვის ასეთი წესის დროს ქურკელს ამოატენდნენ გვერდს, მასში მიცვალებულს ჩაასვენებდნენ და შემდეგ ნატეხებს ხელახლა აფარებდნენ.

როგორც ჩანს, ბავშვებს ქვევრში უფრო ადვილად ჩაასვენებდნენ ხოლმე, ისე, რომ სამარხი ქურკელი მთელი რჩებოდა. ჰორიზონტალურად ჩადგმულ ქვევრში დაკრძალვასთან არის დაკავშირებული სამარხის გარეთ და მის გარშემო ქურკლის შემოწყობის წესიც.

ამრიგად, დაბლაგომში აღმოჩენილია როგორც ვერტიკალურად ჩადგმული, ისე ჰორიზონტალურად დაწვენილი ქვევრსამარხები.

ქვევრსამარხების ინვენტარი შედგება თიხის ქურკლისა და ბრინჯაოს, რკინისა და მინის სამკაულებისაგან.

ქურკლეულიდან დადასტურებულია: ღოჭები, ჯამები, თინჯნები, სასმისები, იშვიათად დიდი ქურკელიც (სამარხთან ახლოს, მიცვალებულის სახის წინ). აქ გვხვდება: სამაჯურები, საყურეები, ბეჭდები, ხატისუღელი, კოლხური მონეტები და სხვ.

დაბლაგომის ქვევრსამარხებში მეტად დამახასიათებელი სამაჯურებია აღმოჩენილი. ისინი საერთოდ ოვალური მოყვანილობისაა, ბოლოებზე უკვრელი. ადრეული ჯგუფის სამაჯურებს (VI—V სს.) ზურგი გაბრტყელებული აქვთ, შემდეგ 'ხანებში (IV—III სს.) ზურგი — შედრეკილი. ადრეული ჯგუფის სამაჯურებს ბოლოები შემკული აქვთ ცხოველების თავთა გამოსახულებებითა და დამატებითი ნაჭდევებით. უფრო გვიან სამაჯურები შემკულია მძივისმაგვარი შემსხვილებებით. სამაჯურთა ადრეული ჯგუფი უფრო მასიურია და სწორკუთხა კრილი აქვს. უფრო გვიანდელი სამაჯურები შედარებით წერილია და მრგვალგანივკვეთიანი. ქვევრსამარხებში რკინის სამაჯურებიც არის აღმოჩენილი, ისეთივე მოყვანილობისა, როგორც ბრინჯაოსი.

დაბლაგომის სამარხებში გვხვდება რკალისებური ყელსამკაულები (ხატისუღელი), რომლებიც მოყვანილობითა და შემკულობით ძალიან ჰგვანან სამაჯურებს. გვხვდება საყურეებიც — ისინი წარმოადგენენ ბოლოებში გახვრეტილ რგოლებს. ერთ სამარხში აღმოჩნდა ვერცხლის საყურეც (რგოლზე მიმაგრებული ღრუ ბურთულა).

სამარხთა გვიანდელ ჯგუფში აღმოჩენილია თავშეუკვრელი ფირფიტისაგან გაკეთებული ბეჭდები. ბეჭდის ფარაკზე ამოკვეთილია გამოსახულებანი — ვარსკვლავის, ფრინველების და სხვ.

სამარხებში აღმოჩენილია ცილინდრული მოყვანილობის მინიატურული ზარაკები, გვერდებზაქრილი და ზედაპირწიბოიანი. ზარაკების ეს ფორმა გავრცელებულია ძვ. წ. IV—III სს. დასავლეთ საქართველოში (ფარცხანაყანევი, ვანი, ოჩამჩირე). ასეთივე მოყვანილობის, ოღონდ უფრო დიდი ზარაკები გვხვდება დასავლეთ საქართველოს მთიან რაიონებში, აღმოსავლეთ საქართველოში — ყაზბეგის განძში, აგრეთვე წყნეთში.

დაბლაგომის სამარხებში ხშირია მინისა და პასტის მძივები; შედარებით იშვიათია ნახევრად ძვირფასი ქვების (სერდოლიკი, ამეთვისტო) მძივები. მინის მძივები: ცისფერია, ლურჯი, მწვანე, ყავისფერი, „მოოქრული“, „მოვერცხლილი“. უფერული მინის ორ ფენას შორის ოქროს ან ვერცხლის თხელი ფირფიტა

ტა გადაკრული. ორ სამარხში აღმოჩენილია რკინის ბიკონუსური მახათი — საჩხვლეტები.

ქვევრსამარხების დასახასიათებლად დიდი მნიშვნელობა აქვს ბევრ მათგანში კოლხური თეთრის აღმოჩენას. ზოგიერთ მონეტაზე აქაც შემჩნეულია ნიშანი — MO.

დაბლაგომში მოპოვებულია კოლხური მონეტების განძიც. იგი შეიცავდა 102 მონეტას და მოთავსებული იყო ვერცხლის ომფალოსიან ფილაში (ძვ. წ. VI—V სს.). განძი, როგორც ჩანს, გახვეული ყოფილა თხელ ტილოში, რასაც მოწმობს განძის ერთერთ მონეტაზე შერჩენილი ტილოს პაწია ნაგლეჯი.

დაბლაგომში ანტიკურ ხანაში გამოყენებულია როგორც ოქრო და ვერცხლი, ისე ბრინჯაო და რკინა. ბრინჯაოსაგან დამზადებულია სამკაულები და ჭურჭელი, რკინისაგან სამკაულები — სამაჯურები; შრომისა და ბრძოლის იარაღი: შუბის პირები, მასიური სატევარი, ცულები, ნამგლისებრი დანა, მახათი-სახვრეტი, ვერცხლისაგან დამზადებულია ფილა, წვრილი სამკაული, მონეტები; ოქროსაგან — სამკაულები.

განვითარებული ჩანს მესაქონლეობა, რასაც მოწმობს კულტურულ ფენებში შინაური ცხოველების ძვლების აღმოჩენა. ამას გარდა, გვაქვს აგრეთვე ცხოველების გრაფიკული და სკულპტურული გამოსახულებანი. გამოხატულია როგორც შინაური ცხოველები და ფრინველები, ისე მტაცებლებიც.

გრაფიკული გამოსახულებანი სამარხზე ჭურჭელზეა; სკულპტურული გამო-სახულებანი თიხისა და ბრინჯაოსაგანაა გაკეთებული. ცხოველთა გამოსახულებანი ხან რეალისტურადაა შესრულებული, ხან ძალიან სტილიზებულია.

აღმოჩენილია ხარის, ცხენის, ვეფხვის ან ჭიჭის, ლომის, ცხვრისა თუ თხის, მამლის, იხვისა და სხვ. გამოსახულებანი.

ცხოველთა გამოსახულებებს უნდა მივაკეთებოთ თიხის ნაკეთობაც — „რქები“, რაც ხარის კულტანაა დაკავშირებული და ამ ცხოველის სამეურნეო მნიშვნელობას უსვამს ხაზს.

სოფლის მეურნეობის სხვადასხვა დარგის განვითარებაზე მიუთითებენ კულტურულ ფენებში აღმოჩენილი ხელსაფქვაევი და რკინის ნამგლისებური იარაღები. სელის წარმოების დაწინაურების მანიშნებელია ძვ. წ. VI ს. განძის ერთერთ კოლხურ თეთრზე შერჩენილი ტილოს ნაშთი; სელის ნაქსოვის ნაშთი რკინის სამაჯურებზე; სელის ანაბეჭდის ორნამენტი ქვევრზე და თიხის კვირის ტაეები. მეღვინეობა-მევეენახეობის განვითარების მაუწყებელია ქვევრები და საერთოდ საღვინე ჭურჭელი.

დაბლაგომის ძველი მოსახლობის არქეოლოგიურმა გამოკვლევამ დაგვანახა, რომ ძვ. წ. VI — III სს. აქ იყო ქალაქური ტიპის დასახლება. როგორც ჩანს, ქალაქის მოსახლეობა ქონების მიხედვით იყოფოდა უფრო შეძლებულ და ნაკლებად შეძლებულებად.

მდიდრული სამარხების არსებობა, აგრეთვე, მშვენივრად ნაკეთები ოქროს ნივთების ცალკეული აღმოჩენის ხშირი შემთხვევები ქონებრივად შეძლებული და სოციალურად დაწინაურებული ფენების ჩამოყალიბების მაჩვენებელია.

აქვე ვერცხლის ფიალაში მოთავსებული მონეტათა განძისა და სამკაულე-ბის აღმოჩენა მოწმობს ვაჭრობის განვითარებას. ვაჭრობის ფართოდ გაშლაზე მიუთითებს მოხატული და შავლაკიანი შემოტანილი კურკელი (ძვ. წ. VI—III სს.), ამფორები; რომელთა შორის აღგილობრივთა გვერდით არის შავი ზღვის სამხრეთ სანაპიროდან, იონიიდან და სხვა ადგილებიდან შემოტანილებიც.

ქვევრსამარხების ინვენტარი მოწმობს, რომ მოსახლეობა, რომელსაც ისინი ეკუთვნის, საშუალო შეძლებისა ყოფილა (სამკაული, სამაჯურები, კისრის რკა-ლები, მძივები, კურკელი, მონეტები). ამასვე მოწმობს სამარხში ნაპოვნი საბეჭ-დიანი ბეჭდები. რაც კერძო საკუთრების არსებობის მანიშნებლადაც არის მიჩ-ნეული.

დაბლაგომში ქალაქური ტიპის მოსახლობის არსებობაზე მიუთითებს სა-ნარხებში ძვ. წ. VI ს. მონეტების აღმოჩენა. მონეტა მოსახლეობის ყოფა-ცხოვ-რებაში, ჩანს, აუცილებელი რამ იყო. ამასთანავე ამ მონეტათა ზოგიერთი ცა-ლები ძალზე გახეხილია, რაც იმაზე მიუთითებს, რომ თუმცა მონეტებს ზოგჯერ განძებად ინახავდნენ, მაგრამ ისინი მოსახლეობაში განუწყვეტლივ და ხანგრძ-ლივ მიმოქცევაში იმყოფებოდა.

ამფორების — სანაოსნო ტრანსპორტირების ტარას ფართოდ გამოყენების არსებობა მიუთითებს სოფლის მეურნეობის პროდუქტების გაცელაზე. ამფორა-თა შორის აღგილობრივი ფორმების გვერდით გვხვდება შავი ზღვის სამხრეთ სანაპიროდან და უფრო შორეული მხარეებიდან შემოტანილიც, მაგ. კუნძულ როდოსიდან.

განსაკუთრებული ყურადღების ღირსია დაბლაგომის ქვევრების მხრებზე აღმოჩენილი ნიშნები. ერთ შემთხვევაში ნიშანი მოთავსებულია კურკლის ყელ-ზე. ნიშნები ჩვეულებრივ მოზრდილებია, ხაზოვანი; ამოკაწრულია საკმაოდ ღრმად ოდნავ შემშრალ თიხაზე. აღრეულ ჯგუფში გვხვდება მინაძერწი ნიშნე-ბიც. ნიშნების კიდევ ერთი ჯგუფი გვაქვს დაბლაგომში. ისინიც ქვევრებზე გვხვდება, ჩვეულებრივ კურკლის ტანის შუა ნაწილზე და გაცილებით უფრო მცირე ზომისაა, ვიდრე პირველი ჯგუფის ნიშნები. მათი შესრულების ტექნიკაც სხვაგვარია, ეს ნიშნები ამოფხაპნილია უკვე სავევებით მზა კურკელზე.

ბევრი ასეთი ნიშანი ასომთავარია. საინტერესოა აღინიშნოს სრული დამთხ-ვევა ერთი ქვევრის ნიშანსა და ვერცხლის ფიალის ძირზე გამოყვანილ ნიშანს შორის.

ნიშნების დიდ ნაწილს ცალკეული ასოს სახე აქვს, მაგრამ სანამ არ აღმოჩე-ნილა ამ ასოების ჯგუფები, არ შეიძლება მათი დამწერლობად მიჩნევა, თუმცა ასეთი შესაძლებლობის გამორიცხვაც არ შეიძლება.

ამ ხანის მასალები აღმოჩენილია სხვა პუნქტებშიაც, მაგ.: საჯავახოში, მთის-ქირში, დაფნარში, აჯამეთში, ბორში, ნოსირში, ფარცხანაყანევში და სხვ.

შავი ზღვის ნაპირას, მდინარე რიონის (ფაზისის) შესართავთან ძველად მღე-ბარეობდა ამავე სახელწოდების ქალაქი ფ ა ზ ი ს ი, თანამედროვე ქალაქის— ფოთის წინაპარი.

ქალაქ ფაზისის გვხვებით ძვ. წ. IV ს. ანტიკურ წყაროებში, მდინარე ფაზისის კი პეროდოტეც იხსენიებს ძვ. წ. V ს. ამის შემდეგ თითქმის ყველა წყარო ასა-ბელებს იმ დროის ცნობილ ქალაქ ფ ა ზ ი ს ს (მაგალითად, სქილაქე, თეოკრიტე,

სტრაბონი, პტოლემეაოსი, ფსევდო არიანე, პლინიუს სეკუნდუსი, ამიანე მარცელინი და ა. შ.).

სქილაქე კარიანდელი (ძვ. წ. IV ს.) ფაზისის ელინურ ქალაქს უწოდებს. ფსევდო არიანეს მიხედვით ფაზისი მილეთელების მიერ დაარსებული ბერძნული ქალაქია, სადაც „თავს იყრის 60 ტომი, რომლებიც სხვადასხვა ენაზე ლაპარაკობენ, ამბობენ, რომ აქ ჩამოდიან ბარბაროსები ინდოეთიდან და ბაქტრიიდან“. სტრაბონი, სამხრეთ კოლხეთის მკვიდრი, ფაზისს უწოდებს კოლხეების სავაჭრო ქალაქს (ემპორიუმს). გაიოს პლინიუს სეკუნდუსი ფაზისს ასახელებს მდინარე ფაზისზე არსებულ ოთხ სახელგანთქმულ ქალაქს შორის. პომპონიუს მელა ამბობს, რომ ქალაქში „არის ტაძარი და ფრიქსის ტყე“ და ა. შ.

თვითონ ქალაქი ფ ა ზ ი ს ი (ფოთი) ჯერჯერობით საგანგებოდ არ ყოფილა გათხრილი, მაგრამ შესწავლილ იქნა ქალაქის ახლო-მახლო უბნები. ასე მაგალითად, მდინარე რიონის (ფაზისის) მარჯვენა ნაპირას, სოფელ რეკას ტერიტორიაზე (ქვალონთან ახლოს), ფოთიდან 26 კმ დაშორებით 1933—1940 წწ. გათხარეს ბორცვი ნ ა ო ხ ვ ა მ უ. ძეგლის შესწავლამ დაგვანახა, რომ ეს ადგილი ინტენსიურად იყო დასახლებული ძვ. წ. III და II ათასწლეულებში. ნაოხვამუს მახლობელ ადგილებში ბორცვების ზედაპირზე შეგროვილია ანტიკური ხანის მავსალაღ.

ქ. ფოთის ჩრდილოეთით, მდინარე ხობის შესართავთან და მის შენაკად მდ. ცივასთან ითხრებოდა ნაოხვამუს სინქრონული ორი უძველესი ბორცვი.

ამას გარდა, მდ. ხობის მარჯვენა ნაპირზე, მდინარის შესართავიდან 8 კმ დაშორებით ს. ქარიატაში აღმოჩენილია ანტიკური ხანის მოსახლობის ნაშთები. შემოტანილი ამფორები და შველაკიანი კერამიკა იმის მაჩვენებელია, რომ ანტიკურ ხანაში აქ სანაოსნო გზა გადიოდა.

ფოთის სამხრეთით 15 კმ დაშორებით შესწავლილ იქნა უძველესი ნამოსახლარები მდინარე სუფსის შესართავთან. ეს ნამოსახლარები ზღვის სანაპირო ბუნებრივ სერებზეა განლაგებული.

უძველესი ნამოსახლარი ჩანს ქალაქის ცენტრიდან სულ რამდენიმე კილომეტრზე, სამხრეთისაკენ, მდინარე მალთაყვასთან.

მთელი ეს მასალა მოწმობს, რომ ფოთის ჯგერშემო 15—20 კმ მანძილზე არსებული ტერიტორია უძველესი ხანიდან იყო დასახლებული და მის მოსახლეობას მაღალი კულტურა ჰქონდა (კერამიკა, ლითონების დამუშავება, მესაქონლეობა, მიწათმოქმედება და სხვ).

დასახელებულ ნასახლარებზე, განსაკუთრებით ჩრდილოეთით და სამხრეთით მდებარე ძეგლებში, უძველესი ფენები ამჟამად მიწის ზედაპირიდან დაახლოებით სამი მეტრის სიღრმეზეა.

თვითონ ქალაქის ტერიტორიაზედაცა აქვს ადგილი არქეოლოგიურ აღმოჩენებს.

ქალაქის სამხრეთ გარეუბანთან პალიასტომის ტბის გაწმენდისას აღმოჩნდა შედარებით ადრეული ტიპის ბრინჯაოს ორი ცული. ეს აღმოჩენა მოწმობს, რომ ამ რაიონში არსებობს II ათასწლეულის დასასრულისა და I ათასწლეულის დასაწყისის ფენა.

ქალაქის ცენტრში, მდინარე რიონის მარჯვენა ნაპირას შემთხვევით წააწყდნენ ახ. წ. IV—V საუკუნეების ადგილობრივ ამფორას. 1946 წ. ჩატარებულმა მცირე გათხრებმა დაადასტურა ამ ადგილას კულტურული ფენის არსებობა და გამოაჩინა სახლის ნაშთები.

ქალაქის ტერიტორიაზე აღმოჩენილია აგრეთვე შველაკიანი კერამიკა და მარმარილოს ქანდაკების ფრაგმენტები.

დ ი უ ბ უ ა, რომელმაც ეს ადგილი 1833 წელს იწახულა, აღნიშნავდა, რომ მან აქ ნახა არიანეს დროის ციხის ნაშთები, და ალბომში იძლევა ამ ნაშთების გეგმასაც.

როგორც ჩანს, დიუბუა აქ ლაპარაკობს იმ ძეგლზე, რომელიც მდებარეობს ქალაქის ცენტრიდან აღმოსავლეთით 3 კმ დაშორებით და ცნობილია „ნაჯისურუს“ სახელით.

1910 წელს ფოთში იპოვნეს კოლხური თეთრის განძი, დღემდე ცნობილ განძთა შორის ყველაზე უფრო დიდი. განძი შეიცავდა წვრილი კოლხური თეთრის რამდენიმე გირვანქას და ორი ტიპის მსხვილი კოლხური „დიდრაქმის“ რამდენიმე ცალს. განძში კოლხური დიდრაქმების ორი ცნობილი ტიპის აღმოჩენა მიუთითებს განძის ასაკზე — ძვ. წ. VI—V სს. წვრილი კოლხურის რამდენიმე გირვანქა, თუ გირვანქაში საშუალოდ 200 ცალს ვივარაუდებთ, შეადგენს რამდენიმე ასეულ მონეტას.

ყველა ჩვენს მიერ ჩამოთვლილი არქეოლოგიური ძეგლი და ცალკეული აღმოჩენა ქალაქ ფოთის მიდამოებში და თვით ქალაქში, მოწმობს, რომ ეს ტერიტორია უძველესი ხანიდან იყო დასახლებული.

ბერძენ კოლონისტებს, რომლებიც აქეთვე VII—VI საუკუნეებიდან მოისწრაფოდნენ, უნდა დახვედროდათ უკვე განვითარებული ადგილობრივი მოსახლეობა. შესაძლებელია ბერძნებმა (მიღეთელებმა) აქ დაიკავეს ქალაქის ერთი რომელიმე ნაწილი. ამიტომ არის, რომ სტრაბონი ფაზისს უწოდებს კოლხების სავაჭრო ქალაქს (კოლხების ემპორიუმს).

ძვ. წ. VI—V საუკუნეების კოლხური თეთრის მსხვილი განძის აღმოჩენაც ქალაქის ასეთ მნიშვნელობაზე მიუთითებს.

ქალაქში იყო ტაძარი (კოლხების მთავარი ღმერთის). ქალაქის ტერიტორიაზე უკვე ახ. წ. II ს. დასაწყისში არიანეს უნახავს ფაზისელების ქალღმერთის ქანდაკება. აღწერის მიხედვით ქანდაკება დიდი ზომისა უნდა ყოფილიყო.

ძველ ქალაქ ფაზისთან დაკავშირებული ცნობა, რომელიც ჩვენ ხელთა გვაქვს, არის წარწერა ვერცხლის თასზე. იგი XIX ს. ბოლოს აღმოჩნდა ჩრდილო კავკასიაში, ყორღანულ სამარხში (მდინარეებს — დიდ და პატარა ზელენჩუკებსა და ყუბანს შორის, ე. წ. ზუბოვის ხუტორში). თასზე შემდეგი წარწერაა — „ვეკუთვნი აპოლონ წინამძღვარს, რომელიც ფაზისშია“. წარწერა თარიღდება ძვ. წ. V ს. ან IV ს. დასაწყისით, ხოლო თასი არაუგვიანეს V საუკუნის დასაწყისისა.

არაერთხელ გამოთქმული მოსაზრების მიხედვით თასი მოხვდა ჩრდილო კავკასიაში ფაზისიდან, ქალაქზე ჩრდილოეთიდან თავდასხმისა და ტაძრის გალარვის შედეგად.

თსი ფიალის ტიპისაა, შუაში ომფალოსი აქვს. ნაპირებზე შემოუყვება რქე-
ბგაშლილი ირმის თავების რელიეფური გამოსახულებები. თასის ომფალოსი გარ-
შემორტყმულია ხაზოვანი და წერტილოვანი ორნამენტით. ომფალოსის ზედა-
პირზე კი რელიეფურად დახვეული გველია გამოსახული.

თასის წარწერით ვიგებთ, რომ ქ. ფაზისში იყო აპოლონის სალოცავი, ტაძარ-
ი, რომლისთვისაც შეუწირავთ თასი.

აპოლონი (ხელოვნების, პოეზიისა და მუსიკის მფარველი) უკვე V საუკუნი-
დან გაიგივებულია ჰელიოსთან, მზის ღმერთთან. მზე კოლხების მთავარი
ღმერთია (აიეტი არის ძე ჰელიოსისა — მზისა), ამით უნდა აიხსნას მისი ტაძრის
არსებობა ქ. ფაზისში, და რომ ბერძნულ წარწერაში ამ ტაძარს აპოლონისას
უწოდებენ.

რაც შეეხება თვითონ თასს, ამგვარი მოყვანილობის თასების ხშირი აღმოჩე-
ნა საქართველოში შესაძლებლობას გვაძლევს ვილაპარაკოთ მათ ადგილობრივ
დამზადებაზე, ამაზე მიუთითებს ჩვენის აზრით, ირმის თავების გამოსახულება-
ნიც.

ქალაქ ფაზისის შესახებ არსებული როგორც წერილობითი, ისე არქეოლო-
გიური მასალების შესწავლა გვიჩვენებს, რომ ძველი ფაზისი და მისი მიმდგომი
ტერიტორია დასავლეთ საქართველოს ერთერთი ყველაზე მეტად დაწინაურებუ-
ლი რაიონი იყო უძველესი დროიდან ანტიკურ ხანამდე.

ამასთან დაკავშირებით საინტერესოა მოვიგონოთ წერილი კოლხური თეთ-
რის აღმოჩენა, რომელზედაც ბერძნული ასო Φ არის გამოსახული, მკვლევრები
იმ აზრის არიან, რომ ეს მონეტა ფაზისისაა. ამგვარად, სავსებით შესაძლებელია,
რომ ქალაქი ფაზისი სჭრიდა საერთო კოლხურ მონეტას, კოლხურ თეთრს, ჰქონ-
და თავისი ზარაფხანა.

ქალაქის განვითარებას ხელს უწყობდა მისი როგორც ზღვისპირა, ისე სა-
ნაოსნო მდინარე რიონზე მდებარეობა. მდინარე რიონი წარმოადგენდა ძველი
საერთაშორისო გზის ნაწილს, რომელიც აერთებდა შავი და ეგეოსის ზღვების
აუზებს კასპიის ზღვასთან და აღმოსავლეთთან.

კიდევ უფრო მარჯვედ უკავშირდებოდა ქალაქი ფაზისი მდინარე რიონით,
მტკვრის აუზითა და სახმელეთო გადასასვლელების საშუალებით როგორც თით-
ქმის მთელ დასავლეთ საქართველოს, ისე აღმოსავლეთ საქართველოსაც.

ანტიკურ ხანაშივე ყოფილა დასახლებული ქუთაისის ტერიტორია და
მისი მიდამოები, ბერძნულ წყაროებში (აპოლონ როდოსელი) ეს ქალაქი ცნო-
ბილია სახელით: კვტე — კვტაია, უფრო გვიან (ბიზანტიურ წყაროებში) გვხვდე-
ბა: კოტატის. დასახლებული ყოფილა მდინარე რიონის როგორც მარცხენა, ისე
მარჯვენა ნაპირი, და მდინარის სივიწროვე ამ ადგილას, ალბათ, ძველდაც ააღ-
ვილებდა ნაპირებს შორის კავშირს.

ქ. ქუთაისში, მდინარე რიონის მარჯვენა ნაპირზე, ე. წ. „არქიელის გორაზე“
აღმოჩენილია ბრინჯაოს საგნები: მშვილდური ფიბულა, ცხოველის ფიგურა და
სხვა. რიონის მარჯვენა ნაპირზევე, „ცაცხვებში“ გზის გაყვანისა და სახლის მშე-
ნებლობის დროს ოციან წლებში აღმოჩნდა ძველი სამაროვანი. ამ სამაროვნი-
დან ქუთაისის მუზეუმში ინახება 11 მონეტა — კოლხური თეთრი, ბრინჯაოს
ბრტყელი იარაღი (სეგმენტისებრი თოხები); ბრინჯაოს სამაჯურები, საყურე-

ები, საკიდები, მძივები და სხვ. სამაროვნიდან წარმოდგენილია იმავე (ძვ. წ. V ს. ახლოს) და უფრო ადრეული ხანის კერამიკაც. ქუთაისში მისტემატური საველე-არქეოლოგიური სამუშაოები ჯერ არ განხორციელებულა, მაგრამ ჩვენთვის ცნობილი, შემთხვევითი აღმოჩენების შედეგად მოპოვებული მცირე არქეოლოგიური მასალა, რომელიც ქალაქ ქუთაისის ტერიტორიიდან მომდინარეობს, მოწმობს თანამედროვე ქალაქის ტერიტორიაზე ძველი მოსახლობის ნაშთების არსებობას, უფრო გვიან კი ქალაქის ტიპის მოსახლობასაც, ქალაქის არსებობასაც.

აქ გამოვლენილი ქვევრსამარხები მათთვის დამახასიათებელი ინვენტარით, ისევე როგორც კერამიკა, საეხებით ისეთივეა როგორც მაგ. დაბლაგომისა.

ამფორის ნატეხი (სინოპური?), შველაქიანი ქურქელი, კოლხური მონეტები სამარხებიდან, მოწმობენ აქაც ქალაქური ცხოვრების არსებობას.

ანტიკური მოსახლობის მნიშვნელოვანი ნაშთები აღმოჩენილია ქვედა ვანში, დაახლოებით 500 მ მანძილზე მდინარე რიონის კალაპოტიდან, გორების აღმოსავლეთ ფერდობზე, რომლებიც ჭიშურამდე მოდიან.

ეს ადგილები ლიტერატურაში ცნობილია უკვე XIX საუკუნიდან და განსაკუთრებით თბილისის მე-5 არქეოლოგიური ყრილობის დროიდან. აქ მცირე გათხრები ჩაატარა ე. თაყაიშვილმა მოსკოვის არქეოლოგიური საზოგადოების დავალებით 1896 წ. და უფრო გვიან. აქვე ჩაატარა დაზვერვა და გათხრები 1947—1948 და 1957—1958 წწ. საქართველოს სსრ მეცნიერებათა აკადემიის ისტორიის ინსტიტუტის არქეოლოგიურმა ექსპედიციამ (ხელმძღვანელი ნ. ხოშტარია).

დასახელებული ანტიკური მოსახლობის ცენტრი ქვედა ვანშია, მდინარე ჭიშურას (სულორის შენაკადის), ღლეე საქვაბიას მარცხენა ნაპირას, რომელიც აქ საკმაოდ ღრმა ხევში მიედინება.

ანტიკური მოსახლობის ნაშთები უმთავრესად ჩნდება შედარებით პატარა და განცალკევებულ გორაზე (ახვლედიანთ უბანი, ტაბ. XXI).

როგორც ირკვევა, ანტიკური მოსახლობა უფრო აღმოსავლეთით დაბლობშიც მდებარეობდა, სულორის მარჯვენა ნაპირზე. დასავლეთისაკენ კი იგი თითქმის უწყვეტლად თვით დაბლაგომამდე ვრცელდებოდა.

ახვლედიანთ უბნის უშუალო ბუნებრივ გაგრძელებას წარმოადგენს სოფელი ციხესულორი. როგორც გორის მწვერვალზე, ისე მის ფერდობებზე, ყველგან კიდევ უფრო ძველ კულტურულ ნაშთებთან ერთად მოიპოვება ანტიკური დროის კულტურული ფენები და ნაგებობების ნაშთები — კერძოდ, ვანში აღმოჩენილის მსგავსი.


სოფლისა და საშუალო საუკუნის ციხის ნაშთებიანი მიდამოების სახელი — ციხესულორი იმის მაჩვენებელი უნდა იყოს, რომ „სულორი“ მხოლოდ მდინარის სახელი კი არ იყო. მსგავსი სახელწოდება ჰქონდა ალბათ მდინარე სულორის შესართავთან მდებარე ადგილებსაც.

ქვედა ვანში ძველი მოსახლობის არქეოლოგიურმა გამოკვლევამ გვიჩვენა, რომ ის საგრძნობლად გაზრდილა ანტიკურ ხანაში, როდესაც ქალაქად ქცეულა და განსაკუთრებული მნიშვნელობა მიიღია.

ქალაქის ხელსაყრელი ბუნებრივ-გეოგრაფიული პირობები არ შეიძლება შეუმჩნეველი დარჩენილიყო ანტიკურ დროში. იგი მდებარეობდა ძველი საერ-




1




7



4



5



2




8



3



6



თაშორისო გზების ჯვარედინზე, რიონის ნაპირას, მდინარის იმ ნაწილში, სადა მდინარე იხრის და სადაც იწყებოდა ერთერთი უმოკლესი სახმელეთო გზა, რომელიც აერთებდა რიონსა და მტკვარს. ეს გზა მიემართებოდა აღმოსავლეთისაკენ (იბერიისაკენ და უფრო შორს — კასპრის ზღვის გადაღმა, შუა აზიაში) და სამხრეთისაკენ.

როგორც ცნობილია, ანტიკური ავტორები საყურადღებო ცნობებს გვაწვდიან კოლხეთის იმ ქალაქების შესახებ, რომლებიც კოლხეთის შიდა ტერიტორიაზე მდებარეობდნენ. ასეთი ცნობები მოეპოვებათ ახ. წ. I და II საუკუნეების ავტორებს — პლინიუსს ჩეკუნდუსს (ახ. წ. I ს.) და პტოლემეაიოსს (ახ. წ. II ს.).

პლინიუსი მდინარე ფაზისზე ქალაქ ფაზისის გარდა რამდენიმე ქალაქს ასახელებს და აღნიშნავს, რომ ყველაზე ფართოდ იყო ცნობილი ა ი ა.

პლინიუსი მხოლოდ ერთ ქალაქზე ლაპარაკობს, როგორც მის დროსაც არსებულზე, ეს არის ქალაქი ს უ რ ი უ მ ი. როგორც მისი ცნობიდან ჩანს:

ა) ქალაქი მდებარეობს მდ. ფაზისზე, იმ ადგილას, სადაც ფაზისს უერთდება მისი შენაკადი სურიაუსი.

ბ) აღნიშნული მდინარე სურიაუსი იქ უერთდება მდ. ფაზისს, სადაც თავდება ფაზისის დიდი გემებისათვის სანაოსნო ნაწილი. იმავე პლინიუსის ცნობით კი მდინარე ფაზისი დიდი გემებისათვის სანაოსნოა მისი შესართავიდან 38,5 რომაული მილის მანძილზე, რაც შეადგენს დაახლოებით 57 კმ. ამის ზევით მდინარე ფაზისი აგრეთვე სანაოსნოა, მაგრამ უფრო მცირე გემებისათვის.

მდინარე ფაზისზე ნაოსნობის შესახებ ჩვენ მეორე ავტორის ცნობებიც მოგვეპოვება, პლინიუსის უშუალო წინამორბედისა. სტრაბონი თავის გეოგრაფიაში გვაუწყებს, რომ ფაზისი სანაოსნოა ციხე სარაპანამდე — შორაპანამდე, ე. ი. მდინარე ფაზისზე ნაოსნობა იყო შესართავიდან დაწყებული შორაპანამდე.

აღნიშნული პუნქტი, ქალაქი ან სოფელი სურიაუსი შიგ კოლხეთში დასახლებული აქვს პტოლემეაიოსსაც (ახ. წ. II ს.). პტოლემეაიოსის ცნობების მიხედვით სურიაუსი ქალაქ ფაზისზე ოდნავ სამხრეთით უნდა მდებარეობდეს, ე. ი. მდინარე ფაზისის მარცხენა ნაპირას და ქ. ფაზისის აღმოსავლეთით.

ქალაქ სურიაუსის (სურიაუსი) გეოგრაფიული მდებარეობის შესახებ ხელმეორე ცნობების მიხედვით ჩვენ შეგვიძლია ვიფიქროთ, რომ ქვედა ვანში და მის მეზობლად, სოფ. ციხესულორში არსებული ანტიკური დროის ქალაქის ნაშთები სწორედ ამ ანტიკური დროის ქალაქის — სურიაუსის ნაშთები უნდა იყოს; ხოლო მდინარე სურიაუსი დღევანდელი მდ. სულორია.

ს უ-ლ-ო რ ი, ს უ-რ-ი-უსი სავსებით შესაძლებელია ერთი და იგივე სახელწოდებას წარმოადგენდეს.

რაც შეეხება სუფიქსს — „ორი“, რომლითაც თავდება მდინარის თანამედროვე სახელწოდება, ეს სუფიქსი საკმაოდ გავრცელებულია საქართველოს ტოპონიმშიკაში, როგორც დასავლეთ, ისე აღმოსავლეთ საქართველოში. შეიძლება დავასახელოთ ათეულობით ასეთი სახელი, მაგალითად: კოდორი, ილორი, შაორი, სხვიტორი; ბომბორი, ჯოჯორი, იორი, გორი, გომბორი და ა. შ.

სოფელ ქვედა ვანის გორაზე, როგორც შემთხვევითმა აღმოჩენებმა და არქეოლოგიურმა გათხრებმა გვიჩვენეს, ცხოვრობდა საზოგადოების მაღალი ფენა და მმართველი წრე. ასეთი დასკვნის საფუძველს გვაძლევს ახველდიანთ გორის მწვერვალზე და ნაწილობრივ მის ფერდობებზე არქეოლოგიური გათხრებისას აღმოჩენილი ნაგებობების, ციხე-სიმაგრის კედლების, საფლავეების ნაშთები და მათთან დაკავშირებული კულტურული ფენები (ტაბ. XXI, XXIII, 1, 2, XXIV, 9, 11).

აღნიშნული ძეგლები ძირითადად ძვ. წ. VI—I საუკუნეებისაა.

ბორცვის მწვერვალზე მოთავსებულ ნაგებობათა ნაშთები ორ დამოუკიდებელ შენობას ეკუთვნის, რომლებიც ერთიმეორისაგან დაშორებულია 3—4 საუკუნით.

უფრო გვიანდელი, შენობა II, თარიღდება როგორც გამოყენებული მშენებლობის ხერხებით, ისე იქ აღმოჩენილი მასალით (მონეტები მითრიდატე ევპატორის დროსა, წითელლაკიანი კერამიკა და სხვ.). ყველაფერი ამის გათვალისწინებით შენობა ამოყვანილია დაახლოებით ძვ. წ. II საუკუნის ბოლოს და დანგრეულია ძვ. წ. I საუკუნის პირველ ნახევარში.

პირველი შენობა ეკუთვნის ძვ. წ. V საუკუნეს ან IV საუკუნის დასაწყისს.

დაცვითი კედლების ნაშთები, ქვისაგან ამოყვანილი, მაგრამ სხვა ხერხებით, ვიდრე აქ განხილული კედლების ნაშთები, აღმოჩენილია საქვაბიას ღელის მარჯვენა ნაპირას, სადაც კოლმეურნეობის ახლად გაშენებული ზერებია. უკანასკნელი კედლების ნაშთები, როგორც მოსალოდნელია, წარმოადგენენ გამაგრებულ სასოფლო-სამეურნეო ნაკვეთების (კლერები) ნაშთებს. ამ ნაკვეთებზე გამოყენებული უნდა ყოფილიყო მონების ან ნახევრად თავისუფალი მოსახლეობის შრომა.

ბორცვის მწვერვალზე, II შენობის ჩრდილო-დასავლეთ კედლებთან გათხრების დროს აღმოჩენილია თავის დროზე იქ დაწყობილი მრავალი ათეული გათლილი ქვის ქურვი (ქურვის დიამეტრი დაახლოებით 20 სმ). მსგავსი ქურვები აღმოჩენილია იმავე ფერდობის სხვა ნაწილებშიც.

ახველდიანთ გორის ზედა ნაწილში, მის ჩრდილო-აღმოსავლეთ ფერდობზე, საკმაოდ დიდი რაოდენობითაა მიკვლეული ანტიკური ხანის მდიდრული სამარხები.

ისტორიის ინსტიტუტის არქეოლოგიურმა ექსპედიციამ გათხარა ოთხი სამარხი უშუალოდ ციხის კედელთან: ერთი, ყველაზე მდიდრული — ციხის გარეთ და სამი დანარჩენი ციხის შიგნით.

პირველი ბავშვის (3—4 წლის გოგონას) მდიდრული სამარხია. ბავშვი დასაფლავებული იყო გათლილი ლოდებისაგან ამოყვანილ აკლდამაში. სახურავს ნაპირებზე მიყრილი ჰქონდა რიყის ქვები.

მცვალებული დასაფლავებული იყო ხელფეხმოკეცილ მდგომარეობაში, მარჯვენა გვერდზე, თავით აღმოსავლეთისაკენ. ჩატანებული ინვენტარი განსაკუთრებული სიმდიდრით და სიღამაზით გამოირჩეოდა. თითქმის ყველა სამკაული ოქროსი ჰქონდა, გარდა მძივებისა, რომდის ნაწილი აგრეთვე ოქროსი იყო.

ბავშვის თავთან აღმოჩენილია 67 ცალი მრგვალი ვარდული — თავსაბურავის მორთულობა, კისერთან — ხატისუღელი, რომელზეც წამოკმული იყო

წყვილი საყურე. ხატისუღლის ბოლოები შემკულია მხატვრულად გამოქანდა-
კებული ლომის თავებით. საყურეები წარმოადგენენ მავთულის რგოლზე დაკი-
დულ ბურთულებს, რომელსაც შუაში მსხვილი მარგალიტი უზის. მარგალიტი
ჩასმულია ოქროში, რომლის ზედაპირი ოქროს ცვარით არის შემკული (ტაბ.
XXII, 5). აქ აღმოჩენილი მარგალიტები ჭკრჭკრობით საქართველოში აღმო-
ჩენილებიდან ყველაზე ძველია. საფლავში ნაპოვნია წყვილი სამაჯური, რომე-
ლიც ხელეზზე ჰქონდა მიცვალბულს. სამაჯურის ფორმა ოვალურია, ზურგა
ჩაზნექილი აქვს, ბოლოები ოდნავ დამორებულია ერთმანეთს და შემკულია
ისევე, როგორც ხატისუღლის ბოლოები (ტაბ. XXII, 5). სამარხში დიდი რაოდენობით
აღმოჩნდა მძივები: მინისა, „მოოქვრილი“, პასტისა და აგრეთვე
ოქროსიც.

სამარხში აღმოჩენილი წვრილი კილიტები, როგორც ჩანს, უკანა მხარეზე
დარჩილული ყუნწებით დაკრებული იყო ტანისამოსზე. იქვე მოპოვებულია
დიდი რაოდენობით ოქრომკედი. ბავშვის მუხლებთან მოთავსებული იყო ორ-
ყურა, ქუსლიანი, ლამაზად გაკეთებული ვერცხლის სასმისი, რომელსაც ორფე-
ნოვანი კედლები ჰქონდა. ჭურჭლის ქუსლზე ორი ასოა ამოყვანილი და ჭურჭ-
ლის ზედაპირზე ძალზე წვრილი ხაზებით ამოაქრულია რამდენიმე ასო. საფლავი
ვი თარიღდება ძვ. წ. IV საუკუნის ბოლოთი.

სულ რამდენიმე მეტრის მანძილზე სამხრეთ-აღმოსავლეთით, ისევე უშუა-
ლოდ ციხის კედელთან, მაგრამ ციხის შიგნით, აღმოჩენილია სამი სამარხი, ერთ
ხაზზე, ერთიმეორის გვერდით განლაგებული.

პირველი საფლავი ეკუთვნოდა ქალს; თირში ამოქრილ ორმოში იდგა
დერგი მიცვალბულის ნაშთებით. ზევიდან ჭურჭელი გადახურული იყო შავი
ქვევრის ნატეხით. სამარხი ჭურჭლის ზომაა: სიმაღლე — 39 სმ, ძირის დიამეტრი —
16 სმ, ყელის დიამეტრი — 26 სმ.

დასაფლავება მეორადი იყო, მაგრამ ძვლებს კრემაციის კვალი არ ეტყობო-
და. ადამიანის ლულოვანი ძვლები სამარხში აღმოჩნდა გარკვეულ წესზე და-
ლაგებული.

სამარხის ინვენტარი ძალიან საინტერესო და, შეიძლება ითქვას, მდიდრუ-
ლია, მიუხედავად იმისა, რომ ის არ შეიცავს ოქროს ნივთებს. მასში შედის აღ-
ნიშნული დროის დასავლეთ საქართველოს ქვევრსამარხებისათვის დამახასიათე-
ბელი სამკაული: ბრინჯაოს, ვერცხლის და რკინის სამაჯურები, ოვალური ფორ-
მისა, ზურგჩაზნექილი, ბოლოები ოდნავ დამორებული და სქემატურად გაფორ-
მებული ცხოველების თავებით აქვს შემკული; ხატისუღელი ბრინჯაოსი და
რკინისა; ბრინჯაოს მინიატურული ზანზალაკი ცილინდრული ფორმისა, ერთ
მხარეზე გაქრილი; საფეთქლის რგოლები ბრინჯაოსი; 8 ცალი კოლხური თეთ-
რი. ამას გარდა სამარხში აღმოჩნდა ბრინჯაოს და ვერცხლის ჭურჭელი: ბრინ-
ჯაოს ორი ლანგარი ომფალოსებით, ვერცხლის ფიალები ომფალოსებით და ორ-
ნამენტებული (ტაბ. XXII, 6); ორყურა ქვაბი, დოქი, ბრინჯაოს გარსაკრავი მო-
წნული ჭურჭლისათვის (?), ჭურჭლის გრძელი ყური (შეიძლება საწურის) ბოლო
იხვის თავის გამოსახულებით შემკული, სხვადასხვა ჭურჭლის, მათ შორის მომ-
ცრო სასმისების ნატეხები.

მამაკაცის სამარხი ორმო პატარაა (42×52 სმ) და მომრგვალო ფორმა აქვს. სამარხში აღმოჩენილია მცირე ზომის მრგვალი, ყურიანი დოქი, რომლის ზედა ნაწილი შავი ლაყით არის დაფარული. იმავე საფლავეში აღმოჩნდა 6 ცალი რკინის შუბისა და ხელშუბის პირი, ორი ტიპისა და აგრეთვე რომელიღაც რკინის ნივთის ნაწილები (ღეროები). ადამიანის ჩონჩხის მხოლოდ ნაწილი იყო წარმოდგენილი, არ ჩანდა ნეკნები და ხერხემლის მალები. ლულოვანი ძვლები საფლავეში ჭვარედინად ელაგა.

* საფლავის ზემოთ და განსაკუთრებით მისგან დასავლეთით და ჩრდილოეთით ვრცელდებოდა შავი, გადამწვარი ფენა, რომელშიაც დიდი რაოდენობით იყო ცეცხლში ნაშყოფი ჯავშნის ფირფიტები. ადამიანის ძვალს დაწვის გარკვეული კვალი არ ემჩნევა, მაგრამ დასაფლავება მაინც მეორადია და დაკავშირებულია დაწვასთან. დაწვა, როგორც ჩანს, აქვე მომხდარა, აღნიშნული საფლავის გვერდით და მიცვალებული დაუწვავთ საკურველთან ერთად.

ამ ორ სამარხს შორის კლდეში ამოკვეთილ პატარა ორმოში დასაფლავებული იყო რკინისაგან გამოკედილი მამაკაცის ფიგურა, შემკული ოქროს კლიტებით, რომლებიც, როგორც შემორჩენილი ქსოვილის ნაშთები გვიჩვენებს, ტანსაცმელზე ან სუდარაზე უნდა ყოფილიყვნენ დაკერებული (ტაბ. XXIII, 3). მამაკაცის ფიგურას ოქროს მავთულისგან გაკეთებული საყურე და ხატისუღელი ეკეთა. სამარხი ღარისებრი კრამიტით იყო გადახურული.

აქ განხილული სამივე სამარხი ძვ. წ. III საუკუნით თარიღდება.

ვანის იმავე ნაწილში, რომელზედაც აქ გვაქვს საუბარი და სადაც საზოგადოების „ზედა ფენა“ ცხოვრობდა, დადასტურებულია მდიდართა დასაფლავების განსხვავებული წესებიც.

ერთი ამისთანა სამარხი ქვის დიდი ფილებისაგან იყო შეკრული, როგორც ჩანს, რკინის გამირებითაც კი. სამარხში დიდი რაოდენობით აღმოჩენილა ოქროს სამკაული; ჩვენამდე მოაღწია ოქროს დიადემამ, ის ძალიან ფაქიზად არის დამუშავებული და შემკულია ოქროს გავარსით, ფილიგრანით, წითელი ქვებით (გრანატით ?), მინანქრით. დიადემაზე გამოსახულია ეგრეთ წოდებული ჰერაკლეს კვანძი (ტაბ. XXII, 7). ვანის ამ დიადემას ბევრი აქვს საერთო ყუბანის მხარეში, ე. წ. არტიუხოვის ყორღანში და ქერსონესში აღმოჩენილ დიადემასთან. ზემოაღწერილი დიადემა ძვ. წ. II საუკუნეს უნდა ეკუთვნოდეს.

ვანში აღმოჩენილია აგრეთვე მთლიანი ქვისაგან გამოთლილი სარკოფაგებიც. ადრე იქ თიხის კუბოც ყოფილა აღმოჩენილი. რაკი ჯერჯერობით საქართველოს ტერიტორიაზე ნაპოვნი და შესწავლილი ყველა თიხის კუბო ეკუთვნის გვიანანტიკურ და ადრეფეოდალურ ხანას, ვანში აღმოჩენილი თიხის კუბოც აგრეთვე ადრექრისტიანული ხანისა უნდა იყოს. ვანს და საერთოდ იმ მხარეს ადრექრისტიანულ ხანაშიც არ დაუკარგავს თავისი მნიშვნელობა.

ექვთ. თაყაიშვილი ადასტურებდა ვანში დასაფლავების ერთ თავისებურ წესს — მიცვალებული ჭაჭვებით იყო შეკრული და ისე დასაფლავებული საქვების ღელეში. შეიძლება ეს იყო ჰიკედლით დასაჯილი ადამიანი, ან სამხედრო ტყვე თუ მონა.

ანტიკური დროის მდიდრული საფლავი აღმოჩენილია სოფ. მთისძირში, ქვედა ვანის დასავლეთით 8 კმ მანძილზე. ეს არის ერთერთი უძველესი მდიდრული სამარხი ამ მხარეში.

მთისძირის საფლავი შემთხვევითაა აღმოჩენილი და მხოლოდ შემდეგ მოხდა აღმოჩენის პირობებისა და საფლავის ნაშთების ადგილზე შესწავლა. იგი კლდეში ამოკრილ ორმოში იყო მოწყობილი და მოზრდილი ფილაქვით გადახურული. სამარხში აღმოჩენილია: ორად გატეხილი ოქროს ხატისუღელი, სხივანა საყურე, ვერცხლის ყანწის—„რიტონის“ წინა ნაწილი, ქვების (?) გარსაკრავი, ბრინჯაოს კურკლის ფრაგმენტები და სხვ.

აღმოჩენილი მასალა (რიტონი, საყურე და სხვ.) მტკიცე საფუძველს გვაძლევს მთისძირის მდიდრული სამარხი ძვ. წ. VI საუკუნეს მიეკუთვნება.

ზემოთ აღწერილი სამარხები ანტიკური ხანის ქონებიერი, მაღალი წრის წევრების მიცვალებულებს მიეკუთვნება.

რაც შეეხება ფართო მასებს, მატერიალური დოვლათის მაწარმოებლებს, ჩვენს ხელთ არსებული ჯერ მცირერიცხოვანი მასალის მიხედვით შეიძლება ითქვას, რომ აქაც დასაფლავების ერთადერთი წესი დაპირქვევებულ ქვეერში დაკრძალვაა.

განსაკუთრებულ ინტერესს იწვევს-ოქრომკედლობა ანტიკურ ვანში. ვანში და ვანის რაიონში აღმოჩენილი ოქროს ნივთები ძირითადად ორ ქრონოლოგიურ მონაკვეთს განეკუთვნება: პირველი ჯგუფი VI—V საუკუნეებისაა, ხოლო მეორე — IV—II საუკუნეებისა.

პირველ ჯგუფში რამდენიმე საგანი შედის: საყურე და ხატისუღელი მთისძირიდან ძვ. წ. VI საუკუნისა, საყურე (ტაბ. XXII, 4) და სამაჯური ვანიდან ძვ. წ. V საუკუნისა.

საყურეები გამოირჩევიან მდიდრული გავარსითა და ე. წ. ფილიგრანით, მათი რგოლი ორივე შემთხვევაში შემკულია ვარდულით, რომლის ანალოგიას ჩვენ ვხედავთ ახალგორის საყურეებში (ტაბ. XXII, 1).

მთისძირისა და ვანის საყურეები ამავე დროს განსხვავდებიან კიდევ ერთი მხრიდან: პირველს სხივანა ღეროები აქვს, მეორე კი ბურთულებიანი ცვარა სამკაულით მდიდრულადაა მორთული.

ვანში ნაპოვნი სამაჯურებიც ორ ჯგუფად შეიძლება დაიყოს: პირველი ჯგუფისა მრგვალია, დაგრეხილი ღერო აქვს და ბოლოები ლამაზად გამოქანდაკებული ცხოველთა თავების გამოსახულებებით შემკული.

მეორე ჯგუფის სამაჯურები ოვალურია, ზურგგაზნექილი. მათი ბოლოებიც ცხოველთა თავების გამოსახულებებით არის შემკული, მაგრამ აქ გამოსახულებები უფრო სქემატურია (ტაბ. XXII, 5).

ვანში აღმოჩენილი პოლიქრომული სამკაული ძვ. წ. II საუკუნისაა. ამ ჯგუფის ყველაზე შესანიშნავი წარმომადგენელია ოქროს ორბალთიანი დიადემა. ბალთები თითქოს სწორკუთხოვანი მოყვანილობისაა. დიადემას ქვევით წვრილ ძეწკვებზე ჩამოკიდებული აქვს პატარა-პატარა სამკაულები. დიადემის ზედაპირი მდიდრულადაა შემკული ოქროს გავარსით, ფილიგრანით, წითელი ქვებით (გრანატი) და მინანქრით. გავარსით ზოგჯერ დაფარულია ორნამენტის მთელი ზედაპირი. დიადემაზე გამოსახულია ე. წ. პერაკლეს კვანძი (ტაბ.

XXII, 7). ამ მხრივ და შემკულობის ტექნიკითაც ვანის დიადემას ბევრი საერთო აქვს, როგორც ზემოთ აღინიშნა, ყუბანის მხარეში (არტიუხოვის ყორღანი) და აგრეთვე ქერსონესში აღმოჩენილ დიადემებთან. მაგრამ ამ ნივთების სტილი მაინც ძალიან თავისებურია.

ორივე შემთხვევაში გამოყენებულია ნაზი ფერების მინანქარი, რომლისთვისაც უჯრედები ოქროს ვიწრო ფირფიტებით არის გადატინებული.

პოლიქრომულ ჯგუფს უნდა მივაკუთვნოთ ოქროს ბალთა ვანიდან, რომელზედაც გამოსახულია ბრძოლა მამაკაცსა და მხეცს შორის. მხეცის თვალი ამჟამად ცარიელია, ადრე ალბათ იქ ფერადი, შეიძლება ისევე წითელი, ქვეები (გრანატი) იყო ჩასმული (ტაბ. XXII, 8).

პოლიქრომულია აგრეთვე ბავშვის სამარხში აღმოჩენილი მსხვილი მარგალიტით შემკული ოქროს საყურე.

ამას გარდა, ვანში არაერთხელ აღმოუჩენიათ ფერად-ფერადი გემგებით შემკული ოქროს სამკაული.

ძალიან თავისებურია ვანში აღმოჩენილი წერილი სამკაული: ოქროს ფურცლისაგან დახვეული ცილინდრული მილაკები, რომლებსაც ზედაპირი გლუვი ან დაღარული აქვთ; ბურთულა მძივი სხვადასხვა ზომისა და სხვადასხვანაირად შემკული (ზოგის ზედაპირი მთლიანად გავარსითაა დაფარული, ზოგი — შედარებით მძიმეა, ზოგს კარგად ეტყობა, რომ ორი ნაწილისაგან შედგება); სხვადასხვა ზომის მრგვალი, ყუნწიანი კილიტები (ზოგი ნახევარსფერული ფორმისაა, ზოგს მხოლოდ შუა ნაწილი აქვს ამობურცული); სხვადასხვა ზომის ყუნწიანი ვარდულები; ვარდულები მინიატურული, ნაპირებზე ოქროს ფილიგრანითა და შუაში ცვარით შემკული და ა. შ.

ეს, არა სრული გათვალისწინებაც კი ვანსა და მის სანახებში აღმოჩენილი ანტიკური ხანის მასალებისა ცხოველს ხდის საქალაქო ცხოვრების შედარებით ადრე დაწინაურებას, რასაც რასაკვირველია, უნდა მოყოლოდა ხელოსნობის (ოქრომშველდობის, მეთუნეობის, ქსოვის, ქეითხურობის, მეკრამიტეობის და ა. შ.) სწრაფი განვითარება, ვაჭრობა-აღებმიცემობის დაწინაურება და მოსახლეობის სოციალური დიფერენციაციის ადრე დაწყებული პროცესის შემდგომი გაღრმავება. უნდა გაითვალისწინოთ, რომ საქმე ეხება შედარებით ადრინდელ ქალაქს, რომლის ზეობა ძვ. წ. VI—V სს. უნდა ვივარაუდოთ.

ქ ა ლ ა ქ ზ უ გ დ ი დ ის მიდამოები თითქმის სრულიად არაა შესწავლილი არქეოლოგიურად; გამოჩაყლისა წარმოადგენს სამოსახლო ბორცვი დ ი ხ ა-გ უ-ძ უ ბ ა, რომელიც ზუგდიდის დასავლეთით მდებარეობს; მისგან 25 კმ დაშორებით (ზუგდიდის მუზეუმის გათხრები. ა. კანტურია),¹ და ს. შაკალათიას დაზვერვები სოფ. რეყეში, აგრეთვე ისტორიის ინსტიტუტის ექსპედიციის დაზვერვები 1938—1945 წლებში.

საყურადღებო მასალებია აღმოჩენილი მდ. ენგურის აუზში, კერძოდ, მის მარცხენა ნაპირზე. უპირველეს ყოვლისა ყურადღებას იქცევენ კოლხური ფულის განძები სოფ. ჯუმიდან (ამ განძში 5 უნიკალური, ლომის გამოსახულებიანი მონეტა ურია), სოფ. ერგეტიდან, სოფ. რუხიდან, სოფ. ახალ აბასთუმნიდან, სოფ. ქითაწყარიდან და სხვ.

კოლხური თეთრის განძები სხვა ინვენტართან ერთად ნაპოვნია ანაკლიის მახლობლად, სოფ. ჭითაწყარში (კოლხური თეთრი, წყვილი სხივანი საყურე, სამაჭური) და ქ. ზუგდიდში (ბრინჯაოს ზარაკი, ლურჯი, თვალედი მძივი და მწვანე, ლურჯი და ყვითელი იოტები).

ანტიკური ხანის შევლაკიანი კერამიკისა და ამფორების ნატეხები აღმოჩნდა დიხა-გუშუბაში (ა. პანტურიძე გათხრები).

არქეოლოგიურ აღმოჩენებს ადგილი ჰქონდა სოფელ რეყეს სამხრეთ ნაწილში, კოლმურნე ქ. ვეკუას ნაკვეთში. მდინარის ქვედა ტერასაზე, ბორცვის ძირას არის წყარო, რომლის კედლებიც ამოშენებულია მსხვილი რიყის ქვით. წყაროდან დის მშენებრი წყალი („წყურავილი“).

ვეკუას ეზოში, რომელიც ბორცვის თავზე მდებარეობს, შეიმჩნევა აგრეთვე ბრტყელი რიყის ქვის წყობა. ამგვარივე წყობაა ეზოს ჩრდილო-აღმოსავლეთ-კუთხეშიც, სადაც გვხვდება აგრეთვე დიდი ქურქლის, ქვევრებისა და სხვა ნატეხები. ეზოში სამეურნეო მიწის სამუშაოების დროს სახლის სამხრეთით აღმოჩენილ იქნა ძველი სამარხი.

სამარხი აღმოჩნდა 1917 წლის მახლობელ ხანებში. აღმოჩენის ადგილი შესწავლილ იქნა დაზვერვების დროს 1943 წ., შესწავლილ იქნა აგრეთვე ზუგდიდის მუზეუმის მასალები და ჩანაწერები 1923 წლისა.

სამარხი — ქვის ან თიხის ფილებისაგან შეკრულ ყუთს წარმოადგენდა, რომელშიც აღმოჩნდა ოქროს სამკაულები, ოქროს მონეტები, წითელი თიხისა და მინის ქურქელი, ნამტერევებად ქცეული ვერცხლის ქურქელი, მინის მძივები.

ძალიან საინტერესოა, გადარჩენილი მონაცემების მიხედვით, ამ სამარხის ოქროს სამკაული, კერძოდ, ყურადღებას იქცევს გომბეშოს გამოხატულებიანი მძივსაყიდები, ახალგორიდან ცნობილი ტიპისა და თითქმის იმდენივე (67 — ახალგორში, 60-70 — რეყეში).

რეყეს მდიდრული სამარხიდან ზუგდიდის მუზეუმში მხოლოდ 13 ცალი ოქროს წვრილი სამკაული მოხვდა (ცილინდრული მძივსაყიდები და კილიტები).

საქართველოს მუზეუმში ამ სამარხიდან ოქროს ორი მონეტა ინახება: ალექსანდრე მაკედონელის სტატერი და ლიზიმაქეს სტატერის მინაბაძი. ეს უკანასკნელი ყველაზე ადრინდელი მინაბაძია და ძვ. წ. IV ს. დასასრულითა და III ს. დასაწყისით თარიღდება.

ამრიგად, რეყეში გათხრილია ქალის მდიდრული სამარხი ძვ. წ. IV ს. ბოლოსი და III ს. დასაწყისისა.

სოფელ რეყედან ცნობილია ანტიკური ხანის სხვა მასალებიც, რაც იქ ანტიკური მოსახლობის არსებობაზე მიუთითებს. ზუგდიდის მუზეუმში დაცულია სახელდობრ: კრამიტის, თიხის ფილის, ვარდისფერი თიხის ამფორის ყურის, ბრინჯაოს ქურქლის, ვერცხლის ზარაკისა და ბრინჯაოს სამაჭურების ნატეხები (სამაჭურების ბოლოები შესქელებულია, ზოგიერთისა დაწახნაგებული), კამფარის ფეხი (თიხა მონატრისფრო-ვარდისფერია, ზედაპირი გადარეცხილი აქვს), რკინის შუბის პირები, დანები და სხვ.

სოფ. რეყეში ანტიკური ხანის ძეგლებთან ერთად ბევრად უფრო ძველი ხანის ძეგლებიც შემოინახა, მაგალითად ნამოსახლარი ბორცვები — „ქურკუცია“.

ქალაქ ზუგდიდის მახლობლად, შესაძლებელია რეყეშივე აღმოჩენილია ტახტის ბრინჯაოს ფეხი (ინახება ზუგდიდის მუზეუმში; ტაბ. XXIII, 4).

ფეხი წარმოადგენს მასიურ საგანს, რომელზედაც ეყრდნობოდა ალბათ ტახტის ხის ფეხი. ამისათვის მას 3 სმ სიღრმის სწორკუთხად ამოჭრილი ფოსო აქვს. საგანი გაფორმებულია მტაცებლის წინა ნაწილის სახით. მკაფიოდ გაირჩევა თავი, კისერი და თათები, თითქოს ერთმანეთზე დაწყობილი და ერთად შეზრდილი. ცხოველის თავი მოკლეა, მრგვალი, მოკლე და მომრგვალებული ყურები აქვს, სახის ნაკვეთი ხაზგასმულია ნაოკებით — წიბოებით: თვალები გადმოცემულია სამ-სამი წიბოთი, წარბი და თვალის კრილი, პირის კრილი ორი წიბოთი. აღნიშნულია აგრეთვე ნესტოებიც. საგანი ძვ. წ. V ს. თარიღდება.

მსგავსი მოწყობილობის ბრინჯაოს ფეხები ზუგდიდის ერთეულის გარდა, ცნობილია 2 თუ 3 ცალი.

ამგვარი ფეხის ერთი ცალი ინახება ლონდონის მუზეუმში. ამიერკავკასიაში ერთი ცალი აღმოჩენილია აზერბაიჯანში, ნახიჭევანში—სოფ. ზაგალუს ახლოს.

ერმიტაჟში 1955 წლიდან აღმოსავლეთის განყოფილების გამოყენებაზე, აზერბაიჯანის ვიტრინაში გამოფენილია ამგვარი ფეხის მეორე ეგზემპლარი.

ნახიჭევანში, სოფ. ზაგალუში აღმოჩენილი საგანი ზომით და აგებულებით ჰგავს ზუგდიდის საგანს, მაგრამ ძალიან განსხვავდება მისგან ცხოველის თავის გაფორმებითა და სხვა წვრილი დეტალებით.

ნახიჭევანის ფეხზე გამოსახული ცხოველის თავი გრიფონისაა, მას ძლიერი ნისკარტი და წვეტიანი, ვერტიკალურად აზიდული ყურები აქვს. გრიფონის მკერდი დაფარულია ფრთებით. ზოგიერთი სხვა დეტალიც განასხვავებს ამ ორ ფეხს ერთმანეთისაგან.

ამგვარად, ზემოაღწერილი ეს ორი ბრინჯაოს ფეხი ერთმანეთს ჰგავს ზოგადად, აგებულების მიხედვით, ზომით; განსხვავდება სტილით, გამოსახული ცხოველით. აღნიშნული გარემოება იმაზე მიუთითებს, რომ ორივე საგანი თუმცა ამიერკავკასიურია, მაგრამ დამზადებულია მის სხვადასხვა ცენტრში.

როგორც ცნობილია, რამდენადმე უფრო ძველი (ძვ. წ. VIII—VII სს.), მდიდრული ტახტის ბრინჯაოს ნაწილები (ფეხები, სახელურები) აღმოჩენილია ურარტუში. ისინი ეკუთვნის ტაძრებში ან სასახლეებში არსებულ ტახტებს. ასეთივე მდიდრული ტახტები გამოსახულია ასურულ ძეგლებზე და მათზე ჩვეულებრივ ზის მეფე ან ღმერთი. ამგვარი ურარტული საგნების ბრინჯაოს ნაწილები სულ ერთი თუ ორი საგნისა არის ცნობილი, რაც იმაზე მიუთითებს, რომ ასეთი საგნები ურარტუშიც დიდ იშვიათობას წარმოადგენდა.

მიუხედავად ამ საგნების იშვიათობისა, ამიერკავკასიის ხალხები მდიდრულ ტახტებს ხმარობდნენ ლაშქრობის დროსაც, V—IV ს. მიჯნაზე. ასე მაგალითად, ქსენოფონტე ანაბაზისში მოგვითხრობს. ვერცხლისფეხებიან სარეცელზე, რომელიც სხვა საგნებთან ერთად ხელში ჩაიგდეს. ბერძენებმა ტირიბაზის კარავში. სავარძლის თუ სარეცლის ვერცხლის ფეხები საქართველოში ინმარებოდა უფრო გვიანაც (არმაზისხევი, ბორი, ჩვ. წ. II—III სს.).


ამგვარად, შეიძლება ვიფიქროთ, რომ ქ. ზუგდიდის მდამოებში აღმოჩენილი ტახტის ბრინჯაოს ფეხი, რომელიც ძვ. წ. V საუკუნისაა, შესაძლოა მოწმობდეს ამ ადგილას ხელისუფლების წარმომადგენელთა რეზიდენციის არსებობას.



1



2



3



4

აქ ჩამოთვლილი ანტიკური ხანის არქეოლოგიური მასალა, რომელიც მოპოვებულია ენგურის ქვემო წელის მარცხენა ნაპირას მხოლოდ დაზვერვებისა და შემთხვევითი აღმოჩენების შედეგად, მაინც მოწმობს ამ რაიონის განვითარებას ანტიკურ ხანაში. ამაზე მიუთითებს აღმოჩენა კოლხური თეთრის დიდი ვანძებიცა, რომლებიც თავმოყრილია ზუგდიდის გარშემო და შეიცავს მონეტათა უნიკალურ ტიპებს, რაც ამ რაიონის გარეთ ჭერჭერობით უცნობია: რაიონის სამეურნეო განვითარების დონეზე მეტყველებს რკინის სასაფლო-სამეურნეო იარაღი — წალდი, ცული, თოხი, რომლებიც აქ დიდი რაოდენობითაა აღმოჩენილი (მხარია, ნაწულუყუ, რუხი).

ამ რაიონის განვითარების შესახებ ლაპარაკობს, აგრეთვე, რეყეს მდიდრული სამარხი, რომელიც ქ. ზუგდიდის მიდამოებში მდებარეობს. საინტერესოა სამარხში აღექსნადრე მაკედონელის სტატერთან, რომელიც ამ ხანებში ფართოდ ყოფილა გავრცელებული დასავლეთ საქართველოში, ლიზიმაქის სტატერის ადრეული მიბაძულობის აღმოჩენაც.

რაიონის განვითარებას ხელს უწყობდა, როგორც ჩანს, ნაოსნობა მდინარე ენგურის ქვემო წელზე და ნაწილობრივ სხვა მდინარეებზეც, აგრეთვე ხელოვნური არხების სისტემა. ამას უკავშირდება ალბათ განხილულ რაიონში შემოტანილი ამფორებისა და შავლაკიანი კერამიკის აღმოჩენა.

ამგვარად, შეიძლება ვივარაუდოთ, რომ ენგურის მარცხენა სანაპირო, ქალაქ ზუგდიდით შუაგულში, რომელიც შუა საუკუნეებში დასავლეთ სეპართელოს ერთერთი ცენტრი იყო, ანტიკურ ხანაშიც დაწინაურებული ყოფილა. არსებობდა გარკვეული მხარე, რომლის ცენტრიც საღაჯო თანამედროვე ზუგდიდის მიდამოებში იყო, სადაც შესაძლოა ამ რაიონის საზოგადოების ზედა ფენის, რეზიდენციაც მდებარეობდა (მდიდრული სამარხი, ტახტი, მონეტათა ვანძები).

კოლხური მონეტების განსაკუთრებული ტიპები, რომლებიც ჭერჭერობით მაინც მხოლოდ აქაა აღმოჩენილი, ამასთან ერთად, კოლხური თეთრის დიდი ვანძების აღმოჩენა, წარმოადგენს იმის მოწმობას, რომ მდ. ენგურის მარცხენა სანაპირო შედიოდა კოლხური სახელმწიფოს პოლიტიკურ საზღვრებში (ძვ. წ. VI—IV სს.).

ქ ა ლ ა ქ ი ს ო ხ უ მ ი (ა ნ ტ ი კ უ რ წ ყ ა რ ო ე ბ შ ი დ ი ო ს კ უ რ ი ა დ ა) და მისი მიდამოები, როგორც ვნახეთ, დასახლებული ყოფილა უძველესი დროიდან, ქვედა პალეოლითის ხანიდან.

ანტიკურ ხანაში დასახლებულია როგორც ზღვისპირა ზოლი (მდ. ბესლეთიდან — გუმისტა-ეშერამდე), ისე ქალაქის აღმოსავლეთით მდებარე გორების ფერდობები და მწვერვალები. ნაწილი ანტიკური დროის ქალაქისა ამჟამად ზღვით არის დაფარული, როგორც ეს დამტკიცდა მდინარე ბესლეთის შესართავთან (ქალაქის სამხრეთი ნაწილი) ძვ. წ. V საუკუნის ქვის ბარელიეფის და იქვე ზღვის ნაპირიდან დაახლოებით 100 მ მანძილზე კედლების აღმოჩენით.

ქალაქ სოხუმის არქეოლოგიური გამოკვლევა ჭერ კიდევ XIX საუკუნის ბოლოს დაიწყო, მაგრამ მის სისტემატურ შესწავლას მხოლოდ საბჭოთა პერიოდში, 1951 წლიდან მოჰკიდეს ხელი. ამ ბოლო წლების განმავლობაში ქალაქის ტერიტორიაზე გამოვლენილი და შესწავლილია არაერთი არქეოლოგიური ძეგლი. როგორც ანტიკური ხანისა, ისე ადრინდელი და მასზე გვიანდელი დროისა.

მთელი რიგი ძეგლებია აღმოჩენილი როგორც ზღვისპირა ზოლში, ისე მაღლობებზე, სოხუმის მთაზე, გუადიხუზე, სოხუმის ციხესთან, ქალაქის ჩრდილო ნაწილში და ა. შ. ისწავლება აგრეთვე ამჟამად ზღვით დაფარული ქალაქის ზემოაღნიშნული ნაშთებიც. შესწავლილია სამაროვნები, კულტურული ფენები, ნაგებობის ნაშთები და სხვ.

ამ ძეგლების შესწავლით ირკვევა, რომ ქალაქ სოხუმის ტერიტორია გვიანბრინჯაოს გასულს უკვე მქიდროდ დასახლებული ყოფილა. ამ საყოფაცხოვრებო ნაშთებთან ერთად აღმოჩენილია ლითონის დამუშავებასთან დაკავშირებული ნაშთები: ქურები, მდნობელის განძები და სხვ.

ანტიკური ხანის მოსახლობა დიდ ტერიტორიაზეა გაშლილი, ბესლეთიდან ხამხრეთით — ეშერამდე აღმოჩენილი მასალებით მტკიცდება, რომ ამ დროს მოსახლობა უკვე ქალაქად იქცევა. მასში განვითარებულია ხელოსნობა, ვაჭრობა ადგილობრივ და უცხო ქვეყნებთან. ამ აღმოჩენილია ჭერ კიდეც ძვ. წ. V ს. შემოტანილი მასალები, შავლაკიანი ქურქელი, ამფორები და სხვ. სამარხებში დიდი რაოდენობითაა აღმოჩენილი ლითონის ბეჭდები — საბეჭდავები. სამარხეული ენვენტარი მაჩვენებელია მოსახლეობაში შორს წასული ქონებრივი უთანასწორობისა.

აღნიშნული ბარელიეფის — საფლავის სტელას აღმოჩენა გვიჩვენებს, რომ უკვე ძვ. წ. V საუკ. ქალაქის მოსახლეობის გარკვეული წრეები ხელოვნებაში კარგად გაწაფული არიან (ტაბ. XXVI, 2).

ამ დროის ქალაქის მოსახლეობა, როგორც მოსალოდნელი იყო, საკმაო სიჭრელით ხასიათდება.

ქალაქის ტერიტორიაზე ჩნდება ადგილობრივი მონეტები — კოლხური თეთრიც, მაგრამ ჭერჭერობით მათი აღმოჩენა აღნიშნულ ტერიტორიაზე იშვიათია.

ანტიკურ ხანაში დასავლეთ საქართველოში ფართოდ ყოფილა გავრცელებული ადგილობრივი ვერცხლის მონეტა—კოლხური თეთრი (ტაბ. XXIV, 4, 5). ეს მონეტები დასავლეთ საქართველოს ტერიტორიაზე ძალიან დიდი რაოდენობით გვხვდება და ამჟამად მუზეუმებში დაცულია მათი რამდენიმე ათასი ეგზემპლარი. რაც შეეხება მათ აღმოჩენას დასავლეთ საქართველოს გარეთ, ასეთი შემთხვევები არცთუ ისე ხშირია, თუმცა მათი რიცხვი ამ ბოლო დროს გაიზარდა.

ძირითადი და ყველაზე მეტად გავრცელებული ტიპი კოლხური თეთრისა არის „ნახევარდრაქმა“, რომელიც დაახლოებით 2 გ იწონის. მაგრამ გარდა ამ ძირითადი ტიპისა, ამჟამად ცნობილია ამავე მონეტის კიდეც ოთხი ტიპი: „დრაქმა“, ორი ტიპის „დიდრაქმა“ და „ტეტრადრაქმა“.

ამ მონეტების გვერდით არსებობდა, როგორც ჩანს, უფრო წერილი მონეტაც, რომლის ერთი ეგზემპლარი აღმოჩენილია დაბლაგომის ქვევრსამარხში. ამ მონეტის წონა ამჟამად 0,3 გრამია. მონეტა აღმოჩენილია ძვ. წ. V ს. სამარხში.

ძირითადი ტიპის კოლხურ თეთრზე ერთ მხარეს გამოსახულია ბარის თავის მარჯვენა პროფილი, მეორე მხარეს — აგრეთვე მარჯვენა პროფილი ადამიანის თავისა. ამასთან ხარის თავს ყოველთვის წრებაში აქვს შემოვლებული, ადამიანის თავს კი ან წრებაში ანდა რელიეფური წერტილებით შემკული რკალი.

კოლხურ მონეტებს უმთავრესად პოულობენ დიდ განძებად, თითოეული განძი შეიცავს რამდენიმე ას მონეტას. ამ განძებში ხშირად სხვა საგნებიც გვხვდება; რომელთა დათარიღებაც ამჟამად საკმაო სიზუსტით შეიძლება. კოლხურ თეთრთან სხვა მონეტები ჩვეულებრივ არ გვხვდება, ლიტერატურაში ცნობილია მხოლოდ ერთი ასეთი შემთხვევა — კოლხურ თეთრთან ერთად სპარსული დარიჩის აღმოჩენისა. უკანასკნელ ხანებში (1953 წ.) აღმოჩნდა კოლხური თეთრის დიდი განძი, რომელშიც ერთი უცხოური ფულიც იყო. ეს განძი აღმოჩენილია ქობულეთ-ფიქვნარში, იგი შედგება ბრინჯაოს ჭურჭელში ადგილობრივ დამზადებული საყურებისაგან, რაც აგრეთვე ადასტურებს განძის ძვ. წ. VI ს. დათარიღებას.

საქართველოს სახელმწიფო მუზეუმში ახალი განძების შემოსვლა და მათი შესწავლა ადასტურებს, რომ ყველა ისინი ეკუთვნის ძვ. წ. VI—V სს. ამასთან დგინდება, რომ უკვე VI ს. ბოლოსათვის კოლხური თეთრი საესებით განვითარებული და დასრულებული მონეტა იყო, რაც თავის მხრივ იმაზე მიუთითებს, რომ ეს მონეტა გაჩნდა VI ს. დასასრულზე უფრო ადრე, ხოლო ჩვენ ჯერ არ ვიცნობთ მის უფრო ძველ ეგზემპლარებს. ამ მონაცემების მიხედვით კოლხური თეთრი გვევლინება მსოფლიოს ერთერთ ყველაზე უფრო ძველ მონეტად.

მეორეს მხრივ VI—V სს. კოლხური თეთრის განძებად დაგროვება მიუთითებს, ალბათ, ფულის მიმოქცევის საწყის ეტაპზე. უფრო გვიან ასეთი განძები ჩვენთვის უცნობია, თუმცა მონეტის მოჭრას კვლავ განაგრძობენ. ხოლო სხვადასხვა ღირებულების მონეტათა არსებობა, ტეტრადრაქმიდან ნახევარდრაქმამდე და უფრო მცირე ნომინალამდე, მოწმობს მათ ინტენსიურ ტრიალს.

კოლხურ თეთრს, როგორც წესი, წარწერა არ გააჩნია, ამ მხრივ იგი გამოწკლისს არ წარმოადგენს, მაგრამ ზოგჯერ კოლხურ მონეტაზეც გვხვდება ნიშნები, თუმცა ასეთი მონეტა არც ისე ბევრია შემონახული. კოლხური თეთრის წარწერა-ნიშნების სულ 4 ვარიანტია ცნობილი. სამი მათგანი ცნობილია ერთეულ შემთხვევებში, მეოთხე ნიშანი კი საკმაოდ ხშირად გვხვდება.

კოლხური თეთრის დიდი რაოდენობა, მისი გავრცელებულობა კოლხეთის როგორც სანაპიროზე, ისე ქვეყნის შიგნით, ტიპის სიმყარე მისი მოჭრის რამდენიმე საუკუნის განმავლობაში (ძვ. წ. VI—III სს.) და ბევრი სხვა თავისებურება არ შეიძლება არ მეტყველებდეს მის ადგილობრიობაზე, იმაზე რომ ამ მონეტას ქრის ადგილობრივი ხელისუფლება.

ნიშნების ოთხი ვარიანტი უნდა მიუთითებდეს ოთხი ზარაფხანის არსებობაზე კოლხეთის სახელმწიფოს ოთხ ოლქში, რომლებიც ძველი ტრადიციის მიხედვით მეტ-ნაკლები დამოუკიდებლობით სარგებლობდნენ. ქართულმა და უცხოურმა წერილობითმა წყაროებმა შემოგვინახეს ცნობები დასავლეთ საქართველოს ამგვარი ოლქების შესახებ.

კოლხურ თეთრზე არსებული ნიშნები ბერძნული ასოებია — Φ, Α, Ο; და ΜΟ. ბირველი სამი ასო, როგორც აღვნიშნეთ, გვხვდება ერთეულ მონეტებზე, შემთხვევით, და არ ვიცით, თუ სახელდობრ რომელ ადგილთანაა დაკავშირებული. ამათ გარდა უკანასკნელ ხანებში ერთერთ მონეტაზე აღმოჩენილია ბერძნული ასო — Π.

კოლხური თეთრის მეთხე ნიშანი — MO წარმოდგენილია არა ერთი ასოთი, არამედ მთელი მარცვლით. ორივე შემთხვევაში უნდა გვევლინოს ოლქის სახელწოდების დასაწყისი. „MO“ ნიშნიანი მონეტები, თუ მხედველობაში მივიღებთ ლიტერატურულ ცნობებსაც, რამდენიმე ათეულია ცნობილი. ამ მონეტაზე მთელი მარცვლის არსებობა და მისი გავრცელებულობა შესაძლოა მიუთითებდეს ამგვარი მონეტის შედარებით უფრო გვიანდლობაზე. „MO“ ასოებიანი მონეტები მომდინარეობს ზოგიერთ შემთხვევაში სამარხებიდან და აგრეთვე, შესაძლებელია, განძებიდანაც. ამასთან დაკავშირებით ჩვენ „MO“ ასოებიანი მონეტისათვის საკმაოდ ზუსტი დათარიღება გვაქვს და ვიცით აგრეთვე მისი გავრცელების ტერიტორია.

მონეტაზე ასეთი წარწერის გაჩენა მოწმობს გარკვეულ ხანაში აღნიშნული ოლქის დაწინაურებას. ასეთი ნიშნიანი მონეტები აღმოჩენილია რიონის მარცხენა სანაპიროზე ორ პუნქტში, ორივე შემთხვევაში ქვევრსამარხებში, რაც იმაზე მიუთითებს, რომ ეს მონეტები იქ სწორედ აღგილობრივია. ეს პუნქტებია — დაბლაგომი (სამტრედიის რ.), სადაც ასეთი მონეტები აღმოჩენილია ორ სამარხში — ერთში 2 ცალი, მეორეში — 4, ყველა მათგანს აქვს ნიშანი MO; სოფ. კიცხი (ორჯონიკიძის რ.). ასეთივე მონეტები აღმოჩენილია ქუთაისის რაიონში, სოფ. კუმისთავში, ჭუმათში (მახარაძის რ.), ქობულეთში. უკანასკნელ ორ შემთხვევაში აღმოჩენა შესაძლოა დაკავშირებული იყოს ამ მონეტათა გადაადგილებასთან სავაჭრო გზაზე, კერძოდ, ქობულეთში, სავაჭრო ქალაქში, სადაც არსებული ცნობების მიხედვით „MO“ ნიშნიანი მონეტები აღმოჩენილია მონეტათა დიდ განძში სხვა კოლხურ მონეტებთან და ძვ. წ. IV ს. სინოპურ დრაქმებთან ერთად.

„MO“ ასოებიანი კოლხური თეთრის გავრცელების ტერიტორია — რიონის შუა წელის მარცხენა და მარჯვენა ნაპირი, ემთხვევა ზოგადად კოლხეთის იმ ოლქის ტერიტორიას, რომელსაც შემდეგდროინდელი (ახ. წ. VI ს.) ავტორები მოხერხისს, მუხურისს უწოდებენ. „MO“ ნიშანში შეიძლება დავინახოთ ამ სახელწოდების პირველი მარცვალი.

რაც შეეხება Φ ნიშანს, ეს შესაძლოა პირველი ასო იყოს ფაზისისა, რომლის სახელიც ერქვა მდინარის შესართავთან მდებარე ქალაქს და მის რაიონსაც. ამ ასოს ასეთი მნიშვნელობის შესახებ უკვე იყო გამოთქმული აზრი ლიტერატურაში.

A და O ასოების მნიშვნელობის შესახებ კი არავითარი პირდაპირი მითითება არა გვაქვს.

თვით დიდი განძების აღმოჩენის ადგილებიც იქნებ ზემოდასახელებული ოლქების არსებობაზე მიუთითებდეს. ასე მაგალითად, ყველაზე დიდი განძები, აღმოჩენილია ქალაქ ფოთის, ზუგდიდის, ქუთაისისა და ვანი-დაბლაგომის მიდამოებში.

როგორც სამონეტო საქმის ისტორიიდანაც ცნობილი, რამდენიმე ზარაფხანის არსებობა არ ეწინააღმდეგება ერთიანი სახელმწიფო ხელისუფლების არსებობას. მონეტის მოჭრა სახელმწიფოს ცენტრში ერთ ადგილას, ერთი ზარაფხანის მიერ, შემდეგ ხანებში აღმოცენებული მოვლენაა.

ერთიანი სახელმწიფო ხელისუფლების არსებობას, რომელსაც, ბუნებრივია, თუ არც ისეთი ძლიერი ცენტრალიზაცია აქვს, ადასტურებს ის გარემოებაც, რომ საერთოდ ერთი ტიპის მონეტა იჭრება მთელი დასავლეთ საქართველოსათვის, მისი არსებობის მთელს პერიოდში.

როგორც ჩანს, კოლხეთს გვიანაც არ შეუწყვეტია ვერცხლის ფულის მოჭრა, ამას მოწმობს ვანში, დაახლოებით ძვ. წ. II საუკუნის ფენაში, მონეტის აღმოჩენა, რომელსაც კოლხური თეთრის მსგავსი ნიშნები აქვს (ზომა, მოყვანილობა, რკალი, ავერსზე ადამიანის თავის პორტრეტული გამოსახულება, პროფილით მარჯვნივ).

აღბათ ამავე ჯგუფს ეკუთვნის აგრეთვე ძვ. წ. II ს. მონეტა, მოჭრილი მეფე სავლაკის სახელით, წონით იგი ნახევარდრაქმას უახლოვდება. ასეთი მონეტა სულ რამდენიმე ცალია ცნობილი. ზოგიერთი მათგანი აღმოჩენილია სოხუმში კოლხურ თეთრთან ერთად. ეს ტიპი თითქოს კოლხური თეთრის განვითარებული სახეა. ადამიანის თავიცა და ხარის თავიც აქაც მარჯვნივაა მიმართული. ამ მონეტის ადამიანის თავის გამოსახულება, ჩვენი აზრით, კოლხური თეთრის ტიპის გაგრძელებაა. იქ ღვთაება გვაქვს, აქ კი პორტრეტული გამოსახულება, წარმოდგენილი როგორც მეფე—მზის ღმერთი სხივოსანი გვირგვინით თავზე (აიეთი—ჰელიოსის, მზის ღმერთის შვილი). რვევრსზე ხარია გამოსახული, ამასთან კოლხურ თეთრზე ერთი ან ორი ასოა გამოყვანილი, აქ კი მეფის სახელი.

ძველი წელთაღრიცხვის II—I საუკუნეებს ეკუთვნის დიოსკურიის (სოხუმში) სპილენძის მონეტა.

შემდეგი ტიპის მონეტა სულ რამდენიმე ცალია შემონახული. ესაა ვერცხლის დრაქმა, რომელზედაც აღნიშნულია თარიღი და კოლხეთის მმართველის — არისტარხის სახელი.

მონეტაზე გამოსახულია: შუბლზე — ადამიანის თავის მარჯვენა პროფილი სხივოსანი გვირგვინით, მონეტის ზურგზე — მჯდომარე (ტახტზე ?) ქალღმერთი, მარჯვნივ მიქცეული, ხელში გაურკვეველი ატრიბუტი აქვს. თარიღი — არისტარხის მმართველობის მე-12 წელი, ე. ი. ძვ. წ. 52/51 წ.

ამ მონეტის შუბლზე არსებული გამოსახულება ისეთივეა, როგორიც ს ა ვ ლ ა კ ი ს მონეტაზე — გაღმერთებული მეფე, ქალღმერთი, რომლის აღწერილობაც მოცემული აქვს ა რ ი ა ნ ე ს. მას შეუცვლია კოლხების ხარის გამოსახულება, რომელიც უფრო ძველ ხანას ეკუთვნის.

ამგვარად, ჩვენ ვხედავთ, რომ კოლხეთი განუწყვეტლივ კრიდა ფულს ძვ. წ. VI ს.-დან ძვ. წ. I ს.-მდე.

ვერცხლის (და სპილენძის) მონეტების გვერდით კოლხეთში, როგორც ჩანს, ოქროს ფულიც იჭრებოდა.

მათგან ყველაზე ძველია მეფე აკის მონეტა, რომლის ორი ეგზემპლარიც ცნობილია. აქედან ერთი ნაპოვნია ტრაპეზუნტში, მეორე სოფ. კინჩხაში (წულუკიძის რ.). ეს მონეტები ეკუთვნის იმ ტიპს, რომელთაც ლიზიმაქეს სტატერების მინაბაძს უწოდებენ. ისინი ძვ. წ. III ს. თარიღდება.

შემდეგ ხანებში დასავლეთ საქართველოში ვრცელდება უფრო უხეში მინაბაძები ალექსანდრე მაკედონელის სტატერებისა (ტიპი I) და ლიზიმაქეს სტატერებისა (ტიპი II). ეს მონეტები მიმოქცევაშია ახ. წ. II საუკუნემდე.

ლიზიმაქეს სტატერების მინაბაძები (ტიპი II) გავრცელებულია დასავლეთ საქართველოს დაბლობ ნაწილში, მაგრამ იგი აღწევს იბერიის ცენტრს — მცხეთასაც კი. მეორე ჯგუფის მონეტების გავრცელება დაკავშირებულია ამ ხანებში იბერიის პოლიტიკური გავლენის ტერიტორიასთან.

კოლხეთის ტერიტორიაზე დიდი რაოდენობით ჩნდება ალექსანდრეს და ლიზიმაქეს ე. წ. ნამდვილი სტატერები და მათი ყველაზე უფრო ძველი მინაბაძები.

ამგვარად, ვერცხლის მონეტასთან ერთად, რომელიც ძვ. წ. I საუკუნემდე აქრებოდა, კოლხეთში მიმოქცევაში იყო ოქროს ადგილობრივი მონეტებიც — კოლხური სტატერები, ძვ. წ. IV ს-დან ახ. წ. III ს-მდე.

კოლხეთში ძალიან ადრე ჩნდება უცხოური მონეტებიც. ასე მაგალითად: ვანში, ძვ. წ. VI ს. სამაროვანში, სხვა მონეტებთან ერთად აღმოჩენილია კუნძულ სამოსის მონეტა, ქობულეთში — ქიზიკინი, ძვ. წ. VI—V სს. კოლხურ თეთრსა და ადგილობრივ სამკაულთან ერთად. ქობულეთშივე აღმოჩნდა მონეტათა დიდი განძი, რომელიც ძვ. წ. IV ს. სინაურ დრაქმებს შეიცავდა (შემორჩა 100 ცალზე მეტი), აქვე, კოლხურ თეთრთან ერთად ნაპოვნია ალექსანდრე მაკედონელის სინაური მოკრილი ოქროს სტატერი და სხვ.

დასახელებული მონეტის გარდა ვანში აღმოჩენილია ათენის ტეტრადრაქმა ახალი სტილისა, სპილენძის მონეტები მითრიდატ ეპატორის დროისა, მისივე ვერცხლის ტეტრადრაქმა, ქალაქ ამისოს მონეტა და სხვ. ბოსფორის მონეტებიცაა აღმოჩენილი კოლხეთის ტერიტორიაზე.

თავის მხრივ კოლხური თეთრი აღმოჩენილია კოლხეთის გარეთ: არმაზში, სოქში, ქერსონესში, ნიმფეიაში და სხვ.

უცხოურ მონეტებთან ერთად ძვ. წ. VI ს. კოლხეთში შემოტანილი საგნებიც გვხვდება. ასეთებია მაგ., მოხატული და შევლაკიანი კერამიკა ძვ. წ. VI ს-დან დაწყებული (იონია—ატიკა), ძვ. წ. I ს. წითელლაკიანი კერამიკა (მცირე აზია), ძვ. წ. IV ს. მარგალიტი (ვანი, უფრო გვიან — ბორი), ეგვიპტური პასტის საგნები — ბესის გამოსახულება, საკიდები და სხვ.

მიწათმოქმედება დასავლეთ საქართველოში შესამჩნევად დაწინაურდა ჯერ კიდევ ნეოლითში, უფრო გვიან, ენეოლითსა და ბრინჯაოს ხანაში იგი ინტენსიუტ განვითარებას განაგრძობს. ამაზე მეტყველებს მიწათმოქმედების იარაღები ჯერ ქვისა, ხოლო შემდეგ სპილენძისა და ბრინჯაოს, აგრეთვე მიწათმოქმედების პროდუქტების დასამუშავებელი იარაღები და ამ პროდუქტების შესანახად და მსახმარად განკუთვნილი ჭურჭელი.

ანტიკურ ხანაში ფართოდ ვრცელდება რკინის სამიწათმოქმედო იარაღები: ისინი აღმოჩენილია განძებში, სამარხებში, კულტურულ ფენებში (მახარია, სოხუმი, დაბლაგომი და სხვ.). ესენია თოხები, წალღები, ნამგლები, ცულები და სხვ. თოხი, რომელიც მოყვანილობის მიხედვით სპილენძისა და ბრინჯაოს თოხებიდან მომდინარეობს, გაცილებით დიდი ხდება, მას უჩნდება ძლიერი სატარე და უფრო დიფერენცირებული ფორმები. ბრინჯაოს ფორმებიდანვე ვითარდება წალღი, ცული და ნამგალი.

თოხით მიწის დამუშავების გვერდით შემდგომ განვითარებას აღწევს ადრევე დაწყებული გუთნით ხვნა. შემოდის რკინის სახნისი, რასაც მოჰმობს მი-

სი აღმოჩენები აფხაზეთსა და სვანეთში. გუთნით ხვნის განვითარებაზე მიუთითებს მსხვილფეხა საქონლის, განსაკუთრებით ხარის მოშენება. ხარის კულტი, რაც დაკავშირებულია მის დიდ საქუთრნეო მნიშვნელობასთან, ადრევე შეიმჩნეოდა არქეოლოგიურ მასალებში. ანტიკურ ხანაში კი ხარი გამოსახულია ადგილობრივ ფულზე — კოლხურ თეთრზე, რომელიც გავრცელებული იყო ძვ. წ. VI ს-დან. კულტურულ ფენებში გვხვდება თიხის ნაკეთობანი, რომლებიც სქემატურად გამოსახავენ ხარის თავს. ასეთივე გამოსახულებანი გვხვდება ქვისაც.

მარცვლოვანი კულტურების განვითარებაზე მიუთითებს ხელსაფქვაეები და ნამკლები, რომლებიც კულტურულ ფენებში ჩნდება.

განვითარებას განაგრძობს სელისა და კანაფის კულტურები, ამას გვაძენობს როგორც წერილობითი წყაროები, ისე თვით ქსოვილების ნაშთებისა და მისი ანაბეჭდების, აგრეთვე კვირისთავეებისა და დაზგებისათვის საჭირო საწაფაეების აღმოჩენა.

თიხის საწაფაეები ინმარებოდა ალბათ განსაკუთრებული, სახიანი ქსოვილის დასამზადებლად, რომელიც განკუთვნილი იყო ტანსაცმლის, ქამრისა და სხვათა შესამკობად. საერთოდ კი ამ ხანებში უკვე განვითარებული ყოფილა პორიზონტალური დაზგა, რაზედაც მიუთითებს დასავლეთ საქართველოში აღმოჩენილი ძვ. წ. VI—V ს. რთულად ნაქსოვი ქსოვილი (მაგ., დაბლაგომის მონეტათა განმში).

ადგილობრივი ტილო ინმარებოდა ტანსაცმლისათვის, აგრეთვე იალქნებისათვის და სხვ.

საზოგადოების მაღალი ფენები უკვე ძვ. წ. IV ს. ხმარობდნენ ოქრომკელთან ერთად მოქსოვილ ტრლოს.

ანტიკური ხანის მევენახეობისა და მელვინეობის განვითარებაზე მკვერმეტყველურად მიუთითებენ ქვევრები. ეს ჭურჭელი ჩვეულებრივ შავი ფერისაა (რიონის დაბლობი) და მთელი ზედაპირი დაფარული აქვს პორიზონტალური ან ვერტიკალური ზოლებით. ადრეულ ჭურჭელზე (ძვ. წ. VI ს.) რელიეფური ზოლები მეტია, მოგვიანებით კი (III — II სს.) ისინი თითქმის ქრება. უფრო ძველ ჭურჭელზე ეს ზოლები მიმართულია არა ვერტიკალურად, არამედ ირიბად (ტაბ. XXIV, 3), ქვევრის კედლის სისქე რამდენიმე სანტიმეტრს აღწევს. ჭურჭელი ღვინის შესანახადაა განკუთვნილი. იგი როგორც ახლა ირკვევა, კარგად უძლებდა შორეულ მგზავრობას (კოლხური ქვევრი აღმოჩენილია ყირიმში — ნიმფეიაში ძვ. წ. VI ს. და სხვაგან).

ვანში აღმოჩენილია მარნის ნაშთებიც. აქ ერთი ქვევრი თავის დროზე ღვინით საეესე დარჩენიათ.

მელვინეობაში უკვე გამოუსადეგარ ჭურჭელსა და მის ნაწილებს იყენებდნენ მიცვალებულის დასამარხად. განსახილველი ხანის დასავლეთ საქართველოში ყველაზე მეტად გავრცელებული დაკრძალვის წესი არის ასეთ ქვევრებში დამარხვა. სამარხავად იყენებდნენ არა მარტო ნახმარ და გატეხილ ქვევრებს, არამედ ქვევრის ნატეხისაგან დამზადებულ სარქველსაც. ასეთი მრგვალი, ნახრებშემოტეხილი სარქველები დღესაც ინმარება დასავლეთ საქართველოში,

ესენია ე. წ. „ორგო“. ასეთი ორგო აღმოჩენილია ვანში, ანტიკური ხანის მარანში, დაბლაგომის სამარხი ქვევრის პირი ასეთი ორგოთი იყო დახურული.

დიდი რაოდენობით გვხვდება საღვინე დოქების განვითარებული ფორმები, განსაკუთრებული, ადგილობრივი მოყვანილობის პატარა სურები (ტაბ. XXIV, 1, 2), აგრეთვე თინისა და ვერცხლის სასმისები.

ფრიად მნიშვნელოვანი ადგილი ეჭირა დასავლეთ საქართველოს მეურნეობაში სელის კულტურას. ყველაზე ძველი წერილობითი ცნობა კოლხური სელის შესახებ დაცულია პეროდოტეს ისტორიაში (ძვ. წ. V ს.).

სტრაბონი, რომელიც კარგად იცნობდა კოლხეთს, მოგვითხრობს ამ ქვეყანაში სელის სიჭარბის შესახებ, მის გატანასა და სახელგანთქმულობაზე. ამასთანავე, სტრაბონი კოლხურ სელს ახსენებს გემომშენებლობისათვის აუცილებელ მასალათა შორის. საფიქრებელია, რომ აქ მას მხედველობაში აქვს არა სელი, არამედ მისი ნაწარმი — ტილო, რომელიც საჭიროა ხომალდის იაღქნებისათვის.

ასეთივე ცნობები აქვთ კოლხური სელის შესახებ კალიმაქსს (ძვ. წ. III ს.) და პინდარს სქოლიოებში.

დიონისეს „დედამიწის აღწერილობის კომენტარიებში“, რომელიც შედგენილია თესალონიის მიტროპოლიტის მიერ (XII ს. მეორე ნახევარი). კვლავ მეორდება ცნობები კოლხური სელის შესახებ და ხაზგასმით არის აღნიშნული, რომ თვითონ კოლხები ტილოს ტანსაცმელს ატარებენ.

ქსენოფონტე ანაბაზისში (ძვ. წ. V ს. ბოლო, 401 წ.) წერს, რომ სამხრეთ კოლხეთის ტომები (ხალიბები, მოსინიკები და სხვ.) სელს სამხედრო მიზნებისათვის იყენებდნენ, მისგან ამზადებდნენ სელის ჭავშნებსა და ქიტონებს.

წმინდა, ფასიანურ სელს, ან კოლხურ სელს ანტიკური ავტორები იხსენიებენ ნადირობასთან დაკავშირებითაც.

ზემროტანული წერილობითი წყაროების ვარდა ჩვენ ამჟამად ხელთა გვაქვს დასავლეთ საქართველოში აღმოჩენილი არქეოლოგიური მასალა, რომელიც მოწმობს ძველად აქ სელის კულტურის დიდად განვითარებას, შესაძლოა ნეოლითის ხანიდანვე. ამიტომ საფუძველი გვაქვს ვივარაუდოთ, რომ დასავლეთ საქართველო იყო ერთერთი იმ ქვეყანათაგანი, რომელმაც ამ მცენარის კულტურა დანერგა.

ამ საკითხთან დაკავშირებული ანტიკური ხანის არქეოლოგიური მასალის უმთავრესი ნაწილი ასეთია: დაბლაგომში ღვინის შესანახად განკუთვნილ და შემდეგ სამარხად გამოყენებულ ქვევრების მხრებზე შემორჩენილია ტილოს ანაბეჭდებით შესრულებული ორნამენტი. ეს ტილო, უნდა ვიფიქროთ, დახვეწულ იყო ჯონზე, რომლითაც დაპქონდათ ორნამენტი ჰურჰელზე ძვ. წ. V საუკუნეში.

ქსოვილების ნაშთები და მათი ანაბეჭდები, რომლებიც დასავლეთ საქართველოს არქეოლოგიურმა მასალამ შემოგვინახა, მოწმობს დაზგის გამოყენებას უძველეს ხანაშივე: რთული ჰორიზონტალური დაზგების ხმარებას და მოსაქსოვი ძაფის მშვენიერად დამზადებას. ამასთან ერთად, ჩანს, წინანტიკურ ხანამდე უკვე იცნობდნენ ვერტიკალურ დაზგებსაც, თუ ვიმსჯელებთ თინისა და ცალკეულ შემთხვევებში ქვის პირამიდული საძირავების აღმოჩენების მიხედვით.

ესენია ე. წ. „ორგო“. ასეთი ორგო აღმოჩენილია ვანში, ანტიკური ხანის მარანში, დაბლაგომის სამარხი ქვევრის პირი ასეთი ორგოთი იყო დახურული.

დიდი რაოდენობით გვხვდება საღვინე დოქების განვითარებული ფორმები, განსაკუთრებული, ადგილობრივი მოყვანილობის პატარა სურები (ტაბ. XXIV, 1, 2), აგრეთვე თიხისა და ვერცხლის სისმისები.

ფრიად მნიშვნელოვანი ადგილი ეჭირა დასავლეთ საქართველოს მეურნეობაში სელის კულტურას. ყველაზე ძველი წერილობითი ცნობა კოლხური სელის შესახებ დაცულია ჰეროდოტეს ისტორიაში (ძვ. წ. V ს.).

სტრაბონი, რომელიც კარგად იცნობდა კოლხეთს, მოგვითხრობს ამ ქვეყანაში სელის სიჭარბის შესახებ, მის გატანასა და სახელგანთქმულობაზე. ამასთანავე, სტრაბონი კოლხურ სელს ახსენებს გემთმშენებლობისათვის აუცილებელ მასალათა შორის. საფიქრებელია, რომ აქ მას მხედველობაში აქვს არა სელი, არამედ მისი ნაწარმი — ტილო, რომელიც საჭიროა ხომალდის იალქნებისათვის.

ასეთივე ცნობები აქვთ კოლხური სელის შესახებ კალიმაქსს (ძვ. წ. III ს.) და პინდარს. სქოლიოებში.

დიონისეს „ღედამიწის აღწერილობის კომენტარიებში“, რომელიც შედგენილია თესალონიის მიტროპოლიტის მიერ (XII ს. მეორე ნახევარი). კვლავ მეორდება ცნობები კოლხური სელის შესახებ და ხაზგასმით არის აღნიშნული, რომ თვითონ კოლხები ტილოს ტანსაცმელს ატარებენო.

ქსენოფონტე ანაბაზისში (ძვ. წ. V ს. ბოლო, 401 წ.) წერს, რომ სამხრეთ კოლხეთის ტომები (ხალიბები, მოსინიკები და სხვ.) სელს სამხედრო მიზნებისათვის იყენებდნენ, მისგან ამზადებდნენ სელის ჯავშნებსა და ქიტონებს.

წმინდა, ფასიანურ სელს, ან კოლხურ სელს ანტიკური ავტორები იხსენიებენ ნადირობასთან დაკავშირებითაც.

ზემომოტანილი წერილობითი წყაროების გარდა ჩვენ ამჟამად ხელთა გვაქვს დასავლეთ საქართველოში აღმოჩენილი არქეოლოგიური მასალა, რომელიც მოწმობს ძველად აქ სელის კულტურის დიდად განვითარებას, შესაძლოა ნეოლითის ხანიდანვე. ამიტომ საფუძველი გვაქვს ვივარაუდოთ, რომ დასავლეთ საქართველო იყო ერთერთი იმ ქვეყანათაგანი, რომელმაც ამ მცენარის კულტურა დანერგა.

ამ საკითხთან დაკავშირებული ანტიკური ხანის არქეოლოგიური მასალის ზემოაღრუხი ნაწილი ასეთია: დაბლაგომში ლენის შესანახად განკუთვნილ და შემდეგ სამარხად გამოყენებულ ქვევრების მხრებზე შემორჩენილია ტილოს ანაბეჭდებით შესრულებული ორნამენტი. ეს ტილო, უნდა ვიფიქროთ, დახვეულზე იყო ჯოხზე, რომლითაც დაჰქონდათ ორნამენტი ჭურჭელზე ძვ. წ. V საუკუნეში.

ქსოვილების ნაშთები და მათი ანაბეჭდები, რომლებიც დასავლეთ საქართველოს არქეოლოგიურმა მასალამ შემოგვინახა, მოწმობს დაზვის გამოყენებას, უძველეს ხანაშივე. როდელი ჰორიზონტალური დაზვების ხმარებას და მოსაქსოვი ძაფის მშვენიერად დამზადებას. ამასთან ერთად, ჩანს, წინანტიკურ ხანაშივე უკვე იცნობდნენ ვერტიკალურ დაზვებსაც, თუ ვიმსჯელებთ თიხისა და ცალკეულ შემთხვევებში ქვის პირამიდული საძირაკების აღმოჩენების მიხედვით.

(დაბლაგომი, ვანი, ქობულეთი). ასეთივე საძირავეები აღმოჩენილია აფხაზეთის ტერიტორიაზეც (ეშერი და სოხუმი).

თვით სელის ნაშთები შემორჩა კოლხურ მონეტაზე დაბლაგომში, ვერცხლის ფიალაში აღმოჩენილ განძში (ძვ. წ. VI—V სს.). ამასთანავე უნდა აღვნიშნოთ, რომ აქა გვაქვს არა ე. წ. „ტილოს“, არამედ რთული „კიპერული“ ნაქსოვის ქსოვილი, რაც მოწმობს მის მისაღებად საჭირო რთული დაზგის გამოყენებას.

ტილოს ნაშთები შემორჩენილია აგრეთვე ვანში, ქალის სამარხში აღმოჩენილ ვერცხლის ფიალაზე (ძვ. წ. IV ს.).

ტილოს ნაშთები აღმოჩნდა დაბლაგომში რკინის სამაჯურზე მიყანჯული (ესაა ალბათ გრძელი სახელოს ან სუდარის ნაშთები ძვ. წ. V ს.).

სელის ტანსაცმელი, რომელსაც საზოგადოების მაღალი კლასის წარმომადგენლები ხმარობდნენ, შემკული იყო ოქროს კილიტებით და ტილოს ქსოვილში ჩაქსოვილი ოქრომკედით, ფურცლოვანი ოქროს უწვრილესი ზოლი დაგრეხილი იყო სელის ძაფზე.

სელის ქსოვილების ოქროს მინიატურული კილიტებით შემკულობის შესახებ მეტყველებს ვანში აღმოჩენილი ადამიანის რკინის ფიგურა, რომელსაც მთელ ტანზე შემორჩენილი ჰქონდა ქსოვილის ნაშთები და ოქროს კილიტები. ოქრომკედი აღმოჩენილია ვანში ბავშვის მდიდარულ სამარხში. როგორც ვინახეთ, ეს მასალა ძვ. წ. IV საუკუნეს ეკუთვნის.

უკანასკნელ ხანებში ტილოს ნაშთები აღმოჩენილია ქობულეთ-ფიჭვნარში ბრინჯაოს ჭურჭელში მოთავსებული კოლხური მონეტებისა და სამკაულების განძში (ძვ. წ. VI—V სს.). საფიქრებელია, რომ ტილოში იყო შეხვეული როგორც განძის მონეტები, ისე სამკაულიც. ტილო აქ საკმაოდ ბევრი აღმოჩნდა და შედარებით კარგად შენახულიც.

სელს, გარდა იმისა, რომ იყენებდნენ ტანსაცმლის, სამხედრო აღჭურვილობისა და სხვა საყოფაცხოვრებო მიზნებისათვის, ხმარობდნენ აგრეთვე მეურნეობის სხვადასხვა დარგში. სელის ძაფს იყენებდნენ თევზსაჭერ ბადეების მოსაქსოვად, რაც შეიძლება დავასკვნათ შემონახული არქეოლოგიური მასალების მიხედვით. სელისაგან დამზადებულ ბადეებს ხმარობდნენ ნადირობის დროსაც, რაც წერილობითი წყაროებიდანაც კარგად ჩანს.

მესაქონლეობა. გუთნით მიწის დამუშავება, მისი განვითარება დაკავშირებულია მესაქონლეობის განვითარებასთან, მსხვილფეხა რქოსანი საქონლის — ხარის მოშენებასთან.

არქეოლოგიურ მასალაში ჩვენ გვაქვს შინაური ცხოველების ძვლები, თინისაგან დამზადებული ხარის სქემატური გამოსახულებანი, რაც მის კულტურაზე დაკავშირებული: გამოსახულებანი გვხვდება ლითონისა და ქვისაც. ხარი გამოსახულია ადგილობრივ მონეტაზეც, კოლხურ თეთრზე.

მსხვილი რქოსანი საქონლის მოშენებასთან ერთად ფართოვდება სახორცე ცხოველების მოშენება, მეწველი საქონლის მომრავლებაც. ამაზე მიუთითებს ყველის ამოსაყვანი ჭურჭლისა და სხვა აღმოჩენები.

არისტოტელე კოლხეთის ძროხების შესახებ ამბობს, რომ იქ პატარა ძროხები ჰყავთ, რომლებიც ბევრ რძეს იძლევიანო.

მსხვილ საქონელთან ერთად ანტიკურ ხანაში დიდი მნიშვნელობა მიაპოვა, განსაკუთრებით ზოგიერთ რაიონში, ცხვარმა და თხამ. ამაზე მიუთითებს წერილობითი წყაროებიცა და ამ ცხოველების შემორჩენილი გამოსახულებანიც.

კვლავინდებურად დიდი მნიშვნელობა აქვს ღორის მოშენებას, განსაკუთრებით დაბლობში და ღორის საკვებით მდიდარ მუხის ტყიან ადგილებში.

შინაური ფრინველის არსებობის შესახებ ჩვენ არააბირაპირი ცნობები გვაქვს (მაგალითად ქვევრზე მამლის გამოსახულება). ანტიკურ ხანაში არაერთი გამოსახულება გვაქვს იხვისა, რაც დაბლობ რაიონებში ამ ფრინველის დიდ სამეურნეო მნიშვნელობას უნდა მოწმობდეს (მწვანე მინის პაწია იხვი-საკიდი, ვერცხლისაგან დამზადებული მშვენიერი გამოსახულება იხვისა, სასმისის ტარს რომ წარმოადგენს და ვანში მოპოვებული ჭამის (?) ტარი, რომელიც იხვის გამოსახულებით ბოლოვდება; ტაბ. XXII, 9).

ჩერ კიდევ არ ჰქარავს თავის მნიშვნელობას მონადირეობა. დასავლეთ საქართველოს უღრან ტყეებში ბევრია სანადირო ცხოველი და ფრინველი. ამის დამადასტურებელია ქვევრებზე, ვერცხლის ჭურჭელზე და სხვ. გამოყვანილ მშვენიერი გამოსახულებანი ირმისა, მგლისა, ტახისა და სხვ.

დასავლეთ საქართველოს რკინის ძველი მეტალურგიის საკითხისათვის. რკინის ძველი მეტალურგიის შესწავლა განსაკუთრებულ სიძნელეს წარმოადგენს, რაც დაკავშირებულია იმასთან, რომ რკინა სპილენძთან, ბრინჯაოსთან და სხვა ლითონებთან შედარებით უფრო ცუდად ინახება. ამის გამო გაძნელებულია რკინის ძველი საგნების ტიპოლოგიური შესწავლა, ეს უკანასკნელი კი დაკავშირებულია რკინის საგნების ლაბორატორიულ შესწავლასთან, რაც ჩვენში მხოლოდ უკანასკნელ ხანებში დაიწყო. ნაწილობრივ ამით აიხსნება ის, რომ რკინის ადრეული მეტალურგიის შესწავლის საკითხი ჩამორჩენილია სპილენძისა და ბრინჯაოს შესწავლასთან შედარებით.

ანტიკურმა ავტორებმა შემოგვინახეს ცნობები ძველ კოლხეთში რკინის მეტალურგიის შესახებ. ფსევდო არისტოტელე (ძვ. წ. IV ს.) საკმაოდ დაწვრილებით აღწერს ხალიბების მიერ რკინის გამოღობის წესებს და მიღებული რკინის შესახებ ამბობს: „მას უანვი არ ეკარება და გარკვეულ პირობებში ის არ გამოირჩევა ვერცხლისაგან“ (აქ ავტორს მხედველობაში აქვს, როგორც ჩანს, ვერცხლთან გარეგნული მსგავსება ფერით). ფსევდო არისტოტელე ამ რკინას უწოდებს ხალიბურს, სამხრეთ კოლხეთის ერთერთი ტომის სახელის მიხედვით, რომელმაც ისტორიაში მეტალურგიის სახელი დაიმკვიდრა.

დასავლეთ საქართველოს სანაპირო ზოლში უკანასკნელი წლების არქეოლოგიურმა გამოკვლევებმა დაადასტურა ანტიკური ავტორების ზემომოყვანილი ცნობები კოლხეთში ქვიშისაგან რკინის მიღების შესახებ.

სოფელ ყულევში, სადაც ისტორიის ინსტიტუტის ექსპედიცია (ხელმძღვანელი ნ. ხოშტარია) სწავლობდა უძველეს მრსახლობებს, ნამოსახლარში, რომელიც განლაგებულია უშუალოდ მდინარის ნაპირას, აღმოჩნდა ორმოცი მათში ცეცხლის და გამომწვარი თიხის ინვენტარის ნაშთებით. ეს არის მსხვილი ჭურჭელი, მასიური ჭამები, საბერეველი მილები, რქისნაირი თიხის საგნები. ჭამების კედლებზე რამდენიმე ადგილას შემონახული იყო რაღაც ყავისფერი მასა. ამ მასის ლაბორატორიულმა შესწავლამ გვაჩვენა, რომ ეს იყო რკინა. უნდა

ვიფიქროთ, რომ დასახელებული ორმოები მოწყობილი ჰქონდათ რკინის გამო-
სადნობად იმ ნედლეულიდან, რომელიც ზღვის ქვიშაში მოიპოვებოდა.

ზღვისპირიდან მოშორებით, ქალაქ მახარაძის მიდამოებში, ანასეულში აღ-
მოჩენილია რკინის გამოსადნობი ქურების ნაშთები, იქვე აღმოჩენილია ამ ქურე-
ბის შეღესილობის ნაშთები, საბერველები, თვით ლითონის ნაშთები, წილები.
მასალების ლაბორატორიულმა შესწავლამ გვიჩვენა, რომ აღნიშნულ ქუ-
რებში რკინის გამოდნობა მაღალ დონეზე ტარდებოდა.

ამ მხარეში ნატანების შენაკად პატარა მდინარეებს ქვიშასთან ერთად მო-
აქვთ მაგნეტიტი, რომელიც ირეცხება ძირითად საბადოებში, უფრო მაღლა
მთებში: რომ მდებარეობენ.

აღნიშნული ადგილების ტოპონიმიკაც რკინის წარმოებასთან უნდა იყოს
დაკავშირებული (ნავრუჯა და სხვა).

საფიქრებელია, რომ ფსევდო არისტოტელეს ცნობები კოლხეთის რკინის
შესახებ ეხება არა მხოლოდ სამხრეთ კოლხეთს, არამედ შავი ზღვის აღმოსავ-
ლეთ სანაპიროსაც და განსაკუთრებით მის სამხრეთ ნაწილს.

§ 12. ანტიკური ხანის ძეგლები აღმოსავლეთ საქართველოში

რკინის წარმოებს განვითარებამ დიდი სიძველე შეიტანა ქართველ ტომთა
ცხოვრებაში. ახლანდელ აღმოსავლეთ საქართველოს მიწა-წყალზე ძვ. წ. VIII-
VI საუკუნეებში მსხდარან განვითარებული რკინის ინდუსტრიის მქონე ქარ-
თველი ტომები, რომელთაც, ბუნებრივია, კიდევ უფრო გაუძლიერებიათ ახლო
ურთიერთობა იმ მოძვე ტომებთან, რომლებიც ახლანდელი სომხეთისა და
აზერბაიჯანის ტერიტორიაზე ცხოვრობდნენ. ეს ურთიერთობა სხვადა-
სხვა დროს და სხვადასხვა ტომებთან განსხვავებული იყო, მაგრამ ჩვენთვის
საინტერესო ხანაში მაინც ის ძალიან მტკიცე და ახლო ჩანს. ასევე ახლო ურ-
თიერთობაში იყვნენ ქართველი ტომები კავკასიონის ჩრდილო კალთების
მოსახლეობასთან; ე. ი. ამ მიმართულებითაც გრძელდებოდა ურთიერთობა,
რომელსაც გვიანი ბრინჯაოს ხანასა და აღრინდელი რკინის საფეხურზე ასე
ქარგად გვიჩვენებენ არქეოლოგიური აღმოჩენები.

ძვ. წ. VIII-VI საუკუნეებისათვის აქ საკმაოდ დიდ ტერიტორიაზე შეიმ-
ჩნევა მსგავსი (ერთიანი) კულტურის გავრცელება. ამ ერთიანი კულტურის
შემქმნელ ტომებს საერთო კულტურისა, ახლო ურთიერთობისა და ერთმანე-
თის მსგავსი ნივთიერი ძეგლების გარდა, ახასიათებს შესამჩნევად განვითარე-
ბული წყობილება. საერთო მათ ისა აქვთ, რაც ტრადიციულ სიახლოვეს უეჭ-
ველად უნდა მოყოლოდა. ესაა რკინის ხანის ადგილობრივი კულტურის გვერ-
დით ჩრდილოკავკასიური (სკვითური) და ძველადმოსავლური (უფრო ურარტუ-
ლი) ტრადიციით ნაკეთები ნივთები. იმ მკიდრო ურთიერთობის შედეგად, რომ-
ლის შესახებ დაწვრილებით ზემოთ იყო საუბარი, როგორც ჩანს, კანონზომიე-
რად გამოჩნდა ადგილობრივ წამყვან ტრადიციასთან ერთად სკვითური და ურარ-
ტული ელემენტებიც. ეს საერთოდ ახასიათებს მთელს ამიერკავკასიას, ყოველ
შემთხვევაში აღმოსავლეთ საქართველოს საკმაოდ მკაფიოდ.

სკვითური და ურარტული ელემენტების სიძლიერის მიზეზები ზემოთ,
წინა თავებშია ახსნილი, ხოლო ადგილობრივი რკინის წარმოების შემდგომი
განვითარება, სახელდობრ რკინის საბადოების გაძლიერებული დამუშავება და

მეტალურგიული პროცესების დაწინაურება, მკაფიოდ ჩანს ძვ. წ. პირველი ათასწლეულის შუა ხანებშიაც და მომდევნო საუკუნეებშიაც.

რკინის მეტალურგიის ამ პირველ საფეხურს პირობით რკინის ათვისების ხანა ან ადრეული რკინის ხანა ეწოდება. ადრეულ რკინის ხანაში შეიძლება ორი საფეხური გაქარჩიოთ: რკინის ათვისებისა და რკინის განვითარებული წარმოების ხანა. პირველი საფეხური საქართველოში (და საერთოდ კავკასიაში) შესაძინევად ხანმოკლე იყო. ამ მხრივ საკუთრივ რკინის ათვისების ხანა შეიძლება სპილენძის ხანას შევადაროთ.

წინა თავში განხილულია საკითხი იმის შესახებ, თუ რა როლი შეასრულეს ქართველმა ტომებმა ადრეული რკინის მეტალურგიის დაწინაურების საქმეში. ცხადია, რომ ასეთი გარდატეხა ცხოვრებით იყო გამოწვეული და თავის მხრივ უდიდეს გავლენას ახდენდა ხალხის ცხოვრებაზე, მის მეურნეობრივ დაწინაურებასა და სოციალურ განვითარებაზე. ამიტომ იყო, რომ ქართველი ტომები უკვე ძვ. წ. VI საუკუნისათვის მნიშვნელოვან ძალად ჩანან მაშინდელ სამყაროში, ხოლო ამ ტომთა ერთმა დიდმა ნაწილმა შესძლო შეენარჩუნებინა დამოუკიდებლობა და არ დამორჩილებოდა იმ დროს აღზევებულ შპარსეთის სამეფოს და არც შემდეგ დაწინაურებულ ალექსანდრე მაკედონელს. თუ ასეთი მტკიცებისათვის ჩვენს ხელთ არის, ერთის მხრივ, ბერძენი მწერლის — ცნობილი ბიოგრაფოსის პლუტარქეს ცნობები, მეორეს მხრივ, უფრო ადრინდელი კითარების დასახასიათებლად ძვირფას მითითებას შეიცავს სადღეისოდ მრავალჯნის ამოკითხული ძვ. წ. 485 წლის ქსერქსეს წარწერა კლდეების შესახებ, სადაც მრავალრიცხოვან დამორჩილებულ ან მოხარკე ხალხთა და ტომთა შორის ქართველები (იბერები) არაა ნახსენები. დამოუკიდებელთა შორის ქართველი ტომების მიწა-წყლის ჩრდილოეთი ნაწილია საგულისხმებელი.

როგორც ჩანს, ამ გარემოებამ თავის მხრივაც იქონია გავლენა ქართლის სამეფოს შემდგომ განვითარებაზე.

მართლაც, არქეოლოგიური აღმოჩენები აღმოსავლეთ საქართველოს ახლანდელ ტერიტორიაზე მცხოვრებთ, ძვ. წ. VI საუკუნიდან მაინც, დიდად დაწინაურებულ ხალხად გვიჩატყვენ. განვითარებული საქალაქო ცხოვრებაც კი შეუქმნიათ და მკვიდრად დამდგარან ისინი ახალი, კლასობრივი სტრუქტურის მქონე საზოგადოებრივი წყობილების გზაზე.

დასავლეთ საქართველოს, ანუ კოლხეთის სამეფოს მსგავსად აქაც, აღმოსავლეთ საქართველოშიაც, უკვე ძვ. წ. VI-IV საუკუნეებისათვის ჩამოყალიბებულია კლასობრივი საზოგადოება, რომელსაც ჩვენ ვიცნობთ აღმოსავლურ-ქართული (იბერული) სამეფოს სახელით. აღმოსავლურ-ქართული სამეფო, დასავლურ-ქართული სამეფოს მსგავსად, ჩამოყალიბდა როგორც ადრე მონათელო ბეღ ლო ბ ე ლ უ რ ი ს ა ხ ე ლ მ წ ი ფ ო გ ა ე რ თ ი ა ნ ე ბ ა.

აღმოსავლურ-ქართული (იბერული) ადრემონათმფლობელური სახელმწიფო გაერთიანების ცენტრი ამ დროს მცხეთა ყოფილა. აქ აღმოჩენილი არქეოლოგიური მასალა, საფუძველს გვაძლევს ვივარაუდოთ, რომ მცხეთა უკვე გვიანბრინჯაოს და ადრეული რკინის ხანაშიც ქალაქი უნდა ყოფილიყო, ამასთანავე საქმოდ დიდი და მკვიდროდ დასახლებული (ი. ჯავახიშვილი). ეს დასკვნა მიღებულია სამთავროს სამაროენის მასალების მიხედვით, რომელთაგან გვიან-

ბრინჯაოსა და რკინის ათვისების დროინდელი სამარხები პირველყოვლისა სიმრავლით იქცევენ ყურადღებას. საერთო სიმრავლეთა და სიხშირით ამ ხანის სამთავროს სამაროვანს ვერ შეედრება საქართველოს სხვა ადგილებში აღმოჩენილი სამაროვნები. ამასთან, დამახასიათებელია, რომ მომდევნო საუკუნეებშია, თვით ადრეფეოდალური ხანის ჩათვლით, სამარხთა სიხშირე სულ უფრო იზრდება და თანაც ახალ-ახალი სამაროვნები ჩნდება მცხეთის ტერიტორიაზე. სხვა მხარეს რომ ყურადღება არ მივაქციოთ, მხოლოდ ზემოაღნიშნული ხდის შეუძლებელს ზოგადში ასეთი მრავალფეროვანი და მკიდროდ განლაგებული სამარხების შემცველი სამაროვნები ვივარაუდოთ. მცხეთაში საქალაქო ცხოვრების დასახასიათებლად უკვე იყო მითითებული ხელოსნობისა და გაცელა-გამოცვლის ადრევე დაწინაურება. წერილობითი წყაროები, მრავალსაუკუნოვანი ქართული საისტორიო ტრადიცია იცნობს და ასახელებს არაერთ ქალაქს ამ ხანისათვის. ასეთებია, მაგ., უფლისციხე, ურბნისი, კასპი, ხუნანისი, ოძრხე. არქეოლოგიური აღმოჩენები გვიჩვენებენ, რომ ასეთ ქალაქთა რიცხვს პირველ რიგში უნდა მიეკუთვნოს გორი.

სამთავროს სამაროვნის მასალის გათვალისწინება გვიჩვენებს, რომ საქალაქო ცხოვრებისა და ქალაქური ტიპის დასახლებათა საწყისი ქართლში გვიანბრინჯაოსა და ადრეული რკინის ხანაზე მოდის. ასეთივე ვითარება შეიმჩნევა მეზობელ ქვეყნებშია. ამ მხრივ ჩვენ პირველ რიგში მინგეჩაურის დასახლება შეგვეძლო. მტკვრის ხეობის შუა და ქვემო წელზე ყველაზე ადრინდელ, ქალაქური ტიპის დასახლებულ ადგილებად მცხეთა და მინგეჩაური უნდა ვივარაუდოთ.

ქალაქური ტიპის დასახლებათა გაჩენა მომასწავებელია ახალი საფეხურისა ამიერკავკასიის ტერიტორიაზე მსხდომ ტომთა ცხოვრებაში. ეს ახალი საფეხური ქართლში შეიმჩნევა ძვ. წ. VIII საუკუნისათვის მაინც. სამთავროს სამაროვნის მსგავსი ამ მხრივ, ე. ი. სამარხთა რაოდენობითა და სიხშირე-სიმკიდროვეთ, ქართლში სხვაგან ცნობილი არ არის, რაც თავის მხრივ იმაზე მიუთითებს, რომ ადრეული რკინის ხანაში ჩვენ საქმე გვაქვს საქალაქო ცხოვრების ჩანასახთან, დასაწყისთან.

მცხეთაში საქალაქო ცხოვრების ჩასახვას მრავალი გარემოება უწყობდა ხელს. ჯერ კიდევ გვიანბრინჯაოს ხანაში შეიმჩნეოდა სოფლის მეურნეობის მთავარი დარგების — მიწათმოქმედებისა და მესაქონლეობის განვითარება. უკვე აღნიშნული იყო, რომ ამ დარგთა შემდგომ დაწინაურებაზე დიდ გავლენას ახდენდა ბრინჯაოსა და მოგვიანებით რკინის მეტალურგია. ამ ხანისათვის წარმოიშვა და განვითარდა მეურნეობის ისეთი დარგები როგორცაა: მევენახეობა, მებაღეობა, ქსოვა და, საერთოდ, ხელოსნობა. ხელოსნობა უკვე აღარ წარმოადგენდა მიწათმოქმედისა და მესაქონლის დამხმარე საქმიანობას; აშკარად ჩანდა ხელოსნობის გამოყოფა მიწათმოქმედებისაგან. ეს იყო შრომის მეორე დიდი დანაწილება.

სამთავროს სამაროვნის მასალების მიხედვით, ძვ. წ. I ათასწლეულის დასაწყისისათვის მაინც თვით ხელოსანთა შორისაც შრომა დანაწილებულია. ჩვენ ვეცნობით დახელოვნებულ მელითონეთა ნაკეთობას; მეთუნეთა შესანიშნავ ნახელავს; ქვის მძივების მთელეთა მიმზიდველ პროდუქციას, რომელიც მოხ-

დენილი ფორმებით გამოირჩევა; ბრინჯაოს სარტყელთა და ცულთა ზედაპირების ბრწყინვალედ მომხატველთა ნამუშევარს; თიხის კურკლის მოჭიქვის უძველეს ნიმუშებს; ძვლისა და რქის იარაღ-სამკაულთა ნაკეთობებს და სხვ.

ასე დიფერენცირებული ხელოსნური შრომის ნაყოფი, ცხადია, მხოლოდ საკუთარი მომხარებისათვის არ იყო გამოიზნული. წარმოიშვა წარმოება გაცვლისათვის და ბაზარზე გასაყიდი საქონლის დასამზადებლად. ასეთი საქონელი მზადდებოდა ქართლში; მათ შორის მცხეთაში, მაგრამ ამასთანავე აქ შემოდინდა სხვაგან დამზადებული საქონელიც, მაგალითად, მძივები, ნიჯარები და სხვ. მცხეთას რომ თავი დავანებოთ, ამ მხრივ საყურადღებო მასალას გვაძლევს პეორე დიდი პუნქტი — დ ვ ა ნ ი (გორის მდამოშვი). დვანის სამაროვნის გათხრისას ს. მკალათიამ ყურადღება მიაქცია იმას, რომ სამკაულთა მნიშვნელოვან ნაწილს შემოტანილი საგნები შეადგენდა. ასეთებია შავი, ქარვა, ეგვიპტური პასტა, შუშის მძივები, რაც ავტორის სამართლიანად მიუჩნევია იმის უტყუარ მაჩვენებლად, რომ იმ დროს დვანელებს სავაჭრო ურთიერთობა ჰქონიათ როგორც მეზობელ, ისე შორეულ ქვეყნებთანაც. ე. ი. აღრეული რკინის ხანისათვის ჩვენ ქართლში საქონლური მეურნეობის დამახასიათებელ ნიშანთან, პროდუქტების გასაცვლელად დამზადებასთანავე ვაჭრებს საქმე.

სამარხებში აღმოჩენილი მძივები მიუთითებენ, რომ ვაჭრობა და გაცვლა-გამოცვლა ქართლს ბრინჯაო-რკინის ხანაშიაც ჰქონია ფინიკიელებთან, ხეთებთან, ასურელებთან, ეგვიპტელებთან, ხმელთაშუა ზღვის აუზის ქვეყნებთან, ბალტიისა და ინდოეთის ზღვის ქვეყნებთან. ეს ერთი მაგალითიც ცხადად ადასტურებს საგარეო ვაჭრობის უძველესი საფეხურის არსებობას საქართველოში. რა თქმა უნდა, კიდევ უფრო ცხოველი სავაჭრო ურთიერთობა უნდა ჰქონოდა ქართლს კოლხეთთან, სომხეთს, აზერბაიჯანისა და ჩრდილოეთკავკასიის ხალხებთან.

ხელოსნობა ამ ხანებში უკვე დამოუკიდებელ საქმიანობად იქცა, რომლის პროდუქტების გაცვლა შემთხვევით ხასიათს აღარ ატარებს. რაკი გაცვლა ფართოდ გაიშალა და სისტემად იქცა, გამოიყო ისეთი საქონელი, რომელშიც ხალისით აძლევდნენ ყოველ სხვა საქონელს. ასეთ საქონელს, როგორც გათხრებისას აღმოჩენილი მასალის შესწავლამ დაარწმუნა მეცნიერები, ჩვენში წარმოადგენდა ბრინჯაოს ნაირ-ნაირი რგოლები, ხოლო შემდეგ (ძვ. წ. VI ს-დან) კმ ნამდვილი ფული — მონეტა (კოლხური თეთრი).

ფრანგმა მეცნიერმა ფიკ დე-მორგანმა მეტად საყურადღებო დაკვირვება გამოაქვეყნა ამიერკავკასიაში აღმოჩენილი მასალების მიხედვით. ავტორი დაარწმუნდა, რომ სამარხებში აღმოჩენილ სხვადასხვა ზომის სამაჯურთა წონა გარკვეული, თანაბარი ოდენობით მატულობდა; უმცირესი მათგანი 8,200 გრამს იწონიდა; ამაზე მოზრდილი ორჯერ მეტს, ე. ი. 16,400 გრ. მომდევნო სიდიდის რგოლი უმცირესზე დაახლოებით სამჯერ მეტი იყო, შემდეგი უმცირესზე დაახლოებით ოთხჯერ მეტი და ა. შ. აღმოჩნდა 82,000-გრამიანი რგოლებიც, რომლებიც უმცირეს რგოლზე ათჯერ მეტს იწონიდნენ. ამ დაკვირვების საფუძველზე დე-მორგანმა მიიღო დასკვნა, რომლის მიხედვით რგოლების უკნინესი ერთეული 8,200-გრამიანი იყო, ხოლო დანარჩენნი ამ ერთეულის გამრავლებით მიიღებოდნენ. ამასთან, დე-მორგანმა ასირიული მასალა მოიშველია და კავკა-

სიური უკინნესი ერთეული (8,200 გრ) შეადარა ასირიულ ფულს, რომელსაც სიკილა ეწოდება და რომელიც 8,415 გრ იწონის.

ამ გზით დე-მორგანი მივიდა ჩვენში აღმოჩენილ სამაჯურთა დანიშნულების გამორკვევამდე — ისინი ფულის ერთეულებად მიიჩნია და მათ კაკეკასიური სიკილა უწოდა. ამრიგად, თუ ამ მეცნიერის საყურადღებო დაკვირვებას გაევიზიარებთ, მაშინ არქეოლოგიური აღმოჩენები არა მარტო იმას ამტკიცებენ, რომ ძვ. წ. პირველ ათასწლეულის პირველ ნახევარში სასაქონლო მეურნეობასთან გვაქვს საქმე, არამედ გვიჩვენებენ ისეთი საქონლის არსებობასაც, რომელშიც ხალისით აძლევდნენ ყველა სხვა საქონელს, ე. ი. ფულის არსებობასაც.

ასეთი მოყვანილობის რგოლები — სამაჯურები დიდი რაოდენობით არის აღმოჩენილი მცხეთაშიაც, სამთავროს სამაროვანზე. გამოთქმულია მსგავსი ჰოსაზრება იბერულ ცულზე. ამთ შორისაც დადასტურებულია ისეთი ცულები, რომლებიც გარკვეული ოდენობით განსხვავდებიან ერთმანეთისაგან. ამ პხრივ საყურადღებოა ბაკურციხის ცულებსა და იბერიული ცულების სხვა კოლექციების შედარება. ჟაკ დე-მორგანის მოსაზრებას ყველა არ იზიარებს, პაგრამ ჩვენთვის ის მაინც საყურადღებო და მნიშვნელოვანია, როგორც გარკვეული საფუძვრი ფულის ერთეულის შესწავლის მიმართულებით მეცნიერთა პიერ წარმოებული ხანგრძლივი დაკვირვებისა. ამ საკითხზე კვლავ ხანგრძლივი მუშაობაა საჭირო.

ამრიგად, საკმაო საფუძველი გვაქვს ძვ. წ. VIII — VII საუკუნეებისათვის ხელოსნობისა და გაცვლის ისეთი განვითარება ვივარაუდოთ ქართლში (ამ შემთხვევაში მცხეთაში), რომელიც მხოლოდ ქალაქისათვის არის დამახასიათებელი.

VIII — VII საუკუნის მცხეთა წარმოდგენდა მონათმფლობელური წარმოების წესის გარიერაზე წარმოშობილ ქალაქს, რომელიც ბუნებრივია თავდაპირველად ბევრით არაფრით განსხვავდებოდა სოფლისაგან; არ გამოირჩეოდა ქალაქური ტიპის ნაგებობებითა და დიდი სიმდიდრით. მაგრამ იმ დროს მცხეთაში თანდათან იყრიდნენ თავს ცნობილი მეთუნეები, მელითონეები, ვაჭრები და ამ პროფესიათა შესაბამისი ყოფა-ცხოვრება ვითარდებოდა მტკვრისა და არაგვის წყალშესაყართან. მცხეთის მცხოვრებთა საქმიანობის ხასიათი თანდათან სულ უფრო და უფრო აღარ ჰგავდა სოფლის მოსახლეობის საქმიანობის ხასიათს. აქ მცხოვრები მიწათმოქმედნი და მეომარნი გზას უთმობენ მოქალაქეებს — ხელოსნებსა და ვაჭრებს, რის გამოც, სწორედ ჩვენთვის საინტერესო ხანიდან თანდათან წყდება სამარხებში საომარი იარაღის ჩატანება. ე. ი. თანდათან ეყრება საფუძველი მცხეთაში საქალაქო ყოფა-ცხოვრებას, მკაფიო ხდება სოფლისაგან ქალაქის გამოყოფისა და მათი დაპირისპირების დასაწყისი.

მტკვრისა და არაგვის შესართავთან საქალაქო ცხოვრების ჩასახვას ხელს უწყობდა ამ ადგილას არსებული დასახლებული პუნქტების მოხერხებული ვეოგრაფიული მდებარეობა. აქ გადიოდა იმ დროისათვის ცნობილი სავაჭრო გზა. უფრო მეტიც, აქ იყო ორი სავაჭრო გზის თავშესაყარიც; ერთი მათგანი მტკვრის ზეობას მიყვებოდა, მეორე კი არაგვისას. ამ გზების მნიშვნელობა

ქართლისათვის ხელოსნობის ნაწარმის რაოდენობისა და უცხოურ საქონელზე მოთხოვნილებების ზრდის შესაბამისად სულ უფრო და უფრო იზრდებოდა. ჩვენ ზემოთ ვნახეთ თუ როგორ შორს მიჰყვა ამ გზას კოლხური ცული; როგორ გახშირდა კავკასიონის ჩრდილო კალთისკენ ქართველ ტომთა ბრინჯაოს ნაწარმის გაზიდვა და როგორ გამრავლდა ყობანური კულტურის ძეგლები საქართველოს მიწა-წყალზე.

რკინის ხანაში კიდევ უფრო მეტი საბუთები ჩნდება სავაჭრო ურთიერთობის ტერიტორიალური ფარგლების გაფართოების დასამტკიცებლად. ამ დროიდან უკვე მრავლად გვხვდება ჩვენში სკვითური ბრინჯაოს ისრის პირები (სამთავრო, ხოვლე, იყალთო და სხვ.), ურარტული ტიპის რკინის დანები და ა. შ. ქართლზე გამავალი გზები, ცხადია, მხოლოდ სავაჭრო დანიშნულებისა არ იყო. ამიტომ უცხოური წარმოშობის ზოგი ნივთი სავაჭრო ურთიერთობის შედეგად კი არ არის აქ მოხვედრილი, არამედ სხვა გზით და სხვა ვითარების ამსახველია, მაგრამ ეს გარკვეულ ჯგუფს შეეხება. მაგალითად, კარმირ-ბლურის კედლის ალიზში შესობილი ისრის პირი მოიერიშე სკვითების კუთვნილებად არის მიჩნეული და თე ი შ ე ბ ა ი ნ ი ს დანგრევაში სკვითთა რაზმების დიდი როლის მიჩვენებლად შიანიათ გამთხრელ სპეციალისტებს. ასევე, უცხოელ შეიარაღებულ ძალებს მიაწერენ სამფრთიან ისრის პირებს, რომლებიც აღმოჩენილ იქნა ალიშარში (ანატოლია), აღ-მინაში (სირია), ეგვიპტეში, კილიკიაში და ა. შ. განსაკუთრებულ ინტერესს იწვევს კარქემიშში აღმოჩენილი სკვითური ისრის პირები და მათი ჩამოსასხმელი ყალიბები.


რა თქმა უნდა, არქეოლოგიური აღმოჩენები მკაფიოდ ახასიათებენ სკვითების როლს არა ერთი დაწინაურებული გაერთიანების თუ ქალაქის დანგრევაში, მაგრამ სკვითების საქმიანობა ამით არ ამოიწურება; ისინი მშვიდობიან დროსაც ახლო ურთიერთობაში უნდა ყოფილიყვნენ ურარტუსთან და, საერთოდ, წინა აზიასთან. ასეთ შემთხვევაში ამიერკავკასიაზე გამავალ გზას დიდი მნიშვნელობა ექნებოდა VIII — VI საუკუნეებისათვის; ე. ი. იმ დროს, როდესაც მცხეთაში საქალაქო ცხოვრების ნიშნები უკვე შეიმჩნეოდა.

ახლა უკვე აღარაა სადავო და არქეოლოგიურად დადგენილად შეიძლება ჩაითვალოს, რომ შავიზღვისპირა მოსახლეობას ბერძნული კოლონიზაციის წინა ხანებში ძველ აღმოსავლეთთან ურთიერთობა კავკასიის გზით ჰქონდა. ძნელი არაა გავეთვალისწინოთ ამ გზის, ასე ვთქვათ, ნაწილობრივ საგარეო ფაქტორის მნიშვნელობა ქართლის შემდგომი განვითარებისათვის, განსაკუთრებით მას შემდეგ, რაც აქ მსხდომ ტომთა საშინაო მდგომარეობა დახასიათებულა და გათვალისწინებული.

ამრიგად, VIII — VI საუკუნეების ქართლში არსებობდა ყველა შინაგანი პირობა და შექმნილი იყო ზელსაყრელი საგარეო ატმოსფერო ახალი ცხოვრების, საქალაქო ცხოვრების ჩასახვისა და განვითარებისათვის.

სამთავროს მასალები გვიჩვენებენ, რომ ეს ასეც მოხდა. ძვ. წ. VIII — VII საუკუნეებში მცხეთაში დაიწყო ახალი ერა, ჩაისახა და განვითარება იწყოს საქალაქო ცხოვრებამ.


ამის შემდგომ საფუძველი ეყრება წარმოების ახალი წესის, აღრემონათმფლობელური ურთიერთობის დანერგვას ქართველ ტომთა ცხოვრებაში.



1



4



2



3



5



6



7

საქალაქო ცხოვრების ჩასახვეს არ შეიძლება გავლენა არ მოეხდინა საეპარქო გზის მახლობლად მდებარე სოფელთა ცხოვრებაზედაც. ზოგი მათგანი ძვ. წ. VII — VI საუკუნეებში იჩენს სიმაგრეს, ჯგუფდება, მჭიდროდ სახლდება მის გარშემო და საერთოდ გაქალაქების ტენდენციას ავლენს. ასეთ დასახლებად შეიძლება მივიჩნიოთ სოფ. ხოვლე. აქ სიმაგრე გამართულია ბორცვზე, რომელსაც ხოვლე-გორას ეძახიან; ბორცვთან ახლოს და მის გარშემო მჭიდრო დასახლარია, რომლის გათხრამ არაერთი უცხოური ჭაგანი მოგვცა. ასეთებია მაგალითად, ურარტული ტიპის საბეჭდავი, ავგაროზი ლურსმნული ნიშნებით, შავფეფურიანი თიხის კურკლის ნატეხი და სხვ. მაშასადამე, გარეშე ქვეყნებთან ურთიერთობის აშკარა ნიშნებია ხოვლეში აღმოჩენილი. ყურადღებას იქცევს ის გარემოებაც, რომ იქვე ახლოს გაითხარა კერამიკული სახელოსნოს ნაშთები — კერამიკული ქურა, რომელშიც თიხის კურკელი იყო ჩადგმული გამოსაწვავად (ეს სურათი ხოვლე-გორის ცხოვრების კატასტროფულ დასასრულს უნდა უჩვენებდეს). ასე რომ, ქალაქური ტიპის დასახლებულ ადგილას ხელოსნებიც ყოფილან და ვაჭრებიც.

მიუხედავად იმისა, რომ აქედან თრიალეთისკენ ხელსაყრელი გადასასვლელებია, ხოვლეში საქალაქო ცხოვრების გამლა ვერ მოხერხებულა, რადგან მასთან ახლოს იყო უფრო დიდი და მოხერხებული საქალაქო დასახლება — კ ა ს პ ი, რომლის გარეუბნადაც უკეთეს შემთხვევაში უნდა ქცეულიყო ხოვლე-გორა. მართლაც, თითქოს ხარვეზი შეიმჩნევა ხოვლეს მასალებში, თითქოს დიდი ხნით შემწყვდარა იქ მჭიდრო ცხოვრება. თუ ეს შთაბეჭდილება მომავალმა გათხრებმა დაადასტურეს, მაშინ ხოვლეს და კასპის მაგალითზე ქალაქების წარმოშობის კონკრეტული სურათი გვექნება შესწავლილი.

ანალოგიური სურათი უნდა გვექონდეს მცხეთასთანაც. სამთავროს სამაროვნის სამარხთა სიმრავლე და სიმჭიდროვე თუ ასე მკაფიოა, იგივე არ ითქმის იმდროინდელ სხვა დასახლებულ პუნქტებზე: ზემო ავქალაზე, წიწამურზე, ნარეკეავზე, არმაზისხევზე. ამ ადგილებში VIII — VI საუკუნეებში დიდი და მჭიდრო მოსახლეობა არა ჩანს. ძველმა მცხეთამ დაასწრო მათ განვითარება და მიიზიდა მოსახლეობა, ისინი კი მცხეთის უბნებად და გარეუბნებად დარჩენილან. იგივე ითქმის გორისა და ურბნისის გარშემო მოსახლობათა შესახებაც.

მითითებული მაგალითები ქალაქების წარმოშობის გარკვეულ კანონზომიერებას ამჟღავნებენ ქართლში ძვ. წ. VIII — VI საუკუნეებისათვის:

აღმოსავლეთ საქართველოს საერთო ვითარების გაშუქება ახალ გათხრებსა და აღმოჩენებზეა დამოკიდებული: ამიტომ ჯერჯერობით შემოაღნიშნულით უნდა დავკმაყოფილდეთ. უნდა ვივარაუდოთ, რომ ეს ახალი ნაკადი შეეხო პირველ რიგში მსხვილ სამიწათმოქმედო დასახლებებს, რომლებიც ისეთ ადგილებზე იყვნენ გაშლილი, სადაც ხელოსნობის განვითარების პირობებიც იყო და ვაჭრობისაც, ე. ი. საეპარქო გზა ახლოს გადიოდა.

საეპარქო გზებიდან მოწყვეტილ მოსახლობებს საქალაქო ცხოვრება დიდხანს არ შეეხებია. იქ პირველყოფილი თემური ურთიერთობა ვითარდებოდა იმ დროსაც კი, როდესაც ქართლში ქალაქების წარმოშობა და საქალაქო ცხოვრების განვითარება ახალ საფეხურზე ავიდა; მონათმფლობელური სახელმწიფოს შექმნამდე მიაღწია. მაგრამ ეს სულაც არ არის მოულოდნელი ადრემონათ-

მფლობელური სამეფოს ცხოვრებაში; განსაკუთრებით ქართლში, რომელსაც ამ მხრივაც ბევრი თავისებურება გააჩნდა.

ამრიგად, არქეოლოგიური მასალების გათვალისწინება გვიჩვენებს, რომ ძვ. წ. VIII — VII საუკუნეებიდან ქართლში, აღმოსავლეთ საქართველოში საერთოდ, საქალაქო ცხოვრება ისახება, წარმოიქმნება უძველესი ქალაქები.

ამ მხრივ ქართლის ვითარება უთუოდ შეესაბამება კოლხეთის საერთო ვითარებას, მიუხედავად იმისა, რომ ქართლში ჯერჯერობით „კოლხური თეთრის“ მსგავსი რამ არა ჩანს, თუ მხედველობაში არ მივიღებთ პროფ. ბ. კუფტინის მიერ სამხრეთ ოსეთში აღმოჩენილ ერთადერთ მონეტას.

ძვ. წ. VIII — VII საუკუნიდან მოკიდებული ქართლის სამეფოს ისტორია არსებითად ქართლის საქალაქო ცხოვრების ისტორიაა. ამიტომ, ბუნებრივია, პირველ რიგში ქალაქების ნიჟარული კულტურა და საქალაქო ცხოვრების მაჩვენებელი მასალები იქნეს განხილული.

ამჟამად, ჩვენს განკარგულებაში საქმოდ მრავალრიცხოვანი მასალაა მშენებლობის ხელოვნების, სამშენებლო მასალათა წარმოებისა და, საერთოდ, ხუროთმოძღვრული ძეგლების გასათვალისწინებლად ქართლში ანტიკური ხანის მთელ სივრცეზე. შეიძლება ითქვას, რომ ამ მხრივ უკეთესი და უფრო სისტემატური მასალა გვაქვს მოაზრებული სამარხეულ ინვენტართან შედარებითაც კი. განსაკუთრებით აშკარაა ეს ანტიკური ხანის პირველ მონაკვეთზე, წელთაღრიცხვათა მიჯნამდე. უმნიშვნელოვანესი ხუროთმოძღვრული ძეგლები მიეკუთვნება ქართლის (იბერიის) სამეფოს ძლიერების ხანას — ძვ. წ. IV ს. მიწურულს და მომდევნო საუკუნეებს, ვიდრე რომაელთა სარდლის პომპეუსის შემოჭრამდე, რასაც, როგორც ცნობილია, ქართლის ციხე-სიმაგრეთა მოშლამორღვევა მოჰყოლია შედეგად.

ძვ. წ. IV — III საუკუნეებისა ჩანს მაგ., მცხეთის შიდაციხის — არმაზციხის უძველესი ნაგებობანი: ქვათილების საძირკველზე ამოყვანილი ალიზის გრანდიოზული კედლები, კოშკები და კონტრაფორსები, რომლებიც აქ 30-ოდე მეტრარ ფართობს შემოზღუდავდნენ. ზღუდის სიმაღლე 6 მეტრამდე აღწევს, სიგანე კი 2,6—4,0 მეტრია. სამშენებლო მასალად გამოყენებულია ქვათილები და სხედასხვა მოყვანილობის დიდი, მეტწილად გამომწვარი ალიზები. როგორც ირკვევა, ზღუდე-გალავნის უმთავრესი კოშკები და ბურჯები გადახურული ყოფილა მცხეთური, წითლად შეღებილი კრამიტით.

ნაგებობათა ამ ჯგუფში თვალსაჩინოდ გამოიყოფება შიდაციხის ე. წ. ს ვ ე ტ ე ბ ი ა ნ ი დ ა რ ბ ა ზ ი, მასთან დაკავშირებული სახლები და სასახლის ტიპის შენობები. ამთ შორის გაირჩევა ადრინდელი ფენა — მშრალად, უღუღბოდ ნაწყობი, ხის საგანგებო სამაგრებით გადაბმის წესით ნაგები ქვათილები, რომელსაც „არმაზციხე I“ შეერქვა, და მომდევნო ხანის (ძვ. წ. III — I სს), უკვე კირის ხანარზე ნაწყობი ნაგებობანი, რომელიც უძველესი ფენიდან გამოიყოფა და „არმაზციხე II“ ეწოდება.

„არმაზციხე I“-ის ტიპისა და მისი სინქრონული ნაგებობანი აღმოჩენილია დედაქალაქის წიწამურის უბანზე 1953 წელს („წიწამური I“), სარკინეში 1954 — 1956 წლებში და გორისციხესა და უფლისციხეში. ეს მითითებანი განსაკუთრებით მნიშვნელოვანია სამეფოს საერთო ვითარების წარმოსადგენად.

როგორც ჩანს, ქართლის სამეფოს მესვეურები მხოლოდ და მხოლოდ მცხეთის გამაგრებასა და გაშენებაზე არ ზრუნავდნენ და ერთნაირად ამაგრებდნენ მნიშვნელოვან სავაჭრო-საქალაქო და სტრატეგიულად საჭირო პუნქტებს.

საქალაქო მშენებლობისას განსაკუთრებული ყურადღება დედაქალაქს ექცეოდა, მისი სამეურნეო-ეკონომიური, სავაჭრო-სახელოსნო, კულტურულ-პოლიტიკური მდგომარეობის გამო. ძველი დედაქალაქისადმი ასეთი ზრუნვა კარგად არის ასახული ქართულ საისტორიო წყაროებში და დასტურდება არქეოლოგიური კვლევა-ძიების მიხედვითაც. ასე მაგ., შიდაციხის ტერიტორიაზე აღმოჩენილია: ს ა ფ ო რ ტ ი ფ ი კ ა ც ი ო ნ ა გ ე ბ ო ბ ა ნ ი, ს ა ს ა ხ ლ ი ს ტ ი პ ი ს ნ ა გ ე ბ ო ბ ა თ ა ნ ა ნ გ რ ე ვ ე ბ ი, ს ა მ ე უ რ ნ ე ო ნ ა გ ე ბ ო ბ ა ნ ი და ს ა მ ა რ ხ ი ნ ა გ ე ბ ო ბ ა ნ ი. მკაფიოდ დასტურდება უძველესი ფენის ნაგებობებში ქვათლილებისა და ალიზის ფართოდ გამოყენებაც. ამასთანავე ირკვევა, რომ ქვათლილები ჩადგმულია კლდეში ამოკვეთილ ფოსოებში საფეხურებისებრ და ამ გზით შექმნილია ქვათლითა ჰორიზონტული ზედაპირი, რომელზედაც ალიზის კედელია ამოყვანილი. ეს დეტალი ისე გულმოდგინედ არის შესრულებული, რომ ზოგიერთ მონაკვეთზე დიდი კიბის საფეხურების შთაბეჭდილებას ქმნიან კლდეში ამოტეხილ ფოსოებში ჩასმული ქვათლილები (ტაბ. XXV, 4, 7). ასეთი სურათია შიდაციხის II უბანზე და III უბნის ქვედა მონაკვეთზე. ქვათლითა წყობა ზოგან ერთფენაა, მეტწილად კი შესამჩნევად მალაა ამოყვანილი შესანიშნავად გამოკოდილი და ზოგჯერ კიდევბ-შემოთლილი დიდი ქვათლილები. ყველაზე უკეთ უკანასკნელი შემონახულია III უბანზე, ქვედა ორ კოშკთან და თხემზე — სამიგბო თხრილებში. აქ ყურადღებას იპყრობს ქვათლითა „უ წ ყ ე ე ტ ი თ“ გადაბმის წესი, ე. წ. „მერცხლისკუდა“ ამონაკვეთებში ჩასმული მუხის სამაგრების გამოყენება.

როგორც აღინიშნა, ქვათლითა მშრალ, უღუღაბო წყობაზეა აშენებული ალიზის კედელი. ალიზი მეტწილად გამომწვარია, მაგრამ მხოლოდ მზეზე გამომშრალიც ბლომად გამოუყენებიათ. იგი თიხის ხსნარზეა ნაწყობი და მონოლითური სახე აქვს მიღებული თიხისავე ხსნარით შელესვის წყალობით.

საყურადღებო დეტალია შენიშნული შიდაციხის ზღუდის სამხრეთ ნაწილში, იქ, სადაც II უბნის გალავანი სამხრეთ-დასავლეთით უხვევს და III უბნისკენ მიემართება. ამ ადგილას ალიზის კედელს კარგად ეტყობა ფიცრების სიგრძივი კვალი და ზუსტად არ ჩანს არც ცალკეული ალიზები, არც მათი ფენები. ალბათ გრძელი ფიცრებისაგან შექმნილ ყალიბში მოათავეს გამოუმშრალი ალიზი და თიხის ხსნარი, გამოშრობის შემდეგ ფიცარი მოხსნეს და კედელმა მონოლითური სახე მიიღო. ალიზის ფენებისა და მათ შორის შრეების გარჩევა გულმოდგინე დაკვირვების გარეშე გაძნელებულია.

ქვათლილები ზღუდის პერანგს წარმოადგენს, ე. ი. კედლის ორ მხარეზე მიემართება, ზღუდე ორპირია. ამათ შორის ალიზის დასაწყობად თარაზული, საფეხურებრივ მოწყობილი მოედნები არ არის და ალიზი ტიტველ ციკაბო კლდეზე უნდა დაეწყოს. ცხადია, ამგვარად აყვანილი კედლის პერანგი უფრო მყარი გამოვადრდა, ხოლო შუაგულს, მთავარ მასას შესაძლოა დაღმართზე სიმტკიცე დაეკარგა და მორღვეულიყო. შიდაციხის ზღუდის მშენებლებს ეს გაუთვალისწინებიათ და ალიზის ზღუდე ხშირი, გამკლი კონტრაფორსებით

გაუმავრებიათ. ყოველ ათ მეტრზე არის ქვათლილთა გამჭოლი თაზარული წყობა და სათანადო კონტროლისი. კონტროლსები ქმნიან ალიზის კედლის ერთგვარ წყვეტილობას და სიმყარეს მატებენ ალიზის წყობის ყოველ მონაკვეთს. ამაში ჩანს ზღუდის კონტროლსთა უმთავრესი, კონსტრუქციული დანიშნულება. შიდაციხის ზღუდის სხვადასხვა მონაკვეთის გაცნობა მკაფიოდ გვიჩვენებს რთულ რელიეფზე ზღუდის მშენებელთა დახელოვნებას. როგორც ჩანს, არ იზოგებოდა სამშენებლო მასალა, არც მუშახელი იმისათვის, რომ სასურველ ადგილას, თუნდაც ციკაბო კლდეზე, ათასობით ქვათლილთა ჩასაწყობი ბუდეები ამოეკეთათ, გათლილ-გამოკოდილი ქვათლილები უთვალავი რაოდენობით მოეზიდათ, ათეული ათასობით ალიზი მოეჭრათ, გამოეწვიათ ან გამოეშროთ, მთაზე აეზიდათ და გრანდიოზული ზღუდეები ეშენებიათ.

ქვათლილთა წყობაზე ამოყვანილ ალიზს მოზრდილი კოჭები აქვს დატანებული. კოჭებს უნდა გადაება ერთიპეორზე კედლის ნაწილები, კონტროლისი და ცალკეული ალიზები და, ამრიგად, კედლისთვის მონოლითური ზასიათი მიეცა, დაეცვა ის მორღვევისაგან. ამრიგად გაპარებული კედელი დარტყმას დიდ მოსაყვეთზე ანაწილებს და კედლის სანგრევე იარაღთა ეფექტურობას ამცირებს. კოჭებზე მუხის მოზრდილი (20 X 12 სმ) ძელებია გამოყენებული.

ალიზის, კედლის სიმაგრისა და გამძლეობის განსამტკიცებლად შიდაციხეში ერთი საყურადღებო დეტალი შეიმჩნევა. ალიზის კედლის ამოყვანისა და შგლეხვის შემდეგ, ზღუდის სიგრძეზე ძლიერი ცეცხლი უნთიათ და კედლის გარეპირი ამგვარად გამოუწვავთ. აშკარად ჩანს, რომ ბათქაშიც გამომწვარი და ალიზის ფენებს შორის თიხის ხსნარიც.

ეს დეტალი აცხოველებს ზღუდის აშენების სურათს და საერთოდ საინტერესოდ აყენებს საკითხს იმის შესახებ, თუ რატომ არის გამოყენებული აქ გამომწვარი ალიზიც, გამოშრალი ალიზიც და უმი ალიზიც, რომლის შეღესვა და გარეთა ნაწილის კარგად გარუჯვა აუცილებელი ჩანს.

არმაზციხე I-ს მიეკუთვნება საკულტო ნაგებობის საფუძველი, აგრეთვე ქვათლილებისაგან ნაშენი, არმაზის კედლის აღმოსავლეთ მწვერვალზე. ამ ხანის ნაგებობათა შორისაა ცნობილი სვეტებიანი დარბაზი, ნათალი ქვის ღარებისაგან შედგენილი ღია წყალსადენი და სხვა ნაგებობათა ნაშთები, შიდაციხის სამხრეთ და სამხრეთ-აღმოსავლეთ ნაწილში.

არმაზციხე II სვეტებიან დარბაზთან დაკავშირებით გამოინაკვთა. აქ აღმოჩნდა სასახლის ტიპის მეორე ნაგებობა, ნაშენი კირის ხსნარით, ამ შენობის ერთი კედელი „სვეტებიანი დარბაზის“ კედელს ზედ გადაუვლის. ამ ადგილას დღუღებით ნაწყობი კედლის საძირკველი გაძლიერებულია, რადგან ნაყარ მიწაზე (არმაზციხე I კედლის თავზე) გადადის. ეს არის მეორე ფენის ერთადერთი ნაგებობა. გლაფენის სამხრეთ მონაკვეთზე ამ დროის ნაშენი ნაწილები ადვილად შეიმჩნევა. ერთგან „მეტცხლისკულა“ სამაგრიანი ქვათლილიც მოხვედრილა დღუღაში, ე. ი. ადრინდელი წყობის მასალა აქ ნაგლეჯი ქვის გვერდით გამოუყენებიათ (II უბანი). ამ დროის ზღუდის ნაწილი შიდაციხის სამხრეთ-აღმოსავლეთ კუთხეშიაც ჩანს.

არმაზციხე III წარმოდგენილია მრავალრიცხოვან ნაგებობათა ფრაგმენტებით, რომელთაგან ყველაზე უკეთ შენახული აბანო და ორხენაკიანი

ნაგებობაა, სვეტებიანი დარბაზის ჩრდილოეთით. ამ ჯგუფში უნდა ვიგულის-
ხმობთ „მარნის უბნის“ ნაგებობათა ნაშთებიც და ბაზილიკის საფუძველი. აქ
ჩამოთვლილი ნაგებობანი მშენებლობის ტექნიკის მიხედვით არმაზისხევურ
შენობებს მოგვაგონებენ, სახელდობრ, აბანოს და ზღურბლიან ნაგებობას.

მცხეთური კრამიტი გამოყენებულია სამივე ფენის ნაგებობათა გადასახუ-
რავად. უძველესი ფენის ნაგებობათა შორის არ ჩანს მასობრივი საცხოვრებელ-
ე შენობები, ამიტომ ჩვენ ვეარაუდობთ კრამიტის კეთებას საზოგადოებრივი
და სახელმწიფო დანიშნულების ნაგებობისთვის. შემდეგ ხანებში თანდათან
ფართოვდება კრამიტით დასაშრულ ნაგებობათა წრე და ძვ. წ. I საუკუნიდან სა-
ხურავ კრამიტს სამარხთა ასაშენებლადაც იყენებენ.

წიწამურის სერის ნაგებობათა ნაშთების გათხრისას არმაზციხისაგან გან-
სხვავებული და თითქოს უფრო არქაული სამაგრებია აღმოჩენილი. წიწამუ-
რის სერზე არქეოლოგიური ძიებისას აღმოჩენილ ნაგებობათა ხაზითი საფუძ-
ველს გვაძლევს იქ არმაზციხე I ტიპის ნაგებობანი ვივარაუდოთ. ამრი-
გად, ჩნდება არქეოლოგიური საფუძველი სტრაბონისეული სიკამორას
ლოკალიზაციისა და ამ სერის ნაგებობათა ძირითადად არმაზციხე I-ის სინ-
ქრონულად მიჩნევისათვის.

დიდი მცხეთის ტერიტორიაზე აღმოჩენილი ხუროთმოძღვრული ძეგლე-
ბი მშენებლობის ხელოვნების ისტორიის თვალსაზრისითაც იქცევენ ყურად-
ღებას.

უკვე აღინიშნა, რომ აქ ქვითა და აგურით, ე. ი. შერეული მასალით მშ-
ნებლობაა გაბატონებული; შესაბამისად ძირითად სამშენებლო მასალას დედა-
ქალაქობის ხანის პირველ ეტაპზე წარმოადგენს ქვა და ალიზი, სახურავ მა-
სალას — კრამიტი. დედაქალაქობის ხანის მეორე ეტაპზე ძირითადი სამშენებ-
ლო მასალა მეტწილად „უჯიშო“ ქვა და აგურია, მაგრამ არა მშრალად ნაწ-
ყობი, არამედ დულაბით შემტკიცებული. სახურავი ისევ კრამიტისაა.

კრამიტი ორი სახისა გვხვდება: ლარისებრი და ბრტყელი, გვერდებაკე-
ცილი. „დიდი მცხეთის“ ანტიკურ კრამიტს ხელოსნის თუ სახელოსნოების ნი-
შანი აზის. ერთი და იმავე ნიშნიანი კრამიტი გვხვდება დედაქალაქის სხვადა-
სხვა უბანზე, აგრეთვე სხვადასხვა ქალაქებშიაც, რაც კრამიტის დიდი მასშ-
ტაბის საწარმოთა არსებობას, სამეფო ან მსხვილ მონათმფლობელურ სახე-
ლოსნოთა არსებობას გვაგვარაულებინებს. შესაძლოა ამ მსხვილ სახელოსნოებ-
ში საცეხო დანაწილებასთანაც კი გვექონდეს საქმე. ლარისებრი კრამიტი მორ-
გვზეა ნაკეთები, თავისებური მილის შუაზე გაჭრის გზით. ორგვარია მოყვა-
ნილობის მიხედვით ალიზიც: კვადრატული და მისი ნახევარი, ე. ი. მოგრ-
ძო სწორკუთხოვანი. ნაირ-ნაირია უძველესი ფენის ქვათილები; საზოგადოდ
მოგრძო, სწორკუთხოვანი მოყვანილობაა გაბატონებული, მაგრამ გვხვდება თით-
ქმის კუბური ფორმისა და ტრაპეციისებურებიც (მაგ. წიწამურის სერზე).

ქვის სათლელად და საკოდელად სხვადასხვა მოყვანილობის იარაღია გამო-
ყენებული. ასეთი ხელსაწყო ნაპოვნია წიწამურის სერზე, წყობაში. როგორც
ჩანს, ეს ქვის საკვეთია, ჩარჩენილი დიდი ქვათლილის გაჭრისას. ქვის სათ-
ლელ-საკოდელთა ნაირ-ნაირობის მაჩვენებელია ქვათლილთა სხვადასხვაგვარად
დამუშავებული ზედაპირები, ამოკვეთილ-ამოტეხილი ფოსოები, ჩათლილი

კიდის ზოლები და ა. შ. ერთის სიტყვით, აღმოჩენილი ქვათლილები გვიჩვენებენ, რომ ქვის დამუშავების არაერთი წესია დადასტურებული. სათხარი, წერაქვი, წალკატი, ორთხი, ეჩო, ოწინარი, კეკო, საკოდელი, მართხაფი, ძალაყინი ან აზარმაცი და მრ. სხვა იარაღია გამოყენებული დიდ მცხეთაში უკვე ძვ. წ. IV — III საუკუნეებიდან. სვეტებიანი დარბაზის მშენებლობას „ქედელთა სიმალისათვის კალატოზთა ფერძის სადგმელის“ ანუ ფალანგის გამოყენებაც არის შენიშნული. საგანგებო ხელსაწყოები უნდა ჰქონოდათ ჩუქურთმის მკრელებს. სარკინე უბნის ჩუქურთმითვანი ფრაგმენტები და იონური რიგის, ვოლუტებიანი-იონიკებიანი სვეტისთავი (ტაბ. XXV, 1) ჩვეულებრივი კეკოთი ან საკოდელით არ გამოიკვეთებოდა. სარკინე უბნის თხრასას აღმოჩენილი სვეტის ფრაგმენტები გვარწმუნებს, რომ ეს ხუროთმოძღვრული დეტალები სპეციალურ ჩარხზეა გამოყვანილი (ტაბ. XXV, 2, 3). ეს იმდენად ხშირად და მკაფიოდ ჩანს, რომ სათანადო ტრადიციასაც გვაგულისხმებინებს. რკინის სახელოსნოში აღმოჩენილ ნაშნადთაგან ზოგი ქვის სათლელი იარაღსა უნდა ყოფილიყო. საამშენებლო საქმეში, კერძოდ, რთულსახოვანი ჩუქურთმის გამოსაყვანად იყენებდნენ ალბათ შიდაციხეში (სვეტებიან დარბაზში) აღმოჩენილ ბრინჯაოს ფარგალს.

შიდაციხეში, წიწამურის სერზე, საკუთრივ მცხეთის უბანში, საპირტიანო უბანზე და სარკინეში გათხრილი ნაგებობანი მიუთითებენ მშენებლობის ხელოვნების მაღალ დონეზე დედაქალაქობის ხანის მცხეთაში. პირველყოფილსა ირკვევა გულმოდგინედ „შემზადებამ ადგილისა“, მისი „დავაკება“. სამისო საილუსტრაციო მასალას ყოველი ნაგებობა წარმოადგენს, მაგრამ უადრესი არმაზციხის საფორტიფიკაციო ნაგებობები, სვეტებიანი დარბაზი, წიწამურის და სარკინის თხრისას აღმოჩენილი ნანგრევებია. ამკარა ხდება, რომ შუა საუკუნეების წერილობით ძეგლებში დადასტურებული „შემზადებამ ადგილისა“ ანუ „დავაკება“ სათავეებს არმაზციხის, წიწამურისა და სარკინის უძველეს ფენებში პოულობს.

ჩვენ ზემოთ მღვაქციეთ ყურადღება ერთ დეტალს — შიდაციხის ერთერთი ნაგებობის საძირკვლის გაძლიერების შემთხვევას. ეს დეტალი მშენებლობის ხელოვნების თვალსაზრისით საყურადღებოდ გვეჩვენება იმის გამო, რომ ძველი დედაქალაქის მშენებლებს, როგორც ირკვევა, წინასწარ შეუსწავლიათ ნიადაგი, სადაც საძირკველი უნდა ჩაეყარათ და რაკი ნიადაგის სისუსტე შეუმჩნევიათ, ნაგებობის საძირკველი გაუძლიერებიათ, გაუფართოვებიათ და გაუღრმავებიათ. ეს უნდა მომხდარიყო ძვ. წ. III — II საუკუნეებში. ასე შორეული ფესვები უჩნდება აბუსერიძე ტბელის ცნობას იმის შესახებ, რომ ბილოკ-ბასილმა ქაობიან ადგილზე დაიწყო ეკლესიის აგება და ნიადაგის სისუსტის გამო „თხარა ესეოდენი სიღრმე ქუეშე მიწასა, ვითარცა ჩანს ზედათ ტაძარი ესე და მათ სიღრმეთაგან იწყო შენებად“.

ჩვენს მიერ განხილული ნაგებობანი ზედმიწევნითაა შესრულებული და „წინასწარ გამოსახვის“ დიდად დაწინაურებას გვაფიქრებინებენ.

ასეთ დასკვნას მხარს უჭერს მხატვართუხუცესისა და ხუროთმოძღვრის თანამდებობის არსებობა ძველ დედაქალაქში. ეს თანამდებობა დედაქალაქობის ხანის დასასრულს არ უნდა იყო გაჩენილი.

დედაქალაქობის ხანის ადრინდელი ეტაპის მშენებლობის დამახასიათებელი გრანდიოზულობა, კედლების ქვათილებით წყობა, თლის თავისებური ტექნიკა, ალიზის ფართოდ გამოყენება, კედლში ათასობით ბუდეებისა, საფეხურების ამოტეხა, ქვის ამოღება, გათლა და გადმოტანა, ძალიან დიდი, შრომატევადი სამუშაო უნდა ყოფილიყო. არქეოლოგიური აღმოჩენები გვიჩვენებენ, რომ მიმდინარეობდა სამეფოს ყველა მისადგომის გამაგრება, გზებისა და გადასასვლელების ჩაკეტვა. იქნებოდა ნამდვილად გრანდიოზული სისტემა სიმაგრეებისა. ასეთი სამუშაო იაფფასიანი მუშახელის — მონის შრომის გამოყენების საჭიროებას ქმნიდა და სწორედ აქ უნდა ვეკარავდით არსებობა მმართველობის ისეთი ორგანიზაციისა ქართლის სამეფოსა და ქალაქებში, რომელიც უზრუნველყოფდა მონების შრომის ფართოდ გამოყენებას ამ სამუშაოებში.

მშენებლობის ხელოვნების მაღალი დონის მაჩვენებლები, რომლებიც მცხეთაში აღმოჩნდა, როგორც ჩანს, უტრადიციოდ არ აღმოცენებულა. ამ მხრივ საყურადღებო მასალას გვაძლევს კედლში ნაკვეთი ქალაქის — უფლისციხის გამოქვაბულები (ტაბ. XXVI, 4). ვარაუდობენ, რომ იქ ქალაქური ტიპის მოსახლეობის გაჩენასთან ერთად ძალიან დიდი სამუშაოები განხორციელდა კლდესამოსახლოს შესაქმნელად, სწორედ მონური შრომის გამოყენების გზით. ამრიგად, დედაქალაქობის ხანის მცხეთის ხუროთმოძღვრულ ხელოვნებას, როგორც ჩანს, ისევ ქართლის სამეფოში აქვს ფესვები გადგმული და ქართლის ქალაქები დიდხანს ინახავენ ამ ტრადიციას.

უკანასკნელი ოცი წლის მანძილზე მცხეთასა და მის მიდამოებში აღმოჩენილი ხუროთმოძღვრული ძეგლები აჩვენებენ საქალაქო მშენებლობის ორ უმთავრეს საფეხურს. პირველი საფეხური იწყება ძველი წელთაღრიცხვის IV საუკუნიდან. განსაკუთრებული გაძლიერება მას ემჩნევა III საუკუნისათვის, როდესაც მკვეთრი გარდატეხა ხდება მშენებლობის ტექნიკაში — იწყებენ დუღაბის ფართოდ გამოყენებას. დუღაბის აღმოჩენა საქალაქო მშენებლობის დიდი მოთხოვნისგან გამომდინარეობს და აიხსნას.




მეორე საფეხური ახ. წ. პირველ საუკუნეებს ემთხვევა. მიმდინარეობს რომაელთა ლაშქრობისას მორღვეულ ციხე-სიმაგრეთა აღდგენა და გამაგრება. ამ საქმეში, როგორც ჩანს, რომაელებსაც მიუღიათ მონაწილეობა. ეს საფეხური ქართლის (იბერიის) სამეფოს ხელახალი გაძლიერების შედეგია და მისი მომასწავებელიც, მაგრამ ის იმდროინდელ საგარეო ვითარებასაც შეესაბამება.

შიდაციხის ანუ არმაზციხის, წიწამურის და სარკინე უბნის საფორტიფიკაციო ნაგებობანი, როგორც აღინიშნა, დედაქალაქის ძლიერების ხანას მიეკუთვნება და ამ ძლიერების მანიშნებელია. შემდეგში დიდი მცხეთის ციხე-სიმაგრეები ძლიერი ხელისუფლების წყაროც უნდა გამხდარიყვნენ, რადგან ისინი დიდი მცხეთისკენ მიმავალ უმთავრეს სავაჭრო გზათა ყელზე იდგნენ, გზას თავისკენ ეწეოდნენ. ასე თანდათანობით იზრდებოდა „დიდი მცხეთის“ ციხე-სიმაგრეთა ეკონომიური მნიშვნელობა. შესაბამისად, სულ უფრო და უფრო მატულობდა დედაქალაქის ეკონომიური და სოციალურ-პოლიტიკური მნიშვნელობა. ქართლის მაგისტრალური სავაჭრო გზები მცხეთაში იყრიდნენ თავს, ე. ი. ამ ქვეყანაში გავლელი უცხოელი მცხეთის ციხე-სიმაგრეებს გვერდს

ვერ აუვლიდა. მცხეთის ციხე-სიმაგრეთა სისტემა იცავდა და შეთვალყურებდას უწყვედა სასოფლო-სამეურნეო რაიონებს, ე. ი. ქალაქის სასოფლო უბანს, მის დაბნებს თუ აგარანთ. ქალაქის სასოფლო რაიონიც ამ ციხეებისკენ მიიწევს, მას ემორჩილება, რადგან ქალაქის ეკონომიური სიძლიერე მისი სასოფლო უბნის დაწინაურების გარეშე შეუძლებელი იყო. ამ მხრივაც „დიდი მცხეთის“ ციხე-სიმაგრეები თვალსაჩინო როლს ასრულებენ ქალაქის ეკონომიური სიძლიერის საქმეში. ამიტომ არის, რომ ძველი ქართული და უცხოური საისტორიო მწერლობა ქალაქებს ყოველთვის მათს დაბებთან კავშირში განიხილავს.

ანტიკური ხანის მცხეთის, როგორც ქალაქის მნიშვნელობას დიდი მცხეთის მცველი ციხე-სიმაგრეები კარგად გვიჩვენებენ. შეცდომა იქნებოდა ამ ციხე-სიმაგრეთა დანიშნულება მხოლოდ იმ ტერიტორიის დაცვით შემოგვეფარგლა, რომელსაც გამაგრებული, ზღუდის შიგნით მოქცეული დიდი მცხეთა მოიცავდა. ამიტომ, როდესაც საუბარია მცხეთის და, საერთოდ, იბერიის ქალაქების, როგორც სამხედრო-სტრატეგიული ცენტრებს მნიშვნელობაზე, რა თქმა უნდა, უნდა ვიკულისხმეთ ეკონომიური მხარეც, რომელსაც მნიშვნელოვნად აპრობებდა ქალაქი გარშემორტყმული ციხე-სიმაგრეთა რთული სისტემით. ციხე-სიმაგრეთა სისტემა საიმედო იარაღი იყო ქალაქის ეკონომიური სიძლიერისათვის. იგი ხელს უწყობდა ქალაქის და მისი სასოფლო რაიონის მჭიდრო ეკონომიურ ურთიერთობას, რომლის გარეშე ანტიკური ხანის ქართლის ქალაქს არსებობა არ შეეძლო. ასეთ ვითარებაში აშკარაა განსაკუთრებული როლი ანტიკური ხანის ქალაქის ერთერთი უმნიშვნელოვანესი ნაწილის — ციხე-სიმაგრისა. ციხე თავისკენ ეწევა გზას; ციხე თავისკენ ეწევა ქალაქის სასოფლო რაიონს — დაბნებს; ციხე თავისკენ იზიდავს ხელოსნებსა და ვაჭრებს; ციხე იცავს ქულებს და ა. შ. ამიტომ ანტიკური ხანის ქართლის ქალაქების ცხოვრებში უმთავრესი მხარეები და მასთან ამ ქალაქების ციხე-სიმაგრეთა როლის გათვალისწინების გარეშე გაუგებარი იქნებოდა. მაგალითად, როდესაც მცხეთის სიძლიერეზეა საუბარი, ყურადღება მის სიმაგრეებს უნდა მიექცას. ჩვენ სრულიად კანონზომიერად გვეჩვენება, რომ სტრაბონის წყარომ ქართლის (იბერიის) ქალაქებზე მითითებისას პირველ რიგში ციხე-ქალაქები არმოზიგე და სისამორა, ე. ი. ფართო გაგებით, ქალაქის ეკონომიური სიძლიერის ერთერთი უმნიშვნელოვანესი საფუძველი დასახელა. ამ მხრივ, ანტიკური ხანის ტრადიციის გამოძახილად უნდა მივიჩნიოთ ქართული საისტორიო მწერლობის მითითება, ჰადაც მცხეთასთან არმაზციხეა ნახსენები, ხოლო თბილისთან — კალა. ანტიკური ხანის ქართლის ქალაქების არქეოლოგიური გათხრა-დაწვევრის შედეგები გვიჩვენებს, რომ ციხის გარეშე ქალაქი წარმოუდგენელია. ამ ვითარებებს ამსახველია ქართული საისტორიო წყაროების ცნობა ქალაქებისადმი. ციხეების მიკუთვნების ან დამორჩილების შესახებ (შდრ. მაგ., სარკინე ქალაქი: კასპი: ურბნისი: და ოძრკც: და ციხენი მათნი: ციხც დიდი სარკინისა: უფლის ციხც კასპისა: ურბნისისა: და ოძრკისა).

ასეთ ვითარებაში სულ უფრო და უფრო იზრდება არქეოლოგიური გათხრებით აღმოჩენილ ხუროთმოძღვრულ ძეგლთა მნიშვნელობა მცხეთის და, საერთოდ, ქართლის სამეფოს საქალაქო ცხოვრების დახასიათებისათვის.



მცხეთა-ქალაქის უმთავრეს ნაგებობათა დღემდე გათხრილი ნაწილი — ფუძველს გვაძლევს გარკვეული წარმოდგენა ვიქონიოთ დედაქალაქის ტერიტორიის, მისი უმთავრესი უბნებს, საფორტიფიკაციო, საზოგადოებრივი, საკულტო, საცხოვრებელი და სამეურნეო ნაგებობების, მშენებლობის ხელოვნებისა და სამშენებლო მასალების შესახებ.

ირკვევა, რომ მდ. მტკვრისა და არაგვის ორივე ნაპირზე ფართოდ გაშლილ დედაქალაქს მრავალი, მეტ-ნაკლებად დამოუკიდებელი უბანი ჰქონია. ყოველ უბანს დამახასიათებელი ნაგებობაც ახლდა. მაგ., არმაზციხის უბნის დამახასიათებელ ნაგებობებს ჩვენ დედაქალაქის შიდაციხის — აკროპოლისის სახით წარმოვიდგინებ. შიდაციხეს თავის მხრივ არაერთი დამახასიათებელი ელემენტი აღმოაჩნდა; ასეთებია: ზღუდე, ციტადელი, სასახლის თუ ტაძრის ტიპის ნაგებობანი, წყალსადენები, სამეურნეო და საკულტო ნაგებობანი. სათანადო კომპლექსის ნაწილებად შეიძლება მივიჩნიოთ იქ აღმოჩენილი მარანი, აბანო და სამარხი ნაგებობანი (მავზოლეუმის ტიპის აკლამა და სეფე ქალის სარკოფაგი).

შიდაციხის ნაგებობათა მთელი კომპლექსი მოხდენილად შეკრულ არქიტექტურულ ანსამბლს წარმოადგენს. ამ მხრივ, პირველ რიგში, შიდაციხის ადგილმდებარეობა იქცევს ყურადღებას.

მცხეთის შიდაციხე — არმაზციხე გაშენებულია ძნელად მისადგომ ადგილას, ისევე როგორც ურარტულ-აქამენიდური ხანის ციხეები, რომელთაც თავდაცვითი მნიშვნელობა ჰქონდათ და მოსახლეობისთვის თავშესაფარს წარმოადგენდნენ. იგი აღმართულია მთაგრეხილის ბოლოზე, „დასასრულსა არმაზისა ცხვრისასა“, რის გამოც შიდაციხის სათვალთვალ კოშკს (სიმაღლე 677 მ) მიდამოზე გაბატონებული მდგომარეობა უკავია და დედაქალაქსკენ მიმავალ გზებს შეუფერხებლად უთვალთვალებს. ამას გარდა, შიდაციხის ზემოთ არის განლაგებული კარსნის წყაროები და ჰათავე კარსნის ზევის ღელისა, საიდანაც წყალსადენები გამოუყვანიათ და არმაზციხე წყაროს წყლით მოუმარაგებიათ.

ადგილის შერჩევის თვალსაზრისით არმაზციხე შეიძლება ურარტულ ციხე-სიმაგრეებს შევადაროთ: ტუმპას ციტადელს (ვანის სიმაგრე), ტომარხ-კალესა და წოვინარს. წინააზიური ელემენტი სიმაგრის მშენებლობის ხელოვნებაშიაც ჩანს. კარგად ცნობილი დამახასიათებელი ელემენტები: „ფიცხელსა კლდესა ზედა“ მშენებლობა, ადგილის დეკაქება, კლდეში საფეხურების ამოტეხვა ერთნაირად ახასიათებს ურარტულ-აქამენიდურ ციხეებსა და არმაზციხეს.

არმაზციხეს საგანგებო ფუნდამენტი არა აქვს, ისევე როგორც არა აქვს საგანგებო ფუნდამენტი ურარტულ ციხეებს. ორივე შემთხვევაში მოყვანილობით და ზომით, აგრეთვე წყობითა და შელესვის ხელობით საცხები ერთნაირ ალიზის კედლებს თავისებურ საძირკველად ქვათლრლები აქვთ. ქვათლილების წყობაზე ამოყვანილი დიდი ზომის ალიზის კედელი გვხვდება ურარტულში და დიდ მცხეთაში, ისე როგორც საერთოდ წინააზიაში და ქართლის სამეფოში.

არასწორხაზოვანი გალავანი, ოთხკუთხოვანი კოშკები და კონტრაფორსები აგრეთვე ურარტულსა და აქამენიდურ ტრადიციას ეკავონებს. არმაზციხის მაგალითზე კარგად ჩანს ფლანგებს დაცვა კოშკებითა და კონტრაფორ-

სებით, ე. ი. აქაც აქამენიდური არქიტექტურის საყვარელი ხერხია დამოწმებული. ამგვარი დამთხვევები არ შეიძლება შემთხვევითი იყოს. ქართლის სამეფოს მესვეურებს და ხუროთმოძღვრებს, როგორც ჩანს, წინააზიური ტრადიციები მოსდამდათ. ეს არც უნდა იყოს მოულოდნელი მას შემდეგ, რაც აკად. გ. წერეთელმა ქართლის სახელმწიფო სისტემის დახასიათებისას სინამდვილესთან რამდენადმე შესაფერისად მიიჩნია ლეონტი მროველის ცნობა: „ესრეთ განაწესა ესე ყოველი ფარნავაზ მიშსგავსებულად სამეუფოსა სპარსთასა“.

მსგავსება ჩანს ქვათლილთა წყობის ხასიათში. ისევე როგორც აქამენიდურ არქიტექტურაში, მცხეთაშიაც, როგორც არაერთხელ აღინიშნა, „არმაზციხე I“ მშრალ წყობას წარმოადგენს. ორივეგან ქვები გულმოდგინედ არის გამოკეთილი და ქვათლილები ისე კარგადაა ერთიფორუსთან მიყენებული, რომ შეერთების ადგილი ძლივს შეიმჩნევა.

ქართლშიაც და აქამენიდური ხანის სპარსულ არქიტექტურაშიც კვადრები საგანგებო სამაგრებით არის შეერთებული (რკინა, ხე — „მერცხლის ბოლოები“). ალიზის სქელი კედლები და უზარმაზარი კოშკები, ალიზის წყობის შელესვა და მისთვის მონოლითურობის მინიკება, ქვათლილთა და ალიზ-აგურის დაწყობის ხერხი, ალიზის ზომები, დამზადების ხერხი და ა. შ. საერთო ტრადიციის მაჩვენებლად გვესახება.

ყურადღებას იქცევს კარ-სარკმელთა ოთხკუთხი მოყვანილობა. ასეთ შემთხვევაში ალიზის გამოყენება სახიფათოა, მცხეთელი ხუროთმოძღვარიც ქვათლილებს იყენებს და კარსა და სარკმელს ქვის წყობაში ათავსებს, ე. ი. იქცევა ზუსტად ისე, როგორც აქამენიდელი ხელოსანი. ეს წესი იმდენად მოსახერხებელი ყოფილა, რომ დუღაბის გავრცელების შემდეგაც, „უჯიშო ქვით“ ნაშენ კედლებშიაც ქვათლილების თავისებური „ბურჯებია“ ამოყვანილი და კარ-სარკმელიც ხომ ქვათლილის წყობაში ზის. ამ შემთხვევაშიაც სუზას, პერსეპოლისა და სხვა ცნობილი ნანგრევებს ახლო ანალოგიათანა გვაქვს საქმე (ასეთია მაგ., ბავინეთზე აღმოჩენილი ორსენაკიანი ნაგებობა).

ამგვარად გაშენებულ შიდაციხის ცენტრალურ ადგილას, ფართო ტერასაზე „სვეტებიანი დარბაზი“, სასახლის ტიპის ნაგებობანი და სხვა შენობები მდგარა. ამათ ჩრდილო-დასავლეთით მარანი, აბანო, სამეფო საგვარეულოს სამარხი ნაგებობანი და სხვა შენობები ჩანს განლაგებული.

ივარაუდება, რომ შიდაციხის ხუროთმოძღვრულ ანსამბლს აკვირგვინებდა საკულტო ნაგებობა, რომელზედაც, წყაროების თანახმად არმაზის ცნობილი კერპი მდგარა.

ს ა პ ი ტ ი ა ზ ო უ ბ ა ნ ს ა ც თავისებური ნაგებობები ჰქონია. აქ აღმოჩენილია საერისთაო და ეზოაქსომოდვრის სასახლის კომპლექსის ნაშთები, აბანო, საცხოვრებელი და სამარხი ნაგებობანი, პატარა მოედანი და, აგრეთვე, მოფიქლული ქუჩა-ეზოები.

ს ა რ კ ი ნ ე უ ბ ნ ი ს თ ვ ი ს დამახასიათებელი ჩანს ლითონის სახელოვნოებები და ციხე-სიმაგრე, რომელთა გათხრის დასრულება ალბათ დედაქალაქის სარკინე უბნის უფრო სრულ ხუროთმოძღვრულ სურათს შექმნის.

საკუთრივ მცხეთის უბანშიაც არაერთი ნაგებობის კვალი ჩანს. ყველაზე გრანდიოზულად გამოიყურება 1958 წელს ზედა ტერასაზე გათხრილი ნაშთები, რომლებიც საცხოვრებელ ნაგებობებს უნდა ეკუთვნოდეს. ამ ოციოდე წლის წინ აქვე აღმოჩნდა ანტიკური ხანის ნაგებობის სვეტის ძირი. 1958 წელს აღმოჩენილი ნანგრევები და, შესაძლოა, ადრე ნაპოვნი სვეტის ძირი, იქნებ იმ შენობების ნარჩენები იყოს, რომელთა სახურავზე, მოსე ხორენელის ცნობით, დილ-დილობით გადმოდგებოდნენ ხოლმე დედაქალაქელები და თავყვანს სცემდნენ მათ თვალწინ მწვერვალზე აღმართულ კერას.

მოსე ხორენელის ეს ცნობა ბანურსახურავიან ნაგებობებს უნდა გულისხმობდეს საკუთრივ მცხეთის ტერიტორიაზე. დედაქალაქის ამ ნაწილშია საეარაუდებელი მრავალრიცხოვანი ზავაჭრო სახელოსნო ნაგებობები, მოედნები, ქუჩები და სხვადასხვა ეთნიკური შედგენილობის კოლონიები თუ კვარტალები.

სამარხეული ინვენტარი. ქართლის სამეფოს ვითარების დასახასიათებლად სამარხეული მასალის გათვალისწინებაც დიდად მნიშვნელოვანია. უნდა წინასწარ შეინიშნოს, რომ არქეოლოგიურ ძეგლთა ეს კატეგორიაც მხარს უჭერს ქვეყნის საერთო დაწინაურების სურათს, მთხაზულს ნასახლარებისა და ნაქალაქარების მასალის მიხედვით. აქაც მხოლოდ მცხეთა არ იგულისხმება. ქვემო ქართლი და შიდა ქართლი განვითარების ერთგვარ ტენდენციას ამჟღავნებენ. საილუსტრაციოდ შეიძლება „ახალგორის განძი“ შემავალი მდიდრული სამარხეული ინვენტარი გამოდგეს. თითქმის ნახევარი საუკუნეა რაც სპეციალისტთა ყურადღებას იპყრობენ სოფ. საძეგურთან აღმოჩენილი არქეოლოგიური ძეგლები, რომლებიც „ახალგორის განძი“ სახელთაა ცნობილი. ამჟამად სულ უფრო და უფრო მტკიცდება ამ ძეგლს პირველი გამოქვეყნებლის ი. ს. მ. ი. რ. ნ. ე. ის აზრი იმის შესახებ, რომ აღმოჩენილი მასალა უფრო წარჩინებული ქალის სამარხის ინვენტარია, ვიდრე „განძი“. საძეგურის მასალის ამგვარ განსაზღვრას მხარს უჭერს 1945 წლის გათხრების შედეგებიც. იმ ადგილას, სადაც 1908 წელს ე. წ. „ახალგორის განძი“ იპოვნეს, აღმოჩნდა ლარიბული ნაშთების შემცველი მოზრდილი სამაროვანი. როგორც ჩანს, ამ სამაროვანზე თავის დროზე წარჩინებულ პირთა მდიდრული სამარხების ბუდეც უნდა ყოფილიყო და შემთხვევით აღმოჩენილი მასალაც ამ ჯგუფს ან მის ერთერთ წევრს უნდა მიეკუთვნოს.

ამ მასალის უმთავრეს ნაწილს ძვ. წ. VI — IV სს. მიაკუთვნებენ. ჩვენ ჯერ კიდევ დანამდვილებით არაფერი ვიცით საძეგურის ძველი მოსახლობის ხასიათის შესახებ, მაგრამ ასე მდიდრული სამარხეული ინვენტარის აღმოჩენა დაწინაურებული, შესაძლოა მეზობელ სოფელთაგან გამორჩეული დასახლებების მანიშნებელი იყოს. ეს არც არის მოულოდნელი. ქსნის ხეობაზე შემოღული გზა მნიშვნელოვანი განტოტება უნდა ყოფილიყო მტკვრის ხეობაზე გამავალი დიდი სავაჭრო გზისა. ამ გზის სიახლოვესაც უნდა გარკვეული როლი შეეძარს უნდა საძეგურის დაწინაურებაში.

სოფ. საძეგურში აღმოჩენილი ძეგლების ძირითად ნაწილს ოქრო-ვერცხლის სამკაული და ქურქველი წარმოადგენს. აღმოჩენილია: ოქროს დიდი რგოლები, რომელთა ერთი ნაწილი მრგვალი ან ოდნავ დაკუთხული მსხვილი მავ-

თულისაგანა ნაკეთები; მათ თავები ნაირნაირი გამოსახულებებითა აქვთ შემკული. გვხვდება ოქროს ბრტყელი, სქელი ფურცლისაგან დაგრეხილი რგოლებიც (ხატისუღელი); ოქროს ფართო ფურცლისაგან ნაკეთები საბრტყლის მოჭედალობა; ოქროს მრავალნაირი თავსამკაულები, საკიდები, ბალთები და სხვადასხვა დანიშნულების ფირფიტები, რომლებიც შემკულია რთული რელიეფური სახეებით, ოქროს ცვარებით (გავარსით) და ნატეფჩი სახეებით. საკიდთა შორის განსაკუთრებით გამოირჩევა ორი, წყვილ-წყვილი ცხენების ბრწყინვალე გამოსახულება, შემკული გეომეტრიული ორნამენტით. გავარსით და მორთული ნაირნაირი დამატებითი მოწკარუნე საკიდებით (ტაბ. XXII, 1).

ოქროს სამკაულთა შორის განსაკუთრებულ ჯგუფს ბეჭდები წარმოადგენენ. აღმოჩენილია ფარაკიანი ბეჭდები, დამახასიათებელი ძე. წ. I ათასწლეულის შუა ხანებისათვის. ფარაკებზე სტილიზებულ ცხოველთა გამოსახულებებია (ფასკუნჯი?) ამოკვეთილი.

ოქროს სამკაულთა მნიშვნელოვანი ჯგუფი ცხენის საზვიმო აჯაზმულობის ნაწილებად არის მიჩნეული. ვერცხლი, უმთავრესად კურკლეულის სახით არის წარმოდგენილი. ვერცხლს კურკელიც რთული ორნამენტით არის შემკული. სამკაულის ძირითადი სახე ჩაღრმავებული „უბებებია“, მათ გულსებრი ან კოვზისებრი მოყვანილობა აქვთ. ვერცხლეულში სხვადასხვაგვარი სურებიც ყოფილა წარმოდგენილი, მაგრამ მეტწილად მათი ფრაგმენტებია შემონახული. ფრაგმენტთა შორის ერთი მოზრდილი კურკლის ყელ-მუცლის დიდი ნატეხია შემორჩენილი.

„განძის“ შემადგენლობაში ასამდე ნივთი ითვლება, თანაც იმ ზომისა და ისეთი ხასიათის, რომ ყველაფერი ეს ერთი სამარხის კუთვნილებად ძნელია მივიჩნიოთ. როგორც არ უნდა იყოს „ახალგორის განძის“ სახით ჩვენ საქმე გვაქვს ძე. წ. I ათასწლეულის შუა ხანების სამარხეულ ინვენტართან, რომელიც ეკონომიურად დიდად დაწინაურებულთა წრეს ეკუთვნის და გარკვეულ წარმოდგენას ქმნის ამ წრის შესახებ. ეს ძეგლი კარგად უჩვენებს თუ სადამდოს მივიდა ქონებრივი ღირფრენციაციის ხანგრძლივი პროცესი, რომლის საწყისი ნიშნები ძე. წ. II ათასწლეულის შუა ხანებში იყო შენიშნული.

აღმოჩენები მიუთითებენ, რომ საძეგური ერთადერთი არ იყო იმ ხანად. აქ კვლავ წინწყაროს მდიდრული სამარხის ინვენტარი გვახსენებს თავს და ქმნის საფუძველს ქართლის საერთო ვითარება წარმოვიდგინოთ ძე. წ. VI საუკუნის მომდევნო ხანაში.

ახალგორისა და ალგეთის (წინწყაროს) მდიდრულ სამარხეულ ინვენტარს გარდა, დიდძალი მასალა მოიპოვება ძე. წ. VI — II სს. ვითარების დასახასიათებლად. ამ ხანის მასალა გვხვდება საქართველოს სხვადასხვა მხარეში, მაგრამ განსაკუთრებით მრავალრიცხოვანი და შედარებით უკეთ შესწავლილია ეს ძეგლები აღმოსავლეთ საქართველოს ორ უძველეს კულტურულ კერაში — თრიალეთსა და მცხეთაში. ამიტომ, ბუნებრივია თუ პირველ რიგში ამ მასალას გავიცნობთ.

როგორც წინა პარაგრაფებშია აღნიშნული ამ ხანის აღმოსავლეთ საქართველოში სამი ტიპის სამარხია გავრცელებული: ორმოსამარხები, ქვევრსამარხები და ქვისსამარხები; ამასთანავე, დადასტურებულია, რომ ხშირად, სამივე

სახის სამარხი გვხვდება: ერთსადიამავე სამაროვანზე. ასეა, მაგ., მცხეთაში. საყურადღებო მასალას გვაძლევს თრიალეთის სოფ. ს ა ნ თ ა ს თ ა ნ აღმოჩენილი მოკლე, თითქმის კვადრატული ქვისსამარხები. დაკრძალვის წესი, როგორც ჩანს, არ მოითხოვდა ყველა სამარხში თიხის ქურქლის ჩადგმას, მაგრამ სანთის სამარხთა უმრავლესობაში მაინც აღმოჩნდა 1-3 ქურქელი. აღმოჩენილი ქურქ-ლეული შეიძლება ორ უმთავრეს ჯგუფად დავეყოთ: ხელადები, მუქი, სქელ-კეციანი, ზედაპირგაპრიალებული; მათ კვერცხისებრ მომრგვალებული და ძირისკენ თანდათან შევიწროებული მუცელი აქვთ; ყელმძღვანელები და უყურო. ამ ჯგუფში ერთიანდება თიხის პატარა ჯამები, რომელთაც კიდევები შიგნით-კენ ჩაკეცილი აქვთ, და პირფართო თასები თუ ფიალები. საერთო-ამ დოქებს, ჯამებსა და თასებს ისა აქვთ, რომ ისინი საჯსებით ერთგვარი თიხისანი არიან და ერთნაირად ნაკეთებია. მეორე ჯგუფში შედის ღია ფერის თიხის ქურქე-ლი — მინიატურული, ძირბრტყელი, უყურო კოჭბები თუ ქოთნები. დამახასიათებელია, რომ ორივე ჯგუფის ქურქელი ერთსადიამავე სამარხში არაა აღ-მოჩენილი და მათი ზედმიწევნითი ერთდროულობა შეიძლება საეკვოც იყოს. მეორე ჯგუფის თიხის ქურქელი უფრო ახალგაზრდად გამოიყურება, ვიდრე პირველი. ასეთ შთაბეჭდილებას მხარს უჭერს ღია ფერის თიხის ქურქელთან ერთად აღმოჩენილი მძიესამკაულიც, სახელდობრ, ფერადი მინის მძიევები; ლურჯი — ნახევრად გამკვირვალე, ცისფერი, წითელი მარჯნისებრი მილა-კები; მძიევბს შორის გვხვდება ოქროფერილი და შიგნიდან მოვერცხლალებიც კი; მძივთა შორის, ერთერთ ქვის სამარხში ნახევრად გამკვირვალე, ლურჯი მინის მრავალწახნაგა საბეჭდავი აღმოჩნდა. ეს საბეჭდავი კეთების ტექნიკის მიხედვით დიდად განსხვავდება მის თანადროულ ფარაქიან ბეჭედ-საბეჭდავ-თაგან; იგი ამოკვეთილგამოსახლებიანი კი არ არის, ჩამოსხმულია ან შეიძლე-ბა ნატეფრია იმ დროს, როდესაც მინა ჯერ კიდევ ცხელი, რბილი იყო: ამ მრავალწახნაგა მძივის ერთ პირზე ამოკვეთილია ნადირობის სცენა: ცხენოსანი მონადირე მისდევს გაქცეულ ჯიხვებს. ამ საგანს დიდი მნიშვნელობა აქვს თვით სამარხის ხნოვანების გასარკვევად, რადგან ამ ტიპის საბეჭდავები ძვ. წ. V — IV საუკუნეებისთვისაა დამახასიათებელი, თუმცა გამორიცხული არ არის, რომ ისინი შემდეგაც ძალიან დიდხანს ეტარებიათ.

აქვეა ახალგორიდან და წინწყაროდან უკვე ცნობილი ბრინჯაოს წვრილი მავთულსაგან ნაკეთები ფარაქიანი ბეჭედი — საბეჭდავები; წვრილი, თავებ-დაკეცილი (ზურგზე ასკარად რომელიღაც ცხოველის სტილიზებული თავე-ბია გამოსახული) და რკალჩაღუნული სამაჯურები.

რა თქმა უნდა, სოფ. სანთის სამარხთა დათარიღებისათვის სხვა საფუძე-ლებიც არსებობს, კერძოდ, ბრინჯაოს ბეჭდები და რკალჩაზნექილი სამაჯურ-ები, რომელთაც მრავალი პარალელი მოგაოვებთ საქართველოში და თანაც არაერთი ისეთი, რომლებთანაც საიმედო დამათარიღებელი მასალაა აღმოჩენი-ლი — ბერძნული შავლაქიანი კერამიკა, კოლხური კვერცხლის ფული და სხვ. ასეთებია მაგ. 1934 წელს სოფ. ეშერში აღმოჩენილი სამარხები, 1936 წელს დაბლა-გომში გათხრილი ქვევრსამარხები და სხვ. ესეც არ იყოს, საიმედო კომპ-ლექსებში საკმაოდ მრავალადაა აღმოჩენილი რკალჩაზნექილი სამაჯურე-ბი, რომელთა გაერთელება, როგორც ჩანს, ზამხრეთ კავკასიასთან არის დაკავ-

შირბული; უკავშირდებიან ისინი აგრეთვე სუზაში, მორგანის მიერ გათხრილ, მეფის სამარხში აღმოჩენილსა და ამულდარის. ცნობილი განძის სამაჯურებს. განსაკუთრებით აღმოსავლეთ საქართველოშია გავრცელებული ეს რაკლჩაზნეკილი სამაჯურები; ამასთანავე, აქ რაკლჩაზნეკილი-სამაჯური საკმაოდ დიდხანს ცოცხლობს — თითქმის მთელი ხუთასი წელი. ამ სამაჯურების გვიანდელი ვარიანტები ძვ. წ. I საუკუნემდეც კი მიდის და გვხვდება ე. წ. ალაზნ-იალოილუ-თაფას კულტურის სამარხულ კომპლექსებში. ასეთია რაკლჩაზნეკილი ბრტყელი ან მრავალმავთულიანი, ფანტასტიკურ ცხოველთა სტილიზებული გამოსახულებით შემკული სამაჯურების გავრცელება აღმოსავლეთ საქართველოში.

გ ა თ ხ რ ე ბ ი ა ლ ა ზ ნ ი ს ვ ე ლ ზ ე . 1937 წელს ზოფ. არხილოსკალოსთან, მდ. ალაზნის მარჯვენა ნაპირზე ითხრებოდა ძვ. წ. ბოლო საუკუნეების სამაროვანი, რომელიც 1935 წელს სარწყავი არხის მშენებლობისას ძლიერ დაზიანებულიყო. აქ არქეოლოგიურ სამუშაოებს ხელმძღვანელობდა პროფ. გ. ნიორაძე, რომელმაც 7 საკმაოდ მდიდარი სამარხი გათხარა და შეისწავლა მრავალი დაზიანებული.

სამაროვანი ორმოსამარხებს შეიცავდა, მაგრამ იქვე აღმოჩნდა ერთი, ქვევრის გვერდის ანატეზზე დაკრძალული ბავშვის ჩონჩხიც. მიცვალებულთა მდგომარეობა სამარხში იმ დროისათვის ჩვეულებრივია; სამარხებში თითო მიცვალებული ესვენა, ხელფეხმოკეცილ-მოკუნტულ მდგომარეობაში. ყოველ მიცვალებულს თან ახლდა თიხის ჭურჭელი, სხვადასხვა სახის სამკაული და ზოგჯერ იარაღიც.

სამარხებში აღმოჩენილ სამკაულთა შორის არის მინისებრი მასალის, პასტის, გიშრის, ბრინჯაოს, სარდიონისა და ტოპაზის მძივები; ბრინჯაოს სამაჯურები, რომელთაც თავები ერთიმეორეზე გადატანილი აქვთ; მცირე რგოლები; ზარაკები და სხვ. რკინის ნივთთაგან აღსანიშნავია დანები, რომელთა შორის არის მოღუნულიცა და გრძელიც.

განსაკუთრებით დამახასიათებელია არხილოსკალოს კერამიკა, რომელსაც მრავალი ანალოგი მოეპოვება აღმოსავლეთ საქართველოს სხვადასხვა მხარესა თუ პუნქტში. სწორედ თიხის ჭურჭელია დამახასიათებელი ალაზნის ველის კულტურისათვის არა მარტო იმიტომ, რომ ის სამარხებში წარმოდგენილია მრავალრიცხოვნად, არამედ იმიტომაც, რომ აქ აღმოჩენილი თიხის ჭურჭელი ნაირსახოვანია და თანაც ძალიან ახლო ნათესაობას ამჟღავნებს იმედროულ კერამიკასთან, განსაკუთრებით კი მდ. მტკვრის შუა და ქვედა დინებისა და მდ. ალაზნის ხეობის სინქრონულ მასალებთან.

ალაზნის ველის კერამიკის დამახასიათებელი უმთავრესი სახეებია: თუნგულები, ხელადები, მათარები, თასები, ჩაფები, ბარძიმები, სამფეხა თეფშები და სხვ.

ჩამოთვლილი სახეები სრულიადაც არ იძლევა ამომწურავ სურათს არხილოსკალოს სამარხებში აღმოჩენილ კერამიკისას. ჩამოთვლილთა შორის განსაკუთრებული მოხდენილობით გამოირჩევა: გრძელნიკარტიანი — საწურისანი ცალყურა ხელადები, სამყურას ფოთლისებრი პირის მქონე ტანდაბალი ხელადები, რომელთაც ყური, აგრეთვე, გვერდზე აქვთ მიბმული; დაბალი, ორყუ-

რა თასები, სამფეხა თეფში, ტანდაბალი, მუცელზე მოკლე და წერილმილიანი კინკილა და სხვ.

თიხის კურკელი ორგვარია: ღია მოწითალო და მუქი მოშავო ფერისა; ისინი ერთსადამავე სამარხებშია აღმოჩენილი და, ცხადია, ერთად ყოფილან ხმარებაში; ე. ი. არხილოსკალოს სამაროვნის სხვადასხვა ფერის თიხის კურკელი არ არის სხვადასხვა დროის მაჩვენებელი. განსხვავებული ფერი, ამ შემთხვევაში კურკლის დამზადება გამოწვევაში არსებული სხვაობით უნდა აიხსნას. ასე მაგ., მოწითალო ფერი თიხის კურკლისა (კეცისა) იმის მაჩვენებელია, რომ მური და ნახშირი გამოწვისას ოქსიდირებულია (დაქანგულია), ორგანული ნივთიერებანი დამწვარია, რკინაც გაწითლებულია, გადასულია რკინის ეანგში. შავად გამომწვარ კურკელს ეს მონაცემები არ ახასიათებს*.

თითქოს ანალოგიური სურათი იყო თრიალეთშიაც, ოღონდ უფრო ადრე; მხედველობაშია სანთის სამაროვნის ორგვარი კერამიკა: მუქი სქელკეციანი და ღია მოყვითალო ფერისა. სანთის მასალების მიხედვით საფუძველი არსებობდა ქრონოლოგიურ სხვაობაზეც მიგვექცია ყურადღება, რადგან მითითებული ორი სახის თიხის კურკელი ერთსა და იმავე სამარხში არ აღმოჩენილა; როგორც ვხედავთ, ამის მსგავსი ვითარება არაა ალაზნის ველის მასალების განხილვისას, რადგან მუქი და მოწითალო კურკელი ერთსა და იმავე სამარხშია აღმოჩენილი.

სანთში, არხილოსკალოზე, კამარახევის სამაროვანზე და ზოგ სხვა ადგილას მუქი ან შავი თიხის კურკლის აღმოჩენა არ გვაძლევს საფუძველს ე. წ. ალაზნისალოილუ-თაფას კულტურის კერამიკის დამახასიათებლად მივიჩნიოთ ისინი; ძირითადი და დამახასიათებელი ძეგ. წ. III—ა. წ. I საუკუნეების სამარხთათვის ღია მოწითალო ფერის თიხის კურკელია.

ამ დროისათვის ზოგადად განდევნილია მუქი და შავი კურკელი, მის ადგილას თანდათან ღია მოწითალო ფერისა და არსებითად ახალი სახის, ახლებური მოყვანილობის კურკელია გავრცელებული. ეს სიახლე საერთო დამახასიათებელია იმ ტომთა კულტურისა, რომლის მხოლოდ ერთერთ ქრონოლოგიურ ეტაპს და შეიძლება ლოკალურ სახეობას წარმოადგენს ალაზანიცა და იალოილუ-თაფაც.

იქნათვის, რომ ამ კულტურის ტომთა ვინაობის შესახებ მეტ-ნაკლებად გარკვეული წარმოდგენა ვიქონიოთ საჭიროა კულტურის გავრცელების სურათი მოვხაზოთ. წინასწარვე უნდა ვიცოდეთ; რომ ამ კულტურისათვის დამახასიათებელი ძეგლები თავს იჩენენ სულ ახალ-ახალ ადგილებში; მაგრამ უმთავრესი ხაზები გავრცელებიან უკვე კარგად ჩანს.

ჩვენ ზემოთ უკვე მივუთითეთ ზოგადად ამ კულტურის გავრცელების მიდამოებზე. საქართველოს ტერიტორიაზე უმთავრესი რაიონები მტკვრისა და ალაზნის ხეობებშია. როგორც აღინიშნა, ყველაზე უფრო დამახასიათებელი მასალა მითითებული კულტურის უკანასკნელი ეტაპისათვის აღმოჩენილია ალაზნის პირას, სოფ. არხილოსკალოსთან. ამას გარდა, ამ კულტურისათვის




* ეს არ შეეხება იმ კურკლებს, რომლებსაც დეკორაციული მიზნებით შებოლავდნენ ხოლმე; ასეთი შემთხვევები გვიანბრინჯაოსა და ადრეული რკინის ხანაშია გავრცელებული.

საერთოდ დამახასიათებელი ძეგლები აღმოჩენილია შემდეგ პუნქტებში: სოფ. ომალოში, საკობიანოში, ზემო ალვანში, იყალთოში, თეთრ წყლებში, გულგულაში, ქ. თელავში, სოფ. კურდღელაურში, შალაურში, წინანდალში, ქვედახოდაშენში, ბუბათში, ანთოკში, კიაურში, ჩუმლაყში, ანაგაში, პატარძელში, ძველგავაზში, გურჯაანში, კამარახევ-წიწამურში, ავჭალაში, სამთავროში, ძეგვში, აბელიაში, თბილისში და ა. შ. ამას გარდა, არაერთ პუნქტშია ეს კულტურა ცნობილი საქართველოს სამხრეთ-აღმოსავლეთითაც — ძველი ალბანეთის ტერიტორიაზე; სახელდობრ: ნუხაში, ნიჯში, ამირჯანლუში, ყურუ-ყოზაში, გეოქ-თაფაში, ორენ-ყალაში, ყარად-ომლში, დეგმედერეში, მოლლა-ისაკლში, მინგეჩაურში, ჭეირან-ქეჩმაში, ჩოხურ-იურტაში, იალოილუ-თაფაში და სხვ. როგორც ვხედავთ ჯეირან-ქეჩმაა ჯერჯერობით ამ კულტურის გავრცელების უკიდურესი აღმოსავლეთი პუნქტი; ძეგლების შესწავლილობის ახლანდელ დონეზე ჯეირან-ქეჩმაც და ჩოხურ-იურტაც განცალკევებით გამოიყურებინა; ისინი საგრძნობლად მოშორებული არიან როგორც მტკვრისა და ალაზნის ხეობათა გარშემო თავმოყრილ პუნქტებს, ისევე მილისა და მელანის ველზე აღმოჩენილ პუნქტებსაც. ეს გარემოება, ცხადია, არაფერს ამბობს ჯეირან-ქეჩმას და ჩოხურ-იურტას ჯგუფის გამოყოფის სასარგებლოდ. მომავალი კვლევა-ძიება უთუოდ ახალ შუქს მოჰფენს ამ კულტურის გავრცელების რაიონებს, რადგან, როგორც საფუძვლიანად აღნიშნავდა პროფ. გ. ნიორაძე, ალაზნის ველის კულტურის ნაშთების აღმოჩენა მოსალოდნელია ყველგან, მტკვრის აუზის საშუალო და ქვემო ნაწილებში შემავალ სხვადასხვა ადგილას და, აგრეთვე, მტკვრისა და ალაზნის შესართავ რაიონში.

ყოველ შემთხვევაში ახლანდელი მდგომარეობა იმაზე მიუთითებს, რომ ეს კულტურა ტერიტორიულად ამიერკავკასიის შუა და აღმოსავლეთ ნაწილზე, მდ. მტკვრისა და ალაზნის ხეობათა ფართო ზოლზე მსხდომ ტომთა თუ ხალხთა კულტურაა ძვ. წ. V—I საუკუნეებში: ე. წ. ალაზან-იალოილუ-თაფას კულტურა მხოლოდ ბოლო ეტაპია აქ ხანგრძლივად არსებულსა. ამიტომ მას არსებითად არც უნდა ეწოდოს იალოილუ-თაფის ან ალაზნის, ან კიდევ ალაზან-იალოილუ-თაფის კულტურა*; იგი უფრო ჰერებს უნდა დავუკავშიროთ და მივიჩნიოთ ძვ. წ. V—I საუკუნეების ჰერულ კულტურად, რომლის შექმნაში ალბანელებსაც შეუტანიათ თავიანთი წვლილი და იბერებსაც.

უნდა ვითქვათ, რომ V—IV სს. ჰერებს უკავიათ მტკვრის, შუა დინების მიდამოები; რა თქმა უნდა, ამ დროისათვის იბერებიც უკვე მოღწეულნი

* როგორც ცნობილია ამ კულტურის დამახასიათებელი მასალების (უმთავრესად კერამიკის) პირველად აღმოჩენის მიხედვით მას იალოილუ-თაფის კულტურა უწოდეს. შემდეგში, ალაზნის ველზე ანალოგიური მასალების აღმოჩენამ საფუძველი მისცა აკად. ს. ჯანაშიას მისთვის ალაზან-იალოილუ-თაფის კულტურა ეწოდებინა და მიეთითებინა ჰერებზე, როგორც ამ კულტურის მატარებელ ტომზე. ახლა, ახალი მასალები კიდევ უფრო მტკიცედ და ფართოდ აყენებენ საკითხს ამ კულტურის მატარებელთა ვინაობის შესახებ. ამიტომ ძველი განსაზღვრანი გადასასინჯი ჩანს, კვლავ და უფრო ჰერების სასარგებლოდ. ამასთანავე, გათვალისწინებული უნდა იყოს ძველ ალბანელთა და უფრო-ნაკლებ, მაგრამ მკანც იბერთა წვლილი ამ კულტურის შექმნის საქმეში.



არიან და იწყება ჰერთა „შევიწროება“ აღმოსავლეთით. ეს მეტად რთული პროცესი ჩანს. უკვე აქ, მერმინდელი იბერიის ტერიტორიაზე, იწყება შეერთება ჰერთა და იბერთა, იწყება შერევა მონათესავე ტომთა ორი არაერთდროული ნაკადისა. ამიტომ არის, რომ ჰერთა განდევნა კი არ დაწყებულა, დაიწყო მსხვილ ტომთა გაერთიანება იბერთა—ქართთა მეთაურობით, რაც იგივეა, რასაც სამეფოს შექმნის პროცესს უწოდებენ. ეს პროცესი ხანგრძლივი იყო და არაერთგვარად მკაფიო. ყველაზე მკაფიოდ და შეიძლება სხვაზე ადრეც, ამ პროცესმა მტკვრისა და არაგვის წყალშესაყართან და გზებშესაყართან იჩინა თავი. ამ პროცესში შესაძლოა ჰერთა ტალღა სამხრეთ-აღმოსავლეთით უფრო ინტენსიურად გავრცელებულიყო. რაც უფრო შორს მიდიოდა ქართვების ჰეგემონია, მით უფრო შორს მიდიოდა ჰერთა ტალღაც, ჰერთა კულტურაც, ისე, რომ ქვ. წელთაღრიცხვის ბოლოსათვის მას უკვე ჯეიჩან-ქეჩმაქა და ჩოხურ-იურტამდე მიუღწევია.

რა თქმა უნდა, ტომთა ამგვარი გადაჯგუფება გაძნელებოდა, რომ აღმოსავლეთ კახეთში უცხო, არაკავკასიური მოდგმის ხალხები მსხდარიყვნენ. კავკასიური მოდგმის ჰერთა სამხრეთ-აღმოსავლეთით გავრცელებისათვის ხელი მიინცდამინც არ უნდა შეეშალათ აგრეთვე კავკასიური მოდგმის ხალხებს, რომლებიც ამ და საერთოდ ძველი ალბანეთის მიწა-წყალს ფლობდნენ. ე. ი. ჰერთა „მიგრაცია“ მეგობრულ გარემოში მიმდინარეობდა. ამან თავისებური შედეგიც გამოიღო. უნდა დაწყებულიყო ორმხრივი ასიმილაცია. ამ პროცესში აღმოსავლეთ კახეთის მახლობლად მსხდომ ალბანელთა ნაწილი ჰერთა მიერ იქნა ასიმილებული, ხოლო უფრო ღრმად ალბანეთში გაჭრილი ჰერტებს ასიმილაცია, პირიქით, ალბანელებმა მოახდინეს და ამ გზით თანდათან შეიქმნა საფუძველი ჰერთა საერისთავოს ან შეიძლება საპიტიახმოს ჩამოყალიბებისათვის. ასეთ ვითარებაში სრულიად ბუნებრივია ჰერტულ ან ჰერთა კულტურის ძეგლებს ეხვდებოდეთ არა მარტო ჰერტეში, არამედ იბერიასა და ალბანიაში; თანაც შეიძლება ეს ძეგლები სულ სხვადასხვა ეტაპებს ქმნიდნენ; წარმოადგენდნენ ჰერთა კულტურაში.

ასე დგას ამჟამად საკითხი, როდესაც ვიხილავთ და ვეძებთ ე. წ. ალაზნისა და ილიუ-თაფას, ე. ი. არსებითად ჰერტულ-ალბანურ-იბერული კულტურის შემქმნელებსა თუ მატარებლებს.

გვიანდელი ორმოსამარხების ინვენტარი. ეს ჯგუფი საკმაოდ მრავალფეროვანია; სამარხებში კვლავ გვხვდება თიხის ნაირნაირი ჭურჭლეული; ხშირად საკმაოდ კარგად ნაკეთები და ზოგადად გვიანი ბრინჯაოსა და ადრეული რკინის ხანის სამარხებიდან ცნობილთა მსგავსი, ასევე, ადრინდელი ტრადიციის გამოძახილი ჩანს რკინის იარაღშიც; განაგრძობს არსებობას რკინის გრძელი მახვილი, კარგად ცნობილი VIII — VI სს. სამარხებშიც მახვილთა ნაწილს ბრინჯაოს ქარქაშიც შემორჩენია; ნაწილს კი ბრინჯაოს ტარც. გვხვდება რკინისა და ბრინჯაოს ისრის პირებიც, მაგრამ ყველაფერი ეს სრულიადაც არ არის ძველებური, ადრეული რკინის ხანის მასშტაბისა; ე. ი. ამაშია ცალკეად შეიზინევა საქალაქო ცხოვრების სიხალისი — მშვიდობიან მთქალაქეთა ფენის გამრავლება-გაძლიერება. კიდევ უფრო მკაფიოდ იჩენს თავს ეს გარემოება სამკაულში. სამკაული სულ უფრო და უფრო მრავალფეროვანი

ხდება; შეიძლება ითქვას, უხვად ჩნდება პასტისა და პასტისებრი მინის მძივები; არის ქვის მძივებიც, თანაც მრავალფეროვანი და ახალი ხელაწყო-იარაღებით დამუშავებული. ვრცელდება ბრინჯაოს სარტყელთა ბალოები, საყინებები, პატარა აბზინდები, საყურეები ბრინჯაოსი, ვერცხლისა, ელექტრონისა და ოქროსი. ამ ტიპის სამარხებში ჩნდება გლიპტიკის უძველესი ნიმუშები — ფარაკიან ბეჭდებზე გამოსახული, ამოკვეთილი ნაირნაირი გამოსახულებანი (ახალგორი, თრიალეთი, ალგეთი, მცხეთა და სხვ.). ე. ი. სიახლე საქმოდ მკაფიოდ ჩანს და თანაც საზოგადოების ცხოვრებაში სიახლეს გვაუწყებს. განსაკუთრებით ცხადად ეს სურათი ქალაქებსა და მკიდროდ დასახლებულ ადგილებში მკლავნდება (მაგ. მცხეთა). თუმცა ეს ჯგუფი სამკაულისა — ფარაკიანი ბეჭდები — ისევე როგორც რკალჩაზნექილი სამაჯურები, ფართოდ არის გავრცელებული სამხრეთ კავკასიაში და მამასადავზე საქართველოშიაც; ამ უკანასკნელ მოსაზრებას ეხმაურება ბოლო დროის აღმოჩენები სოხუმთან, გუაღ-იხუტს სამაროვანზე.

ყველაზე დიდი რაოდენობით გვხვდება აღმოსავლეთ საქართველოში ე. წ. რომაული ხანის სამარხები; განსაკუთრებით დამახასიათებელი ჩანს მცხეთისა და მისი მიდამოების ვითარება, მაგრამ აღმოჩენებს საფუძველზე ჩვენ შეგვიძლია აღვნიშნოთ საერთოდ ფართო გავრცელება ამ ხანის სამარხებისა. ამ მხრივაც საყურადღებო სურათს გვაძლევს წალკის რაიონი. დამახასიათებელია, რომ სოფ. ტაშ-ბაშის, საფარა-ხარაბას, სანთის და სხვ. სამარხები ინარჩუნებენ მიცვალებულთა დასვენების ტრადიციულ წესს, რომელ ხანაშიაც, მაშინ როდესაც მაგ. იგივე არ ითქმის მცხეთის შესახებ. წალკის მითითებულ სამარხებში გვხვდება რკინის იარაღი, სანელდობრ: შუბისპირები, დანები, ცულები და სხვ., ბრინჯაოს სამაჯურები და ღია ფერის თიხის ძირფართო ხელაღები. ისევე როგორც სხვაგან, წალკაშიაც გვხვდება იმდროული ორმოსამარხები, მაგრამ მეტწილად უფრო ძველ, ყორღანულ სამარხთა მიწა-ყრილშია ისინი ჩაჭრილი ან, როგორც ამბობენ ხოლმე, ჩაშვებული. დაკრძალვის წესის დახასიათებისასაც არის მითითებული ეს შემთხვევები, მაგრამ ასეთ ორმოსამარხებში ჩონჩხის ძლიერ ცუდად შენახვის გამო, არაფერი ითქმის მიცვალებულის მდგომარეობაზე; ასეთ სამარხებში აღმოჩენილი მძივები, ბრინჯაოს პატარა ზარაკები, რკინის ბეჭდები და სხვ. განსაზღვრავენ ორმოსამარხთა ხნოვნებას. ამ ტიპის სამარხთა დათარიღებისთვის მეტად ორიგინალური მასალა მოგვცა ბეშთაშენის XXIII ყორღანის მიწაყრილში აღმოჩენილმა ორმოსამარხმა. იქ აპოვეს ამფორისკისებრი ცალყურა, ლურჯად მოჭიქული ქილა (?), რომელშიაც იმპერატორ ავგუსტუსს ვერცხლის ფული აღმოჩნდა; შესაძლებელია ეს მონეტა „ადრეული მინაბაძი“ იყოს ავგუსტუსს დენარის, მაგრამ ახლა მაინც ისაა მთავარი, რომ სამარხს ათარიღებს (და მთელ სამარხულ ინვენტარსაც) ახ. წ. პირველი საუკუნეებით. ასეთ თარიღს მხარს უჭერს იმავე ჭურჭელში ნაპოვნი, თეთრი მინისებრი ლაქით ორნამენტირებული სერდოლიკის მძივი და წვრილი მძივებიც.

განსაკუთრებული მნიშვნელობა აქვს ამ ხანის სამარხთა განხილვისას ბრინჯაოს დიდ, აეურულ სარტყლოს აბზინდას*. ეს აბზინდები, როგორც ცნობილია არც ქართლისათვის არის დამახასიათებელი და არც საერთოდ აღმოსავლეთ საქართველოსთვის, მაგრამ არის შემთხვევები მათი აქ აღმოჩენისაც. ძალიან დიდხანს შეუძლებელი თუ არა, მეტად გაძნელებული იყო მათი დათარიღება იმის გამო, რომ ძინი საიმედო სამარხულ კომპლექსში არ იყო აღმოჩენილი. თრიალეთის ტერიტორიაზე, მანგლისისა და ხრამქისის მიდამოებში აღმოჩენილი აბზინდების შესწავლამ, მათთან ასე თუ ისე დეკავშირებული სამარხული ინვენტარის შედარებითმა შესწავლამ, უფრო საიმედოდ დააყენა ამ ტიპის აბზინდების დათარიღების საკითხი, მაგრამ ნამდვილი სიახლე ამ საქმეში რაჰის, კერძოდ ღების მიდამოების არქეოლოგიურმა გათხრებმა შეიტანეს. ამჟამად, საკმაოდ ცხადია ხნოვანება ამ ტიპის აბზინდებისა; რაჰის არქეოლოგიურმა აღმოჩენებმა დაადასტურეს მათი ხანგრძლივი გავრცელება ძვ. წ. I ათასწლეულის შუა ხანებიდან ახ. წ. პირველ საუკუნემდე მიანც. ახ. წ. პირველ საუკუნეში ამ ტიპის ბალთები თრიალეთის სამარხებშიაც მოხვედრილა, ე. ი. აქაც ანალოგიური თარიღი ჩანს სამართლიანი.

ვერცხლის, თიხისა და მინის ჭურჭლეული. ახ. წ. პირველ საუკუნეებს, როგორც ჩანს, წინა ხანიდან შემორჩევა სამარხებში თითო-ოროლა თიხის ჭურჭლის ჩადგმის წესი; ამასთანავე, ჭურჭლის მოყვანილობა ზოგადად ძველებურია, ქვევრსამარხებში აღმოჩენილთა მგავსია. სიახლე ახ. წ. I—IV სს. სამარხებში აღმოჩენილ ჭურჭლეულში ისაა, რომ გვხვდება მინისა და, უფრო იშვიათად, ვერცხლის ჭურჭელი: ეს მკაფიო დამახასიათებელი ნიშანია, რადგან IV საუკუნის მეორე ნახევრიდან სამარხებში ჭურჭლეული აღარ გვხვდება, როგორც წესი, მხოლოდ სანელსაცხებლე ჩანს შემორჩენილი კარგა დიდხანს. ვერცხლისა და მინის ჭურჭელი, ცხადია, მდიდრულ სამარხებში ჩნდება.

თიხის ჭურჭლის უმთავრეს ჯგუფს, როგორც ვთქვით, წარმოადგენს დაბალი, სფერულმუცლიანი, ყელჩაპჯდარი, უმთავრესად ცალყურა, მხარს ქვემოთ და მუცელზე ამობურცული კოპებით შემკული ხელადა. საკმაოდ გავრცელებული ჩანს სამტუჩა საღვინეები — სურები; გვხვდება ორყურა ხელადებიც. თიხის ჭურჭლეულში გამორჩევა არმზისხევის მესამე კრამიტსამარხში 1946 წელს აღმოჩენილი ღია მოყვითალო ფერის მოზრდილი ხელადა, რომელსაც პირი სამტუჩა აქვს, ქუსლი — მალალი, ყელის ძირი — ქდეებიანი, მუცელი — მსხლისებრი კანელურებით დაფარული; პირს ზემოთ შემადლებულ, მოხდენილ ყურზე დაძერწილია დაკლკანილი გველის გამოსახულება. ხელადა მალაღია და საერთოდ თავისი მოხდენილი ფორმებით გამოირჩევა თიხის ხელადებისა და საღვინეებისაგან; იგი მოგვაგონებს ვერცხლისა თუ ბრინჯაოს მალალ საღვინე სურებს, ე. წ. ბერძნულ ენოხოებს; ეს ხელადა ლეთონის სურების მიბაძ-

* სპეციალურ ლიტერატურაში მას „ბალთას“ ეძახიან, მაგრამ დანიშნულებით იგი ნამდვილად აბზინდაა, შესაკრავია სარტყლისა; ბალთა უფრო სხვა დანიშნულებისაა, ის სარტყლის სამკაულია და შეიძლება ერთ სარტყელს რამდენიმე პუნდეს (მაგ. ასპურეთის სავრისთავო სარტყელი), აბზინდა კი ერთი აქვს სარტყელს ან იშვიათად ორი (დედალამაღალი).

ვით შეიძლება იყოს ნაქეთები. ეს მით უფრო მოსალოდნელია, რომ ხელადა იმ ხანას მიეკუთვნება, როდესაც მდიდართა წრეში საკმაოდ ფართოდ არის გავრცელებული ვერცხლის სურები.

არის შემთხვევები სამარხებში თიხის ლამაზების აღმოჩენისა (მაგზო-ლეუმის ტიპის სამარხი მცხეთას სადგურთან), მაგრამ ეს ძალიან იშვიათი მოვლენაა.

ახ. წ. პირველ საუკუნეებში უმათავრესად ქალაქებში საკმაოდ გავრცელებული ჩანს მინის კურკელი: ის გვხვდება ქვის სამარხებში, კრამიტსამარხებში, კერამიკული ფილებით ნაგებ სამარხებში და ორმოსამარხებში. როგორც წესი იგი სამარხებში ინვენტარის შემადგენლობაში შედის, ე. ი. ყველაზე უძველესი ნივთები მინის კურკელსა ახ. წ. პირველი საუკუნეების სამარხებიდან მომდინარეობს. დამახასიათებელია ამ მხრივ ე. წ. კრამიტსამარხები (მაგ. სამთავროს სამარხისა და არმასხვეცისა).

მინის კურკელს გავრცელებას წინ უსწრებს მინისა თუ მინისებრი პასტის სამკაულთა—მძივთა გავრცელება. ზემოთ უკვე ითქვა, რომ მინისებრი მასალისაგან დამზადებულ მძივ-სამკაულთა ზივრავლე და ნაირსახეობა საფუძველს გვაძლევს მათი ადგილობრივი წარმოება ვივარაუდოთ; ისიც იყო მართებელი, რომ ამ მოპარებას მხარს უჭერს ლურჯი მინის მრავალწახნაგა საბეჭდავები, რომლებსაც ადგილობრივ ნაწარმად მიიჩნევენ და ძვ. წ. IV—III სს. ათარიღებენ: ახლა ისიც უნდა შევიხსენოთ, რომ თრიალეთში, ღებსა და სამთავროში გაცილებით უფრო ადრინდელი მოქიქული კურკელია ნაპოვნი, რომლის ადგილობრიობა საერთოდ არის აღიარებული. ძვ. წ. I ათასწლეულის მეორე ნახევარში ჩვენში ჩნდება მინის კურკელიც; ასეთია მაგ. წინწყაროს (ალგეთის) მდარულ სამარხში აღმოჩენილი მოზრდილი თევში, რომელიც საფუძველს გვაძლევს ვიფიქროთ, გვიან აქამენიდურ ხანაში მინის ან მინისებრი მასალის მძივ-სამკაულთა გარდა მინის კურკელის გავრცელების შესახებაც. ალგეთის ფილა ძალიან ჰგავს იმავდროულ ვერცხლის ფილებს, რომლებიც საქვერთხია აღმოჩენილი. ამ გარემოებას უთუოდ აქვს მნიშვნელობა მითითებული კურკელის ადგილობრივ ქეთების სასარგებლოდ, მაგრამ ამ საკითხის გადსაწვევტად ის საკმარისი არ არის: მით უმეტეს, რომ როგორც ახალგორის, ისე წინწყაროს კომპლექსებში არის უცხოური იერს მქონე საგნები: მაგ. ხმელთაშუა ზღვის აუზში ცნობილი ფილები, რომელთაც „კოვზისებრი ჩაღრ-მავებები“ აქვთ და თვალბაგის საფარი თხელი იარანამენტიანი ფორფიტები.

ასევე უცხოურ (ბერძნულ-რომაულ) იერს ატარებს ახ. წ. პირველი საუკუნეების მინის კურკელი. არის შემთხვევები, როდესაც თითქმის შეუძლებელია ბევრი მათგანის მოყვანილობის გარჩევა რომაულთაგან; მაგრამ არის შემთხვევები უცხოური იერის მქონე და თანაც აშკარად წუნდებული მინის კურკელის აღმოჩენისა მცხეთაში. ეს გარემოება ძალიან დამაფიქრებელი ჩანს; თითქოს არ უნდა ვივარაუდოთ წუნდებული მინის კურკელის შემოტანა ქართლში. ისიც ისეთ დაწინაურებულ ცენტრში, როგორიც იყო მცხეთა. ეს გარემოება და ზოგი ცნობა მინის და მინისებრი მასალის მძივ-სამკაულთა დიდი რაოდენობით აღმოჩენის შესახებ მიგვიითობს, რომ ახ. წ. პირველ საუკუნეებში მაინც ქართლში უნდა ყოფილიყო გავრცელებული ადგილობრივი წარმოების მინის

ქუჩელები. თუნდაც უცხოურის მიხედვით ნაკეთები. ისე კი, ბერძნულ-რომაული ნაწარმის გავრცელება ჩვენში საერთოდ სრულიად ბუნებრივია და კარგად შეესაბამება ფართოდ გაშლილ საეკონომიკურ, საერთაშორისო პოლიტიკური ურთიერთობის ინტენსივობას, სწორედ ახ. წ. პირველ საუკუნეებში.

მინის ნაწარმის სადაურობის გარკვევისას მნიშვნელობა აქვს ტექნოლოგიურ მონაცემებსაც. როგორც დოც. რ. ბახჟაძის ნაშრომებიდან ჩანს, სპეციალიზაციის ყურადღებებს იქცევს მცხეთის საწარმოებში აღმოჩენილი მინის დნობის მაღალი ტემპიცა, რომლის კარგ ილუსტრაციას წარმოადგენს სილიციუმის ორჟანგის (SiO₂) მაღალი პროცენტული შემადგენლობა (66—70) ახ. წ. I—III სს. მინაში, და ჰაერის ბუშტულების მინიმალური რაოდენობა. ასევე მნიშვნელოვანია, რომ ხელოსანებს ოსტატურად შეუტრფევიათ მინის გამაღფერულებელი მეთოდები: ანალოზი უჩვენებს, რომ მინის კაზმის შემადგენლობაში ხელოვნურადაა შეტანილი მანგანუმი, რაც შესაძლებელია ხდის ეივარაუდობით, რომ ხელოსანებს მინის გასაუფერულებლად უნდა გამოეყენებინათ მანგანუმის ორჟანგი — ჰიროლუზიტი. როგორც ჩანს, ოსტატებს კარგად მოუხერხებიათ ღია იისფერი, მუქი იისფერი და ღია მომწვანო მინის მიღებაც. განსაკუთრებით მნიშვნელოვანი ისაა, რომ ღია მომწვანო მინის შემადგენლობაში მანგანუმი ისეთი რაოდენობით არის, რომ მინის კაზმში დამატებით აღმდგენელი ნივთიერებებს (ნაზირის) შემატებისა და საეჭვებო ხელშეწყობის გარეშე, მინა უფერული უნდა გამოსულიყო. ასევე, დიდი დახელოვნების მანიერებელთა ლურჯი მინის მოსაღებად კობალტისა და სპილენძის ერთდროული შეტანა მინის კაზმში: გამოთქვამენ ვარაუდს, რომ შესაძლებელია მინის კაზმში ლობის გაადვილების მიზნით უმატებდნენ ტყვიას, რომელიც გვხვდება აგრეთვე ლურჯ მინებში.

რარივ საინტერესო შეიძლება იყოს მინის წარმოების მაღალი ტექნოლოგიის მანიშნებელი მონაცემები. ისინი მაინც გადაჭრით ვერ წყვეტენ საკითხს მინის ადგილობრივი წარმოების სასარგებლოდ. რადგან ჯერჯერობით არა ჩანს სახელოსნოს ნაშთები. გაპლღვარი მინის წვეთები, დიდი რაოდენობით წუნდებულ ნაწარმი და სხვა. ყველაფერი ეს, რა თქმა უნდა, ჯერ კიდევ არ იძლევა საწინააღმდეგო მოსაზრებას, მინის ნაწარმის მთლიანად უცხოური წარმოების აღიარების მტკიცე საფუძველს.

მინის ხარჯვისათვის საჭირო ძირითადი ნედლეული — კვარცის ქვიშა, კირქვა და მირაბილიტი მცხეთის მიდამოებში იმდროის წარმოების მასშტაბისათვის საკმარისი რაოდენობით მოიძებნებოდა; ამას გარდა, უკვე იყო მითითებული წუნდებულ ქუჩქლას (მართალია ერთადერთის) აღმოჩენის შესახებ: დადასტურებულია ფეოდალური ხანის მინის საბერი ქარხნის არსებობა კარსანში და, ამ ბოლო ხანებში შენიშნულია ასეთივე სახელოსნო ნიჩბისის მახლობლად. სადაც სხვათა შორის, ნაპოვნია გაპლღვარი მინის წვეთებიც. თუ ეს უკანასკნელი ანტიკური ხანისა აღმოჩნდა, მაშინ ახ. წ. I—III სს. სამარხებში აღმოჩენილი მინის ქუჩქლებს წარმოშობის საკითხის გადაჭრა შედარებით გაადვილდება. ამ მხრივ განსაკუთრებული მნიშვნელობისა უნდა იყოს ურბნისში აღმოჩენილი მინის ზოდები, რომელთა შესწავლა ცხადსა ხდის, რომ ის მინის საღობო თუ მინის საბერი სახელოსნოს არსებობაზე უნდა მიუთითებდეს.

ანტიკური ხანის ქართლის ტერიტორიაზე აღმოჩენილ სამარხთა აღნაგობა და დაკრძალვის წესი. აღმოსავლეთ საქართველოს ახლანდელ ტერიტორიაზე ძვ. წ. I ათასწლეულის შუა ხანებიდან დაკრძალვის წესშია ც და სამარხთა აღნაგობაშია ც მრავალფეროვნება შეინიშნება. ამასთანავე, ქვეყნის სხვადასხვა თემში ხშირად ერთმანეთისაგან განსხვავებული სურათი ჩანს.

ბრინჯაოსა და ადრეული რკინის ხანაში გაბატონებული ტიპი სამარხები — ე. წ. ო რ მ ო ს ა მ ა რ ხ ე ბ ი — მონათმფლობელური ხანის დასაწყისშია ც საკმაოდ გავრცელებული უნდა ყოფილიყო მთელ აღმოსავლეთ საქართველოში, განსაკუთრებით კი ქართლში. ძველი წელთაღრიცხვის ბოლო საუკუნეებისათვის ორმოსამარხებს იშვიათად ეხვდებით სხვა მრავალრიცხოვან სამარხთა შორის. მცირე რაოდენობით ორმოსამარხები გვხვდება კიდევ დიდხანს, თვით გვიანფეოდალურ ხანაშია ც, მაგრამ უნდა ვივარაუდოთ, რომ გვიანფეოდალური ხანის ორმოსამარხებს წარმოშობით საერთო არაფერი აქვთ ბრინჯაოსა და ადრეული რკინის ხანის ორმოსამარხებთან, რომლებიც კანონზომიერად, თუმცა არა ძველებური მასშტაბით, განაგრძობენ არსებობას მონათმფლობელურ ხანაშია ც. ეს იმას როდი ნიშნავს, რომ მონათმფლობელური ხანის ორმოსამარხები არ განსხვავდებიან წინა ხანის ორმოსამარხებისაგან. განსხვავება საკმაოდ მკაფიოა. პირველყოვლისა აღნაგობრივი განსხვავება, აღნაგობრივი სიახლე იჩენს თავს, მაგრამ უფრო მნიშვნელოვანია, აგრეთვე მკაფიო განსხვავება დაკრძალვის წესშია ც.

გვიანდელი ორმოსამარხები, ორმოსამარხები აღნაგობასა (აგებულებასა) და დაკრძალვის წესში შენიშნული მკაფიო განსხვავების გამო ამ ტიპის სამარხები პირობითად შეიძლება ორ მთავარ ჯგუფად დაეანაწილოთ და შესაბამისად ამისა, ბრინჯაოსა და ადრეული რკინის ხანის ორმოსამარხებს ა დ რ ი ნ დ ე ლ ი ო რ მ ო ს ა მ ა რ ხ ე ბ ი, ხოლო მომდევნო — მონათმფლობელური ხანის ორმოსამარხებს გ ვ ი ა ნ დ ე ლ ი ო რ მ ო ს ა მ ა რ ხ ე ბ ი ვუწოდოთ.

გვიანდელ ორმოსამარხთა აგებულების სიახლეზე საუბრისას მხედველობაში გვაქვს სამარხთა ახლებური სახურავი, გვიანდელ ორმოსამარხთა უმრავლესობა ერთი ან რამდენიმე ფილაქვით ანუ ლოდითაა გადახურული, თუმცა, რა თქმა უნდა, მრავლად გვხვდება ქვაყრით დაფარული ან სრულიად უსახურავო ორმოსამარხებიც. ასე მაგალითად, მცხეთის არქეოლოგიურმა ექსპედიციამ სამთავროს ველზე არაერთი გვიანდელი ორმოსამარხი გათხარა, რომელთა შორის ფილაქვით გადახურული ორმოსამარხებიც არის და „სრულიად უსახურავონიც“. იმავე ექსპედიციამ 1953 წელს სამთავროს სამაროვნის პირდაპირ მდ. არაგვის მარცხენა ნაპირზე დაიწყო კამარახევის სამაროვნის გათხარა და იქ ოციოდე გვიანდელი ორმოსამარხი აღმოაჩინა, რომელთაგან ზოგს თხელი ქვიშაქვის ლოდები ეხურა, ზოგს კი ქვაყრილი ჰქვარავდა, როგორც ჩანს, ეს სურათი კამარახევის სამაროვნის უფრო ახასიათებს, ვიდრე სამთავროს, მაგრამ მთავარი ახლა ისაა, რომ იგი დასტურდება „დიდი მცხეთის“ მიწაწყალზე. გვიანდელი ორმოსამარხები, რომლებიც შეიცავდნენ ძვ. წ. I ათას-

წლეულის შუა და მომდევნო ხანებისათვის დამახასიათებელ მასალებს, ცნობილია სხვა ადგილებშიაც, მაგალითად: 1924 წელს წიწამურში გათხრილი ორმოსამარხი; 1949 წლის აღმოჩენები სოფ. სათოვლეში (ძეგვთან ახლოს), საგურამოში, ალაზნის ველზე — სოფელ არხილოსკალოსთან და სხვ.

თუ ფილაქციტ გადახურვა შეიძლება მივიჩნიოთ გვიანდელ ორმოსამარხთა ერთერთ დამახასიათებელ ნიშნად, იგივე არ ითქმის ქვაყრილიან და უსახურავო სამარხთა შესახებ. ქვაყრილიანი ორმოსამარხები აღრევე იყო ცნობილი, ოღონდ შედარებით იშვიათად და განსხვავებული სახისა. გვიანდელ ორმოსამარხთა შორის ქვაყრილიანი საკმაოდ გავრცელებულია და ამიტომ, ეს ტიპიც დამახასიათებლად გვევლინება. „უსახურავო“ ორმოსამარხი მეტისმეტად პირობითი განსაზღვრებაა. ამ შემთხვევაში მხედველობაშია ის ორმოსამარხები, რომელთაც სახურავის კვალი არ შემოუნახავთ. ასეთია აღრინდელი ორმოსამარხების მეტი ნაწილი.

ახალი თითქმის არაფერი ითქმის გვიანდელ ორმოსამარხთა ძირითადი ნაწილის, საკუთრივ ორმოს მოყვანილობის შესახებ. როგორც ჩანს, ისევე მოგროძო-ოთხკუთხა ან ოვალური ორმოები იყო გავრცელებული, ოღონდ, ზოგჯერ ეს ორმოები შედარებით მოკლენი ჩანან და მათში მიცვალებულები კიდურების უფრო ძლიერი მოკეცივის წყალობით ჩატეულან. ასეთი შთაბეჭდილება იქმნება კამარახევისზე, მაგრამ იგივე არ ითქმის საგურამოს, ჰამთავროს და სხვა სამაროვანთა მიმართ.

ამასთან დაკავშირებით საყურადღებოა თვალი გაავადევნოთ დაკრძალვის წესში შემჩნეულ სხვა ცვლილებასა თუ სიახლეს.

გვიანდელ ორმოსამარხებში ამ მხრივ თვალსაჩინო განსხვავება შეიმჩნევა. ზოგი მიცვალებული ძალიან მოკეცილია; ამჟამად უფრო მკვეთრად, ვიდრე აღრინდელ ორმოსამარხებში. ასეა, მაგალითად, კამარახევის სამაროვანზე. ზოგი კი, პირიქით, ოდნავ მოკეცილი წევს; ამათ შორის გვხვდება ისეთებიც, რომლებიც გაშოტილ მდგომარეობას უახლოვდება. ასეთ შთაბეჭდილებას ტოვებენ სამთავროსა და საგურამოს სამაროვნები.

ეს გარემოება მიჩნეულია გვიანდელ ორმოსამარხთა ერთერთ დამახასიათებელ ნიშნად იმიტომ, რომ აღრინდელ ორმოსამარხთა გაცნობისას ასეთი მკვეთრი სხვადასხვაობა, როგორც წესი, არ შეიმჩნევა.

ამ ხანებთან ორმოსამარხებს ერთნაირად ანასათებს მიცვალებულთა დასვენება მარჯვენა ან მარცხენა გვერდზე, ხელფეხმოკეცილ მდგომარეობაში. ამასთანავე, გვიანდელ ორმოსამარხებშიაც ქალები უმეტესად მარცხენა გვერდზე წვანან, მამაკაცები კი მარჯვენაზე. როგორც აღრე აღინიშნა, დამხრობის — ორიენტირების მკაცრად განსაზღვრული კანონზომიერება გვიანდელ ორმოსამარხებშიაც არ შეიმჩნევა.

აღრინდელ ორმოსამარხებში მხოლოდ თითო მიცვალებული მარხია, ამიტომ ასეთ სამარხებს ინდივიდუალური სამარხები ეწოდება. შემდეგში ამ წესს მტკიცედ აღარ იცავენ. გვიანდელ ორმოსამარხებში უკვე გვხვდება იშვიათი შემთხვევები ორ-ორი მიცვალებულის დამარხვისა, მეტწილად მშობლისა და ჩვილი ბავშვის თანადასაფლავებისა. ასეთი სურათი დადასტურებულია მცხეთასთან, კამარახევის, სამაროვანზე და სხვ.

რცელბა მიცვალელებულიათვის ჩატარებული ინვენტარის სახეც. გვიანდელ ორმოსამარხებში; ისევე როგორც სხვა ტიპის სამარხებში, აღარ გვხვდება საომარი იარაღი და საერთოდაც შემცირებულია ნივთების რაოდენობა. თავს იჩენს ახალი ტიპის სამკაულები და კერამიკა.

გვიანდელი ორმოსამარხების დამახასიათებელი ნიშნების გაცნობა გვიჩვენებს ორმოსამარხთა განვითარების ახალ საფეხურს და ამასთან დაკავშირებით დაკრძალვის წესის სიახლეთა შესახებაც სათანადო წარმოდგენასა ქმნის. მაგრამ ყველაფერი ეს ჯერ კიდევ არ არის საკმაო იმისათვის, რომ ამ სამარხებში აღრინდელ ორმოსამარხთაგან განსხვავებული ტიპი დაეინახოთ. პირიქით, მონათმფლობელურ ხანაშიაც განაგრძობს არსებობას დიდი ხნით აღრე გაბატონებული სამარხის ტიპი — ე. წ. ო რ მ ო ს ა მ მ ა რ ხ ი, რომლის განვითარებაში, როგორც ზემოთ ითქვა, ძირითადად ორი ქრონოლოგიური საფეხური შეინიშნება: ა) ა დ რ ი ნ დ ე ლ ი ო რ მ ო ს ა მ მ ა რ ხ ე ბ ი და ბ) გ ვ ი ა ნ დ ე ლ ი ო რ მ ო ს ა მ მ ა რ ხ ე ბ ი.

ქვთნაგები სამარხები ანუ ქვისსამარხები, ზემოთ უკვე ითქვა, რომ გვიანდელი ორმოსამარხები შედარებით იშვიათი მოვლენაა სხვა მრავალრიცხოვან სამარხთა შორის. უკანასკნელებში განსაკუთრებულ ყურადღებას იპყრობს ქვისსამარხები ანუ აკლდაშები. ამ ტიპის სამარხებიც ძალიან ფართოდ არის გავრცელებული საქართველოში როგორც ტერიტორიულად, ისე ქრონოლოგიურად. ქვისსამარხები აგებულების მიხედვით ერთნაირი არ არის, მაგრამ ეს სხვაობა არ შეიძლება მკვეთრ ტიპობრივ სხვაობამდე ავიდეს. მიუხედავად სამარხთა შედგენის განსხვავებული გულმოდგინებისა, ქვის გათლადამუშავების ტექნიკისა და ხარისხისა, შემაღგენელ ლოდთა სხვადასხვა საღიღისა და ა. შ. ძირითადი მანეც უცვლელი რჩება: მ ი ც ვ ა ლ ე ბ უ ლ ი ს და ს ა კ რ ძ ა ლ ა ვ ა დ ქ ე ი თ შე დ გ ე ნ ი ლ ი ნ ა გ ე ბ ო ბ ა ა შე ქ მ ნ ი ლ ი.

საპეციალურ ლიტერატურაში მრავალრიცხოვანი შემთხვევებია მითითებული სხვადასხვა ხანის ქვისსამარხთა აღმოჩენისა როგორც ერთიმეორის მეზობელ ქვეყნებში, ისე ერთმანეთისაგან დიდად დაშორებულ ადგილებშიაც. მაგალითად, ცნობილია ორინიაკისა და სოლუტრეს ეპოქის მიცვალელებულთა ქვისსამარხში დაკრძალვის შემთხვევები. ასეთია, მაგალითად, 1929 წლის აღმოჩენები მალტასა და ირკუტსკთან ახლოს. იქ მ. გერასიმოვმა გათხარა 3—4 წლის ბავშვის სამარხი, რომელსაც შერჩენოდა ვერტიკალურად ჩადგმული გვერდის ლოდებიცა და სახურავიც. მსგავსი შემთხვევები დადასტურებულია სოლუტრეში, გრიმალში და სხვ. ახალიქვის ხანიდან კი შედგენილი ქვისსამარხები შესამჩნევად გავრცელებული ჩანს და მეცნიერები თითქმის ერთხმად ცნობენ ქვისსამარხების გავრცელებას ამ ეპოქიდან მოყოლებული.

მრავლად არის აღმოჩენილი სხვადასხვა დროის ქვისსამარხები მცირე აზიამი, მახლობელ აღმოსავლეთში, შუა აზიასა და ციმბირში, ევროპასა და კავკასიაში.

ანეთი ვითარების გამო დღემდე გადაუპრელად ითვლება საკითხი ქვისსამარხების წარმოშობისა და გავრცელების გზების შესახებ. ეს შეეხება კავკასიისა და, კერძოდ, საქართველოს ტერიტორიაზე ქვისსამარხების გამოჩენასაც. ანდა უფრო ფართოდ, საკითხს იმის შესახებ თუ სად და როდის დაიწყეს

ქართველმა ტომებმა აქ ტიპის სამარხთა კეთება და გამოყენება. ქართველ ტომ-
თა ერთი ნაწილის სავარაუდო უძველესი საცხოვრისის არქეოლოგიური შეს-
წავლის ახლანდელი დონე არ იძლევა საქმარის საფუძველს ამ საინტერესო
საკითხზე არსებითი ხასიათის მსჯელობისათვის.

თუ გავითვალისწინებთ იმას, რომ ქართველ ტომთა შორეული წინაპრების
ერთი ნაწილი დასახლებულა უნდა ყოფილიყო კავკასიის გარდა მცირე აზიის
ცენტრალურ ნაწილსა და მახლობელი აღმოსავლეთის ზოგიერთ ოლქშიც, მა-
შინ მნიშვნელოვანი იქნება მითითებულ ტერიტორიაზე ქვისსამარხთა გავრცე-
ლების სურათის გათვალისწინება. არქეოლოგიური აღმოჩენები გვიჩვენებენ,
რომ მცირე აზიაში ქვისსამარხები გვხვდება ძვ. წ. მესამე ათასწლეულიდან.

როგორც ვხედავთ, ქვისსამარხების ეს ჯგუფი ძალიან ადრეული ხანისაა
და ამჟამად შეუძლებელია გადაჭრით რაიმეს თქვა იმ სამარხთა შემდგომი ბე-
დის შესახებ, რომლებმაც როგორც ზემოთ ვნახეთ, თავი იჩინეს ჯერ კიდევ
ქვის ხანაში. მაშასადამე, ჯერჯერობით არაა ჩვენს განკარგულებაში ისეთი
მასალა, რომელიც შეიძლება იძლეოდეს საფუძველს დადებითად ან უარყოფი-
თად გადაწყდეს საკითხი ქვის ხანის, მეოთხე — მესამე ათასწლეულის, პირველი
ათასწლეულის, ანტიკური ხანისა და ფეოდალური ხანის ქვისსამარხთა გენეტი-
კური კავშირის შესახებ. საკითხი საბოლოოდ თითქოს გადაუჭრელი რჩება,
მაგრამ ეს უფრო უნდა შეეხოს პალეოლითისდროინდელ ქვისსამარხებთან ურ-
თიერთობას. ბრინჯაო-რკინის ხანის და შემდეგ, ანტიკურ-ადრეფეოდალური
ხანის ქვისსამარხთა ურთიერთკავშირი ბუნებრივია და განსაკუთრებულ გან-
ხილვას არც საჭიროებს. ეს ერთნაირად შეიძლება შეეხოს საერთოდ ქვისსა-
მარხთა გავრცელებას, და, რა თქმა უნდა, მათს გავრცელებას კავკასიასა და
საქართველოშიც.

ქვით ნაგები უძველესი სამარხები აღმოსავლეთ საქართველოს ტერიტორია-
ზე. საქართველოს სხვადასხვა ნაწილში ქვითნაგებ სამარხებს სხვადასხვა ეპო-
ქაში ვხედავთ. ასე მაგალითად, წალკა-თრიალეთის მხარეში აღმოჩენილია სპი-
ლენძის ხანის ქვითნაგები სამარხი, რომელშიაც ხელფეხმოკეცილი, მარჯვენა
გვერდზე დასვენებული მიცვალებული აღმოჩნდა. მიცვალებულს მარჯვენა
ხელი გაპართული და ტანის გასწვრივ ჩამოშვებული ჰქონდა. იგი თავით სამხ-
რეთით იყო დამხრობილი. წალკა-თრიალეთის მხარეში საქმოდ გავრცელებუ-
ლი ყოფილა ქვითნაგები სამარხები ძვ. წ. I ათასწლეულის პირველ ნახევარსა
და მომდევნო ხანებშიაც.

გვიანი ბრინჯაოს ხანის ქვისსამარხები მრავლად არის აღმოჩენილი დმა-
ნისის რაიონში, მდ. ჰამამლო-ჩაის მარჯვენა ნაპირზე, იმ ადგილას, რომელსაც
ერთ დროს იქ შუშის ქარხნის არსებობის გამო, ადგილობრივი მოსახლეობა
„შუშის ქარხანას“ ეძახის. ამ სამაროვანზე გათხრილ ქვისსამარხებს
პრფ. გ. ნიორაძე ძვ. წ. X—IX საუკუნეებს მიაკუთვნებს.

გვიანი ბრინჯაოს ხანის ქვითნაგები სამარხები აღნიშნულია აგრეთვე სამხ-
რეთ ოსეთში; მდ. რიონის სათავეებში ბრილის ნასოფლარზე, სადაც დიდ ორ-
მოებში ფილაქვებით გამართული უძველესი სამარხებია გათხრილი. ქვითნა-
გები სამარხები აღმოჩენილია ქვასტალსა და ნულში; VI—IV საუკუნით თა-
რიღდება სოფ. ზემო გოსტიბეში აღმოჩენილი ქვისსამარხები.

ადრინდელი ქვითნაგები სამარხები მარტო შიდა და ქვემო ქართლისათვის, რაჭისა და თრიალეთისათვის არაა დამახასიათებელი. ქვითნაგები სამარხები ცნობილია კახეთში (გურჯაანი, წინანდლი და სხვ.), აგრეთვე შიითან-დაღში, ახტალაში და სხვა ადგილებში, რომელთა მიდამოები აწინდელი საქართველოს ტერიტორიაში არ შედის.

დასასრულ საქიროა აღინიშნოს ქვითნაგებ სამარხთა განსაკუთრებული სახეობის — დოლომენტის აღმოჩენა დასავლეთ საქართველოში, სახელდობრ, აფხაზეთის ტერიტორიაზე (სოფ. ეშერა, აქანდარა, უაღხარა, აზნათა და სხვ.).

ამრიგად, ზემოთ ჩამოთვლილი მაგალითებიც ცხადად გვიჩვენებენ, რომ ქვითნაგები სამარხების ტიპი საქართველოში ძალიან ძველი და მკვიდრი ტრადიციის მქონეა. ე. ი. არ არსებობს დამარწმუნებელი საფუძველი იმისათვის, რომ სამარხთა ამ ტიპის გარედან შემოსვლა ვივარაუდოთ და მხოლოდ ეთნიკურ ერთეულთა მოძრაობას ან მათ მნიშვნელოვან ცვლილებებს დაუუკავშიროთ. ქვისსამარხი უნდა იყოს ადგილობრივ მკვიდრთა მიერ შექმნილი სამარხი ნაგებობა, რომელიც ხალხმა, მართალია მეტ-ნაკლებად სისტემატურად და უწყვეტად, მაგრამ მიანც, ათასეული წლების მანძილზე შეინარჩუნა.

ამ მოკლე მიმოხილვიდანაც აშკარად ჩანს, რომ ქვითნაგები სამარხები ქრონოლოგიურად ძალიან დიდხანს და ტერიტორიულად ფართოდ იყო გავრცელებული საქართველოში. ეს განსაზღვრა, რა თქმა უნდა, ვრცელდება ძვ. წ. I ათასწლეულის შუა ხანებზედაც.

საკმაოდ მწიკობრ სურათსა ქმნის თრიალეთის ტერიტორიაზე ამ ხანის ქვის-სამარხთა შესწავლის შედეგების გათვალისწინება.

სოფ. ბეშთაშენთან, მდ. ბაიბურთ-ჩაის ანუ გერია-ჩაის მარჯვენა ნაპირას პროფ. ბ. კუფტინის მიერ გათხრილ სამაროვანზე აღმოჩენილი ქვისსამარხები, როგორც ცნობილია, მიჩნეული იყო თრიალეთის ადრინდელი ორმოსამარხებიდან უფრო გვიანდელი (ე. წ. ვანის ეპოქის) სამარხებისაყენ გარდამავალ საფეხურად.

ძვ. წ. I ათასწლეულის შუა და მომდევნო ხანის სამარხები აღმოსავლეთ საქართველოში. ამის შემდეგ თრიალეთში ჩნდება მომდევნო ხანის ქვისსამარხები, ე. ი. თითქოს ხორცის ხანის ის, რაც ერთგვარ გარდამავალ რგოლად იყო დასახული ბეშთაშენის ზემოთ მითითებულ სამაროვანზე. ნათქვამის საილუსტრაციოდ შეიძლება დაეკახელოთ ბეშთაშენის მეგალითურ ციხესთან გათხრილი სამაროვნის ქვის სამარხები — № 17 და 39, იმავე სამაროვნის ორი ადრეაქმენილური ხანის ქვისსამარხი და სხვ.

ამავე ქრონოლოგიურ ჯგუფს უახლოვდება პროფ. ლ. მელიქსეთ-ბეგის მიერ მანგლისში გათხრილი ქვისსამარხები; ალგეთის ხეობაში, სოფ. წინწყაროსთან აღმოჩენილი ქვისსამარხები, კერძოდ, 1940 წლის ივლისში აღმოჩენილი მდიდრული ქვისსამარხი; სოფ. სანთასთან ნერონ-დერესის, სამაროვანი, გათხრილი აგრეთვე თრიალეთის არქეოლოგიური ექსპედიციის მიერ, და 1953 წელს აღმოჩენილი სამაროვანი სოფ. აბელიასთან; ამ ხანის ქვისსამარხები აღმოჩნდა 1958 წელს სოფ. წოფთან, დებედა-ჩაის ხეობაში; ნაწილი კამარანევის სამარხებისაც ამ ხანას მიეკუთვნება. ეს არასრული ჩამოთვლაც კი კარგად გვიჩ-

ვენებს, რომ თრიალეთის ტერიტორიაზე ძვ. წ. I ათასწლეულის შუა ხანებსა და მეორე ნახევარში ფართოდ იყო გავრცელებული ქვითნაგები სამარხები ანუ ქვისსამარხები.

ადრინდელი ქვითნაგები სამარხები ყველა ერთნაირი არ არის. ზოგი დიდი, მეტისმეტად სქელი, ტლანქი და უსწორო ლოდებით შედგენილი; ზოგიც ამათთან შედარებით პატარაა; თხელი, თითქმის დაუმუშავებელი და, როგორც წესი, არათანაბარი ლოდებით ნაგები, შემადგენელი ლოდების სიტლანქე, ცხაღია, მთელ სამარხს უხეში ნაგებობის იერს აძლევს. ჩვეულებრივად ასეთი სამარხი მოგრძო, ოთხკუთხა ნაგებობას წარმოადგენს, თუმცა გვხვდება თითქმის კვადრატულებიც. მეტწილად ასეთი სამარხის ყოველ გვერდს თითო ორი შეადგენს. არის ისეთი სამარხებიც, რომელთა სიგრძივი გვერდები ან ერთერთი მათგანი ორი, მეტ-ნაკლები სიღრმის ლოდისაგან შედგება, ეს სამარხები მეტწილად 2 ან 3 ფილაქვითაა გადახურული, მაგრამ გვხვდება ერთი ლოდით გადახურული სამარხებიც.

იატაკი ამ სამარხებს ქვისა ან აქეთ; მიწაა მოსწორებული, ზოგჯერ კარგად მოტკეპნილიც.

სამარხის შემადგენელ ლოდებს შორის დარჩენილი ფარღიატები ფილაქვის ნატეხებით ან რიყის ქვით არის ამოვსებული. საერთოდ ადრინდელი ქვითნაგები სამარხები გულმოდგინედ ნაგები არ ჩანს.

ასეთია ზოგადი სურათი ე. წ. აქამენიდურა და ელინისტური ხანის ანუ ადრინდელი ქვისსამარხების აგებულება-აღნაგობისა.

როგორც ვხედავთ, თვით ამ ქრონოლოგიურ ჯგუფშიაც სრული ერთგვარობა არ არის. ამის გამო, ადრინდელი ჯგუფის დახასიათებისას ერთი რომელიმე სამარხის გაცნობა, მისი აგებულების დახასიათება არ არის საკმარისი.

რაკი ქვისსამარხები თვალსაჩინოდ განსხვავდებიან ერთმანეთისაგან, საჭიროა ზოგიერთი მათგანის აგებულების მოკლე დახასიათება მაინც: ბეშთაშენის მეგალითურ ციხე-სიმაგრესთან 1939 წ. აღმოჩენილმა სამაროვანმა მოგვცა მცირე ზომის ქვისსამარხები (1,5×0,85 მ-დან 0,9×0,5 მ-მდე), რომელთა შემადგენელი ლოდები — გვერდის ფილაქვები ძალიან უხეშად დამუშავებული ჩანან. სახურავადაც ამ სამარხებს ასევე ტლანქად დამუშავებული დიდი ლოდები ჰქვარებიან თავის დროზე. სამარხები მეტწილად აღმოსავლეთიდან დასავლეთისაკენ არიან დამხრობილნი, თუმცა არის ჩრდილოეთიდან-სამხრეთის მიმართულებით დამხრობილი სამარხებიც. ყველა ქვისსამარხში მიცვალებული ხელფეხმოკეცილ მდგომარეობაშია ერთერთ გვერდზე დაწვენილი. მიცვალებულთა ორიენტირებაც სხვადასხვაგვარია; ზოგ სამარხში მიცვალებულს თავი აღმოსავლეთისაკენა აქვს მიქცეული, ზოგს კი პირიქით — დასავლეთისაკენ ან, შესაბამის ქვისსამარხებში, სამხრეთისა თუ ჩრდილოეთისაკენ.

ასეთივე მოკლე ქვისსამარხები გათხარა მანგლისში პროფ. ლ. მელიქსეთბეგმა და მათში ძლიერ მოხრილ მდგომარეობაში ჩაწვენილი მიცვალებულები.

წინწყაროს მდიდრული სამარხის შესახებ მხოლოდ ის შეიძლება ითქვას, რომ ისიც ქვისსამარხია, რომელშიაც ადამიანის ჩონჩხის ნაშთი თითქმის არც შეიმჩნევა. სამწუხაროდ ამის გამო არათფერი ითქმის ამ მნიშვნელოვანი ქვის-

სამარხის აგებულებისა და იქ დაკრძალული ძიკვალეზულის (ეარაუდით ქ-ლის) მდგომარეობის შესახებ.

მომდევნო ქრონოლოგიურ ჯგუფში ექცევა 1936—1937 წლებში სოფ. სანთას სამხრეთ-დასავლეთით, ნერონ-დერესის ნაპირას გათხრილი სამაროვანი. ამ სამაროვანზე აღმოჩნდა მოკლე, თითქმის კვადრატული ქვისსამარხები, შედგენილი საქმარდ მოზრდილი ლოდებისაგან. სამარხის კედლებად 4 ლოდია დაყენებული; მათ შორის არსებულ ხარვეზს წვრილი ქვები ავსებენ. სამარხის სახურავადაც ერთი დიდი, ტლანქი ლოდია გამოყენებული.

სამარხის განაშრომები დაახლოებით ასეთია: 1,0X0,7-0,5 მ: სახურავის ფილაქვა; როგორც უკვე ითქვა, შედარებით დიდია (1,2-1,4X0,9-1,0 მ). ასეთია გარეგნული სახე ნერონ-დერესის სამაროვნის ქვისსამარხებისა.

დაკრძალვის წესშიაც სიახლე შეიმჩნევა. სამარხის სიმოკლე მიცვალბულის ძლიერ მოკეცვას იწვევს და, პირველ ყოვლისა, ეს მდგომარეობა გამოიყურება დამახასიათებლად. ამასთანავე მიცვალბულები ყველა სამარხში მარჯვენა გვერდზე წვანან, თავი დასავლეთითა აქვთ და სახით სამხრეთს შესკქერიან. ასეთი წესი სხვა სამაროვანზე არ იყო დადასტურებული და იგი ნერონ-დერესის სამაროვნის დამახასიათებლად შეიძლება მივიჩნიოთ.

ამ სამაროვნის ცალკეულ სამარხებში წყვილთა დაკრძალვის შემთხვევებაცა გვაქვს (მაგალითად, ქალისა და ათიოდე წლის ქალიშვილისა). ესეც სიახლეა.

დაკრძალვის წესში შენიშნული თავისებურებანი (მარჯვენა გვერდზე წოლა, ერთნაირი ორიენტირება, მკაფიო მოზრილობა და წყვილთა ერთ სამარხში დაკრძალვის შემთხვევები) ნერონ-დერესის სამაროვანს აშკარად გამოყოფს ბეშთაშენის, წინწყაროს, მანგლისის და სხვ. სამაროვანთაგან. ეს სიახლენი ქრონოლოგიური განსხვავების ანარეკლი უნდა იყოს. აქ უნდა დავინახოთ ე. წ. გვიანაქამენიდური და ელინისტური ხანის ვითარებათა ანარეკლი, გამოძახილი. ეს დასკვნა განსაკუთრებით მას შემდეგ შეიძლება მივიჩნიოთ სამართლიანად, რაც ამ სამარხებში აღმოჩენილი ინვენტარის გვიანაქამენიდური და ელინისტური იერის მქონე ჯგუფებს გავეცნობით.

ასევე მოკლე, ზოგჯერ თითქმის კვადრატული ქვისსამარხებია აღმოჩენილი ალგეთის ხეობის სხვადასხვა პუნქტებში. ასეა მაგალითად სოფ. აბელიას სამაროვანზე.

ზემოთაც აღინიშნა, რომ სამარხ ნაგებობათა სახეობებისა და გავრცელების მხრივ საქართველოს სხვადასხვა თემში არ არის ერთნაირი სურათი. პირველ ყოვლისა ყურადღებას იქცევს მდ. მტკვრის გასწვრივ ზოლში, განსაკუთრებით შიდა ქართლის მონაკვეთზე ძვ. წ. I ათასწლეულის შუა და მომდევნო ხანების ქვისსამარხთა შესამჩნევი სიმცირე. მცხეთის ჩრდილოეთ გარეუბნის—სამთავროს სამაროვანიც ყი არაფერს, თითქმის არაფერს იძლევა საერთო სურათის შესავსებად.

ასე რომ, როდესაც აღმოსავლეთ საქართველოს ტერიტორიაზე ძვ. წ. I ათასწლეულის შუა და უშუალოდ მომდევნო ხანებში სამარხთა ამ ტიპის ფართოდ გავრცელებაზეა საუბარი, რა თქმა უნდა, საყოველთაო გავრცელება არ იგულისხმება. კიდევ მეტი, რაც უფრო ეუახლოვდებით ძვ. და ახ. წელთაღრიცხვათა მიჯნას, თითქმის მით უფრო მცირდება ქვისსამარხთა რაოდენობა და

ჩნდება ახალი ტიპის სამარხები, ე. ი. თითქოს თანდათან უთმობს გზას ქვისსამარხები ახალი ტიპის სამარხებს. მაგრამ წელთაღრიცხვათა მიჯნაზე, განსაკუთრებით კი ახ. წ. პირველ საუკუნეებში იწყება ახალი საფეხური ქვისსამარხთა გამოყენების საქმეში, მასობრივად და, შეიძლება ითქვას, საყოველთაოდ ვრცელდება ქვისსამარხებში აღმოსავლეთ საქართველოში.

უკვე ითქვა, რომ ქვეთნაგები სამარხების ანუ ქვისსამარხების ტიპი მეტის-მეტად დიდხანს ცოცხლობს. ეს, რა თქმა უნდა, ასეა, მაგრამ ზემოთ მოკლედ დახასიათებული და ახ. წ. პირველი საუკუნეების ქვეთნაგები სამარხები მნიშვნელოვნად განსხვავდებიან ერთმანეთისაგან არა საზოგადოდ ტიპობრივად, არამედ შედგენისას გამოჩენილი გულმოდგინებით, რომელსაც უთუოდ ახალი ტიპის რკინის ქვისსათლელი იარაღებიც უწყობდა ხელს და მიცვალებულის პატრონის შეძლებულობაც. საქმე იქამდე მიდის, რომ ჩნდება ახალ-ახალი სახეობანი ქვეთნაგები სამარხებისა, რომელთაგან ზოგიერთის განსხვავება და თავისებურება ძვ. წ. I ათასწლეულის შუა ხანების ქვისსამარხებთან შედარებით ისე მკვეთრია, რომ ბუნებრივად გამოიყურება ახალი ტიპის გამოყოფაც კი.

აღნიშნული გარემოების გამო ამჟამად ჩვენთვის საინტერესო ხანის აღმოსავლეთ საქართველოში აღმოჩენილ ქვეთნაგებ სამარხებს ორ ძირითად ქრონოლოგიურ ჯგუფად დავყოფთ. ეს იქნება: ა) ადრინდელი ქვისსამარხები, რომლებიც მოიცავენ წელთაღრიცხვების მიჯნის წინა ხანების ქვეთნაგებ სამარხებს და, ბ) გვიანდელი ქვისსამარხები, რომლებიც მოიცავენ ახ. წ. I—IV და მომდევნო საუკუნეების ქვეთნაგებ სამარხებს.

ამრიგად, ჩვენ ვიწყებთ გვიანდელი ქვისსამარხების მიმოხილვას, მათს აღნაგობრივ დახასიათებას და დაკრძალვის წესის აგრეთვე საერთო მიმოხილვას.

გვიანდელი ქვისსამარხები ქართლის და საერთოდ აღმოსავლეთ საქართველოს ტერიტორიაზე აღმოჩენილ გვიანდელ ქვისსამარხებში სამი ტიპი გამოირჩევა:

1. მავზოლეუმის ტიპის სამარხები — აკლდამები.
2. მთლიანად კვეთილი ქვისსამარხები ანუ სარკოფაგები და 3. შედგენილი ქვისსამარხები.

ამათგან ქართლის სამეფოს მთელ ტერიტორიაზე გავრცელებულია მესამე ტიპი — შედგენილი ქვისსამარხები. პირველი და მეორე ტიპი იშვიათია: მთელს სამეფოში ჭერჭერობით მხოლოდ ორი მავზოლეუმის ტიპის აკლდამა აღმოჩენილი და ოთხი მთლიანადკვეთილი სამარხი, ე. წ. სარკოფაგი, ისიც ანტიკური ხანის აღმოსავლურ-ქართული (იბერიის) სამეფოს ძველი დედაქალაქის — მცხეთის ტერიტორიაზე.

მავზოლეუმის ტიპის აკლდამები (ტაბ. XXVII, 1). მავზოლეუმის ტიპის ერთი აკლდამა ქართლის (იბერიის) სამეფოს ძველი დედაქალაქის აკროპოლისში (შიდაციხეში) მდგარა თავის დროზე, მეორე კი — მცხეთის ახლანდელი რკინიგზის სადგურის მახლობლად ძველი ხიდის პირდაპირ, არმაზის ქედის ჩრდილო კალთის ძირას.

შიდაციხის აკლდამა 1947 წელს გაითხარა, მცხეთის ძველ ხიდთან აღმოჩენილი კი — 1951 წელს. ეს უკანისკნელი ყოველმხრივ შესანიშნავი ძეგლია და თავის

ნაც პირვანდელი სახით შემონახული, სრულიად დაუზიანებელი ნაგებობაა, განსხვავებით ბაგინეთის აკლდამისაგან, რომლის მხოლოდ საძირკველმა შემონახა თავი ჩვენს დრომდე. ამ გარემოების გამო 1951 წელს აღმოჩენილი სამარხის ნაგებობის — მავზოლეუმის ტიპის აკლდამის დახასიათებას დავჯერდეთ.

მცხეთის ეს აკლდამა ერთსენაკიან ნაგებობას წარმოადგენს (სენაკის სიგრძე 2,37 მ აღწევს, სიგანე კი — 1,80 მ; სიმაღლე — კამარის ქუსლამდე—0,93 მ, ხოლო თხემამდე — 1,80 მ). იგი აშენებულია ქვიშაქვის თლილი ქვებით; ამგვარი ქვათილებით არის აშენებული აკლდამის კედლები და მისი ნახევარწრიულად გამოყვანილი კამარა. აკლდამის აღმოსავლეთი კედელი განსაკუთრებული მონდომებითა და ხელოვნებით არის ნაგები. სწორედ ეს მხარეა შენობის ფასადი. ეს კედელი დგას დაბალ, ერთსაფეხურიან ცოკოლზე; კედლის შუაში იწყება კარი, რომელსაც ზღურბლად ცოკოლი აქვს, ხოლო საპირედ მკაფიოდ პროფილირებული, მოყვითალო ქვიშაქვის ლოდები, რომელთა ერთი ნაწილი კარის საპირესა ქმნის, გაგრძელება კი, სხვა მსგავს ლოდებთან ერთად, ფასადის შემოსვას ემსახურება. კარში მკიდროდ იჭდა დიდი, კარგად გათლილი სწორკუთხოვანი ქვიშაქვის ლოდი (1,03 X 0,68 X 0,20 მ). ამ გზით საკმაოდ დახშული ჩანდა აკლდამის კარი.

აკლდამას ორფერდა სახურავი აქვს. იგი გადახურულია ქართული (მცხეთური) ანტიკური კრამიტით; სახურავი ოთხივე გვერდზე მნიშვნელოვნად სცილდება თვით აკლდამის კედლებს.

აკლდამის კედლები და ნახევარწრიული კამარა შიგნიდან კარგად არის შელესილი კირხსნარით. სამარხი დამხრობილია დასავლეთიდან აღმოსავლეთისაკენ.

როგორც აღინიშნა, აკლდამა არმაზის ქედის ჩრდილო კალთის ძირას, ფერდობზე დგას. აქ საგანგებოდ მოუშზადებითაა სამშენებლო მოედანი, დაუეკებიანთ ფერდობი და ჩაუჭრიათ სწორკუთხოვანი ეზო აკლდამისა. ამრიგად შექმნილი ზღუდე ნაშენია ნატეხი ქვითა და თიხით. შიგნიდან ის თიხითვეა შელესილი. ეზოში ჩასასკლელად აკლდამის გალავნის ჩრდილო კედელში ფართო, მიწაში გამოკვეთილი საფეხურებია. ამ საფეხურებზე, როგორც ჩანს, დროებითი ხასიათის ქვაფენილი ყოფილა თავის დროზე. საკუთრივ აკლდამა ეზოს დასავლეთ ნაწილში დგას, იგი თითქმის მიდგმულია ეზოს დასავლეთ კედელზე. სამარხ ნაგებობას ქვაბულის ნახევარზე ნაკლები ფართობი უკავია, ხოლო მის წინ დარჩენილია საკმაოდ ფართო მოედანი (დაახლოებით 40 კვ. მეტრი), ალბათ დაკრძალვის რიტუალის შესასრულებლად — მიცვალებულის წინასწარ დასასვენებლად, გამოსათხოვებლად და ა. შ. განკუთვნილი. ასეთი მოედანი აუცილებელიც იყო, რადგან აკლდამა, როგორც ვნახეთ, მცირე მოცულობის ნაგებობაა და მისი კარიც არ არის კირისუფალთა შესასვლელად გაანგარიშებული:

აკლდამაში აღმოჩენილი ფიცრის ნაშთები და მათთან დაკავშირებული რკინის სალტეები, ლურსმნები, ბრინჯაოს საკეტები და სხვ. მიუთითებს, რომ მიცვალებული ხის სარეცელზე უნდა ყოფილიყო დასვენებული.

აკლდამა ახ. წ. პირველ საუკუნეს მიეკუთვნება და მდიდრული ფენის, შეიძლება სამეფო, ან სამეფო კარის გამოჩენილი წევრის სამარხს წარმოადგენდეს. ასეთი ვარაუდის საფუძველს იძლევა: გრანდიოზული ხასიათი სამარხი ნაგე-

ბობისა, მისი აგება სახელმწიფოებრივ შენობათათვის ასე დამახასიათებელი ქვათლილებით; აგრეთვე სახელმწიფო ან საზოგადოებრივი დანიშნულების შენობებისათვის დამახასიათებელი კრამიტით გადახურვა; აკლდამის შიგნითა პიარის გულმოდგინედ შელესვა; ამ ტიპის სამარხთა იშვიათობა; მისი აგება თვალსაჩინო ადგილას და აკლდამის ინვენტარის საერთო ხასიათი.

დაახლოებით ანალოგიური აზრის გამოთქმა შეიძლება შიდაციხეში (ბაგინეთზე) აღმოჩენილი აკლდამის შესახებაც.

გვიანდელ ქვისსამარხთა პირველი ტიპის ასეთი დახასიათება კიდევ უფრო დამაჯერებელი გახდება თუ ზოგიერთ პარალელურ მასალას გავითვალისწინებთ. ასე მაგალითად, გამორკვეულია, რომ ოლვიაში აღმოჩენილი მსგავსი აკლდამა ცნობილ ისტორიულ პირებს ევრისიგიუსს და არეთას ეკუთვნოდა; ევრისიგიუსი და არეთა ძველი, მდიდარი და წარჩინებული გვარისანი იყვნენ. ირკვევა, რომ მათ ეს აკლდამა თავიანთ სიცოცხლეშივე აუშენებიათ; მშენებლობა თურმე 17 დღე გრძელდებოდა. ზ. ფარმაკოესკის გამორკვეული აქვს, რომ ასეთი დანიშნულების ნაგებობანი ხშირად უფრო მკვიდრად შენდებოდა და მხატვრულადაც უკეთ იყო გაფორმებული, ვიდრე საცხოვრებელი სახლები.

ცნობილ რუს მეცნიერს ვ. ლატიშევს მიაჩნდა, რომ 17 დღე ასეთი აკლდამის მშენებლობისათვის ძალიან მცირე ვადა იყო და მოითხოვდა დიდი რაოდენობით მუშახელსა და ასევე, დიდი რაოდენობის ფულადი სახსრების დახარჯვას.

ოლვიის მაგალითი გვიჩვენებს, რომ მცხეთა ამ მხრივ არავითარ გამონაკლისს არ წარმოადგენდა. ქართლის სამეფოს მესვეურთა, წარჩინებულთა და მდიდართა დასაკრძალავად ახ. წ. პირველ საუკუნეში ჩნდება ქვისსამარხთა ახალი სახეობა — მ ა ვ ზ ო ლ ე უ მ ი ს ტ ი პ ი ს ა კ ლ დ ა მ ე ბ ი. ამიტომ, საესეებით ბუნებრივია, რომ სამარხთა ეს ტიპი პირველ რიგში სამეფოს ძველ დედაქალაქში, — მცხეთაში გაჩნდა.

გადაჭრით არაფერი ითქმის იმის შესახებ თუ როდის იყო აგებული ეს აკლდამა, იქ დაკრძალულის სიცოცხლეში თუ გარდაცვალების შემდეგ. ოლვიის მაგალითი გვიჩვენებს, რომ ეს აკლდამა სიცოცხლეშივე აუშენებიათ. როგორ იყო მცხეთაში, არ ვიცით, მაგრამ სამეფოს განვითარების საერთო ვითარება შესაძლებელს ჰქმნიდა ასეთი დიდებული ნაგებობა მართლაც რამდენიმე დღეში აუშენებიათ; საამისო ზუროთმოძღვრებიც, ქეთხურობებიც, დიდძალი მუშახელიცა და საჭირო თანხებიც იქნებოდა სამეფო კარის განკარგულებაში. ახლა იმასაც თუ გავითვალისწინებთ, რომ სახუარავი კრამიტის სამეფო სახელოსნოებშიც უნდა არსებულებოდა მცხეთაში და არც საშენებლო ქვა იყო შორს საძებნი, მაშინ მაინცადამაინც რთულად არ უნდა ჩაითვალოს ასეთი ნაგებობის შექმნა რამდენიმე დღის განმავლობაში. თუმცა ისიც უნდა ითქვას, რომ აკლდამის სიცოცხლეშივე აგების შემთხვევები იმ ხანების ქართლში შეიძლება ცნობილი ყოფილიყო. ასეთი დასკვნის საფუძველს იძლევა შემდეგი ცნობა, მართალია უფრო გვიანი ვითარების ამსახველი. „ქართლის ცხოვრებაში“ მოთხრობილია იმის შესახებ, რომ მირიან მეფის მოქცევის „მეოცდახუთესა წელსა მოკლდა ძე მისი რევ, სიძე თრდატ სომეხთა მეფისა, რომლისადაწვე მიეცა მეფობა სიცოცხლესავე მისსა. და დაფლეს აკლდამსავე, რომელი თვთ მასავე რევსა აღეშენა“.

ამ ცნობის მიხედვით შეიძლება დავუშვათ მცხეთის ძველ ხილთან აღმოჩენილი აკლდამის აგება მისი პატრონის სიცოცხლეშივე.

მთლიანადკვეთილი ქვისსამარხები ანუ სარკოფაგები. სულ ოთხი მთლიანადკვეთილი ქვისსამარხი ანუ სარკოფაგია აღმოჩენილი შიდაციხეში და საკუთრივ მცხეთაში. ოთხივე მცხეთის არქეოლოგიური ექსპედიციის მიერ არის გათხრილი და შესწავლილი.

გვიანდელი ქვისსამარხების მეორე ტიპი მეტად თავისებური აგებულებისაა. როგორც სახელწოდება გვიჩვენებს, ამ ჯგუფში მხოლოდ სარკოფაგები შედის (ტაბ. XXVII, 3). სარკოფაგად შედგება: ა) მთლიანი ქვისაგან გამოთლილი მიცვალებულის დასასვენებელი ქვედა ნაწილისა და ბ) ასევე მთლიანი ქვისაგან გამოკვეთილი ზედა ნაწილის ანუ სახურავისაგან. ქვედა ნაწილი ოთხივე სარკოფაგს ირითადად ერთნაირი აქვს; ზედა ნაწილის ანუ სახურავის მოყვანილობის მიხედვით ამ ტიპში ორი სახეობა გაირჩევა: ორფერდასახურავიანი და ბანურსახურავიანი. ორფერდასახურავიანი არმაზისხევის ერისთავთა სამაროვნას მე-7 სამარხი (სარკოფაგი) და ბაგინეთის კლდეკართან აღმოჩენილი სარკოფაგი. ბანურსახურავიანია არმაზისხევის მე-6 სამარხი (სარკოფაგი).


სარკოფაგის ქვედა ნაწილი პარალელოპიპედის მოყვანილობის ქვეშაქვის მონოლითისაგან არის გამოთლილი. მიცვალებული ჩასვენებული იყო სწორედ ამ მონოლითში. საამროდ ამოკვეთილია მონოლითის გული ისე; რომ როგორც გრძივი, ისე განივი გვერდების სისქე დაახლოებით 0,15 მ უდრის; სიღრმე ამოკვეთილი ნაწილისა 0,50 მ აღწევს. სარკოფაგი გარედანაც კარგადაა გაწილი-გამოკოდილი და გვერდების შიდა პირებიც წესიერ სიბრტყეებს წარმოადგენენ.

სარკოფაგებს, როგორც ითქვა, ორფერდა ან ბანური სახურავი აქვთ. ბანური სახურავი მარტივია. იგი წარმოადგენს მთლიანი ქვიშაქვისაგან გამოკვეთილ ბრტყელ ლოდს. უფრო რთულია ორფერდა სახურავის აღნაგობა. ორფერდაა არმაზისხევის მე-7 სამარხი-სარკოფაგის და ბაგინეთის კლდეკარის სარკოფაგის სახურავები, მაგრამ ისინი ერთმანეთისაგან თვალსაჩინოდ განსხვავდებიან.


არმაზისხევის მე-7 სამარხის სახურავიც ერთი მთლიანი ლოდისაგანაა გამოთლილი; ის განივკვეთში ხუთწახნაგოვანია. მისი თხემიცა და გვერდებიც მკვეთრი წიბოებით ხასიათდება, თავსა და ბოლოში დატოვებული აქვს უსწორო პრიზმული გამოწვევები (დაახლოებით $0,10 \times 0,20 \times 0,28$ მ). ეს გამოწვევებიც სახურავის საკმაოდ მძიმე ლოდის აწევ-დაწვევასა და გადატანა-გადმოტანას უნდა აადვილებდეს.

ზოგადად ასეთივეა ბაგინეთის სარკოფაგის სახურავიც, ოღონდ მას გამოწვევები არა აქვს თავ-ბოლოში და წახნაგებიც უფრო მომრგვალებულ იერს ატარებენ. მკვეთრი წიბოები არც თხემზეა და არც სიგრძივ გვერდებზე.


ორივე სარკოფაგის სახურავი შიგნიდანაც გამოჭრილია; გული კამარისებრ ამოღებული აქვს, ეს კეთდებოდა სარკოფაგის შიდა სივრცის გაზრდისა და, ალბათ, სახურავის შემსუბუქების, ე. ი. აწევ-დაწვევისა და გადატან-გადმოტანის გაადვილების მიზნით. ამ სარკოფაგთა სახურავზე და ქვედა ნაწილზე ერთიმეორის პირდაპირ, თანაც ახლო-ახლო ამოჭრილია პატარ-პატარა სწორკუთხოვანი ფოსოები, განკუთვნილი რკინის სამაგრებისათვის. ასეთი სამაგრები არ აღმოაჩნდა არმაზისხევის სარკოფაგს, მაგრამ ჰქონდა ისინი ბაგინეთისას. ყოველ-




1




2




3




4




5




6



7



8



9

რკინის სამაგრის ერთი ბოლო სარკოფაგის ქვედა ნაწილის კედელზე ამოკვეთილ ფოსოში იყო ტყვიით ჩადღვლებული, ხოლო მეორე ბოლო — სახურავის შესაბამის ფოსოში და, ამრიგად, ჰკრავდა სარკოფაგის ორივე ნაწილს.

არმაზისხევის სარკოფაგები დამხრობილია ჩვეულებრივად, დასავლეთიდან აღმოსავლეთისაკენ, ბაგინეთისა კი არა — იგი სამხრეთიდან ჩრდილოეთისაკენ იყო მიმართული; როგორც ჩანს, ახ. წ. პირველ საუკუნეებში გავრცელებული დამხრობა — დასავლეთიდან აღმოსავლეთისაკენ გამოწვევის გარეშე სავალდებულო არ ყოფილა. ასეთ მოსაზრებას მხარს უჭერს, როგორც ქვემოთ ვნახავთ, არმაზისხევის ერისთავთა სამარხების მე-5 სამარხიც.

ჯერჯერობით ამით ამოიწურება არქეოლოგიური გათხრებისას აღმოჩენილ მონათმფლობელური ხანის სარკოფაგთა რიცხვი. არის ცნობა 1919 წელს არმაზისხევეთან კიდეც ერთი სარკოფაგის აღმოჩენის შესახებ. მაგრამ შემდგომმა გათხრებმა ამ ცნობის დასამტკიცებლად დადებითი შედეგი არ გამოიღო.

მ. ივაშჩენკო თვლიდა, რომ დიღმის სარკოფაგი შეიძლება ხნოვანებით არმაზისხეველს დაუახლოვდეს. ჩვენი აზრით, ამ მოსაზრების გასაზიარებლად სათანადო საფუძველი არ არსებობს. მის უარყოფას მხარს უჭერს თვით სარკოფაგი, რომელიც საერთო იერით მცხეთის სარკოფაგებს არ ჩამოგავს. ის ამთხვე უფრო გრძელი, მაღალი და უფრო თხელკედლიანია. ყველაფერი ეს კი მოყვანილობით განსხვავებულის შთაბეჭდილებას ქმნის. საკითხის ასე თუ ისე გადაჭრას აძნელებს ისიც, რომ დიღმის სარკოფაგს სახურავი აკლია, ე. ი. ისეთი ნაწილი, რომელიც ერთბაშად გამოყოფს ფეოდალური ხანის სარკოფაგთა დამახასიათებელ ნიშნებს.

ქვის სამარხთა ეს ტიპი გავრცელებული ჩანს სირიაში, მცირე აზიაში, შავი ზღვის ჩრდილოეთ სანაპიროებში, კავკასიაში, საერთოდ კი ანტიკურსა და ელინისტურ სამყაროში.

არმაზის (ქართლის) სარკოფაგებს ძალიან ჰგავს მაგალითად კუნძულ კრეტაზე, კერამეიკოსის გათხრებისას ნაპოვნი ძვ. წ. V—IV სს. სარკოფაგი. განსაკუთრებით დიდა ამ სარკოფაგის მსგავსება არმაზისხევის მე-7 სამარხ-სარკოფაგთან. კერამეიკოსის სარკოფაგის ასაკისაა ჩრდილოეთ სირიაში — აღ-მინაში აღმოჩენილი სარკოფაგი, რომლის შედარება ასევე წარმატებით შეიძლება არმაზისხევის მე-6 სამარხ-სარკოფაგთან. მოყვანილობით ძალიან ჰგავს არმაზისას და ხნოვანებითაც თითქმის მისი ტოლია პოლანდიაში, შტაინში აღმოჩენილი სარკოფაგი, რომელიც სხვა ნივთებთან ერთად რომელი იმპერატორის აღრიანე კეისრის (117—138 წწ.) მონეტებს შეიცავდა და ა. შ.

დაახლოებით ამ ხანებშია გავრცელებული სარკოფაგები სსრ კავშირის სამხრეთ რაიონებში, კერძოდ, ქერსონესის და ბოსფორის სამეფოებში. აღმოჩენილი სამარხები იმ მხრივაც იქცევენ ყურადღებას, რომ მცხეთის სარკოფაგების მსგავსად სიმარტივით, გარედან შეუმკობლობით ხასიათდებიან; თანაც ისინი სწორედ ახ. წ. პირველი საუკუნეებიდან ჩანან გავრცელებული. მაგალითისათვის შეიძლება დავასახელოთ: ქერჩში 1862 წელს აღმოჩენილი ბანურსახურავიანი სარკოფაგი; იქვე, მითრიდატის გორაზე გათხრილი ახ. წ. მეორე საუკუნის სარკოფაგები, ქერსონესში 1899 წელს, ქერჩში 1902—1905 წლებში, ტამანში 1915 წელს აღმოჩენილი სარკოფაგები და სხვ.

სარკოფაგთა გავრცელების ზემოთ ნაჩვენები სურათი აყენებს საკითხს სამარხთა ამ ტიპის წარმომავლობის შესახებ. მით უმეტეს, რომ სამარხი სარკოფაგები კიდევ უფრო ფართოდ ვრცელდება ფეოდალურ საქართველოში, ისე ფართოდ, რომ დგება საკითხი სარკოფაგებში მიცვალებულთა დაკრძალვის ტრადიციის დიდი სიძველის შესახებ. ასეა თუ ისე, ჭერჭერობით მაინც არ არის აღმოჩენილი ისეთი რგოლი, რომელიც ანტიკური და ფეოდალური ხანის საქართველოს სარკოფაგებს გენეტიკურად ერთმანეთს დაუკავშირებდა.

არ არის გამორიცხული, რომ არმაზისხევისა და ბაგინეთის სარკოფაგები დაკავშირებული იყოს ანტიკური და განსაკუთრებით ელინისტური კულტურის ფართოდ გავრცელებასთან. განსაკუთრებით მნიშვნელოვანი და ახლო ურთიერთობა ჩანს ამ მხრივ ქართლსა და ძველი ბოჭორისა და ტაერის ტერიტორიებს შორის, რომელთანაც ანტიკური ქართლის არქეოლოგიურ ძეგლებს საზოგადოდ ბევრი რამ საერთო მოეძებნება.

საყურადღებოა მიცვალებულთა დაკრძალვის წესი. ირკვევა, რომ ამ ტიპის სამარხებში — სარკოფაგებში მიცვალებულებს საგანგებო სარეცელზე ასვენებდნენ. განსაკუთრებით მდიდრული ჩანს ბაგინეთის კლდეკარის სარკოფაგში დაკრძალული ქალის (როგორც წარწერა გვიჩვენებს, სეფექალის) სარეცელი, რომლის ოთხივე ფეხი რთული რელიეფური ჩუქურთმითაა დაფარული (ტაბ. XXI, 3). ამ სარეცლის ფეხის ჩუქურთმებში მკვეთრად გამოირჩევა თითქმის სკულპტურული გამოსახულება არწივის თავის და უფრო დაბალი რელიეფები სპილოს და სხვ. გამოსახულებათა. სარეცლის ჩუქურთმიდან გამოსახულებებს შემოკრული აქვს ვერცხლის თხელი ფურცელი, რომელიც ზედმიწევნით ზუსტად იმეორებს კაკლის ხეზე გამოკვეთილი გამოსახულების ყველა დეტალს და, ამრიგად, ისეთ შთაბეჭდილებასა ქმნის, თითქოს ვერცხლის ქანდაკიდან ნაწილებთან გვეჩვენოს საქმე.

რთული ქანდაკიანი სახეებითაა შემკული არმაზისხევის სარკოფაგებში აღმოჩენილი სარეცლის ფეხებიც, ოღონდ ამ შემთხვევაში მეტწილად ვერცხის თავის სტილიზებულ გამოსახულებებთანაა გვაქვს საქმე.

როგორც ჩანს, სარეცელი ყოველთვის ვერ ეტეოდა სარკოფაგში ვერც სიმალლითა და შეიძლება, ვერც სიგრძე-სიგანით. ასეთ შემთხვევაში მას დამატებითი სახით ათავსებდნენ სარკოფაგში. ასეთი სურათია მაგალითად ბაგინეთზე და შეიძლება არმაზისხევიც (მაგ. მე-6 სამარხში). ამ უკანასკნელში ორი სარეცლის ნაწილები აღმოჩნდა; ერთი დიდი ჩანს, მეორე კი — პატარა. ეს გარემოება სარკოფაგში ორი მიცვალებულის დაკრძალვას უნდა მოასწავებდეს. ასეთ შთაბეჭდილებას სარკოფაგში აღმოჩენილი ნივთების სიუხვეც აძლიერებს.

სარკოფაგებში მიცვალებულის მდგომარეობის ზუსტად განსაზღვრა ვერ ხერხდება, რადგან ასეთ სამარხებში ადამიანის ჩონჩხი ცუდად ინახება, აღრე იშლება, იფიტება. მაგრამ ზოგჯერ ძელის ადგილმდებარეობა და განსაკუთრებით ნივთების განლაგება ერთგვარ საფუძველსა ქმნის ვივარაუდოთ, რომ სარკოფაგში მიცვალებული პირადმა გაშობილი ან ოდნავ ხელფეხმოკეცილი ცალ გვერდზე უნდა წოლილიყო, თავით დასავლეთისაკენ.

ასე მაგალითად, არმაზისხევის მე-7 სამარხში ჩონჩხის გადარჩენილი ნაწილი მარჯვენა გვერდზე დასვენებულ მდგომარეობას უფრო გვაგვარაულებინებს.

ბაგინეთის სარკოფაგში კი მიცვალებულ პირადმა გამოტილი უნდა წოლილი-
ყო. არმაზისხევის მე-6 სამარხში დაკრძალულის (თუ დაკრძალულთა) მდგომარეობის შესახებ მსჯელობა გაძნელებულია. საერთოდ კი სარკოფაგებში მიცვალებულთა მდგომარეობას მნიშვნელოვნად განსაზღვრავდა ამ ტიპის სამარხთა შედარებით მცირე მოცულობა.

ამრიგად, გვიანდელ ქვისსამარხთა მეორე ტიპის სამარხი ნაგებობანი სარკოფაგებს წარმოადგენენ. ისინი ორი მონოლითური ნაწილისაგან შედგებიან: ქვედა — პარალელოპიპედისებრი, მიცვალებულის ჩასასვენებლად განკუთვნილი; ზედა — სახურავი. სახურავის მოყვანილობის მიხედვით გამოირჩევა: ბანურსახურავიანი და ორფერდასახურავიანი სარკოფაგები. დამხრობის მიხედვითაც გაირჩევა: დასაელეთიდან აღმოსავლეთისაკენ და სამხრეთიდან ჩრდილოეთისაკენ დამხრობილი სარკოფაგები.

სარკოფაგთა ქვედა და ზედა ნაწილების ერთმანეთთან მტკიცედ დამაგრება, მათი შეკვრა რკინის გამირებით ხორციელდებოდა.

მიცვალებული სარკოფაგებში ჩადგმულ ან დაშლილი სახით მოთავსებულ სარეცელზე უსვენებიათ. სარკოფაგებში თითო მიცვალებულია ჩასვენებული, თუმცა გამოთქმულია ვარაუდი ერთერთ მათგანში ორი მიცვალებულის დაკრძალვის შესახებ.

სარკოფაგები ადგილობრივი ჯიშის კირქვისაგანაა გამოთლილი ქვის სათლელი იარაღით, რომელთა შორის საკმაოდ წმინდა მრავალკბილა საკოდელიც კი შეიმჩნევა.

სარკოფაგები ახ. წ. პირველ ორ საუკუნეს მიეკუთვნება, გავრცელებულია ნეზობელ ქვეყნებშიაც, განსაკუთრებით შავი ზღვის ჩრდილო სანაპიროში, და წარმოშობით შეიძლება დაკავშირებული იყოს ანტიკური და ელინისტური კულტურის საერთო გავრცელებასთან.

ქვითნაგები სამარხები ანუ ქვისსამარხები. სამარხთა ეს ტიპი, როგორც აღვნიშნეთ, ძალიან ფართოდ და დიდხანს იყო გავრცელებული ქართლში ახ. წ. პირველი საუკუნეებიდან (ტაბ. XXVII, 2). პირველ ხანებში ამ ტიპის სამარხს უფრო შეძლებული, მმართველი ფენა იყენებდა. შემდეგ თანდათან ჩნდება და უფრო და უფრო ინტენსიურად ვრცელდება შედარებით ცუდად ნაკეთები ქვისსამარხები. ჩანს, მას უკვე ფართო ფენები იყენებენ. ამ ტიპის სამარხთა გავრცელებამ ისეთი სწრაფი ხასიათი მიიღო, რომ IV საუკუნისათვის მან თითქმის მთლიანად განდევნა სამარხთა სხვა სახეობანი.

ქვისსამარხთა შორის ნაირსახეობა შეიმჩნევა, მაგრამ ისინი მაინც ერთ ტიპს წარმოადგენენ, რადგან ყველა შედგენილი ქვისსამარხებია. იმის მიხედვით, თუ, სახელდობრ, როგორია ქვისსამარხთა შემადგენელი ნაწილები, გაირჩევა ორი უმთავრესი სახეობა: ა) ფილაქვით ნაგებები სამარხები და ბ) ნატეხი ქვით ნაგებები სამარხები.

ქვისსამარხთა გავრცელების პირველ ხანებში აღმოსავლეთ საქართველოში მხოლოდ პირველი სახეობა ჩანს. უფრო გვიან კი, განსაკუთრებით IV და მომდევნო საუკუნეებში ხშირია ნატეხი ქვით ნაგები სამარხებიც. ამრიგად, გარკვეული ქრონოლოგიური თანმიმდევრობა აქაც აშკარაა.

ფილაქეთ ნაგები სამარხები. როგორც სახელწოდება გვიჩვენებს, ამ სახეობის სამარხები შედგენილია დიდრონი ფილაქეებით, რომლებიც მეტ-ნაკლები მონდომებითაა გამოყვეთილი ადგილობრივი ქვიშაქვებისაგან.

ფილაქეთ ნაგები სამარხები, ჩვეულებრივ, ოთხკუთხა, პარალელოპიპედის მოყვანილობისაა. მათ გვერდებს თითო ფილაქვა წარმოადგენს, სახურავს კი — სამ-სამი ფილაქვა. შენიშნულია ამ წესისგან გადახვევის შემთხვევებიც. ზოგ სამარხს სიგრძივ კედლებად ორ-ორი ფილაქვა აქვს; ზოგს კიდევ სახურავად ორი ან სამზე მეტიც. განსხვავებულია სამარხის შედგენის ხერხებიც; ზოგი ფილაქვა წესიერად არის გამოჭრილი და კარგადაცაა გათლილი, ზოგს კი სრულიადაც არ ეტყობა დამუშავება, თუ არ ჩავთვლით იმას, რომ ქვიშაქვის ლოდს, ქვის ფიცარს, ოთხკუთხი მოყვანილობა მიეცა, შეიძლება, ქვის სატეხშივე, ქვის ახოზვევ.

განსაკუთრებით გულმოდგინედ ჩანს ნაკეთები მდიდრული სამარხები: ფილაქეებიც კარგად არის დამუშავებული და გვერდებიც მკიდროდაა შეკრული. გვერდის ფილაქვების ერთიმეორესთან კარგად მორგების მიზნით განივ კედლებს ხშირად ნაპირები სიმაღლეზე ამოჭრილი აქვთ, რომელშიაც ჯდება გრძივი კედლები; ასეთ წესს ნარიბანდების ამოჭრას ეტყვიან. მდიდრულ სამარხებში რკინის გამირების გამოყენების შემთხვევებიც არის დადასტურებული. ძირითადად ორი სახის გამირებია გამოყენებული: ა) გვერდის ფილაქვების ერთიმეორესთან გადასაბმელი, თუ სამარხის გრძივი კედელი ორი ლოდისგან შედგება (მაგ., ასპარუგ პიტიახშის სამარხის ჩრდილო კედელი) და ბ) სახურავის ფილაქვების ერთიმეორესთან გადასაბმელი (მაგ. ბერსუმა პიტიახშის სამარხი, მე-5 სამარხი და სხვ.).

რა თქმა უნდა, მდიდრულ სამარხთა შორისაც გვხვდება ისეთები, რომელთა შემადგენელი ლოდების სიტლანქეც უურადლებას იქცევს. ამ შემთხვევებში ლოდები ძალიან დიდებია და მათ არც დამუშავების კვალი ემჩნევა, თუ არ ჩავთვლით იმას, რომ მათ ეტყობა ე. წ. ნარიბანდები. სამარხთა ეს ჯგუფი შედარებით გვიანი, ხანისაა, III — IV საუკუნეებს მიეკუთვნება.

ფილაქეთ ნაგებ სამარხთა შორის სახურავის მოყვანილობის მიხედვით ორი სახეობა გამოირჩევა: ბ ა ნ უ რ ს ა ხ უ რ ა ვ ი ა ნ ი და ო რ ფ ე რ დ ა ს ა ხ უ რ ა ვ ი ა ნ ი. ორფერდასახურავიანი სამარხები შედარებით იშვიათია და ჭერჭერობით მხოლოდ მცხეთაში გვხვდება, ბანურსახურავიანი კი საერთოდ ფართოდ არის გავრცელებული.

ორფერდასახურავიანი ქვისსამარხთა შორის შეიძლება ორი ქრონოლოგიური ჯგუფი შეგვხვდეს: ადრინდელი სამარხები (II — III სს.) და უფრო გვიანდელი სამარხები (IV ს.). ამ სამარხთა ორფერდა სახურავი უმთავრესად სამი ლოდისგანაა შედგენილი, რომელთაგან ერთი დიდი, მთლიანი სახურავის ცალკალთასა ქმნის, ორი მომცრო კი — მეორეს. ფიქრობენ რომ ასეთი შედგენილობა შემთხვევითი არ უნდა იყოს და შესაძლოა იმით იყო გამოწვეული, რომ სამარხის სახურავის ახლა გაადვილებულიყო თუკი ამის საჭიროება შეიქმნებოდა.

ფილაქეთ ნაგებ სამარხთა შორის გვხვდება ისეთებიც, რომელთაც საგანგებო იატაკი აქვთ. საამისოდ სხვადასხვა მასალაა გამოყენებული: ფილაქვები, ფართო კერამიკული ფილები, აგურები და კრამიტებიც კი. იატაკიანი სამარხები

მდიდრულ ინვენტარს შეიცავენ და ამის გამო შეიძლება ისინი საზოგადოების ზედა ფენას მიეკუთვნოს. ე. ი. ირკვევა, რომ საგანგებო იატაკი სამარხის მდიდრულობის მომასწავებელი ყოფილა თავის დროზე, ისევე როგორც ორფერდა სახურავი და ა. შ.

მეოთხე საუკუნის ბოლოს იწყებს გავრცელებას ნატეხი ქვითა და ტალახით ნაგები სამარხები, რომელთაც სახურავად ისევ დიდი ფილაქვები აქვთ. ეს მეტწილად ღარიბული სამარხებია და თანაც ზოგჯერ შედარებით დიდებიც. როგორც ჩანს, ეს უკანასკნელი ნიშანი დაკავშირებულია დაკრძალვის წესში შენიშნულ სიახლესთან. ამ სამარხებს ბანური სახურავი აქვთ და ხანდახან მოზრდილი ფილაქვის განივი გვერდები გვხვდება ისეთი სამარხებიც, რომელთა აგებისას სხვადასხვა სამუშაო მასალა გამოყენებული. მათ შორის ძველი შენობებიდან (ნანგრევებიდან) მოზიდული არქიტექტურული დეტალებიც კი. ყველაფერი ეს იმაზე მიუთითებს; რომ ნატეხი ქვითა და თიხით ნაგები სამარხები საზოგადოების ღარიბულ ფენას ეკუთვნის და ხელმოკლეობის ნიშანია გაჩენილი და გავრცელებული.

დაკრძალვის წესი. დაკრძალვის წესში თვალსაჩინო სიახლე არ შეიმჩნევა. მიცვალებულის მდგომარეობა და სამარხების ორიენტირება ჩვეულებრივია, თუმცა ზოგიერთი გამონაკლისიც იჩენს თავს. ასე მაგალითად, ქვის-სამარხთა დამხრობისას წესად იყო მიღებული სამარხის გამართვა აღმოსავლეთ-დასავლეთის ხაზზე, მცირეოდენი გადახრით სამხრეთ-აღმოსავლეთ-ჩრდილო-დასავლეთისკენ, იმის შესაბამისად თუ რომელ თვეშია სამარხი ჩადგმული: ზაფხულის თვეებში იცავენ აღმოსავლეთ-დასავლეთის ღერძს, სხვა დროს მზის ამოსვლის ადგილს იღებენ საორიენტაციოდ და სამარხსაც განსხვავებულ მიმართულებას აძლევენ. ასე რომ, მკიდრო სამაროვანზე შეიძლება საკმაოდ თვალსაჩინო იყოს დამხრობის სხვაობა და სამარხის ჩადგმის დროის საკმაოდ ზუსტად განსაზღვრაც მოხერხდეს. განსაზღვრა ჩადგმის დროისა მაშინაც ხერხდება, როდესაც ცალკეულ სამარხთან გვაქვს საქმე, თუმცა ეს მკაფიოდ შეიძლება არც ჩანდეს.

გვაქვს, როგორც ითქვა, შედგენილ ქვისსამარხთა შორის ამ წესიდან გადახვევის შემთხვევებიც, ასეთებია: არმაზისხევის ერისთავთა სამაროვნის მე-5 სამარხი, რომელიც ჩრდილოეთ-სამხრეთის მიმართულებითაა დამხრობილი, იქვე აღმოჩენილი ორი ბავშვის სამარხი.

ქვითნაგებ სამარხებში ჩვეულებრივ თითო მიცვალებულია დაკრძალული. ეს წესი ძალაში რჩება ახ. წ. IV საუკუნემდე, ამიტომ შეიძლება მივიჩნიოთ ახ. წ. IV ს-მდე დაკრძალვის წესის ერთერთ თავისებურებად ინდივიდუალური დასაფლავება, თუმცა გვხვდება თანადაკრძალვის იშვიათი შემთხვევებიც — დედისა და ჩვილი ბავშვის ერთად დაკრძალვა არმაზისხევის მე-2 სამარხში და სხვ.

ორფერდასახურავიანი ქვისსამარხების გავრცელების პირველ ეტაპზე წესად ყოფილა მიღებული ასეთ სამარხებში წარჩინებულ ქალთა დასაფლავება. შემდეგში ამ წესს აღარ იცავენ — გვხვდება ორფერდასახურავიანი, მდიდრული, მაგრამ ჭკუფური სამარხები.

ამ ტიპის სამარხებში მიცვალებულთა დიდი უმეტესობა პირადად გამოტყუ-
ლი წევს; ხელები მათ მუცლის ან მენჯის არეში აქვთ დაკრეფილი ან არადა ტა-
ნის გასწვრივ გამართული. ასეთი მდგომარეობა, როგორც ჩანს, წესადაა მი-
ღებული, მაგრამ არა პირველ საუკუნეებში, არამედ შემდეგ. ახ. წ. I—II საუ-
კუნეებში შემორჩენილია აღრინდელი წესი — მიცვალებულის დაკრძალვა
ხელფეხმოკეცილ მდგომარეობაში და თანაც ერთერთ გვერდზე. ეს უნდა იყოს
გადმონაშთი აღრინდელი და ძალიან დიდხანს არსებული ტრადიციისა.

ამასთანავე, ირკვევა, რომ ქვისსამარხთა ერთი ნაწილი მეორედ არის გამო-
ყენებული. მეოთხე საუკუნიდან კი ჩნდება ე. წ. ს ა ო ჯ ა ხ ო ს ა მ ა რ ხ ე ბ ი —
„ს ა ო ჯ ა ხ ო ს ა ძ ე ა ლ ე“, რომელსაც ზოგი სპეციალისტი კოლექტიურ სა-
მარხს უწოდებს. ასეთი დანიშნულების სამარხებიც არსებითად არაერთგზის გა-
მოიყენებოდა. ამიტომ ამ ტიპის სამარხებშიაც გვხვდება აღრე დაკრძალულ
მიცვალებულთა „შევიწროების“, კედელთან მიხვეტის შემთხვევები. ირკვევა,
რომ მეორედ იყენებდნენ არა მარტო საოჯახო სამარხებს, არამედ სხვათა, ზოგ-
ჯერ სხვა ტომის წარმომადგენელთა სამარხებსაც. საამისო პირდაპირ მითითე-
ბას შეიცავს 1938 წელს სამთავროს ველზე აღმოჩენილი ბერძნული წარწერიანი
ქვა, რომელიც თავის დროზე მცხეთის მხატვართუხუცესის და ხუროთმოძღვ-
რის ავრელი აქოლისისა და მისი მეულის ბევრაზერიას საფლავზე მდგარა.
აქოლისი სთხოვს მეგობრებსა და გამვლელებს ყური უდგონ საფლავი არავინ
დააზიანოს და თუ ვინმე გაბედავს დასაფლავებას მათთან ერთად, ან საკუთარი
ტომისა ან სხვა, უცხოელი, პასუხს აგებს. ამ წარწერამ, როგორც ვხედავთ, შე-
მოინახა მეტისმეტად საყურადღებო მითითება IV საუკუნეში სამარხთა მეორედ
გამოყენებისა და სხვის საფლავში დაკრძალვის წესის შესახებ. ეს არ არის IV ს.
შემოდებული წესი, რადგან ავრელი აქოლისის წარწერა არ შეიძლება გაჩენი-
ლიყო ამ წესის საკმარად ფართოდ გავრცელებამდე. მოგვიანებით კიდევ უფრო
ხშირდება ეს წესი და, როგორც ჩანს, უხეშ ფორმებს იღებს. საქმე იქამდეც მი-
სულა რომ ავრელის საფლავიდან ეს ეპიტაფია მოუძვრიათ და სხვა სამარხის
კედლად გამოუყენებიათ, ე. ი. განმეორებულა არმაზისხევის ერისთავთა სა-
მაროვნის მე-4 სამარხში დადასტურებული სურათი. იქ ხომ ორ გრძივ კედლად
ცნობილი წარწერიანი სტელები იყო გამოყენებული.

სამარხთა მეორედ გამოყენების შემთხვევები საერთოდ ხშირია III და
მომდევნო საუკუნეებიდან მაინც. აღრე დაკრძალულ მიცვალებულთან ახალი
სამარხის ჩადგმის შემთხვევები აღრეც იყო დადასტურებული. ზოგჯერ ქვის-
სამარხი აზიანებს ორმოსამარხს, მაგრამ როგორც ჩანს, ეს არ იყო აკრძალული.

სამარხთა მეორედ გამოყენების თავისებურ სურათს გვიხატავს არმაზისხევის
ერისთავთა მე-3 სამარხი, რომელსაც ჩვენ „ბერესუმა პარტიანის სამარხის“ სა-
ხელით ვიცნობთ. ამ თავისებურებას მეორედ დაკრძალვას უწოდებენ.
იმიტომ, რომ მიცვალებულის ძელების დიდი ნაწილი ვერცხლის მოზრდილ
ღანგარზე ეწყო, ზოგი ვერცხლის პინაკზე ეყარა და ზოგიც კერამიკულ ფილა-
ზე; ე. ი. ამ სამარხში მიცვალებული კი არ დაუკრძალავთ, არამედ მისი ჩონჩხის
ნაწილი გადმოუსვენებიათ და ვერცხლის ქურჭელზე დაწობილი დაუმარხავთ
ჩვეულებრივი პარტივისცემით, მდიდრული, ერისთავული წესით.

ამრიგად, ჩვენთვის ამჟამად საინტერესო ხანის დაკრძალვის წესის შესწავლისას მეორედ დაკრძალვის შემთხვევებიც უნდა იყოს გათვალისწინებული.

ასეთი წესის გავრცელების საფუძველს ქმნიდა იმდროინდელი ვითარება, რადგან ქართველ მეფეთა თუ დიდებულთა შორეულ ქვეყნებში ლაშქრად წასვლა არცთუ იშვიათი იყო. საკმარისია შევიხსენოთ ტრაიანეს დასაბმარებლად 114—115 წლებში საომრად წასული უფლისწულის, ქართლის მეფის ძის ამაზასპის ეპიტაფია, აღმოჩენილი რომში. მსგავსი ვითარების ამსახველია უფრო გვიანდელი ცნობა, საიდანაც კარგად ჩანს, რომ პიტიახში მიდის საბრძოლველად თავისი ქვეყნიდან; ასეთია, მაგალითად, იაკობ ხუტესთან ვარსკენ პიტიახშის საუბრის შინაარსი: „...უწყია, ხუტეს მე ბრძოლად წარვალ ჰონთა ზედა...“ ვარსკენის და განსაკუთრებით ამაზასპის მაგალითები ძველი ვითარების ამსახველია და ამიტომ შეიძლება მათ მნიშვნელობა ჰქონდეთ ბერსუმას სამარხში დადასტურებული მეორედ დამარხვის წესის ასახსნელად.

ბერსუმა ერისთავის სამარხში აღმოჩენილი მდიდრული ინვენტარი და სარეცლის ფეხები იმაზე მიუთითებს, რომ მეორედ დაკრძალვის შემთხვევაშიაც სრულდებოდა დაკრძალვის ჩვეულებრივი ცერემონიალი.

მეორედ დამარხვის სხვა შემთხვევებიცაა ცნობილი. ასე მაგალითად, 1926 წელს პროფ. გ. ნიორაძემ მცხეთის ახლოს, მდ. არაგვის მარცხენა ნაპირზე გათხარა ქვისამარხები და მათში მეორედ დაკრძალვის შემთხვევები დაადგინა. პროფ. გ. ნიორაძის ეს დაკვირვება საყურადღებოა, ოღონდ სადავოა პირველადი დაკრძალვის, ე. წ. „ჰაერზე დაკრძალვის“ წესის არსებობა ახ. წ. პირველი საუკუნეების შემდეგი ხანის მცხეთაში. მიცვალებულთა ძვლების თავმოყრა და თავისებური მდგომარეობა სამარხში, ჩვენის აზრით, არ უნდა ნიშნავდეს მაინცადამაინც იმას, რომ ეს „ჰაერზე დაკრძალვის“ შემდეგ განხორციელებული დაკრძალვაა.

ასეა თუ არა, დღეისათვის სპეციალურ ლიტერატურაში არსებობს მითითება სოფ. წიწამურის ახლოს „ჰაერზე დაკრძალვის“ წესის დამოწმების თაობაზე.

მეორედ დაკრძალვის წესი დიდხანს ცოცხლობს საქართველოში. ამას ფეოდალური ხანის სამარხებიც ამტკიცებენ და ეთნოგრაფიული დაკვირვებებიც გვაცნობენ ამ წესის არაერთ გადმონაშთს: ხევსურეთში, აფხაზეთში, სვანეთში და სხვ.

ამრიგად, ქვისამარხთა ამ ჯგუფში — შედგენილ ქვისამარხებში გვხვდება: ორფერდასახურავიანი და ბანურსახურავიანი სამარხი ნაგებობანი; ამასთან, ორფერდასახურავიანი სამარხები იშვიათია. შედგენილ ქვისამარხთა შორის გვხვდება ისეთები, რომელთაც იატაკად ფილაქვები, კერამიკული ფილები, აგურები ან ბრტყელი კრამიტები აქვთ. იატაკიანი სამარხები შედარებით იშვიათია; მეტწილს იატაკად მიწატყეპნილი აქვს.

მიცვალებულთა დაკრძალვის წესში გარკვეული კანონზომიერება ჩანს: პირველ ხანებში მიცვალებულები გვერდზე უსვენებიათ, ხელფეხმოკეცილ მდგომარეობაში; შემდეგში ბატონდება ზურგზე გამოტოლად დაწვენა ისე, რომ ხელები ტანის გასწვრივ იყოს გამართული ან მუცლისა თუ მენჯის არეში დაკრეფილი. სამარხები, როგორც წესი, III საუკუნემდე ინდივიდუალურია, შემ-

დღე ჩნდება საოჯახო, ჯგუფური სამარხები და თანდათან ვრცელდება ეს წესი. მას თან სდევს სამარხი ნაგებობის მეორედ გამოყენება, ამას გარდა შეინიშნება მეორედ დაკრძალვის შემთხვევები.

სამარხთა დამხრობის — ორიენტირების მხრივაც გარკვეული წესი შეიმჩნევა შედგენილი და ნატეხი ქვით ნაგები სამარხები ახ. წ. პირველი საუკუნეებიდან, როგორც წესი, დამხრობილია დასავლეთიდან აღმოსავლეთისაკენ. მიცვალებულთ თავი დასავლეთითა აქვთ და მზის ამოსვლას შესცქერიან. ამ წესიდან გადახვევას არ მოასწავებს მცირე სხვაობა, რომელიც დაკავშირებულია იმასთან, რომ სხვადასხვა დროს მზე სხვადასხვა ადგილას ამოდის. არის რამდენიმე გამონაკლისიც, რომლის შესახებ ზემოთ უკვე იყო საუბარი.

ქვევრსამარხები. ძვ. წ. III საუკუნიდან აღმოსავლეთ საქართველოში ჩნდება ახალი ტიპის სამარხი — მიცვალებულს ჩვეულებრივ ჭურში ანუ ქვევრში კრძალავენ. ამის გამო ამ ახალი ტიპის სამარხს ქვევრსამარხი ეწოდება.

სამარხად გამოყენებული ქვევრების შესწავლამ ცხადჰყო, რომ თავდაპირველად ისინი ხალხი დაწინაურლებსა ყოფილან. თითქმის ყოველთვის შეიმჩნევა ქვევრის ხშირი რეცხვის კვალი, რის გამოც მისი შიდა პირი გახეხილია ხოლმე. მიუხედავად ამისა უნდა ვივარაუდოთ, რომ ქვევრსამარხად შეიძლება გამოეყენებინათ სხვადასხვა დაწინაურების (მაგ., ხორბლის შესანახი) ქვევრებიც. როგორც ცნობილია, დაბლაგომში აღმოჩნდა თითქოს საგანგებოდ სამარხისათვის დამზადებული ქვევრი — ამ ქვევრს ნაჩერტი ჰქონდა დატანებული, რაც უთუოდ გამორიცხავს მის გამოყენებას სამეურნეო მიზნისათვის (ყოველ შემთხვევაში სითხისთვის).

ქვევრსამარხი დიდი ხნით უფრო ადრე იყო გავრცელებული დასავლეთ საქართველოში და საკმაოდ ფართოდაც. ყველაზე დიდი რაოდენობით ქვევრსამარხები გაითხარა დაბლაგომსა და ფარცხანაყანევში, მათთან შედარებით ქართლის ქვევრსამარხები სამიოდე საუკუნით მაინც უფრო ახალგაზრდაა. შედარებით ხშირია ამ ტიპის სამარხები ძვ. წ. II—I საუკუნეებში. ამ ხანებში ქვევრსამარხებს იყენებენ სხვა ტიპის სამარხებთან ერთად; ე. ი. თ ა ნ ა ა რ ს ე ბ ო ბ ე ნ გ ვ ი ა ნ დ ე ლ ი ო რ მ ო ს ა მ ა რ ხ ე ბ ი, გ ვ ი ა ნ დ ე ლ ი ქ ვ ი ს - ს ა მ ა რ ხ ე ბ ი, ქ ვ ე ვ რ ს ა მ ა რ ხ ე ბ ი, კ რ ა მ ი ტ ს ა მ ა რ ხ ე ბ ი და თ ი - ხ ი ს ფ ი ლ ე ბ ი თ ნ ა გ ე ბ ი ს ა მ ა რ ხ ე ბ ი. დამახასიათებელია, რომ ყველა შემოჩამოთვლილ სამარხს ზოგჯერ ერთსა და იმავე სამაროვანხედაც კი ვხვდებით. ახ. წ. I საუკუნიდან წყდება აღმოსავლეთ საქართველოში ქვევრსამარხთა გავრცელება.

სახელწოდებაც გვიჩვენებს, რომ ამ ტიპის სამარხთა აგებულება რთული არაა: ქვევრი გაჭრილია, გახერხილია სიგრძეზე (ასეთია დასავლეთ საქართველოში, მაგ., დაბლაგომში აღმოჩენილი ქვევრსამარხი) ან გამოტეხილი აქვს. მუცელი, დაწვენილია გვერდზე და შიგ ჩასვენებულია მიცვალებული, შემდეგ გავსებულია მიწით და ზედ დახურული აქვს, თუ გადახერხილი იყო, გადანახერხი ნაწილი, თუ არადა ნატეხები, მაგრამ ისე, რომ მთლიანი ქვევრის სრული სურათი იქმნება. არის მთლიანი ქვევრებიც, მაგრამ ეს მხოლოდ იმ შემთხვევებში, როდესაც ტანმორჩილია მასში დასაკრძალავი მიცვალებული. ასეთ შემთხვევებში ახერხებდნენ ქვევრის პირიდან მიცვალებულის ჩაშვებას (პირის




1



2



3



4



5

ლიბეტრი ზოგჯერ 0,5 მ აღწევს), შემდეგ ქვევრს აწვევდნენ მოგრო ორმოში და პირზე სარქველს აფარებდნენ. ბოლოს, ცხაღია ქვევრსამარხს მიწას მიაცირდნენ.

მიცვალებულები ქვევრსამარხებში გვერდზე არიან დაწვენილი, თანაც ძლიერ მოხრილ, ხელფეხშემოკეცილ მდგომარეობაში. როგორც ვნახეთ, ეს იმ დროს საყოველთაოდ გავრცელებული წესი ყოფილა და თანაც ქვევრის ზომამოყვანილობით ნაკარნახევი. ქვევრსამარხებში მეტწილად თითო მიცვალებულია, მაგრამ გვხვდება ისეთებიც, რომლებშიაც ორ-ორი მიცვალებული ასვენია. არის ქვევრსამარხი, რომელშიაც 3 მიცვალებულია დაკრძალული. ქვევრსამარხთა დამხრობაში მკაფიო კანონზომიერება არ შეიმჩნევა. ისინი ორიენტირებულია სხვადასხვა მიმართულებით, მაგრამ სპარბობს ჩრდილოეთიდან სამხრეთისაკენ მიმართულნი.

სამარხად გამოყენებული ქვევრები, როგორც წესი, ჩვეულებრივად ვერტიკალურად კი არა დგას, არამედ გვერდზეა დაწვენილი.

ამავე დანიშნულებით არის გამოყენებული ზოგჯერ დერგებიც, ოღონდ იმ განსხვავებით, რომ დერგებში ბავშვებია დაკრძალული, ქვევრებში კი მოზრდილები.

სამარხად გამოყენებული ქვევრები და დერგები ჩვეულებრივ კარგად არის გამოქვაბი. თინაც სუფთაა და საერთოდ კარგი ნახელავი ჩანს. ეს გარეგნული ნიშანიც კი იმის სასარგებლოდ მიუთითებს, რომ ამ ქურქლებს თავდაპირველად სამეურნეო დანიშნულება უნდა ჰქონოდათ, ისევე როგორც მათ სარქველად გამოყენებული კრამიტი სამშენებლო ფონდიდან უნდა იყოს აღებული.

სამარხად გამოყენებულ ქვევრთა სიმაღლე 1,5 მ აღწევს, მუცლის დიამეტრი — 1 მ, კეცის ზისქე — 1,5 სმ.

კრამიტსამარხები. ძვ. წ. I საუკუნიდან ქართლში, როგორც ჩანს, საქალაქო ცხოვრების კიდევ უფრო ფართოდ გაშლა-განვითარებასთან ერთად თავს იჩენს ახალი ტიპის სამარხი — ე. წ. კ რ ა მ ი ტ ს ა მ ა რ ხ ი. ეს სახელი სამარხმა ნაგებობამ მიიღო იმის გამო, რომ იგი აგებულია კრამიტებით. სამარხების შესადგენად გამოყენებულია იმ ხანის ქართლის ქალაქებში კარგად ცნობილი და საზოგადოებრივ ან სახელმწიფო ნაგებობათა გადასახურავი ორი ტიპის კრამიტი: ბრტყელი, გვერდებაკეცილი და ღარისებრი. მოზრდილი კრამიტსამარხის ასაგებად რამდენიმე ათეული კრამიტია გამოყენებული (ზოგჯერ 50-ზე მეტი); ასეთია მაგალითად სამთავროს სამაროვნის სამხრეთ უბანზე მ. ივანჩენკოს მიერ გათხრილი კრამიტსამარხები №№ 81, 120, 148, 182, 240 და სხვ. მათ შეიძლება მიეკუთვნოს 1943 წელს მცხეთის რკინიგზის სადგურთან და არმაზისხევათან აღმოჩენილი ზოგიერთი კრამიტსამარხი.

კრამიტსამარხთა აგებულება მარტივია; ამ ტიპის სამარხები ორი ძირითადი ნაწილისაგან შედგება: ა) საკუთრივ სამარხი ნაგებობა, რომელსაც ჩვეულებრივ ყუთს უწოდებენ და რომელშიაც მიცვალებული ასვენია ხოლმე, და ბ) სამარხი ნაგებობის სახურავი.

ქვედა ნაწილის ანუ საკუთრივ სამარხი ნაგებობის მოყვანილობის მიხედვით კრამიტსამარხებში ორი სახეობა გამოიარჩევა: ა) ს წ ო რ კ უ თ ხ ო ვ ა ნ ი ან მოგრო ოთხკუთხოვანი და ბ) შ რ ა ვ ა ლ კ უ თ ხ ო ვ ა ნ ი — ექვსკუთხოვანი

მოყვანილობისა. კრამიტსამარხთა ჩვეულებრივ გავრცელებულ ფორმას პირველი სახეობა წარმოადგენს.

სახურავის მოყვანილობის მიხედვითაც ორგვარი კრამიტსამარხები ჩანს გავრცელებული: ო რ ფ ე რ დ ა ს ა ხ უ რ ა ვ ი ა ნ ი და ბ ა ნ უ რ ს ა ხ უ რ ა ე ი ა ნ ი.

კრამიტსამარხთა ქვედა ნაწილი, ე. ი. საკუთრივ სამარხის აგებობა ნაირ-ნაირი სიღიღისაა. იგი სიგრძით საშუალოდ 2 მ შეადგენს, ხოლო სიგანით — 0,75 --- 0,80 მ. გვერდების სიმაღლეს ჩვეულებრივ განსაზღვრავს კრამიტის სიმაღლე, მაგრამ არის შემთხვევები, როდესაც სამარხის გვერდების შემადგენელი კრამიტები სიმაღლეზე კი არა დგას, არამედ გრძელ, აკეცილ გვერდზეა დაყენებული და ამის გამო, სამარხი დაბალია. — კრამიტის ზედა ნაწილი სამარხის სიმაღლეა.

სამარხის სიგრძე-სიგანესაც გვერდების შემადგენელი კრამიტების რაოდენობა განსაზღვრავს. ყველაზე გრძელი სამარხის გრძივ გვერდს სიმაღლეზე დაყენებული ექვსი ბრტყელი კრამიტი შეადგენს. ყველაზე მოკლე სამარხის შესაბამის გვერდს კი — ორი კრამიტი. უმეტესად საშუალო ზომის კრამიტსამარხებშია გავრცელებული; მათ ოთხი ბრტყელი კრამიტი უდგათ გრძივ გვერდად.

როგორც ზემოთ აღინიშნა, სამარხის აგებულება მარტივია. ასეთი შთაბეჭდილება არ იცვლება იატაკის გათვალისწინების შემდეგაც. კრამიტსამარხთა დიდ ნაწილს საგანგებო იატაკი აქვს; იატაკიც კრამიტისაა, დიდრონი კერამიკული ფილებისა ან უფრო იშვიათად ფილაქვებისა. აღმოჩენილია ისეთი კრამიტსამარხებიც, რომელთაც იატაკად კარგად მოტკეპნილი მიწა აქვთ. ასეთი იატაკი აქვთ ღარიბულ კრამიტსამარხებს (მაგ., არმაზისხევის მე-2 სამარხი).

ზემოთ უკვე ითქვა, რომ ამ სახის სამარხთა შორის გვხვდება ორფერდასახურავიანები და ბანურსახურავიანები. ორფერდასახურავიანი სამარხები კრამიტით არის გადახურული. სახურავის კალთები შედგენილია ბრტყელი, გვერდებდაკეცილი კრამიტებით. მათი ნაწიბურები (ერთიმეორესთან მიდგმის ადგილები) და სახურავის (გრძივი) ქიმი დახურულია ღარისებრი კრამიტით. ამრიგად შეკრული ორფერდა კრამიტსამარხი ქმნის მინიატურული ორფერდასახურავიანი სახლის შთაბეჭდილებას.

ბანურსახურავიანი კრამიტსამარხები სხვადასხვა მასალით არის გადახურული: კრამიტით, დიდი კერამიკული ფილებით, ფილაქვებით და, შეიძლება, ფიცრითაც კი. უფრო მეტად გავრცელებული ჩანს ბრტყელი კრამიტით გადახურული ბანიანი სამარხები. შედარებით იშვიათია ფილაქვებით გადახურული სამარხები და ფიცრით გადახურვა ივარაუდება იმ სამარხებისა, რომელთაც სახურავის რაიმე არსებითი ნიშანი არ შემორჩენიათ.

კრამიტსამარხთა უმრავლესობა დამხრობილია აღმოსავლეთიდან დასავლეთისაკენ.

კრამიტსამარხთა აგებულების განხილვისას ყურადღებას იქცევს მეტისმეტად თავისებური „აღნაგობის“ სამარხები: ერთ ან ერთნახევარ თუ ორ კრამიტზე დასვენებული ბაგეშების სამარხებიც აღმოჩნდა სამთავროს სამაროვნის სამხრეთ უბანზე. ასეთია მაგ., 1940 წელს გათხრილი № 283 სამარხი. ამ სამარხის ქვედა ნაწილს ერთნახევარი ღარისებრი კრამიტი შეადგენდა, რომელზედაც

ბავშვი იყო დასვენებული, სახურავადაც ასევე ერთნახევარი ლარისებრი კრამიტი ეფარა. რა თქმა უნდა, ამ სახის სამარხები არ შეიძლება ჩვეულებრივ კრამიტსამარხებს მივაკუთვნოთ. აქ საქმე გვაქვს საკმაოდ იშვიათ მოვლენებთან, როდესაც სამარხად ცალკეული კრამიტი ან კრამიტები გამოუყენებიათ. ამ შემთხვევებს იმიტომ უნდა მიეჭკეს განსაკუთრებული ყურადღება, რომ ისინი მკაფიოდ გვიჩვენებენ აქ დაკრძალულთა უმწეო ქონებრივ მდგომარეობას. მხოლოდ სამი და ისიც დამტკრეული ლარისებრი კრამიტის შოვნა მოუხერხებიათ ბავშვის დასაკრძალავად, თანაც იმ ხანაში, როდესაც წესად იყო შემოღებული ღიდი პატივით დაკრძალვა. ამ სურათის სიმკვეთრე კიდევ უფრო უკეთ წარმოგვიდგება თუ აღნიშნულ სამარხს (№ 283) შევადარებთ პიტიახშის შვილის სამარხს, აღმოჩენილს არმაზისხეეთან 1940 წელს. (სამარხი № 9).

დაკრძალვის წესი. დაკრძალვის წესში რაიმე სიახლე კრამიტსამარხებს, შეიძლება ითქვას, არ მოუცია. სამარხები ჩვეულებრივ ინდივიდუალურია, მაგრამ გვხვდება წყვილთა (ცოლ-ქმარი, დედა და ჩვილი ბავშვი) დაკრძალვაც. მიცვალებულები სამარხებში პირადმა გამოტილი წვანან, თუმცა არის შემთხვევა ხელფეხმოკეცილი და გვერდზე დასვენებული მიცვალებულის აღმოჩენისა. ცხადია, ეს გამონაკლისი ახ. წ. პირველ საუკუნემდე გაბატონებული წესის გადმონაშთად უნდა იყოს მიჩნეული.

კრამიტსამარხები ჩვეულებრივ მდიდრულ სამარხებს წარმოადგენენ, მაგრამ მათ შორის ლარბულებიც გვხვდება. ამ მხრივ განსაკუთრებულ ყურადღებას იქცევს, როგორც აღნიშნეთ, ბავშვთა სამარხები.

თიხის ფილებით ნაგები სამარხები. ახ. წ. პირველ საუკუნეებში აღმოსავლეთ საქართველოში, მართალია მცირე რაოდენობით, მაგრამ მაინც გვხვდება განსხვავებული ტიპის სამარხები — თიხის ღიდი ფილებით ნაგები სამარხები. აღნაგობა ამ სამარხებისა ძალიან მარტივია: იატაკი და ოთხივე გვერდი კვადრატული და სწორკუთხოვანი დიდრონი კერამიკული ფილებითაა შედგენილი, სახურავი ბანურია. სახურავად გამოყენებულია ქვიშაქვის ლოდები — ფილაქვები, მაგრამ მცხეთაში — კოდმანზე 1954 წელს გათხრილ თიხის ფილებით ნაგებ სამარხს ერთ ნაწილზე კერამიკული ფილა ეხურა. თუმცა სახურავის უდიდეს ნაწილს ფილაქვები შეადგენდა.

ამ ტიპის სამარხთა იატაკის ფილები საგანგებოდ დამზადებული ჩანს. ამას ადასტურებს ფილებზე დატანებული ნახვრეტები. ასეთი ნახვრეტაანი ფილები, ფილებით ნაგებ სამარხებში, მხოლოდ იატაკისთვისაა გამოყენებული და უნდა ვივარაუდოთ, რომ ისინი ამისთვის იყო დამზადებული.

დაკრძალვის წესი. თიხის ფილებით ნაგები სამარხები ორიენტირების მხრივ თითქმის იმეორებენ კრამიტსამარხთა განხილვისას შენიშნულ წესდაზღვრებულსა ისინი დასავლეთიდან — აღმოსავლეთისაკენ. ამ სამარხებშია ჩვეულებრივ თითო მიცვალებული ასვენია, მაგრამ არის ნიშნები იმისა, რომ თიხის ფილებით ნაგები სამარხები საოჯახო სამარხებადაც გამოიყენებოდა. ამას უნდა მიუთითებდეს, კერძოდ, ის ფაქტი, რომ ამ ტიპის სამარხთა შორის აღმოჩენილია ისეთებიც, რომლებშიაც 3-3 მიცვალებულის არაერთდროულად დაკრძალვაა დადასტურებული.

ამრიგად, თუ შევაჯამებთ სამარხთა აღნაგობისა და დაკრძალვის წესის შესახებ ზემოთ აღნიშნულს, მივიღებთ, რომ ძვ. წ. I ათასწლეულის შუა ხანებიდან ახ. წ. IV საუკუნემდე აღმოსავლეთ საქართველოს ტერიტორიაზე გავრცელებულ სამარხთა (სამარხ ნაგებობათა). ტიპებია: 1) ო რ მ ო ს ა მ ა რ ხ ე ბ ი, 2) ქ ე ი თ ნ ა გ ე ბ ი ს ა მ ა რ ხ ე ბ ი ანუ ქ ე ი ს ს ა მ ა რ ხ ე ბ ი. ქვისსამარხთა შორის ორი ქრონოლოგიური ჯგუფი შეინიშნება: ადრინდელი ქვისსამარხები (VI — I სს.) და გვიანდელი ქვისსამარხები (I — IV სს.). უქანასკნელებში თავის მხრივ შემდეგი სახეები გამოიყოფა: ა) მავზოლეუმის ტიპის სამარხი ნაგებობები ანუ აკლამები, ბ) მთლიანადკვეთილი ქვისსამარხები ანუ სარკოფაგები, გ) ფილაქით ნაგები სამარხები და დ) ნატეხი ქვით ნაგები სამარხები; 3) ქ ე ე ვ რ ს ა მ ა რ ხ ე ბ ი; 4) ყ რ ა მ ი ტ ს ა მ ა რ ხ ე ბ ი და 5) კ ე რ ა მ ი კ უ ლ ი ფ ი ლ ე ბ ი თ ნ ა გ ე ბ ი ს ა მ ა რ ხ ე ბ ი.

ამ სამარხთა გავრცელების ქრონოლოგიური სკალა ზოგადად ასეთია:

- I. გვიანდელი ორმოსამარხები — ძვ. წ. VI — ახ. წ. III სს.
- II. ქვისსამარხები — ძვ. წ. VI — ახ. წ. IV სს.
- III. ქვევრსამარხები — ძვ. წ. III—ძვ. წ. I სს.
- V. კერამიკული ფილებით ნაგები სამარხები — ახ. წ. I — III სს.
- IV. კრამიტსამარხები — ძვ. წ. I — ახ. წ. III სს.

ეს, რა თქმა უნდა, იმას არ ნიშნავს, რომ ამა თუ იმ ტიპის სამარხი, მაგალითად, ორმოსამარხები ან ქვისსამარხები მთელი ათასი წლის მანძილზე უცვლელი რჩებოდა. თავის ადგილას უკვე მ ი თ ი თ ე ბ უ ლ ი ი ყ ო სამარხთა ტიპის მკვეთრი ცვლა და ამასთან დაკავშირებული მკაფიო აღნაგობრივი სიახლე-განსხვავებანი, რის გამოც ზოგად ქრონოლოგიურ სკალაში ყველაფერი ეს ასახვას ვერ ჰპოვებს. იგივე შეიძლება ითქვას სამარხთა ამა თუ იმ ტიპის წარმოშობის თაობაზე. როგორც აღვნიშნეთ, ზოგიერთი ტიპი სამარხი ნაგებობისა (ორმოსამარხი; ქვისსამარხი, ქვევრსამარხი) აქ აღნიშნულზე დიდად ადრე იყო გავრცელებული. წინამდებარე ზოგადი სკალა გარკვეული ქრონოლოგიური მონაკვეთისა და გარკვეული ტერიტორიის ვითარების ამსახველია. ეს უთუოდ უნდა იყოს გათვალისწინებული.

თუ შევაჯამებთ იმას, რაც დაკრძალვის წესის შესახებ ითქვა, შემდეგ ზოგად სურათს მივიღებთ:

ძვ. წ. VI — ახ. წ. I სს. მიცვალებულებს გვერდზე ასვენებდნენ, ხელფემოკეცილ, მოხრილ მდგომარეობაში. სამარხები, როგორც წესი, ინდივიდუალურია, სამარხთა (და მასთანადამე, მიცვალებულთა) დამხრობა ნაირ-ნაირი. სამარხები ინჰუმაციურია, ე. ი. მიცვალებული იმარხება.

ახ. წ. I საუკუნიდან მიცვალებულის სამარხში ჩასვენების ადრინდელი წესი იცვლება, მას თანდათან დევნის ახალი წესი. ბატონდება მიცვალებულთა ზურგზე დასვენება; პირადმა, გაშოტილ მდგომარეობაში. სამარხები ინდივიდუალურია, თუმცა შეიმჩნევა წყვილთა დაკრძალვა და IV საუკუნიდან ხშირდება ჯგუფური, საოჯახო სამარხებიც. თანდათანობით ყალიბდება სამარხთა დამხრობის მტკიცე წესი — დასავლეთიდან აღმოსავლეთისაკენ. სამარხები კვლავ ინ-

ჰუმანიტარია. შეინიშნება მეორედ დამარხვისა და სამარხ ნაგებობათა მეორედ გამოყენების შემთხვევები, მკათიოდ შეიმჩნევა მკვეთრი სოციალური დიფერენციაციის მათწყებელი ნიშნები სამარხ ნაგებობებსა და სამარხულ ინვენტარშიც.

§ 13. გვიანანტიკური ხანა

ახალი წელთაღრიცხვის I — III საუკუნეები წინაფეოდალური საქართველოს ისტორიის ერთი იმ ხანათაგანია, რომელიც უკვე საკმაოდ არის გაშუქებული არქეოლოგიური მასალებით. ამ უკანასკნელთა შორის წარმოდგენილია მნიშვნელოვანი წარწერებიც. ეს არის ამდროინდელ არქეოლოგიურ ძეგლთა კომპლექსის ერთი ყველაზე უფრო არსებითი სიახლე.

მცხეთაში აღმოჩენილი პირველი ასეთი ძეგლი იყო დიდი, ბერძნულწარწერიანი სტელა (1867 წელს, სამხედრო გზის გაფართოებისას, ზემო ავჭალის ვიწრობაში). წარწერაში საუბარია იმის შესახებ, რომ ახ. წ. 75 წელს, იმპერატორ ვესპასიანეს დროს, იბერთა მეფეს მითრიდატეს, ფარსმანისა და იამასასპოს ძეს, კეისრის მეგობარსა და რომაელთა მოყვარულს, და ხალხს რომაელებმა კედლები განუშტკიცეს. 1938 და 1948 წლებში არქეოლოგთა მიერ გამოვლენილ და შესწავლილ იქნა იმ ზღუდის ნაშთები, რომელსაც იხსენიებს აღნიშნული წარწერა.

გვიანანტიკური ხანის ძირითადი და უმნიშვნელოვანესი მასალა მცხეთიდან თუ მისი შორიანხლო მიდამოებიდან მომდინარეობს, მაგრამ საერთოდ კი უკვე საქართველოს მრავალი კუთხეა მეტ-ნაკლებ წარმოდგენილი და ეს დიდი ღირებუება ამ მასალისა, მეტ გასაქანს გვაძლევს მისი ისტორიული გააზრებისას. საქმე გვაქვს როგორც აღმოსავლეთ, ისე დასავლეთ საქართველოსთან; ბართანაც და მთასთანაც; ძველ დედაქალაქთანაც და სხვა, ქალაქურ თუ სოფლურ სამოსახლოებთანაც; მტკვრის, რიონისა და ენგურის აუზებთან; ალაზნის, ივრის, არაგვის; ქცია-ხრამის, ალგეთის, ქსნის, ლიახვის, მეჯუდის, ბორიმელის, ძეგრულის, ტეხურისა და სუფსის ხეობებთან, ზღვისპირა ზოლთან და სხვ.

მასალის დიდ უმეტესობას შეადგენენ ს ა მ ა რ ხ ე უ ლ ი ძ ე გ ლ ე ბ ი, ე. ი. სამარხები და მათი ინვენტარი, მაგრამ ზოგ ადგილას საკმაოდაა გამოშვეურებული ნ ა მ ო ს ა ხ ლ ა რ ი ძ ე გ ლ ე ბ ი ც.

მასალის დათარიღება, ს ა ე რ თ ო დ, საეხებით საიმედო საფუძველს ემყარება: ხელთა გვაქვს მრავალრიცხოვანი მონეტათა შემკველი სამარხები (იდიდ მცხეთაში“), კლდეებში, ბორში, ძეგრში, ურეკში, სტალინირში და სხვ.), რომლებიც, სამარხის ტიპისა თუ ინვენტარის მიხედვით, გვაძლევენ უმონეტო სამარხების მათთან პარალელიზაციის საშუალებას და ამრიგად გვითარბილებენ ამ უკანასკნელებსაც. ზოგჯერ კი ნამოსახლარი ძეგლების დათარიღებისათვისაც გამოგვადგება ხოლმე მონეტაიანი სამარხები თუ თვით ნამოსახლართა შორის აღმოჩენილი მონეტები.

ყოველივე ამის შედეგად დღესდღეობით თამამად ვმსჯელობთ მკათიოდ გამოჩვენებულ არქეოლოგიურ კომპლექსებზე, რომელთაც სამაროვნებში თავისებური ტიპის სამარხები და ინვენტარი ახასიათებთ, ხოლო ნამოსახლარ ძეგლებში — თავისებური ხუროთმოძღვრება, მშენებლობის წესი, ტექნიკა და საშენი მასალა, და რომელთა ხნოვანება ნამდვილად თავსდება წელთაღრიცხვათა მიჯ-

ნასა და ახ. წ. IV საუკუნეს შორის, თუმცა ზოგი რამ ნაწილობრივ გადადის ძვ. წ. I საუკუნეშიც (მაგ., კრამიტსამარხები ერთხანს ქვევრსამარხთა პარალელურადაცაა სამთავროში გავრცელებული), ხოლო ზოგი, პირიქით, გადმოდის ძველიდან ახალში (მაგ., დასავლეთ საქართველოში — ბანძაში, ძვერში — ქვევრსამარხები ახ. წ. I — II საუკუნეებშიც გვხვდება; ქვისსამარხები და მათი ინვენტარის ზოგი კომპონენტი ბევრგან IV საუკუნეშიც და შემდეგაც კარგა ხანსაა გავრცელებული).

I—III საუკუნეები ჩვენშიც ძირითადად გვიანდელი მონათმფლობელური წყობით ხასიათდება, ხოლო IV საუკუნიდან აქ სოციალური წყობის ცვლა უკვე საცნაური ხდება. თანდათან ღრმავდება და, როგორც ამ ცვლილების, ადრინდელი ფეოდალიზაციის თანამდევნი მოვლენა, იცვლება სარწმუნოებაც, ბატონდება ქრისტიანობა. ეს მოვლენები კი მრავალმხრივ მკვეთრი გარდატეხით აღინიშნება.

ქვეყნის სამეურნეო და კულტურული ვითარების ერთი ყველაზე უფრო აუვალსაჩინოდ ამსახველი დარგი ნივთიერი კულტურისა არის საკმე და ხუროთმოძღვრება. საინჟინრო და დეკორატიული ხელოვნება. ამ რიგის ძეგლები საკმაო რაოდენობითაა გამოვლენილი მცხეთის I — III სს. ნაშთებს შორისაც.

I — III სს. ნაგებობათა შორის გამოირჩევა ქვეითკირით ნაშენი აბანო არმაზისხევის შესართავთან, რომელიც 1937 — 1938 წლებში გაითხარა და, როგორც გამოირკვა, წარმოადგენდა პიტიაზშ-ერისთავების კარის აბანოს, სასახლის ერთერთ შემადგენელ ნაწილს. მას 1947 წელს გამოუჩინდა მომცრო და უარესად დატული ორეული ბაგინეთში, ე. ი. სამეფო რეზიდენციის, არმაზციხის სასახლის ნაგებობათა ანსამბლში. ეს აბანოები უნდა ჩაითვალოს, ერთი მხრივ, სამშენებლო კომუნალური საქმის, ხოლო მეორე მხრივ — სანიტარულ-ჰიგიენური კულტურის შესანიშნავ ძეგლებად. არმაზისხევის სასახლის აბანო ემსგავსება გვიანანტიკური დროის აბანოებს წინა აზიაში, ყირიმში და სხვ.

აბანოს გამოვლენას არმაზისხევთან მოჰყვა აღმოჩენა და გათხრა საკუთრივ სასახლის ნაშთებისა (1941 და 1945—1946 წწ.), ჭერჭერობით გამოვლენილია ქვეითკირის ნაგებობის ორი სენაკის თითქმის საძირკველამდე დასული ნანგრევები. შენობის მდიდრულობას მოწმობს აქა-იქ შემორჩენილი რამდენიმე დეტალი თლილი ქვის სამკაულისა (ჩუქურთმიანი სვეტისთავი, სვეტისძირი, ზღურბლი, კარისთავი, კარნიში და სხვ.). კედლების ამოყვანის წესით, საშენად ნახშიარ მასალითა და აგრეთვე სახურავი კრამიტით ეს ნაგებობა ზედმიწევნით ჰგავს აბანოს და ისინი ნამდვილად ერთდროული ჩანან. პირველად ან ნაგებობათა თხრისას იქნა მრავლად გამოვლენილი შენობის დასახურავად გამოყენებული კრამიტი.

სასახლისა და აბანოს შენობები დამწვარი, დანგრეული და შემდეგ საფუძვლიანად შემოძარცული გამოდგა. სასახლე თავის დროზე დამშვენებული ყოფილა მარმარილოს დიდ-პატარა ფაქიზი ქანდაკებებით.

არმაზისხევის სასახლის ანსამბლის დასახასიათებლად ისიც უნდა ითქვას, რომ აბანოს გარდა მას გვერდით ჰქონია დიდი მარანიც (გაითხარა 50-ოდე ქვევრი) და, რაც განსაკუთრებით თავისებური და საყურადღებოა, საოჯახო-საგვარე-

ულო სამარხავიც, რომელიც II — III საუკუნეებით თარიღდება. ეს უკანასკნელი შედგება ათიოდე, ფილაქვით ნაშენი თუ მთლიანი ქვისაგან გამოთლილი (ორი) სამარხისაგან. ორი მათგანი მოქცეული ყოფილა ქვითკირის ორსენაკიან ნაგებობაში, ამ სამარხავთან დაკავშირებული ჩანდა რამდენიმე ღრმად დაფლული თიხის ქილა თუ ქოთანის, რომლებშიც ფრინველთა ძვლები აღმოჩნდა. ეს საკულტო ნამარხები ჩანს.

ამრიგად, ჩვენ შეგვექმნა საკმაოდ ხელშესახები წარმოდგენა II — III საუკუნეთა ქართლის ანუ იბერიის მმართველი დიდკაცობის ერთერთი ჯგუფის სამყოფელის შემადგენლობა-განლაგების, ნაგებობათა კომპლექსის შესახებ. ამასთანავე, თავისთავადაც საფიქრებელია და ამ კომპლექსში შემავალი დიდი მარანიც გვანიშნებს, რომ პიტიახშთა სასახლეს მოსდგამდა და ექვემდებარებოდა საკმაოდ მძლავრი სამეურნეო ფართობი — მათ შორის ბალ-ვეენახშიც — როგორც მტკვრისპირა ტერასებზე და ფერდობებზე, ისე, ალბათ, რამდენადმე დაშორებულ ადგილებშიც.

საკუთრივ დღევანდელ მცხეთაში ორ ადგილას არის გამოვლენილი გვიანანტიკურ ნაგებობათა ნაშთები: ა) გორის ერთერთ ტერასაზე, სადაც მომდევნო. ხანის ნაგებობის აღსამართავად გამოუყენებიათ გვიანანტიკური იერის, თლილი ქვის დეტალები (იქაც სასახლე შეიძლება ვიგულისხმობთ); ბ) იმავე გორის კალთის ძირას, სადაც ჩანს ქვათლილებით ამოყვანილი კედელ-ბურჯი.




საქართველოში გვაქვს ამ ხანის ზოგი სხვა მეტ-ნაკლებად გათხრილი ძეგლიც.

ერთი ამათგანია ნოქალაქევი. აქ ციხე-სიმაგრის ნაშთებს შორის თავი იჩინა ერთმა ნაკვეთმა დიდი, სწორად მდგარი ფილაქვებით ნაშენი ძველი ზღუდისა, რომელიც კარგი ანტიკური ტექნიკით ნაგებს მოგვაგონებს. კედლის სისქე 2—4 მ უდრის, მასში ჩადგმულია ორი კოშკი და ორიც დულაბით ამოვსებული საომარი ბაქანი.

მეორეა უჯარმის ციხე, რომლის პირველად აშენებას ქართული წერილობითი წყაროები მიაწერენ ასფაგურ ქართლის მეფეს, ე. ი. ახ. წ. III საუკუნეს. თხრის შედეგების მიხედვით, ამ ციხის უძველეს, ძირითად ნაგებობებში მკაფიოდ არ გამოირჩევა ორი სამშენებლო პერიოდი: ყველაფერი თითქოს ერთობლივ მოფიქრებული, დაგეგმილი და განხორციელებულია. უჯარმის ციხის უძველეს ნაშენობას მივიჩნევთ გვიანანტიკური დროის (აღრეფეოდალურის მხოლოდ დასაწყისის) ქართული ციხეთმშენებლობის ერთერთ ნიმუშად, რომელსაც ახასიათებს: ქვითკირის წყობა (დულაბის ჯერ კიდევ ზომიერი გამოყენებით); ათასობით მკირე, ბრტყელი. წესიერად მოჭრილი და მკაცრი ჰორიზონტალობით ნაწყობი ქვათლილისაგან შემდგარი პერანგი; დიდრონი, ნალისებრთალიანი კარსაკმელი და, ჩანს, ღია აივნები ზღუდეში მრავლად დატანებულ კოშკებში; კოშკების სწორკუთხოვანი განივკვეთი, ქონგურებიანი თავები და სხვ. კოშკები იმავე დროს ბინებიც ყოფილა და, კერძოდ, მეფის ადგილსამყოფელიც არსებობდა ასეთსავე, ოღონდ უფრო ფართო კოშკს წარმოადგენს (მღრ. თანამედროვე მთიელთა კოშკები). ხაზგასმით აღსანიშნავია, რომ ისინი დიდრონი ბრტყელი, გვერდებაკეცილი და ღარისებრი კრამიტით ყოფილან გადახურული. ეს გარემოება უჯარმის ნაშენობას ძალიან უახლოვებს მცხეთის გვიანანტიკურ ნაგე-

ბობებს. საერთო არქიტექტურული იერით უჯარმის ციხე ძალიან თავისებური ჩანს, თუმცა ეგებ იმიტომაც, რომ ასე მთლად შენახული იმდროინდელი ციხე სხვაგან არსადა გვხვდება საქართველოში. არმაზციხის ზღუდესთან უჯარმის ზღუდე-კოშკებს ისიცა აქვთ საერთო, რომ, როგორც ს. ჯანაშია აღნიშნავდა, აქ ჯერ კიდევ მკაფიოდ ჩანს მონათმფლობელური ეპოქის მშენებლობისათვის ჩვეული დაუზოგაობა არათავისუფალ ოსტატთა შრომისა: კედლები უკვე ქვითკირითაა ამოყვანილი, მაგრამ მათ მოპირკეთებაზე დიდძალი დრო და ენერგია არის დახარჯული.

სრულიად უნიკალურად გამოიყურება (და ბევრი რამით უფრო წინააზიურ-ნესოპოტამიურ ძეგლებს მოგვაგონებს) მესამე ნიშეში, რომელიც აგრეთვე გვიანანტიკურსა და აღრეფეოდალურ ხანას მიეკუთვნება, მაგრამ რომლის ძირითადი ხერხემალი, ჩანს, სწორედ გვიანანტიკურ ხანაშია აღმართული. ეს არის ძველ ქართულ წერილობით წყაროებში კარგად ცნობილი ქალაქის, ურბნისის თხრილშემოვლებული ზღუდე. აქაური ქალაქური სამოსახლოს ნაშთების მხარდამხარ ეს უკანასკნელი — საცხოვრებელი თუ სამეურნეო ნაგებობანი — მტკწილად მცირედმეტყველი, სახედაკარგული ნაშთებითაა წარმოდგენილი. გათხრილია რიყის ქვით ნაწყობ კედელთა ძირები და საძირკვლები და ჭერჭერობით ერთადერთი დიდი, ქვითკირის შენობის ნანგრევი, ხოლო მათ შორის — სხვადასხვა სამეურნეო მოწყობილობის, კურკლის და კერათა ნაშთები. ზღუდეზე შემონახულია ალიზით ნაგები სქელი კედელი, რომელსაც ძირს, არმაზციხის ანტიკური ალიზის ზღუდისაგან განსხვავებით, რიყის ქვის ფენილი უგია (ისიც ზოგან) და არა თლილი ქვა. კედელში ალაგ-ალაგ დატანებულია საქმადო ნაღალი და ფართო სათავსოები, თავის დროზე, ჩანს, ბანურად გადახურული. ზღუდეში ჩართული ეს კოშკები ერთიმეორეს უკავშირდება კედელში დატანებული, გასწვრივი სავალებით, რომელთაც ალიზითვე ამოყვანილი კუთხოვანი თაღური თხემები აქვთ. გარდა ამისა, კოშკების გარეთა კედლეებში დატანებულია მომცრო საპკრეტ-საკრემლები, რომლებიც გარეთკენ იშვინებებიან. ორ მოპირდაპირე ადგილას ზღუდის ქვეშ შემოდის დიდრონი ფილაქვებით ნაშენი, გადახურული არხები. ალიზის ზღუდე საგრძნობლად გაძლიერებულია ზედ მოყრილი მიწით. ეს უკანასკნელი შეადგენს ქალაქის დაცვის სისტემის ტიპურსა და არსებით ნაწილს, რომელიც მით უფრო აუცილებელი იქნებოდა, რომ ქალაქი ურბნისის მდებარეობდა შიდა ქართლის ერთერთ ვაკე ზეგანზე, და, მტკვრის ფლატეს გარდა, ყველა მხრივ ძალიან ადვილად მისაწვდომი იქნებოდა. ზღუდე-თხრილს შეუვალობას შემატებდა საშიშროების შემთხვევაში თხრილის წყლით ავსება, რაც ადვილი იქნებოდა, იმიტომ, რომ სწორედ აქ ჩამოდის ღრბებიდან გამოყვანილი ძველი ღონიერი რუ, რომელიც ურბნისამდე ჩამოვილის სოფ. რუისზე. საფიქრებელია, რომ ეს სოფელი თავდაპირველად წარმოადგენდა ურბნისის სამიწათმოქმედო გარეუბანს, რომლის მოსახლეობაც ქალაქს აწვდიდა მემინდვრობის, მეხილეობის, მევენახეობის, მესაქონლეობის ნაწარმს (რის ნიშნებიც უხვადაა აღმოჩენილი ნაქალაქარის თხრისას) და თან საშიშროებისას თავს აფარებდა ქალაქის ვალავანს. მოსაზრებას ურბნისის ზღუდის გვიანანტიკურ ხანაში აღმართვის შესახებ აძლიერებს ის გარემოება, რომ თვით ქალაქის ნამოსახლარი ნაშთების თხრისას იქ უკვე მკაფიოდ გამოიყოფა ანტი-



კური (უფრო—გვიანი, მაგრამ აგრეთვე აღრეული) ფენები, ხოლო ზღუდის ძირითადი ნაწილი მკიდრად უკავშირდება ამ ფენებს.

ამრიგად, გვიანანტიკური დროისა თუ მაშინ ჩასახული ციხე-ქალაქების უკვე რამდენიმე ვარიანტთან გვაქვს საქმე საქართველოში (არმაზციხე, ნოქალაქევი, უჯარმა, ურბნისი).

ყველა აქ განხილული ძეგლი საკმაო წარმოდგენას გვიქმნის საცხოვრებელ თუ სამაგარ ნაგებობათა მშენებლობის მაღალი დონის, საინჟინრო თვალსაზრისით კარგად, პირობებისამებრ სხვადასხვაგვარად გააზრებულობისა და არქიტექტურულად კარგად გაფორმებულობის შესახებ. აშკარაა, რომ ამ საქმეში უკვე დიდი, საუკუნოებრივი ტრადიციები მიუძღვით წინ ამდროინდელ მშენებლებს (ამ მხრივ თუნდაც „ბაგინეთ-არმაზციხე I“ მშენებლობის გამოცდილებას რაღა ღირს!).

გვიანანტიკური საქართველოს ხუროთმოძღვრებისა და სამშენებლო საქმის თავისებურ ძეგლებად უნდა ჩაითვალოს ის მრავალრიცხოვანი ნაგებობები, რომლებიც მცხეთაში სწორედ ძვ. წ. მიწურულში ჩნდება. ხოლო I — III საუკუნეთა მანძილზე ნამდვილად საყოველთაოდ არის გავრცელებული მცხეთაშიც და მის გარეუბნებშიც. ეს ითქმის ჩვეულებრივ, მცირე, ყუთისებრ შეკრულ სამარხებზედაც კი და, მით უმეტეს, ისეთ დიდ, ნამდვილ ნაგებობათა სახით აღმართულ აკლდამებზე, როგორც აღმოჩნდა ბაგინეთ-არმაზციხეში 1947 წელს და სადგურ მცხეთასთან 1951 წელს. ეს უკანასკნელები, ჩანს, იმეორებენ იმდროინდელ დიდი არქიტექტურის (საერო თუ საკულტო ნაგებობათა) საერთო ფორმებსა და მშენებლობის წესებს და, მაშასადამე, უნდა ჩაითვალოს სწორედ ასეთი არქიტექტურის ნამდვილ ძეგლებად.

განსაკუთრებული ყურადღებას ღირსია მცხეთის სადგურთან აღმოჩენილი და გათხრილი აკლდამა. იგი ჩადგმულია ფერდობზე ამოჭრილ ქვაბულში, ისე რომ წინ დატოვებული აქვს ეზო. ეზოცა და აკლდამაც ქვა-თიხით ამოყვანილი გალავნით არის შემოზღუდული. ეზოს კუთხეში დაუმარხავთ უბელო ცხენი. თვით აკლდამა წარმოადგენს სწორკუთხოვან სამარხავ სენაკს, რომლის შიდა მოცულობა 10 კუბ. მეტრს უახლოვდება. კედლები აგებულია ქვითკირით და შემოსილია ქვიშაქვის დიდრონი თლილი, ერთიმეორეზე მკიდრად მორგებული ფილებით. აკლდამა გადახურულია ქვის თლილი რკალისაგან შედგენილი ნახევარწრიული კამარით. იატაკად დაგებულია სხვადასხვა ზომის სწორკუთხოვანი ფილები. წინა ფასადი დაგვირგვინებულია ფრონტონითა და მარტივი, მაგრამ კოხტა კარნისით. კარს საპირე აქვს. შიგ მკიდრად იყო გაჭედილი მთლიანი სქელი ფილაქვა-ფასადის კვადრები არც ტოლებია, არც ერთგვარი მოყვანილობისა და არც პარალელური. ამ მხრივ (და აგრეთვე ჰორიზონტული კარნისის უქონლობით) ფასადი ძალიან უახლოვდება მერმინდელი ქართული ძეგლების ფასადებს და, პირიქით, განსხვავდება ბერძნულ-რომაული ხუროთმოძღვრებისათვის დამახასიათებელი ფასადებისაგან, თუმცა ზოგი რამით აკლდამა მოგვაგონებს ჩრდილო შავიზღვისპირეთისა თუ ხმელთაშუა ზღვის ქვეყნებში გამოვლენილ ანტიკურ — უფრო ზუსტად, ელინისტურ — აკლდამებს. ფასადის შემადგენელ ქვებს ემჩნევა ხუთნაირი ხელსაწყოს კვალი, ასე რომ, ქვის ზღა

დიდად დიფერენცირებული იარაღებით უწარმოებით (ასევე გულდაგულ და-
მუშავებული და ზუსტად გამოთლილია მცხეთისა თუ სხვა ადგილების ზევრა
მდიდრული ქვისსამარხის შემადგენელი ფალაქები და განსაკუთრებით კი არ-
მაზისხევის № 7 სარკოფაგი და შიგ მცხეთაში 1958 წელს აღმოჩენილი სარკო-
ფაგი, რომლებიც უნდა ჩაითვალოს იმდროინდელი, II საუკუნის ქვისმთლელო-
ბის საუკეთესო ნიმუშებად). აკლდამის შიდა კედლები შელესილია მოვარდის-
ფრო, სინესტეგამძლე ხსნარით. აკლდამის ქერი წარმოადგენს ნახევარწრიულ
თაღს, რომელიც უნდა ჩაითვალოს უძველეს დათარიღებულ თაღად (I ს.) ქარ-
თული ხუროთმოძღვრების ისტორიაში. სახურავს ზედ აფარია სქლად მოსხმულ
კირში ჩაფლული დიდრონი კრამიტი — ბრტყელი და ლარისებრი. ამრიგად,
პირველად გვაქვს საქმე კრამიტის ნამდვილსა და მთელ სახურავთან, რაც ზედ-
მიწევნითი დადასტურებაა ბერძენი გეოგრაფის სტრაბონის (ძვ. წ. I—
ახ. წ. I სს.) ცნობილი ნათქვამისა იბერიაში „ხუროთმოძღვრების წესისამებრ
აგებული“. შენობებისა და, კერძოდ, კრამიტით დაბურულობის შესახებ.

ამრიგად, ჩვენ წინაშეა პირველხარისხოვანი არქეოლოგიური და არქიტექ-
ტურული ძეგლი, რომელიც თარიღდება ახ. წ. I საუკუნის მიწურულთ. იმ-
დროინდელი მთლიანად შეპირჩენილი შენობა ჩვენში ამის მეტი ჯერ არსად
აღმოჩენილა.

მეორე მხრივ, მოგვეპოვება გამოქვაბულების უაღრესად საყურადღებო
კომპლექსი უფლისციხეში (ტაბ. XXVI, 4), რომლის გამოქვაბულთა უმნიშვნე-
ლოვანეს ნაწილს ზოგი მკვლევარი ანტიკურ ხანას მიაწერს. საერთოდ კი კლდე-
ში გამოქვაბულთა კეთა ჩვენში ძველისძველი ტრადიციების მქონე დარგი ჩანს
სამშენებლო ხელოვნებისა, ისევე როგორც სამხრეთით მდებარე, ჩვენი მონა-
თესავე მოსახლეობისა და ძველი კულტურის ქვეყნებში.

გამოქვაბულთა ერთერთი ჯგუფის შუაგულში გამოკვეთილია დარბაზი,
რომელსაც ნახევარწრიული თაღოვანი ქერი აქვს, ხოლო ამ უკანასკნელზე გა-
მოუყვანიათ კესონები — ჩაღრმავებული რვაკუთხედები. ეს დეკორი (ისევე
როგორც სომხეთში, გარნისში გათხრილი იმავდროული ტაძრის წყობა და დე-
კორი) მოგვაგონებს II — III საუკუნეთა რომაული ხუროთმოძღვრების ზო-
გიერთ ძეგლს, მაგრამ კესონების შვეული განლაგებით განსხვავდება მათგან.
აგრეთვე ადგილობრივი ხუროთმოძღვრების წესის გამოვლინებად არის მიჩნე-
ული ის, რომ გარეთა ფასადზე რომაულისათვის ჩვეული ფრონტონი თაღისა
და სიბრტყის მიჯნაზე ძვეს. ამ გამოქვაბულის პირდაპირ, კლდეში ორ წყებად
გამოკვეთილია სკამები. ყოველივე ამის გამო შესაძლოა ითვლებოდა, რომ აქ ჩვენ
სათეატრო დარბაზთან გვქონდეს საქმე, მით უმეტეს, რომ ბერძნულ-რომაულ
წყართთა მიხედვით, ანტიკურ კოლხეთშიც (ქ. აფსარში) ყოფილა თეატრი და
ანტიკურ სომხეთშიც (ქ. არტაქსატაში). კესონებით დაშვენებული ქერი უფ-
ლისციხის რამდენსამე სხვა დიდ გამოქვაბულ დარბაზსაცა აქვს და ეს კესონები
ზოგჯერ ხის გადახურვის მიზანვით გამოკრილ „ძელებს“ შორის არიან მოქცეუ-
ლი. ერთგან არქიტრავეული გადახურვა და კუთხის პილასტრები ჩანს. შეიმჩნე-
ვა დეკორაციული მოხატულობის კვალიც. გამოქვაბულში მკაფიოდ იგრძნობა
ძველი ადგილობრივი, ხის ნაგებობათა აღნაგობით ნაკარნახევი კლდეში გა-
მოკვეთილი ფორმები („ძელები“, „გვირგვინები“ და სხვ.) ნახვასასმელია, რომ

უფლისციხეში სწორედ ქართული „დარბაზის“ ტიპის გამოქვამულები ქარბობს და რომაული გავლენა უფრო ისეთი სპეციფიკური დანიშნულების ნაგებობას ეტყობა, როგორც არის „თეატრი“ — საფიქრებელია, თავისთავადაც რომაული გავლენის შედეგად აღმოცენებული გვიანანტიკურ ქართლში.

მცხეთაში თუ სხვა ადგილებში ამონათხარ მშენებლობის ძეგლთა შორის სპეციალისტების საგანგებო ყურადღებას აპყრობს კრამიტი, რომელიც მრავლად მოიპოვება სამარხთა შედგენილობაშიც, ნაგებობათა ნახანძრალ-ნანგრევთა შორისაც და კულტურულ ფენებშიც. სტრაბონის თხზულების თარიღი და სამთავროში ქვევრსამარხებთან კრამიტის თანაარსებობის ფაქტი მცხეთაში კრამიტის წარმოების საწყისს უფრო აღრეულ ხანაში გვაგულისხმებინებენ და აშკარაა, რომ არც აქ (ისევე როგორც კრამიტით დაბურული აკლდამის შემთხვევაში) მოგვიხდება რომაული მშენებლობის წესის გავლენის შესახებ მსჯელობა. მცხეთურ კრამიტებზე ამოჭრილი ნიშნების სრული იგივეობა ამ ძველი დიდი ქალაქის სხვადასხვა უბნებსა თუ გარეუბნებში იმას მოასწავებს, რომ ისინი ერთისა და იმავე სახელოსნოების ნაწარმაა.

ამასთანავე უნდა აღინიშნოს, რომ კრამიტი — ყოველ შემთხვევაში, მრავლად — „დიდი მცხეთის“ გარდა არც თუ ისე ბევრ ადგილას არის აღმოჩენილი გვიანანტიკური დროის ძეგლთა შორის. აღმოსავლეთ საქართველოში დავასახელებთ გორის ციხეს, ურბნისსა და უჯარმას, სადაც ნაგებობათა ნაშთებში თუ სამარხებში გვხვდება კრამიტი, ხოლო დასავლეთში — ბორს. ადვილი შესაძლებელია, რომ კრამიტის წარმოება და გამოყენება უმთავრესად ქალაქ ადგილებში ყოფილიყო გავრცელებული იმდროინდელ საქართველოში, რაც შეეხება ბორს, იგი პიტიანშთა რეზიდენცია მაინც. იყო, ციხე-ქალაქ შორაპანთან ახლოს მდებარე.

ასე გამოიყურება, არქეოლოგიური მასალების მიხედვით, I — III საუკუნეების საქართველოში ხუროთმოძღვრებისა და სამშენებლო საქმის, როგორც საერთოდ მეურნეობის, ნივთიერი კულტურისა და კერძოდ საქალაქო-კომუნალური კულტურის ერთი ყველაზე უფრო არსებითი დარგის, ვითარება.

მრავალრიცხოვანი და მრავალფეროვანი სამარხეული ინვენტარის გაცნობა საშუალებას გვაძლევს სხვა მხრივაც მივუღდეთ კულტურის შესწავლა-დახასიათებას და შევიქმნათ წარმოდგენა იმდროინდელ საქართველოში ხელოვნური წარმოების სხვადასხვა დარგების შესახებ. უპირველეს ყოვლისა იმ დარგების ნაწარმა უხვად წარმოდგენილი, რომლებიც მხატვრული განხრით მუშავდებოდნენ, ვინაიდან თვით დაკრძალვის წესის თავისებურებებს გამო სამარხეულ ინვენტარში უმეტესწილად სწორედ ასეთი ნივთები გავრცელებული. ეს დარგებია: ლითონის ჭურჭლისა თუ სხვა მსგავსი საგნების დამზადება, მცირე ქანდაკება, ოქრომკვედლობა, მინის ჭურჭლისა თუ სხვა საგნების დამზადება, კერამიკული წარმოება. ძირითადი მასალა აქაც მცხეთის სამარხვნიბიდან მომდინარეობს, მაგრამ ბევრი რამ სხვა (განსაკუთრებით კი დასავლეთ საქართველოს) სამარხვნიბების წყალობითაა ჩვენთვის აგრეთვე ცნობილი. მეორე მხრივ, ბოლო ხანებში გაჩნდა ნამოსახლართა თხრით გამოვლენილი მასალაც.

ყველაზე უფრო გავრცელებულია ოქრომკვედლობისა და პატინისან თევალთა გათლა-დამუშავების ხელობის ნაწარმი. „დიდი

მცხეთაში“ გათხრილ-შესწავლილ სამარხთა ინვენტარში ოქრომქედლობის ნაწარმი ვრცელდება შედარებით გვიან, ძველი წელთაღრიცხვის მიწურულში (ქვეერსამარხებში). უფრო ძველი, ადრეანტიკური თუ მანამდელი ჩვენი ოქრომქედლობის შესახებ წარმოდგენას ვიქმნით სხვა კუთხეებში (თრიალეთი, ახალგორი, ვანი, ნოსირი და სხვ.) აღმოჩენილი მასალის მიხედვით.

იშვიათი გამოჩაყლისის გარდა, საქმე გვაქვს სამკაულთა, რომელიც მეტწილად სადიაცოა, მაგრამ საკმაოდ ხშირად გვხვდება მამაკაცთა სამარხებშიც. შეძლებულთა სამარხების ინვენტარისათვის დამახასიათებელია: თვალედი ბეჭდები, საყურეები და სამაჯურეები, ზოგჯერ აგრეთვე ყელსაბამები, გულსაკიდები (ტაბ. XXVIII, 2, 5, 7), ნაირ-ნაირი საკიდები და მძივები, აბზინდები, დიადემები, დასაკრძალავი ფურცლოვანი გვირგვინები („ხოირები“) ავგაროზები, ჩამოსაკიდი ფიგურები, ქსოვილზე დასაყერებელი კილიტები, მოწქარუნე ფირფიტები თუ საკიდები, პირსათარეშო ლამბაქები და სხვ. ოქროს გარდა, ზოგი ამ სამკაულთაგანი კეთდება ვერცხლისა, ბრინჯაოსი და რკინისაყ კი (მაგ., ბეჭდები). საყურადღებოა, რომ იმდროინდელი მცხეთის სამარხებში თითქმის სრულიად არ ჩანს საყინძები და, კერძოდ, მშვილდსაყინძები (ფიბულები), ხოლო დასავლეთ საქართველოში ეს უკანასკნელები მრავლადაა. ეტყობა, აქ ტანსაცმლის რაგვარობაშია საქმე და დასავლეთში უფრო ადრე გავრცელებულა ფიბულებით შესაბნელი სამოსელი.

ოქროს არასამკაული ნივთებიდან აღსანიშნავია სვანეთში, ხაიშში აღმოჩენილი ერთი ფრიად თავისებური, რთული და საინტერესო საგანი — სახლისა და უფრო კი მისი ცაღაქნილი სახურავისა და სხეულის პატარა მოღელი, აღამიანთა (მათ შორის მოსაყარავის) და ფრინველთა ქანდაკებით დამშვენებული.

ოქროს ნაწარმის ესოდენი სიმრავლე და აშკარად ადგილობრივი იერი იმას ნიშნავს, რომ ჩვენში ძალიან უხვად მოიპოვებოდა და მუშავდებოდა ოქრო და რომ ის, მცირე ოდენობით მაინც, ზოგჯერ მისაწვდომი ყოფილა არც თუ ძალიან მდიდართათვისაც კი. ეს საკვებით ბუნებრივია, თუ გავითვალისწინებთ საქართველოს ზოგიერთი მდინარის ქვიშის სიმდიდრეს ოქროთი, რამაც ჯერ კიდევ ადრეანტიკურ ხანაში გაუთქვა უცხოეთში სახელი ჩვენს ქვეყანას და უფრო კი დასავლეთ საქართველოს.

ამასთანავე, ოქროს სამკაულის დაკვირვებით შესწავლა არკვევს, რომ ისინი ბევრ სხვადასხვა კუთხეში უკეთებით და არა თითო-ოროლა ცენტრში, თუმცა ამ საქმის ძირითადი ბუდე უნდა ყოფილიყო ქართლის დედაქალაქი და ვაჭრობა-ხელოსნობის უდიდესი ცენტრი — მცხეთა.

ოქროს სამკაული, ჩვეულებრივ, რთული აგებულებისაა. განსაკუთრებით ითქმის ეს პოლიქრომულ, ე. ი. სხვადასხვაფერი თვლებითა და ზოგჯერ აგრეთვე მინანქრით დამშვენებულ ნივთებზე. მრავალგვარი ტექნიკური თუ მხატვრული ხერხია ნახმარი ამ სამკაულთა სხვაფრივ დამშვენებისთვისაც: „ცვარა“ ანუ „გავარსი“, „ცრუ-ცვარა“, „გრეხილური“, „წნული“ და სხვ. განსაკუთრებით რთული და ფაქიზი აღნაგობა აქვთ ოქრომქედლური ფისტატობისა და მცირე ხელოვნების ისეთ შედეგებს, როგორიცაა: არამზისხევის ერისთავთა განსასვენებლის სამარხებში, აღმოჩენილი ორი გულსაკიდი და წნული სამაჯური, ტახის

პაწია ქანდაკება (ავგაროზი), ასპარუგის სარტყლისა და დიადემის ბალოები; ბო-
რის სამაჯურები, ბორისა და ახალსოფლის ბალოები; თავილონის ირმის თავი;
ხაიშის „სახლი“ (ტაბ. XXVIII, 6); ურეკის კოლოფისებრი ბალოები; კლდეეთის
ოქროს გემშიანი აგრადი და სხვ. საზგასამელია სწორედ პოლიქრომია, რომელიც
ისე ჭარბად არის წარმოდგენილი, რომ უდავო ხდება არსებობა ადგილობრივი,
მოწიფული ოქრომპყვლელი სკოლისა, რომელიც ქმნის პოლიქრომული სტილის
ნამდვილ მხატვრულ შედეგებს. ეს სკოლა აღმოცენებულია ძველისძველი
ტრადიციების ნიადაგზე, მათი ორგანული განვითარების შედეგად. მას, რა თქმა
უნდა, ზოგი რამ შეძენილი აქვს უცხოური ოქრომპყვლობისაგანაც — უმთავ-
რესად პატიოსან თვლებზე სხვადსხვა გამოსახულებათა ამოკვეთის მხრივ. აღ-
სანიშნავია დეით თვლების გამოსათლელად ნახმარი მინერალური მასალის დი-
დი მრავალფეროვნება, რაც ნშირად აღმოსავლურ იმპორტზე მიგვითითებს
(ზურმუხტი, საფირონი, ალმასი, ლალი, ნეფრიტი და სხვ.). საუკეთესო კამეა-გე-
მების (მეტწილად სარდიონის და აგრეთვე ლალისა თუ ამეთვისტოს თვლებზე
ამოჭრილთა) მაგალითებად შეგვიძლია დავასახელოთ: ასპარუგის პორტრეტი,
აქტიონის დაღუპვის სცენა, ძაღლის გამოსახულება და ახალგაზრდა ქალის
პროფილი (არმაზისხევი); დიდკაცის პორტრეტი (კლდეეთი; ტაბ. XXVIII, 3);
დიდკაცის პორტრეტი (ციხისძირი) და სხვ. ზოგი გამოსახულების შინაარსი და
ამოკვეთის მანერა გვაფიქრებინებს, რომ ეს გემმა-კამეები ან პირდაპირ შემო-
ტანილია ბერძნულ-რომაული კულტურის ქვეყნებიდან, ან არა და იქაური ნი-
მუშების მიხედვითაა აქ ამოჭრილი, აქაური ოსტატების მიერ. ამ მხრივ უფრო
სარწმუნოა რამდენიმე პორტრეტული გემმა, რომლებიც ჩვენშივე უნდა იყ-
ვნენ გაკეთებული. ამ პორტრეტების მხატვრული იერის თავისებურება ისაა, რომ
ისინი არ არიან პლასტიკური.

პორტრეტული გემმები ერთგვარ შუქს ჰფენენ ნივთიერი კულტურის ისეთ
მხარეს, როგორიცაა ჩაცმულობა და მორთულობა, მათზე გამოხატულთა სახის
ნაკვეთებზე რომ აღარა ითქვას რა. კერძოდ, ჩანს, რომ არისტოკრატ მამაკაცებს
თმა-წვერ-ულვაში საკმაოდ გრძლად გაშვებული უტარებიათ (ტაბ. XXVIII, 3);
დედაკაცებს თმა ზემოთ ახვეული და ერთგვარი დიდი, მრგვალი ფიტიკანა
სამკაულის (მერმინდელი ქართული „თავაქალას“ და „დაბლას“ მსგავსის)
ირგვლივ შეკონილი ჰქონიათ. ტანსაცმელი მხართან შეიბნეოდა (თუმცა კი ფი-
ბულები ბევრგან არა ჩანს). სამოსლის ქვედატანისა და ფეხსაცმლის შესახებ ეს
გამოსახულებანი ვერაფერს გვეუბნებიან, მაგრამ არმაზისხევის ერთერთ სარ-
კოფაგში, ქალის სამარხში, აღმოჩენილია ფეხსაცმლის ლანჩები, საცობისებრი
მასალისაგან გაკეთებული. რამდენსამე იქაურსავე სამარხში და სადგურის აკლ-
დამაში მრავლად ნაპოვნი ოქროს კილიტები და ოქრომკედლის ნაწყვეტები წარ-
მოგვადგენინებენ მდიდრულად მორთულ საზეიმო წამოსახამებს თუ საგანგე-
ბო ცხედრისსაფარებს, ოქროს აბზინდები — ქალის მდიდრულ სარტყელსა თუ
მოსახამის შესაბნევს და ა. შ. დიდკაცების საზეიმო მორთულობას შეადგენს
ოქროსაბზინდიანი და ოქროსბალოებიანი სარტყლები (ტაბ. XXVIII, 1), ოქ-
როსქარქაშიანი თუ ოქროსტარიანი სატყერები, ზოგჯერ ოქროსი ან სხვა მასა-
ლის მძივები, დიადემები და საყურებიც კი. ბევრი ამ ნივთთაგანი დიდი თანამ-
დებობის პირის ნიშნებს ანუ ინსიგნიებს წარმოადგენს. დიდკაცთა ოჯახის წევ-

რი ქალების საზეიმო მორთულობა: ოქროს დიადემები, სამაჯურები, სამკლავ-რები, საწვივეურები, თვალედი საყურეები, ბეჭდები და სხვ. რაც უფრო დაბალ სოციალურ საფეხურზე დგას ადამიანი, მით უფრო ნაკლები და იაფფასიანი სამკაულით ისტუმრებენ მას „საიჭიოს“, ხოლო ბევრს ბრინჯაო-სპილენძის თი-თო-ორთა საყურე ან ბეჭედი თუ ახლავს თან, ზოგჯერ ოქროს ნიმუშების მი-ბაძვით გაკეთებული, რაც განსაკუთრებით საყურადღებოა.

სამკაულთა ზოგი ტიპი მცირეშეძლებულთა სამარხებში წარმოდგენილია, ვერცხლსა და ბრინჯაოს გარდა, რკინითაც. ეს განსაკუთრებით ითქმის ბეჭდებ-ზე. რკინის ბეჭდებს ვხვდებით: სამთავროში, არმაზისხევში, კლდეეთში, ურბ-ნისში და სხვ. მაგრამ საქმე ისაა, რომ მათში თითქმის ყოველთვის ჩასმულია სარდიონის თვლები, რომლებზედაც ესა თუ ის გამოსახულება ამოკვეთილი, ზოგჯერ საკმაოდ კარგა ხელობითაც კი. ეს გარემოება ხელს უშლის რკინის ბეჭდების მიინცადამიანც ღარიბულ ინვენტარად გამოცხადებას.

ოქროს რთული სამკაულის შემადგენლობაში ჩართული თვლების გარდა, მინერალური (ნაკლებ ძვირფასი) მასალა უხვადაა გამოყენებული დამოუკიდე-ბელი სამკაულის — მძივებისა და მძივსაკიდების დასამზადებლად. აქ ვხვდავთ უმთავრესად ისეთ მინერალებს (კვარცის ჭგუფისას), რომლებიც საქართველოს ბევრ კუთხეში ახლაც მოიპოვებიან (სარდიონი, ქალკედონი, აქატი, ოპალი, მთის ბროლი, გიშერი). განსაკუთრებით ითქმის ეს გიშერზე, რომლის წარმოებასა და საკმაოდ შორეულ ექსპორტს მრავალსაუკუნოვანი ისტორია აქვს საქართვე-ლოში („ოკრიბის ქვა“). ბუნებრივ მინერალებთან ერთად და უფრო მეტადაც კი იყენებენ ხელოვნურ პასტასა და შინას, სხვადასხვა ფერისა და აღნაგობისას. ამ რიგის სამკაულიდან (რომელიც ხშირად ალბათ შემოტანილია) აღსანიშნავია ნაირფერი მინის წვრილი ფირფიტებისაგან ოსტატურად, „ხალიჩისებრ“ შეთხ-ზული მოზაიკური მძივები. ასეთები ყველაზე მეტი კლდეეთშია აღმოჩენილი. საერთოდ კი მძივებისა და მძივსაკიდების რიცხვი ძალზე დიდია და შედგენი-ლობა — ფრიად მრავალფეროვანი.

ოქრომკვედლური ნაწარმისა და ქვისა თუ პასტა-მინის სამკაულის ასეთი სიმ-რავლე და სირთულე გვაფიქრებინებს, რომ მათ დამზადებაზე ისეთ სახელოს-ნოებს უნდა ემუშავნათ, რომლებშიც, გარდა მოწიფული ოსტატებისა, ჩაბმული იქნებოდნენ მრავალრიცხოვანი დამხმარე მუშაკებიც. ეს მძლავრი სახელოსნო-ები სახელმწიფოებრივი მნიშვნელობის, მეფის კუთვნილი დაწესებულებანი უნდა ყოფილიყვნენ და მათში მონური შრომაც უხვად იქნებოდა გამოყენებუ-ლი. მით უმეტეს, რომ, როგორც რომელი მწერლები გვამცნობენ, იბერია-ქართლის მეფეებს უხდებოდათ დიდძალი ოქროსი თუ ოქროთი შემოსილი საგ-ნების მიძღვნა დიპლომატიური საჩუქრების სახით (მაგ., ფარსმან მეორეს მიუერთმეფია რომის იმპერატორისათვის ოქროს საყარძელი და ოქროთი მორ-თული მრავალი წამოსასხამი).

აკად. გ. ჩუბინიშვილი არმაზისხევის პიტიახშთა სამარხების ოქროს „პირადი სამკაულობის“ ანალიზის შედეგად დაასკვნის, რომ ეს ნივთები ავსე-ბენ ქართული ხელოვნების განვითარების ერთერთ ეპოქას. მისი აზრით, გვიან-ანტიკური დროის საქართველოს მხატვრულ კულტურაში პირველი ადგილი სჭირია სწორედ იმ ნაკადს, რომელსაც ახასიათებს ოქროს ნივთები, ვერცხლის

ნივთებზე გაცილებით უფრო მრავალრიცხოვანი. მათში ასახულია თავისებური, არა ქანდაკოვანი, არამედ დეკორატიულ-მხატვრული სახეებით შთაგონებული ხელოვნება, რომელსაც ახასიათებს მკაფიოდ გამოხატული კოლორიტულობა — ბოლალავე ოქროსთან შეხამებული ფერადი თვლების კიაფი, პასტა თუ მინანქარი, ცვარა და სხვ. გაიკვლევა სათანადო ევოლუცია: პატიოსანი თვლების ჩართვა-ინკრუსტაცია — მინანქრის საწყისები არმაზისხევის II—III სს. სამკაული უფლებას გვაძლევს აღარ ვენდოთ თეორიას, თითქოს მინანქრის წარმოება IV—VI საუკუნეებში იწყება. არმაზისხევის ოქროს მოთვალული სამკაულის საერთო იერი ნებას გვაძლევს დაუუკავშიროთ ისინი საქართველოში ხელოვნების შემდგომ განვითარებას, ხოლო ამასთანავე მას ძველი ფესვები აქვს მშობლიურ მხატვრულ ტრადიციაში. ეს ძეგლები უნდა ჩაითვალოს იმდროინდელი ქართული ხალხური ხელოვნების გამოვლინებად, მით უმეტეს, რომ პიტიანშთა ნაქონი ზოგიერთი, შედარებით ნაკლებ ძვირფასი სამკაულის (საყურების, ბეჭდებისა და მარტივი სამაჯურების) ფრიალ მახლობელი ანალოგიები მოიპოვება იმედროულ, არც თუ ყოველთვის მდიდრულ სამარხებში; კერძოდ, სამთავროს სამაროვანზე, კლდეეთში, ახალგორში, თრიალეთსა, სარგვეშში და სხვაგან. მმართველი წრის წარმომადგენელთა გემოვნებას ამჟღავნებს საყოველთაო ანტიკური სამყაროსადმი მისაკუთვნიებული ხელოვნების ნაწარმი ნივთები და პირადი სამკაულის ცალკეული ელემენტებიც. პიტიანშთა ვერცხლეულის (სასუფრე და სხვ., მეტწილად დეკორატიული ჭურჭლის; ტაბ. XXIX) დიდი ნაწილი კი რომაულ-ელისტიური გემოვნებისაა და ოქროს სამკაულისაგან განსხვავებულ მხატვრულ მიმართულებას ასახავს. მათი ხასიათი ძირითადად რომაულ მხატვრულ კულტურას ეხმაურება, მაგრამ ნამდვილად შემოტანილთან ერთად, გვხვდება ადგილობრივი ნივთებიც.

უმთავრესად სწორედ ვერცხლის (და ნაწილობრივ აგრეთვე ბრინჯაოს) ჭურჭლეულით არის წარმოდგენილი ჩვენს სამარხეულ ინვენტარში ლითონის მხატვრული დამუშავების ნაწარმი. უნდა აღინიშნოს, რომ საერთოდ ვერცხლისა თუ ბრინჯაოს ჭურჭელი გვხვდება სამკაულზე გაცილებით უფრო იშვიათად, მხოლოდ სიმდიდრით გამოირჩეულ სამარხებში: არმაზისხევის პიტიანშთა სამარხავში ყველგან, განსაკუთრებით მრავლად — ბაგინეთის სარკოფაგში („მეფის ასულის“ ვერცხლეული), მცხეთის სადგურის აკლდამაში (ნატეხებიდა), სამთავროს ორიოდე უმდიდრეს სამარხში, ბორის მდიდრულ სამარხებში, კლდეეთის მდიდრულ სამარხებში, თაგილონის მდიდრულ სამარხში, ხაიშის მდიდრულ სამარხში, სტალინირის სამარხში, კვაშხიეთის სამარხში.

ამასთანავე, სტალინირისა და კვაშხიეთის სამარხებში აღმოჩენილი პინაკები შემკულია სევადით, რაც მცხეთის არც ერთ სამარხში არ შეგვხვედრია და რასაც საქართველოში აგრეთვე ძველისძველი ტრადიციები უჩანს. მეორე მხრივ კი კვაშხიეთის პინაკის დეკორატიული გარე წრე ზედმიწევნით ჰგავს ბერსუმა პიტიანშის სამარხში აღმოჩენილი ორი, „ცხენიანი“ პინაკისას.

ლითონის ჭურჭლეულში აშკარად გამოირჩევა ერთი წყება, რომელიც ადგილობრივ ნაწარმად უნდა მივიჩნიოთ, ისევე როგორც — კიდევ უფრო დანამდვილებით — სარეცლის თუ სავარძლის მოხარატებული, ვერცხლით შემოსილი ფეხები, რომლებიც დეკორის მოტივებით (სტილიზებული ფასკუნჯები,

კლანჭები, თვალ-ნისკარტები და სხვ.) თვალნაოლივ უკავშირდებიან ძველ, ჯერ კიდევ ბრინჯაოს ხანის ჩვენებურ დეკორატიულ საგნებს და აგრეთვე ურარტული ტახტებისა და სავარძლების ბრინჯაოს ფეხებს. ასეთებია: ბერსუმას დიდი ლანგარი, მისთვის მეფის მიერ ნაბოძები; მისსავე სამარხში აღმოჩენილი 3 პინაკი, რომელთაგან ერთზე არწივია ამოკაწვრით გამოხატული, ხოლო ორზე — სამსხვერპლოს წინაშე მდგარი ცხენი; ბორში აღმოჩენილი, ჰსეთივე ცხენიანი პინაკი; კვაშხეთში აღმოჩენილი პინაკი; ცხვრისა თუ მგლის თავით დაკვირგვინებული ტარების მქონე „აზარფეშები“; ყანწიანი ქალის ჰორელიფით დამშვენებული პინაკი (ტაბ. XXI X, 2) და სხვ.

საერთოდ, გვიანანტიკური საქართველოს საზოგადოების უმაღლეს წრეში გავრცელებულია ვერცხლისა და ბრინჯაოს შემდეგნაირი ჭურჭელი: პინაკები, ლანგარები, სურები (საღვინეთა, „ენახათა“ ტიპისა), „აზარფეშები“ ან, უფრო სწორად, ხელსაბანები, თასები, სასმისები, კოვზები, ჩაჩხები და სხვ. ამ ჭურჭლის დიდი უმეტესობა შემკულია რელიეფური, დაწნევით მიღებული, ამოღარული, ამოტიფრული და ამოკაწრული გამოსახულება-ორნამენტით. საკმაოდ ხშირად ვერცხლის ლანგარ-პინაკებზე ამოკაწრული ან ამოჩხვლეტილია წარწერები, რომლებიც გვაძნობენ ჭურჭელთა კუთვნილებას ან ბოძებას ამა თუ იმ დიდუცისათვის და ამრიგად ჩვენ წინაშე წარმოადგენენ მანამდე უცნობ ისტორიულ პირებსაც, ჭურჭლის პატრონებსა თუ მიუქებლებს („მეფე ფალდადი“, „პიტიახში ბერსუმა“, „ბუზმირ კეთილი პიტიახში“, ვინზე „მეფის ასული“ და ა. შ). ბევრი ჭურჭელი მართლაც უცხოეთიდან შემოტანილი უნდა იყოს. ასეთია, მაგალითად: არმაზისხევის პინაკი, რომელშიც პორტრეტულა ბიუსტია ჩაკრული (რომის იმპერატორისა?), მეორე პინაკი, რომელშიც ანტიონოს მედალიონია ჩაკრული (ერთი ასეთი მედალიონი, ბრინჯაოსი, ადრეც იყო შიგ მცხეთაში აღმოჩენილი), ბაგინეთის პინაკი, რომელშიც ჩაკრულია პორტრეტული ბარელიეფი (რომის იმპერატორისა?) და სხვ. საერთოდ, უშუალო რომაული იმპორტი თუ ძლიერი გავლენა ყველაზე უფრო ამგვარ ჭურჭელში და აგრეთვე ოქრო-ვერცხლის ფულში იგრძნობა.

ქ ა ნ დ ა კ ე ბ ა წარმოდგენილია ორნაირი ძეგლებით: ა) ქვისაგან გამოთლილი და ბ) ბრინჯაოსაგან ჩამოსხმული ამა თუ იმ გამოსახულებით. პირველ ჯგუფში განსაკუთრებით აღსანიშნავია არმაზისხევის პიტიახშთა სასახლის ნანგრევებს შორის აღმოჩენილი სამი ნატეხი სამი სხვადასხვა მომცრო ქანდაკებისა. ქვის მცირე ქანდაკებათაგან აღსანიშნავია აგრეთვე ლითონის ნივთების დამამშვენებელი ზოგიერთი დეტალი: არმაზისხევის პიტიახშთა სამაროვანზე აღმოჩენილი ოქროს გულსაკიდის კოლოფის ჭარქველში ჩართული, ამეთვისტოსაგან საუცხოოდ გამოთლილი ცხვრის თავი და ქვიშაქვისაგან ასევე გამოთლილი ცხვრის თავი კლდეეთის ბრინჯაოს „აზარფეშის“ ტარის ბოლოზე.

მეორე ჯგუფში უპირველეს ყოვლისა აღსანიშნავია მცხეთის სადგურის აკლამაში აღმოჩენილი, ბრინჯაოსაგან ჩამოსხმული ქანდაკება „მომღერალ-დამკვრელი“, დიდწვეტიანყურა კაბუკისა (ჩანს, ანტიკური დიონისური კულტისადმი მისაკუთვნილებელი ფიჯურისა), რომელიც რაღაცაზე წამოცმული ყოფილა თავის დროზე. ნამდვილად ძველი ქართული ხელოვნების ნაწარმოებია, ნეტწილად აგრეთვე კულტთან და დაკრძალვის თუ სხვა რიტუალთან დაკავში-

რებული ის მრავალრიცხოვანი მცირე ფიგურები, რომლებიც ხშირად გვხვდებიან სამარხებში და მეტწილად გამოხატავენ სხვადასხვა ცხოველებს, ჩვეულებრივ ქეშმარიტი მხატვრული ოსტატობით. შესრულებულთ (ჩიხვი, შველი თუ არჩვი, ცხვარი, თხა, ძაღლი, ხარი, ცხენი და სხვ.). ამ ქანდაკებათა ერთი წყება ავგაროზებადაა მისაჩნვეი. აღსანიშნავია, რომ ბრინჯაოს ასეთი ქანდაკებანი სრულიად არ გვხვდება უმაღლესი არისტოკრატიის კუთვნილ სამარხებში და სამაგიეროდ ხშირია ხალხთან უფრო ახლოს მდგარ ნაკლებ წარჩინებულთა სამარხებში. ისინი ორგანულად განაგრძობენ ადგილობრივ მკვიდრ, ჯერ კიდევ წინარეანტიკურ ტრადიციებს და სწორედ ხალხურ იდეოლოგიურ ფორმებს უკავშირდებიან და არა ანტიკური ქვეყნებიდან ნასესხებსა თუ შემოჭრილს. ბრინჯაოსგან ჩამოსხმულ ასეთ გამოსახულებათა შორის განსაკუთრებული ადგილი უჭირავთ ე. წ. „ბრინჯაოს ქართულ უძველეს ბალთებს“ (ტაბ. XXVI, 5), რომლებიც გავრცელებული არიან რაჭა-იმერეთშიცა და მესხეთ-ჯავახეთ-თრიალეთშიც, ხოლო, როგორც მთის რაქის სამარხებიდან მრავლად ამოთხრის შემდეგ გაპირკვა, ძვ. წ. III საუკუნიდან ახ. წ. III საუკუნემდე მოდიან. ამ ხნის განმავლობაში მათი განვითარების ოთხი საფეხური გამოირჩევა. ბალთები ქვირთულია და მათზე შუაში ამობურცვით გამოსახულია სხვადასხვა ცხოველები (ირემი, ცხენი ან ხარი, აგრეთვე ძაღლი, ნუკრი, კეცი და სხვ.). ამ გამოსახულებათა შინაარსი ძალიან საყურადღებო რელიგიურ წარმოდგენებს უკავშირდება. მათ ძლიერ უახლოვდება კლდეებში აღმოჩენილი ბრინჯაოს ბალთა, რომელიც ცხენოსანს გამოხატავს. საინტერესოა, რომ 1954 წელს ურბნისში აღმოჩნდა მსგავსი გამოხატულებით (ნუკრებიანი ირემი) დამშვენებული კრამიტიც, რომელიც შეიძლება გვიანანტიკური დროის მიწურულს მიეკუთვნოს.

უნდა აღინიშნოს, როგორც ლითონის ფაქიზ ქანდაკებათა ნიმუშები, არმაზისხევეში აღმოჩენილი ტახი (ოქროსი, ავგაროზი), თაგილონში აღმოჩენილი ქორბუდა ირმის თავი (ოქროსი), ხაიშში აღმოჩენილი „სახლი“ (ოქროსი) და ბორში აღმოჩენილი ხარის მცირე გამოსახულება (ბრინჯაოსი).

ჩვენ ხელთ არსებულ მასალაში მხატვრული ხელოსნობის კიდევ ორი დარგია წარმოდგენილი უხვად: მინისა და თიხის ქურჭლის წარმოება.

მინის ქურჭელი სწორედ I საუკუნიდან იქცევა ჩვენში სამარხეული ინვენტარის ერთერთ არსებით და თითქმის აუცილებელ შემადგენელ ნაწილად, მეტ-ნაკლებ შექმლებულთა სამარხებში მინც. მისი დიდი ნაწილი საგანგებოდ დაკრძალვის რიტუალისათვის განკუთვნილი თუ არა, მასთან მჭიდროდ დაკავშირებული მაინცა ჩანს. ესაა სხვადასხვა ზომის (მინიატურულიდან დაწყებული ვიდრე 200 — 300 კუბ. სმ ტევადობამდე) და სხვადასხვა მოყვანილობის სანელსაცხებლები ანუ „ბალზამარიები“. არის ცოტაოდენი სასმისეზიც. მინის ქურჭლის განსაკუთრებით საინტერესოა და მრავალფეროვან კოლექციას იძლევა სამთავროს სამაროვანი, სადაც ათეულობით ბრწყინვალე ნიმუშია მოპოვებული. საკმაოდ ნაირ-ნაირია. მინის ფერიც. ყურადღებას იპყრობს, როგორც საქართველოსათვის ფრიალ იშვიათი: ა) მუქი ლურჯი, მაღალხარისხოვანი მინის ორი თეფში და ლამბაქი, აღმოჩენილი მცხეთის სადგურის აკლამაში (ახ. წ. I ს. მიწურული); ბ) თეთრი მინის მალალი, გარედან ნახეხი ფოსო-

ებით დამშენებული სასმისები, აღმოჩენილი იმავე აკლდამაში და აგრეთვე კლდეეთსა და ურბნისში (ახ. წ. II ს.).

დიდი მცხეთის გარდა, I — III სს. სამარხები მინის ქურქელს შეიცავენ აგრეთვე: ბორში, კლდეეთში, ურეკში, ურბნისში, გორში და სხვ; იმავე დროის ნამოსახლარის კულტურული ფენა — ურბნისში.

ამ მინის ქურქულელის მნიშვნელოვანი ნაწილი იმპორტული ჩანს, მათი პირვანდელი ნიმუშები მაინც, ვინაიდან ჩვენში გავრცელებული ფორმების დიდი უმეტესობა ცნობილია რომაული გავლენის სფეროში შემავალ მრავალ ქვეყანაშიც, ბოსფორის სამეფოდან ეგვიპტემდე და ჰოლანდიამდე. მერე და მერე კი აქვე უნდა დაეწყოს მინის ქურქელის გამობერვა, ერთხანს უცხოური ფორმების მიბაძვით, ხოლო შემდეგ (IV საუკუნიდან) — უკვე საკუთრივ გამოშუშავებული ფორმებისაც, რომლებიც განსაკუთრებით მრავლადაა მცნეთაში. ამასთან დაკავშირებით დიდად საყურადღებო ჩანს ურბნისის ნაქალაქარის გვიანანტიკურ ფენაში აღმოჩენა მინის ორი უფორმო ზოდისა, რაც მინის წარმოებაზე უნდა მიგვითითებდეს.

კერამიკული ნაწარმი თითქმის მუდმივი შემადგენელი ნაწილია სამარხეული ინვენტარისა. გამოხატვის შეადგენს მხოლოდ სამთავროს თითო-ორი უმდიდრესი სამარხი და არმაზისხევისა და ბაგინეთის მდიდრული სამარხები, სადაც მრავლადაა ლითონის ქურქელი. მეორე მხრივ, მდიდრულ სამარხთა შორის აშკარა გამოხატვის წარმოადგენს მცხეთის სადგურის აკლდამა, რომელშიც ბლომად იყო თიხის ჯამები (ძლიერ მსგავსი თრიალეთის ზოგიერთი, „რომაული ეპოქის“ ქვისსამარხში აღმოჩენილი ჯამებისა), ისევე როგორც მინის ნაირ-ნაირი ქურქელი, და სამაგიეროდ ნაკლები ჩანდა ვერცხლისა. ეს გარემოება, ამ აკლდამის ინვენტარის ზოგ სხვა თავისებურებასთან ერთად, უნდა მიეწეროს მის შედარებით სიძველეს: შეგვიძლია დაუშვათ, რომ ვერცხლეული უფრო II საუკუნიდან ვრცელდება ფართოდ ქართლის ლიდკაცობაში. თიხის ქურქელის თანაარსებობა ვერცხლის, ბრინჯაოსა და მინის ქურქელთან უნდა აღინიშნოს კლდეეთისა და ბორის მდიდრულ სამარხებშიც.

მცხეთისა და საერთოდ აღმოსავლეთ საქართველოს იმდროინდელ სამარხებში კერამიკა თითქმის ყოველთვის წითლად გამომწვარი გვაქვს, დასავლეთში კი უფრო ხშირად შავია ხოლმე. ჩვეულებრივ სამარხებში გვხვდება (1—3 ან მეტი, უფრო კი 2) მომცრო, ჩანს, რიტუალური დანიშნულების ქურქელი: ხელადა, ყურიანი კოჭობი, ქუსლიანი თუ უქუსლო ჯამი, ფეხიანი ფიალა და სხვ. ცალკე აღსანიშნავია კლდეეთის ერთი თავისებური, ორმუცლიანი ხელადა-ქურქელი საერთოდ მარტივია და მათი. ზედაპირი — თითქმის ყოველგვარ სამკაულს მოკლებული: ვნედავთ მხოლოდ ამ დროისათვის დამახასიათებელ, ირგვლივ შემომწყრივებულ, შიგნიდან გამობურცულ კოპებს ან ალმაცერი ქდეებისაგან შემდგარ სარტყელს. სამარხეული კერამიკა, რა თქმა უნდა, ვერ შეგვიქმნის სრულ წარმოდგენას იმდროინდელი თიხის ქურქელის შესახებ და ეს დანაკლისი ნაწილობრივ მაინც უნდა შეგვივსოს იმდროინდელ ნამოსახლართა კულტურულ ფენებში მოკრებილმა ნამტვრევებმა (არმაზისხევი, ბაგინეთი, ბიჭვინთა, ურბნისი, ნასტაგისი და ეგებ აგრეთვე უჩარმის უძველესი ფენა, რომელშიც თავისებური კერამიკა ჩანს). კერძოდ, ურბნისის ნაქალაქარში მრავლა-

და ნაპოვნი მაღალხარისხოვანი, მაგარი და ძლიერ პრიალა წითელი და შავი კერამიკა. მიუხედავად ამისა, მასალის უმეტესობა მაინც გვანიშნებს ყურადღების ერთგვარ მოდუნებას ჩვეულებრივი კერამიკის მხატვრული ღირსების მიმართ, რაც, საფიქრებელია, ლითონისა და მინის ჭურჭლის წინა პლანზე წამოწევის შედეგი უნდა იყოს. სამაგიეროდ, ეტყობა, დიდ პატივშია მოქიქული კერამიკა, რომელიც უკვე ოთხი საყოფადღებო ნიმუშითაა წარმოდგენილი: სამთავროს სამაროვნის ერთერთ სამარხში, არმაზისხევის პიტიახშთა სამარხავში (ბავშვის სამარხში — ორყურა, საკმაოდ უღაზათო ხელადა), მცხეთაში 1958 წელს გათხრილ ერთერთ საღვინე ქვევარში, და თრიალეთის ერთერთ სამარხში (პატარა ხელადა, რომელშიც მკვიდრი და ავგუსტეს დენარი იყო). ლითონისა და მინის ჭურჭლის მოზღვაეებასთან დაკავშირებით უნდა იქნას განხილული ის გარემოება, რომ გვხვდება აშკარად მათი მიზაძვით გაკეთებული თიხის ჭურჭელიც. ერთი მათგანი — ყელმაღალი და ყურმაღალი ხელადა, ერისთავთა ვერცხლის მოხდენილი საღვინე სურების დიდად მსგავსი, ნაპოვნი არმაზისხევის ერისთავთა სამარხის შორიახლოს აღმოჩენილ ღარიბულ სამარხში (ბერსუმა ერისთავის და ერისთავის ბავშვის სამარხებში აღმოჩენილ ოქროს საყურეთა დიდად მსგავს ბრინჯაოს საყურებთან ერთად). მეორე — მინის პატარა ბოთლისებრ სანელსაცხებლეთა მსგავსი, წითლად გაპრიალებული — ნაპოვნი მცხეთაში შემთხვევით აღმოჩენილ ქვისსამარხში.

მეტალურგისა და მქედლობა-ზეინკლობის ნაწარმი სამარხებში და მათ ინვენტარში საკმაოდ მრავალადაა წარმოდგენილი, მეტწილად იარაღ-საჭურვლის სახით. სახელდობრ, ხელთა გვაქვს: ქვისსამარხთა შემადგენელი ფილაქვების ერთიმეორეზე გადამბმელი, რკინის კუთხოვანი სამაგრები, რომელთაც ბოლოები ჩვეულებრივ ტყვიითა აქვთ ზოლმე ფოსოებში ჩადულებული (არმაზისხევი, სამთავრო, ბაგინეთი); რკინის სასანთლები, რომლებიც ზოგჯერ ჭაქვითა და კავთ იკიდებოდა ქვისსამარხში (სამთავრო), ზოგჯერ კი პირდაპირ იდებოდა შიგ, ან გვერდით (დაბა მცხეთა, არმაზისხევი); თითო-ორთა საზეიმო, ოქროთი დამშვენებული სატევრის პირი (არმაზისხევი) და საკმაოდ მრავალრიცხოვანი რკინის დანის პირები (იქვე, სამთავრო და სხვ.); რკინის მახვილები, სატევრები, შუბის პირები და ისრის პირები (ავჭალა, კლდეეთი, ძვერი); რკინისა და ბრინჯაოს ჭაქვის პერანგები (ნაწყევტები თავილონისა და კლდეეთის სამარხებში); რკინის სასხლავები და სხვა სამეურნეო დანები, ცელისებრი (კლდეეთი); ბრინჯაოს რაზაკები, ტიპიური „ანტიკური“ კლიტე-გასაღებები და თავფართო ლურსმნები (მცხეთის ჰადგურის აკლდამა, კლდეეთი); რკინის სალტეები, ფიცრის სარკოფაგისა თუ სარეცლის გარშემოსაკრავი (სადგურის აკლდამა) და სხვ. ცალკე უნდა აღინიშნოს ბრინჯაოსაგან ჩამოსხმული, დიდი და რთული ლახტის თავები (ერთი ბორში და ერთიც კლდეეთში). ამასთანავე, ფაქიზად ნამუშევარი ქვისსამარხისა თუ აკლდამის ან ნაგებობის პერანგის შემადგენელი ქვების მიხედვით უფლება გვაქვს წარმოვიდგინოთ უხვად დიფერენცირებული და მარჯვე რკინის ხელსაწყო-იარაღი — ქვის გასახვრეტი, ამოსადრუებელი, გამოსაკოდავი, გასათლელი და სხვ.

როგორც ვხედავთ, საქურველიდან წარმოდგენილი გვაქვს: მახვილები, სატევრები, შუბი, მშვილდ-ისარი, ლახტი და ჭაქვის პერანგი. ლახტს აქაც სიმბო-

ლური მნიშვნელობა ენიჭება, მხედართმთავრის ემბლემა ჩანს, ისევე როგორც ბრინჯაოს ხანის სამარხებში (სამთავრო, ტყვიავი, თრიალეთი), ასე რომ, კიდევ ერთ ძველისძველ ტრადიციასთან გვაქვს საქმე. იარაღის ნიმუშების დიდი უმეტესობა დასავლეთ საქართველოს სამარხებში გვხვდება, ხოლო აღმოსავლეთში და, კერძოდ, მცხეთაში, მას ძალიან იშვიათადლა ატანენ სამარხებში. მაგრამ როცა გვაქვს, საუკეთესო ნახელავია და ტიპოლოგიურადაც საკმაოდ მრავალფეროვანი.

განსაკუთრებით რთული ტექნოლოგიური პროცესის ნაყოფია არმაზისხევსა, ბაგინეთსა და ბორში მრავლად აღმოჩენილი სარეცლის ფესები, რომლებიც ჯერ მრავალფეროვანი სახეებით მოხარატებულა, ხოლო შემდეგ ზედ შემოკრულ ვერცხლის ფურცლებზე არის დაწნევით აღბეჭდილი ეს სახეები. აგრეთვე რთული ჩანს ვერცხლის ზოგიერთი ჭურჭლის (სურების და სსვ.) დამზადების ტექნიკა.

ყოველივე ეს ლითონის დამუშავების შესანიშნავ ოსტატობას მოასწავებს. როგორც სპილენძ-ბრინჯაოს, ისე რკინის მეტალურგიასა და მჭედლობას ისეთი ხანგრძლივი ტრადიციები და განვითარების მაღალი დონე აქვთ განვლილი ჩვენში იმ დროისათვის, რომ საცხებით კანონზომიერია მეთარაღობისა და ლითონის დამუშავების სხვა დარგების დაწინაურებულობა. კერძოდ, მცხეთაში, როგორც ბოლოდროინდელმა თხრამ გამოარკვია, აღრევეც და ამ ხანაშიც გაცხოველებით მუშაობენ ლითონის საწარმოები. ეს წარმოება უნდა ყოფილიყო მცხეთისა და მისი სამეფოს ეკონომიური თუ სამხედრო სიმძლავრის ერთ-ერთი მკვიდრი საფუძველი. მცხეთის საწარმოო გარეუბანი, „სარკინედ“ წოდებული, დროთა ვითარებაში ცალკე საწარმოო ქალაქად ქცეულა („ქალაქი სარკინე“).

ს ო ფ ლ ი ს მ ე უ რ ნ ე ო ბ ი ს ძირითადი დარგების შესახებაც გვაძლევს არქეოლოგიური მასალა ზოგიერთ მითითებას.

ყველაზე უფრო მეტყველია მასალა მ ე ე ნ ა ხ ე ო ბ - მ ე დ ე ი ნ ე ო ბ ი ს შესახებ. არმაზისხევის ერისთავ-პიტიახშთა სასახლესა, აბანოსა და სამარხავს შორის, როგორც ვიცით, აღმოჩენილია მარნის ნაშთები — სხვადასხვა ზომის ორმოცდაათიოდე ქვევრი, ორი ტიპისა: ა) მოგრძო — „წერწეტა“, გარედან გლუვი; ბ) უფრო „ჯმუხი“, გარედან ხშირი ირგვლივი წიბოებით შემკული. ტიპოლოგიურად პირველნი უფრო ემსგავსებიან სამთავროს მრავალრიცხოვან, სამარხებდად გამოყენებულ ქვევრებს, რომლებიც წინარე ხანას ეკუთვნიან. არმაზისხევის ქვევრები ნახეხია, ე. ი. მათში ღვინო გამულდებით უსხამთ და უყენებიათ. აქ დიდკაცის, ზერების მფლობელის ვენახებში მოყვანილ ღვინოსთანა გვაქვს საქმე და ეს არცაა მოულოდნელი: მცხეთის მიდამოებში რომ ბევრად აღრევე, ჯერ კიდევ აღრენტიკურ ხანაში დიდი ღონისძიებაა ჩატარებული მევენახეობის გასავითარებლად, ამას მოწმობს „მოქცევაჲ ქართლისაჲს“ ცნობა ალ. მაკედონელის ხანაში ნასტავრის სავენახე რუსი გამოყვანისა და ვაზის მოშენების შესახებ. ნ. ბ ე რ ძ ე ნ ი შ ე ი ლ ი ს აზრით, აღრეფეოდალური ხანის ისტორიული პირი — ევაგრე მთავარი, რომელიც ძეგვის ციხედიდს იჭდა, ვენახებს ფლობდა, ყიდდა და ყიდულობდა, შეიძლება ყოფილიყო არმაზისხეველი ერის-

თავ-პიტიასების შორეული შთამომავალი და მამასადამე იმავე სამეურნეო ფართობის პატრონი.

გვიანანტიკურსავე ხანას ეკუთვნის ურბნისის ნაქალაქარის თხრისას საცხოვრებელი უბნის ნაშთებს შორის უკვე ათეულობით გამოვლენილი მცირე მარნების კუთვნილ ქვევრთა უმეტესობა, რომლებიც, სხვათა შორის, ტიპობრივად ძლიერ ემსგავსებიან არმაზისხევის ქვევრებს.

სამთავროსა და ზემო აქალის, ბორისა თუ სხვა, უფრო აღრინდელი სამარხი ქვევრები საზოგადოების დაბალი ფენების ხელთ ნაშრომი და შემდეგ დასაქრძალად გამოყენებული ქურქელი ჩანს და, მამასადამე, ამის მიხედვითაც შეგვიძლია მსჯელობა მევენახეობა-მეღვინეობის ფართოდ გავრცელებასა და ღვინის საყოველთაო მოსმარებაზე. გამოთქმულია მოსაზრება, რომ ქვევრებში სწორედ მევენახე მიწისმუშებსა მარხავდნენ.

წელთაღრაცხვათა მიჯნის მახლობელ ხანას მიეკუთვნება ალაზნის ველზე, სოფ. არხილოსკალოსთან ამონათხარე თავისებური სამარხეული თიხის ქურქელი, მაქარ-ღვინოსთან დასაკავშირებელი.

მევენახეობასთანვე დაკავშირებული ჩანს რკინის დანების ერთი თავისებური წყება, რომელიც სასწალებს მოგვაგონებს და გვხვდება კლდეეთისა და ბორის სამარხეულ ინვენტარში, რაც განსაკუთრებით საყურადღებოა და დაკრძალულთა სამეურნეო საქმიანობას, მევენახეობა-მეღვინეობას უნდა გვანიშნებდეს. აქვე უნდა აღინიშნოს, რომ სამარხში სასწავე დანათა ჩატანების ფაქტები ჩვენში ცნობილია ჭერ კიდეე გვიანბრინჯაოს ხანაში (ბაკურციხე) და გვხვდება აღრეანტიკურ ხანაში (დაბლაგომი), ოღონდ ჭერ დასავლეთში და მერე, მოგვიანებით, აღმოსავლეთ საქართველოშიც. დასასრულ, არქეოლოგიურ მონაპოვართა შორის არის ერთი წყება საგნები (ქურქელი, სამკაული და სხვ.), რომელთა შესამკობად გამოყენებულია ვაზ-ყურძნის მოტივები, რაც იმას მოწმობს, რომ მევენახეობა-მეღვინეობის ხანგრძლივი მოწიფული კულტურა მკვიდრადაა შესული მოსახლეობის ყოფაშიც, აზროვნებაშიცა და მხატვრულ შემოქმედებაშიც. ნიმუშებად დავასახელებთ: არმაზისხევის, სამთავროს, ბაგინეთისა და ბორის სამარხებში აღმოჩენილ ვერცხლისა და ბრინჯაოს საღვინე სურებს (ერთ მათგანს, არმაზისხევისას, ყურზე ამოჭრილი აქვს მტევნებიანი ვაზის გამოსახულება); არმაზისხევეურ ვერცხლის „აზარფეშასა“ და პინაკს ვაზის რტო-ფოთლებისა და მტევნების გამოსახულებით დამშვენებულთ; არმაზისხევეურს და ეგებ არც თუ უცხოეთში გაკეთებულ ვერცხლის პინაკს, რომელზედაც გამოხატულ ქალს ხელში სიუხვის ყანწი უჭირავს (ამ უკანასკნელში ყურძნის მტევნებიცა ჩანს); სამთავროს, ბორისა და კლდეეთის ოქროს საყურეებს, რომლებიც ყურძნის მტევნისებრი სამკაულით არიან დამშვენებული, და სხვ.

გაცილებით უფრო ნაკლების თქმა შეგვიძლია მემინდვრეობის ხუნათესვის შესახებ. სოფლის მეურნეობის ეს ძირითადი დარგი, საქართველოში ჭერ კიდეე ლითონის აღრეულ ხანაში განვითარებული, ამ დროს, რა თქმა უნდა, კიდეე უფრო მაღალ დონეზე ასული უნდა ვიგულისხმოთ. არქეოლოგიურ მასალებში ამ დარგის უშუალოდ კუთვნილი ინვენტარი ჭერ არსადა

ჩანს, ხოლო ნართაულად მასზე მიგვითითებს ხარის კულტის — განვითარებული ზენა-თესვიითი მიწათმოქმედების თანამდევის — მომასწავებელი რამდენიმე საყურადღებო ფაქტი: ხარის სამარხები ბორსა და კლდეეთში (ცხენთა სამარხებთან ერთად), კუროს გამოსახულებით დამშვენებული მშვილდსაკინძი ბორში, ხბოს თავის გამოხატულება ასპარუგ ერისთავის სახეიმო სატევრის ოქროს ქარქაშის მინანქრის მედალიონში. უნდა აღინიშნოს აგრეთვე ის გარემოება, რომ არმაზისხევის ვერცხლის პინაკზე გამოქანდაკებულ სიუხეის ყანწში პურის თავთავებიც მოჩანს. დასასრულ, მარცვლეულთან არის დაკავშირებული განვითარებული ტიპის სატრიალებელი ხელსაფეკვაები, რომლებიც ნაპოვნია ნამოსახლარ ნაშთებს შორის, არმაზისხევთან და ურბნისში. ამ უქანასკნელში ზოგი ხელსაფეკვაის ქვა დაზიანების შემდეგ, როგორც ზემოთაც ითქვა, ქვევრის სარქველდაა გამოყენებული. თვით მარცვლეულის ნიმუშები, ისე მრავლად რომაა უფრო ძველ, მაგ., ენეოლითურ ნამოსახლარ ნაშთებს შორის, გვიანანტიკური დროის ფენებში ჯერ თითქოს არსადა ჩანს.

მეტე გვაქვს ისეთი მასალა, რომელიც მეცაქონლებას განეკუთვნება. ესაა, უპირველეს ყოვლისა, მრავალრიცხოვანი ნასუფრალი ძვლები (ხარძროხისა, ცხვრისა, ღორისა, თხისა), რომლებიც მოკრებილია ნამოსახლართა თხრისას, არმაზისხევთან და ურბნისში. ამ მასალის შესწავლის წინასწარი შედეგები ცხადყოფენ, რომ ჯერ კიდევ გვიანბრინჯაოს ხანაში მოშინაურებული ძირითადი სახეების მოშენება ჩვენში წარმატებით გრძელდება ამ ხანაშიაც. საყურადღებოა, რომ გადანაყარში ცხენისა და ვირის ძვლებიც გამოერევა. გაცილებით უფრო ხელსაყრელია ასეთი შესწავლისათვის საგანგებოდ დამარხულ ხართა ჩონჩხები (ბორი, კლდეეთი). მოგვეპოვება და აგრეთვე შესწავლის საგნადაა ქეუული ძვლები დამარხული ცხენებისა (კლდეეთი, ბორი, მცხეთის სადგურის აკლდამა), ძაღლისა (კლდეეთი) და შინაური ფრინველისა, ჩანს, ქათმისა (არმაზისხევი, ურბნისი — საკულტო სამარხები ქილებში). თვით პირუტყვის (ცხვრის, თხის, ღორის) გარეგნობა-იერის შესახებ საკმაო წარმოდგენას უქმნიან სპეციალისტებს ის მრავალრიცხოვანი ბრინჯაოს ქანდაკებანი თუ სხვაგვარი გამოსახულებანი, რომლებიც ზემოთ აღვნიშნეთ. ასე მაგალითად, არმაზისხევში და ბორში აღმოჩენილ ცხვრის თავის ქანდაკებათა მიხედვით შესაძლო გახდა დადგენა, რომ ანტიკურ საქართველოში გავრცელებული ყოფილა ე. წ. იმერული ცხვარი. გვაქვს ცხენისა და ძაღლის ბრინჯაოს ქანდაკოვანი გამოსახულებანი (კლდეეთი) და აგრეთვე ცხენის სამი ამონაყაწრი გამოსახულება (არმაზისხევისა და ბორის ვერცხლის პინაკები). დასასრულ, ბრინჯაოს ქანდაკებებში წარმოდგენილია სათანადო ცხოველთა ზოგიერთი სახე (შველი თუ არჩვი, ჯიხვი). ცალკე აღსანიშნავია განვითარებული მეცხვარეობისა და მემატყლეობის მომასწავებელი ხელსაწყო, ცხვრის საკრეჭი მაკრატლის აღმოჩენა ბორში.

გვიანანტიკური საქართველოს ეკონომიკაზე, გარდა ყოველივე ზემოაღნიშნულისა; გარკვეულ წარმოდგენას გვიქმნის აგრეთვე მონეტები, რომლებიც ყველაზე უფრო მრავლად სწორედ იმდროინდელ ძეგლთა შორისაა აღმოჩენილი, რაც ცხადყოფს მათ გაცხოველებულ მიმოქცევას, მით უმეტეს, რომ ნუმიზმატიკური მონაპოვრის არც თუ უმნიშვნელო ნაწილი მოსახლეობის მკირედ შეძლებულ ფენებს უკავშირდება. მონეტების უმეტესობა სამარხებშია აღ-

მოჩენილი, ჩვეულებრივ სათითაოდ, ხოლო მდიდრულ სამარხებში კი რამდენიმე ცალობით, ზოგჯერ ათზე მეტი და ათეულებიც კი (მაგ., არმაზისხევის მეექვსე სამარხში — 24, მცხეთის სადგურის აკლამაში — 68). ამასთანავე, მონეტები გვხვდება განძებად დაფლულიც (გერზეული, სეფიეთი). ოქროს ფული მხოლოდ მდიდრულ სამარხებშია ნაპოვნი და წარმოდგენილია რომაული აურეუსებით (I, II თუ III სს.) და ჩვენში მოჭრილი, ოქროსა თუ ელექტრონის, თავისებური, ძველი, ელინისტური სტატერების მიბაძვით წარმოქმნილი მონეტებით, რომელთაც პირობით „კოლხურ სტატერებს“ ან „ოქროს კოლხურს“ უწოდებენ და რომლებიც საქართველოს უძველეს ოქროს ფულს წარმოადგენენ (ძვ. წ. II საუკუნიდან ახ. წ. II საუკუნემდე იკრებიან). საყურადღებოა, რომ დ. მცხეთის ერთ სამარხში აღექსანდრე მაკედონელის ნამდვილი და გაუცვლელი სტატერიც აღმოჩნდა, ახ. წ. I ს. მონეტის თანხლებით. გამოთქმულია ისეთი აზრიც, რომ ამ მინაბაძებს საგანგებოდ სჭირდნენ სამარხებში ჩასატანებლად. ერთხანს ისინი მხოლოდ დასავლეთ საქართველოში, ძველი კოლხეთის ფარგლებში გვხვდებოდა, მაგრამ ბოლო დროს აღმოჩნდა ძველი იბერიის ფარგლებშიც: ანჩისში და მცხეთის სადგურის აკლამაში. ამ უკანასკნელში იყო 4 ასეთი ფული და ერთიც თითქოს მისი ნაშადი, ოქროს საცებით გლუვზედაპირიანი, მრგვალი, ფარგლით დახაზული ფირფიტა. ეს გარემოება აძლიერებს აზრს ასეთი ფულის ადგილობრიობის შესახებ, რომელი აურეუსების უმეტესობა ორიგინალებითაა წარმოდგენილი, მაგრამ გვხვდება მინაბაძეებიც (კერძოდ, ბერსუმა პიტიახშის სამარხში აღმოჩენილ აურეუსთა შორის — ერთს ლათინური ზედწერილიც კი დამანიჭებული აქვს). ყველაზე მეტია ადრიაანე იმპერატორის აურეუსები (II ს.). ერთისა და იმავე იმპერატორის მონეტები მცხეთის არისტოკრატიულ სამარხებში აურეუსებითაა წარმოდგენილი, ხოლო დასავლეთ საქართველოს მდიდრულ სამარხებში და განძებში — ვერცხლის, ხშირად პროვინციული (მაგ., კესარიასი მოჭრილი, ბერძულწარწერიანი) მონეტებით, ღირაქმებით. მცხეთის არისტოკრატია, ბუნებრივია, განსაკუთრებით მდიდარი ყოფილა და, ამასთანავე, ეტყობა, პოლიტიკურ-დიპლომატიური მოსაზრებითაც იყენებდა რომაულ ოქროს ფულს სამარხში ჩასატანებლად (მით უმეტეს, რომ ერთი მონეტა, რომელზედაც იმპერატორის ცოლ-შვილია გამოხატული, სამკაულადაც კი ჰქონია ჩამოკიდებული ერისთავის ოჯახის წევრ ქალს).

ვერცხლის ფულის ღიდ უმეტესობას შეადგენს რომაული ღენარები (უმთავრესად ავგუსტესი), პროვინციული ღირაქმები (ადრიანესი და სხვ.) და პართული ღირაქმები (უმთავრესად გოტარზისა). ეს I საუკუნის მონეტები — ავგუსტეს ღენარები და გოტარზის ღირაქმები ძალიან გავრცელებულია არა მარტო I, არამედ აგრეთვე II და III საუკუნეთა სამარხებშიც. ჩანს, თავდაპირველად მათი ორიგინალები ტრიალებდა ჩვენში, ხოლო შემდეგ მათი მინაბაძების მოჭრაც დაუწყიათ და ამიტომაც ისინი ასე ფართოდ გავრცელებული. ნაკლებ ან სულაც არ გვხვდება ისინი განძებში. გერზეულის განძი (647 ც.) II ს. მეორე ნახევარში უნდა იყოს დაფლული, სეფიეთისა (373 ც.) — III ს. პირველ მეოთხედში. როგორც ცნობილია, განძის დაფლვის ფაქტები, გარდა იმისა, რომ იმ ზანებში ომის საშიშროებას გვამცნობს, საქონლის მიმოქცევის სისუსტის ნიშნადაც ითვლება და ეს გასათვალისწინებელია: ჩვენში ისინი ჯერ სულ ორია აღმოჩენილი.

დამახასიათებელია, რომ ზემო რაჭის სამარხებში მონეტები მარტოოდენ „ოქროს კოლხურით“ არის წარმოდგენილი და მათ იქ არც ერთი უცხოური მონეტა არ ახლავს თან. ჩანს, იქაური მოსახლეობა კოლხური ფულით მიდიოდა იოლად და მას უცხოური არ სჭირდებოდა.

ამრიგად, შეგვიძლია გადაჭრით განვაცხადოთ, რომ I — III საუკუნეთა საქართველოში გაცხოველებით მიმოიქცევა ფული — ერთხანს უცხოური, ხოლო შემდეგ მისი მიბაძვით აქვე მოჭრილი და ზშირად იმდენად სახეცვლილი, რომ ადგილობრივ ფულად უნდა ჩაითვალოს. ეს, რა თქმა უნდა, მოასწავებს ძლიერ სასაქონლო წარმოებას, მრავალმხრივ საგარეო ეკონომიურ ურთიერთობას და მოსახლეობის ყოფაში ფულის ღრმად შეჭრას, რაც ესოდენ დამახასიათებელია კლასობრივი საზოგადოებისათვის, სახელმწიფოსათვის. ფულის ტრიალს ამ დროისათვის უკვე თითქმის ნახევარი ათასწლეულის ისტორია აქვს საქართველოში და I—III საუკუნეებში კი მხოლოდ ძლიერდება.

როგორ გვიხასიათებენ და გვისურათებენ არქეოლოგიური მასალები, ნივთიერი კულტურის ძეგლები იმდროინდელი. საქართველოს სულიერ კულტურას? ამ საკითხის რამდენიმე თვალსაზრისით გაშუქება ხდება შემდეგ.

სარწმუნოება იმხანად, როგორც წერილობითი წყაროებით ვიცით, წარმართულია და საკმაოდ სინკრეტული ანუ შერეულიც, საუკუნეთა მანძილზე ურთიერთგადახლართული საგარეო პოლიტიკური და კულტურული ორიენტაციებისა თუ დაქვემდებარებულობის შესაბამისად. საკუთრივ ქართული მკვიდრი წარმართული პანთეონის ნივთიერი კვალი ჩვენს არქეოლოგიურ მასალებში თითქმის არა ჩანს რა ჯერჯერობით (გარდა „არმაზის კერპის სადგარის“ ნაშთისა ბაგინეთის მთის წვერზე, სადაც ციხე-ქალაქის მფარველისა და მოსახელის, ქართველთა მთავარი ღვთაების ქანდაკოვანი კერპი უნდა მდგარიყო, წერილობითი წყაროების ცნობით). არისტოკრატიულ სამარხთაგან მოპოვებული გლიტიკურ ძეგლებზე — გემებზე ასახულია უფრო ბერძნულ-რომაული პანთეონის ღვთაებანი (ათენა-პალადა, ზევსი, მარსი, ასკლეპიოსი და სხვ.) ან მითოლოგიური თუ ისტორიული გმირები (აქტეონი, ალექსანდრე მაკედონელი). ეს არის შემოტანილი და არა ორგანულად, მკვიდრ ნიადაგზე აღმოცენებული ელემენტი იდეოლოგიისა. იგი ანტიკურ განათლებულობას და სათანადო სიუჟეტებისა და მხატვრული-ნაწარმისადმი გემოვნისილობას უფრო მოასწავებს, ვიდრე საკუთრივ სარწმუნოებას. სამაგიეროდ ნამდვილად ქართველ ტომთა ძველი რწმენა-კულტების თანამდევად უნდა ჩაითვალოს ის მრავალრიცხოვანი ბრინჯაოს ქანდაკება-ფიგურები, მეტწილად ცხოველთა გამოხატველი, რომლებიც გვხვდება ცენტრებისაგან დაშორებით, შედარებით ნაკლებ წარჩინებულთა სამარხებში. ამ მხრივ გამოხატვისა კლდეეთი. ძალიან დამახასიათებელია, რომ თითქმის სულ არა გვხვდება ისინი მცხეთის სამარხებში, რომლებში დაკრძალულთა ურბანიზაცია (გაქალაქელება) და ერთგვარი დენაციონალიზაცია (ეროვნული სარწმუნოებისა და სულისკვეთებისათვის ზურგის შექცევა) იმ დროისათვის უკვე თვალსაჩინო ფაქტია.

საკმაოდ მკაფიო ნივთიერი კვალი აქვს დატოვებული ჩვენს არქეოლოგიურ მასალებში გვიანანტიკურ სამყაროში საერთოდ ძლიერ გავრცელებულ



2



მითრამის, რომელიც აღმოსავლური წარმოშობისა იყო, მაგრამ თვით რომშიც ძალიან მოიკიდა ფეხი. ჩვენში მისი გავრცელება მით უფრო ბუნებრივი იქნებოდა, რომ აქ მანამდეც ძლიერი და ქართველ ტომთა იდეოლოგიაში მკვიდრად გამჭდარი იყო მზის კულტი. მითრას, მზიური ღვთაების კულტს უკავშირებენ მაგალითად: სვეტიცხოვლის ეზოში ძველად აღმოჩენილ ვერცხლის ჭურჭლის ყურებზე ამოკვეთილ გამოხატულებას ჭაბუკი მწყემსისა; ბორში აღმოჩენილ მშვილდსაქინძს, რომელიც გამოხატავს ხარს და მის რქებს. შორის — მზის დისკოს; არმაზისხევის პიტიახშთა ერთერთ სამარხში აღმოჩენილ ოქროს აგვაროხს — ტახის გამოსახულებას; არმაზისხევიშორ ბერსუმა პიტიახშის სამარხში აღმოჩენილ ორსა და ბორში (ალბათ ბუზშირ პიტიახშის სამარხში) აღმოჩენილ ერთ ვერცხლის პინაკს, რომლებზედაც ამოკაწვრით გამოხატულია ერთი და იგივე სურათი — სამსხვერპლოს წინაშე მდგარი ცხენი; შიგ მცხეთაში აღმოჩენილ სამარხში ნაპოვნ ვერცხლის ჭურჭელზე ამოკვეთილ გამოხატულებას ასევე „ღვთაებრივი“ ცხენისა. ცხენი ერთ შემთხვევაში მიჩნეულია მითრასათვის განკუთვნილ მსხვერპლად, ხოლო სხვა შემთხვევებში — ცხენის სახით მოვლენილ თვით ღვთაებად.

საიქიოს შესახებ წარმოდგენას საკმაოდ გვიხასიათებს ჩვენს მიერ განხილული სამარხეული ძეგლები, დაკრძალვის წესები და სამარხთა აღნაგობა: მტკიცედ სწამთ მიცვალებულის მიერ სიცოცხლის განგრძობა „იმ ქვეყნად“, თუკი მასალა ეშოვებათ და შექენა არ უქირთ, მეტ-ნაკლებად სახლისებრ აშენებენ სამარხს — ფილაქვებით, აგურით, კრამიტით და სხვ., ხოლო ზოგჯერ ნამდვილ შენობებსაც კი აღმართავენ (თითო დიდი აკლდამა ბაგინეთში და მცხეთის სადგურთან). შიგ ასვენებენ შემოსილსა და მორთულ-მოკაზმულ მიცვალებულს, რომელსაც ირველივ უწყობენ ოჯახად ნახმარსა თუ სარიტუალო ჭურჭელს, მიმოუბნევენ ოქროსა თუ ვერცხლის ფულს, ან მხოლოდ ვერცხლის ერთ მონეტას (ზოგჯერ კი არც ერთს). ფულის პირში ჩადება, რაც წესად ჩანს ქვევრსამარხებში, აქ თითქმის აღარა გვხვდება. ზოგჯერ მიმოუბნევენ აგრეთვე „ზედმეტ“ სამკაულსა და, კერძოდ, თვლებს; საკმაოდ ხშირად თავს უმჯობენ ოქროსფურცლოვანი გვირგვინით ანუ ხოირით; ლითონის სასუფრე ჭურჭლით ზოგჯერ ეგებ საჭმელ-სასმელსაც უდგამენ, მინის ჭურჭლით კი, ჩვეულებრივ, სურნელოვან სითხეს, ნელსაცხებელს. აქა-იქლა გვხვდება უწინდელი წესის გადმონაშთი — ცხოველთა ძვლები, რაც ხორცეულის ჩატანების მომასწავებელია. რაც შეეხება იარაღ-საჭურველს, ზოგან (უპირველეს ყოვლისა, მცხეთაში, სადაც ხალხი უკვე კარგა ხანია გაქალაქელებული და მეომრულ საქმიანობას ჩამოშორებულა) მას აღარ ატანენ, ან მხოლოდ საზეიმო, ინსიგნიებად მისაჩნევ იარაღს ატანენ, მაგრამ ბევრგან (განსაკუთრები დასავლეთ საქართველოში) იგი ჯერ კიდევ უხვად გვხვდება სამარხებში. როგორც ჩანს, ეს ძველისძველი საყოველთაო წესი დამარხვისა დასავლეთში გაცილებით უფრო შემონახულა.

გარდა ნაგები სამარხებისა (დიდი მცხეთის სამარხთა უმეტესობა, თბილისი), ამ ხანაში ჯერ კიდევ საკმაოდაა გავრცელებული სამარხთა ძველი, უმარტივესი ტიპი — ოროსამარხები (სამთავერო, ანანური, დილომი, გორი, ურბნისი, კლდეთი, სარგვეში, თავილონი და სხვ.), გვხვდება აგრეთვე გადმონაშთის სახით თითო-ორლა ქვევრსამარხიც (ბანძა, ბორი, ძეგრი): დასასრულ, გავრ-

ცელებას იწყებს ახალი, უფრო მომდევნო ხანისათვის დამახასიათებელი ტიპი — თიხის აბაზანისებრი სარკოფაგები (სეკტიცხოვლის ეზო, ნაოზა, დასავლეთ საქართველოს ზოგი ადგილი).

თანდათან იცვლება დამარხვის წესი (მაგ., წინარე ხანის ორმოსამარხებთან, ქვევრსამარხებთან თუ ქვისსამარხებთან შედარებით) იმ მხრივ, რომ მიცვალებულებს უკვე გულადმა გაშოტილს ასვენებენ და გვერდზე დაწვენა ან მოხრამოკუნტვა გადმონაშთადლა ჩაითვლება (თუმცა მას მინც ვხვდებით II ს. პიტიახშთა სამარხებში). კერამიკის ჩატანებაც მინიმუმამდე დადის, ხორცეული-სა თანდათან ქრება. •

როგორც რამდენიმე შემთხვევით შემორჩენილი ძეგლი გვამცნობს, წესად ჰქონათ საფლავის თავზე წარწერიანი სტელის აღმართვა. საფიქრებელია, რომ ეს წესი გამორჩეული უფლებრივი და ქონებრივი მდგომარეობის მქონე პირთა პრივილეგიას შეადგენდა. ჩვენ ხელთაა: ზევახ ერისთავ-პიტიახშის ასულის სერაფიტასა და ორი მცხეთელი ებრაელის (ვაჭრების?) ეპიტაფიები.

ყოველი, ჩვენთვის დანამდვილებით ცნობილი სამარხი ინჰუმაციური ჩანს, გარდა ძვერისა და ურეისა, სადაც შეიძლება კრემაცია ვიგულისხმოთ. ესეც ერთი მაჩვენებელია იმისა, რომ რელიგიური სისტემა ამ საკითხშიც წინარე ეპოქათა ტრადიციებით საზრდოობს და მას არც ბერძნულ-რომაული გავლენა დასტყობია და არც, მოგვიანებით, ზოროასტრული. მეორადი დამარხვა ერთ შემთხვევაში გვხვდება (ბერსუმა ერისთავ-პიტიახში), მაგრამ აქ, ჩანს, უცხოეთში, ომში დაღუპული და სამშობლოში დაგვიანებით ჩამოსვენებული დიდგაცი მეომრის ძვლები უნდა ვიგულისხმოთ.

რამდენსამე შემთხვევაში მიცვალებულები მდიდრული სარეცლით არიან ჩასვენებული სამარხში, ან არადა ეს სარეცელი თუ სავარძელი დაშლილ-დანაწევრებული აქვთ თან ჩატანებული (არმაზისხევის 3 სამარხი, ბაგინეთის 1 სამარხი და ბორის 3 სამარხი). ზოგჯერ ფიცრის, ლითონით შემოსალტულ-შემკული სარკოფაგია აკლდამაში ჩადგმული (მცხეთის სადგური). რამდენსამე ნიცვალებულს ჩატანებული აქვს ოქროს კილიტებითა და ოქრომკედლით მოქარგული ქსოვილი, საზეიმო წამოსასხამი თუ ცხედარსაფარი (არმაზისხევის 3 სამარხი, ბაგინეთის 1 სამარხი). ყოველივე ეს, რა თქმა უნდა, არისტოკრატიულ სამარხებს ახასიათებს.

დაკრძალვა თითქმის ყოველთვის ინდივიდუალურია და სამარხები ისე მქიდროდაა შეკრული, რომ მათი კვლავ გახსნა არ უნდა ყოფილიყო გათვალისწინებული. რამდენსამე გამოჩალისს შეადგენს ორი სრულწლოვანის, ან სრულწლოვანისა და ჩვილი ბავშვის ნეშტთა ერთად აღმოჩენის შემთხვევები (თანადამარხვა).

დაკრძალვის წესის კიდევ ერთი თავისებურებაა მიცვალებულთან ერთად, ან შორიახლოს დამარხვა მისთვის „საიჭიოს გატანებული“ ცხენისა (მცხეთის სადგური, თბილისი, ურბნისი, კლდეეთი, ბორი), რასაც საყურადღებო პარალელი მოეპოვება ქართველ მთიელთა ეთნოგრაფიაში, და ორ შემთხვევაში ძალისაც (კლდეეთი, ურბნისი). არის ამრიგად დამარხული ხარებიც (ბორი, კლდეეთი). ერთ შემთხვევაში ძალღია საგანგებოდ ქვისსამარხში დამარხული (სამთავრო). შეკაზმული ცხენის „გაყოლების“ წესის გადაგვარებულ ვარიანტად

უნდა ჩაითვალოს მისი მოკაზმულობის დეტალთა ჩატანება სამარხში (დღეზეა და ლაგამი არმაზისხევის ერისთავის ოჯახის წევრი ქალის სამარხში; მოსართავის ვერცხლის სამკაული შიგ მცხეთაში აღმოჩენილ მდიდრულ სამარხში).

ასეთია სარწმუნოების, საიქიოს შესახებ წარმოდგენისა და მიცვალებულის დაკრძალვის წეს-ჩვეულებათა არასრული სურათი ჩვენს ხელთ მყოფი არქეოლოგიური მასალების მიხედვით.

დამწერლობა. წარწერები ჯერჯერობით აღმოჩენილია მხოლოდ მცხეთაში (დიდი უმეტესობა) და ბორში (ერთი). საქმე გვაქვს ქვის სტელებზე თუ აედლის ქვებზე ამოჭრილ და ვერცხლის ქურქელზე, ოქროს სამკაულზე და ამ უკანასკნელში ჩასმულ თვლებზე ამოკაწრულ წარწერებთან. სტელათა შორის ერთი (ზემოავჭალა-ნაქუღბაქევის ვიწრობაში ნაპოვნი) ქალაქის ზღუდის გამაგრების ამბავს გვამცნობს, ერთი „გამარჯვებათა სტელების“ ტიპისაა (პიტიახშ შარაგასის წარწერა არმაზისხევთან; ტაბ. XXVI, 3), სამი ეპიტაფია—ერთი პიტიახშ ზევახის ასულის სერაფიტასი (ტაბ. XXVI, 1) და ორიც სხვა (სამთავროდან). ვერცხლის ქურქელს მათი პატრონებისა და ზოგჯერ აგრეთვე მჩუქებლების ვინაობა აწერია; ოქროს სამკაულზე მაგიური დანიშნულების წარწერებია; თვლებზე აღნიშნულია პატრონთა ვინაობა, მათ პორტრეტებთან ერთად (ერთგან უპორტრეტოდაც), ორ შემთხვევაში კედლის ქვებზე გაურკვეველი შინაარსის თითო სიტყვაა (ბაგინეთში). სერაფიტას ეპიტაფიის პარალელური ტექსტი, ბერსუმა პიტიახშის ლანგრის წარწერა, ასპარუგ პიტიახშის პორტრეტის წარწერა, ზევან პიტიახშისა და მისი ცოლის კარპაკის წყვილელი პორტრეტის წარწერა და აგრეთვე სამთავროში აღმოჩენილი ორიოდე გემმის წარწერა ბერძნულია; სამთავროში აღმოჩენილი ორი ეპიტაფია — ძველებრაული, ხოლო სხვა ყველა — არამეული (მათ შორის ბაგინეთის მეფის ასულის საკოფაგში აღმოჩენილი ვერცხლის რამდენიმე ქურქლის წარწერებიც). მაგრამ არამეული დამწერლობა აქ ისე ძლიერ სახეცვლილია, რომ საჭირო გახდა ამ ვარიანტისათვის საკუთარი სახელის, „არმაზულის“ წოდება. ეს დამწერლობა აშკარად გაბატონებული ჩანს ჩვენში იმ დროს. საკუთრივ ქართული დამწერლობა გვიანანტიკური ხანის ძეგლთა შორის ჯერაც არსად მოგვეპოვება, მიუხედავად უკვე ესოდენ მრავალრიცხოვანი აღმოჩენებისა. პ. ი ნ გ ო რ ო ყ ვ ა ასომთავრულ ქართულ ასოებად მიიჩნეეს და კითხულობს კიდევაც პიტიახშ შარაგასის არმაზეული წარწერის (I ს.) თავზე ამოკვეთილი „გენზელის“ შემადგენელ ნიშნებს და აგრეთვე ბერსუმა პიტიახშის ლანგრის ძირზე ამოკვეთილ ორ ნიშანს, მაგრამ ეს ჯერ კიდევ სადავო რჩება.

მცხეთისა და ბორის არმაზულ-არამეული წარწერების შესწავლის შედეგად გ. წ ე რ ე თ ე ლ ი შესაძლოდ მიიჩნეეს, რომ ქართული ანბანის საწყისები სწორედ არამეული დამწერლობის წიაღში იყოს საძებარი, ოღონდ არმაზული, მისი აზრით, ყველაზე უფრო ფალაურსა და ფარსულს უახლოვდება. ზოგი ქართული ასო უფრო არქაულიც კი ჩანს, ვიდრე სათანადო არმაზული ასოები. ამრიგად, ქართული არმაზულის გაგრძელება კი არ არის; არამედ — მისი მონათესავე და მასთან საზიარო წყაროდან, არამეულიდან მომდინარე დამწერლობა. აღარც ისაა შეუძლებლად მისაჩნევი, რომ ამ წარწერებში ქ ა რ თ უ ლ ე ნ ა ს თ ა ნ გვქონდეს საქმე.

ასეა თუ ისე, გვიანანტიკური ქართლის ანუ იბერიის მმართველი წრე თავის ოფიციალურ დოკუმენტებს უმთავრესად სწორედ „არმაზულად“ და ზოგჯერ აგრეთვე ბერძნულად წერს. სხვა ოფიციალური თუ საზეიზო დამწერლობა ამ წრეს არ უჩანს. ეს დამწერლობა განაგრძობს არსებობას IV საუკუნეშიც (არმაზისხევის რამდენიმე ოქროს სამკაული). იგი, გარკვეული თვალსაზრისით, ოფიციალური დოკუმენტების ენის მაგივრობას ეწვევა იბერიის მეფეთა თუ დიდკაცთა კარზე, როდესაც წერაზე მიდგება საქმე. მაგრამ მასში იმდენი რამაა გადასხვაფერებული და „გამრუდებული“ კლასიკურ არამეულთან შედარებით, რომ, ზოგი მკვლევარის აზრით, დამწერის ქართული ენობრივი ფსიქოლოგია ცი გამოსკვივის.

ყველ შემთხვევაში, ქართლის გარდა ამ ორი მაშინდელი კულტურული მსოფლიოს საერთაშორისო ენის — არამეულისა და ბერძნულის — საქართველოში გავრცელებულობა უტყუარი ფაქტია და ეს გარემოება შეესატყვისება ლეონტი მროველის ცნობას, ძველად ქართლში ექვს ენას „ზარახვიდნენ“, ე. ი. ლაპარაკობდნენ. ოლონდ საფიქრებელია, რომ ეს საზოგადოების ზედა ფენას შეეხება უმთავრესად. ჩამოთვლილ სამს უნდა დაემატოს სპარსულიც, მით უმეტეს, რომ არმაზისხევის ერთერთ, ყველაზე გვიანდელ (III ს. მეორე ნახევრის) ვერცხლის პინაჯზე არას ფალაური წარწერა, რომელშიც იხსენიება პირველი სასანიანი მეფის არდაშირის ვინმე პიტიაშში, რომელსაც უჩუქნია ჭურჭელი იბერიის პიტიაშისათვის.

დამწერლობის ასეთი მწვავე მოთხოვნილება და არამეულის არმაზულად გარდაქმნა უნდა ჩათვალოს ქართლში განვითარებული ს ა ხ ე ლ მ წ ი ფ ო ე ბ რ ი ვ ი ც ხ ო ვ რ ე ბ ი ს ა და ცხოველი სავაქრო ურთიერთობის არსებობის ერთერთ მკვერმეტყველ ნიშნად.

სახელმწიფო წყობილებების შესახებ ზემოაღნიშნული წარწერები ბევრ საყურადღებო მასალას გვაწვდიან და ეს მასალა ადასტურებს, რეალურად ასხამს ხორცს ძველ ქართველ ისტორიკოსთა მიერ მოცემულ სქემებს, რომელთა მიხედვითაც გვიანანტიკურ ხანაში ქართლის სახელმწიფოს სათავეში უდგანან მეფეები. ისინი (თითქოს ჯერ კიდევ ძვ. წ. ბოლო საუკუნეებში, ფარნავაზ მეფის მიერ დაკანონებული წესით) ერისთავთა მეშვეობით მართავენ ქვეყანას. ირკვევა, რომ ზემო იმერეთის აღმოსავლეთი ნაწილიც (მორაპანს აქეთ) ქართლის სამეფოს ეკუთვნოდა, და ა. შ. უფრო მეტიც: გარდა ერისთავ-პიტიაშებისა, მეფეს ჰყოლია ეპიტროპები: „ანუ რაბ-თარბასები“, რომელნიც იმავე დროს მისი ლეიბგვარდიის (ძველი ქართული ტერმინი რომ ვინმართ, „ტაძრეულობის“) მეთაურნიც ყოფილან და ომშიც სარდლობდნენ ხოლმე. სრული უფლება გვეძლევა არაქართულ წარწერებში აღნიშნულ უცხოურ თანამდებობრივ ნომენკლატურას მერმინდელ ქართულ წყაროებში დადასტურებული სახელწოდებანი შეეუფაროდო: „პიტიაშს“ — „ერისთავი“, „ეპიტროპს“ ანუ „რაბ-თარბასს“ — „ეზოამსმოდვარი“, „ბაზილევს“ — მეფე. ამასთანავე, დადასტურდა რომელ და ქართველ ისტორიკოსთა მიხედვით ცნობილი სახელები იმდროინდელი ქართლის მეფეებისა (მითრიდატი; ფარსმანი, ასპარუგი — ოლონდ ეს უკანასკნელი სახელი აქ პიტიაშს ჰქვია, ქართული წყაროები კი იხსენიებენ „მეფე ასფაურს“) და გამოვლინდა ახალი, უცნობი სახელები (მეფეები ქსე-

ფარნუგი და ფლავიოს დადესი თუ ფალდადი; ერისთავები შარაგასი და ზეჯახი; ეზოსმოდღერები პუბლიკიოს აგრიპა, იოდმანგანი და სხვ.). სახელმწიფოს მეთაურს „იბერთა დიდი მეფე“ ეწოდება. ერისთავები მისი - მოადგილენი თუ „ნაცვლები“ ჩანან ამა თუ იმ კუთხეში (მაგ., არმაზისხეველნი — მცხეთის საგამგებლოში, ჩანს, მტკვრის მარჯვენა ნაპირის ასწვრივ, ალბათ ძეგვისა და სხვა უბანთა მოყრლებით; ბორელნი — მერმინდელ „ლომსიანთხევეში“). ამავე დროს ისინიც აქტიურად, ხელმძღვანელთა სახით მონაწილეობენ საომარ მოქმედებაში. ამ მხრივ ფრიად ნიშანდობლივია ის გარემოება, რომ სწორედ ძალიან რთული, დაძაბული და ძლევამოსილი ომიანობის შედეგების შემაჯამებელ წარწერაში (არმაზისხევის ერთენოვანი სტელა) „ჩვენი მეფის“ გამარჯვებათა შემსახებ გვიამბობს მისი ერისთავი შარაგასი, თითქოს მისი სახელითაც კი, და ეს სტელა აღმართული ყოფილა სწორედ ერისთავ-პიტიახშთა ადგილსამყოფელში. ბერსუმა ერისთავიც ამგვარ ომში უნდა დაღუპულიყო.

პიტიახშს „უფალი“ ეწოდება. მას თავისი მონები, მსახურები და სხვა დაქვემდებარებული ადამიანები ჰყავს.

ამ უმაღლესი თანამდებობის პირთ, სახელმწიფო მოხელეებს აქვთ თავიანთი ძალაუფლების ნიშნები (ემბლემა-ინსიგნიები, საზეიმო სარტყელ-სატყეარი, დიადემები, საბეჭდავი ბეჭდები და სხვ.), და ეს კიდევ უფრო აძლიერებს მათი თანამდებობის სიმტკიცეს, ჩვენ თვალნათლივ და ხელშესახებად ვიცნობთ, კერძოდ, არმაზისხეველ პიტიახშთა ინსიგნიების მთელ წყებას.

მეფეთა მსგავსად, ეზოსმოდღერებიცა და ერისთავებიც მემკვიდრეობით, მამა-შვილობით იღებენ თავიანთ თანამდებობასა და წოდებას. არმაზისხევის წარწერათა მიხედვით გაიკვლევა მათი ორ თაობაზე მეტი.

მეფეები, სამადლობლად თუ მოსამადლიერებლად, ძვირფას საჩუქრებს უბოძებენ ხოლმე თავიანთ ერთგულ მოხელეებს. მეფის მოხელეთა ორი ყველაზე უფრო დაწინაურებული საგვარეულო — ერისთავ-პიტიახშებისა და ეზოსმოდღერ-რახთარბასებისა — ერთიმეორეს უმოყვრდება. ამრიგად, მონათმფლობელური იბერიის სახელმწიფოს გამგებელთა, უზენაეს არისტოკრატთა წრე ეჭიდროდაა შეკრული და ურთიერთთანხმობითა და მხარდაჭერით მართავს ამ სახელმწიფოს, აწარმოებს საერთაშორისო „დიდ პოლიტიკას“, ომიანობა-ლაშქრობას. მაგალითად უნდა გავისხენოთ რომელი ისტორიკოსთა მოთხრობა, სადაც ჩანს ფარსმანისა და მისი ძმისა და ვაჟის, მითრიდატისა და რადამისტის ჩარევა სომხეთის საქმეებში, ტახტის მიტაცება და სხვა, რომთან შეთანხმებით (ამ ამბების ანარეკლს გულისხმობენ პიტიახშ შარაგასის წარწერაში).

ამავე დროს ეს წრე წარმოადგენს ყველაზე უფრო დიდ ექსპლოატატორთა და მესაკუთრეთა (კერძოდ, მონებისა თუ სახნავ-სათესი და სავენახე მიწების მფლობელთა) ჯგუფს ამ სახელმწიფოში. ისინი დიდი ფუფუნებით ცხოვრობენ და ეწაფებიან უცხოურ კულტურას, დახვეწილი გემოვნებით იშენებენ სასახლეებსაც და სამარხავეებსაც, იძენენ საუკეთესო იმპორტულ ნივთებს. ამასთანავე ისინი, როგორც კლასობრივ საზოგადოებას სჩვევია, ზვიადობენ და ყოველმხრივ ემიჯნებიან მათ წარმომქმნელ ხალხსა და მარჩენალ მწარმოებელ საზოგადოებას. ეს მკაფიოდ ჩანს მათ ონომასტიკონშიც (მეტწილად სპარსული — „მითრიდატი“, „ფარსმანი“, „ქსეფარნუგი“ და სხვა, — ხოლო რომის

გავლენის მოძალების ხანაში — რომაული, ხელოვნურად მიყვრებული სახელე-
ბი: „ფლავიოს დადეს“, „პუბლიკიოს აგრიპა“ და სხვ.); მათ ორიენტაციაშიც
ბერძნულ-რომაული მითოლოგიისა და მითრასტულ თუ სხვა უცხოურ რელი-
გიათა მიმართ, რასაც თანა სდევს გულგრილობა მამა-პაპათა რჯულისა და სა-
კულტო წესებისა თუ სათანადო ინვენტარისადმი; ზოგიერთ შენობათა საყო-
ველთაო-ანტიკური ხუროთმოძღვრების ყაიდაზე აგებაში; უცხოური წარმოშო-
ბის დეკორატიული ჭურჭლისა და სხვა საგნების შექმნა-ხმარებაში და ა. შ. ასე-
თი წარმოდგენა მცხეთაში მსხდარ მეფეთა და ერისთავთა გარდა, შეიძლება
გავრცელებს ბორში მსხდარ ერისთავთა მიმართაც.

სოციალური წყობა. გარდა ზემოთ დახასიათებული, სახელმწიფოს
მმართველი წრისა, არქეოლოგიური მასალების მიხედვით წარმოგიდგება რამ-
დენიმე უფრო დაბლა მდგარი საზოგადოებრივი ჯგუფიც. საზოგადოების ასე-
თი განშრეგება იგულისხმებოდა ჯერ კიდევ სტრაბონის იმ ცნობების მიხედვით,
რომელთაც იგი იბერიის შესახებ გვაწვდის და რომელთა ინტერპრეტაცია სა-
დავოდ ითვლებოდა, სანამ მცხეთაში შემოგანხილული ძეგლები გამოჩვენებ-
დებოდა. ჩვენ მიერ უკვე განხილული წარწერები უპირველეს ყოვლისა სა-
ბოლოოდ უარგვეყოფინებენ ზოგი ჩვენი ისტორიკოსის მოძველებულ შეხე-
დულებას, თითქოს ახ. წ. პირველ საუკუნეებში საქართველოში ჯერ კიდევ
გვაროვნული წყობილება სუფევდა. წარწერებში ნათლადაა ასახული რთული
სახელმწიფოებრივი ორგანიზმი და, მაშასადამე, ნამდვილი კლასობრივი საზო-
გადოება, რომელსაც უკვე რამდენიმე საუკუნის ისტორია უნდა ჰქონდეს განე-
ლილი, ბარის საქართველოში შინც (მთიან კუთხეებში პირველყოფილ-თემუ-
რი წყობილება მას შემდეგაც დიდხანს ბოვინობს და ამიტომაცაა, რომ მთას
გამუდმებული ჭიდილი აქვს სოციალურად დიდად დაწინაურებულ ბარათან).

ამ საზოგადოების სხვადასხვა ჯგუფების მოსინჯვა ისევ და ისევ სამარხეუ-
ლი ძეგლების მიხედვით უფრო ხერხდება, ვინაიდან ყველა სხვა ძეგლი (ციხე,
სასახლე და სხვ.) თითქმის უკლებლივ უმალლეს წრეს ეკუთვნის და მხოლოდ
ურბნისშია ჯერჯერობით გამოვლენილი რიგითი მოქალაქეების ნამოსახლარი:
რიყის ქვეთა და თიხით ნაშენი სახლების თითქმის გაუსახურებული ნაშთებ:
და ყოფითი ინვენტარი (ქვევარი, კერა, ჭურჭელი, ხელსაფქვაეები, საოჯახო
ჭურჭლის ნატეხები და სხვ.). ზოგი რამ ამგვარი ინვენტარისა აღმოჩენილია
არმაზისხევის ერისთავთა სასახლის კარ-მიდამოზედაც და, ჩანს, დამხმარე სა-
მეურნეო ნაგებობათაგან მომდინარეობს.

სამარხეული ძეგლები, უპირველეს ყოვლისა დიდი მცხეთის ტერიტორია-
ზე, გამოვლენენ საკმაოდ აშკარა სოციალურ კონტრასტებს: სამთავროს სა-
მაროვანზე (შიგ მცხეთაში ახლახან აღმოჩენილი და ორ ადგილას ნათხარი სა-
მაროვნის მითვლით), მცხეთის სადგურის სამაროვანზე, არმაზისხევის სამარო-
ვანზე და სხვ. ამ სამაროვანთა შემადგენელი სამარხები, აღნაგობით იქნება თუ
ინვენტარით, საერთოდ ჭრელ სურათს გვიხატავენ და მათში დაკრძალულ ძე-
გლი მცხეთელების დიდ ქონებრივ სხვადასხვაობას ამჟღავნებენ. დიდი ნაშენი
აკლდამების, ქვის სარკოფაგებისა და ათეულობით მდიდრული ქვისსამარხების
შესახებ რომ აღარა ვთქვათ რა, დანარჩენი, დედაქალაქისა და მისი გარეუბნე-
ბის მასობრივ სასაფლაოთა შემადგენელი სამარხებიც სრულიად არაა ერთგვა-

როვანი და შეძლებულობის მიხედვით ჯგუფდება, მინდვრის სხვადასხვა ადგილებში. სამთავროს სამაროვანზე შეიძლება 4 ძირითადი ჯგუფი გამოიყოს: I. მდიდრებისა, II. საშუალო შეძლების ადამიანებისა, III. მცირე შეძლების ადამიანებისა და IV. ღარიბებისა (თითქმის, ან სულ უინვენტარო). სადგურის სამაროვანზე ჯერჯერობით მხოლოდ I და III ჯგუფები ჩანს, არმაზისხევთანაც — ასევე, ბაგინეთში (სამეფო რეზიდენციაში) — მხოლოდ I და ა. შ. ვან-საკუთრებით მძაფრია კონტრასტი არმაზისხევისა და მცხეთის სადგურისა. სამაროვანზე, ჩანს, იქ, ქალაქგარეთა უბნებში უმაღლესი არისტოკრატიისა და მათდამი სოციალურად დაქვემდებარებული ადამიანების (მონების, მისახურ-მხელების) გარდა არაინ ცხოვრობდა და იმარხებოდა. საყურადღებოა არმაზისხევის ერთერთ ღარიბულ სამარხში აღმოჩენა ერისთავთა ძვირფასი ჭურჭელსაქაულის იაფი მინაბაძებისა. თვით ეს ღარიბული სამარხებიც ზოგჯერ დიდ მშენებლობას მორჩენილი კრამიტით აშენებული ჩანან.

კლასობრივი საზოგადოებისათვის დამახასიათებელია აგრეთვე მ რ ა ვ ა ლ - ე რ ი ა ნ ო ბ ა და ს ხ ვ ა დ ა ს ხ ვ ა ხ ე ლ ო ბ ა თ ა მი მ დ ე ვ ა რ ი ჯ გ უ ფ ე ბ ი ს ა რ ს ე ბ ო ბ ა. ერთიცა და მეორეც აშკარად ჩანს მცხეთის მოსახლეობაში — თუნდაც სამარხეული ძეგლების, სახელღობრ, ეპიტაფიების მიხედვით.

რაც შეეხება დიდი მცხეთის გარეშე აღმოჩენილ იმდროინდელ სამარხებს, აქ მეტწილად მდიდრულ ან საშუალო შეძლების მანიშნებელ ინვენტართან გვაქვს საქმე (თაგილონი, კლდეეთი, ურეკი, ახალსოფელი და სხვ.), გამოჩენილის ეგებ ურბნისი შეადგენს, სადაც უფრო ღარიბული სამარხებიც იჩენს თავს. ყურადღებას იქცევს ის გარემოება, რომ კრამიტსამარხები ჯერჯერობით დიდი მცხეთისა და თბილისის გარდა თითქოს არსად არაა აღმოჩენილი. ასე რომ სამარხთა ეს ტიპი ქალაქურ სამოსახლოთა დამახასიათებელი ჩანს. ურბნისშიც კი ამ დროს მეტწილად ორმოსამარხები ყოფილა. ურბნისის სამარხთა ინვენტარი (კერამიკა, მინის ჭურჭელი, ქვა-მინა-პასტის მძივები, ოქროს ბეჭედ-საყურეები, რკინის გემშიანი ბეჭდები, ავეუსტეს დენარები და სხვ.) ძალიან ბევრი რამით ჰგავს სამთავროსა და აგრეთვე კლდეეთის სამარხთა ინვენტარს და ზოგადად უფრო საშუალო და საშუალოზე დაბალ ფენას შეიკუთვნება (ოქროული-ძალიან ცოტაა). ბორშიც შეგვიძლია დაუუპირისპიროთ ერთიმეორეს იქაური ერისთავ-პიტიახშების, ბრწყინვალე ინვენტარის შემცველი სამარხები და მწირი ინვენტარის შემცველი სამარხები (მათ შორის ქვევრსამარხები, რომლებშიც მევენახეობა-მეღვინეობაზე დასპეციალებულ, ნაწილობრივ თავისუფალ და მცირე საკუთრების მქონე მეურნეთა საფლავებს გულისხმობენ).

საკრთოდ, მწირი ინვენტარის შემცველსა და სულაც უინვენტარო სამარხებში უნდა ვივულისხმოთ ნივთიერი დოვლათის უშუალო მწარმოებლები და მათ შორის მონებიც, რომლებიც ქმნიან მდიდრულ სამარხებში მრავლად წარმოდგენილ ძვირფას ნივთებსაც და ჩვეულებრივ საოჯახოდ მოსახმარ საგნებსაც, უშენებენ ექსპლოატატორებს სასახლეებს, ციხეებს თუ სამარხ-აკლდამებს და საშუალებას აძლევენ მათ ფუფუნებით იცხოვრონ. შედარებით უფრო მდიდრულ სამარხებში ალბათ თავისუფალი მწარმოებლები (ხელოსნები და სხვ.) არიან დაკრძალული.

თავისებურ სურათს ქმნიან კლდეეთის სამარხები, რომლებმაც, მცხეთის არისტოკრატიული ნეკროპოლებს, ბორისა და ურეკის შემდგომ, ყველაზე უფრო მდიდრული და მრავალფეროვანი მასალა მოგვცეს. მათი ინვენტარი საერთო შემადგენლობითა და აგრეთვე ბევრე ცალკეული კომპონენტით თანხედება ზემოგანხილულ უმდიდრეს სამარხთა ინვენტარს, თუმცა საერთო ბრწყინვალეობით, ძვირფას დიდრონ საგანთა სიუხვითა და მრავალფეროვნებით ისინი ვერ შეედრებიან არმაზისხევის, მცხეთის სადგურის, ბაგინეთისა და ბორის სამარხებს. კლდეეთს ამ მხრივ თითქოს საშუალო ადგილი უჭირავს მათსა და სამთავროს მდიდარულ სამარხთა შორის. ამასთანავე, იქ იმ დროისათვის არც თუ ჩვეული და უფრო წინა ხანებისათვის დამახასიათებელი სიუხვით არის წარმოდგენილი ბრინჯაოს საკიდი ქანდაკებანი, ნაირ-ნაირი ევან-ზარაკები და სხვ. ამათ თითქმის სრულიად ვერ ვხვდავთ დედაქალაქის, მცხეთის სამარხებში, ისინი უფრო „პროვინციულ“ ადგილებში გვხვდება (მაგ., სამხრეთ ოსეთში). ეს არის საკულტო-მაგიური დანიშნულების საგნები, ძველ ხალხურ რელიგიურ რწმენებთან მჭიდროდ დაკავშირებული და ამიტომ ფართო საერთაშორისო ასპარეზზე გამოსული, უბრძანებელი და საგრძნობლად ეროვნულ სახე დაკარგული დედაქალაქისა თუ სხვა ქალაქური სამოსახლოების მცხოვრებთათვის — უკვე, ასე ვთქვათ, კონსერვატიული და მათ მიერ თითქმის მიტოვებულიც. კლდეეთის სამარხებში დაკრძალულნი აგრეთვე წარჩინებული და შეძლებული პირნი არიან, მაგრამ გაცილებით უფრო ნაკლებ მოწყვეტილნი ჩანან მშობლიურ კულტურულსა და იდეოლოგიურ ნადავს, ვიდრე მცხეთისა და ბორის მდიდრულ სამარხებში დაკრძალული დიდკაცობა. ისინი გვევლინებიან, როგორც საშუალო რანგის მხედართმთავრები (მრავალრიცხოვანი და მრავალფეროვანი იარაღ-საჭურველი, ჭაქვის პერანგი, მხედართა წოდებისადმი კუთვნილების მანიშნებელი გემმა, ინსიგნიები და მათ შორის ბრინჯაოს ლახტისთავი, საკმაოდ მდიდრულად დაკანშული ცხენები, ლითონის მხატვრული ჭურჭელი და ოქროს სამკაული). დაახლოებით ასევე განისაზღვრება თაგილონში აღმოჩენილ მდიდრულ სამარხში დაკრძალულის სოციალური რაობა (სხვათა შორის, იქაცაა ჭაქვის პერანგი, ოღონდ იარაღი არ შემონახულა).

საყურადღებოა, რომ ნამდვილად მთიანი რაიონებიდან (მაგ., ღებებიდან) მომდინარე არქეოლოგიური მასალის მიხედვით, იქ, ერთი მხრივ, აშკარაა შორეული სავაჭრო ურთიერთობისა და იმპორტის მუდმივ არსებობა, ხოლო, მეორე მხრივ, და უფრო ძლიერ, გამოხატულია მთის გარკვეული ეკონომიური თუ კულტურული დამოუკიდებლობა და უცხოურისადმი შეუვალობა. დიდად დამახასიათებელია ამ მხრივ, რომ მონეტები იქ მხოლოდ ოქროს კოლხურითაა წარმოდგენილი და საერთოდაც ძველი კოლხური კულტურის ტრადიციული ფორმები გაცილებით მეტი ჩანს შემონახული, ვიდრე კოლხეთის ბარში.

დასასრულ, კიდევ ერთი ზოგადი კულტურულ-ისტორიული საკითხი. არქეოლოგიური მასალის დეტალური კვლევა სულ უფრო და უფრო განამტკიცებს აკად. ს. ჯანაშიას მიერ ადრევე წამოყენებულ დებულებას იმის შესახებ, რომ აღმოსავლეთსა და დასავლეთ საქართველოში მოსახლე ტომების კულტურას ჩვენი წელთაღრიცხვის დამდეგს უკვე საკმაოდ მჭიდროდ კავშირები ახასიათებს, მიუხედავად იმისა, რომ მათ ჯერ კიდევ არა აქვთ საერთო სახელ-

მწიფობეობა. ამას მხარს უჭერს მცხეთა-კლდეეთის, მცხეთა-ბორის, მცხეთა-ურეკის, მცხეთა-ღების, ურბნის-კლდეეთის და სხვა ანალოგიურ არქეოლოგიურ ძეგლთა ერთიმეორესთან შეჭერება-შეპირისპირების შედეგები. იმავე დროს, რა თქმა უნდა, თითქმის ყოველი ჯგუფი ამ ძეგლებისა შეიცავს ისეთ თავისებურ ნიშნებს, რომლებიც არსებითად ავსებენ მეცნიერულ წარმოდგენას საერთოდ იმდროინდელი ქართული კულტურის მრავალფეროვნების შესახებ, კერძოდ, ბევრ რამეში იგრძნობა, მაგალითად, ძლიერი კოლხური სპეციფიკა, გარდაღებისა, აგრეთვე ურეკის, კლდეეთისა და თავილონის ძეგლების შესწავლისას.

ფილალური ხანის არქეოლოგიური ძეგლები

§ 14. აღრეფილალური ხანა

ამდროინდელი არქეოლოგიური ძეგლები ორ ძირითად ჯგუფად იყოფა: ა) სამარხეული ძეგლები; ბ) ნამოსახლარი ძეგლები.

სამარხეული ძეგლები. საყურადღებო სურათს წარმოგვიდგენს განსახილველ ხანაში გავრცელებული დაკრძალვის წესისა და სამარხთა აღნაგობის შესწავლა.

დიდი მცხეთის ამდროინდელი სამაროვნები თითქმის ყველა მასობრივია, გარდა არმაზისხევისა, და ქალაქის სხვადასხვა უბნებს. ეკუთვნის. აქ მხოლოდ ფილაქვით აგებული სამარხები (ტაბ. XXXII, 3) ან ფილაქვით გადახურული ორმოსამარხები გვაქვს. სამთავროს ზოგ ქვისსამარხში ჩადგმულია თიხის აბაზანისებრი საკოფაგები — სარქველიანი კუბოები, რომელთაც სხვა სამაროვნებზე (ურბნისში, ალაიანში, წილკანთან და სხვ.) ცალკე, ქვისსამარხთა გარეშე ვხედავთ, უმთავრესად III საუკუნის შემდგომ (ურბნისის ერთერთი საკოფაგი იხ. ტაბ. XXXII, 2). ქვისსამარხთა უმეტესობა წარმოადგენს საოჯახო სამარხებს, ამ უკანასკნელთა რიცხვი თანდათან მატულობს ადრეფილალური ხანის განმავლობაში.

შესაძლოა სწორედ ოჯახურად მარხვის წესის ესოდენ გავრცელებითაც აიხსნებოდეს, რომ გადაჭრით აუღიათ ხელი კრამიტსამარხებსა და აგურსამარხებზე, რომლებიც განმეორებითი დაკრძალვისათვის გაცილებით ნაკლებ მარჯვე იქნებოდნენ. IV საუკუნიდან მოყოლებული, ქვისსამარხები (ისევე არმაზისხევის ერთი ჯგუფის გამოკლებით) აშკარად უფრო დაუდევრადაა ნაშენი და თითქმის ყოველთვის ულაზათოა. მათ ახასიათებს: გაუთლელი ან ტლანქად თლილი ფილაქვები, „ხურდა ქვით“ შევსებული ფარლიატები, ადრევე გამოყენებული ფილაქვების (მაგ., წარწერიანი სტელების, „მერცხლისბოლოიანი“ ქვის, ჯვრიანი ქვისა და სხვ.) ხელახლა გამოყენება (მეორედ გამოყენებული ქვები არმაზისხევის ქვისსამარხებში იხ. ტაბ. XXX, 1). ზოგჯერ გრძივი კედლები ორ-ორი მოკლე ფილაქვისაგანაა შედგენილი; თანდათან ხშირდება მათი ამოყენა ნატეხი ქვითა და თიხით. მიუხედავად ყოველივე ამისა, ქვისსამარხთა აგება მაინც არა ჩანს ადვილი საქმე და გავრცელებული ყოფილა სხვათა, ძველი სამარხების მზამზარეულად გამოყენება მიცვალებულის დასამარხავად. ამას

თვალნათლივ მოწმობს სამთავროს ჩრდილო უბანზე აღმოჩენილი, IV—V საუკუნეთა სამარხის ეპიტაფია (ხუროთმოძღვრისა და მხატვართმოძღვრისა), რომელიც თავდება კრულვით მათდამი, ვინც გაბედავს იმავე სამარხში თავისი მიცვალებულის დასაფლავებას, თუნდ იმავე ტომისა იყოს, თუნდ უცხოელი.

თავისებური სამარხები და დაკრძალვის წესია დამოწმებული წიწამურის სამაროვანზე გ. ნიორაძის მიერ 1926 წელს ჩატარებული მცირე გათხრის შედეგად. აქ იყო სამი მცირე, ბრტყელი ფილაქებებით ნაგები სამარხი, რომელთაგან ერთში აღმოჩნდა სამი ჩონჩხი, ადრე შუა საუკუნეთათვის დამახასიათებელი საკინძები და რკინის ლურსმნები, დანარჩენებში — თითო ჩონჩხი. კრემაციისა არავითარი ნიშნები არა ჩანდა და გამთხრელმა ამ სამარხებში გამოიცნო მეორადი დამარხვა, თავდაპირველად ჰაერზე დამარხვის შემდგომ. ამგვარი დაკრძალვა კი ცეცხლთაყვანისმცემლობის მიმდევრებს სჩვეოდათ. რადგან იქვე ახლოს გაითხარა ორი დიდი, საოჯახო, იმედროული ნივთების შემცველი ქვისსამარხი, საფიქრებელი შეიქნა, რომ აქ ერთისა და იმავე მოსახლეობის ორგვარ დაკრძალვის წესთანა გვაქვს საქმე. მაგრამ უფრო მართებული იქნება, თუ ამ ვითარებაში ქალაქის კრელი მოსახლეობის თავ-თავისებურად დაკრძალვას დავინახავთ — მით უმეტეს, რომ სამთავროს მინდორზე ნაპოვნნი. ეპიტაფიების მიხედვით მცხეთის სასაფლაოებზე ქართლის მკვიდრთა გარდა, ებრაელები და ბერძნულად მოუბარნიც უმარხავთ მხარდამხარ.

რაც შეეხება მეორად დამარხვას მცირე საძვალეში, ერთი ასეთი შემთხვევა გვაქვს ურბნისშიც, 1953 წელს გათხრილ თიხის პატარა სარკოფაგში. ცეცხლთაყვანისმცემლობის საეარაულო გავლენასთან დაკავშირებით უნდა გავიხსენოთ ჩვენი წყაროების ცნობა იმის შესახებ, რომ ქართლის მოსახლეობა მედგრად აღუდგა წინ სპარსელთა ცდას, მისთვის თავს მოეხვია დაკრძალვის ზოროასტრული წესი.

ყველა სამარხი დასავლეთიდან აღმოსავლეთითაა დამხრობილი, ხოლო მიცვალებულებს შიგ თავით დასავლეთისაკენ ასვენებდნენ (რაც უკვე ემთხვევა ქრისტიანულ წესს), მაგრამ არც თუ იშვიათად — აღმოსავლეთისაკენაც (შედარებით უფრო გვიანდელ სამარხებში). უმეტესობა დასვენებულია გულდამა, ფეხებგაქიმული. ხელები ხშირად ტანის ჩამოსწვრივ უწყვიათ, ზოგჯერ კი — მკერდზე, მკერდს ქვემოთ ან მხრებზე დაკრებილიც.

სამარხთა დიდი უმეტესობა ძველადვე გაძარცვულია, მაგრამ მაინც ხერხდება ისეთი სამარხების გამოჩენვა, რომლებშიც იმთავითვე არავითარი ინვენტარი არა ყოფილა. მაგალითად, სამთავროს ჩრდილო უბანზე გათხრილი 968 სამარხიდან ასეთად 258 ითვლება. ზეგანზე გათხრილ სამარხთა 50% სულ უინვენტარო იყო, ხოლო დანარჩენი ღარიბულ ინვენტარს შეიცავდა. ესეც ნიშანდობლივი ფაქტებია სოციალური ვითარების თვალსაზრისით. ამასთანავე, წინააღმდეგ მოლოდინისა, ორმოსამარხები ყოველთვის როდი წარმოადგენენ უღატობეს სამარხებს. ასე მაგალითად, ერთ მათგანში ნაპოვნია მინის მოხატულ-წარწერილი ფიალა.

სამარხთა ინვენტარი ჭერჭერობით მაინც საკმაოდ მრავალრიცხოვანი და მრავალფეროვანია. მის უმეტესობას შეადგენს ნაირ-ნაირი სამკაული და ტანსაცმელი-ფეხსაცმლის ლითონის დეტალები. მეორე

ადგილი უჭირავს მინის კურკელს, თუმცა მისი შემადგენლობა ძლიერ გაერთფეროვნებულია. ხელსაწყო-იარაღი თითო-ოროლა რკინის დანის პირითაა წარმოდგენილი, ხოლო თიხის კურკელი, წინააღმდეგ აღრინდელი სამარხებისა, სულ ორიოდ შემთხვევაშია ნაპოვნი და მისი ჩატანება წესად ვეღარ ჩაითვლება. მონეტებიც იშვიათად გვხვდება. სრულიად აღარა ჩანს ლითონის (ვერცხლის, ბრინჯაოს) კურკელი. იმ შემთხვევაშიც, როდესაც ინვენტარში წარმოდგენილია იგივე ჯგუფები, რაც I — III საუკუნეთა სამარხებში, მათ შორის მეტწილად მკვეთრი განსხვავებაა. ამასთანავე, ჩნდება და ვრცელდება მცხეთისათვის სრულიად ახალი ტიპები: თავსაბურავისა თუ თავსამკაულის საკინძები, ტანისამოსის შესაბნევი მშვილდსაკინძები და სხვ.

ყოველივე ზემოთქმული ისეთი ცვლილების მომასწავებელია, რომელიც ვერ მიეწერება მარტოოდენ კულტურის ჩვეულებრივ განვითარებას. შეიძლება ითქვას, რომ დიდი მცხეთის ამდროინდელი სამარხების შესწავლით დაგროვილი მასალა აირეკლავს III — IV საუკუნეთა მიჯნაზე და უფრო კი IV საუკუნეში მომხდარ ტეხილს ქართლის საზოგადოებრივ-ეკონომიურ განვითარებაში. საქმე გვაქვს დაკრძალვის წესის აშკარა სახეცვლასთან, რაც უპირველეს ყოვლისა, ქვისამარხებსა და შიგ კოლექტიურ დაკრძალვაში, ე. წ. საოჯახო სამარხებზე საყოველთაო გადასვლაში გამოიხატება. დაკრძალვის წესის მნიშვნელოვან ცვლაზე მიგვიითიუმებს რამდენსავე შემთხვევაში აღმოჩენა რკინის ლურსმნებისა (ჩანს ხის კუბოს ნაშთების), აგრეთვე მთლიანად შემორჩენილი თიხის აბაზანისებრი კუბოებისა, რომლებიც ქვისამარხებში არიან შედგმული.

დაკრძალვის წესის მნიშვნელოვან გადასხვაფერებას მოწმობს ინვენტარის თვისობრივი შემადგენლობის ცვლილებაც, კერძოდ ის, რომ მიცვალებულთათვის ჩასატანებელი საგნებიდან სრულიად, ან თითქმის სრულიად გამორიცხული ჩანს: საოჯახო კურკელი (მინის სანელსაცხებლებს და ეგებ სასმის თასებსაც უფრო სარიტუალო დანიშნულება უჩანთ), მონეტები, პირსაფარეშო საგნები.

ინვენტარში გარკვეული საგნების მომრავლება იმას გვეუბნება, რომ მოსახლეობა ახლებურად იმოსება; ქალები თმას სხვანაირად იკრავენ თუ იმკობენ და ა. შ. ხოლო ძველადაც ხმარებულ სამკაულსა თუ შესაბნევ მოწყობილობას ახლა სხვა მოყვანილობა და აღნაგობა აქვს და მათი გამოსაჩენი ნაწილებიც სხვა მასალით, სხვაგვარად შემკული და მხატვრულადაც სხვაგვარად გაფორმებულია. იმის თქმაც კი შეიძლება, რომ ოქროული მცხეთის ამდროინდელ სამარხებში უფრო ფართოდაა გავრცელებული, ვიდრე წინარე ხანის სამარხებში, ოღონდ ოქროს ნივთების საშუალო რიცხვი ცალკეულ, ბუნდაც უმდიდრეს სამარხებში უფრო ნაკლებია და ისინი ტექნიკურადაც და მხატვრულადაც უფრო მდარედ გამოიყურებიან. შესაბამისად, დიდად კლებულობს ნამდვილ პატრიოსან თვალთა და გემმათა რიცხვითა და ხარისხიც. აქ წარმოდგენილია ის სამკაული თუ სხვა ნივთები, რომლებიც მეტწილად ნამდვილად მიეკუთვნება ხალხის ფართო ფენებს და ახასიათებს რიგითი მოქალაქეების, მცხეთელების ნივთიერ დოვლათს, მხატვრულ-ესთეტიკურ მოთხოვნილებას, გემოვნებას. ამას

ვერ ვიტყვოდით I—III საუკუნეთა წარჩინებული და შეძლებული პირების სამარხთა ინვენტარზე.

ამდროინდელ წარჩინებულ-შეძლებულთა სამარხები ჯერჯერობით მხოლოდ არმაზისხევთან არის ცნობილი, ამასთანავე, სავსებით კანონზომიერი იქნებოდა, თუ ასეთი სამარხები, V საუკუნიდან მაინც, განლაგდებოდა უკვე კარგა ხანს არსებული და ქრისტიან მოსახლეობაში ალბათ მოწიწების საგნად ქცეული ტაძრების გვერდით. თუ ქრელი მდაბია მოსახლეობის ზოგ ფენაში კიდევ არის საეარაულო ქრისტიანული ეკლესიისადმი გულგრილი და ზოგჯერ ეგებ მტრული განწყობილებაც კი, ამ დროისათვის საზოგადოებისა და სახელმწიფოს სათავეში მდგარი ფენები, ქრისტიანი მეფე-მთავრები და სხვანი, პირიქით, ალბათ სწორედ ტაძრებს მიეცანებოდნენ. მაგალითად, გავისხვნოთ, რომ ვახტანგ გორგასალი სვეტიცხოველშია დამარხული, ხოლო მირიან მეფე და ნანა დედოფალი — სამთავროს ტაძარში.

რაც შეეხება სამარხეული ინვენტარის ხნოვანებას, ყოველთვის ვერ ხერხდება IV—VIII საუკუნეთა დანაწევრება უფრო მცირე მონაკვეთებად. სამთავროს დიდძალი მასალის გულდასმითი ანალიზი არკვევს, რომ მკაფიო მიჯნა უფრო V და VI საუკუნეთა შორის გაივლის, ვიდრე VI და VII საუკუნეთა შორის და ამის გამო კიდევაც გამოიყოფა გარდამავალი ხანა — IV—V საუკუნეები. მაგრამ გარკვეული თვალსაზრისით ეს გარდამავალი ხანა შეიძლება III საუკუნის შუადანაც დაიწყოთ (განსაკუთრებით არმაზისხევის მასალების მიხედვით) და მეორე მხრივ კი VI საუკუნის ბოლომდე მოვიყვანოთ.

სამთავროსაგან განსხვავებით, არმაზისხევის სამაროვანში შესაძლოა ხდება დამაჯერებლად გამოყოფა IV საუკუნის სამარხებისა, რომლებიც იმავე დროს უმდიდრესნი არიან იმდროინდელი მცხეთის ჩვენთვის ცნობილთა შორის (მაგ. იხ. ტაბ. XXXI, 4) და მკიდროდ უკავშირდებიან არმაზისხევისავე, III საუკუნისათვის მისაკუთვნიებელ, ერისთავ-პიტიახშთა სამარხებს. ამიტომ გამოთქმულია მოსაზრება, რომ ამ ათიოდე სამარხში დაკრძალული არიან არმაზისხეველ პიტიახშთა შორეული, უფლებრივ-ქონებრივად დაკნინებული, მაგრამ მაინც საკმაოდ ღონიერი შთამომავლები.

რაც შეეხება შემთხვევით აღმოჩენილ ძეგლებს, აღმოსავლეთ საქართველოში ამ სამარხებს რამდენადმე მაინც უბამენ მხარს ახალგორის (1917 წ.), წილენისა და აღაიანის საკმაოდ მდიდრული სამარხები, ხოლო დასავლეთ საქართველოში — ურეკისა და სარგვეშის, აშკარად მდიდრული სამარხები, რომელთა ხნოვანება ნაწილობრივ მაინც შემოდის IV საუკუნეში.

V საუკუნის შემდგომ ჰეთი, სიმდიდრით გამორჩეული სამარხები აღარსად გვევლლება. ამ გარემოებაშიც უნდა დავანახოთ „გარდამავალი ხანის“ ერთ-ერთი დამახასიათებელი მხარე: ფუფუნებით დაკრძალვის ანტიკური ტრადიცია თანდათან ნელდება და მხოლოდ IV საუკუნის მანძილზე განაგრძობს ჯერ კიდევ საკმაო სიძლიერით არსებობას.

ახლა დარგობლივ განვიხილოთ ის ნივთიერი მასალა, რომელიც სამარხეულ ინვენტარშია წარმოდგენილი.

ს ა მ კ ა უ ლ ი ს ერთერთი უმნიშვნელოვანესი გვარია ბ ე კ დ ე ბ ი. ისინი გაცეთებული არიან: ოქროს, ვერცხლის, ბრანჯაოს, რკინის, ნახევრად ძვირფა-

სი ქვეებისა და მინისაგან. ქვისა და მინის ბეჭდები სწორედ ამ ხანაში ჩნდება. I—III სს. სამარხებთან შედარებით, აქ ბეჭდები საერთოდ ნაკლებია, მაგრამ, მაგალითად, არმაზისხევის მდიდრულ სამარხებში ისევე მრავალადა და თანაც სულ ოქროსი (ტაბ. XXXII, 1, ქვ. რიგი). ერთ მათგანზე არმაზული ასოებით ამოკაწრულია „ადა“—ჩანს, პატრონის სახელი. ბევრად უფრო მეტია ახლა ბრინჯაოს ბეჭდები და ნაკლებია რკინისა. ჩნდება ახალი, განსხვავებული ფორმები (ვანაკუთრებით დამახასიათებელია რგოლზე დარჩილული; სწორკუთხოვანი, ჯამისებრი თუ სხვა მოყვანილობის ბუდეები და მთავარი თვალბუდის აქეთიქით მცირე თვალბუდეები ან კორძები). ბეჭდებს უზის სარდიონის, გრანატის, ონიქსის, ამეთისტოს, ლაქვარდის, მინისა თუ პასტის თვლები, რომლებზედაც ხშირადაა ამოკვეთილი სხვადასხვა გამოსახულება. სამთავრო-არმაზისხევის ამგვარ ბეჭდებს ეხპაურება ალაიანში ნაპოვნი, V საუკუნისა, და რუსთავის IV—V სს. სამარხში ნაპოვნი ოქროს ბეჭდები; ნაწილობრივ — სარგვეშის, ახალგორის, ერედვის, ლები-შოშეთისა და ლეჩხუმის უახელოს, შემთხვევით აღმოჩენილი ბეჭდებიც. გემმები მარტივი, ხშირად ჰქემატური და უმთავრესად ამა თუ იმ ცხოველის ან ზღაპრული არსების გამომხატველია. მცხეთის სამარხებში აღმოჩენილ გემმათა შორის გამოიყოფა დასახელებული, აღმოჩენილი და აგრეთვე აღგილობრივი. შესაძლებლადაა მიჩნეული, რომ გემმების დიდი ნაწილი აქვე, მცხეთაში იყოს გაკეთებული. ოღონდ უცხოურ ყაიდაზე, უცხოელ ხელოსანთა მონაწილეობით. მიუხედავად გემმების საერთო ამოტროპული (ავგაროზული) დანიშნულებისა, მათი უმეტესობა მინც მიჩნეულია საბეჭდავებად, საყუთრებისა თუ საბუთების დასადასტურებელ ხელსაწყოებად. მხატვრული ხელოსნური წარმოების სათანადო დარგის განვითარება ადგილობრივ ადრევე გაცხოველებით მიმდინარეობდა. გემმა ზოგჯერ ამოკვეთილია უთვალო ბეჭდის საგანგებოდ დაბრტყელებულ ფარაკზე. ამგვარი ბეჭდები სწორედ განსახილველ ხანაში ჩნდება. ამ ხანაშივე ვრცელდება ქვისაგან მთლიანად გამოკვეთილ-გამოთლილი ბეჭდები, რომლებსაც დაბრტყელებულ ნაწილზე აქვთ ამოჭრილი გამოსახულება.

ცალკე აღსანიშნავია გემმიანი საბეჭდავები, ისინი ან ქვისაგან (სარდიონი და სხვ.) გამოთლილი, ან არადა ლითონისაგან ჩამოსხმული არიან.

საბეჭდავთა შორის განსაკუთრებით გამოირჩევა ზოგიერთი, დიდკატთა კუთვნილი ასეთია მაგალითად არმაზისხევის მდიდრულ, IV საუკუნის სამარხში აღმოჩენილი ოქროს ბეჭედი, რომლის თვალზედაც ამოკვეთილია პორტრეტული გემმა — წვერულეაზიანი და საყურაიანი მამაკაცის პროფილი (ტაბ. XXXII, 1, ქვ. მარჯვ.). იგი, ერთი მხრივ, მოგვაგონებს იქვე, ერისთავ-პიტიახშთა სამარხებში აღმოჩენილსა და წარწერიან პორტრეტულ გემმებს, ხოლო მეორე მხრივ — „უშა პიტიახშის“ საბეჭდავს, რომელიც საქართველოში არის ნაპოვნი და ამჟამად კი პარიზში ინახება. ეს უკანასკნელი არის ონიქსისაგან მთლიანად გამოთლილი ბეჭედი, რომლის ოვალურად დაბრტყელებულ ნაწილზე ამოკვეთილია აგრეთვე წვერულეაზიანი კაცის პორტრეტი და ბერძნული წარწერა: „უსას პიტიაქსეს იბერონ კარქედონ“. არავის ეეჭვება, რომ აქ იბერიის ანუ ქართლის პიტიახშთანა გვაქვს საქმე.

უნდა აღინიშნოს სართიქალის მახლობლად, მულანლოში შემოხვევით აღმოჩენილი სამარხის ინვენტარში შემავალი ვერცხლის ბეჭედი, რომელიც საბეჭდავად ჩაითვლება, რადგან ზედ ფარაკზე ამოკვეთილი აქვს თავდაბურული მამაკაცის პროფილი. ამგვარი საბეჭდავი ჯერჯერობით ერთადერთი გვაქვს. ინტალიოს მიხედვით იგი IV—V საუკუნეებს მიეკუთვნება.

თითო-ოროლა გულსაკიდი მედალიონიცა გვაქვს. ამათგან, პირველ ყოვლისა, აღსანიშნავია სამთავროში აღმოჩენილი ოქროს მედალიონი, რომელშიც ზის გრანატის თვალი, ხოლო ამ უქანასქნელზე ამოკვეთილია თავსაბურავიანი მამაკაცის გამოსახულება. აქვე უნდა აღინიშნოს წილკანში აღმოჩენილი გულსაკიდი, რომელშიც ჩასმულია ძველი, ნამდვილი ანტიკური გემმა: ქალის ფაქიზი პროფილი, ხოლო მის ირგვლივ და უქან — მაგიური დანიშნულების ბერძნული წარწერა. ჩანს, გემმა მეორადი გამოყენების წყალობითაა მოხვედრილი გულსაკიდში. ახალგორში 1917 წელს აღმოჩენილ სამარხულ ინვენტარშიც შედის ერთი ოქროს გულსაკიდი, რომელიც მედალიონზე შეკიდული მარგალიტებიტაცა ჰგავს სამთავროს მედალიონს და ირგვლივი, წითელი თვლით დამშვენებული აშიის დატიხრულობითაც.

საყურეები საერთოდ შედარებით ნაკლებ გვხვდება და ისევე არამაზისხევის მდიდრულ სამარხებში ვხედავთ მათს ისეთ სიუხვეს, როგორც წინარე ხანის სამარხებს სჩვევიათ. ყველა ისინი ოქროსია, მათ შორის ჰარბობს ის, შედარებით მარტივი ტიპი, რომელიც ჩნდება უკვე III საუკუნის მეორე ნახევარში და საყოველთაო გავრცელებას აღწევს IV საუკუნეში. ასეთ საყურეებს შეადგენს რგოლი, რომელზედაც ქვემოდან მიჩილულია ღერაკი, ხოლო ამ უქანასქნელზე ასხმულია მარგალიტი და სხვა მძივები. ეს ტიპი ხშირია სამთავროშიც და ბევრ სხვა იმდროინდელ სამაროვანშიც. არის თითო-ოროლა სხვა, გაცილებით უფრო რთული და მოხდენილი ტიპის, პოლიქრომულად შემკული საყურეებიც. არამდიდრულ სამარხებში ხშირია ვერცხლისა და ბრინჯაოს მარტივი საყურეები. ყურადღებას იქცევს არამაზისხევის IV ს. მდიდრული სამარხის ოქროს წყვილი ბრტყელი, მარგალიტშეკიდული საყურე და აგრეთვე გვიანანტიკური, მრავალწევრიანი, ბრტყელი და მოთვალული საყურეების მსგავსი, თთქოს გადმონაშთი, ორი წყვილი ოქროს საყურე: არამაზისხევის ერთერთ, VI—VII სს. სამარხში და რუსთავის ერთერთ, IV—V სს. სამარხში.

საერთოდ IV—V საუკუნეებში ოქროს ძირითადი სამკაულის — ბეჭდების, საყურეების — თვალსაჩინო ერთგვაროვნება დიდი მცხეთისა და საქართველოს სხვა კუთხეების სამარხთა ინვენტარში მკაფიო მოწმობაა ნივთიერი კულტურის თანდათანობით გაერთგვარებისა საქართველოს სხვადასხვა მხარეებში და სოზოგადოების სხვადასხვა ფენებში.

სამაჯურები შედარებით ცოტაა, ისიც მეტწილად რკინისა, დაჟანგული, სახედაკარგული. ბრინჯაოს სამაჯურთაგან ყურადღებას იქცევს ერთი ტიპი — პირშეუკვრელი და ზურგამსხვილებული, რომელიც თანმხლები მშვილდსაკინძების მიხედვით, V—VI და ეგებ VII საუკუნეებსაც უნდა მიეკუთვნოს. საქართველოში ეს ტიპი იშვიათი ჩანს და მას, ისევე როგორც მშვილდსაკინძთა დიდ ნაწილსა და ფეხსაცმლის შესაკრავებს, კავკასიონის ჩრდილოეთით უფრო მრავლად მოეპოვება მსგავსი.

უადრესად საინტერესო და ზოგჯერ ბრწყინვალე, II—III საუკუნეთა ტიპებისაგან ძირეულად განსხვავებული, მაგრამ ხარისხით მათი ტოლი, ოქროს ნიმუშებითაა წარმოდგენილი სამაჯურები არმაზისხევის IV საუკუნის მდიდრულ სამარხებში. აქ გვაქვს ორი წყვილი ბრტყელი, დამუხლული, თვლებითა და მიწანქრით უხვად შემკული (ტაბ. XXXII, 1, ზემ.) და ერთი წყვილიც მძივებისაგან შედგენილი სამაჯურები. ერთ წყვილზე შიგნიდან ამოაწრულია არმაზულ-არამეული წარწერები, რაც კიდევ უფრო მკიდროდ უახლოვებს მათ შემცველ სამარხებს პითიასში წინაპრებისას.

მძივები საერთოდ თითოეულ სამარხში გაცილებით უფრო ცოტა გვხვდება, ვიდრე აღრანდელ სამარხებში. ზოგში რამდენიმე ცალია ნაპოვნი, ზოგში ათეულობითაა, ხოლო ერთში — ასეულობითაც კი. თუ I—III სს. სამარხებში ქვა და მინა თითქმის თანაბრად იყო წარმოდგენილი და ქარბობდა პასტასა და სხვა მასალას, აქ აშკარად ქარბობს მინა, მას მოსდევს ქვა, შემდეგ — პასტა, ქარვა, სადაფი, ძვალი და ა. შ. ქვიერი მასალა აქ ნაკლებ მრავალფეროვანია, ვიდრე წინარე ხანაში. წარმოდგენილია: გიშერი, სარდიონი, გრანატი, აქატი, კვარცი და მარმარილო. ყველაზე უფრო გავრცელებულია გიშერი („ოკრიბის ქვა“), შემდეგ მოდის სარდიონი და გრანატი, ხოლო დანარჩენი ცოტ-ცოტაა. ხერხდება მძივთა დანაწევრებული დათარიღება (IV—V სს., V ს., IV—VI სს., VII ს. და ა. შ.). უძვირფასესია და შედარებით იშვიათად გვხვდება გრანატის მძივები. მინის მძივებს სხვადასხვა ფერი და მოყვანილობა აქვს. ყურადღებას იქცევს ქარვის მძივთა მცირერიცხოვნება. ჩანს, ქარვის იმპორტი (ჩრდილოეთიდან) შესუსტებულა და სპაგიეროდ გაძლიერებულა ადგილობრივი მასალის, გიშრის გამოყენება. არის ცოტაოდენი ზღვის ნიჟარები ანუ ლეიწილებიც („*corrie*“), რომლებსაც უფრო ავგაროზებად ატარებდნენ ხოლმე. მძივთა შორის გამოიყვება მარჯნის შტოთა ნატეხებიც.

ცალკე აღსანიშნავია: ოქროს ბურთულა ღრუ მძივები რუსთავის მარჯვენა ნაპირის სამაროვნის ერთერთ სამარხში (IV—V სს.), ოქროს ცილინდრული მძივები არმაზისხევის IV ს. მდიდრულ სამარხში (სადაც ისინი თითქოს სამაჯურს შეადგენდნენ) და აღაიანის V ს. საარკოფაგში.

IV—VII საუკუნეთა მანძილზე სამთავროს სამარხებში მძივთა რაოდენობა თანდათან კლებულობს; რამდენადმე მატულობს ქარვა და სადაფი; კლებულობს გიშერი, მინა და ქვა (რჩება მხოლოდ სარდიონი). მინა-პასტის მძივთა ფორმები ევოლუციას განიცდიან: ბოლოს ზოგი რჩება, ზოგი სულ ქრება და ზოგიც იცვლება. შეგვიძლია დავასკვნათ, რომ იმპორტული მასალა კვლავ სქარბობს ადგილობრივს, ხოლო მძივთა მკეთებელი ოსტატები არ წყვეტენ ახალ ფორმათა ძიებას.

აღსანიშნავია არმაზისხევის ერთერთ მდიდრულ სამარხში (IV ს.) აღმოჩენილი, ყელსაბამის ფრიალ თავისებური მძივები: სამტყუპა რკოთა მსგავსი, ოქროს ბუდეებში ჩასმული ლურჯი მინის ნახევარბურთოებები.

ს ა კ ი ნ ძ ე ბ ი ასეულობითაა აღმოჩენილი, ნაირ-ნაირია და საერთოდ თავისებური (რამდენიმე ნიმუში იხ. ტაბ. XXXII, 4). დიდი მცხეთის გარდა ისინი აღმოსავლეთ საქართველოს სხვა კუთხეებშიც გვხვდება (წალკა,

რუსთაი, საცხენისი და სხვ.). ღეროები ბრინჯაოსი ან რკინისა აქვთ, იშვიათად ვერცხლისა, ხოლო თავები — ან იმავე, ან სხვა მასალისა (მარჯნისა, მარგალიტისა, სარდონისა, გრანატისა, მთის ბროლისა, კვარცისა, პასტისა, მინისა), იშვიათად ოქროს ღეტალებით დამშვენებული განსაკუთრებით მრავლადაა საკინძები: დიდი მცხეთის სამარხუნებში. სამთავროს საკინძთა შორის გამოყოფენ 9 ტიპსა და მათ ვარიანტებს — იმას მიხედვით, თუ რა მასალისა და მოყვანილობის თავები აქვთ. განსაკუთრებით ხშირი და დამახასიათებელია მარჯნით დაგვირგინებული საკინძები, რომელთა თავებსაც ბროწულის ყვავილის ან თითქოს მწა ნაყოფის, ან არადა ყაყაჩოს, ხაშაშის სათესლე კოლოფის ფორმა აქვთ. საფიქრებელია, რომ ეს არის ნაყოფიერების სიმბოლო, საესებით ბუნებრივი ქალთა სამკაულებში. ამგვარ საკინძთა დიდი ნაწილი ქალის თმასთან თუ თავსაბურავთან არის დაკავშირებული. საესებით გასაზიარებელია ჩანს ე. თ ა ყ ა ი შ ვ ი ლ ი ს მონაზრება, რომ მათში თანამედროვე ქართული ჩახტი-კობისა და თავსაბურავის მსგავსი თავსაბურავის შესაბნევი. თუ დასამშვენებლად ჩასარკობი საკინძები უნდა დავინახოთ. ხოლო რაი ეს საკინძები საერთოდ გვიან, სწორედ განსახილველი პერიოდის დამდეგს ჩნდება, უნდა ვივარაუდოთ, რომ თვით ეს წესიც თმის შემკობისა თუ თავის დახურვისა შედარებით გვიან გაჩენილა ჩვენში. ამრიგად, თითქოს ხელთა გვაქვს ქართველი ქალის ჩაცმა-დახურვის ამჟამად ცნობილი წესის საწყისები.

მ შ ვ ი ლ დ ს ა კ ი ნ ძ ე ბ ე ა ნ უ ' ფ ი ბ უ ლ ე ბ ი დასავლეთ საქართველოში ფართოდ იყო გავრცელებული გვიანანტიკურ ხანაშივე (კლდეეთი, ურჯი), მაგრამ აღმოსავლეთ საქართველოში და, კერძოდ, დიდ მცხეთაში კი ვრცელდება მხოლოდ III—IV საუკუნიდან. ისინი გაცემებულია ვერცხლისა (იშვიათად), ბრინჯაოსა და რკინისაგან (ყველაზე უფრო ხშირად); ყველა მშვილდსაკინძი ორწილადია (რამდენიმე ნიმუში იხ. ტაბ. XXXII, 4, ქვემოთ, მარცხ.). ვერცხლისა და ბრინჯაოს მშვილდს ენა ხშირად რკინისა ახლავს. აღნაგობის მხრივ გამოიყოფა ორი ძირითადი ჯგუფი: ბ უ ღ ე ა ბ მ უ ლ ი და — ჩანს, მისგან განვითარებული — ბ უ ღ ე ა უ ბ მ ე ლ ი. ბუღეაბმული მშვილდსაკინძები აღმოსავლეთ საქართველოში უკვე ჩამოყალიბებული გვევლინება და, შესაქლოა, დასავლეთ საქართველოდან იყოს შემოსული. სამთავროს ყველაზე უფრო მრავალრიცხოვან მშვილდსაკინძებში გამოპყოფენ ორ-ორ ტიპს (ბუღეაუბმულთა შორის — ზამბარჩანსა და უზამბაროს) და ავრეთვე ვარიანტებს. ერთსა და იმავე სამარხში პოვნა მოწმობს ბევრი ამ ვარიანტთაგანის თანაარსებობას. სამთავროში გამოყოფილი 13 სახეობიდან 11 მიეკუთვნება IV—VI სს. მათგან ზოგი IV საუკუნის შუა ხანებში ჩნდება და იმავე საუკუნეში ქრება, ზოგი V საუკუნის დამდეგს ჩნდება და VI საუკუნეში ქრება და ა. შ. VII საუკუნეში გადმოდის მხოლოდ ორი გვარი, წარმოქმნილი V საუკუნის ბოლოს. ეს მშვილდსაკინძები ითვლება ჩვეულებრივი ტანსაცმლის შესაბნევ მოწყობილობად.

ის გარემოება, რომ აღმოსავლეთ საქართველოში მშვილდსაკინძები IV საუკუნიდან ვრცელდება ფართოდ, გვანიშნებს აქ ტანსაცმლის რავჯარობის შეცვლას, ხოლო მათი ზომის სხვადასხვაობა იმას, რომ ტანსაცმელს ნაირნაირი სისქის ქსოვილისაგან იკერავდნენ.

ტანსაცმელ-ფეხსაცმლის სხვა ნაწილთაგან ყურადღებას იქცევს ბრინჯაოს ორგვარი შესაკრავები: ა) „განივძელაკიანი“, უენო, რომელთაც თან ახლავთ ხოლმე შუაში სიგრძივ ამოქრილი ფირფიტები და თავბრტყელი საკინძველები — მამაკაცის წალისებრი ფეხსაცმლისათვის (დედაკაცის ფეხსაცმელი ეკვრებოდა ჩვეულებრივი, უძელაკო ფირფიტებით); ბ) ძვლის ან ქვისაგან გამოთლილი, ბურთულაბოლოებიანი ძელაკები — საყელოს კილოთა შესაბნევი.

თავსაბურავი წარმოდგენილია ერთი, შემთხვევით მთლიანად დატული, მეტად თავისებური ქუდით ან, ეგებ, ქალის რთული თავსაბურავის ძირითადი ნაწილით. რგი გაკეთებულია მოთელილი მატყლისაგან და ძაფებითაა დალიანდაგებული. შიგ გარკობილი იყო ბრინჯაოსა და რკინის რამდენიმე საკინძვი. ერთი მსგავსი „ქუდი“, რომელშიც თითქოს ოქროს საკინძვიც კი ყოფილა გარკობილი, მცხეთელებს უპოვინათ წიწამურის ქვემოთ მდებარე მინდორზე შემთხვევით აღმოჩენილ ქვისსამარხშიც. საკმაოდ გარკვეულ წარმოდგენას გვიქმნის იმდროინდელ თავსაბურავთა შესახებ და რამდენადმე მოგვაგონებს კიდევაც ფორმით ზემოაღწერილ „ქუდს“ სამთავროში აღმოჩენილი, უკვე განხილული ოქროს გულსაკიდის გემმაზე გამოხატული მამაკაცის თავსაბურავი.

პირსაფარეო მოწყობილობა კანტიკუნტადაა წარმოდგენილი. ასეთი საგნების ჯგუფს მიეკუთვნება, უპირველეს ყოვლისა, ბრინჯაოს მრგვალობრტყელი სარკეები. სამარხთაგან მომდინარე სამი სარკეა ცნობილი: ერთი სამთავროში, მეორე—რუსთავეში (IV—V საუკუნეთათვის ტიპურ ინვენტართან ერთად) და მესამეც—გაგრაში (აგრეთვე IV—V სს. ინვენტარში). სამივე შემთხვევაში ქალთა სამარხებთანა გვაქვს საქმე. საერთოდ კი სარკის სამარხში ჩატანების წესი აშკარად შესუსტებული ჩანს. სრულიად აღარა გვხვდება სამარხეულ ინვენტარში პირსაფარეოდ გამოყენებული ზღვის ნიჟარები, რომლებიც ხშირი იყო გვიანანტიკური დროის სამარხებში.

რამდენსამე სამარხში აღმოჩენილია ბრინჯაოს ილარები ანუ ყურსაჩიჩქნები (სამთავრო, არმაზისხევი — ნიმუშები იხ. ტაბ. XXXII, 4, ზემოთ, მარჯვნივ — გაგრა, ურეკი). არმაზისხევის ილარები თმისსარკობთა ზედა ბოლოებზეა გაკეთებული, ურეკის ილარი კი თითქოს ფრჩხილსაწმენდის ზედა ბოლოზე.

აშკარად გამოხატული ავგაროზები შედარებით ცოტაა. არმაზისხევის IV საუკუნის მდიდრულ სამარხთა ინვენტარში შედის ერთი ოქროს ცილინდრული მილაკი, რომელიც, გვიანანტიკურ ნიმუშებთან მიმსგავსებით, ყელზე ჩამოსაკიდი ავგაროზის ბუდედ ითვლება. აქვე უნდა გავიხსენოთ მაგიური (აგრეთვე წინარე ხანიდან გადმოსული) არმაზული წარწერები, ამოკაწრული არმაზისხევის ერთერთ მდიდრულ სამარხში აღმოჩენილ ოქროს ბრტყელ დამუხლულ სამაჯურებზე, და ბერძნული მაგიური წარწერებით აპრელებული გემმა (რომელზედაც ქალის პროფილია ამოკვეთილი) წილკნის IV საუკუნის სამარხში. რაც შეეხება სამთავროს სამაროვანს, იქ ნაპოვნია ბრინჯაოსაგან ჩამოსხმული 5 საკიდი გამოსახულება: სამი დიდრქოსანი ცხოველის თავ-რქისა და ორი — ცხვრისა. ერთი დიდრქოსანი ცხოველის ასეთივე გამოსახულება ნაპოვნია თიანეთის რაიონის სოფ. ჯიჭეთის მიდამოებში გათხრილ IV—VI საუკუნეთა სამარხშიც. ბრინჯაოს ყუნწიანი საკიდი — თხის გამოსახულება ნაპოვნია ახალ აფონ-

ში აღმოჩენილ ერთ სამარხშიც, რომელსაც IV საუკუნით ათარიღებენ. შთაბეჭდილება ისეთი იქმნება, რომ ცხოველთა გამოსახულებით წარმოდგენილი ავგაროზები აგრეთვე გადმონაშთს წარმოდგენენ განსახილველ ხანაში. ამასთანავე არ უნდა დავივიწყოთ, რომ, ანტიკური ხანიდანვე ნაანდერძევი წესისამებრ, ამ ხანაშიც განავრცობს ავგაროზთა დანიშნულების შესრულებას ბეჭდის თვლებზე გამოყვანილი ესა თუ ის გამოსახულება და ზოგჯერ წარწერაც. ასეთები საკმაოდ მრავლად გვხვდება სამთავროს, არმაზისხევისა და ზოგ სხვა სამაროვანთა ინვენტარშიც (მაგ., არმაზისხევური, ბრინჯაოსაგან ჩამოსხმული საბეჭდავი, რომელზედაც გამოსახულია მწოლარე ლომი, ზოდიაქოს სხვა ნიშნები და რამდენიმე ასო; სამთავროული, არმაზისხევური და სხვა ბეჭდები, რომელთა პასტის თვლებზე ირემი, ხარი, დათვი, კურდღელი თუ ზღაპრული არსებანი — ფასკუნჯი, ფრთოსანი რაში და სხვანი არიან გამოსახული).

ს ა მ მ ა რ ი თ უ ს ა ნ ა დ ი რ ო ი ა რ ა ლ ი აღმოსავლეთ საქართველოს-სამაროვანთა ინვენტარში მხოლოდ გამოჩაყლისის სახით გვხვდება. აღმოჩენილია რკინის ისრის პირი კარსნისხევის ერთერთ სამარხში, რკინის მოზრდილი ისრის პირი სამთავროს „ოქრომკედლის სამარხში“ (VI—VII სს.) და რკინის ისრის პირები წალკის წინწყაროს „ქრისტიანული დროის“ სამარხში.

დასავლეთ საქართველოში ჯერ კიდევ შემორჩენილია იარაღ-საჭურველის ჩატანება სამარხებში. ამას მოწმობს: ახალი ათონის V—VI საუკუნეებით დათარიღებული სამარხები, რომელთა ინვენტარში შედის რკინის მახვილები და რკინის შუბები; წებელდის სოფ. იურიევსკოეს იმავდროული სამარხები, რომლებშიც ნაპოვნია რკინის მოგრძო მახვილი და შუბის პირები; წებელდის სოფ. ოლგინსკოეს IV—V სს. თიხის ურნები, რომლებსაც თან ახლდათ რკინის მახვილი, ცულები, შუბის პირები და დანები; ბზიფის ხეობის სოფ. მიწარის „ადრე-ბიზანტიური ხანის“ ინჰუმაციური სამარხი, რომელშიც სამკაულის თანხლებით აღმოჩნდა რკინის გრძელი, რომბულგანიცევეთიანი შუბის პირები; სოფ. კალდახვარაში აღმოჩენილი ასეთივე ინვენტარი.

რკინის იარაღი საკმაოდ მრავლადაა სარგვეშისა და საგვარჯილის სამარხთა ინვენტარშიც. სარგვეშის მდიდრული სამარხი შეიცავს რკინის მახვილსა თუ სატევარსაც და ისრის პირებსაც, რომელთაც უფრო შუა საუკუნეთა ისრის პირებს შორის მოეძებნებათ მსგავსი. საგვარჯილის სამარხთა ინვენტარში შედის: რკინის სატევარი, ორი შუბის პირი, ცული, ხუთი დანა და ერთი ცველებური ტიპის ბრინჯაოს ისრის პირი. ეს სამარხები ზოგადად III—VI საუკუნეებში თარიღდება.

რაც შეეხება ხ ე ლ ს ა წ ყ ო ე ბ ს, ისინი გაცილებით ნაკლებ გვხვდება სამარხებში, ვიდრე იარაღ-საჭურველი. აღნიშნვის ღირსია წებელდის სოფ. იურიევსკოეში, V—VI საუკუნეთა სამარხში აღმოჩენილი რკინის ცული. განსაკუთრებულ ყურადღებას კი იპყრობს სამთავროს ერთერთ, VI—VII სს. სამარხში აღმოჩენილი ჯგუფი ხელსაწყოებისა — პაწია სასწორი და საწონები, რომელთა მიხედვით (და აგრეთვე თან ჩაყოლებული, ბეჭდებში ჩასასმელად გამზადებული 5 თვალის მიხედვით) ის სამარხი მიჩნეულია „ოქრომკედლის“ ან „იუველირის“ სამარხად. სასწორი შედგება ბრინჯაოსა თუ სპილენძის მინიატურული, ჩამოსაკიდად ნაპირებდახვრეტილი ჯამებისა და რკინის უღელაკისაგან, რომელზედაც

ბრინჯაოს ჩანგალია შექანგული. საწონი ხუთია, სხედასხვა ზომა-წონისა, ბრინჯაოსი, კვადრატული. უდიდესი 13,2 გრამს იწონის, საშუალო—2,58 გრამს, ხოლო უმცირესი—1,68 გრამს. საყურადღებოა, რომ არც ერთის წონა არ თანხვდება იმდროინდელი ბიზანტიური საწონებისას. შესაძლებელია, რომ სამარხში დაკრძალული ოქრომჭედელი-იუველიერიც ყოფილიყო და ზარაფიც, ბიზანტიელ „არგროპრატესთა“ მსგავსად.

განსაკუთრებით დამაფაქრებელია ამ მხრივ სამთავროს ერთი სამარხი, რომელშიც ძალზე მრავლად (39) აღმოჩნდა მინის სანელსაცხებულები, ისე რომ შეიძლება ის მინისმბერავის სამარხად მივიჩნიოთ.

ამრიგად, მოგვეპოვება თითო-ორი ნივთიერი მითითება ადრე შუა საუკუნეთა ქალაქ მცხეთაში მცხოვრებ და მომუშავე ხელოსანთა საქმიანობის შესახებ.

ქურჭელი სამარხებში ჯერ კიდევ საქმაოდ ხშირად და მრავლად გვხვდება, ოღონდ აშკარად ჭარბობს მინისა და ძალზე რიცხვმეცირებულია ან სულ გამჭარალია თიხის ქურჭელი.

სამთავროს სამარხულ ინვენტარში კერამიკა წარმოდგენილია სულ 3 მომცრო ხელადით (მათში ერთი ორყურაა) და 1 პატარა ჯამით. ისინი ყუითლად ან მოყუითლო-წითლად არიან გამომწვარი და სრულიად არა აქვთ სამკაული. არმანისხევის სამარხთაგან ერთში აღმოჩნდა თიხის ხელადა, ისიც მომცრო. წალკის სხედასხვა ადგილას გათხრილ სამარხებშიც მხოლოდ თიხის ერთი ქურჭელი აღმოჩნდა. ეს არის დაბალი, ტლანქად გამოყვანილი, ფეხიანი ჭრაქი. თიხის ჭურჭლის ნატეხებია აღნიშნული, საერთოდ მწირ ინვენტართან ერთად, გლდანში გათხრილ სამარხებში. თიხის ღოქებს „აღნიშნავენ წალკის სოფ. წინწყაროში გათხრილ სამარხებში, რომლებიც „ქრისტიანულ ხანას“ მიეკუთვნებიან.

რაც შეეხება დასავლეთ საქართველოს სამარხებს, ჩვენთვის ცნობილთა შორის ნამდვილად შეიცავს თიხის ქურჭელს წებელდის (ოლგინსკოეს) კრემაციული სამაროვანი და ძვერის (საგვარჯილის) სამაროვანი. დამახასიათებელია, რომ გამთხრელებს ორთავე სამაროვნის ხნოვანების საწყისი III საუკუნის სიღრმეში გადააქვთ. წებელდის სამარხები თვითონაც მოზრდილ დერგებში იყო მოთავსებული და მათ გვერდით ხუთში ორ-ორი, სოლო ერთში — ერთი თიხის ქურჭელი (ხელადები და ქოთნები) იყო სხვა ინვენტართან ერთად. საგვარჯილის სამაროვანში თიხის ქურჭელს შეიცავდა 50-დან 8 სამარხი.

გაცილებით უფრო გავრცელებულია სამარხულ ინვენტარში მინის ქურჭელი. ოღონდ ეს ითქმის განსაკუთრებით დიდი მცხეთის სამაროვნებზე. ძირითად მასალას გვაძლევს სამთავროს სამაროვანი. აქ მინის ქურჭელი ინვენტარის ერთერთი არსებითი და უხვად წარმოდგენილი შემადგენელი ნაწილია, მაგრამ მაინც ბევრად მეტია სამარხი, რომელშიც იგი სულ არა გვხვდება. ასე მაგ., 1938—1948 წლებში ჩრდილო უბანზე გათხრილი 610 ინვენტარიანი სამარხიდან მინის ქურჭელი მხოლოდ 200 სამარხში აღმოჩნდა (დაახლოებით ასეთივე პროცენტია I—III საუკუნეთა სამარხებში). ისიც უნდა აღინიშნოს, რომ ამ 200-დან 35 სამარხის ინვენტარი მხოლოდ მინის ქურჭლითაა წარმოდგენილი. სულ აღმოჩენილია 892, მთელი თუ დამტკიცებული ქურჭელი მათ

შორის 240 მოდის გარდამავალი ხანის, IV—V საუკუნეთა სამარხებზე. 200-ოდე — VI საუკუნისაზე, ხოლო დანარჩენი — VII—VIII სს. სამარხებზე. ზოგ სამარხში მინის ჭურჭელი თითო იყო, ზოგში — 3—4, ხოლო ზოგში — 10 და მეტიც. ერთში კი, გამოხედილის სანით, 39 აღმოჩნდა („მინისმბერავის სამარხი“. საერთოდ შეიმჩნევა, რომ თითოეულ სამარხში ჩატანებული მინის ჭურჭლის რიცხვი თანდათან კლებულობს განსახილველი ხანის ბოლოს; თან იგი მკაფიოდ გამოირჩევა I—III სს. სამთავროსა თუ სხვა სამაროვანთა ჭურჭლი-საგან.

IV საუკუნიდან თავს იჩენს აშკარა პიღრეკილება იმისადმი, რომ სამარხში ჩაატანონ მხოლოდ ის ჭურჭელი, რომელიც მეტნაკლებ უკავშირდება დაკრძალვის წესს — პატარა-პატარა სანელსაცხებლები ანუ „საცრემლები“. მხოლოდ გარდამავალ ხანაში, IV—V საუკუნეებში გვხვდება აქა-იქ დიდრონი; სითხის შესანახი ჭურჭელი (სულ 9 ცალი) და ორიოდ სასმისი. ამ უქანასკნელთა შორის გვაქვს ყანწისებრი ჭურჭელი და ერთიც თასი, რომელზედაც ოსტატურად ამოხეხილ-ამოკაწრულია ფარშევანჯისა და სიცოცხლის ხის სიმბოლური გამოსახულება, აგრეთვე ბერძნული წარწერა: „შესვი, იცოცხლე“. გამოსახულების მხრივ მას საყურადღებო პარალელი მოეპოვება სამთავროშივე, IV—VI სს. სამარხში აღმოჩენილი ერთი თავისებური საგნის სანით. ეს არის შავი პრილა ქვის სწორკუთხედი, რომელზედაც ამოკაწრულია: მონადირე, რომელსაც ხელზე მიმიწო უნის, ხოლო ფეხით — არწივი, და ფარშევანჯი, რომელსაც რალაც დიდი მსეცა მისტევებია ფეხში. თუ თასის ადგილობრივი ნახელაობა საეჭვოა, ამ ქვაზე გამოხატული საყურადღებო სურათები მაინც ნამდვილად ადგილობრივ, მცხეთელ მხატვარს უნდა მიეკუთვნოს.

მინის სასმისები IV საუკუნიდან უკვე მარტივი და დიდი ხნის განმავლობაში უცვლელი ფორმებით არიან წარმოდგენილი და გვეხდებიან ღარიბულ სამარხებშიც. ესეც ერთი ნიშანია იმისა, რომ მინის ჭურჭელი თანდათან ფართო მოხმარების საგანი და ყველასათვის მისაწვდომი გამხდარა ქალაქ მცხეთაში.

სანელსაცხებლებში გაიკვლევა ტიპოლოგიური ევოლუცია და განშტოება: ერთი წყება ისპობა, მეორე ჩნდება და ვითარდება, ერთი მეორეში გადადის და ა. შ. შესაძლო ხდება მათი ქრონოლოგიური დანაწევრება და, ამის მიხედვით, შემცველი სამარხების დაყოფა ორ მთავარ ჯგუფად: ა) IV—V სს. (გვიანანტიკურიდან შუა საუკუნეებისაკენ გარდამავალი ხანისა) და ბ) VI—VIII სს. ამ ორ ჯგუფს თითქოს სამაროვნის სხვადასხვა უბნები უკავია.

მრავალგვარ სანელსაცხებელთა შორის ყურადღებას იქცევს „ხორკლებიანი“ და „ეკლებიანი“ ფორმები. ეკალ-ხორკლების წარმომავლობა სპეციფიკური (ეგებ მაგიური და სიმბოლური) უნდა იყოს და საერთოდ გასარკვევია, მაგრამ საფსებით შესაძლოა, რომ მათ პირველ ნიმუშს, პროტოტიპს წარმოადგენდეს არმაზისხევის II საუკუნის ერთერთ მდიდრულ საარკოფაში აღმოჩენილი ოქროს სანელსაცხებლე, რომლის ტანიც გრანატის წვეტიანი თვლებითაა შემოსილი. ამგვარად, ეს ძველი მოტივი ჩანს. სხვა შემთხვევებშიც აღინიშნება, რომ აღრექრისტიანული ნივთიერი კულტურაცა და ხელოვნებაც კარგა ხანს უხვად სესხულობდა და გამარტივებულად სახით განავითარებდა ძველი, ანტიკური ხელოვნების ნიმუშებს.

მრავლადა სანელსაცხებლები, რომლებსაც ძირი ისე აქვთ მოყვანილი, რომ მათი დადგმა არ შეიძლება. საფიქრებელია, რომ ასეთ კურკელს მკიდროდ უცადენენ პირსა და ისე აწვენდნენ სამარხში, თუ არა და — სწორედ ის ყოფილა მათი დანიშნულება, რომ მიტანილი სურნელი სითხე წაქცევით მიმოელვართ სამარხში.

IV საუკუნეში თანდათან იწყებს გაქრობას უცხოეთიდან შემოტანილი თუ უცხოურის მიბაძვით შექმნილი კურკელიცა და ზოგი სხვა ნივთიც. სამაგიეროდ ძლიერდება ახალი, საკუთარი ფორმების წარმოქმნა. ნიშანდობლივია შემდეგი დაკვირვება: IV—V საუკუნეთა 102 სამარხში აღმოჩენილი მინის კურკელი ხარისხითაც და მოყვანილობითაც ძლიერ სხვადასხვაგვარია, აშკარად იგრძნობა ახალ ფორმათა ძიება. VI—VIII საუკუნეთა 185 სამარხში აღმოჩენილი კურკლის ფორმები კი გამოირჩევა ჩამოყალიბება-დასრულებულობით და მათი ფორმების სიაში არსებითი ცვლილება აღარ ხდება. ხერხდება გამოვლენა და დადგენა ტიპური მცხეთური ფორმებისა, ხოლო ზოგს „სამთავროულიც“ კი შეიძლება ეწოდოს (ნიმუშები იხ. ტაბ. XXXII, 4). ზოგიერთი თავისებურება ეტყობა ამ კურკელს აგრეთვე ნაკეთობისა და მინის ქიმიური შემადგენლობის მხრივ. ყოველივე ეს ქმნის იმის საფუძველს, რომ დაისვას საკითხი იმდროინდელ მცხეთაში საკუთარი მინის წარმოების შესახებ.

ისიც იქცევს ყურადღებას, რომ ამდროინდელი სამარხეული მინის კურკლის დიდი უმეტესობა მცხეთაშია მოპოვებული, აქ კი ყველაზე მეტი სამთავროში გვაქვს. არმაზისხევთან გათხრილი 100-ზე მეტი სამარხიდან იგი მხოლოდ 11-ში აღმოჩნდა, სულ 13 ცალი (ამათგან ერთი ჰიქაა, დანარჩენი — სანელსაცხებლები), ყველა სამთავროულთა მსგავსი. კერძოდ, IV საუკუნის მდიდრულ სამარხთა ინვენტარში მხოლოდ ერთი სანელსაცხებლე იყო, ნეთსადენის სამარხთა ინვენტარში — ორი სანელსაცხებლე და ერთი „მინანქრით“ შემკული ფინჯანი, წიწამურის ერთერთ სამარხში — ერთი სანელსაცხებლე.

რაც შეეხება დიდი მცხეთის ფარგლებს გარეშე მდებარე ადგილებს, უახლოესია დიღმის გარეუბანი ვაშლაჯვარი, სადაც შემთხვევით გაშიშვლებულ სამარხში აღმოჩნდა მინის პატარა სანელსაცხებლეც. სარტყლის ვერცხლან ფირფიტოვან სამკაულთან ერთად. სანელსაცხებლები („საცრემლები“) აღნიშნულია წალკის სოფელ ზემო წინწყაროს „ქრისტიანული დროის“ სამარხებში.

კარგადაა წარმოდგენილი მინის კურკელი ქალაქ რუსთავის იმ სამაროვანში, რომელიც მტკვრის მარჯვენა მხარეს მდებარეობს და სადაც ოცზე მეტი ორმოსამარხი გაითხარა IV—V საუკუნეებისა. ამ სამარხთა ნახევარზე მეტი უინვენტარო იყო, ხოლო რაც აღმოჩნდა, უმთავრესად სადიაცო ჩანდა: სამკაულ-ავეგაროზები (მათ შორის ოქროს ბეჭედ-საყურეები), პირსაფარეშო საგნები და მინის კურკელი. ეს უკანასკნელი ხუთ სამარხშია მოპოვებული: სულ 6 სანელსაცხებლე (მათ შორის ორი შეზოკლილი, სამთავროული ყაიდისა) და ერთი მოზრდილი, ზარისებრი მოყვანილობის თასი (ტაბ. XXXIII, 5, 6). თასსა და სანელსაცხებლეთა შორის ერთს, სოკოსებრი მოყვანილობისას, არც სამთავროში უჩანს მსგავსი და არც სადმე სხვაგან. ამასთანავე, ზოგი თავისებურე-

ბა მინის რაგვარობასა და კურკლის ნაკეთობაშიც იჩენს თავს, და ამიტომ შე-
საძლებლად უნდა შივიჩნით მინის კურკლის კეთება იმ დროის რუსთავშიაც.

დასავლეთ საქართველოში უნდა დავასახელოთ წებელდის სოფ. ოლგინს-
კოეს კრემაციულ სამარხებში აღმოჩენილი მინის სამი კურკელი — სასმისი.

მონეტები აღრეფეოდალური დროის სამარხებში ბევრად უფრო მცი-
რერიცხოვანიცაა და უფრო ერთფეროვანიც გვიანანტიკური დროის სამარხებ-
თან შედარებით. გარდა საერთაშორისო პოლიტიკური და ეკონომიური ვითარ-
ების ცვლილებისა, აქ ერთგვარ როლს ისიც უნდა ასრულებდეს, რომ დაკრ-
ძაღვის წესი აღარ მიიჩნევს აუცილებლად სამარხში ფულის ჩატანებას.

სამთავროს ვრცელ სამაროვანზე სულ ათიოდე მონეტა გვაქვს ჯერჯერო-
ბით. მათ შორის არის: აღრიანეს (117—138 წწ.) დენარი, გახვრეტილი და სამ-
კაულად გამოყენებული, რომელიც სამარხში უნდა მოხვედრილიყო III ს. ბო-
ლოს ან IV ს. დამდეგს; სასანიანი მეფის შაბურის დრაქმა (238—269 წწ.); ხუ-
თი ბიზანტიური მონეტა — ლეონ I (457—471 წწ.) სპილენძის ფული; სამი არა-
ბული წვრილი სპილენძის ფული — ფელსი, VIII საუკუნის ბოლოს მოჭრილი.
არის შემთხვევა, როდესაც ლეონის მონეტა და არაბული ფელსი ერთსა და
იმავე სამარხში გვხვდება, ეს კი საეპკოდ ხდის საერთოდ ლეონის მონეტების
დამთარიღებელ. მნიშვნელობას: მათი შემცველი სამარხი ყოველთვის ვეღარ
მიეკუთვნება V ან თუნდაც VI საუკუნეს. ამას ისიც ემატება, რომ ზოგი მთაგან
გახვრეტილია, ე. ი. სამკაულად ქცეული ჩაუტანებიათ სამარხში. საბოლოოდ,
ეს გარემოება აძნელებს IV—VIII საუკუნეთა სამარხების ხნოვანების დანაწევ-
რებას. აქვე დავძენ, რომ სამთავროს კულტურულ ფენაში აღმოჩენილია იმ-
პერატორ ფელსის (354—375 წწ.) ვერცხლის ფული, ხოლო ბაგინეთის კულ-
ტურული ფენაში — თეოდოსი დიდის (379—395 წწ.) ოქროს ფულიც.

არმაზისხევის IV საუკუნის მდიდრულ სამარხთაგან მხოლოდ ერთნია აღ-
მოჩენილი აღმოსავლურ-რომაული. ოქროს მონეტა, მოჭრილი კონსტანციუსის
მერ 353—361 წწ. იგი ზედმიწევნით ადასტურებს სამარხთა ამ ჯგუფის აღ-
ნიშნულ ხნოვანებას, დანარჩენი ინვენტარის მიხედვით დადგენილს. რაც შეე-
ხება უფრო გვიანდელ, მასობრივ სამაროვანს, იქ აღმოჩენილია სულ 2 მონე-
ტა, ორივე არაბული ფელსი, VIII საუკუნის ბოლოსი, რის გამოც ამ სამაროვნის
ხნოვანებაც IX საუკუნეში გადმოდის.

ნავთსადენის სამაროვანზე მხოლოდ ერთ სამარხშია ნაპოვნი ფული. ესაა
პერაკლესა და კონსტანტინეს (613—642 წწ.) მონეტა. აქვე უნდა აღინიშნოს,
თუმცა კი სამარხეული არ იყო, ნავთსადენში აღმოჩენილი თიხის ქოთნით დაფ-
ლული განძი, რომელიც შედგებოდა სასანიანი მეფის კავადის (448—531 წწ.)
ვერცხლის ფულისაგან. თითო-ოროლა მისივე მონეტა კულტურულ ფენებ-
შიც არის აღმოჩენილი მცხეთის სხვა უბნებში, არმაზისხევთან და სამთავროში.

უნდა აღინიშნოს სასანიანი მეფის შაბურ მეორის (308—380 წწ.) ვერცხ-
ლის მონეტა ახალგორთან 1917 წელს აღმოჩენილ სამარხეულ ინვენტარში, რო-
ნელიც ოქროს კარგ სამკაულს შეიცავს.

დამახასიათებელია, რომ ქვემო ქართლის ერთადერთი სამარხეული მონე-
ტა (სოფ. სანთაში აღმოჩენილი) იმავე კავადს ეკუთვნის და ამის გამოა, რომ
VI საუკუნით თარიღდება მისი შემცველიცა და სხვა იქაური სამარხებიც. გლდა-

ნის ერთ სამარხში ნაპოვნია „V საუკუნის რომაული აურეუსის ბარბაროსული მინაბაძი“.

აღიანში აღმოჩენილ თიხის სარკოფაგში ყოფილა ორი მონეტა—კონსტანტინე დიდის სოლიდი (312—337 წლებში მოჭრილი) და ტლანქი, დამახანჯებული მინაბაძი რომაულ-ბიზანტიური სოლიდისა. ფიქრობენ, რომ ამგვარი მინაბაძები უკრიათ ქართლშიც IV—V სს. მანძილზე.

რუსთავეში, მტკვრის მარჯვენა ნაპირას, IV—V სს. სამაროვნის თხრისას, მის მახლობლად, უფრო გვიანდელ კულტურულ ფენაში აღმოჩნდა ბიზანტიური ვერცხლის მონეტა, მოჭრილი იმპერატორ კოსტას ანუ კონსტანტინე III მიერ. (641 — 668 წწ.).

ამრიგად, აღმოსავლეთ საქართველოს სამაროვნებში თუ კულტურულ ფენებში აღმოჩენილი მონეტების მნიშვნელოვანი ნაწილი ადგილობრივ მინაბაძებად უნდა ჩაითვალოს.

დასავლეთ საქართველოში ცნობილ სამაროვანთაგან მონეტები წარმოდგენილია: გავრის სამარხში (იდრებიზანტიური ოქროს ფული, პონორიუსისა, 394—423 წწ., რის მიხედვითაც სამარხი V საუკუნით თარიღდება) და ურეკის სამარხში (კლავდიუს ტაციტუსის—268—270 წწ.—აურეუსი და „ბარბაროსული მინაბაძი“, ქალისპროფილიანი, სამკაულად გახვეტილი), რომლის ხნოვანებასაც III ს. ბოლოსა და IV ს. დასაწყისიდან ითვლიან.


დამწერლობის ძეგლები. ამათ შორის ყველაზე უფრო მნიშვნელოვანი და შინაარსიანია სამთავროში აღმოჩენილი, ბერძნულად დაწერილი ეპიტაფია, ამოჭრილი ქვის მომცრო სტელაზე. ისიცა და ძველებრავლად დაწერილი ეპიტაფიაც აღმოჩნდა ერთდროულად: სტელები ხელახლა იყო გამოყენებული ქვისსამარხის ასაშენებლად. ეპიტაფიის თარგმანი ასეთია: „აერელი აქოლისი, მხატვართუხუცესი და ხუროთმოძღვარი, აქ განვისვენებ ჩემ მეუღლე ბეკრაზურისთან ერთად. ვთხოვ მეგობრებსა და გამვლელებს, რომ ყური უგდონ ერთმანეთის... [ალბათ „საქმიანობას“] დაახლოებით მეათათასამდე წელიწადი უნდა იგულისხმებოდეს], ისე რომ თუ ვინმე მოინდომებს ჩვენთან ერთად [დასაფლავებას?] ან [ჩვენი] ტომისა ან სხვა უცხოელი, პასუხი აგოს თავისი აღდგომისას“. ენობრივი ნიშნები წარწერას გვიანრომაული ხანისათვის დამახასიათებელი აქვს, მაგრამ ბოლოს დართული ქრისტიანული ფორმულის გამო (აღდგომისას განკითხვა—პასუხისგების შესახებ) წარწერა IV საუკუნეზე აღინდელი ვერ იქნება და ეგებ V-საც ეკუთვნოდეს.

ძალიან საყურადღებოა სიტყვა „არქიზოგრაფი“ ანუ მხატვართუხუცესი, რაც ბერძნულ დამწერლობაში XII საუკუნემდე უცნობია და ამიტომ ფიქრობენ, რომ ამ წარწერაში აღნიშნული სიტყვა წარმოადგენს ადგილობრივი, ქართული ტერმინის თარგმანს. მაშასადამე, ეს თანამდებობაც საქართველოსათვისაა დამახასიათებელი და ტერმინიც ადგილობრივი საპირობისათვისაა შექმნილი.


სამთავროს სამარხებიდან მომდინარეობს ამ ხანის ბერძნულწარწერიანი ორიოდ ნივთი: ბრინჯაოს ფარაკიანი ბეჭედი, რომელსაც ფარაკზე აწერია „ლვისა“ და რომელიც IV—V საუკუნეებით თარიღდება; ბეჭდის თვალი მინისა, რომელსაც აწერია „ეზიარე“ (ან „მადლიერი იყავ“) და რომელიც IV სა-




1



2



3



4

უკუენზე ადრინდელად ვერ ჩაითვლება; ზემოგანხილული ფარშავანგისი თასი მინისა, რომელსაც აწერია „შესვი იკოცნლე“.

არმაზისხევეში წარწერები უმათვრესად IV საუკუნის მდიდრულ სამარხებში აღმოჩენილ სამკაულებზე არის წარმოდგენილი და ყველა არმაზულ-არამეულია. ეს გარემოება რამდენსამე დასკვნას გვიკარნახებს: ა) მცხეთელება IV საუკუნეშიც განაგრძობენ არმაზული დამწერლობით სარგებლობას; ბ) იგი კვლავ სწორედ დიდკაცობის წრეში, ჩანს, წინარე ხანის ერისთავ-პიტიახშების შთამომავალთა შორის გვხვდება; გ) მოსახლეობის უფრო ფართო ფენებისათვის ეს დამწერლობა არც ადრე ყოფილა მისაწვდომი და არც ახლა — აქ მას ბერძნული ენაცვლება.

IV საუკუნის არმაზულ წარწერათაგან ერთერთი, ბეჭედზე ამოკაწრული, მფლობელის სახელს უნდა წარმოადგენდეს („ადად“), ხოლო მეორე, სამაჩურებზე ამოკაწრული — მიძღვნითსა და უფრო კი მაგიურ ტექსტს. აქვე კვლავ უნდა გავიხსენოთ ბრინჯაოს ერთი საკიდი-საბეჭდავი, რომელზედაც გამოსახულია ლომი, ზოდიაქოს ზეხვა ნიშნები და რამდენიმე ასო, თითქოს ფალაქრი დამწერლობისა. ნამდვილად ფალაური დამწერლობითაა გამოყვანილი მთელი სიტყვა სამთავროში აღმოჩენილ ერთ გემმაზე, რომელზედაც ტახია გამოხატულია. ეს არის „აპასტან“ — დსაწყისი ერთერთი ზოროასტრული ფორმულასა.

რაც შეეხება დიდი მცხეთის გარეშე მდებარე სამაროვნებს, ერთი საყურადღებო წარწერა მოპინარეობს წილკანში შემთხვევით აღმოჩენილი სამარხიდან. აქ ამეთესტოს გემმაზე ამოკვეთილია გვიანანტიკური დროისათვის დამახასიათებელი გამოსახულება — ქალის პროფილი (მენადა?) — და ბერძნული ასოებით გამოყვანილი ვრცელი წარწერა, რომლისაც მხოლოდ ერთი ნაწილია ბერძნულად გასაგები: „უფალო, ქტორიოსი, მატარებელი ამ ნივთისა, შეიწყალე სასიკეთოდ და საბედნიეროდ“. დანარჩენი კი უაზროდ გამოიყურება და მაგიურ ტექსტს უნდა წარმოადგენდეს. საერთო შთაბეჭდილებით წარწერა III — IV საუკუნეებს მიეკუთვნება, ვით უმეტეს, რომ წარწერის გასაგები ნაწილი ქრისტიანულ ფორმულას წარმოადგენს.

წილკანს ამ გემვისა და მისი წარწერის შესახებაც იგივე უნდა ითქვას, რაც სამთავროს ზემოგანხალულ წარწერათა შესახებ: ბევრი რამით იგი ანტიკურობის გადმონაშთს წარმოადგენს, ხოლო ბევრი რამით და არსებითად კი უკვე ადრექრისტიანული ხანის კუთვნილია.

აღსანიშნავია ავრეთვე რუსთავეში, ადრე შუა საუკუნეთა ფენაში ნაპოვნი ქვის საბეჭდავი (ტაბ. XXXIII, 2), რომელზედაც ამოკვეთილია ჯვარი, ხოლო მის ირგვლივ — ბერძნული დეკარაგმებული წარწერა: „საფარველი მწვერვალისა“. იმავე ქვზე ამოკაწრულია რამდენიმე ქართული მთავრული ასო, რომელთაგან იკითხება პირველი სამი: „თემ..“ (სახელის დსაწყისი?).

რელიგიური სიმბოლოები. ზემოთ უკვე არაერთგზის დავარწმუნდით, რომ დაქრძალვბ წესიცა (საოჯახო აკლდამებს გაჩენა, ხოს კუბოების შემოღება, მიცვალებულის თავით დასავლეთისაკენ და პირისახით აღმოსავლეთისაკენ დაწვენა) და ინვენტარაც სწორედ IV საუკუნიდან გვანდენებს მკაფიო გარდატეხას და რომ ეს უკანასკნელი უმათვრესად სწორედ ახალი საზოგადო-

ებრივი ურთიერთობის თანდათან დაპყობის თანამედევ ახალ, ქრისტიანულ საარწმუნოებას უნდა უკავშირდებოდეს. მაგრამ სამარხეულ ინვენტარში სათანადო საგნები, მცხეთაშიც კი, თითო-ოროლა თუ მოგვეპოვება. ესეც არ იყოს, ნიშანდობლივია, რომ ზოგი რამით ნამდვილად ქრისტიანული სამარხებისაგან განსხვავებული ჩანს რუსთავის IV—V სს. სამარხები, რაც იმას უნდა მოასწავებდეს, რომ ჩქაური მოსახლეობა ჯერ ნაკლებ არის ზიარებული ქრისტიანულ წეს-ჩვეულებას, ვიდრე მცხეთისა.

სამთავროს სამაროვნის ზედა უბანზე ერთერთ ქვისსამარხს (№ 292) განვიკვლილად ედგა ფილაქია, რომელსაც შიგნიდან ამოჭრილი ჰქონდა თითქმის ტოლმკლავა, ბოლოებრგოლებიანი ჯვარი. საფიქრებელია, რომ თავდაპირველად ამ ქვის სხვა დანიშნულება ექნებოდა (სხვათა შორის, იმავე უბნის სხვა სამარხში შემთხვევით გაუხრწნელად შემორჩენილი იყო ბზის რტოფოთლები, რომლებიც ძირს დაგვით მიცვალებულთათვის. აქაც შეგვიძლია ქრისტიანული დამარხვის მანიშნებელი ერთერთი წესი დავინახოთ). „ოქრო-პვედლის სამარხში“ (VI—VII სს.) აღმოჩენილ ბრინჯაოს კვადრატულ საწონებზე გამოხატულია გვირგვინი და შიგ მოქცეული ტოლმკლავებიანი ჯვარი, რაც, რა თქმა უნდა, უეჭველად ქრისტიანული სიმბოლოა.

აქვე უნდა აღინიშნოს ერთი, IV ს. სამარხში აღმოჩენილი ბრინჯაოს ბეჭედი, რომლის მინის თვალზე ბოლოებმოკაული ჯვარია გამოხატული.

არმაზისხევის სამაროვნის ტყის უბანზე ერთერთ სამარხში (V—VI სს.) აღმოჩნდა ვერცხლის მედალიონი, რომელშიც ჯვარია ჩასმული.

რუსთავის სამაროვნიდან (მტკვრის მარცხენა ნაპირას) მომდინარე სამარხეულ მასალებს შორის არის ერთი ისეთი საგანი, რომელიც აშკარად ყველაზე უფრო მკვერამეტყველია ჩვენთვის. ესაა ვერცხლისა თუ ბრინჯაოს პატარა, აშკარად გულსაკიდი ჯვარი, ნაპოვნი VI—VII საუკუნეთა ერთერთ სამარხში, იმ დროისათვის ტიპური, მარჯნისათვიანი საკინძების თანხლებით.

აქვე განმეორებით აღვნიშნავთ რუსთავში, კულტურულ ფენაში აღმოჩენილ ქვის საბეჭდავს, რომელსაც შუაში ტოლმკლავებიანი ჯვარი აქვს ამოჭრილი, ირგვლივ — ბერძნული წარწერა, ხოლო ჯვართან — ქართული. გარდა წარწერის შინაარსისა და თარიღისა (VI—VII სს.), აქაც, უპირველეს ყოვლისა, ყურადღებას იქცევს ქრისტიანობის სიმბოლო — ჯვარი.

პირობით ჯვარის გამოსახულებად შეგვიძლია მივიჩნიოთ მცხეთისა და წალკის სამარხეულ ინვენტარში წარმოდგენილ საკინძთაგან ზოგიერთი, რომელთა თავებს ჯვარედინად განლაგებული ესა თუ ის სამკაული (მაგ., მარგალიტი, გრანატის თვლები და სხვ.) ამშვენებს, ან არადა ზულაც ჯვარივითაა ეს თავი განშტოებული. მაგრამ ასეთი საკინძებიც თითო-ოროლაა.

რაც შეეხება დასავლეთსაქართველოს, აქ, ჯერ ერთი, ყუნწიან ჯვარსა თუ ჯვრისებრ საკიდს აღნიშნავენ გაგრის სამარხში, რომელიც V საუკუნის მონეტით თარიღდება და შემდეგ, დიდად საყურადღებო, აშკარად ქრისტიანული სიმბოლოები გვაქვს გამოსახული ძვერი-საგვარჯილის სამ ბრინჯაოს ბეჭედზე, რომლებზედაც მდარე ხელობის, მაგრამ იმდროინდელი საქართველოსათვის უნიკალური შინაარსის მქონე გემგებია ამოკვეთილი: ერთზე ცხნდავთ შარავანდედ ფიგურას, რომელსაც თავზე ნამგალა მთვარე დაპყურებს,

წინ მტრედისებრი ფრინველი უდგას, ხოლო ზემოთ, შუაში — ჯვარი; მეორეზე გამოსახულია ადამიანის პროფილი, ხოლო მის წინ, პირამიდისებრ სადგარზე — ჯვარი. თვალში გვეცემა ის გარემოება, რომ ამგვარი ჯვრები და, კერძოდ, სადგარ-სამსხვერპლოზე აღმართული ჯვარი პირველად გვხვდება ე. წ. „ქართულ-სასანურ“ ვერცხლის ფულზე, რომელიც VI საუკუნის ბოლოს და VII საუკუნის დამდეგს იჭრებოდა.

ყოველივე ზემოთქმული ქრისტიანულ სარწმუნოებასა და მის სიმბოლოებს ეხება. მაგრამ, როგორც საყოველთაოდ ცნობილი ისტორიული ვითარების მიხედვითაც საუარაუღებელია და ზოგი არქეოლოგიური მასალაც მოწმობს (მაგ., წიწამურში დადგენილი ორი შემთხვევა მეორადი დაკრძალვისა), იმდროინდელი საქართველოს ქალაქებში ქრისტიან მოსახლეობასთან ერთად საკმაოდ მრავლად უცხოვრიათ სხვა სარწმუნოებათა მიმდევართაც და მათ შორის ეგებ არაქრისტიან ქართველებსაც. სამარხეული ინვენტარის ერთი ნაწილი, სახელდობრ, ბექდის გემები საკმაოდ ხშირად შეიცავს სასანური ირანის სახელმწიფო რელიგიის — ზოროასტრიზმის სფეროდან მომდინარე მოტივებსა და სიუჟეტებს. მაგალითისათვის დავასახელებთ: სამთავროს ერთერთ სამარხში აღმოჩენილ ქვის საბეჭდავს, რომელზედაც ამოკვეთილია ზოროასტრული ფრთოსანი გენიოსი სეროში და რომელსაც მოეპოვება ზედმიწევნითი ანალოგია რუსთავის ნაქალაქარის ადრე შუა საუკუნეთა ფენაში; იქვე აღმოჩენილ ლაქეარდის გემსს, რომელზედაც გამოხატულია ტახტი, მის ზემოთ კი გამოყვანილია ფალაური წარწერა „აპასტან“, რაც დასაწყისია ზოროასტრული ფორმულისა „აპასტან ო იაზდან“, ე. ი. „ღმერთია თავშესაფარი“. აქვე კვლავ უნდა გავიხსენოთ არაზისხევის ერთ სამარხში აღმოჩენილი ბრინჯაოს საბეჭდავი, რომელზედაც ზოლიაქოს ნიშნები და სამი ფალაური ასოა.

ნამოსახლარი ძეგლები. აღ მო ს ა ვ ლ ე თ ს ა ქ ა რ თ ე ე ლ ო. მ ც ხ ე თ ა, როგორც ითქვა, ნაგებობათა მხრივ მნიშვნელოვანს ჯერ არაფერს გვაძლევს. ყოველ შემთხვევაში, ამგვარი ძეგლები აქ გაცილებით უფრო საყურადღებო ჩანს წინარე ხანაში.

ერთი ყველაზე უფრო ხანგრძლივი და ინტენსიურად ნათხარი უბანი — ს ა მ თ ა ვ რ ო ს მ ი ნ დ ო რ ი ჯერჯერობით მხოლოდ იმით იქცევეს ყურადღებას, რომ ფ. ბაიერნის განცხადებით, მას შუაგულ მინდორში მიუკვლევია დიღრა, სწორკუთხოვანი, უბრალოდ ნაშენი ნაგებობის ნაშთებისათვის და მის საძირკველთან, ძველ ნაგავში — მინის წილისათვის, რის მიხედვითაც დაუსკვნია, რომ ეს ნაგებობა წარმოადგენდა ქარხანას, რომელიც ამზადებდა სამარხებში ჩასატანებელ მინის სანელსაცხებლებს და ამიტომ იქვე, სასაფლაოსთან იყო აღმართული. თუ ეს ასე იყო, საფიქრებელია, რომ „ქარხანა“ სწორედ IV და მომდევნო საუკუნეებში მდგარა იქ, რადგან მინის სანელსაცხებლეთა მასობრივი წარმოება მცხეთაში სწორედ ამ ხანაშია სავარაუდებელი.

მცხეთის ექსპედიციის მუშაობისა და დაკვირვებათა მიხედვით სამოსახლო საგულისხმებელია დღევანდელი მცხეთის დასავლეთით მდებარე ზეგანზე და მისგან ჩამომაველ კალთებზე, ხოლო დაბლობში სასაფლაოები და ბაღ-ვენახები უნდა ყოფილიყო. სწორედ ამ უბანში აღმართავთ ქრისტიანობის მიღების შემდგომ პირველი ტაძრებიც: IV საუკუნეში სვეტიცხოვლის ხის ეკლესია, V-ში

იქვე ქვის ბაზილიკა (ვახტანგ გორგასლისა), შემდეგ — „ანტიოქია“ და სხვ. აღრე შუა საუკუნეთა მცირე ეკლესიები აუშენებიათ მაღლობებზედაც („გეთსამანია“, „მოგვთა“), ჩანს, უბან-უბან, მთავარი ტაძარი კი დაბლობში იდგა.

სევეტიცხოვლის დაფუძნების ტექნიკის შესწავლის მიზნით ჩატარებულმა მცირე მუშაობამ გამოავლინა ტაძრის სევეტის ძირას; იატაკს ქვეშ, ჩუქურთმიანი ქვები, რომლებიც თავის დროზე, ცხადია, გამოსაჩენ ადგილას იქნებოდნენ და სწორედ ძველ სევეტს დაამშვენებდნენ. ისინი ჰკვანან ბოლნისის ჩუქურთმებს და ამიტომ ისევე V საუკუნის ბოლოს უნდა მიეკუთვნონ. ეს აღმოჩენაც ადასტურებს ქართულ წყაროთა ცნობას, რომ სევეტიცხოვლის ტაძარი IV საუკუნის მცირე და თითქოს ხან ნაგებობის შესაცვლელად აუგია ვახტანგ გორგასალს, ე. ი. V საუკუნის მეორე ნახევარში, რომ თვით იგი დაუმარხავთ მისეულ ნაგებობაში, სევეტის ძირთან.

ახლანდელი მცხეთის გორის აღმოსავლეთ კალთაზე, ხელოვნურ ტერასაზე გათხრილ იქნა ქვითყირის კაპიტალურ, კრამიტით გადაჭურულ მრავალსენაკიან ნაგებობათა ნაშთები. კრამიტის ზომა-მოყვანილობის მიხედვით ეს ნაგებობანი აღრეფეოდალურ ხანას უნდა მიეკუთვნონ, მაგრამ მათი შენებისას გამოუყენებიათ უფრო ძველი, ანტიკური დროის ნაგებობათა ნაშთები: ქვის სევეტისძირი, თლილი ქვები და სხვ.

არმაზისხევის შესართავთან მდებარე ტერასის თბრისას სამარხების გვერდით მრავლად იქნა გამოვლენილი სხვადასხვა ნაგებობათა ნაშთები, მაგრამ თითქმის ყველანი წარმოადგენენ არაკაპიტალურ, მომცრო, თინაკვით ნაშენსა და მეტწილად გაურკვეველი სახისა და დანიშნულების ნაგებობებს. მათ შორის გამოირჩევა ერთი მოზრდილი ორსენაკიანი ნაგებობა, რომლის კედელთა ფუძეები და კედლის რამდენიმე წყობა ამოყვანილია აღრინდელ დიდ ნაგებობათა ნაშალი მასალით, დიდრონი, კარგად თლილი ქვებითა და დეკორის დეტალებით, ხოლო დანარჩენი — ჩვეულებრივი ნატეხი ქვითა და თიხით (ტაბ. XXX, 1). ამ ნაგებობის თითო სენაკში ორ-ორი ქვისსამარხია ჩადგმული და ამათ ასაგებადაც გამოყენებული არის ძველი ნანგრევებიდან აღებულნი მასალა. მათი მცირერიცხოვანი ინვენტარი ზოგადად IV.—VI საუკუნეებს უნდა ეკუთვნოდეს. ამ ვარაუდს ისიც აძლიერებს, რომ შორიანლოს მდგარი, LI—III სს. ნაგებობის (საიდანაც უნდა იყოს წამოღებული შემოადნიშნული თლილი ბლოკები) ერთი სენაკის კედელთა ნაშთებს შორის 10 გვიანდელი ქვისსამარხია ჩადგმული.

არმაზისხევის გვიანდელ ნაგებობათა ნაშთების ერთი ნაწილი მაინც უნდა ეკუთვნოდეს იმ კერამიკულ საწარმოს, რომელიც ამ ტერასაზე აღმოცენებულა შუა საუკუნეებში და რომლისგანაც კულტურულ ფენებში შემორჩენილია დიდი საწარმოო გადანაყარი და წუნი (ქურკლისა, კრამიტისა), ერთ ადგილას — თითქოს ქურის ძირის ნაშთი, ხოლო მეორე ადგილას — მრგვალი ქურის კედლის ნაშთი. წარმოების გადანაყარში შემავალი რამდენიმე წუნდებული კრამიტი ზომა-მოყვანილობით სწორედ აღრე შუა საუკუნეთათვის დამახასიათებელი ჩანს, ისევე როგორც მცხეთის გორის კალთაზე გათხრილი ნაგებობის კრამიტი.

ნავთსადენის ტერასაზე ე. თაყაიშვილი ქვისსამარხთა გარდა აღნიშნავს ქვითკირის ნაგებობათა ნაშთებს — მათ შორის ერთს მოზრდილს, სწორკუთხოვანს. ქვისსამარხები მის გარშემოა, ხოლო ერთი შიგაც არის ჩადგმული. საინტერესო ისაა, რომ ოქროს ორი და ვერცხლის ცხრა ფული თითქოს სწორედ ამ ნაგებობის ნანგრევთა შორის უპოვნით და არა სამარხებში. ნაგებობასა და სამაროვანს შორის ყოფილა 7 ქვევრი. აღნიშნული მონეტების მიხედვით ნაგებობის დათარიღება გაკვირდება. ვინაიდან ოქროს მონეტები I საუკუნისა, რომაული ყოფილა, ხოლო ვერცხლისა — ბიზანტიური, VII საუკუნისა. ვარაუდად შეიძლება ითქვას, რომ ეგებ ეს ნაგებობა რაიმე საეპქრო შენობასაე კი წარმოადგენდა (სამაროვნის არა მთლად თანამედროვეს) და, შესაძლოა, მარანიც მასთან იყო დაკავშირებული:

ბ ა გ ი ნ ე თ ზ ე ძველი, აღრეანტიკური და გვიანანტიკური დროის ზღუდე-კომპლექსისა და შიგ მოქცეულ ნაგებობათა გარდა, რომლებიც უმნიშვნელოვანეს ძეგლებს წარმოადგენენ ამ უბანზე, ზოგი რამ ისეთიცაა გამოვლინებული, რაც ნაწილობრივ მაინც განსახილველ დროს უნდა მიეკუთვნოს. ეს არის ციხე-ქალაქის ისტორიის მესამე, უკანასკნელი ხანისადმი: ვანკუთენილი „არმაზ-ციხე III“. ყველაზე უფრო ნიშანდობლივია ის მომცრო აბსიდიანი ეკლესია, რომლის საძირკველიც გამოვლინდა უძველესი ნაგებობის, „სვეტებიანი დარბაზის“ გვერდით და რომელიც ჩვენს ადრექრისტიანულ ხანას უნდა ეკუთვნოდეს. გარდა ამისა, 1948 წლის კამპანიისას 200 კვ. მ ფართობზე გამოვლინდნ იქნა ნაწილი ნაგებობისა, რომელიც წყობის რავვარობის მიხედვით აგრეთვე უნდა ეკუთვნოდეს ძველთა ყველაზე უფრო გვიანდელ ჯგუფს არმაზ-ციხის ზღუდის შიგნით, და რომელიც უფრო ძველი, მდიდრული ნაგებობის ნანგრევებზე ყოფილა აღმართული: ნგრევა ძლიერ ცეცხლს უნდა გამოეწვია.

რაც შეეხება იმ ორსენაკიან ნაგებობას, რომელიც გათხრამდეც ჩანდა ზედაპირზე, მისი მშენებლობის ბოლო ფაზა ახ. წ. IV—V საუკუნეს არ ვადმოსცილდება. ამრიგად, ამ ძველ, ნამდვილად გვიანანტიკურ ხანაში აგებულ, ქვითკირის შენობას არც ადრე შუა საუკუნეებში დაუკარგავს მნიშვნელობა, მით უმეტეს, რომ ზედა კულტურული ფენა იქ VII—IX საუკუნეთა მოკიქულ კერანიკასაც კი შეიცავდა.

რ უ ს თ ა ვ ი ს კომპლექსში მხოლოდ ერთი ძველი შეიძლება მიეკუთვნოს პირობით ამ ხანას. ეს არის 1951 წლის კამპანიის დროს გამოვლინებული ნაშთი მოზრდილი, სწორკუთხოვანი, ქვის იატაკიანი და სვეტებიანი ნაგებობისა, რომელიც ეკლესიადაა მიჩნეული, მით უმეტეს, რომ იქვე აღმოჩენილია რამდენიმე ლარისებრი კრამიტი, რომლებზედაც რელიეფურად გამოხატულია ჯვარი (ტაბ. XXXIII, 3). ნაგებობის სწოვანების დანამდვილებით განსასაზღვრად საყრდენი არ მოგვეპოვება, მაგრამ გეზს ვიღებთ წერილობითი წყაროების ცნობაზე, რომ ვახტანგ გორგასალს რუსთავეშიც დაუსვამს ეპისკოპოსი, და შესაძლოდ მივიჩნევთ, რომ სწორედ აქ ყოფილიყო საეპისკოპოსო ტაძარი, რომელიც შემდგომ მიწასთან მოუსწორებია მტერს. მასთანვე დაკავშირებულად მიგვაჩნია აღნიშნული ნაგებობის შორიანლოს შემთხვევით აღმოჩენილი ორნამენტური ქვათა ნატეხები (ტაბ. XXXIII, 4) და ერთი ნატეხი ქვისა, რომელ-

ზედაც „ბოლნური ჯვრის“ ერთერთი; ბოლოფართო მკლავის ნაწილი ჩანს და რომელიც იმავე V—VI საუკუნეებს, ბოლნისის სიონის ხანას უნდა მიეკუთვნოს.

ბოლნისი იმთავითვე ცენტრს წარმოადგენდა ისტორიული ქვემო ქართლის ერთი უღონიერესი და უმნიშვნელოვანესი კუთხისა და ამიტომ საესეებით კანონზომიერი იყო, რომ ვახტანგ გორგასალმა იქაც დააარსა საეპისკოპოსო კათედრა. სწორედ მის დროს აღიმართა იქ დიდი სამნავიანი ბაზილიკური ტაძარი — ბოლნისის სიონი, ძველი ქართული ხუროთმოძღვრების საუკეთესო ძეგლთაგანი. მის მახლობლად, 4—5 ჰექტარ ფართობზე შემორჩენილია ნაქალაქარი; რომელშიც 5 ეკლესიაა და მათ შორის — ერთი „ჩინებული სამეკლესიანი ბაზილიკა“. ლ. მუხელიშვილის აზრით, ეს არის ბოლნისის უძველესი სამოსახლო, დაახლოებით სიონის თანამედროვე. არქეოლოგიური გათხრა-გაწმენდით მუშაობა კი ჯერჯერობით მხოლოდ ბოლნისის სიონს შეეხო. გარდა ტაძრის მთელი სიმაღლით გამოჩენისა და თავდაპირველი გეგმის, არქიტექტურული ფორმებისა და დეკორის სავსებით გამოვლენა-აღდგენისა, ამ მუშაობამ ის შესანიშნავი შედეგიც გამოიღო, რომ აღმოჩენილ იქნა მიწაში დაფლული დიდი სამშენებლო წარწერა, კარის სათავე ქვაზე მკაფიო ასომთავრულით რელიეფურად ამოჭრილი. წარწერა დაზიანებულია, მაგრამ ის კი დანამდვილებით ამოკითხვის, რომ ტაძარი აშენებულა სპარსეთში პეროზის მეფობის (458—484 წწ.) დროს და რომ მის აგებას 15 წელიწადი დასჭირებია. ა. შანიძე დაზიანებული ადგილების აღდგენით აზუსტებს წარწერას და კითხულობს, რომ მშენებლობა პეროზის მეფობის მე-20 წელს დაუწყიათ და, მამასაღამე, 493 წელს დაუსრულდებიათ. ჩანს, ბოლნისი ვახტანგის მიერ უკარამში მრავლად აღმართულ ნაგებობათა თანამედროვე ძეგლად უნდა ჩაითვალოს. ამავე დროს ბოლნისის სამშენებლო წარწერა უძველესია ზუსტად დათარიღებულ ქართულ წარწერათა შორის. მას, სხვა იქაურ და იმავდროულ წარწერებთან ერთად, დიდი მნიშვნელობა ენიჭება ქართული ენისა და დამწერლობის ისტორიის თვალსაზრისითაც: ა) ისინი მკაფიოდ გამოხატული ხანმეტი ძეგლებია, რაც მოწმობს, რომ იმ დროს ქართლის მოსახლეობა „ხანმეტურად“ მეტყველებდა; ბ) გვაცნობენ უკვე V საუკუნის მეორე ნახევარში მშენიერად გამოჩვენებულ, კალიგრაფიულად გაფორმებულ ქართულ ასომთავრულ დამწერლობას და მყარ გრამატიკულ-ორთოგრაფიულ ნორმებს. ყოველივე ეს კიდევ ერთ მტკიცე საბუთს გვაძლევს იმისას, რომ ქართული დამწერლობისა და ლიტერატურული ენის ჩამოყალიბება იმ დროისათვის ერთი და ორი ათეული წლის კი არა, საუკუნეთა საქმეა. მეორე მხრივ, ბოლნისის წარწერებში იხსენიება რამდენიმე იმდროინდელი დიდკაცი-თუ მათი მეუღლეები, რომელთა უმეტესობას სპარსული სახელი ჰქვია; იხსენიება აგრეთვე დავით ეპისკოპოსი. საყურადღებოა, რომ ამ უკანასკნელის წარწერაში არის თხოვნა ქრისტესადმი, რათა იგი შეეწიოს ეპისკოპოსს „კრებულთურთ, მლოცველებსა და ეკლესიასა შინა მშრომლებს“, ე. ი. ჯეროვანი ყურადღება ეთმობა. ამშენებლებს, რომელთა მძიმე შრომაც ასეთი დიდი და მკვიდრი ტაძრის აღმართვით დავეირვებებულა.

ტაძრის კედლების საერთოდ ძუნწ სამკაულში ხშირია და ყურადღებას იქცევს მედალონივით, ქვეულ წრეებში მოქცეული ტოლმკლავებიანი, ბოლოებგაფართოებული ჯვრები, რაც საერთოდ გავრცელებულია საქართველოს

იმდროინდელ ძეგლებზე და რასაც პირობით „ბოლნუძი ჯვრები“ ან „ბოლნუ-რი მედალიონები“ ეწოდება. ასეთივე ტიპური და ვიწროდ შემოფარგლული ხანისათვის ნიშანდობლივი, ე. ი. კარგი დამათარიღებელია ბოლნისის სიონის ორნამენტის სხვა მოტივები. ამასთან დაკავშირებით უნდა გავიხსენოთ რუსთავის სავარაუდო ტაძრის ახლოს ნაპოვნი ჯვრიანი ქვის ნატეხი და აგრეთვე არქეოლოგიური თხრისას აღრე შუა საუკუნეთა კულტურულ ფენებში აღმოჩენილი ორი საბეჭდავი (არმაზისხევთან თიხისა და რუსთავში ქვისა), რომელთა ცენტრალურ გამოსახულებასაც ტოლმკლავებიანი, „ბოლნური ჯვარი“ წარმოადგენს.

სწორედ ამ ტიპური ორნამენტის მიხედვით გახდა შესაძლო ბოლნისის სიონისათვის ზოგადად გატოლება იერის ხეობაში, სოფ. სიონში მიეკვლეული და გათხრილი, დანგრეული მოზრდილი ტაძრისა. თავისთავადაც დიდად საყურადღებოა ის გარემოება, რომ ესოდენ შორს უწევს ბოლნისის სიონის არქიტექტურისა და დეკორის გავლენა. ეს ფაქტი მოწმობს ცხოველ კულტურულ ურთიერთობას უკვე ერთ სახელმწიფოდ შეკრულ ქვემო ქართლსა და კახეთს შორის (ისევე როგორც იერის ზემო წელზე მდებარე ჯიჯეთის სამარხეული ინვენტარის დიდი სიახლოვე მცხეთურთან).

უქარმა, უფრო სწორად, მისი ციხე-დარბაზი უნდა ჩაითვალოს განსახილველი ხანის ერთერთ უმნიშვნელოვანეს არქეოლოგიურ ძეგლად საქართველოში — თუნდაც იმიტომ, რომ ამ ციხე-ქალაქის ყველაზე უფრო ცხოველი ზრდაგანებითაა სწორედ ამ დროს ხდება. ჩვენი წერილობითი წყაროების მიხედვით, უქარმა წარმოადგენს აღმოსავლურ-ქართული სახელმწიფოს ერთერთ უმნიშვნელოვანეს ციხე-ქალაქს. ეტყობა, იგი ქართლის მიერ კახეთის თანდათანობით „ათვისება“-შემოერთებისათვის ბრძოლის მოწინავე სარბიელია და საიმედო სიმაგრე, რომელიც მანამდეც (ყოველ შემთხვევაში, გვიანანტიკური დროის მიწურულს) არსებულა („მეფე ასფაგურს აუშენებია“) და ვახტანგ ჯორგასალს კი მრავალი ნაგებობით ერთიორად მაინც გაუძლიერებია. მიუხედავად შემდგომ შეკეთება-დაშენებისა, პირვანდელა ზღუდე-კოშკების სახით ხელთა ვვაქვს ყველაზე უკეთ შემონახული ძეგლი ადრეფეოდალური საქართველოს თავისებური სასიმაგრო და სამოქალაქო მშენებლობისა.

უქარმა მცხეთის მხარდამხარ იხსენიება მატინეებში, როგორც ქართლის სამეფოს მეორე უმთავრესი ცენტრი IV—VI საუკუნეებში. იერისპირა მალლობზე აღმართული ეს ციხე შედგება ორი ნაწილისაგან: ზედაციხისა (დავაკებულ თხემზე) და ქვედაციხისაგან (იერისპირა, ჩრდილო კალთაზე). სულ 1,5 ჰექტარია ამრიგად შემოზღუდული. საკუთრივ სამოსახლო ზღუდის გარეთ უნდა ვიგულისხმოთ. ქალაქი დღევანდელი სოფელ უქარამის ადგილას უფრო უნდა ყოფილიყო.

მერმინდელი, ადვილად გამოსაცნობი დანაშენების გამორიცხვის შემდეგ საქმე გვაქვს სავსებით ერთგვაროვან სისტემასთან, რომელიც თითქოს ერთისა და იმავე მშენებლის მიერ დაგეგმილი და აგებულია. ამ სისტემის ძლიერ თავისებურებას, მართლაც დიდი სიძველის მანიშნებელს, შეადგენს: კედელთა პერანგის თლილი, დაბალ-სწორკუთხოვანი ქვათლილების მკაცრად ჰორიზონტული წყობა (პირობით „გორგასლურად“ ან „უქარამულად“ წოდებული), შემორ-

ჩენილი ამავე კუთხის ზუგ სხვა, ადრე შუა საუკუნეთა ძველშიც (მაგალითად, ღაშთის სამების ტაძრის უძველეს ნაშენობაში, რომელიც VI—VII საუკუნეებით თარიღდება); დულაბის ზომიერად გამოყენება; კოშკებისა და ზღუდის სწორკუთხოვნება; მაღალი და განიერი კარ-სარკმლები, რაც იმასაც უნდა მოასწავებდეს, რომ თავდამსხმელთა იარაღი იმ დროს, ჯერ კიდევ ძლიერ საშიში და შორსმწვდენი არ ყოფილა; ნალისებრი მოყვანილობის კამარა-თალები; კოშკის თავებზე სწორკუთხოვანი ქონგურები და კრამიტიანი, ქანობიანი სასურავები. ყოველივე ეს თავისებურ მოხდენილობას ანიჭებს ზღუდე-კოშკებს.

აკად. ს. ჯანაშიას აზრით, ამოდენა ზღუდის, კოშკებისა და შიდა ნაგებობათა ამრიგად მოპირკეთება; რასაც ასიათასობით წესიერი სწორკუთხოვანი ქვათლილის მოკრა, გათლა, მორგება და დაწყობა დასჭირდებოდა, მონური შრომის ჯერ კიდევ ფართოდ გამოყენების ნაყოფი უნდა იყოს. ეს კი მოასწავებს, რომ წინამორბედი, ბოლომდე ვერ დაძლეული სოციალურ-ეკონომიური წყობის გადმონაშთები ძლიერაა ახალი, ფეოდალური ურთიერთობის დამყარების ხანაშიც.


წინაფეოდალური საქართველოს სამშენებლო ტექნიკისათვის დამახასიათებელია უჯარმაში მრავლად აღმოჩენილი კრამიტის ტრაპეციოიდული მოყვანილობა და დიდი ზომა. აქაური კრამიტი ზედმიწევნითა ჰგავს მცხეთის გვიანანტიკურ ძეგლებს შორის მრავლად მოპოვებულ კრამიტს და სრულიად არ ემსგავსება მერმინდელი; შუაფეოდალური ხანის ნამოსახლარებისას (თუნდაც თვით უჯარმაშივე).

რაც შეეხება უჯარმის ციხე-დარბაზის ამ უძველეს ნაგებობათა შესაბამის კულტურულ ფენას, იგი, დღემდე გათხრილ უბნებში მაინც, ძლიერ ნაწყვეტ-ნაწყვეტადაა გამოვლენილი, რადგან იქ შემდგომ ხანებშიც ხშირად უშენებიათ და უცხოვრიათ. მაინც შეიძლება ორიოდ იხილოდნენ მონაპოვრის აღნიშვნა, რომლებიც, არქაულ კრამიტთან ერთად, თავისუფლად მიეკუთვნებიან IV—VI საუკუნეებს. ერთია სასანური ვერცხლის ფული, ვახტანგ გორგასლის თანამედროვე მეფის — პეროზის დრაქმა, რომელიც აღმოჩნდა შუა ივრისპირა კოშკის ღრმა ფენაში, რაც იმას ნიშნავს, რომ კოშკი უკვე კარგა ხნის აღმართული ყოფილა, როდესაც ეს მონეტა მის ძირას, მიწაში მოხვედრილა. ეგებ ეს იყოს ერთი იმ გარემოებათაგანი, რომლებიც დაადასტურებენ წერილობითი წყაროების ცნობებს უჯარმის ციხის ზოგიერთი ნაგებობის ვახტანგ გორგასალამდე არსებობის შესახებ. მეორეა აგრეთვე ღრმა ფენებიდან მომდინარე, თავისებური, მოქიქული და მოუქიქავი, ზოგჯერ ძალიან ფაქიზი კერამიკა, რომელიც უფრო ძველებურად გამოიყურება, ვიდრე აქ მრავლად აღმოჩენილი ნამდვილი შუაფეოდალური ხანის კერამიკა. ერთერთი ნაგებობის ღრმა ფენაში ნაპოვნია აგრეთვე ლავარდისაგან გამოთლილი საკინძის თავი, ბროწეულის ყვავილის მოყვანილობისა, მცხეთის IV—VI საუკუნეთა სამარხებში ძლიერ გავრცელებული ტიპისა.

უჯარმის ციხე-დარბაზის ყველა პირვანდელი ნაგებობა ერთი გეგმითა და თითქოს ერთდროულად აგებული ჩანს, ისე რომ, ძნელია მათში სხვადასხვა დროის ფენების გამოყოფა. მაგრამ ზედაციხეში დგას მომცრო, უაღრესად თავისებური, რამდენიმეჯგის ნაშენი ეკლესია „ჯვარი ჰატიოსანი“, რომლის თავ-



1



2



3

დაპირველი ნაწილიც კი აშკარად მიშენებულია გალავნის ერთერთ ძველ კოშკზე ისე, რომ ამ უკანასკნელის კარი დაყრუებულია. ეს ეკლესია მიეკუთვნება უძველესთ საქართველოში შემორჩენილთა შორის (გ. ჩუბინაშვილი მას ვახტანგ გორგასლის მეფობის დასაწყისის, ე. ი. V საუკუნის შუა ხანების ძეგლად, მიიჩნევს) და მისი აშენებისას დაუქმებული კოშკი მართლაც შეიძლება IV საუკუნეს, ან არადა-სულაც ჩვენში წინარექრისტიანულ ხანას ეკუთვნოდეს.

საკუთრივ სასახლის ნაგებობანი იგულისხმება ზედაციხის მეორე, ეკლესიის მობირდაპირე ბოლოში, ხოლო დამხმარე-სამურწინო ნაგებობანი (ბელედი-და / სხე) — უშუალოდ ეკლესიის მახლობლად. ამ უბანში ყურადღებას იქცევს ორ-მომში მრავლად შემონახული მრგვალი ქვები — ჩანს, სამურდულე მარაგი (ტაბ. XXX, 3). სასახლედ მიჩნეული ნაგებობა (ტაბ. XXX, 2) წარმოადგენს დიდ, სამსართულიან, ფართოსარკმლებიან და ფართოკარიან კოშკს, რომელიც ზედაციხის ყველაზე უფრო მიუდგომელ კუთხეშია აღმართული. ძირს დატანებული აქვს სრულიად უსარკმლო და უსინათლო, დახშული სარდაფი, რომელიც დილეგადაა მიჩნეული, თუმცა ეგებ საგანძურის საცავიც იყო.

ამგვარად, შეგვიძლია ერთგვარი წარმოდგენა მაინც შევიქმნათ იმაზე, თუ როგორ ყოფილა დიდსა და მნიშვნელოვან ციხეში მოწყობილი სამეფო სადგომი („ციხე-დარბაზი“) ადრეფეოდალურ ხანაში.

ადრეფეოდალური დროის თ ბ ი ლ ის ის არქეოლოგიას საფუძველი ჩაუყარა 1955—1957 წლებში ძველ ქალაქში, ანჩისხატის მიდამოებში წარმოებულმა თხრამ. ჯერ ერთი, თვით ანჩისხატის ეზოში აღმოჩნდა ორნამენტაინი ქვა, რომელიც შეიძლება ჩაითვალოს თბილისის ამ უძველესი ტაძრის პირველადი (VI საუკუნის, ბაზილიკური) ნაგებობის სამკაულის ნაშთად. ერეკლე მეორის მოედანზე გამოვლენილ იქნა კულტურული ფენების მძლავრი წყება, რომლის საერთო ხნოვანება IV—VI საუკუნეებიდან XVIII საუკუნემდე მოდის, ხარჭაზებით.

IV—V საუკუნეთა ფენამ 6—7 მეტრის სიღრმეზე იჩინა თავი. ეს არას პირველი მეცნიერულად მოპოვებული არქეოლოგიური მოწმობა იმ დროისა, როცა ქართლის დედაქალაქად იქცა თბილისი. ამ ფენამ მოგვცა საკმაოდ მრავალრიცხოვანი და რიგიანად დაცული თიხის კურკელი — ღია ფერად გამომწვარი ხელადები, დოქები და სხვა, რომელთაც ყელ-პირის მოყვანილობაში ჯერ კიდევ მოსდგამთ ჩვენებური გვიანანტიკური დროის კერამიკისათვის დამახასიათებელი იერი და ეს სავსებით შეესატყვისება ამ ფენის კუთვნილებას გარდამავალ ხანისდამი. თავისთავად ეს მონაბოვარი საყურადღებო შენამატია, ვინაიდან, როგორც ვიცით, ამდროინდელი თიხის კურკელი ძალიან იშვიათია სამარხეულ ინვენტარში, „დიდი მცხეთის“ სამაროვნებშიაც კი. ამავე ფენამ მოგვცა ერთი ქვის ჩამოსაკიდი საბეჭდავი, რომელსაც ფორმის მხრივ ზუსტი პარალელები მოეპოვება IV—V სს. საბეჭდავთა შორის სამთავროშიც, არმაზისხევიც, რუსთავეშიცა და აგრეთვე პარიზში დაცული, „უსა პიტიახზის“ საბეჭდავის სახით. ზედ კი ამოკვეთილია მანამდე უმაგალითო პორტრეტული გამოსახულება — წვერულვანი და თავდაბურული მამაკაცის პროფილი, ხოლო აქეთ-იქით — თითო შტო, აშკარად წარჩინებულობისა და პატივის ნიშანი (ტაბ. XXXIII, 1). სავსებით დასაშვებია ვარაუდი, რომ ეს საბეჭდავი ეკუთვნოდა ახლად გადღე-ქალაქებული თბილისის თვალსაჩინო ხელისუფალს, რომელიც მისით ბეჭდავ-

და ხოლმე წერილობით საბუთებსა თუ სხვა რასმე. კვეთის რაგვარობით ეს პორტრეტი მოგვაგონებს: არმაზისხევის IV საუკუნის მდიდრულ სამარხში აღმოჩენილ ოქროს ბეჭედში მჯდარ პორტრეტულ ინტალიოსაც, „უსა პიტიახშის“ პორტრეტსაც და სამთავროს IV—V სს. სამარხში ნაპოვნ ოქროს მედალიონში ჩასმულ პორტრეტულ გემმასაც.

მომდევნო, VI—IX საუკუნეებისადმი მიკუთვნებულ ფენებში, მოუქიქავე-თან ერთად აღმოჩნდა თავისებური მოქიქული კერამიკა, რომელიც თვალნათლივ ენათესავება უჯარმის ციხე-დარბაზის უძველეს ნაგებობათა თხრისას გამოვლენილ ასეთსავე კერამიკას და ამრიგად საგრძნობლად აძლიერებს ადრე შუა საუკუნეთა მოქიქული ჯამ-პურქლის ფონდს.

მარნეულის რაიონში, ლოფელ წოფთან, ძნელმისაჯელ კლდოვან მთაზე აღმართული ციხის ნანგრევის არქეოლოგიური გათხრა-შესწავლა 1957.—1958 წლებში წარმოებდა. წერილობითი წყაროების მიხედვით, წოფი ანუ წობა ერთ-ერთი უძველესი აღმინისტრაციული ცენტრი იყო ქვემო ქართლში — „წოფის ლევის“ ცენტრი V—X საუკუნეებში. ციხე მძლავრიც ყოფილა და მარჯვედ ნაგებიც. ზღუდე-კოშკების პერანავის წყობით იგი საკმაოდ მოგვაგონებს უჯარმის ციხეს და ალბათ არცთუ ბევრად ჩამორჩება მას ხნოვანებით. ეს უნდა იყოს წოფის ხელისუფლის რეზიდენცია, ციხე-დარბაზი. ზღუდის შიგნით გაითხარა რამდენიმე სამეურნეო ნაგებობა და, კერძოდ, მარანი. ციხის მახლობლად გამოვლენილ იქნა მოზრდილი ბაზილიკური ტაძრის ნანგრევი, რომელსაც შემორჩენილი აქვს ადრე შუა საუკუნეთათვის დამახასიათებელი ორნამენტი. თხრის პარალელურად ჩატარებულმა დაზვერვამ ამ ხევში ადრეფეოდალური დროის დიდძალი სხვადასხვაგვარი ძეგლი გამოავლინა: მათ შორის განსაკუთრებით საყურადღებოა წარწერიანი სტელები — იმავე დროისა და ტიპისა, რაც ბოლნისის ტაძრის ვალაყანში თხრისას აღმოჩნდა.

ურბნისი ძველი ქართლის ერთი იმ „ძლიერ ციხე-ქალაქთაგანია“, რომელთაც გვისახელებენ ჩვენი წერილობითი წყაროები ჯერ კიდევ „ალექსანდრობის“ (ე. ი. ელნისტური) დროისათვის, ხოლო შემდეგ, როგორც ქალაქს, წმ. ნინოს საქართველოში მოსვლის ამბის თხრობისას, ე. ი. IV საუკუნეში, განსახილველი ხანის დასაწყისში. რუსთაეთან ერთად, ურბნისიც ეკუთვნის ვაკე ადგილას განლაგებულ ციხე-ქალაქთა რიცხვს, რომლებიც საქართველოსათვის გამონაკლისს უფრო წარმოადგენენ, ვიდრე ჩვეულებრივ რასმე. რუსთაეისაგან განსხვავებით კი, ურბნისი მტკვრის მაღალ ნაპირას მდებარეობს და არა ზედ მდინარის პირას, მისი ერთადერთი ძნელმისაჯელოში მხარე სწორედ მტკვრის ფლატეა (რუსთავის ციხე კი მტკვარსა და რუს შორის მოქცეულ შემადგენელზეა აგებული). ორივე შემთხვევაში ქალაქის წარმოქმნის მიზეზი და სტიმული სხვა (სამეურნეო-ეკონომიურ) ვითარებაშია საძიებელი და არა სტრატეგიული თვალსაზრისით სიმაჩვევში (ამ მხრივ გაცილებით უფრო გამოსადეგი იქნებოდა ურბნისის მახლობლად მდებარე გორი). ამ ბუნებრივი ნაკლის ასანაზღაურებლად ურბნისში ძალზე დიდი მუშაობა ჩატარებიათ: სამოსახლოსათვის ირგვლივ შემოურტყამთ ალიზის მძლავრი; კოშკებიანი ზღუდე, ხოლო მის გარშემო ღრმა და ფართო თხრილი ამოუღიათ.

ნაქალაქარის გათხრის შედეგების მიხედვით ზღუდე უმთავრესად გვიანანტიკური ხანისა და ადრე შუა საუკუნეთა ნაგებობის შთაბეჭდილებას ტოვებს. ყოველ შემთხვევაში, შესაბამისი ორი სამშენებლო პერიოდი გამოირჩევა. ზოგ უბნებში სტრატოგრაფიული კრილი უეჭველყოფს ზღუდის ალიზის წყობის მერმინდლობას გვიანანტიკურ ხანასთან შედარებით. ეტყობა, ირგვლივი თხრილი საშიშროების დროს წყლით იესებოდა, როგორც ამგვარი დაცვის სისტემით აღქურვილი სხვა ძველ ციხე-ქალაქებში. ყველაზე უფრო ბუნებრივი იქნება თუ წარმოვიდგენთ, რომ საამისოდ იყენებდნენ ლიანვიდან ძველადვე გამოყვანილი სარწყავი რუს წყალს.

ზღუდის შიგნით მდებარე ნაგებობათა ნაშთების თხრისასაც ზემოაღნიშნული ორი ძირითადი ხანისადმი მისაკუთვნებელი მასალა იჩენს უმთავრესად თავს: გვიანანტიკურისა და ადრეფეოდალურისა. უბრალო მოქალაქეთა საცხოვრებელი და სამეურნეო ნაგებობანი ძალიან მარტივი და ყოველგვარ არქიტექტურულ სამკაულს მოკლებულ არიან: კედლები რიყის ქვითა და თხიით ნაშენი აქვთ, სახურავი — მეტწილად უკრამიტო და; მაშასადამე, ბანური. სამეურნეო მიწებრიდან წარმოდგენილია: მრავალრიცხოვანი ქვევრები, რაც მევენახეობა-მეღვინეობის დიდ განვითარებას მოწმობს (ტაბ. XXX, 4), მარცვლეულის შესანახი ორმოები, სატრიალებელი ხელსაფქვაეები, დანახშირებული ხორბლეული, თონეები: ყოველგვარი შინაური პირუტყვის უამრავი ძვალი, კერები და თხის მრავალგვარი ქურჭელი — ტლანქი დერგებიდან, ქვაბ-ქონებიდან და კეცებიდან კობტა და ლამაზად გაპრიალებულ ჯამბამდე და თასებამდე; მინის მრავალრიცხოვანი, ხშირად მოხდენილი და ფაქიზი ქურჭელი. განსაკუთრებით აღსანიშნავია თხის „ბულა“ ორი სხვადასხვა, IV—VI საუკუნეთათვის ჩვეული იერის გემით აღბეჭდილი. და, საფიქრებელია (საქონლის? ხელნაწერი გრაგნილის?), დასაცავ-დასაბეჭდად განკუთვნილი.

1956 წელს ურბნისის ნაქალაქარში გათხრილ იქნა ერთი სულ სხვაგვარი, ნამდვილად კაპიტალური ნაგებობაც. იგი შიგნიდან მიშენებულია ალიზის ზღუდეზე და აშკარად მასზე უფრო გვიანდელია. ამოყვანილია ქვითკირით, რომელშიც ფენა-ფენა გამოჩეულია სხვადასხვა ზომის კვადრატული აგური (ე. წ. „ბიზანტიური წყობა“). იატაკი კირის დუღაბითაა მოფენილი. ჭერჭერობით გამოვლინებულია ორი დიდი განყოფილება, მაგრამ ნაგებობა ორივე მხრივ ვაკეობა და მეტსაც უნდა შეიცავდეს. ერთერთ განყოფილებაში კიდევ მცირე, ექსცდრულად მომრგვალებული სენაკებია. განყოფილებათა შორის იატაკს ქვეშ ძალზე დაბალი, თალიანი ვასასვლელია. ნაგებობისაკენ მოემართება კერამიკული მილსადენი. ყოველივე ეს ქმნის აბანოს შთაბეჭდილებას, მაგრამ ჭერჭერობით ამის დანამდვილებით თქმა ვაკირდება. თუ იყო კიდევაც აქ აბანო, მეორე სამშენებლო ხანაში იგი უკვე გაუქმებული ყოფილა და ნაგებობა სხვა დანიშნულებითსათვის გადაუკეთებიათ. ერთერთ განყოფილებაში ქვევრები ჩაუდგამთ და მარანი მოუწყვიათ. ამ მეორად მშენებლობას ათარიღებს კედლის ქვითკირის წყობაში ჩაყოლებული 7 სპანური (კავადის) ვერცხლის მონეტა, V—VI საუკუნეებისა. ამრიგად, ვარაუდით აქაც შეიძლება მშენებლობისა თუ ნაგებობის გამოყენების ორი, ერთიმეორის მომდევნო საფეხურის — გვიანანტიკური და ადრეფეოდალური ხანის — შესახებ მსჯელობა.

ალიზის ზღუდის შიგნით უკვე რამდენსამე ადგილას არის მიკვლევული და გათხრილი გვიანანტიკური დროის სამარხები, ხოლო ზღუდის გარეთ — იმავე დროული ნამოსახლარი; IV საუკუნიდან კი სამაროვნები (ძლიერ მცირეინფენტარიანი თიხის სარკოფაგები) აშკარად ზღუდე-თხრილს გარეთაა გატანილი, ორ მოპირდაპირე მხარეს (ერთგან — ანტიკური დროის ნამოსახლარზე) და გალანს შიგნით აღარა გვხვდება. ეს იმას უნდა მოასწავებდეს, რომ IV საუკუნემდე ქალაქური სამოსახლო ან გაცილებით ნაკლები ყოფილა და მერე გაფართოებულა, ან არადა (რაც ნაკლებ მოსალოდნელია) სულ არ ყოფილა ზღუდით შემოფარგლული, საააფლაოებიც უბან-უბან, იქვე ჰქონია; მერე კი მომწყვედულა ფართოდ შემოვლებულ ზღუდეში, ხოლო სამაროვნები მის გადაღმა, მოშორებით მოუწყვიათ.

ამით ამოიწურება განსახილველი დროის, სადღეისოდ მეტად თუ ნაკლებად შესწავლილი, ნამოსახლარი არქეოლოგიური ძეგლები აღმოსავლეთ საქართველოში.

დასავლეთი საქართველო. განსახილველ ხანაში დასავლურ-ქართული სახელმწიფო — ეგრისი ანუ ლაზიკა — უფრო ნაკლებ დამოუკიდებელია თავის პოლიტიკურ ცხოვრებასა და საგარეო ურთიერთობაში და უფრო მეტად განიცდის უცხოურ კულტურულ გავლენას (რაც უკვე გამოჩნდა, მაგ., ზღვისპირა ადგილების სამარხეულ ინვენტარში), ვიდრე აღმოსავლურ-ქართული სახელმწიფო. ამ გარემოების ერთერთი მანიშნებელი ისიცაა, რომ, როდესაც იმდროინდელი ეგრისის ციხე-ქალაქთა შესწავლას ვიწყებთ, საყრდენად ვიღებთ ბიზანტიელ მწერალთა ცნობებს, ამოკრეფილ მათი იმ თხზულებებიდან, რომლებიც მოგვითხრობენ ბიზანტიისა და სასანური ირანის ხანგრძლივ ომიანობას, ეგრის-ლაზიკის მიწა-წყალზე, VI საუკუნეში.

ამ ბიზანტიურ (და მხოლოდ გაკვრით ქართულ) წყაროებში მოხსენიებულ ციხე-სიმაგრეთა ნამდვილი შესწავლა 1930-იანი წლებიდან დაიწყო, როდესაც ბერძნულ სახელწოდებათა ქართულთან შეჭრება და ნაშთების დადგენა, წინასწარული დაზვერვა ჩაატარა ს. ყ ა უ ხ ჩ ი შ ვ ე ი ლ მ ა — ციხისძირი (= პეტრა?), ნოქალაქევი (= არქეოპოლისი), ისულა (= ნესოსი), ტოლები (= ტლეფისი), ვარციხე (= როდოპოლისი), სკანდე და შორაპანი (= სარაპანისი).

შორაპანი ს ციხის ნაგებობაში რამდენიმე სხვადასხვა დროის ფენა გამოირჩევა. ამთგან განსახილველ ხანას მიეკუთვნება ე. წ. აგურ-კვადრული წყობა: ოთხკუთხა თლილი ქვები და მათ შუა დატანებული დიდრონი ბრტყელი კვადრატული აგურები. ეს წყობა ახასიათებს ჯერ იმპერიის, ხოლო შემდეგ ადრე-ბიზანტიურ (IV—VI სს.) არქიტექტურას. სახელდობრ, კვადრატული აგური იხმარებოდა უმთავრესად საბერძნეთში. ზედმიწევნით ასეთივე წყობა დადასტურებულია სკანდეში, ვარციხეში, ტოლებსა და ნოქალაქევიშიც. V—VI სს. ბიზანტიურ ყაიდაზე აგებული აგრეთვე შორაპანის ერთერთი ორმაგი კედელი (მათ შორის 1—2 სმ სიგანის სივრცეა და კირი არ არის გამოყენებული). ასეთსავე ორმაგ კედელს ვხედავთ ციხისძირში, სადაც იგი V—VI სს. არის აგებული. ვარციხის ზღუდე რიყის ქვითა და კირქვითაა ამოყვანილი, მაგრამ ერთერთი შენობის კედლების წყობაში აქაც გამოჩნდა შუაში დაყოლებული კვადრატული აგურები.

ტოლების დაზვერვის შედეგებიდან ყურადღებას იქცევს: ა) ორმაგი თხრილი ციხის ირგვლივ; ბ) მისი ერთი უბნის სახელწოდება „დერგა“ (დერგი ზომ თიხის დიდი ქურქელია) და კერამიკული წარმოების ახლაც არსებობა იქვე ახლოს, რაც შეესატყვისება ბიზანტიელი მწერლების ცნობას, რომ ტელეფისთან არაფერია, გარდა ქოთნების სავაჭროებისა („ოლარია“, „ქიტროპოლია“). თავისთავად ცხადია, რომ ეს „ქოთნების სავაჭროები“ ადგილობრივი ხელოსნური წარმოების ერთერთ გამოვლინებად უნდა მივიჩნიოთ იმ ხანაში. საფიქრებელია, რომ ციხის საშენად გამოყენებული აგურიც იქვე გამოიწვოდა. აგურის ფენები აქ ზოგან აქა-იქ, უწყესრიგოდ არის დალაგებული, ზოგან კი პერანგსაც შეადგენს (11 წყობაა). ერთ ნაგებობაში მრგვალი აგურიცაა გამოყენებული.

საერთოდ ამ ციხეთა მშენებლობის წესია ბიზანტიური, ალბათ საოკუპაციო ჯარების მეთაურთა მიერ ნაკარნახევი, თორემ მშენებლები ადგილობრივი ქვეთხროები უნდა ყოფილიყვნენ.

1949 წელს განმეორებით დაიზვერა სკანდე და შორაპანი. სკანდეში მუშაობის შედეგებიდან ახალი ისაა, რომ, მიუხედავად წერილობითი წყაროების ცნობებისა I ს. შორაპანთან ერთად სკანდეს არსებობის შესახებ, აქ გამოვლენილ ნაგებობათა უძველესი ნაშთები VI—VII საუკუნეებს ეკუთვნის, და რომ იქ არის კედლების ორი, ქვედა და ზედა წყება.

ნამდვილი არქეოლოგიური გათხრითი მუშაობა ზემოთ ჩამოთვლილ ციხე-ქალაქთაგან შეეხო მხოლოდ ნოქალაქე-არქეოპოლისს, მაგრამ ისიც პირველი (1930—1931 წწ) კამპანიით ამოიწურა ჭერჭერობით.

ივ. ჯავახიშვილის სიტყვით, კოლხეთის, ანუ ლაზიკის პირველ და უდიდეს ქალაქად, მამასადაძე დედაქალაქად, „ძველი ქალაქი“ („არხაოპოლისი“, ნაქალაქევი) იყო ცნობილი. ამ ციხე-ქალაქს მნიშვნელოვანი როლი მიენიჭა ბიზანტია-სპარსეთის პირველ ომში (დასრულდა 554 წ.) და ამის გამო იგი ბიზანტიელ მემკვიდრეებს აღწერილიც აქვთ. გათხრამ საეხებით დაადასტურა ეს აღწერილობა, ისე რომ ნოქალაქევისა და არქეოპოლისის იგივეობა უეჭველია. გათხრის მთავარი მიზანი იყო იმ ადგილის დასახლების ისტორიისა და ქალაქის წარმოშობის გამოკვლევა. ბერძნული სახელწოდება გვაგულისხმებ. ბინებს, რომ ბერძნებს იქ ძველი სამოსახლო დახვედრიათ. მათთვის ამ ადგილს მნიშვნელობა ჰქონდა, როგორც ქ. ფაზისის ზურგის დამცველს, რათა იქამდე არ ჩაეშვათ სპარსელები. ამავ, სტრატეგიულმა მოსაზრებამ გააშენებინა მათ პეტრა. ასეთი ვითარება კი მხოლოდ გვიანანტიკურ, რომაულ ხანაში შეიქმნა და სწორედ ამ ხანას თანხვდება არქეოპოლისის ყველაზე მეტი ისტორიული მნიშვნელობა.

ტეხურით გარშემორტყმულ პატარა ზეგანზე და მის ზემოთ ფერდობზე მდებარე ქალაქი რამდენჯერმე შემოუზღუდავთ კედლებით, რომლებიც სხვადასხვაგვარი წესით არის ამოყვანილი, მათ შორის გამოირჩევა „პოლისის“ (ქალაქის) გარე ზღუდის კარგი ანტიკური წყობაც — დიდრონი ფილაქვები. ამ კედელს რამდენიმე კარი და მათ შორის ერთი მთავარი ჭიშკარი ჰქონდა. „პოლისის“ ეკუთვნოდა „აგორა“. სასახლის მსგავსი შენობა და კიდევ ერთი შენობა, რომელზედაც შემდეგ ეკლესია დაუდგამთ. ესენი ისევე კარგადაა ნაგებო, როგორც კედლის პერანგი. სხვა სახლები ხისა ყოფილა და მათი ნაშთი აღარა

ჩანსრა, გარდა მრავალრიცხოვანი კრამიტისა. ფერდობზე სატერასო კედლებია. ზემოთ კედელში ჩადგმულია კოშკები, ხოლო კუთხეში — მერმინდელა დიდი შოგრაო ციხე, მრავალგზის განახლებული. ერთ მხარეზე ციხაბო კლდეებია და ზღუდე არ ყოფილა. მეორე კედლის აგებას გამთხრლები ათარილებენ ერთერთ კოშკში აღმოჩენილი განძის — იმპ. მერიკიოსის (582—602), 23 ოქროს ფულისა და აგრეთვე ერთგან, მოსასწორებლად დაყრილ მიწაში აღმოჩენილი, VI ს. კუთვნილი კერამიკულა ნაწარმის მიხედვით. დანგრევას მიწისძვრას მიაწერენ, რადგან წყაროები მტრის მიერ შემუსვრას არ ვეუბნებიან. რაც შეეხება პირველი კედლის აგებას, მას დაახლოებით მიაკუთვნებენ IV საუკუნის შუა ხანას, კერამიკულ ნაშთებში უძველესი ჩგუფის გამოყოფის მიხედვით (თორემ ნათხარში ქარბობდა V—VI სს. კერამიკა).

ამ პირველი კედლის აგებამდე აქ არც ქალაქი ყოფილა და არც დიდი სამოსახლო. იგი უნდა ეკუთვნოდეს ქართულ წყაროებში (ჯუნშერი) ცნობილ „ციხე-გოჯს“, „ადრე-რომაული დროის“ ციხე-დარბაზს, რომელსაც თან უნდა ხლებოდა პატარა სამოსახლო. ამას გვაფიქრებენებს, სხვათა შორის, თითო-ორთა ქოთანა „რომის იმპერიის შუა ხანებისა“ და ახ. წ. I საუკუნის კერამიკის რამდენიმე ნატეხი, თორემ მთლიანად იმდროინდელი ფენა არსად უნახავთ.

VIII ს. დამდეგს შიდა ეგრისში ბიზანტიური მფლობელობის გადაპარდნის შემდეგ ისევ ძველი სახელწოდება „ციხე-გოჯი“ იღვიძებს: მურვან ყრუს ლაშქრობის აღწერისას ჩვენი წყაროები გვაუწყებენ, რომ მან, სხვა ქართულ ციხეებთან ერთად, „სამ-ზღუდე ციხე-გოჯიც“ დანაგრიდა.

ასევე ერთი, თუმცა უფრო ხანგრძლივი არქეოლოგიური კამპანიით ამოაწურა გურიის მდებარე მსგავსი ძეგლის, ამჟამად ვ ა შ ნ ა რ ა დ წოდებულის, გათხრა-შესწავლა. ერთხანს მას უიგოვებდნენ ბიზანტიური წყაროების „პეტრას“, რომელიც ნამდვილად ციხისძირშია საძიებელი. ამ ბოლო დროს გამოითქვა მოსაზრება (ნ. ა. ბერძენიშვილი), რომ ვაშნარში არსებული ციხე-ქალაქი უნდა ქცეულიყო მერმინდელი დიდი ფეოდალური ერთეულის, გურიის ბირთვად, მით უმეტეს, რომ იქვე ახლოს არის სოფელი გურიანთა.

ვაშნარი მდებარეობს შემადლებულ ზეგან-კონცხზე, ორი მდინარის შესაყართან, სამი მხრივ ფლატეებით შემორტყმული. მეოთხე, ვაკე მხარე მდინარიდან მდინარემდე ქვითკირით გადაუზღუდავთ. ყოველ მხარეზე წყვილ-წყვილი ზღუდეა, მეტი სიმტკიცისათვის. შიდა ზღუდესთან, ყოველ 40 მეტრზე აგებულია მცირე კოშკები და სხვა შენობები (ტაბ. XIX XII, 1), რომელთაგან ყველაზე უფრო მნიშვნელოვანია გათხრით გამოვლენილი, ტაძრისა და სხვა სამლოცველოთა ნანგრევები. ყურადღებას იქცევს ზღუდის ძირას დაყოლებული წყალსადენიც (ტაბ. XXXI, 2).

ტაძარი დიდი სამწვეიანი ნაგებობა ყოფილა. საკურთხეველს აბსიდა ხუთწახნაგოვანი ჰქონია და არა ნახევარწრიული. საკურთხეველი საფეხურედია, მარმარილოს ფილებით მოპირკეთებული, ისევე როგორც იატაკი და ეგებ შენობის სხვა ნაწილებიც. შემორჩენილია ქვის სვეტისთავეები და სვეტისძირები. ეკლესიაშივე ყოფილა სანათლავი და წარჩინებულთა აკლდამები. „სამლოცველო“ ასეთივე მდიდრული და ნატიფი შენობა გამოდგა. მისი ჰერი დაყრდნობილი ყოფილა სვეტებზე, რომელთაც ჰქონიათ დიდი გემოვნებით გამოკვეთილი,

მცენარეულ-გეომეტრიული ორნამენტით (აკანთი, ხეები) დამშვენებული თაგები.

თუ გავიხსენებთ, რომ საქართველოს შიდა მხარეებში თითქმის არც ერთ ამდროინდელ ნაქალაქარში ასეთი დახვეწილი ოსტატობით ნაშენი და მდიდრულად მორთული საკულტო ნაგებობა არაა ჯერ აღმოჩენილი, უფლება გვექნება წარმოვიდგინოთ, რომ ის, რასაც ახლა ვაშნარის სახელით ვიცნობთ, ეგრიზის ერთი უმნიშვნელოვანესი ცენტრთაგანი ყოფილა ადრეფეოდალურ ხანაში. გამთხრელი გ. გ. ბ. ე. ჯ. ი. შ. ვ. ლ. ი. მის არსებობას V—VIII სს. ათარიღებს.

განსაკუთრებით თვალსაჩინოა მშენებლობის საქმის აშკარად მაღალი დონე: ძლიერ მტკიცე კირის დუღაბი, მშენივრად გამოძწვარი აგური და კრამიტი, კარგად თლილი ქვა, სხვა უკეთესი ქვისგან მხატვრულად დამუშავებული დეტალები, აგურნარევი ქვიშის გამოყენება იატაკებისათვის, კერამიკული წყალსადენი, რომელიც უკეთ დაეულობისათვის ხშირად კედლებს ქვეშ არაის ჩაფლული და სხვ. ისევე როგორც ყველა შემოთ ჩამოთვლილ ეგრისულ ციხე-ქალაქში, აქაც იჩინა თავი ბიზანტიური მშენებლობისათვის დამახასიათებელმა ზოგიერთმა ნიშანმა, კერძოდ, აგურ-კვადროვანმა წყობამ. სხვაფრთხილ თვით კვადრების ფორმა და ზომა, მათი ზედმიწევნით თარაზული წყობა საქმალად მოგვაგონებს უჯარმისას, რომელსაც ზოგადად, დროის რომელიღაც შუალედებში მაინც, ვაშნარი უტოლდება კიდევაც.

მნიშვნელოვანი გათხრითი მუშაობაა ჩატარებული დასავლეთ საქართველოს კიდეც ერთი, ზღვისპირა ციხე-ქალაქის, ბიჭვინთის მიდამოებში. იქ გამოვლენილ იქნა ქალაქის გამაგრებული ნაწილის დიდი კედლები და კოშკები, სამეურნეო და საკულტო ნაგებობანი. ამ უკანასკნელთაგან განსაკუთრებულ ყურადღებას იქცევს დიდი ტაძრის სამნავიანი, წახნაგოვან-აბსიდიანი ბაზილიკისა და მისი მრავალი მინაშენის ნანგრევი (ტაბ. XX XI, 3). ტაძარი, ჩანს, მოხდენილი ყოფილა. შიგ მარმარილოს ათი სვეტი მდგარა. მისი იატაკი მთლიანად დაფარული ყოფილა მოზაიკით, რომელიც თავისებური და მხატვრული ჩანს (მრავალფეროვანი მოტივები, მშვენიერი ნახატი, შესრულების აშკარა ოსტატობა). მოზაიკიანი ტაძარი უძველესი ყოფილა, ხოლო მის გარდა კიდეც ორი სხვა ტაძრის ნანგრევია გამოვლენილი. ერთი მათგანის შენებისას ძველი მოზაიკაც გამოუყენებიათ — უკვე VI ს. შუა წლებში, იუსტინიანეს დროს. ძველი კი აშენებულია მანამდე და, როგორც მოზაიკის წარწერა გვაფიქრებანებს, ადგილობრივი დიდკაცის — ო რ ე ლ ის მიერ, მისი და მისი სახლის სალოცველად. რაკი ძველ ეგრისში, ისევე როგორც აღმოსავლეთ საქართველოში, ტაძრების მშენებლობა გაიშალა ქრისტიანობის გავრცელების კვალდაკვალ, ბიჭვინთაში უნდა მდგარიყო ტაძარი — საყდარი ბიჭვინთის ეპისკოპოსისა, რომელიც ნიკეის 325 წ. საეკლესიო კრების მონაწილე იყო.

რომ IV საუკუნემდეც კარგა ხანს არსებობდა აქ დიდი ქალაქი, თანახმად სტრაბონისა, ამას ამტკიცებს სათანადო ნანგრევებისა და I — III სს. მრავალრიცხოვანი კერამიკის შემცველი კულტურული ფენების გამოვლინება. ყურადღებას იპყრობს აბანოს ნანგრევი.

ბაზილიკისა და ნაქალაქარის სხვა უბნების გათხრამ გამოაქვინა ძველი ბიჭვინთის ცხოველი საქალაქო ცხოვრება; მეზობელ ქვეყნებთან ფართო ურ-

თიერთობასთან ერთად, კულტურის ზოგი დარგის ადგილობრივი, თავისებური განვითარება. განსაკუთრებით მრავალადაა წარმოდგენილი კულტურულ ფენებში კერამიკა და მინის კურკელი, რომლის მსგავსიც თითქოს მოიძებნება აღმოსავლეთ საქართველოს იმავდროულ ნამოსახლარებში.


VI საუკუნის შემდეგ ქალაქი რამდენადმე შემცირებული ჩანს.

ქ. ფოთის, ძველი ფაზისის შესწავლა ჯერ წინასწარ დაზვერვას არ გაცილებია. 1945 წელს ჩატარდა მცირე გათხრა მის უკიდურეს ჩრდილო გარეუბანში — ყულევში, რომელიც სანაოსნო გზით იყო და კიდევაც არის ზღვათან და სამიწათმოქმედო უბნებთან დაკავშირებული. აქ, ნამოსახლარებში დადგენილ იქნა რამდენიმე კულტურული ფენა, რომელთაგან უახლესს გამოთხრელი ნ. ხოშტარია აკუთვნებს „გვიანრომაულ ან ადრებიზანტიურ“ ხანას, თუმცა გადაჭრით დათარიღებისაგან თავს იკავებს. წარმოდგენილია ორი, გაურკვეველი დანიშნულების (მაგრამ არა საცხოვრებელი) შენობის ნაშთები. ისინი ძირითადად აგურით ამოყვანილი ყოფილან, ქვითკირის საძირკველზე, და ბრტყელი და ლარისებრი კრამიტით გადახურული. მათ მორთულობაც ჰქონიათ — გამოშვარი თიხისა, თლილი მარმარილოსი და სხვ. შიგ ალმოჩნდა მინის საკმაოდ მრავალი ნატეხი, რომელთა ნაწილი თხელი კურკლისაა, ნაწილი კი სასარკმლე ჩანს, რაც საყურადღებოა. აგურებზე გამოყვანილია ნიშნები, ზოგი ხელითა და ზოგიც ტვიფრით. რამდენსამე ნიშანს ქართული ასოების მოყვანილობა აქვს. ნაპოვნია ერთი თიხის საბეჭდავიც, რომელზედაც ამოჭრილია 4 ქართული ასო, წყვილ-წყვილად გადაბმული. ეს, რა თქმა უნდა, დიდად საყურადღებო აღმოჩენაა, მაგრამ ძეგლის ხნოვანებისა და ასოების რაკვარობის ბუნდოვნება ხელს გვიშლის გარკვეული დასკვნის გამოტანაში.

ასეთია ადრე ფეოდალური საქართველოს არქეოლოგიური ძეგლები, რომელთა კვლევის შედეგების წინასწარი განზოგადებაც კი გვივსებს წარმოდგენას ჩვენი ხალხის კულტურის დონისა და ზოგჯერ აგრეთვე სოციალური და პოლიტიკური ცხოვრების შესახებ, თითქმის ნახევარი ათასწლეულის განმავლობაში — ფეოდალური ურთიერთობისა და ქრისტიანობის გავრცელების დაწყების შემდეგ.

ამ რთულსა და ქიდილით აღსავსე ხანას გადაჰყავს ჩვენი ქვეყანა განვითარების უფრო მაღალ საფეხურზე, რომელიც იწყება ცალკეულ სამეფო-სამთავროთა გაერთიანებითა და მძლავრი ცენტრალიზებული ფეოდალური სახელმწიფოს ჩამოყალიბებით, უკვე X საუკუნის მიწურულში. ამას თან ახლავს კულტურის, ხელოვნების კიდევ უფრო გაფურჩქვნა; ახალი ფორმების შემუშავება; ნივთიერი და სულიერი საგანძურის გამდიდრება და ეროვნული იერის გაძლიერება.


შუაფეოდალური ხანის კულტურის აყვავების ნიშადაც იქმნებოდა სწორედ ადრეფეოდალური ხანის წიაღში — ყოველგვარ უცხო გავლენასთან ბრძოლის, ნასესხების შემოქმედებითი გადაშუშავების, ძველი მკვიდრი ტრადიციების შემონახვა-აღორძინებისა და შემდგომი განვითარების გზით. როგორც დაერწმუნდით, ვერც ირანის, ვერც ბიზანტიისა და ვერც არაბების ძალადობამ თუ ჩვენში პოლიტიკური ბატონობისადმი მიდრეკილებაშ ვერ შეაფერხეს ქართული თავისთავადი კულტურის ბუნებრივი ზრდა და სწორედ იმხანად გაჩნდა საქართ-



1



2



3




4



8




6



5



7



9

ველოში ზედიზედ მრავალი ბრწყინვალე ნაწარმოები დამწერლობისაც (ეპიგრაფიკულ ძეგლთა ვრცელი წყება, V საუკუნიდან მოყოლებული), მწერლობისაც (ღრმა შინაარსიანი ჰაგიოგრაფიული და ისტორიული თხზულებანი), ხუროთმოძღვრებისაც (ბოლნისის სიონი, ურბნისი და ნინოწმინდა V ს-ში, მცხეთის ჭვარი VI ს-ში, წრომი VIII ს-ში, ოშკი X ს-ში, უჯარმისა და ვაშნარის ციხე-დარბაზები და ა. შ.), რელიეფური და მოზაიკური მხატვრობისაც (ბიჭვინთა V ს-ში, მცხეთის ჯვარი VI ს-ში, წრომი VIII ს-ში და ა. შ.), ოქრომკვდლებისა და მცირე ხელოვნების სხვა დარგებისაც (მცხეთის, რუსთავისა და სხვა სამაროვნებში მრავლად აღმოჩენილი სამკაული, შუშის ქურჭელი და სხვ.) და ა. შ. როგორც დავინახეთ, საკუთრივ არქეოლოგიური, განათხარი ძეგლების შესწავლაც დიდად უწყობს ხელს აღრეფეოდალური საქართველოს კულტურული ვითარების სურათის დახატვას.

§ 15. შუაშობილური ხანა

ამ ხანის სადღეისოდ გათხრილ-შესწავილ ძეგლებს ასეთი თანამიმდევრობით განვიხილავთ: ა) ციხე-ქალაქები (და მათი სამაროვნები), ბ) სოფლები და პროვინციული საწარმოები, გ) სასახლეები, დ) მონასტრები და აკადემიები, ე) სახიზარი და სხვა გამოქვაბულები, ვ) ჰიდროტექნიკური ნაგებობანი.

ციხე-ქალაქები. ციხე-ქალაქი დ მ ა ნ ის ი მდებარეობდა ქვემო ქართლის სამხრეთ განაპირა კუთხეში, მამვერისა და მასში შემდინარე ფინჯაურას შერთვის ადგილას, კონცხზე, რომელიც მაღალსა და კლდოვან ზეგანს წარმოადგენს. მისი განლაგება და აღნაგობა ტიპურია საქართველოს ფეოდალური ციხე-ქალაქებისათვის. დმანისი ძალიან ჰგავს ამ მხრივ ქვემო ქართლის ჩრდილო ნაწილში, ქცია-ხრამისა და კივკივის შესართავთან მდებარე ციხე-ქალაქ სამშვილდეს.

ქალაქი დმანისი ჩამკვდარა უკვე XVI საუკუნეში, ისე რაჟი XVIII ს. პირველი მეოთხედის საბუთების მიხედვით ნაქალაქარსლა წარმოადგენს. გათხრის დაწყების დროისათვის ნაქალაქარში შუა საუკუნეთა ბერი ნაგებობა იყო მთლიანად შემონახული ზედაპირზე და მერმინდელი ფენებიც არ ართულებდნენ სურათს. კარგად შემონახულ ნაგებობათა შორის გამოირჩევა VII ს. მოზრდილი ბაზილიკური ტაძარი, რომელზედაც XIII საუკუნეში (ლაშა გიორგის დროს) მიშენებულია მშვენიერი ჩუქურთმიანი კარიბჭე. პირვანდელი ტაძრის თარიღი იმას მოასწავებს, რომ დმანისი მაშინვე ყოფილა მნიშვნელოვანი სამოსახლო, როცა მცხეთაში ჭვარი შენდებოდა, ან ახალი აშენებული იყო.

დმანისის ნაქალაქარის თხრისას გამოვლენილ იქნა: ქალაქის დიდი, კლდეში გაჭრილი კიშკარი; მოფილაქნებული ქუჩა; ციხის გარემოცვისას: მდინარიდან წყლის საზიდი საიდუმლო ხერელი; ქალაქის აბანოები; მარან-ქვევრები, ბელლები; დუქნები და სხვ. შიდაციხის ნაგებობათა შესამოსავად თლილი ქვაა გამოყენებული, ხოლო სამოქალაქო ნაგებობანი, საცხოვრებელი და სამეურნეო შენობები მეტწილად დაუდევრადაა ნაგები, შემოსილია ბაზალტის დაუშუშავებელი, უწესრიგოდ ნაწყობი ლოდებით და შიგ უფორმო კყორდულობა. ამგვარი მშენებლობა სერთოდ დამახასიათებელი ჩანს შუა საუკუნეთა სამოსახლოე-

ბისათვის ქვემო ქართლში (თეთრი წყაროს, წალკისა და ნაწილობრივ ზოლნისის რაიონები) და აგრეთვე ჯავახეთში.

ღმანისში გათხრილ მდიდრულ შენობათა კედლები შიგნით მოქიქული აგურებითა და შორენკეებით (ზოგჯერ ფაიანსისა!) ყოფილა შემოსილი, ხოლო დარბიულთა კედლები მხოლოდ შელესილი და ისიც ყოველთვის არა. აგური მშენებლობაში იშვიათად უხმარიათ. აღმოჩენილია თონეები და კირღისილი, ნარცელულის შესანახი ორმოები. ნაგებობათა ნაშთების წმენდისას მუდმივ აჩნდა თავს ორი ფენა, რომლებსაც კარგად ათარილებდა მონეტები: ქვედას— X—XII სს, ზედას— XIII—XIV სს. ამრიგად, ეს ფენები გვაძლევს ქალაქის უწყვეტი განვითარების სურათს სათანადო ხანაში.

ღმანისის სამოქალაქო ხუროთმოძღვრებაზე წარმოდგენას გვიქმნის ციხის აბანო, მიწნებული სასახლის ნაგებობაზე, რომლისგანაც შემორჩენილია მხოლოდ ერთი სათავსო და რომელიც უნდა ყოფილიყო ციხე-ქალაქის გამგებლის (ციხისთავის?) სასახლე, შიდაციხეში აგებული. საბანაო წყალს ქვემოდან ეზიდებოდნენ და საგანგებო აუზებში ასხამდნენ. საცეცხლე წყალსაც ათბობდა და საბაზანო შენობასაც ახურებდა იატაკქვეშა სივრცისა და ხვრელების მეშვეობით. აბანო აგებულია რამდენადმე უფრო გვიან, ვიდრე სასახლე, რომელშიც ნაპოვნია რუსუდან დედოფლის მონეტა (XIII ს.). XIII საუკუნის მონეტებია ნაპოვნია აგრეთვე მსგავს აბანოებში, რომლებიც გათხრილია ქვედა გარეუბნის ტერაკოთაზე. ციხის აბანოცა და ზემოხსენებული სათავსოც გადახურულია ბრტყელი გუმბათებით, რომლებშიც დატანებულია სარკმლები. გუმბათები დაღარულია ბრტყელი სწორკუთხოვანი კრამიტით. ბევრ ამათგანზე გამოყვანილია რელიეფური „სამყურა ყვავილები“ თუ „ფოთლები“. ეს თავისებული კრამიტი, ზემოაღნიშნულ მოქიქულ აგურ-შორენკეებთან ერთად, იმდროინდელი საშენი მასალისა და სამშენებლო საქმის ერთი ისეთი ელემენტია, რომლის არქეოლოგიური გავრცელებაც ჰაინტერუსო სურათს გვიხატავს, თუმცა მეტწილად მოუქიქავი გვხვდება.

საერთოდ შუაფეოდალური ხანის საქართველოში ხმარებული კრამიტი თვალსაჩინოდ განსხვავდება ადრეფეოდალური დროის ნაგებობათათვის დამახასიათებელი კრამიტისაგან. ის ბევრად უფრო მოკლე და ვიწროა, თითქმის სწორკუთხოვანი და არა ტრაპეციოიდული. აკეცილი გვერდებიც გაცილებით უფრო დაბალი აქვს.

ღმანისის კულტურულ ფენებში მრავლად იქნა მოპოვებული სხვადასხვაგვარი საგნები; რომლებიც საკმაოდ ახასიათებენ ქალაქელთა ნივთიერ კულტურას. მათგან აღსანიშნავია: ზეთსახდელი ქვა ანუ გელაზი; ბრინჯაოს რამდენიმე ჭურჭელი, კვერთხისთავი, რომელიც ჭიქს გამოსახავს; მინის ჭურჭლისა, სამაჭურების და ბეჭდების ნამტკრევი; დიდძალი თიხის ჭურჭელი; ასეულობით მონეტა, უმთავრესად სპილენძისა.

მონეტების ხნოვანება IV საუკუნიდან XVIII საუკუნემდე მოდის. მათი რიცხვი მატულობს X საუკუნიდან და ამიტომ საფიქრებელია, რომ დ მ ა ნ ის შ ი ს ა ქ ა ლ ა ქ ო . ც ხ ო ვ რ ე ბ ა , ამ სიტყვის სპეციფიკური მნიშვნელობით, სწორედ X საუკუნიდან ვითარდება, თუმცა თვით სამოსახლო გაცილებით უფრო ძველია. მონეტების უმეტესობა (157 ც.)

ეკუთნის XI—XIII საუკუნეებს. ამათგან 122 ქართული (თამარიდან დავით V ნარინამდე), ხოლო 35 უცხოური (უმთავრესად მონგოლური). XI—XIII საუკუნეები უნდა ჩაითვალოს ქალაქის უდიდესი აყვავებისა და სიმდიდრის ხანად. მისი დაქვეითება იწყება უკვე XIV საუკუნეში, მონგოლთა შემდეგად.

გაირკვა, რომ დმანისში აღმოჩენილი 18 მონეტა, იმ ტიპისა, რომელიც მანამდე თბილურად ითვლებოდა, დმანისის ზარაფხანაში ყოფილა მოჭრილი XIII საუკუნეში, დავით IV ულუს სახელით. ეს არის დიდმნიშვნელოვანი ფაქტი, რომელიც შესძინა დმანისის გათხრამ ჩვენში ფულს მრჭრის ისტორიას უკვე მონგოლთა ბატონობის ხანაში.

საერთოდ კი ნუმიზმატიკური მასალა სავსებით შეესატყვისება იმას, რაც წერილობითი წყაროების მიხედვით იყო ცნობილი ქალაქ დმანისის ისტორიის შესახებ.

თიხის ჭურჭელი წარმოდგენილია ყველაზე უფრო საინტერესო და მრავალფეროვანი მასალით, რომელიც გვიხატავს მკაფიო სურათს მხატვრული ხელოვნობის ამ დარგის განვითარებისა საქართველოს იმდროინდელ ქალაქებში. პირველად სწორედ დმანისში იჩინა თავი მრავლად შუაფეოდალური ხანის ქართულმა მოქიქულმა კერამიკამ თავისი საინტერესო თავისებურებითა და მხატვრული ღირსებით, რაც შემდგომმა მონაპოვარმა (თბილისში, რუსთავეში, უჯარმაში, ქვემო ქართლის ნასოფლარებსა თუ ნადარბაზევში და სხვ.) არსებითად მხოლოდ დაადასტურა და შეავსო. ამიტომაც იყო, რომ ბოლო ხანებამდე ამ მხატვრულ მოქიქულ კერამიკას „დმანურს“ უწოდებდნენ ჩვენში.

დმანისის კერამიკა შეიცავს ორ მთავარ ჯგუფს: ა) სადა ან წერნაქით, ე. ი. წითელი ანგობით დაფარული ჭურჭელი, მათ შორის დერგები, რომლებზედაც ესა თუ ის რელიეფური გამოსახულება ამოტივტივებული, მსგავსად ზომხეთში, კერძოდ, ანისში მრავლად აღმოჩენილი იმედროული „კარასებისა“; ბ) წითელკეციანი, ერთფერო თუ მრავალფეროვანი მოქიქული ჭურჭელი, რომელიც შემკულია სხვადასხვა ორნამენტითა და გამოსახულებით (მეტწილად ფრინველებისა, აგრეთვე ცხოველებისა და ადამიანებისა). მოპოვებულია მრავალფეროვანი ფაიანსის ჭურჭლის ნაპტერევი, რომელშიც გამოერევა ლუსტრიანი, XII—XIII სს. ირანულის ტიპისა. კერამიკის ნატეხებს ჩვეულებრივ თან ახლდა XI, XII და XIII საუკუნეთა მონეტები. აღმოჩენილია რამდენიმე მოუქიქავი ნახევარფაბრიკატი და სამი ჭურჭლის ნატეხებზე შემორჩენილი ნაწყვეტები X—XI ს. ქართული ნუბხური წარწერებისა (მაგ. ტაბ. XXXVII, 3). ისინი მოწმობენ, რომ წითელკეციანი მოქიქული კერამიკა დმანისშივე უწარმოებიათ. ფაიანსი ირანულის მიბაძვით ნაკეთები ჩანს.

გამთხრელის, ლ. მუსხელიშვილის დასკვნით დ მ ა ნ ის ი წარმოდგენდა შუა საუკუნეთა საქართველოს პროვინციულ ქალაქს, ტიპურს საქართველოსა და ამიერკავკასიის დანარჩენი მთიანი ნაწილისათვის (ასეთივეა, მაგალითად, სამშვილდე, ანისი და სხვ.). ამ ტიპს ახასიათებს: ორ წყალს შუა, მაღალსა და კლდოვან ზეგან-კონცხზე მდებარეობა, სიმკრეთა სისტემა, შიდა ციხე, წყალსაზიდი გვირაბი, ვარეუბანი და სხვ. დამახასიათებელია თვით ქალაქის აღნაგობაც, სპეციფიკური ახლოდმოსავლური იერი: ვიწრო და მრუდე ხლართული ქუჩები, უსისტემოდ შექუჩებულ შენობები, მცირე ფართობზე თავმოყრილი მოსახ-

ლობა. 'გაფურჩქვნის ხანაში დმანისი წარმოადგენდა მრავალეროვან ქალაქს. რომელშიც ქართველთა მხარდამხარ სომხები და მაჰმადიანებიც ცხოვრობდნენ. ამას მოწმობს იქაური სასაფლაოები. ქართველებსა და სომხებს მიცვალებულები ერთსა და იმავე სასაფლაოზე უმარხავთ, და ეს ეგებ იმას მოასწავებდეს, რომ დმანელი სომხები კათოლმადიდებლები ყოფილან.

ქალაქის უდიდეს კათოლდღობას (XI—XIII საუკუნეებში) ლ. მუსხელიშვილი ქართული ფეოდალური მონარქიის საერთო ნივთიერ მოლონიერებასა და პოლიტიკურ აღმავლობას უკავშირებს, ხოლო განსაკუთრებით გამოჰყოფს XIII საუკუნეს, როდესაც ქალაქს საკუთარი ზარაფხანაც კი უჩნდება. XI—XIII სს. არის მონეტების, ქართული და სომხური წარწერების, კერამიკისა და სხვა მონაპოვრის დიდი უმეტესობაც.

ქალაქის ნივთიერი მოლონიერების საკმაოდ მნიშვნელოვანი წყარო უნდა ყოფილიყო, ჯერ ერთი, მის ირგვლივ მსხდარი მოსახლეობის ნაყოფიერი საგურუნო საქმიანობა (ხენა-თესვა, მესელობა, მებაღეობა-მევენახეობა, სელის ქსოვილისა და ღვინის ექსპორტი, რკინა-სპილენძის მადანთა მოპოვება და დამუშავება) და, მეორე, თვით ქალაქელთა ხელოსნური წარმოება (მეთუნეობა, მინის წარმოება, ხის დამუშავება და სხვ.).

დმანისის დაწინაურება-განვითარებაში გადამწყვეტი როლი უნდა მიეკუთვნოს ქალაქის მდებარეობას იმ დიდ და მარჯვე სავაჭრო გზაზე. რომელიც საქართველოს აკავშირებდა სომხეთთან და მისი მეშვეობით — მთელ ახლო აღმოსავლეთთან. ამგვარად, დმანისი უმთავრესად სავაჭრო ქალაქი უნდა ყოფილიყო.

რ უ ს თ ა ე ი ს, შუაფეოდალური ხანის საქართველოს ამ მეორე ცნობილი და მნიშვნელოვანი ქალაქის „არქეოლოგიური ისტორიის“ შესახებაც უკვე ბევრად რამ შეიძლება ითქვას. აქ გაცილებით მეტი წვლილი მიუძღვის თხრის შედეგებს, ვინაიდან 1944 წლამდე ქალაქისა სრულიად არა ჩანდა რა ზედაპირზე. გარდა მოზრდილი ციხის ნანგრევისა. ეს ციხე ერთადერთი მნიშვნელოვანი თავდაცვითი ნაგებობაა თბილისისა და ხრამის შესართავს შორის (სადაც ძველი ციხე-ქალაქის ხუნანის ნაშთებს ვარაუდობენ). რუსთავის აქ მიგნებას ხელს უწყობდა ის გარემოებაც, რომ სწორედ ამ ციხესთან იწყებოდა ის ძველი რუ, რომელიც მტკვრის წყლითა რწყავდა და რწყავს გარდაბნის ველებს. შემორჩენილი სახელწოდება „არიშ-ყალა“ („არიშის ციხე“) უნდა მომდინარეობდეს ქალაქის ძველი, ოთხთავან („რუსთავი“, „ბოსტანქალაქი“, „ნაგები“, „არიში“) ერთი სახელწოდებისაგან. „არიში“ კი მიჩნეულია ქალაქის ძველ მფლობელთა, არიშიან-ვარდანიძეთა ადგილსამყოფელის აღმნიშვნელ სახელად: რუსთავი ქალაქს რქმევია, ხოლო არიში — მის ციხეს.

ჩვენი წერილობითი წყაროები რუსთავს მიაკუთვნებენ საქართველოს უძველეს „ძლიერ ციხე-ქალაქთა“ რიცხვს. წმირად იხსენიება რუსთავი შუაფეოდალური ეპოქის ამბების თხრობისას.

რუსთავს, როგორც ციხე-ქალაქს, თავისებური აღნაგობა აქვს. იგი ძლიერ განსხვავდება შუასაუკუნეთა საქართველოსათვის, მისი მთა-გორიანი კუთხეებისათვის დამახასიათებელი ტიპისაგან, რომლის ნიმუშს დმანისი და სამშვილდე წარმოადგენენ და რომელშიც მიუვალბა, უპირველეს ყოვლისა, ბუნებრივი

ინელმისაწვდომობის შედეგია. რუსთავი, პირიქით, ბუნებრივად ადვილმისაწვდომ, მდინარისპირა ვაკეზეა განლაგებული (ამ მხრივ იგი ურბნისს, უფრო მოგვაგონებს) და მხოლოდ მისი ციხე მდებარეობს არცთუ დიდ მაღლობზე, რომელიც ძველად სამოსახლო გორა უნდა ყოფილიყო. ეს უქანასქნელი ნახევარკუნძულადაა ქცეული, იმის გამო, რომ სწორედ მის ზემოთაა გადმოგდებული ცნობილი მძლავრი რუ. სრულიად ბუნებრივია ვიარაუდი, რომ ციხის ფართო დანიშნულება იმთავითვე ყოფილიყო დაცვა ამ რუს სათავესა, რომელსაც ყოველთვის უდიდესი სამეურნეო მნიშვნელობა ექნებოდა ქვეყნისათვის. ეგებ სულაც მან გამოიწვია აქ ციხე-ქალაქის წარმოქმნა თუ არა, გაძლიერება მაინც, გზაჯვარედინზე (აკახეთი — ქვემო ქართლი — სომხეთი და თბილისი — ჰერეთი — ზებრბაიჯანი) მდებარეობასთან და თბილისის მისადგომზე სტრატეგიულ მნიშვნელობასთან ერთად. რუსთავის არხი ძველი საქართველოს ერთერთი უძლიერესი საირიგაციო ნაგებობაა.

ციხის შიგნით, ზედაპირზე მოკრებილი კერამიკა გვანიშნებს XI—XIII საუკუნეებს. გალავანს მომრგვალო-ოთხკუთხედი მოყვანილობა აქვს. კედლებს თვალსაჩინოდ ეტყობა რამდენიმეჯის განახლება-შეკეთების კვალი. ისინი უმთავრესად ქვითკირითაა ამოყვანილი, მაგრამ ჩანს დიდრონი თლილი ქვის პერანგის ნაშთიც. არხი დიდი, ალიზით ამოყვანილი და შელესილი ბურჯიც, აქაიქ ქვითკირის წყობაში ჩატანებულია ძველი ჩუქურთმიანი ქვები. XI—XIII სს. ნაშენობათა კვალი საკმაოდ თვალსაჩინოდ გამოიყოფა უფრო ძველისა და მერმინდელის ფონზე.

XI—XIII საუკუნეებში რუსთავის სამოსახლო განლაგებული ყოფილა მტკვრისა და რუს მარცხენა ნაპირას, არხის ჩრდილოეთითა და დასავლეთით, ვაკე ადგილას, რომელიც უშუალოდ აკრავს ამ რუს. სამოსახლო რეალივით რტყმია ირგვლივ ციხეს და განიერი და ღრმა არხით ყოფილა მისგან გამოყოფილი. არხი, ცხადია, რამდენადმე მაინც მატებდა ციხეს მიუვალობას.

ნაქალაქარისა და მომდებარე სამაროვანთა გავრცელება დაახლოებით 40 ჰექტარზე ივარაუდება. ადრეფეოდალური ხანის სამაროვნების ფართობს 15-ოდე ჰექტარს ანგარიშობენ, ხოლო მათი სამარხების მიხედვით ქალაქის მოსახლეობის ოდენობას — 20000 კაცს. შუაფეოდალურ ხანაში მოსახლეობა საგრძნობლად უნდა გაზრდილიყო.

ქალაქის ნაგებობანი საერთოდ ძალიან მკვიდროდ, თითქმის უხარვეზოდ ყოფილან ერთიმეორეზე მიჯრილი. გამოვლენილ იქნა რამდენიმე ათეული ნაგებობის ნაშთი (ნიმუში იხ. ტაბ. XXXIV, 1). ეს ნაგებობანი ყველა ერთგვარი და საერთოდ თანადროული ჩანან, ოღონდ ზოგან — თითქოს დანგრეული და კვლავ განახლებული. აქაიქ, ღრმა ფენებში ჩანს აშკარად უფრო ძველ (ალბათ ადრეფეოდალური ხანის) კაპიტალურ ნაგებობათა ნაშთები. კედლები რიყის ქვითა და თიხით ან გაჯითაა ამოყვანილი. რიყის ქვა „თევზიფხურად“ არის ნაწყობი. ეს წყის („წოლა“) დღესაც ფართოდაა გავრცელებული ქართლ-კახეთის სოფელ-ქალაქთა მშენებლობაში. ასე რომ შუა საუკუნეთა რუსთავი ამ მხრივაც, ისევე როგორც შენობათა მკვიდრო მიჯრილობით, ტიპური აღმოსავლურ-ქართული სამოსახლო ჩანს.

სენაკები საკმაოდ დიდია, ზოგის ფართობი 50—60 კვ. მეტრს აღწევს. ბევრ მათგანში შემონახულია სამეურნეო მოწყობილობა: ქვევრები, ქოცოები, დერგები, თონეები, მარცვლეულის შესანახი ორმოები, ნაცარ-ნახშირით სავსე კერები. ხშირად ძნელდება საკუთრივ საცხოვრებელი და სამეურნეო სათავსოების, სადგომებისა და სათონე-საკუეკნაო-მარნების ერთიმეორისაგან გამაყოფა. საფიქრებელია, რომ, დმანისივით, არც აქ იქნებოდნენ ისინი იმავეთვე მინცაღამაინც გამიჯნული, მით უმეტეს, რომ საკმაოდ ხშირად აღმოჩენილი ერთისა და იმავე სათავსოს იატაკზე პირადი, საოჯახო და სამეურნეო ინვენტარი.

ნაგებობაში ორ ადგილას აღმოჩენილი კრამიტის ნალექი მოწმობს, რომ ის ნაგებობანი კრამიტით ყოფილა დაბურული და, ჩანს, უფრო შეძლებულ პირებს ეკუთვნოდა. რამდენსამე შემთხვევაში თავი იჩინა ხის ბოძების დამწვარმა ან დაფუტურობულმა ძირებმა, ხოლო ერთგან — ასეთი სვეტის საყრდენმა, ქვის რვაწახნაგოვანმა ბალიშმა. გავრცელებული ყოფილა ნახევრად მიწური, დედაბოძიან-ბანიანი ხახლები. ერთერთ სენაკში, ფიცრის დამწვარ ნაშთებთან ერთად, აღმოჩნდა რკინის მოზრდილი, კლაკნილი რაზა — კარის საკეტი. იატაკს ყველგან მოტკეპნილი თიხა წარმოადგენს.

ასეთი ჩანს, ზოგადად, ქალაქ რუსთავის იმ უბნის არქიტექტურულა იერი, რომლის ნაწილიც გათხრილია ამჟამად.

თონეებიც, ქვევრებიცა და დერგებიც საერთოდ იმგვარივეა, როგორც დმანისში თუ სხვა, შუა საუკუნეთა ნამოსახლარებში. კერძოდ, ქოცოებს ახასიათებს მოგრძო-კვერცხისებრი მოყვანილობა და მეტწილად სადა ზედაპირი, ხოლო ზოგჯერ თითო-ორულა ან უფრო მეტი ირგვლივი რელიეფური წიბო. საკმაოდ ხშირად ქოცოს პირზე გამოწვამდე ამოჭრილია ცალკეული ასონიშნები, ზოგ ქოცოში ყურძნის წიწვა აღმოჩნდა და, მაშასადამე, ისინი ღვინის დასაყენებელ და შესანახავ კურკლად უნდა მივიჩნიოთ. ერთ შენობაში აღმოჩენილი მარანი (7 ქვევრი) იმას მოასწავებს, რომ მევენახეობა-მეღვინეობას რუსთავის მეურნეობაში მნიშვნელოვანი ადგილი სჭერია.

ორმოებში ჩარჩენილი, გამოფიტული ქერქების მიხედვით შეიძლება ფეტვის მარაგის გამოცნობა. აქა-იქ მოკრებილია ქერის მარცვლებიც, ხოლო ერთ ოთახში აღმოჩნდა საზამთროს, ნესვისა და მწვანელიულის თესლებიც. იმავე სენაკში კურკლის ნამტვრევებთან იყო კვერცხის ნაჭუჭები. ყოველივე ეს გავამცნობს სოფლის მეურნეობის სათანადო დარგებს, რომელთა განვითარებას ხელს შეუწყობდა სარწყავი წყლის სიუხვე. მარცვლეულის მოყვანა-მოსხმარებასთანა დაკავშირებული, რა თქმა უნდა, თონეები, რომლებიც საკმაოდ მრავლად აღმოჩნდა. ისინი ყველა კერამიკულია. ზოგ მათგანს გარშემო აკრავს თიხისავე ჯამ-კურკლის ნატეხებისაგან შემდგარი „სათბური“, ისევე როგორც დმანისსა და თბილისში. ოღონდ, ამ უკანასკნელთაგან განსხვავებით, ისინი არ არიან აღკურვილი „სასულე“ ანუ „საქარე“ მილებით. რამდენსამე შემთხვევაში თონეებს გვერდით ახლად ჰიმხურვალის დასახელებელი ნაცარ-ტუტის ანუ „თუთქის“ მოსამზადებელი ნატეხარები (ახლანდელი ქართლური სათონეების მსგავსად). შემდეგ საგანგებოდ აღსანიშნავია გათხრილ ნაგებობათა შორიასხოს, რუს ერთერთი, ძველადვე დაუქმებელი შტოს პირას, in situ ამონათხარი წყვილი წისქვილის ქვა (ერთი მათგანი იხ. ტაბ. XXXV, 1).

ამრიგად, საცხოვრებელი უბნის მახლობლად რუზე გამართული ყოფილა წისქვილი, რომელიც ალბათ ჩარხით ბრუნავდა, რაკი წყალს დაქანება ვერ ექნებოდა. აღსანიშნავია აგრეთვე სატრიალებელი ხელსაფუჭავები, ქვიჯა, რკინის ასტამი (ტაბ. XX XV, 3) და კვირისთავეები (ქვისა, ძვლისა თუ კერამიკული), რაც მარცვლეულის ღერღვას, ნაყვას, საპურე ცომის ზელას და ძაფის რთვას გვანიშნებს. გვაქვს რკინის თოხი და ორი წალდიც (ერთი მათგანი იხ. ტაბ. XX XV, 4). ამასთანავე, ჩვეულებისამებრ, მრავლადაა ცხველთა ძვლები (ნასუფრალი), რაც საშუალებას გვაძლევს გამოვიცნოთ საქმელად გამოყენებული შინაური პირუტყვის ჯიშები (ხარ-ძროხა, ცხვარი, თხა, ლორი).

გარდა ყოველივე ზემოთ ჩამოთვლილისა, ნაგებობათა ნანგრევებს შორის მოკრებილ იქნა ასეულობით სხვადასხვა საგანი თუ ნატეხი, რომლებიც არა ნაკლებ თვალსაჩინოდ გვისურათებენ მცხოვრებთა ყოფა-ცხოვრებას. ამასთანავე ისინი გვითარჩილებენ თვით მათ შემცველ შენობებს. ამ მხრივ განსაკუთრებით ხელს გვიწყობს მონეტათა სიმრავლე.

მონაპოვრის ძირითად ნაწილს აქაც ქურქლეული შეადგენს, მაგრამ არის აგრეთვე სამკაული, ტანსაცმელ-ფეხსაცმლის ლითონის ნაწილები და პირსაფარეშო საგნები.

ქურქელი უმთავრესად თიხისაა, მაგრამ საკმაოდ ბევრია მინის ნატეხებიც. თიხის ქურქელი ნაირ-ნაირია: დერგები, დიდრონი სადულრები, ქოთნები, ქილები, ჭამები, დოქები, ხელადები, კოკები, მათარები, სამაჩილეები, საზეთე ქრაქები და სხვ. ამ კერამიკის ნაწილი (უმთავრესად ჭამები, დეკორატიული ქილები. — მაგ. ტაბ. XX XV, 9. — ქრაქები და სამაჩილეები) მოქიქულია და ბევრი — ქიქურს ქვეშ მონატულიც, ხშირად მრავალფერად. ქურქლის დიდი უმეტესობა ზედმიწევნით ჰგავს დმანისის, თბილისისა და სხვა ადგილების, XI—XIII საუკუნეების ფენათაგან ამონათხარ ქურქელს და აშკარად იმედროულია. მოუქიქვე ქურქელში ყურადღებას იქცევს: დიდრონა, ამოტიფრულგამოსახულებიანი დერგები, სადულრები, ამოტიფრულორნამენტური მათარა (ტაბ. XX XV, 5) და სხვ. ერთერთ მთელ, სარქველიან სადულარში აღმოჩნდა გიორგი მესამის, თამარისა და ლაშას თითო სპილენძის ფულიც, რაც ზედმიწევნით ათარჩილებს ქურქელსაცა და მის შემცველ ნაგებობასაც. მოქიქული ქურქელი განსაკუთრებით მრავლად აღმოჩნდა ზოგიერთ ნაგებობაში, რომლებიც საერთოდაც უფრო მრავალრიცხოვანსა და მრავალფეროვან ნაშთებს შეიცავდნენ. ზოგან კი იგი სრულიად, ან თითქმის სრულიად არ ამოდოდა. შესაძლოა, ეს გარემოება გვანიშნებდეს ქონებრივ სხვადასხვაობას.

რუსთავის მოქიქული ქურქელი ზოგიერთ თავისებურებასაც იჩენს: ჭამებზე გამოხატული ფრინველი განსხვავებულად გამოიყურება; ქიქურის ფერები იგივეა, მაგრამ უფრო ხალისიანი ელფერით გამოირჩევა; არის ისეთი ორნამენტული მოტივებიც, რომლებიც სხვაგან არ გვხვდება. ეს გარემოება გვანიშნებს, რომ რუსთავს მხატვრული კერამიკის საკუთარი სახელოსნოები ჰქონია. ყურადღებას იქცევს ფაიანსისა და, კერძოდ, ლუსტრიანი ფაიანსის ფაქიზი ქურქლის ნატეხების სიმრავლე, რაც ეგებ ფაიანსის ადგილობრივ წარმოებასაც მოაწივებდეს.

ნატეხებითვეა წარმოდგენილი მინის ნაირ-ნაირი კურკელი: მოზრდილი სქელი სასმისები, პატარა თხელი ფლაკონები, რაღაც უაღრესად სათუთი კურკელი. ფიანისა არ იყოს, არც ეს უკანასკნელი უნდა ეკუთვნოდეს მანცდაზანც ხელმოკლე აღმომანებს.

სამკაულში იმდენად მრავალადა წარმოდგენილი შენობათა ნანგრევებს შორის, რომ ამ მხრივ რუსთავს ვერც ერთი სხვა იმდროინდელი განათხარი ნაშრომის ვერ შეედრება ჩვენში. ეტყობა, სამკაული ეკუთვნოდა იმ შენობებში მცხოვრებ ქალებს, რომელთაც ისინი შეუნახავთ, მაგრამ ველარ გამოუყენებიათ: ალბათ დარბევის, ან მტრის ძალადობის გამო დაკარგვით, მით უფრო, რომ სამკაულს უმეტესობა იქა ნაპოვნი, სადაც ყველაზე უფრო ცხადლივ ჩანს მტრის მიერ ქალაქელთა აწიოკების სურათი. მხოლოდ და მხოლოდ ასეთი ვითარება უნდა წარმოვიდგინოთ იმ შემთხვევაში, როდესაც საქმე გვაქვს იატაკზე, კურკლის ნალქისა და მიმობნეული მძივების თანხლებით აღმოჩენილ ოქროს სამკაულთან. ერთი ამთავანი წარმოდგენს ოვალურ საყურეს, რომლის ქვედა ნახევარი დამშვენებულია სამი ფაქიზი ჭვირული, წნულოვან-გრეხილოვანი ბურთობით; მეორე—გულსაკიდს, ექვსყურა ყვავილის მოყვანილობის ბრტყელ კოლოფს, რომელსაც ზედაპირი გავარსითა აქვს შემკული. ამ ორი სამკაულის სახით ხელთა გვაქვს საუკეთესო ნიმუშები შუა საუკუნეთა ქართული ოქრომჭედური ხელოვნებისა, რომელსაც აქამდე უმთავრესად საეკლესიო ინვენტარის მიხედვით ვიცნობდით, მათი პატრონი ქალები არ იქნებოდნენ ხელმოკლე ოჯახის წევრები.

სამკაოდ მრავლად გვხვდება მძივები და მძივსაკიდები, უმთავრესად პასტისა ან მინისა და თითო-ორთა ქვისაც (სარდინი, აქატი, გრანატი). არცთუ ძეგათია გაღობილი და კიქურისებრ მოქცეული ცისფერი თუ თეთრი ქვიერი ნასის მძივებიცა და მძივსაკიდებიც, რაც სხვაგან ნაკლებ შეგვხვედრია. ცალკე აღსანიშნავია ცისფერი ფაქიზი ფაიანსის მედალიონისებრი, რელიეფურსახოვანი საკიდები, რომელთა მსგავსი საქართველოში სხვაგან არსად ვიცით: საერთოდ კი აქაური მძივები და მძივსაკიდები ტიპოლოგიურად არ გამოირჩევიან ჩვენში მრავლად ცნობილი, ადრეფეოდალური და აგრეთვე გვიანანტიკური დროის, მძივებისაგან. სულ სხვაა გაღობილი ქვიერი მასალისა და ფაიანსის სახოვანი მძივები და მძივსაკიდები: ჩანს, ეს ორი ტიპი ჩვენში სწორედ შუაფეოდალური ხანის კუთვნილებად უნდა მივიჩნიოთ.

სამკაულში აქაც განსაკუთრებით მრავალრიცხოვანია მინის სამაჯურები. ისინი სხვადასხვაფერი (შავი, ლურჯი, მწვანე, მოყვითალო, უფერული) მინისაგანაა ნაკეთები. არის: სადა, დაკეწილი, დაკბილული და გრეხილი სამაჯურები. ტიპოლოგიურად ისინი სრულიად არ განირჩევიან დმანისში, თბილისში, უჯარმაში, ნაღარბაზევსა თუ თეთრი წყაროს რაიონის ნასოფლარებში ამონათხარი მინის სამაჯურებისაგან.

სამოსელი სდეტალთაგან აღსანიშნავია ბრინჯაოსა თუ სპილენძის რამდენიმე აბზინდა, რომლებიც უფრო ფეხსაცმლის შესაკარგვებს („სახამლე აბზინდებს“) უნდა წარმოდგენდნენ და ტიპოლოგიურად არ განირჩევიან ადრეფეოდალური ხანისათვის დამახასიათებელი აბზინდებისაგან, ეს შეიძლება

მომასწავლებდეს ფეხსაცმლის ტიპისა და მისი შეკვრის წესის უცვლელობას საუკუნეთა განმავლობაში.

პირსაფარეშო საგნები წარმოდგენილია ზღვის რამდენიმე ნიჟარით, რომლებიც ფერ-უმარულის სალეს ლამაჰებად იხმარებოდა ჩვენში ანტიკური ხანიდანვე (მეტწილად სამარხებში გვხვდება).

სპილენძის მონეტები სულ 466 ცალია აღმოჩენილი, ოღონდ ამათგან 395 ერთად იყო განძის სახით, თითქოს ტყავის ტომარაკში ჩაყრილი, წონით 3,2 კგ (ტაბ. XXXV, 2). განძი დაუფლავთ სათონეში, ჩანს, რაღაც დიდი საშიშროების მოლოდინში. მის უმეტესობას შეადგენს უწესურად მოჭრილი ფული. არის დიდრონი სქელი ფირფიტებიც, მათ შორის ზოგი სწორკუთხოვანი. განძის დიდ უმრავლესობას შეადგენს ქართული ფული, მოჭრილი ფედრალური მონარქიის უზენაესი სიმძლავრის ხანაში. მასში წარმოდგენილია ყველა იმდროინდელი მეფე, დემეტრე I-დან ვიდრე ლაშა გიორგიმდე. რატომღაც სრულიად არ გვხვდება რუსუდანის მიერ მოჭრილი მონეტები, რომლებიც ჩვენში საერთოდ ძალიან ხშირად ჩნდება. მაგრამ რომ განძში შემავალი ფულის გროვება გრძელდებოდა რუსუდანის მეფობის დროსაც, ამას გვაძინობს მასში გამოჩეული, ჩვენში მოჭრილი მონეტა მანგუ ყაენისა (1251—1259 წწ.). განძში არ შედის არც ერთი მონეტა, რომელიც შორეულ ქვეყნებთან სავაჭრო ურთიერთობის შედეგად იქნებოდა ჩვენში მოხვედრილი. ნახევარი ფუთის ოდენობით სპილენძის ფულის ერთი ადამიანის ხელში თავმოყრა მაინც მოასწავებს ამ ადამიანის გარკვეულ შეძლებულობას (ვაჭარი? ხელოსანი?), რაც არ უნდა ჩაითვლოს უჩვეულოდ რუსთაველ მოქალაქეთათვის. საყურადღებოა, რომ მონგოლთა პირველ შემოსევა-დამკვიდრებას არ შეუშლია ხელი ალემ-მციემის და დოვლათის დაგროვებისათვის. ბუნებრივი იქნება, თუ განძის დაფლას დაუუკავშირებთ ბერძე ყაენის ლაშქრობას, რამაც ააოხრა რუსთავი და, ჩანს, იმსხვერპლა, სხვა მოქალაქეებთან ერთად, ფულის დამშალავიც.

განძის გარდა, სხვა შენობათა ნანგრევებს შორის აღმოჩენილ იქნა სპილენძის 70 მონეტა. საერთოდ რუსთავის ნუმიზმატიკურ მონაპოვარში ყურადღებას იქცევს ქართველ მეფეთა მიერ მოჭრილი და შემდეგ ოკუპანტების დამდანიაკრავი მონეტების სიმრავლე.

რუსთავის მონეტებს შორის ყველაზე უფრო ახალია მანგუ ყაენის სახელით თბილისში მოჭრილი ფული. ამიტომ ის გვაძლევს *terminus ante quem*-ს შესწავლილ ნაგებობათა კომპლექსის განადგურებისათვის, მით უმეტეს, რომ ეს მონეტა შედიოდა შემოღწერილ განძში. ყოველივე ეს კარგად შეესაბამება უახშუტის ცნობას რუსთავის „ბერქას გამოსლვის ქამს აოხრების“ შესახებ (1262 წ.).

გათხრამ მართლაც გამოავლინა მკვიდრკაციანი სურათი იმ უბნის მძინვარე მტრის მიერ აკლებისა. ყველა შენობა ჩანგრეული აღმოჩნდა, მათა ზის ნაწილები — დამწვარ-დანახშირებული. მცხოვრებლები სასწრაფოდ გაქცეულან ან ძალით გაურეკიათ და ამასობაში მათ თავიანთი სამკაული დაუბნევიათ. გვაქვს მძინვარე ძალადობის მომასწავებელი რამდენიმე უტყუარი მოწმობაც: თავმოკვეთილი ახალგაზრდა ქალის ჩონჩხი იატაკზე (ტაბ. XXXIV, 2), მუბლგაჩეხილი კაცის ჩონჩხი მარცვლეულის შესანახ ორმოში; წინკარში ჩაკ-

ლული ძალის ჩონჩხი და სხვ. ყოველივე ეს აღნუსხულია ორი მეზობელი სახლის ნანგრევთა შორის და, მასასადამე, ასეთი ამოყვლიტა აღებული ქალაქის მოსახელობისა (რაც საერთოდ წესად ჰქონდა მონგოლთა ლაშქარს) ნამდვილად საყოველთაო ყოფილა. საყურადღებოა შემდეგი დაკვირვება: ერთერთი სენაკის იატაკზე, ჯამ-კურკლის ნალექთან ერთად, აღმოჩნდა წითლად შეღებილი ცეცერების ნაკუთი. საფიქრებელია, რომ ქალაქი გაზაფხულზე აღოსრებიით, აღდგომა დღეებში. ესეც შეესაბამება ბერქა ყაენის ლაშქრობას, რაც გაზაფხულის წყალდიდობისას მომხდარა. ამრიგად, რუსთავის ნაქალაქარის არქეოლოგიური შესწავლის ერთერთი უმნიშვნელოვანესი შედეგი — ნაოხარი უბნის მქვერმეტყველი სურათის გამოვლენა — თან ადასტურებს მემბტიანეთა ცნობას და თან თვით პოეებს ჭეროვან ახსნას ამ ცნობის საფუძველზე.

არანაკლებ საინტერესო და ისტორიულად შინაარსიანია არქეოლოგიურ მონაპოვართა კიდევ ერთი ჯგუფი — ე ბ ი გ რ ა ფ ი კ უ ლ ი ძ ე გ ლ ე ბ ი. სამი მათგანი წარმოადგენს საფლავის სტელას, რომლებზედაც სათანადო მოკლე წარწერებია ასომთავრული დამწერლობით ამოტრიალი (იხსენიება „საფლავი“ და „სამარხოა“ — ეს უკანასკნელი იხ. ტაბ. XXXIV, 3). დამწერლობა XI—XII საუკუნეებს მიეკუთვნება. ეს გარემოება აზუსტებს დმანისის ძველ სასაფლაოთა შესწავლის შედეგად გამოტანილ დასკვნას, თითქოს საქართველოში ქრისტიანულმა ეკლესიამ საფლავის ქვებზე წარწერა მხოლოდ მოგვიანებით, XV—XVI საუკუნეებში შემოიღო. ებიგრაფიკულ ძეგლთა მეორე ჯგუფს. შეადგენს სხვადასხვა დანიშნულების კერამიკული ნაწარმი, რომელზედაც იმგვარივე ასომთავრულით არის გამოყვანილი მოკლე წარწერები თუ სულაც ინიციალები. ასეთები გვხვდება: ბრტყელ კრამიტზე (ტაბ. XXXVII, 1), ქვეერის პირზე, ხელადაზე, ჭინჭილაზე და სხვ. განსაკუთრებით აღსანიშნავია ხელადაზე (ტაბ. XXXVII, 2) ამოკაწრული სიტყვა „თფთალე“ — სახელი რუსთაველი მოქალაქისა, რომელსაც ეს ჰურტული ჰქუთვნებია. შუა საუკუნეთა ქართულ ონომასტიკონს ერთი უცნობი სახელი ემატება.

რიგითი მოქალაქეების ყოველდღიურად სახმარ საგნებზე წარწერათა ასეთი სიხშირე, ჭერ ერთი, ხალხის საერთო წიგნიერებას მოასწავებს და, მეორეც, კიდევ ერთხელ უკუაგდებს თავის დროზე ნ. მარის მიერ გამოთქმულ მოსაზრებას, თითქოს ქართული ასომთავრული მარტოოდენ საზეიმო-საეკლესიო დამწერლობა ყოფილიყოს. ამასთანავე, შეგვიძლია დავასკვნათ, რომ, დმანისისაგან განსხვავებით, რუსთავის მოსახლეობა ეროვნულად ნაკლებ ჰრელი და ირითად ქართული თუ არა, ქართულად მოუბარი მანეც ყოფილა.

რუსთავი შუაფეოდალური ხანის ერთადერთი ქალაქია საქართველოში, რომლის არქეოლოგიური შესწავლისას ითხრებოდა მისი იმდროინდელი სასაფლაოც. ამ სამაროვანმა მოგვცა მრავალრიცხოვანი და მრავალფეროვანი ინვენტარი. დიდი მრავალფეროვნება იჩენს თავს დაკრძალვის წესსა და სამარხთა ტიპოლოგიაშიც. ერთ მცირე უბანზე მკიდროდ მიჯრილი 25 სამარხიდან 19 ორმოსამარხი იყო, 5 — ქვისსამარხი და 1 — ალიზით ამოყვანილი სამარხი (პირველი ჩვენში). ზოგი ორმოსამარხი ფილაქვებითაა გადახურული. სამარხები შეტყვილად ინდივიდუალურია და ამითაც განსხვავდება რუსთავისავე ადრეფეოდალური დროის კოლექტიური, ფილაქვით ნაგები სამარხებისაგან. ინვენტარი

აღმოჩნდა 25-დან 12 სამარხს, უფრო—ქალებსას. იარაღის საკმაო სიმრავლეც დიდი თავისებურებაა ამ ქალაქური სამაროვნისა. იგი წარმოდგენილია რკინის სამნაირი ისრისპირებით, რომელთა შორის ერთი ბოძალია (ტაბ. XXXVI, 2, 3, 4); ხმლით, დანებითა და სალესავი ქვით. გვაქვს აგრეთვე ჭურჭლეული და სამკაული. ჭურჭლეული არის თიხისა, მინისა და ლითონისა. თიხის ჭურჭელში ყურადღებას იქცევს ორი პატარა მოქიქული ჯამი და პატარა მოქიქული „კალათი“ (ტაბ. XXV, 8). საერთოდ მოქიქული კერამიკა აქ პირველად გვხვდება შუა საუკუნეთა სამარხებში. ჯამები ტიპიურია XI—XIII საუკუნეთა ნამოსახლარებისათვის. ლითონის ჭურჭელი წარმოდგენილია თავისებური, „ჩაიდნისებრი“ სპილენძის სურათით. მინის ჭურჭელში გამოირჩევა ტანეკლიანი, ქუსლმალალი ფინჯანი (ტაბ. XXV, 7), მრგვალმუცლიანი სანელსაცხებლე (ტაბ. XXV, 6) და „ბოკალისებრი“ სასმისები. მინა ყავისფერია და თავისებური—შესაძლოა, თვით რუსთავში ნაწარმოები. სამკაული აქაც ყველაზე უფრო მრავლადა და ნაირ-ნაირი. წარმოდგენილია: ყელსაბამთა შემადგენელი მძივები და მძივსაკიდები (სარდიონისა, მთის ბროლისა, ქარვისა, გიშრისა, ვერცხლისა, მინისა, ფაიანსისა, გამლღვარი ქვიერი მასისა, პასტისა—იხ. ტაბ. XXXVI, 3, ირგვლივ), ლეინკილები და სხვაგვარი ავეაროზები (მაგ., დამუქული ხელის გამოსახულება პასტისა) და აგრეთვე სპილენძის გახვრეტილი მონეტები (გიორგა III-სა), რომელნიც დანამდვილებით ათარიღებენ სამარხებს XII საუკუნის მიწურულითა და XIII საუკუნის დამდეგით. ბეჭდების უმეტესობა სპილენძისა თუ ბრინჯაოსია; არის თვალბუდიანიცა და ფარკიანიც; ერთერთის ფარკზე ჭვარია ამოკაწრული, სხვებზე — სხვადასხვა მარტივი გამოსახულება; გემშიანა თვლები არა გვაქვს და ეს შუა საუკუნეთათვის ჩვეული რამ არის. ყურადღებას იქცევს ბრინჯაოს ერთი ბეჭედი, რომელსაც, ზემოაღწერილი ოქროს საყურის მსგავსად, ჰქვარული ბურთობები ასხია. ეს ტიპოლოგიური დამთხვევა ოქროსა და იაფფასიანი სამკაულისა საყურადღებოა იმ მხრივ, რომ ოქროს საყურის ადგილობრიობას მოწმობს. სამკაურები მარტივია, სპილენძისა და რკინისა. განსაკუთრებით საინტერესო ისაა, რომ სამარხებში მინის 12 სამაჯური აღმოჩნდა, ყველა მთელი (ნიმუშები იხ. ტაბ. XXXVI, გ, ე, ზ). მათ მოეპოვებათ ტიპოლოგიური ორეულეები შენობათა ნანგრევებში აღმოჩენილ ნამტერეთა შორის. აქ კიდევ უფრო დადასტურდა ამ ტიპთა ვიწროდ შემოფარგლული ხნოვანება—XII—XIII სს. საკინძი ერთადერთი აღმოჩნდა, სპილენძისა, მარგალიტისთავიანი. ლილები საკმაოდ ბევრი იყო: პასტისა და სპილენძისა, მრგვალ-ბრტყელი, ბურთულაყუნწიანი, რომელიც საერთოდ შუა საუკუნეთა დამახასიათებელია ჩვენში (ნიმუშები იხ. ტაბ. XXXVI, ა, დ).

როგორც ვხედავთ, რუსთავის ამ სამაროვნის გათხრა-შესწავლამაც ბევრი რამ საყურადღებო მოგვაწოდა — კერძოდ, ნამოსახლართა თხრისას აღმოჩენილთა შესაბამისი საგნები, აქ უკვე მთელ-მთელად შემონახული. მეორე მხრივ, გვაქვს ნამოსახლარებში უცნობი საგნები, რომლებიც ავსებენ XI—XIII სს. რუსთავის მოსახლეობის ნივთიერი კულტურის სურათს.

ამრიგად, შეგვიძლია ვივარაუდოთ, რომ ქალაქს საკუთარი კერამიკული და მინის წარმოება ჰქონია; ჩანს, რომ ქალაქის მოსახლეობაში გაცხოველებით უტრიალია ფულს; შესაძლებელია, რომ ის შენობები, რომლებშიც მრავლად

აღმოჩნდა ფული, ვაქრობა-ხელოსნობის მიმდევარ მოქალაქეებს ეკუთვნოდა; თან ისიც ცხადია, რომ მოქალაქეთა დიდი ნაწილი მაინც მისდევდა მიწათ-მოქმედებას, რასაც დიდად შეუწყობდა ხელს კარგად მოწყობილი სარწყავი-სისტემა, წყლის სიუხვე. მიწათმოქმედების დარგებიდან თვალსაჩინოადაა წარ-მოდგენილი მემარცვლეობა, მევენახეობა-მებაღეობა, მებოსტნეობა, მეცხოვე-ლეობა (მსხვილფეხა რქოსანი, ცხვარი, ღორი) და მეფრინველეობა, ხოლო აქა-იქ აღმოჩენილი ფხა-ძვლები მონადირეობა-მეთევზეობაზეც მიგვიჩვენებენ (ირემი, ტახი, მტკვრის თევზი). მეურნეობა-საქმიანობის ასეთი ნარევი ხასიათი ბუნებრივად უნდა ჩაითვალოს შუა საუკუნეთა ქალაქისათვის, რომლის მნიშვნელოვანი ნაწილი, არსებითად, წარმოადგენს ციხე-დარბაზის ირგვლივ გაზრ-დილ სამოსახლოს, ასე ვთქვათ, „ცალი ფეხით მიწათმოქმედებაში მდგარს“.

რუსთავის არქეოლოგიური შესწავლის შედეგად გვექმნება საერთო შთაბეჭდილება ქალაქის მოსახლეობის ნივთიერი კეთილდღეობისა და კულტურის საკმაოდ მაღალი დონის შესახებ. კიდევაც რომ ცალმხრივი იყოს ეს შთა-ბეჭდილება (რაკი ჯერ ძალიან მცირე ნაწილია გათხრილი), ის მაინც ითქმის, რომ იმ დროს, ყოველმხრივ დიდად დაწინაურებულ ქართულ ფეოდალურ სა-ხელმწიფოში არც უნდა ყოფილიყო მოულოდნელი, თუ ჩვეულებრივი მოქალა-ქეებიც შედარებით ღონიერი იქნებოდნენ ნივთიერად. ყურადღებას იქცევს ისიც, რომ, მონეტების შემადგენლობის მიხედვით, ასეთი ვითარება გრძელდება ხვარაზმელთა ხანმოკლე ბატონობისა და მონგოლთა პირველი შემოსევების შემდეგაც, ბერქა ყანის ლაშქრობამდე.

თ ბ ი ლ ს შ ი ჯერჯერობით ორი საწარმოო უბნის მცირე ნაწილს გათხ-რა-შესწავლა მოხერხდა.

ის კერამიკული საწარმო, რომლის ნაშთებიც ითხრებოდა 1948—1949 წლებში, უშუალოდ მიშენებული ყოფილა ქალაქის სამხრეთ-დასავლეთ ზღუ-დეზე, მტკვრის მარჯვენა ნაპირას, მდინარის მახლობლად, დედაციხის ძირობა-ზე დაფენილი სამოსახლოს განაპირას. ზღუდის ურთერთი შიდა, სწორკუთხოვა-ნი ბურჯის ფუძესთან (სახელოსნოს იატაკის დონეზე) მოიკრიბა XIII საუკუ-ნის რამდენიმე ქართული მონეტა. ამრიგად, სახელოსნოს გვერდით გვაქვს იმ-დროინდელი ქალაქის ზღუდის ერთი მცირე ნაწილიც, რომელიც მკაფიოდ გან-სხვავდება გვიანფეოდალური ხანის ზღუდე-კომპლექსისაგან.

სახელოსნო ერთბაშად დანგრეული და ცეცხლისაგან გადამწვარი ჩანს. მის მახლობლად აღმოჩნდა ჩონჩხი ადამიანისა, რომელსაც ჯიბეში სდებია 133 სპი-ლენძის მონეტა (XII—XIII სს. ქართული ფული, მეტწილად რუსულანისა, აგრეთვე ჯალალედინის დამდნაკრავიც). ადამიანის — საფექრებელია, ხელოს-ნის — ასე დაღუპვის გარემოება აძლიერებს შთაბეჭდილებას, რომ დედაქალა-ქის ამ უბანსა და, კერძოდ, მასში მდებარე სახელოსნოს მძიმე განსაცდელი გა-დახდომია. ყველაზე უფრო ბუნებრივი იქნება წარმოდგენა, რომ იგი უმსხვერ-პლია მონგოლთა ერთერთ შემოსევას. ამ მხრივ საყურადღებოა ექსპედიციის ნუმიზმატიკური მონაპოვრის შემადგენლობა: მასში არ მოიპოვება არც ერთი მონგოლური თუ შათ მიერ დამდნაკრავი ჩვენებური მონეტა. სახელოსნო დამწვარა მას შემდეგ, რაც მტერს ქალაქის ზღუდე გადმოუღობავს და ნაწი-ლობრივ ეგებ დაუნგრევია კიდევაც, ხოლო ასეთ შემოჭრას, ჩვეულებისამებრ,

ხანძარი და მოქალაქეთა ელვტა მოპყოლია თან. ისევე როგორც რუსთავში; აქაც ქალაქის აღება-აკლების მანიშნებელ არქეოლოგიურ დაკვირვებასთან გვაქვს საქმე.

უეცარ განადგურებასა და გადაწვას, რუსთავის მსგავსად, აქაც ძლიერ შეუწყვია ხელი ჩვენთვის საყურადღებო ნაშთების მრავლად და მთლიანად შემონახვისათვის. ქურჭლის გამოსაწვავი ქურები იმგვარად იყო შემორჩენილი, რომ საკმაოდ ადვილი შეიქნა მათი თავდაპირველი სახისა და სახელოსნოში თავის დროზე მიმდინარე ტექნოლოგიური პროცესის წარმოდგენა. გამოვლენილ იქნა დიდძალი ნიმუში მზა ნაწარმისა, ნახევარფაბრიკატისა (მაგალითად, რამდენიმე ადგილას დასტა-დასტა დალაგებული, სრულიად გამოუწყავი, ან გამოწყვარ-მონხატული და ჭერ მოუქიქავეი ჯამები), წუნდებული ნაწარმისა, ნედლეულისა (საჭიქურე ფხენილი, კაჟის კენჭები, სპილენძის ანაფხეკები და სხვ.) და თითო-ოროლა ხელსაწყო-იარაღისა (ქვასანაყი, ხელსაფქვევები; სასწორი და სხვ.). გადნაყარის უზარმაზარი გროვა მოწმობდა, რომ საწარმოს დიდხანს და ინტენსიურად უმუშავებია.

სახელოსნოს იატაკზე მიმობნეული ფულის აღმოჩენა შეიძლება იმასაც მოასწავებდეს, რომ მეტურქლებს იქვე გაუყიდიათ ხოლმე თავიანთი ნაწარმი. მით უმეტეს ითქმის ეს ჯიბესა თუ ქისაში ჩარჩენილი 133 მონეტის შესახებ.

თბილისის მუზეუმებში მრავლადაა დაცული ძველი ქალაქის სხვადასხვა კუთხეში შემთხვევით აღმოჩენილი კერამიკა, რომელიც ზედმიწევნითა ჰგავს სახელოსნოს ნანგრევთა თხრისას მოკრებილს და, თუ მთლად არა, ნაწილობრივ მაინც, ალბათ სწორედ ამ სახელოსნოშია დამზადებული. ვარაუდით იგივე შეიძლება ითქვას თბილისის შორიანხლოს შემთხვევით აღმოჩენილი ასეთი კერამიკის შესახებ, გარდა დმანისისა და რუსთავისა, სადაც საკუთარი წარმოებაა საგულისხმებელი. გამოთქმულია აზრი, რომ შესაძლოა სამშვილდესიცი ყოფილიყო კერამიკული საწარმო, რომელიც მოქიქული ჯამ-ქურჭლით მოამარაგებდა მახლობელ სოფლებს.

სახელოსნოში სულ გამოვლენილ იქნა 7 ქურის ნაშთი (სამი მათგანი იხტაბ. XXVII, 4). ქურები ნაწილობრივ იატაკქვეშ იყო ჩადგმული. ქვედა ნაწილი ყველას მსხლისებრი მოყვანილობისა ჰქონდა; ზედა, უდიდესი — მრგვალი. კედლები ამოყვანილი იყო ქართული ალიზითა თუ აგურით, ძირები — კლდის ქვებით. ქურათა აგებულების საყურადღებო თავისებურებას წარმოადგენს კედელში რადიალურად, დონე-დონე დატანებული, გამოშვარი თიხის გრძელი, მრგვალი და წვეტიანი სოლები, რომლებზედაც გამოსაწვავი დიდრონი ქურჭელი ლაგდებოდა, ხოლო ყურიანი — ორმაგი კაკვებით ჩამოიკიდებოდა.

განათხარ ქურებს აღნაგობის მხრივ საკმაოდ მახლობელი ანალოგიები უჩანთ საქართველოს ეთნოგრაფიულ სინამდვილეში „ქართული ქურების“ სახით, რომლებიც, როგორც ადგილობრივი ძველი ტიპი, უპირისპირდებიან ახალ, „რუსულ ქურებს“. ეთნოგრაფიული პარალელებივე გვამცნობენ, რომ ამ 7—8 საუკუნის წინანდელ სახელოსნოებში მიმდინარე ტექნოლოგიური პროცესი უუქველად მაღალ დონეზე ყოფილა და მას შემდეგ არც „ქართულ ქურებს“ და არც მათზე მომუშავე ოსტატების საწარმოო ჩვევასა და ტექნიკაში

ბევრი არა შეცვლილა რა 'ბოლო ხანებამდე. კერძოდ, უნდა აღინიშნოს ღრმა ორმოვები, რომლებშიც, ჩანს (ისევე როგორც ამჟამად), მოზედილ თიხას ინახავდნენ ნელადა და „ამწიფებდნენ“. ცალკე აღსანიშნავია აგრეთვე კერამიკული წყალსადენი სახელოსნოში.

ერთერთი ქურის ძირას ჩარჩენილი ნახშირი ფიჭვისა გამოდგა და ფიჭვის შუბა კი ახლაც საუკეთესოდ ითვლება სწორედ მოქიქული ქურკლის გამოსაწვავად. ამრიგად, საქმე უნდა გვექონდეს მოქიქული მხატვრული კერამიკის მკეთებელ სახელოსნოსთან, სადაც, თუკი გვხვდება მოქიქავი, უფრო ოსტატების მიერ ყოველდღიურად სახმარი ქურკელი ჩანს და არა გასაყიდად გაკეთებული ქურებსა და მათ შემცველ მცირე ნაგებობათა შორის, ხშირად შიგაც, თითქმის ყოველ ნაბიჯზე ჩნდებოდა: კერის ნაშთები; სადღღარო თუ შესანახი დიდრონი ქურკელი; მომცრო, სათბურიან-საქარიან თონეები; შინაურ ცხოველთა (ცხვრის, ღორის, მსხვილფეხა რქოსნის) ძელები და მთელ-მთელი ჩონჩხებიც, რაც გვაფიქრებინებს, რომ ხელოსანთა ამხანაგობა სამუშაო ადგილასვე ქამდა პურს.

მოქიქვა უწარმოებიათ ორივე წესით: თხევად კიქურში ამოვლებითაც და ფუნჯით წასმითაც. გამოყენებულია უფერული გამჭვივალე კიქურიცა და ფერადი გაუმჭვირვალეც. გამჭვივალეს ხმარობდნენ ანგობზე მოხატული ქურკლებისათვის. ფერად კიქურებში უხშირესია ფირუზისფერი. არის მწვანეც, მოყაფისფრო-სოსანიც და სხვ.

საკმაოდ ბევრია ფაიანსის ნატენები, ცოტაა ლუსტროვანი ფაიანსისაც. მოხატული ქურკელი საერთოდ უმეტესობას შეადგენს. თვალში საცემია ორნამენტისა და გამოსახულების (ცხოველები, ფრინველები) საერთო დიდი მსგავსება დმანის-რუსთავის კერამიკასთან, თუმცა სხვაობაც საკმაოდ მკაფიოდა ჩანს. განსაკუთრებულ ყურადღებას იპყრობს მრავალფერად მოხატული და გამჭვირვალე კიქურით დაფარული ჯამები (ტაბ. XXXVII, 5, 6, 7) და ერთიც ფისფერკიქურიანი ფაიანსის ზედა ნაწილი, რომელიც გვირგვინოსანი ქალის თავ-ყელს გამოხატავს (ტაბ. XXXVII, 8).

გარდა ტექნიკური მხარისა, მაღალ დონეზე დგას აგრეთვე წარმოებინ მხატვრული მხარე: ქურკლის მოყვანილობა-პროპორციებშიც, კიქურის ფერებსა და ელფერებშიც, მრავალფერადთა შეხამებაშიც, მოხატულობასა და ორნამენტშიც ჩანს დახვეწილი გემოვნება, ხალისიანი და კარგი ფანტაზია. ესეც უნდა მივიჩნიოთ ერთერთ მკაფიო, ნივთიერ გამოხატულებად ყოველმხრივი კულტურული აღმაველობისა, რომელსაც საქართველო იმ ხანაში განიცდიდა. ძველისძველი ტრადიციების განვითარება-გამდიდრების გზით. ეს მით უმეტეს საცნაურია, რომ, შედარებით მცირერიცხოვანი ფაიანსისა და ლუსტრიანი ნაწარმის გამოკლებით, სახელოსნოს ნანგრევთა შორის აღმოჩენილა, მოქიქული წითელკეციანი კერამიკა წარმოადგენს ჩვეულებრივ საოჯახო ქურკელს, უბრალო მომხმარებლისათვის განკუთვნილსა და ადვილად მისაწვდომს. ამას გვანისნებს თვით ქურკლის რავგარობა: სხვადასხვა ზომის, საკერძე და სასმისი ჯამები; პატარა ნიჟარისებრი ჭრაქები; მრგვალი სამაროლები; იშვიათად — ხელადები და ქილები, „საყვავილე ქილები“ და სხვ. ამგვარი კერამიკა ნამ-

დვილად საყოველთაოდაა გავრცელებული იმდროინდელ ნაქალაქარებშიცა და ნასოფლარებშიც.

ქურათა შორის და მახლობლად მრავლად აღმოჩნდა მზა თუ სანახევროდ მზა სა მ შ ე ნ ე ბ ლ ო კ ე რ ა მ ი კ ი ს ნ ი მ უ შ ე ბ ი ც ე : მოჭიქული ბრტყელი კრამიტი (დამახასიათებელი „სამყურა ყვაილის“ რელიეფური გამოსახულებით შემკული), ასეთივე ღარიბი კრამიტი და სხვადასხვა ზომა-მოყვანილობის შორენკეცული დეტალები, რომელთაც ხშირად მოთეთრო ფაქიზი კეცი აქვთ. მოჭიქული კრამიტით დაბურულ იმდროინდელ ნაგებობათა ნიმუშებად შეგვიძლია დავასახლოთ: თბილისისავე „ლურჯი მონასტერი“ და ოშკისა და იშხანის, X — XI საუკუნეთა ტაძრები. რაც შეეხება „ყვაილიან“ კრამიტსა და მოჭიქულ შორენკეცულ დეტალებს, ისინი დიდადაა გავრცელებული, განსაკუთრებით თბილისის სამხრეთით მდებარე მხარეში.

წარმოების გადანაყარის გროვიდან მრავლად ამოიკრება მ ი ნ ი ს ს ხ ე ა დ - ს ხ ვ ა ნ ა წ ა რ მ ი ს (მომცრო, ზოგჯერ ფაქიზი ქურკლის, ნაირფერადი სამაჭურებისა და სხვ.) ნამტვრევი. ეს გარემოება გვაფიქრებინებს, რომ იქვე ახლოს მიწა უკეთებიათ.

საბოლოოდ, შეიძლება ითქვას, რომ ამ განათხარმა თვალწინ გადაგვიშალა ნივთიერი დოვლათის უშუალო მწარმოებელთა ერთერთი ჯგუფის, მეთუნე ხელოსნების, მოჭიქული ქურკლისა და სამენი მასალის გამომწველთა ყოველდღიური საქმიანობა და ყოფა; ხელშესახები გახადა ფეოდალური თბილისის წერილი სასაქონლო წარმოების ერთერთი კერა, რომელიც ფეოდალური, ძირითადად ნატურალური მეურნეობის პირობებში საკმაოდ მრავალრიცხოვან მომხმარებელს ემსახურებოდა.

მეორე ასეთი კერის — უკვე ქალაქის ჩრდილო-დასავლეთ ზღუდესთან გამართული კერამიკული საწარმოს არსებობას გვანიშნებს 1956 წელს ანჩისხატის მიდამოებში აღმოჩენილი დიდალი ნამტვრევი მხატვრული მოჭიქული ქურკლისა და გამოსაწვავ ქურათა სხვადასხვა ნაშთებისა. აღსანიშნავია ერთი ჯამი, რომელზედაც ჯაჭვის პერანგითა და ჩაფხუტით აღჭურვილი მგომარია გამოხატული და რომლის მსგავსიც მანამდე თბილისში არ ყოფილა ცნობილი (დმანისში იყო მხოლოდ). ყურადღებას იქცევს აგრეთვე ოქრომქედლის ხელსაწყოს — პატარა ტიგელის ანუ „ბუთას“ (რომელზედაც ოქროს წვეთები შეყინული) აღმოჩენა, რაც სათანადო სახელოსნოთა ნაშთზეც მიგვითითებს.

უ ქ ა რ მ ი ს დ ე დ ა ც ი ხ ი ს ა რ ქ ე ო ლ ო გ ი უ რ მ ა თ ხ რ ა მ სა კ მ ა ო დ ბ ე რ ი რ ა მ გ ა - მ ო ა ვ ლ ი ნ ა ჩ ე ე ნ თ ვ ი ს სა ი ნ ტ ე რ ე ს ო ხ ა ნ ი ს ა ც , თ უ მ ც ა ი მ დ რ ო ი ს ა თ ვ ი ს უ ქ ა რ მ ა ა ღ ა რ წ ა რ მ ო ა დ გ ე ნ ს ქ ა ლ ა ქ ს , დ ი დ ს ო ფ ლ ა დ ა ა ქ ე უ ლ ი დ ა სა ხ ე ლ მ წ ი ფ ო ე ბ რ ი ე მ ნ ა შ ე ნ ე ლ ო ბ ა ს მ ო ლ ო დ თ ვ ი თ ც ი ხ ე ი ნ ა რ ჩ უ ნ ე ბ ს .

ციხე-გალაენის პირველად ნაგებობათა ნანგრევზე დანაშენი განსაკუთრებით ამქლანებს იმ მძაფრ კონტრასტს, რომელიც ადრეფეოდალური და შუაფეოდალური დროისათვის დამახასიათებელ მშენებლობის წესებს შორის ყოფილა საქართველოში:

ა) ძველი კოშკები და ბურჯები მკაცრად სწორკუთხოვანია, მერმინდელი კი ან საერთოდ ნახევარწრიული თუ კონუსური, ან წიბოებმომრგვალებული.

ბ) ძველი კედლების წყობაში დღეობი თავშეკავებითაა გამოყენებული და პერანგი წესიერად გამოჭრილი, პარალელურად ნაწყობი. კვადრებისაგან შედგება, მერმინდელში კი დღეობი აშკარად ქარბადაა ნახმარი, ხოლო წყობი დიდრონი, უსწორმასწოროდ მონატები ქვებისაგან შედგება. ასეთია შუა და გვიანფეოდალური საქართველოს ყველა ციხის კედლების წყობა.

რამდენსამე ადგილას შევსებულ-შეკეთებულია თვით ზღუდვც, რომელსაც, ჩანს, მთლიანობა იმდენად დარღვეული ჰქონია (არაბთა ლაშქრობის შედეგად, X საუკუნეში), რომ ციხე ციხეობას ველარც გასწვდა.


მაგრამ მეორედ მშენებლები ამას არ დასჯერებიათ: ზედაციხე ორ ადგილას გარდიგარდმო გადაუზღუდავთ ქვიტიკრის კაპიტალური კედლებით, სრულიად გაუთიშავთ ზედაციხის დასავლეთი მესამედი, რომელშიც ძველი, აღრეფეოდალური დროის სასახლის ნანგრევია გამოვლენილი და შეუკეთებ-გადაუკეთებიათ ეს უკანასკნელი, სენაკთა შორის დატანებული ზოგი კარი ამოუქოლავთ, ერთერთ სენაკში შარანი მოუწყვიათ, ეზოში მცირე თონე-კერები გაუმართავთ, ისევე როგორც „ჯვარი პატიონის“ ტაძრის ეზოში და აგრეთვე ქვედაციხის თითქმის ყველა კოშკში.

ყოველივე ამას თან ახლავს კერამიკითა და სხვა საგნებით მდიდარი კულტურული ფენა, რომელიც შედარებით ნაკლებ არის დარღვეული და ამიტომ გაცილებით უფრო სრულ სურათს გადაგვიშლის თვალწინ, ვიდრე ძველი ფენა, რომელიც ნაწყვეტების სახითაა წარმოდგენილი, სწორედ შუაფეოდალურ ხანაში გაცხოველებული მშენებლობის გამო.

შუაფეოდალური ხანის ფენის სიმძლავრე და ფართო გავრცელება იმას მოასწავებს, რომ დედაციხე ამხანად კვლავ ხანგრძლივ დასახლებული ყოფილა.

განსაკუთრებით მრავალრიცხოვანი და მეტყველია ამ ფენის კერამიკა (ჯამები, ქოთნები, ღოჭები და ხელადები, კრაქები და სხვ.), თითო-ოროლა ფაქიზი: ფაიანსის ნატეხიცაა, გამოერევა ე. წ. „სინდიყის კურკლის“ ნატეხი (ასეთი კურკლები გვაქვს დმანისშიც, რუსთავეშიცა და თბილისშიც). თითქმის სრულადაა წარმოდგენილი ზემოგანხილულ ნაქალაქართათვის დამახასიათებელი კურკლეული. საკმაოდ მრავლადაა მინაც: სასმისები, ფლაკონები და, განსაკუთრებით, ფერადი სამაჯურები. ეს უკანასკნელი გარემოება იმას მოასწავებს, რომ იმ დროს დედაციხეში მრავლად და მკვიდრად უცხოვრიათ ქალებსაც და, მაშასადამე, მეციხოვნენი ოჯახებიანად ყოფილან კოშკებში დაბინავებული, ამასვე მოწმობს კერა-თონეებისა და სათბურების სიმრავლე სასახლის ეზოშიცა და ქვედაციხის კოშკებშიც. იარაღი ერთადერთი რკინის ზოძალითაა წარმოდგენილი.

სასახლის ეზოში ნაპოვნ დარისებრ კრამიტზე რელიეფურად გამოყვანილია სამი ქართული მთავრული ასო. ზედაციხის ტერიტორიაზე აღმოჩენილია სამი მონეტა (შუაფეოდალური ხანისათვის დამახასიათებელი კერამიკისა და სხვა საგნების თანხლებით): თამარის სბილენძის ფული, რუსუდანის დრაქმა, 1230 წელს მოჭრილი, და XI—XIII სს. „სელჯუკური“ ტიპის ფული. ამრიგად, მტკიცედ დასტურდება სათანადო ფენის მიკუთვნება სწორედ XII—XIII საუკუნეებისათვის.



1




2



3



5



4



6



7



8

ამვე ხანისა თვით სოფლის მიდამოებში გათხრილი რამდენიმე ქვისსამარხი. ზოგ სამარხში აღმოჩნდა: ბრინჯაოს მარტივი სამაჯურები, ბეჭდები და უღწიანი ბურთულა დილები; მინის სამაჯურები. ამ ინვენტარს პარალელები უჩანს უჯარმისავე დედაციხეში (მინის სამაჯურები), რუსთავის სამარხებში (ორივენიური სამაჯურები, ბეჭდები, დილები) და სვეტიცხოვლის გალავანში გათხრილ საოჯახო ქვისსამარხში (მინის სამაჯურები, დილები), რომელიც ვერ იქნება ტაძარზე (XI ს.) აღრინდელი, რადგან ზედაა მიშენებული.

სოფლები და პროვინციული საწარმოები. ფეოდალური საქართველოს ძირითადი მწარმოებელი კლასის, მიწათმოქმედი მოსახლეობის ყოფა-ცხოვრებაში ჩაგვახედა ნ ა ს ო ფ ლ ა რ თ ა არქეოლოგიურმა შესწავლამ. მარტო ისტორიული ქვემო ქართლის ერთი კუთხის, თ ე თ რ ი წ ყ ა რ ო ს რაიონში ორასიოდე წასოფლარია აღრიცხული. ჩვეულებრივ, ისინი საკმაოდ დიდ სამოსახლოებს წარმოადგენენ. გათხრა შეეხო ნაჭიკვაყებსა და, მცირედ, ნადარბაზებს. ეს უკანასკნელი სხვებზე პატარაა, რადგან, ეტყობა, იქვე ახლოს მდგარი სასახლის მომსახურეთა მცირე სამოსახლოს წარმოადგენდა და არა სულ სოფელს.

სოფლებში მდგარა ქვის სახლები. ყოველ სახლს თავისი ეზო, კალო, საბძელი და ზოსელ-გომურიც ჰქონია. სოფელში ისეთი გზები ყოფილა, რომ ურმებსაც შესძლებოდათ სიარული. სოფლებს წყაროს წყალი ზოგჯერ შორიდანაც გამოუყვანიათ თიხის მილებით. ყოველ სოფელში თითო ეკლესია მაინც მდგარა. შესწავლილთაგან ბევრ სოფელს აღრევე — ეგებ მონგოლების შემოსევათა შედეგადაც კი — შეუწყვეტია არსებობა.

სახლები შედგებოდა თითო ან რამდენიმე სენაკისაგან, რომელთა შორის ყოფილა სხვადასხვა სამეურნეო დანიშნულების სენაკებიც. როდესაც სენაკი რამდენიმე იყო, სახლს გარედან ან ორი შესასვლელი ჰქონდა, ან თითო სენაკს — თითო. გვიანფეოდალური დროის სოფლებთან შედარებით, შუაფეოდალური დროის სოფლებში უფრო მრავალსენაკიანი სახლები ყოფილა. სახლებს აშენებდნენ ანდუზიტ-ბაზალტის დიდი, ტლანქად მოჭრილი ლოდებით, რომლებიც მშრალადაა ერთიმეორეზე დაწყობილი (არქაულ „ციკლოპურ“ ნაგებობათა მსგავსად).

გლების სახლ-კარი შედგებოდა ეზოსა და რამდენიმე (მაგ., ხუთი) სენაკისაგან. ერთი ამთგანი წარმოადგენდა დარბაზს, რომლის შუაგულში იყო ირველივ ქვებშემოწყობილი კერა. მეორე, გრძელი სენაკი სახვასტავოს წარმოადგენდა, მაგრამ შიგ საქონელს გარდა ადამიანებიც ყოფილან ზოლმე, რასაც მოწმობს აქა-იქ მოწყობილი კერები და პატარა თონე-სათბურები (რომელთა მსგავსიც უჯარმის ციხის კოშკებში მოაპოვება). მესამე იყო საკუქნაო, რომელშიც მარცვლეულის შესანახი ორმოები ჰქონდათ მიწაში ამოჭრილი, შუაში კერა ყოფილა, ხოლო ერთერთ კედელთან — პატარა თონე-სათბური. მეოთხე წარმოადგენდა სათონეს, ხოლო მეხუთე — მარანს, რომელშიც ქვევრებს გარდა ჩადგმული ჰქონიათ სათბური. მარანი და ქვევრები გვაფიქრებინებს, რომ ქციისა თუ კივიკვის ღრმა ზრამთა ძირობაზე მაინც ექნებოდათ ვენახები.

სახლი ერთსართულიანი და ბანიანი ყოფილა და ეგებ მხოლოდ შუათანა, მთავარი სენაკი იყო ხოლმე დარბაზულად გადახურული. სახლს წინ ჰქონია დერეფანი.

სოფლელებს მრავლად უხმარიათ მოქიქული თიხის ერთფეროვანი და იშვიათად მრავალფეროვანი ჯამები და ფიალები. მათ ორნამენტში მარტივი სახეები ქარბობს და არა ჩანს ფრინველთა თუ ცხოველთა გამოსახულება. უმეტესობას კი მაინც წითელი თიხის მოუქიქავეი ჯამები, ფიალები, ხელადები, დოქები, ჭოთნები და სხვა მისთანანი შეადგენენ. ყველა ნასახლარში ხშირია ნაირფერადი მინის სამაჯურთა ნამტერევი. ამ მხრივაც საყურადღებო პარალელია უჯარმის კოშკების კულტურულ ფენებთან. ამაყარა ხდება, რომ ეს სამაჯურები სრულიადაც არ შეადგენდა მხოლოდ ქალაქელი ქალების კუთვნილებას და რომ ისინი სამკაულის ერთი ყველაზე უფრო ფართოდ გავრცელებული გვარი ყოფილა. ეს დაკვირვებაც ცხადყოფს, თუ რა ძლიერი სტიმული უნდა ჰქონოდა იმდროინდელ ქალაქებში ხელოსნური წარმოების სათანადოდ არგთა განვითარებას. უამრავი ძვალი ცხადყოფს, რომ იმ სახლებში მცხოვრებთ მრავლად ჰყოლიათ მსხვილფეხა და წვრილფეხა პირუტყვი თუ ფრინველი.

განათხარი მასალა ძირითადად XI — XIII საუკუნეებით ათარიღებს ნაგებობებს, მაგრამ რამდენიმეგზის დასახლებულობაც შეგვიძლია ვივარაუდოთ.

თეთრი წყაროს რაიონის ნასოფლარებში შესწავლილი გლეხის სახლი განვითარებული სოფლის მეურნეობის შედეგად წარმოქმნილი ერთეულია. მაშინდელი მოსახლეობა იქ უმთავრესად მიწათმოქმედებასა და მესაქონლეობას მისდევს და ამას ხელს უწყობს იმ კუთხის ბუნებრივი პირობებიც. იმ ხანაში მაინც, სოფლის მეურნეობა დამოუკიდებლად კი არ ვითარდება, არამედ ხევე შემაველი სოფლების მთელ მეურნეობასთან ერთად და ეს განსაზღვრავს მის წამყვანობასაც და მოცულობასაც. ფეოდალური სოფელი განვითარებული ტიპის სამოსახლოა, ხალხის მრავალსაუკუნოვანი ბინადრობის შედეგი, მით უმეტეს, რომ იმ კუთხეშიცა და საერთოდ ქვემო ქართლშიც არქეოლოგიურად აღრიცხული და შესწავლილია დიდძალი ნაშთები შუა საუკუნეთა წინარე ხანის მოსახლეობისა. რაც შეეხება „ხევს“, როგორც ერთეულს, ამ მხრივ დიდად საყურადღებო ჩანს მცირე ეკლესიის წარწერა (სოფ. დაღეთთან), რომელშიც იხსენიება ვინმე „ქობულ ხევისუფალი“, იმ ეკლესიისა და „კარკანლაჲს წყაროს“ „მკნელი“.

ლოქონის ხევის თავზე, ვაზიანის მიდამოებში, სამგორის ვაკის გამაგრძელებელსა და ისევე უდაბურ ველზე მიკვლეულ ნასოფლარში გაითხარა ორსენაკიანი სახლის ნაშთები. თეთრი წყაროს ნასოფლართაგან განსხვავებით, აქ კედლები ამოყვანილი იყო ნატეხი ქვითა და მოხელილი თიხით. გამოვლენილი იქნა თიხის კურქული (ქვევრების, ჯამების, დოქ-ხელადებისა და სხვ. ნამტერევი), რომელთა შორის სრულიად არ ჩანდა მოქიქული, და ეს გარემოება, ისევე როგორც მინის სამაჯურთა არარსებობა, ეგებ რამდენადმე უფრო აღრანდელ ხნოვანებასაც კი მოასწავებდეს, ერთიცა და მეორეც საყოველთაოდ ვრცელდება სწორედ შუაფეოდალურ ხანაში. ყურადღებას იქცევს წითელპირილია თი-

ხის პატარა, უყურო ჰინჯილა, რომელსაც ყელზე ამოკაწრული აქვს ორი ქართული მთავრული ასო. ნაპოვნია აგრეთვე თიხისაგან გამომწვარი, ბურთისებრი ჩანჩხურა — ბავშვის სათამაშო.

ბოლო ხანებში დაიწყო შესწავლა შუა საუკუნეთა ნასოფლარების კიდევ ერთი ჯგუფისა. ეს არის მრავალრიცხოვანი, მიწით მხოლოდ სანახევროდ დაფარული ნანგრევი ბორჯომის ხეობაში, უმთავრესად ისტორიულ თორში (ბაკურბანი—თორი—ცინისჯვარი და სხვ.) და აგრეთვე ლიკანის მიდამოებში. ქვემო ქართლის ნასოფლართა მსგავსად, თორშიც ნაგებობათა კედლები ამოყვანილია ანდენიტ-ბაზალტის დიდრონი მშრალად ნაწყობი ლოდებით. მსგავსება ჩანს სახლ-ქარის განლაგებასა და აღნაგობაშიც, მაგრამ არის განსხვავებაც: თონე ფილაქვებითაა ამოყვანილი, მარცვლეულის ორმოები კირითაა შიგნით ამოლესილი და სხვ. ყველაზე უფრო არსებითი ის განსხვავებაა, რომელიც სახლ-ქარის შუათანა შენობის აღნაგობაში იჩენს თავს: ეს არის სხვებზე უფრო მცირე ფართობის მქონე, მაგრამ შემადლებული, მრგვალი ან მომრგვალო სენაკი, რომელსაც ფილაქვებითა თუ ბრტყელი ლოდებით ამოყვანილი გვირგვინი ახურავს თავზე. თეთრი წყაროს რაიონის ვერც ერთ ნასოფლარში ამგვარად გადახურულსა და ასე მკაფიოდ გამოყოფილ უჯრედს ვერ დავინახავთ ეს გვირგვინიანი მრგვალი ფსევდოარქაული ნაგებობა თორი-ბორჯომის რაიონის ნასოფლართა თავისებურებად უნდა მივიჩნიოთ (ერთხანს ეს ნაგებობანი მართლაც ძალიან ძველი ეგონათ).

ლიკანის ნასოფლარის ერთერთი სახლის ნანგრევის თხრისას მრავლად ამოდიოდა ცხოველთა ძვლები, აგრეთვე ტლანქი საშინაო კერამიკული ჭურჭლის (კოკა, დოქი, ხელადა, კეცი) ნატეხები, რომელთა შორის გამოვრია ორი-ორე მოჭიქულიც.

თეთრი წყაროს რაიონშიც, ლოქინშიცა და თორი-ლიკანის რაიონშიც სახლები უცბად განადგურებული და დამწვარ-ჩაქცეული კი არა ჩანს, არამედ გულდაგულ დაცლილი და ისე მიტოვებული. შიგნაცხოვრებ გლეხკაცებს თან წაუღიათ, რაც კი რამ რიგიანი ეგულეზობდათ, ისე რომ ჩვენამდე მოღწია მხოლოდ ადრევე გადაყრილმა ნამტვრევმა და ნასუფრალმა ძვლებმა.

სოფლებთან დაკავშირებით უნდა განვიხილოთ ის რამდენიმე ნაშთი მინის საწარმოებისა, რომლებიც არქეოლოგიურმა კვლევებმა გამოაეღინა თბილისისა და სხვა დიდრონი ქალაქებისაგან მოშორებით, სოფელ ადგილებში თუ მათ მიდამოებში. ამ საწარმოთა ასეთი მდებარეობა „საქიქუნელეულის ბუდობთა განლაგებით უნდა აიხსნებოდეს, მით უმეტეს, რომ სადღეისოდ ცნობილი ოთხი ასეთი ნაშთი თავს იყრის თრიალეთის ქედის ერთ მცირე უბანში, ნიჩბისის და მცხეთის მერიდიანთა შორის. ა) ხეკოძულას ხეობაში, ნატბურთან; ბ) ძეგვის ხეობაში, „ნაბარებში“; გ) კარსნის ხეობაში; დ) ორბეთთან, თეთრი წყაროს რაიონში. ეს გარემოება მიგვიბოძებს, რომ მინის წარმოება მხოლოდ ქალაქებში არ ყოფილა.

ნატბურის საწარმოსაგან შემორჩენილია ამოჭრილ კლდეში ჩადგმულა მცირე, დაუდევრად ამოყვანილი ნაგებობის ნანგრევი და მის ერთ კედელზე მიშენებული ქურის ნაშთი, რომელშიც გამოირჩევა: საცეცხლე, პაერსადენი ხვრელი, მინის საღობი აბაზანა და საკაზში განყოფილება. ქურის მახლობ-

ლად აღმოჩნდა დიდი ქვასანაყი (კაეის დასაფხვენელი), მინაშეყინული ტიგელის ნატეხები, ქურიდან მისი გამოსაღები რკინის კაეი, კაეის ნელლეულის ნაშთი, მინის საგანთა დიდძალი წუნი, წვეთები, ჟიჟმატები, გადანაყარი ნალეწი და სხვ. ამ სახელოსნოში გამოუბერავთ სასმისები, სანელსაცხებლეები და ზოგიც სხვა ქურკელი. უკეთებით აგრეთვე ოთხგვარი ფერადი სამაჯურები. ნაწარმი მოგვაგონებს დმანისის, თბილისის, რუსთავის, უჯარმისა და სხვა ძველთა თბრისას აღმოჩენილ მინის საგნებს, თუმცა უფრო ერთფეროვანი და მდარეა. მინა მწვანე, შავი და იშვიათად ღვინისფერიც არის. აღმოჩენილია მოკიქული თუ მოუკიქავი თიხის ქურკლის ნატეხებიც, აგრეთვე მსგავსი ზემო-ჩამოთვლილ ნაქალაქართა XI — XIII სს. ფენების თბრისას მოპოვებული სათანადო მასალისა. ასეთი ხნოვანება დაამოწმა და დააზუსტა ხუთმა ვერცხლის ფულმა (1248 — 1316 წწ.).

ნატბეურის მინის საწარმო, XIII საუკუნის დასასრულსა და უფრო კი XIV საუკუნის დასაწყისს მიეკუთვნება, მაშასადამე, ნამდვილ მონგოლობის ხანას. საწარმოს მახლობლად, ხეკორძულაში არის „ნაქალაქარი“, რომელიც შეიძლება მნიშვნელოვანი სამოსახლო და ვაჭრობა-ხელოსნობის მცირე კერა მინც ყოფილიყო, ასე რომ ეგებ მას უკავშირდებოდა აღწერილი სახელოსნოც.

სოფ. კარსანთან აღმოჩენილი ნაშთები წარმოდგენილია მხოლოდ წარმოების გადანაყართ. ეს არის სხვადასხვა ფერის, სქელი თუ ფაქიზი მინის, ჩამოსხმული თუ ნახეხი ქურკლის მრავალი ნატეხი, მინის წვეთები და ჟიჟმატები. სრულიად არა ჩანს სამაჯურები. მინას აქაც თან ახლავს მოკიქული და მოუკიქავი თიხის ქურკლის ნატეხები: კარსნის მინა უფრო მაღალხარისხოვანი და ლამაზი ჩანს, ვიდრე ნატბეურისა. არის ანტიკური იერის ფერადი მინის რამდენიმე ნატეხი, რომელთაც აქ ალბათ გადასაღობად და ხელახლა გამოსაყენებლად უყრიდნენ თავს. კარსნის საწარმო მიეკუთვნება XII — XIII საუკუნეებს.

ქვემო ქართლის სოფელ ორბეთთან აღმოჩენილ სახელოსნოში, ეტყობა, ისეთი მინა უკეთებით, რომელიც ხარისხითა და სილამაზით სჯობდა დღემდე ცნობილი ყველა ქართული საწარმოს მინას. ქურისა ჭერჯერობით მცირე ნაშთი ჩანს, ხოლო ნაწარმი მრავალადაა წარმოდგენილი. მინა არის თეთრი, მწვანე, ყვითელი, წითელი, სხვადასხვანაირი ლურჯი, შავი და ჭრელი. ფერთა ასეთი სიმრავლეც არც ერთ სხვა საწარმოში არა ჩანს. ზოგი ქურკელი მინანქრის საღებავითაც კი არის მოხატული. ქურკელი სხვადასხვა სისქისაა, ზმირად — ძალიან ფაქიზიც. აქაც სასმისები და სანელსაცხებლეები ჭარბობს. გარდა სამაჯურებისა, მრავალადაა კარგი მინის ბეჭდებიც, სამაჯურთა შორის გამოერევა სამკუთხაკვეთიანებიც, რომლებიც სხვებზე უფრო აღრინდელი ჩანან. განსაკუთრებული ყურადღების ღირსია სამი მოზაიკური კენჭი, მწვანე და ცისფერი მქრქალი სმაღტისა. ისინი მოგვაგონებენ გელათის ცნობილი მოზაიკის კენჭებს. ეს არის პირველი არქეოლოგიური მოწმობა ქართული ტაძრების მოზაიკურად შემკობისათვის საჭირო მასალის ჩვენში კეთებისა.

ორბეთის საწარმო წინასწარულად მიეკუთვნება XI საუკუნეს.

ამრიგად, ეს სამი, მეტ-ნაკლებ შესწავლილი, პროვინციული საწარმო წარმოგიდგენს საქართველოში მინის კეთების ისტორიის სამ საფეხურს, შუაფეხოდალური ხანის დასაწყისიდან მის მიწურულამდე.

ნასახსლარები. ზემოგანხილულ ნაქალაქარებში არსად აღმოჩენილა დიდი სასახლე და მეტადრე სამეფო დარბაზები. ერთადერთი ადგილი, სადაც შუაფეხოდალური ხანის სასახლე ეგულებოდათ, იყო გეგუთი — ქუთაისის მახლობლად, ველზე. მისი არქეოლოგიური გაწმენდა-შესწავლა ორგზის ჩატარდა და მოთავდა კიდევაც. ეს სასახლე შვირად იხსენიება ქართულ და უცხოურ წყაროებში, როგორც ერთერთი უმნიშვნელოვანესი და უდიდებულესი საქართველოში. იგი აღშენებია მეფე გიორგი III, ციხე-დარბაზი ყოფილა არა მარტო სამყოფელი მეფეთა, არამედ სანადირო სადგომიც. მთელ შენობას 1300 კვ მ ფართობი ჰქონია, ხოლო დასავლეთის, მერმინდელი მინაშენითურთ 1700. შენობის გეგმა თითქმის კვადრატულია. შუაში ყოფილა დიდი (200-ოდე კვ მ) გუმბათიანი დარბაზი. ერთერთ კონქში სამეფო ტახტი მდგარა. კედლებში დატანებული ყოფილა სარკმლები, რომელთა მინის ნატეხებიც აღმოჩნდა თხრის დროს. ერთერთ კუთხის ოთახში ყოფილა აბაზანა, ხოლო მის კედელში — თიხისმილოვანი წყალსადენი. კედლები კარგი კვადრატული აგურითაა ნაწყობი და შიგადაშიგ, წყობის გასამაგრებლად, ხის ძელებია დატანებული. კედლების ქვედა ნაწილი ალბათ მარმარილოთი იქნებოდა შემოსილი, თაღები კი შელესილი და მოხატული ყოფილა. თაღი იმავე კვადრატული აგურითაა ამოყვანილი, ხოლო გარედან სქელ დუღაბში ჩაფლული კრამიტითაა დახურული. კრამიტის ნაწილი მწვანედ მოჭიქულია. საყურადღებოა, რომ მეფის სასახლის მშენებლობაშიც კი ზოგავენ მოჭიქულ კრამიტს.

გუმბათის სიმაღლე 20 მეტრს აღწევდა, ხოლო დიამეტრი — 14 მეტრს, რაც ძალიან დიდია კვადრატულ ფუძეზე დაყრდნობილი გუმბათისათვის. გუმბათის სიდიადეს გააძლიერებდა მისი დიდი საშუქიდან სინათლის უხეად ჩამოდენა.

კედლების ერთადერთ გარეგან სამკაულს ფერადი მოჭიქული კრამიტია შეადგენდა, ჩუქურთმა არსადა ჩანს.

გაცილებით უფრო მცირე, მარტივი და სულ სხვაგვარად ნაგები გამოდგანა დარბაზების სასახლე (თეთრი წყაროს რ.), ვახუშტი მას „თამარ მეფის ნასახსლეს“ უწოდებს. გამოირკვეა, რომ მართლაც შუაფეხოდალური ხანის სასახლის ნაგებობასთან უნდა გვეკონდეს საქმე. თუკი სასახლე ნამდვილად სამეფოც ყოფილა, იგი დროებითი საზაფხულო სამყოფელი იქნებოდა და ამიტომ არცაა მაინცადამაინც დიდებული.

ნადარბაზების სასახლის ნაგებობანი გარშემორტყმული ყოფილან. კვის მაღალი გალავნით, რომელსაც სამი კიშკარი ჰქონია. ამრიგად მოზღუდულ, ოვალური მოყვანილობის, თითქმის ვაკე ეზოს 16 000 კვ მ ფართობი უჭირავს დაახლოებით შუა ეზოში დგას მთავარი შენობა, რომელსაც სწორკუთხოვანი მოყვანილობა აქვს. იგი შედგება ორი არათანაბარი დარბაზისაგან: წინა; მთავარი გაცილებით უფრო გრძელიცაა და ფართოც (11×15=165 კვ მ); უკანა მასთან კარით შეერთებული, თითქოს მიშენებულიაო, უფრო ვიწროცაა და მოკლეც (5×6=30 კვ მ). მთავარ დარბაზს სამი გარეთ გამომაეალი და ერთიც

უკანა სენაკში გამავალი კარი აქვს. მეორე შენობა მთავარის დასავლეთით, მისგან 25 მ მანძილზე დგას. იგი მოგარძო სწორკუთხოვანია, დაუყოფელი (4×11=44 კვ მ). კარი მხოლოდ ერთი ჰქონია. მესამე „შენობა“, ჩანს აუზი იყო, სანახევროდ მიწაში ჩადგმული; მასთან თავდება ეზოში შემოყვანილი კერამიკული წყალსადენი.

პირველი ორი ნაგებობა აშენებულია ქვითკირით და შემოსილია საკმაოდ დამუშავებული, მაგრამ ხშირად უსწორმასწორო ლოდებით; კარ-სარკმელთა საპირეები ნახევარწრიული მთლიანი ქვებია. საშენ მასალად ყველგან ანდენიტ-ბაზალტის ლოდებია გამოყენებული. საერთოდ ამ კუთხეში მასალის მხრივ დიდკაციური და გლახური ნაგებობანი სრულიად არ განირჩევიან ერთი-მეორისაგან, ოღონდ მდიდრულ შენობებში გვაქვს ქვითკირი და ტლანქად ალილი ქვებისაგან შედგენილი პერანგი, სოფლურში კი — მშრალი წყობა და დაუმუშავებელი ლოდები. ძალზე მაგარ ქვა-მასალას უნდა მიეწერებოდეს ისიც, რომ სასახლე სრულიად არაა ჩუქურთმით შემკული.

იატაკის დონეზე აღმოჩენილი ოთხი, სიმეტრიულად განლაგებული ქვის ბალიშის მიხედვით საფიქრებელია, რომ სახურავი ოთხ მძლავრ სვეტზე ყოფილა დანდობილი.

მთავარ შენობას ექვსი ვიწრო, შიგნითკენ გაფართოებული („ეკლესიური“) სარკმელი აქვს.

შენობები დაბურული ყოფილა მშვენივრად გამოშვარი, გვერდებშეკეცილი ბრტყელი კრამიტით. და, მაშასადამე, სახურავი ქანობიანი იქნებოდა. ბევრ მათგანს ამშვენებს სამფურცლოვანი ყვავილის რელიეფური გაოსახულება, რომელიც, როგორც ვიცით, აგრეთვე დამახასიათებელია მშენებლობისათვის XI — XIII სს. საქართველოში.

ნადარბაზევის სასახლის ნაგებობათა აღნიშნულ ხნოვანებას ადასტურებს მოქიქული თიხის კურკელი, ნაირფერადი მინის სამაჯურთა ნამტკრევი და ლაშა გიორგის სპილენძის ფული. ეს ნივთიერი ნაშთები ალბათ სასახლის მომსახურე გლეხობას მიეკუთვნება და არა მასში დროდადრო მობინადრე დიდკაცობას, რომელიც, რა თქმა უნდა, ძვირფასი ლითონისა და ფიანისის კურკელსა და ოქრო-ვერცხლის სამკაულს ხმარობდა ხოლმე.

მონასტრები და აკადემიები. ფეოდალურ საქართველოში სამონასტრო ცხოვრებისა და დიდრონი მონასტრების მნიშვნელობა კარგადაა ცნობილი. მონასტრის ნაგებობანი ყოველთვის წარმოადგენენ კულტურის მნიშვნელოვან ძეგლებს.

საქართველოს მრავალრიცხოვან მამონასტრევეთაგან არქეოლოგიურად შესწავლილია ჯერ მხოლოდ ერთი, გუდარჩხისა, რომელიც მდებარეობს ქვემო ქართლში (ალგეთის ხეობა). იგი აგებულია XIII საუკუნეში, რუსუდან მეფის დროს. საერთოდ ქვემო ქართლში სამეფო სახლს მრავლად ჰქონდა უშუალო საკუთრება და თამარის მემკვიდრეები იქ გაცხოველებით აშენებდნენ ეკლესია-მონასტრებს.

გუდარჩხის ძეგლები ორად ჯგუფდება: ა) ზღუდის შიგნით, საკმაოდ მაღალ, ხევისპირა კლდოვან გორაკზე განლაგებული მონასტერი და მასთან დაკავშირებული ნაგებობანი; ბ) ზღუდის გარეთ მდებარე მცირე ნასოფლარი (მეტწი-

ლად ერთსენაკიანი სახლები, ნატეხი ქვითა და კირით ამოყვანილი კედლები, თლილი ქვის კარები) და ერთიე პატარა, კოხტა, ჩუქურთმიანი ეკლესია. გუდარების ყველაზე უფრო შესანიშნავ ნაგებობად გამოხრელები მონასტრის გალავანს მიიჩნევენ (პერიმეტრი — 400 მ, სიმაღლე — 4 მ). მას ორი („დიდნი“ და „ცოტანი“) კარი ჰქონია, იგი გარედან დიდრონი თლილი ქვის პერანგით ყოფილა შემოსილი და შემაგრებული ყოფილა ბურჯებით. მთავარი კიშკრიდან გზა სამრეკლოს ქვეშ გავლით შედიოდა ეზოში, ასე რომ სამრეკლო საზეიმო კიშკარსაც წარმოადგენდა.

გამოვლენილ იქნა ნანგრევი რამდენიმე ნაგებობისა, რომელთა რაობა ზოგჯერ პირობით არის დადგენილი, მაგრამ რომელთაც გაამდიდრეს ჩვენი წარმოდგენა კარგად მოწყობილ დიდი მონასტრის ნაგებობათა შესახებ. ეს ნაგებობანი არიან: ქვისბაგებიანი საჩინბო; „პილასტრებიანი შენობა“; მარანი და სარკმლებით ტაძრისაკენ მიქცეული სასახლე, რომელსაც საკუთარი მარანი ჰქონია; „ჩუქურთმიანი ნაგებობა“; „ჯვრიანი ნაგებობა“; სამი ცალკეული სენაკი (არა საკულტო) და სხვ. ამრიგად მონასტრის ზღუდის შიგნით საკმაოდ ზევრია არასაკულტო დანიშნულების, მაგრამ კარგად ნაგები და მოჩუქურთმებული შენობაც. ეს იმას უნდა მოასწავებდეს, რომ აქ უცხოვრია ადამიანთა მრავალრიცხოვან ჯგუფს, რომელიც წმინდა სამონასტრო მოღვაწეობასთან ერთად, არც საერისკაცო კეთილმოწყობილობას იკლებდა. ისიც უნდა გავითვალისწინოთ, რომ მონასტერს დროდადრო ეწვეოდა ხოლმე მისი ამშენებელი მეფე, მხლებელი დიდკაცობითურთ. კეთილმოწყობილობის თვალსაზრისით უნდა აღინიშნოს ხევის ფლატის თავზე გამოვლინებული ორი მცირე ნაშთის სანახევროდ კლდეში ამოჭრილი „აბაზანა“ და, იქვე ახლოს, ქვისაგან გამოჭრილი, თითქოს ხეზე გადამდგარი „საპირფარეშოს“ ძირი.

სასახლისაგან შემორჩენილია მხოლოდ ერთი კედელი, ორი სარტულის სიმაღლეზე (8 მ). იგი ისეთივე თლილი ქვით ყოფილა შემოსილი, როგორც ტაძარი, რომელიც მოზრდილ ერთნავიან ბაზილიკას წარმოადგენს და თითქმის მთლადაა შემონახული. ყველა სხვა ნაგებობა მის ირგვლივაა დაჯგუფებული.

საკმაოდ მრავალრიცხოვანი მონეტების მიხედვით მკაფიოდ გამოიყოფა ორი კულტურული ფენა, რომელთაგან უძველესი ზედ კლდეზეა განლაგებული და თარიღდება შემდეგი მონეტების მიხედვით: გიორგი მესამისა, თამარისა, ლაწასი და რუსუდანისა (1227 წლის). ზედა ფენა კი XVII საუკუნეზე აღინდელი არ უნდა იყოს.

კერამიკა ცოტაა, მაგრამ მაინც საყურადღებო მასალას წარმოადგენს. ქვედა ფენაში მრავალადა მოუქიქავი და მოქიქული ქურქელიც და სამშენებლო კერამიკაც (აგური, კრამიტი, ფილები, მილები). კრამიტი არის მოქიქულიც (მწვანე, სოსანი მოყავისფრო) და მოუქიქავი, ჯვრიანიც. არა გვაქვს „ყვავილიანი“ კრამიტი. მილები ყველგან თონეებთან ერთად იყო აღმოჩენილი, ასე რომ თონეები აქაც „საქარისანი“ თუ „სასულიანი“ ყოფილა. საოჯახო ქურქელში, სხვა ადგილებთან (დმანისი, თბილისი, უჯარმა, იყალთო) შედარებით, უფრო მდიდრულად და საინტერესოდაა წარმოდგენილი ძალზე თხელი, ფერმკრთალი თიხის მოხდენილი ხელალები. მრავალადა ნატეხები ფაიანსისა, რო-

მელიც ირანული ჩანს. ყურადღებას იქცევს ათიოდე კერამიკული ნახევარ-ფაბრიკატი — ანგობიანი, მონატული, მაგრამ მოუქიქავი ქამები, აგრეთვე კერამიკული ქურის სოლი და კიქურიანი კვარცის ნატეხები. ასე რომ პირობით შესაძლო ხდება გუდარების მონასტერთან კერამიკული სახელოსნოს არსებობის წარმოდგენაც. საერთოდ კი უნდა ითქვას, რომ აქაური კერამიკა ძალიანა ჰგავს დმანის-რუსთავე-თბილისისას.

გელათის სახელგანთქმული მონასტერი (ქუთაისის რ.) დავით აღმაშენებლის მიერ არის დაარსებული, მაგრამ იქ შემდგომაც ბევრი რამ აშენებულა. არქეოლოგიური თხრა საქირო შეიქნა მხოლოდ ერთი ნაგებობის ნანგრევის შესასწავლად, დანარჩენი კი დღემდე მთელია. ის ერთი ნაგებობა არის აკადემია, რომელიც აგებული უნდა იყოს მონასტრის დაარსებისთანავე, XI საუკუნის პირველ მეხუთედში.

აკადემიად მიჩნეული დარბაზი სამონასტრო ნაგებობათა განაპირას მდებარეობს. შესავალში აქვს მოხდენილი ოთხსვეტიანი, კამარებიანი სტოა, რომელიც მხატვრული ოსტატობით არის დამშვენებული ჩუქურთმოვანი ჯვრითა და ლომის გამოსახულებით. ამ დარბაზის დიდი, მთავარი სენაკის (დანარჩენები აღარ შემორჩენილა) კედლების გასწვრივ ჩამოყოლებულია ქვის მთლიანი და განიერი მერხები, ხოლო ერთი კედლის შუაში — მარმარილოს საჯდომი. დარბაზის სიგრძე 25 მეტრს აღემატება, სიგანე — 10 მეტრს; კედლების შემორჩენილი სიმაღლე უდრის 10 მეტრს, მერხების სიმაღლე — 50—55 სმ. კედლებში დატანებულია 7 მოზრდილი, სიმეტრიულად განლაგებული თახჩა. სახურავისა არა შემორჩენილა რა, მაგრამ კედლების მოყვანილობის მიხედვით იგი ორფერდა ყოფილა. ეს ყოველივე გათხრამდეც ჩანდა. გათხრა-გაწმენდისას კი გამოირკვა შემდეგი: დარბაზის იატაკზე დუღაბი ყოფილა მოსხმული; გვიან შუა საუკუნეთა „მეფის საჯდომი“ თავდაპირველად აკადემიის მოძღვართა „კათედრა“ უნდა ჰყოფილიყო, ხოლო მერხები — მსმენელთა საჯდომი; თახჩები — სამეცადინო ხელსაწყო-იარაღისა და ნაწერების შესანახად იქნებოდა განკუთვნილი; დიდ დარბაზს გარდა ყოფილა რამდენიმე სხვა სენაკიც; გამოჩნდა რაღაც დიდი შენობის ფასადი და მალალთალიანი შესავალი (7,5×4,8 მ) და ა. შ.

გელათის ვალაქანში მიკვლეული კიდეც ერთი, აგრეთვე საერო დანიშნულების შენობა მიჩნეულია საავადმყოფოდ ანუ ქსენონად (რომლის აშენებას, აკადემიასთან ერთად, აღნიშნავს დავით აღმაშენებლის ისტორიკოსი). ამასთან დაკავშირებით გამოთქმულია აზრი, რომ აკადემიაში შედიცინაც ისწავლებოდა.

ამრიგად, უეჭველი უნდა იყოს აღწერილი ნაგებობის აკადემიად მიჩნევა. მაშასადამე, ჩვენ ხელთაა შუათფეოდალური ხანის საქართველოს უმაღლესა სასწავლებლის კონკრეტული, ნივთიერი ნაშთები, რომელთა მიხედვითაც ვეცნობით ამ შენობის აღნაგობასა და არქიტექტურულ იერს. ვინაიდან აკადემიის ნაგებობა გვიანფეოდალურ ხანაში მრავალჯგის ყოფილა გამოყენებული იმერეთის მეფეთა მიერ (პურისსაქმელ დარბაზად და სხვ.), იქ თხრისას არ აღმოჩენილა შუათფეოდალური დროის არქეოლოგიური მასალა.

იყალბოში (თელავის რ.) ნავარაუდები აკადემიის ნაგებობა გაცილებით უფრო დანგრეულია. მისი ნაშთების წმენდისას მრავლად აღმოჩნდა XI—XIII საუკუნეთა ქართული ნამოსახლარებისათვის ესოტენ დამახასიათებელი მოქიქტულ კერამიკის ნამტერები, რაც აადვილებს ნაგებობის დათარიღებას.

სახიზრად ამოწმებული გამოქვაბულები. ძნელმისავალი გამოქვაბულები საქართველოში მრავლად და მათ ყველა დროში იყენებდნენ. ფეოდალურ ხანაშიც მიუძღვრათ მათთვის, საშიშროებისას ქონების დასამალავად თუ ხალხის სახიზრად. ზოგი მათგანი ლეგენდარულ ძეგლადაა ქცეული და წერილობით წყაროებშიც იხსენიება. ბუნებრივია, რომ მათი შესწავლა მთამსვლელებისა და არქეოლოგების მკიდრო თანამშრომლობით წარმოებს.

ასეთი შესწავლის პირველ ობიექტად იქცა ხვამლის გამოქვაბულები, რომლებიც მდებარეობენ იმერეთ-ლეჩხუმის საზღვარს ახლოს აზიდულ კირქვის უზარმაზარ შვეულ კლდეში და კარსტული წარმოშობისა არიან. ეამთაღმწერლის ცნობით, მონგოლთა მძიმე ბატონობის ხანაში იქ შეუნახავთ სახელმწიფო საგანძური, ხოლო საქართველოს ორად გაყოფის შემდეგ დავით ნარინსა და დავით ულუს იმ საგანძურის ნაწილი გამოუღდათ, ორად გაუყვიათ და მტრე წილი კი შიგ დაუტოვებიათ. ვახუშტი წერს: „ხომლის კლდეში არს ქვაბი გამოკვეთილი, მტრისაგან შეუქალი, მეფეთა საგანძურთ სადები“.

მთავარი გამოქვაბული წინიდან აზლუდული ყოფილა ქვითკირის მკვიდრი კედლით, რომელშიც დატანებულია კარი, ჩამდენიმე სარკმელი და აგრეთვე, სხვადასხვა დონეზე, სათვალთვალო კუქრუტანები. ამრიგად შექმნილ გამოქვაბულ-კოშკში ორი ან სამი სართული ყოფილა. ბუნებრივი გამოქვაბული გაუფართოვებიათ, მაგრამ მაინც უსწორმასწორო დაუტოვებიათ, თუმცა შესაძლოა ხის სწორი იატაკი კი ქონდათ გამართული. ამ გამოქვაბულში დღესაც გადმოდის კარსტული წყარო. მთავარ გამოქვაბულს ზემოთ არის მთლად ხელოვნური მცირე გამოქვაბული, რომელიც განსაკუთრებით ძნელმისაწვდომი უნდა ყოფილიყო და რომელშიც ინახებოდა ალბათ საკუთრივ განძი. მთავარ გამოქვაბულს ქვემოთ კლდეში გამოკრილი იყო 35 მ სიგრძის და 3-ოდ მ სიგანის ბაქანი, რომელიც, ალაგ-ალაგ დატოვებული ტინჯებისა და წინიდან ამოყვანილი (ამჟამად თითქმის სულ ჩამონგრეული) ქვითკირის კედლის მეშვეობით, ქმნიდა მრავალსენაკიან ნაგებობას. მისი გასწვრივი კედლის წყობაში, გარდა ნატეხი ქვისა, ბრტყელი „ქართული“ აგურიც მონაწილეობდა და კირიც უხვად იყო ნახმარი. ამ ბაქანზე დაფენილ მიწაში მრავლად აღმოჩნდა თიხის უბრალო საოჯახო კურკლის ნამტერები, რაც მოასწავებს ადამიანის ხანგრძლივ ბინადრობას. ერთერთი სენაკის კლდოვან კედელზე წითელი საღებავით დახატულია პრიმიტიული, მაგრამ საინტერესო სურათი: მშვილდოსანი მხენდრების ნადირობა. დგი ბალიან მოგვაგონებს სევანური „ლიფანალის“ (მიცვალებულთა კულტურან დაკავშირებულ) მხატვრობას. საესებით შესაძლოა, რომ ხვამლის საგანძურის ბევრ მცისოვნებებდ ქართველ მეფეებს სწორედ ერთგული, გამბედავი და კლდეებზე ცოცვაში გამოცდილი სენების რაზმი ჰყოლოდათ. აღნიშნულ ნახატზე მშვილდოსნების გამოსახვა იმას უნდა მოასწავებდეს, რომ ნახატი თოფის შემოდების ხანამდეა გაკეთებული. ეს კი გვაფიქრებინებს, რომ ხვამლის ბუნებრივ გამოქვაბულთა განაშენიანება, იქ სახელმწიფო საგანძურის მოწყობის

მიზნით, მართლაც შუაფეოდალურ ხანაში უნდა ვიგულისხმოთ — კერძოდ, ალბათ XIII საუკუნეში, მას შემდეგ, რაც სახელმწიფოს მუდმივი შიშინაობა დაუდგა ჯერ ჯალალედინისა და შემდეგ მონგოლთა შემოსევა-თარეშის გამო. როგორც ცნობილია, რუსუდან მეფე მტრებს განერიდა, დასავლეთ საქართველოში გადავიდა, ქუთაისში იჯდა და ერთხანს სვანეთშიც კი ჩაიკეტა. ქუთაისის მახლობლად, ხვამლის მიუვალ კლდეში მოწყობილი საცავე (გამოქვაბულებში მხოლოდ კლდის თხემიდან, თოკებითა თუ ჭაჭვებით შექცელობდათ ჩასვლა) მართლაც სავსებით საიმედო იქნებოდა და მას სულ ორი-სამი ათეული მეომარიც კი მარჯვედ დაიკავდა. სწორედ ამდენი კაცისათვისაა გამართული კლდეში სადგომები, ხოლო სარჩოს ალბათ დროდადრო თოკებით აწვდიდნენ. არც უნდა იყოს გასაკვირი, თუ ხვამლში ამრიგად შენახულ-დაცულმა „საპურ-კლემ“ ორი დავითის გამეფების დრომდე უვნებლად მოაღწია (ეს იყო ალბათ ხელუხლებელი მარაგი სახელმწიფო ქონებისა), მათაც „მცირედი“ გამოიღეს და მეტი წილი ისევ შიგ დატოვეს.

საერთოდ, მიუწვდომელ კლდეში გამოქვაბულთა ასე გამაგრება, ამოშენება, სენაკების გამოკრა, შიგ მცველი რაზმის ჩასახლება და ხანგრძლივ შენახვა ისეთი რთული და საპასუხისმგებლო ღონისძიება ჩანს (ეგებ არა ნაკლები, ვიდრე უჩარმის ზედაციხის აღდგენა-შეკეთება), როგორც შეიძლება აიხსნას მხოლოდ ცენტრალური ხელისუფლების წინაშე დამდგარი მწვავე საჭიროებითა და სათანადო შესაძლებლობით.

ამრიგად, საქმე გვაქვს სახელმწიფო საპურკლის ორგვარ საცავეებთან: ერთია უჩარმის, ადვილმისავალი გორის თხემზე მდებარე ციხე-დარბაზი, რომლის ზედა ნაწილი საცავედ გადაუკეთებიათ საქართველოს ფეოდალური სახელმწიფოს უდიდესი ძლიერებისა და თავმოიმედობის ხანაში, როცა განძეულის მიჩქმალვა არც დასპირდებოდათ; მეორეა ხვამლის ძალზე ძნელმისავალი და სამაგიეროდ ადვილად დასაცავი გამოქვაბულები, რომელთა საამისოდ გამოყენება საჭირო გამზდარა სახელმწიფოს სიძლიერის პირველი სერიოზული შერყევების ხანაში, რასაც ხანგრძლივი და სულ უფრო დამძიმებული ძნელებდობის საუკუნეები მოჰყვა შემდგომ.

ამგვარივე და არა ნაკლებ საყურადღებო ძეგლია ქართველ მთამსვლელთა მიერ შესწავლილი ლეგენდარული ბეთლემის გამოქვაბული. იგი მდებარეობს მყინვარწყვერზე, ზღვის დონიდან 4100 მეტრ სიმაღლეზე, ყინულთა შორის აღმართულ 400 მეტრიან კლდეში, ამ უკანასკნელის ძირიდან 300 მეტრზე. გამოქვაბულს აქვს რკინით შექცედილი ხის კარი, საიდანაც გადმოკიდებულია 5,5 მ სიგრძის რკინის ჭაჭვი, ურომლისოდაც გამოქვაბულში ასვლა შეუძლებელია. გამოქვაბულის შიდა გარემომოწერილობა სულ 13 მეტრს უდრის, იატაკად შავი ფიქალი აქვს დაგებული, კედლებში კი ჩამოსაჯდომებია გამოკვეთილი. ერთერთ კედელთან დგას ტრაპეზი — ჭვარგამოკვეთილი ქვა. ამრიგად აშკარაა, რომ გამოქვაბული უმთავრესად საეკლესიო-სამონასტრო დანიშნულებისათვის ყოფილა განკუთვნილი, მაგრამ საჭიროებისას იქ შეიძლებოდა განძეულიც შეენახათ: მით უმეტეს, რომ იქვე, მყინვარწყვერის დაბლა კალთაზე მდგარი სამების ტაძარი, ვახუშტის თქმით, „სვეტიცხოველის სამკაულის სახიზარი“ ყოფილა, ხოლო სამებიდან გაპირებისას ბეთლემში აიტანდნენ ამ გახიზნულ ქონებას.

იოანე ბატონიშვილი „კალმასობაში“ წერს, რომ „ბერი იოანე ნებიტა ღეთისათა აღვიდა მყინვარწვერზე, სადაც არ ასულა ჯერეთ ადამიანი, და იხილა მუნ მამა აბრამის კარავი, მოკვეთა ნაჭერი იმა კარავსა, ჩამოიტანა და მიართვა მეფე ერეკლესა“. მთამსვლელთა ექსპედიციას გამოქვაბულში დახვდა, გარდა ქსოვილის ნაჭრისა, რამდენიმე საყურადღებო საგანი და მათ შორის: ვერცხლით შექედილი ღროშისთავი, რომელზედაც წმინდანებია გამოხატული (IX — XIII სს.) და შანდლის ძირი (VII — VIII სს.). ამიტომ არაფერი აღუდგება წინ იმ აზრს, რომ ბეთლემის გამოქვაბულიც იმავე ხანაში გამხდარიყო „სამკაულთა სახიზრად“, როდესაც ხვამლი.

ამ ბოლო დროს მთამსვლელთა და მეცნიერთა ერთობლივმა ექსპედიციამ შეისწავლა ქარელის რაიონის სოფელ თ რ ე ხ ვ ი ს გამოქვაბულები. გამოიჩვენა, რომ, ხვამლივით, აქაც ბუნებრივი, მაგრამ ხელოვნურად გაფართოებულ-გადაკეთებული და ქვითკირით აზღუდული გამოქვაბულებია, რომელნიც სახიზარებად ყოფილან გამოყენებული. არის VIII — IX საუკუნეთათვის მისაკუთვნებელი, ბერთა სადგომი გამოქვაბულებიც, მაგრამ განსაკუთრებით საინტერესოა ისინი, რომლებიც, ვარძიის გამოქვაბულების მსგავსი მოწყობილობის მიხედვით, XI საუკუნეს მიეკუთვნება. აქ არის ქვითკირის წყალსაცავები, ქვევრები, ხელსაფქვაკვი და სხვ. სწორედ ერთ ასეთ გამოქვაბულში იჩინა თავი ქართული ეპიგრაფიკის ერთერთმა შესანიშნავმა ძეგლმა, ფილაქვამ, რომელზედაც რუისის ეპისკოპოსს, ლეონტი მროველს ამოუჭრია წარწერა (ტაბ. XXXVI, 5). ეს უკანასკნელი გვამცნობს, რომ სახიზარი გამოქვაბულები აუშენებიათ 1066 წელს, თურქ-სელჯუკების მიერ საქართველოს აოხრებისას, რუისის ტაძრის ბერ-მონაზონთა თავშესაფარად. ეს წარწერა დიდი აღმონაჩენია: გარდა თვით მშენებლობის მიზნისა და ხელმძღვანელის ვინაობისა, იგი გვამცნობს, რომ საბოლოოდ გადაჭრილია მეცნიერული დავა იმის შესახებ, თუ როდის ცხოვრობდა და წერდა თავის თხზულებას ფეოდალური საქართველოს ერთი უთვალსაჩინოესი ისტორიკოსი ლეონტი მროველი. დამტკიცდა იმ მკვლევართა აზრი, რომელნიც მას XI საუკუნის მოღვაწედ მიიჩნევდნენ.

დასაბრუნებლად, არ შეიძლება არ აღინიშნოს ვ ა რ ძ ი ს სახელგანთქმული გამოქვაბული ქალაქი, რომელიც სწორედ შუაფეოდალურ ხანას ეკუთვნის და ჯეროვნად არის აღწერილ-დახასიათებული ვრცელ მეცნიერულ მეგზურებში.

ჰიდროტექნიკური ნაგებობანი. ამ ჯგუფში ყველაზე უფრო მნიშვნელოვანი და ბეჭითად შესწავლილი ძეგლია ს ხ ა ლ ტ ბ ა-მ-ი-ო-მ-ღ-ვ-ი-მ-ი-ს-წყ-ა-ლ-ს-ა-ღ-ე-ნ-ი (მცხეთის რ.). სათანადო სიგელის მიხედვით კარგად იყო ცნობილი, რომ სარკინეთის ქედის სამხრეთ, უწყლო კალთაზე მდებარე შიომღვიმის ხალხმრავალი მამათა მონასტერი „ურწყულობის ქირსა და იწროებას“ განიცილიდა და ამიტომ XIII საუკუნის დამდეგს, თამარის გვიგნობართუხუცესის ანტონ ჭყონდიდელის თაოსნობითა და სახსრით გაუყვანიათ იქ წყალსადენი, ქედს გადაღმა, ტყიან-წყაროიან ადგილას მდებარე სოფელ სხალტბიდან 2 კილომეტრ მანძილზე. სიგელისავე ცნობით, წინასწარ გულმოდგინედ გამოუკვლევიათ გეოლოგიური პირობები და მოუწახავეთ ახალი წყარო, რომ თვით სხალტბისათვის არ მოეკლოთ წყალი. ექსპედიციამ წყალსადენის სამი წყარო აღმოაჩინა. შიომღვიმეში წყლის გამოსაყვანად დასჭირებულია მთის გახვრეტა და მარჯვედაც დაუ-

ძლევით ეს ამოცანა (თხრილები, ძელებით გამაგრებული გვირაბები საამისოდ შერჩეულ რბილ ქანებში). თხრისას ამ გვირაბში ნაპოვნია მეწყალსადენთა მიერ ნახმარი რკინის ნიჰბის ნაშთები, აგურისა და კრამიტის ნატეხები, მოკიქული თუ მოუქიქავი თიხის კურკლის ნატეხები (XI — XIII საუკუნეთათვის დამახასიათებელი) და მათ შორის — მოკიქული თიხის ქრაქი (დმანის-თბილის-რუსთავში მრავლად აღმოჩენილთა მსგავსი), რომლითაც ალბათ გვირაბს იშუქებდნენ მუშაობისას. თვით წყალსადენის მილები კარგადაა გამოშფავარი, დამუხლულია, ერთიმეორეზე უდუღაბოდ წამოცმული, მაგრამ თიხით ამოლესილი. მისახვევ-მოსახვევებში გამოყენებულია მოლუნული „მკლავები“. მილსადენს ალაგ-ალაგ დატანებული აქვს სათვალთვალო „თანგირები“.

ამ ჰიდროტექნიკური ნაგებობის ყოველმხრივ მაღალი ხარისხი უეჭველია და ამდენად იგი იმ ხანის ქართული ნივთიერი კულტურისა და საინჟინრო ხელოვნების ერთერთი მკვერმეტყველი მოწმობაა. სიგელის მიხედვით, წყალსადენი 3 წელწინადაც (1199 — 1202 წწ.) უშენებიათ და ორ კომლ გლესხ დაკისრებია „სამსახური მის წყაროსი“, ისე რომ თითო სახლიდან თითო შვილი „ქუქიანკად“ უნდა განსწავლულიყო და მათ უნდა „ეკახმათ“ ხოლმე წყარო. დიდი ქვეყნის ერთერთი ცენტრალური მონასტრის წყლით მომარაგებაზე ზრუნვის გარდა, ამ გადაწყვეტილებაში ჩანს საერთოდ გონიერული დაყენება უკვე განხორციელებული ჰიდროტექნიკური ნაგებობის მოვლა-პატრონობის საქმისა.

გამოირკვა, რომ სხალტბა-შიომღვიმის მილსადენში წყალს დაწნევით არ უმოძრავია, მხოლოდ კვეთი ყოფილა სრულიად სავსე. მისი გამტარუნარიანობა წამში 2,82 ლიტრს უდრიდა, ხოლო დღეღამეში 243 000 ლიტრს; იმავე დროს გამართული სხალტბის სასოფლო წყალსადენისა კი შესაბამისად — 1 და 86400 ლიტრს.

სხალტბა-შიომღვიმის წყალსადენის შესწავლასთან დაკავშირებით აღნუსხულია იმგვარივე და ტექნიკურად ისევე მარჯვედ გამართული ნაგებობანი: ნიჰბისში, ოქროყანაში, ვეძისში, ველისციხეში, დმანისისა და გეგუთის ციხე-დარბაზთა აბანოებში და სხვაგან, რომელთა ნაწილიც სხალტბის წყალსადენის თანადროულია. ამათ რიცხვს უნდა დაემატოს თბილისის კერამიკულ სახელოსნოსთან დაკავშირებული წყალსადენის ნაშთიც.

სხვაგვარი გამოდგა იმავდროული სასახლის, ნაღარბაზევის წყალსადენი. იგი შემოდირდა სასახლის გალავანს ქვეშ, 15-ოდე მეტრით წინ გაუვლიდა სასახლეს და ერთვოდა ქართული აგურით ამოშენებულ აუზს. გაკვლეულ იქნა, რომ წყალსადენის სათავე მდებარეობს ნაღარბაზევიდან 6-ოდე კმ მანძილზე, მთაში. წყალსადენი გამოივლის მცირე ჭაობიან დაბლობს და შემდეგ ამოდის დაეკებულ მდლობზე, რომელზედაც სასახლე მდებარეობს. ამიტომ მასში წყალს წნევით უნდა ედინა: სათავე 60 — 70 მეტრით უტყრო მაღლა ძეგს, ვიდრე სასახლე. ამის გამო თავისებურია მილსადენიც: მისი კვეთი მთელ სიგრძეზე თანდათან მცირდება; იგი შედგენილია ცალკეული კერამიკული მილებისაგან, რომლებიც ერთიმეორის მილძაბრებში შედიან. ქანთა კლდოვნების გამო მილები შედარებით ზერეულ (0,5 — 0,9 მ) არიან ჩაყრილი. გალავანამდე მილსადენი სწორხაზობრივ მოემართება, ხოლო შემდეგ შეგუებულია კლდის ნაპრაღის მოყვანილობასთან და მიმოკლაკნილია. მილები მშენიერადაა გა-

მომწვარი, წვრილია და ძალზე სქელი, ისე რომ წყლის სადენად 2—2,5 სმ-ღა რჩება ისედაც მცირე დიამეტრიდან. ეს გააადვილებდა წყლის აღმა დენას, რადგან წნევას მოუმატებდა მას. მეორე მხრივ, სქელი კედლები უკეთესად გაუძლებდა ძლიერ წნევას. ამით ეს წყალსადენი არსებითად გამოირჩევა სხალტბა-შიომღვიმისა და სხვა მსგავსი წყალსადენებისაგან, რომელთაც მხოლოდ ბუნებრივი დაქანებით მომდინარე წყალი მოჰყავდათ და დაწნევა არ სჭირდებოდათ. მათგანვე განსხვავებით, აქ ვერც იხმარდნენ და არც უხმარიით თანგიერები, ხოლო მკლავები კი ხშირადაა. მილსადენი ჩადებულია ვიწრო, ფილაკვებით შემოღობილ-გადახურულ ღარში, რომელსაც ძირზე დულაბი უფენია. იქ, სადაც ნიადაგი რბილია, მილსადენი ღარისებრი კრამიტით გადაფარული და დულაბით გარშემოლესილია.

ნადარბაზევის წყალსადენი — თავისებური პირობების შესაბამისად, თავისებური ტიპისა და ასეთივე ტექნიკით აგებული — კიდევ ერთხელ გვიმტკიცებს, შიომღვიმის, დმანისის, თბილისისა და გეგუთის თანადროულ წყალსადენებთან ერთად, ნიეთიერი კულტურის, საინჟინრო ხელოვნების სათანადო დარგის მაღალ დონეს. ამასთანავე არც ის უნდა დავივიწყოთ, რომ ეს რთული ღონისძიება განხორციელებულია მხოლოდ საზაფხულო სასახლის წყლით მოსამარაგებლად.

უნდა გავიხსენოთ კიდევ ერთი შესანიშნავი ნიმუში იმდროინდელი წყალსადენთომშენებლობისა — ვ ა რ ძ ი ხ გამოკვებაულთა წყაროს წყალსადენი, რომლის სათავეც ვიწრო ხევშია, ზედა ვარძიის ნასოფლართან, გამოკვებაულიდან 6 კმ მანძილზე. მილსადენი თითქმის მთელ სიგრძეზე მიუყვება კლდეში გაჭრილ გვირაბს, ე. ი. მტრისათვის უჩინარი იქნებოდა. გვირაბის ძირას, ორ, ოდნავ სხუდასხვა დონეზე, დაგებულია სხუდასხვა დიამეტრის მქონე კერამიკული მილები. გვირაბი საკმაოდ ფართოა, რათა წყალსადენის მოვლა ძნელი არ ყოფილიყო. წყალსადენის მომსახურეთათვის საგანგებოდ გამოყოფილი ყოფილა გამოკვებაულთა ჯგუფი („დასაყუდებელა“). წყალს თავისით უდენია.

ს ა რ წ ყ ა ე ი ა რ ხ ე ბ ი დ ა ნ მეტ-ნაკლები არქეოლოგიური დაკვირვებისა და საინჟინრო-ჰიდროტექნიკური თვალსაზრისით შესწავლის ობიექტებად იქცა ორი: ალაზნისა (რომლის გაყვანასაც თამარ მეფეს მიაწერენ წყაროები) და გრემისა.

ა ლ ა ზ ნ ი ს ა რ ხ ი ს სათავე მრეკლეულ იქნა მდინარის მარჯვენა ნაპირზე, ალავერდის ტაძრის მახლობლად. არხის კვალი ალაგ-ალაგ წაშლილია, მაგრამ მიმართულება მაინც გაიკვლევა: ალავერდი — გულგულა — კონდოლი — ველისციხე — ბაკურციხე — წნორისწყალი — არხილოსკალო (სადაც არხი ისევ ალაზნას ერთვის). არხის სიგრძე 119 კმ უდრის, იგი მორწყავდა უზარმაზარ ფართობს — 53 000 ჰექტარს. ამოდენა არხის ტრასის გამართვა დღესაც კი არაა მარტივი ამოცანა და მოწმობს იმდროინდელი ქართველი მელიორატორების ნამდვილ ოსტატობას. არხის ვარდნა მთელ სიგრძეზე 116 მეტრს უდრიდა, ასე რომ წყალი მასში მდორედ იდენდა და კალაპოტს არ წაღეკავდა. გზადაგზა, ხევებზე გადასაყვანად, რუსხმულეები და სხვა ნაგებობანი იქნებოდა. თან ცდილან რაც შეიძლებოდა მარჯვე ადგილებში გადაეკვეთათ ხეები, რომელთა შფოთიანობა კახეთში საყოველთაოდ ცნობილია. არხის გამტარიანობა სათავეში უდრი-

და 24 კუბ. მეტრს, ე. ი. თითო ჰექტარზე საშუალო ხარჯი იქნებოდა 0,45 ლიტრი წამში. ასეთივე მაჩვენებლები აქვს ალაზნის თანამედროვე არხს.

გრემის არხი გაყვანილი ყოფილა ლაპოტის ხევიდან, ნაფარეულ-ლაფანყურის მიდამოებზე და გრემის მინდვრებზე გავლით. იგი ალაგ-ალაგ წამ-ლილია. სათავესთან 80-ოდე მეტრის სიგრძე ჯებირი ჰქონია, რომ მდინარეს არ წაეღეკა. გზად შეხვედრილ ხეებს გადალახავდა რუსხმულების ან, ეგებ, საგუმბრების მეშვეობით. დაქანებულ ფერდობზე არხისთვის 200-ოდე მეტრის სიგრძე, სამაგრი კედელი ამოუშენებიათ. არხს შეეძლო 4 000 ჰექტარის მორწყვა, მაგრამ მის არეში მოქცეული სარწყავი ფართობი მხოლოდ 2900 ჰექტარს შეადგენს, დანარჩენი წყალი კი მიდიოდა გრემში, სახარჯოდ. არხის გამტარუნარიანობა წამში 1,56 კუბ. მეტრს უდრიდა, ხოლო გვალვაში მას ერთერთი ხევის წყალსაც მიუმატებდნენ. არხის სათავის მეთვალყურეთა ნამოსახლარი და სადარაჯო ციხის ნაშთებიც არის აღრიცხული გონჯახევში.

გრემის არხის ჰიდროტექნიკის დიდ სირთულეს მოწმობს ის გარემოებანი, რომ აქ წყალი ერთი ხეობიდან მეორეშია გადაყვანილი, ე. ი. გზაზე უღელტეხილია გადალახული. არხის ტრასაზე მდებარეობს VII — XIV საუკუნეთა ძეგლები. თვით გრემიც ქალაქად იხსენიება უკვე XII საუკუნეში. ყოველივე ამის გამო არხს მიაკუთვნებენ XII — XIII საუკუნეებს და დასაჯერებლად მიიჩნევენ ხალხურ გადმოცემას იმის შესახებ, თითქოს იგი თამარ მეფის გაყვანილი იყოს.

ასეთია ის სხვადასხვაგვარი ძეგლები, რომლებსაც არქეოლოგიური კვლევებიც მატად თუ ნაკლებად შეხებია და რომელთა მიხედვითაც მრავალი ახალი სიტყვაა უკვე ნათქვამი შუაფეოდალური ხანის საქართველოს კულტურის შესახებ.

1) მიუხედავად იმისა, რომ XI—XIII საუკუნეები ცნობილია როგორც სოციალური ჰილილის ერთერთი ძლიერი გამწვავების ხანა შუა საუკუნეთა საქართველოში და ჩვენი მასალაც ცხადყოფს მძაფრ სოციალურ კონტრასტებს, მოსახლეობა ან ვითიერად შედარებით მოღონიერებულნი იყვნენ. ამის ახსნა ქვეყნის საერთო აღმავლობაში, ძლევამოსილსა და ალაფიანობებში და სახელმწიფო შემოსავლის უჩვეულო ზრდაში უნდა ვეძიოთ.

2) ამასთან მჭიდროდ დაკავშირებული ჩანს და ხალხის კულტუროსნობის საკმარად მაღალ დონეზე მიგვიითობს ის გარემოება, რომ წერა-კითხვის ცოდნა სრულიადაც არაა შემოფარგლული ვიწრო, დაწინაურებულნი წრეებში.

საფლავებზე წარწერიანი ქვების აღმართვის ტრადიცია საეკლესიო ფემოდგმული უნდა იყოს ამ ხანაში (რუსთავი) და, ამდენად, დასაზუსტებელია დმანისის თხრისას შექმნილი შთაბეჭდილება, თითქოს ეს წესი მხოლოდ გვიანფეოდალურ ხანაში ვრცელდებოდეს.

3) ფულის მიმოქცევა ცხოველი და აგრეთვე ხალხში ერთობა გამჭადაკოფილა. ოღონდ, რა თქმა უნდა, უმთავრესად მაინც ქალაქ ადგილებში.

მონეტების დიდი უმეტესობა ქართულია და მათი მომკრეღი მეფეები წარმოდგენილი არიან უწყვეტლივ, დემეტრედან რუსუდამდე, ჩათვლით. უცხო-

ური ფული შედარებით იშვიათად გამოერევა, ხროლო უცხო დამლანაკრავი ქართული — უფრო ხშირად. ესეც ერთი აშკარა მოწმობაა ქვეყნის ნივთიერი აღმავლობისა.

4) ქალაქებში ძლიერ განვითარებული ჩანს ხელოსნური წარმოება. შეგვიძლია ვიმსჯელოთ კერამიკული წარმოების შესახებ (თბილისში, დმანისში, რუსთავში და ეგებ გუდარების მონასტერში), მინის წარმოების შესახებ (იმავე ქალაქებში და თან, სოფელ ადგილებში) და ოქრომკვდლობის შესახებ. ნაწარმის რაგვარობის მიხედვით გადაკრით შეიძლება ითქვას, რომ წარმოება ტექნიკურადაც და მხატვრულადაც მაღალ დონეზე მდგარა. თბილისში გათხრილი საწარმოს ნაშთების შესწავლა ადასტურებს და ძლიერებს ასეთ შეფასებას. იგივე ნაშთები ერთგვარ წარმოდგენას გვიქმნიან ხელოსანთა „ამქრულ“ საქმიანობის შესახებ.

5) საინტერესო სურათს გვიხატავს იმდროინდელი კერამიკული მინის თუ სხვა ნაწარმის გავრცელება საქართველოს სხვადასხვა კუთხეში. არსებითად ყველა ეს მასალა ერთგვაროვანია და მკაფიოდ გამოხატულ კულტურულ მთლიანობას გვანიშნებს. ჩანს, რომ ცალკეულ ფეოდალურ სამთავროთა გავრთიანებას ამოდ არ ჩაუვლია და სულ უფრო და უფრო დაუახლოვებია ერთიმეორესთან საქართველოს სხვადასხვა მხარეები. განსაკუთრებით ითქმის ეს შიდა ქართლის, ქვემო ქართლის, კახეთ-კუხეთისა და ჰერეთის შესახებ. სხვა კუთხეებიდან ჯერ-ჯერობით მასალა ნაკლებ მოგვეპოვება, მაგრამ მით უფრო. საინტერესოა, რომ აღმოსავლურ-ქართულის მსგავს მოკიქულ კერამიკას ვხედავთ, მაგალითად, ზუგდიდშიცა და სოხუმშიც.

ამასთანავე, რასაკვირველია, კერამიკაცა და მინაც მოწმობენ ერთგვარ ურთიერთობას მეზობელ ქვეყნებთან, უპირველეს ყოვლისა, სომხეთთან და აზერბაიჯანთან.

ჩვენში სრულიადაც არა ჩანს ისეთი სურათი მინის სამაჯურთა გავრცელების მხრივ, როგორსაც რუსეთის არქეოლოგები აღნიშნავენ: ისინი მხოლოდ ჩვენი ქალაქელი ქალების სამკაულს კი არ წარმოადგენდნენ, არამედ ადგილობრივ დამზადებული სამაჯურები სოფელ ქალებსაც მრავლად უტარებიათ.

ყურადღებას იქცევს საყოველთაო გავრცელებულობა მოხატულ-მოკიქული ჯამ-კურკლისა და მინის სამაჯურებისა, აგრეთვე სამშენებლო კერამიკის ზოგი სახეობისა („ყვავილოვანი კრამიტი“, მოკიქული შორენკეები, კრამიტი და სხვ.).

„ყვავილოვანი კრამიტის“ ასეთი გავრცელება იმის ნიშნადაც კია მიჩნეული, რომ მისი წარმოება სამეფო მონოპოლიას შეადგენდა. გაცილებით უფრო ფართოდა ჩანს გავრცელებული დიდრონ, საზეიმო ნაგებობათა (ეკლესია-მონასტრების, სასახლეების) გადახურვა ფერადი მოკიქული კრამიტით — ისეთით, როგორიც თბილისის სახელოსნოშიც მზადდებოდა (თბილისის „ლურჯი მონასტერი“, ოშკი, ხახული, გეგუთი და სხვ.), და მოკიქული შორენკეებით შემკობა. ამასთან დაკავშირებით ყურადღებას იქცევს ათონის მონასტრის ალაპი, რომლის მიხედვითაც საეკლესიო ნაგებობის შემკობის ერთერთი აუცილებელი პირობა ყოფილა მისი „გამოკიქვა“.

6) დმანისისა და რუსთავის გათხრამ გარკვეული წარმოდგენა შეგვიქმნა იმდროინდელ ციხე-ქალაქთა საცხოვრებელი უბნების აღნაგობა-რაგვარობის შესახებ. ერთი ციკაბოკალთებიან, ვრცელ ზეგანზე და მის ძირობაზე გაშენებული ქალაქი ყოფილა, მეორე — ვაკეზე, მდინარის პირას, მცირე ბორცვის გარშემო. დმანისში ვიწრო ქუჩები და ერთიმეორეზე მიყრილი შენობებია. ჰყორდულაბითა და უსწორმასწორო ნაგლეჯი ქვით ნაგები (მხოლოდ წარჩინებულთა სახლებს ეტყობა შენების მეტი სიბეჭით და შემკობაზე ზრუნვა); რუსთავში — ნეკლოდ მიჯრილი, რიყის ქვით ნაშენი სახლები, რომელთა საცხოვრებელი და სამეურნეო უჯრედები გაუმჯობესია, მხოლოდ წარჩინებულთა სახლებს აქვთ კრამიტის სახურავი. იქაც და აქაც ყოველ ნაბიჯზეა ქვევრები (ზოგჯერ — მარნები), თონები, მარცვლეულის ორმოები, კერები, ხელსაფქვაეები, დერგები, ქილები, ჯამ-ჭურჭელი, კოკები, ღოჭები, ნასუფრალი ძვლები. რუსთავში ამას ემატება შემონახული ბოსტნეულის თესლი და კვერცხის ნაჭუჭი. ცალკე აღსანიშნავია წისქვილის ქეები რუსთავში და ზეთსახდელი გელაზები დმანისში.

ბევრი რამ გვაფიქრებინებს, რომ ამ ქალაქთა მოსახლეობა ჯერ კიდევ საკმაოდ ფართოდ მისდევს მიწათმოქმედებას, მიუხედავად იმისა, რომ უკვე აშკარად განვითარებულია ხელოსნობა, როგორც სასაქონლო წარმოების ერთერთი არსებითი დარგი.

7) დმანისის მოსახლეობა ეროვნულად და სარწმუნოებრივ კრელი ჩანს. რუსთავში, ჰირიქით, ერთგვაროვანი და ქართულად მოუბარი მოსახლეობა უნდა იყოს.

8) თითქმის ყველა გათხრილი ობიექტი ამოწმებს წერილობითი წყაროების ცნობებს იმის შესახებ, რომ მონგოლთა შემოსევები (ოღონდ არა პირველნი) საქართველოს მოსახლეობისათვის, და განსაკუთრებით კი დიდრონი პუნქტებისათვის, გამანადგურებელი თუ არა, ამაოხრებელი და ამაწიოკებელი მაინც იყო. რუსთავი მართლაც ბერქა ყენის ლაშქრობის მსხვერპლი ჩანს; დმანისიც მონგოლების შემდეგ ძლიერ ქვეითდება; ქვემო ქართლის ბევრი ნასოფლარიც მონგოლების შემდეგ წარმოქმნილა (ასევე ჩანს ლოკინის ნასოფლარი); თბილისის განაპირა უბანი, სადაც კერამიკული საწარმოები ყოფილა, ერთი დაკვრით განადგურებული და გადამწვარი ჩანს და ა. შ.

ამასთანავე ხაზი უნდა გაესვას იმ გარემოებას, რომ ჯალალედინის შემოსევა და ხანმოკლე ბატონობა, აგრეთვე მონგოლთა პირველ, შედარებით მშვიდობიან შემოსევებს არ დაუტოვებიათ აშკარა კვალი არც ნგრევა-განადგურებისა და არც მოსახლეობის ეკონომიური დაქვეითების მხრივ. უკანასკნელი განცხადების საფუძველს ის გვაძლევს, რომ თბილისისა და რუსთავის თხრისას მოპოვებულ განძებში თუ მიმოხეულ მონეტებში საკმაოდ ბევრია ჯალალედინის დამლანაკრავი ფულიცა და პირვანდელი მონგოლური მონეტებიც, რაც იმას მოწმობს, რომ ფულის ტრიალისა და დაგროვების შესაძლებლობა ძალიან არ შემცირებულა. უნდა გავიხსენოთ აგრეთვე ნატბეურის მინის საწარმო, რომელსაც XIV საუკუნის დამდეგს ჯერ კიდევ უშუშავნია.

რუსთავში, გარდა ლაბოლოო და თითქმის გამოუსწორებელი განადგურებისა, შეიძინევა რამდენიმე აღრინდელი, X — XI სს. დროინდელი ნგრევისა და ხელ-

ახლა აშენების ნიშნებიც (ნაგებობათა ფენები), რაც, შესაძლოა, თურქობის დროინდელი საომარი მოქმედების ანარეკლი იყოს.

9) თითო-ორიოლა სასახლის ნანგრევი (გეგუთი, ნადარბაზევი) გვამცნობს, რომ ფეოდალური საზოგადოების ზედა ფენას, როგორც მოსალოდნელიც იყო, შესძლებია და კიდევაც უშენებია მეტ-ნაკლებ დიდებული საზეიმო-საცხოვრებელი ნაგებობანი, რომლებიც ყოველმხრივ კონტრასტს ქმნიან სოფლურ საცხოვრებელ ნაგებობებთან. წარჩინებულთა სასახლეები, გარდა აუცილებელი დამხმარე-სამეურნეო შენობებისა, აღჭურვილია სხვადასხვა მოწყობილობით, რომელიც კარგად ახასიათებს იმდროინდელ კომუნალურსა თუ სანიტარულ-ჰიგიენურ კულტურას (აბანო, წყაროს წყლის მომყვანი მილსადენი, ბუხარი და სხვ.). შეგვიძლია ვივარაუდოთ, რომ სასახლეებს თან ახლდა ხოლმე მრავალრიცხოვანი მომსახურე პერსონალი, რომელიც იქვე ახლოს ცხოვრობდა (საკმაოდ კარგად ჩანს ეს ნადარბაზევში, სადაც მათი ნასახლარები გალავანს გადაღმაა, ასიოდე მეტრის მანძილზე).

მეორე მხრივ, უნდა აღინიშნოს, რომ ჩვენთვის ცნობილი სასახლეები (გეგუთისაც კი), რომლებიც თავისთავად საერო ხუროთმოძღვრების საუკეთესო ნიმუშებია, ჩამოუფარდებიან იმავდროული საეკლესიო ხუროთმოძღვრების პირველხარისხოვან ძეგლებს.

ამ მხრივ ეგებ უფრო უახლოვდებოდეს საეკლესიო ნაგებობებს ისეთი საერო ნაგებობა, როგორიცაა გელათის აკადემია, რომელსაც თითქოს უკეთესა გარეგანი სამკაული უჩანს. შესაძლოა ამის მიზეზი ისიც იყოს, რომ აკადემია სამონასტრო კომპლექსში შედიოდა და მის ასე შემკობას თუნდაც მხატვრული მთლიანობის საჭიროება მოითხოვდა.

შ ი ნ ა ა რ ს ი

წინასიტყვაობა	3
შ ე ს ა ვ ა ლ ი	
არქეოლოგიური კვლევა-ძიება საქართველოში	5
თ ა ვ ი I	
ძვის ხანის არქეოლოგიური ძეგლები	21— 67
§ 1. ქვედა პალეოლითი	21
§ 2. ზედა პალეოლითი	35
§ 3. ახალიქვის ხანა . . .	53
თ ა ვ ი II	
ვენეოლითური ხანის არქეოლოგიური ძეგლები	68— 88
§ 4. ვენეოლითური კულტურა	68
თ ა ვ ი III	
ბრინჯაოსა და რკინის ხანის არქეოლოგიური ძეგლები	89—222
§ 5. ადრეული ბრინჯაოს ხანა	89
§ 6. შუაბრინჯაოს ხანა	107
§ 7. გვიანბრინჯაოს ხანის ძეგლები დასავლეთ საქართველოში	129
§ 8. გვიანბრინჯაოს და ადრეული რკინის ხანის ძეგლები აღმოსავლეთ საქართველოში	155
§ 9. განვითარებული რკინის ხანის ძეგლები რიონის სათავეებში	190
§ 10. ბრინჯაოსა და რკინის მეტალურგიის საწყისი საფეხური	206
თ ა ვ ი IV	
ანტიკური ხანის არქეოლოგიური ძეგლები	223—329
§ 11. ანტიკური ხანის არქეოლოგიური ძეგლები დასავლეთ საქართველოში	223
§ 12. ანტიკური ხანის ძეგლები აღმოსავლეთ საქართველოში	251
§ 13. გვიანანტიკური ხანა	301
თ ა ვ ი V	
შოშლუსი ხანის არქეოლოგიური ძეგლები	330—393
§ 14. ადრეშოშლუსი ხანა	330
§ 15 შუაშოშლუსი ხანა	361
შ ი ნ ა ა რ ს ი	395

რედაქტორი ა. აფაქიძე

გამომცემლობის რედაქტორი ც. ცერცვაძე

ტექნიკური რედაქტორი შ. დოლიძე
კონტროლიორ-კორექტორი მ. ინასარიძე
კორექტორი ლ. ჯამცეშელიძე

*Апакიძე Андрей Мелитонович, Берძენიშვილი Нина Захарьевна,
Гობეძიშვილი Герман Феодорович, Джапаридзе Отар Михайлович,
Калანდაдзе Александр Несторович, Ломтатиძე Георгий Александрович,
Хоштарია Нина Виссарионовна*

Археология Грузии

(На грузинском языке)

**Изд-во ТГУ им. Сталина
Тбилиси
1959**

შევეთის № 1462

შე 01593

ტირაჟი 5.000

გადაეცა წარმოებას 16/X-59 წ. იელმოწერილია დასაბეჭდად 24/XII-59 წ.
ანაწილობის ზომა 7×11. ქალაქის ზომა 70×108. სასტამბო ფორმათა რაოდენობა 40,25. სააღრიცხვო-საგამომცემლო ფორმათა რაოდენობა 33,28.

შპსი 20 შპს.

სტალინის სახელობის თბილისის სახელმწიფო უნივერსიტეტის
, გამომცემლობის სტამბა, თბილისი, ი. ჯავახიშვილის პროსპექტი, 1.
Типография Издательства ТГУ им. Сталина, Тбилиси, проспект
И. Чавчавадзе, 1.

შეცდომების გასწორება

ბეჭედი	სორიქონი		არის	უნდა იყოს
	ზემოდან	ქვემოდას		
14	—	12	სკანდენსა	სკანდენსა
18	—	10	ე. ი. ყველაზე	ე. ი. ერთერთი ყველაზე
20	—	8	ზედა პალეოლითი, სპილენ- ძის ხანა	ზედა პალეოლითი, ნეოლი- თი, სპილენძის ხანა
36	14	—	ფორნეს	ფორნეს
59	—	17	კამპანიის	კამპანიის
95	7,22	—	აბაძესკაია	აბაძესკაია
147	—	1	ოთხი	ოთხი
260	1	—	თაზარული	თაზარული
302	—	9	ან	ამ